

titur. Hoc jus atque hæc præscriptio fiscalis veteribus incognita fuit, uti liquet ex *l. nec Callan. 13. §. item si quis 9. de hæc. pet.* Jus Canonum eam improbat *c. placuit. 16. q. 3.* nec apud nos recepta Zypæ. *notit. jur. Belg. tit. de*

*præscript. Christin. vol. 4. decis. 82. n. ult.* ubi etiam alios allegat, qui tradunt, hunc §. & *tit. C. de quadrienn. præscript. in usu non esse.* Aliud tamen visum Groenevv. *hic tract. de legib. abrog. arg. decis. 15. cur. Holland.*

## TITULUS SEPTIMUS.

## DE DONATIONIBUS.

*Dig. Lib. 39. Tit. 5. 6. C. Lib. 8. Tit. 54. Nov. 162.*

*Absolutam inter vivos donationem ad acquisitiones juris gentium pertinere.*  
*Sitne donatio modus acquirendi, an titulus, si-  
 ve causa.*  
*Series hujus tituli.*

USUCAPIONEM, de qua proximè egimus, esse modum acquirendi jure civili extra controversiam est: utrum autem donatio quoque eò pertineat, ambigitur. Et quidem absolutam inter vivos donationem, quæ traditione perficitur, & potissima donationis species est, nemo opinor, tam est excors, qui juri civili adscribendam putet. Quid enim habet illa à jure civili, quod ad formam ejus aut perfectionem pertineat? Quid tam naturale est quàm hominem homini bene facere? Ad liberalitatem natura propensissimus, testibus Cic. in *Læli.* & Sen. in *lib. de benef.* Antiquitas nihil aliud existimavit esse Deum, quàm prodesse mortalibus. De quo Desiderius nos- ter in *Cibiliad.* Ad hæc, nihil magis rationi naturali convenit, quàm voluntatem domini suam in alium transferentis ratam haberi, Demost. *aderf. Leptin.* ex causa liberalitatis id stat, an ex qua alia, nihil refert, auctore ipso Justiniano §. *per traditionem. 40. sup. de rer. div.* ubi nominatim etiam donationem refert inter causas acquisitionis juris gentium. An vel apud Sinas aut Japonas credimus nullum esse exercitium liberalitatis, nullum donatio- nis usum? At inquis, lex Cincia supra modum donare prohibuit: & nunc donatio ex- cedens summam 500. solidorum insinuanda est. Quid tum postea? Lex Fusia Caninia vetat ultra præscriptum numerum manumitte- re, an ideo manumissio ex jure civili est? Qua- rumdam rerum vetita est distractio, an idcir- co emptio, venditio, contractus juris gen- tium non est, sed juris civilis? Planè cum ne- cessitas insinuandi donationem, quæ excedit prædictam summam, à jure civili sit, con- cedo, tantæ quantitatis donationem, utpote

quæ jam sola voluntate & traditione donan- tis non perficitur, posse referri inter modos acquirendi jure civili, *arg. l. 6. de just. & jur.* ut tamen non meri juris civilis habeatur, sed mixti, & maximam adhuc partem naturalis: aliæ autem omnes, quæ quantitatem legiti- mam non excedunt, juris merè naturalis, si- ve gentium manent. Quomodo ergo defendimus methodum Justiniani? Nimirum si dicamus, Justiniano principaliter propositum esse tractare de donationibus impropriis, mortis cau- sa, & propter nuptias: quæ ad jus civile non ineptè referuntur, ut postea palam fiet. Hoc autem ipsa series tractationis ostendit, cujus initium à mortis causa donatione capitur: cum alioqui converso modo de donatione ve- ra & absoluta primo loco agendum fuisset, uti factum est in *Pand. & Cod.* Occurrit hic & aliud dubium, si- ne scil. donatio modus ac- quirendi domini, an solummodo titulus si- ve causa, ut emptio, dos, permutatio. Nam ratio ordinis exigit ut dicamus, esse acquirendi modum: contra vero causam tantum ac- quirendi esse, probat *d. §. per traditionem. 40. de rer. div.* Verùm hoc non adeo difficile ex- peditur est. Etenim donationis verbum duobus modis accipitur. Uno modo propriè pro ipsa donatione, quando scil. liberalitatis exercen- dæ gratia aliquid alicui tradimus, & actum in accipientem transferimus, ut simul & causam tradendi & traditionem ipsam includat. Nam propriè donare nemo intelligitur, nisi qui & tradat: unde donare & dare promiscuè Juris- consultus usurpat, *l. 1. hoc tit. & donatio dicta quasi donatio, l. senatus. 35. §. 1. de mort. caus. don.* unde & Papinianus, *l. 23. de donat. int. vir. & ux.* donationem distinguat à stipu- latione donationis causa facta. Altero modo metonymicè pro conventionione de dando, cum quis donationis causa aliquid promittit, *l. 2. l. 12. l. cum qui. 22. eod.* Priore sensu accepta donatio modus est acquirendi domini: poste- riore non dominium, sed obligationem parit,



rationemque contractus & tituli habet, *d. l. 22.* Merique magno molimine magnas hic nugae agunt. VINN. Ast nescio, an ipse Auctor rem confecerit. Ego ita sentio. Tribonianus hic sequutus est proculdubio ordinem Cajii. Ejus autem tempore donatio omnino erat modus acquirendi dominium civilis. Nam tunc ex lege Cincia de donis & muneribus non valebat donatio, nisi interveniret mancipatio solemnis & traditio. Fr. Brummer, *ad l. Cinc. cap. 13.* Conf. *Novell. 162. cap. 1.* Postea Antoninus Pius nudam voluntatem sufficere voluit in donationibus inter parentes & liberos. *l. 4. C. Theod. de don.* Idem de donationibus inter conjuges sanxit Antoninus Caracalla, *l. 32. §. 1. ff. de don. int. vir. & uxor.* Constantinus M. postea literarum fide donationes fieri posse, concessit, modo postea sequeretur corporalis traditio, *l. 1. C. Tb. de don.* Remifere has Scripturas Theodos. & Valentinianus AA. sed ita, ut *alia idonea documenta* adhiberentur. *l. 29. C. de donat.* Denique Justinianus & nudam promissionem valere jussit, *l. 35. & 37. C. de donat.* Ex brevi hac juris hujus historia patet, rectè Cajum, aut quemcumque sequutus est Tribonianus, donationem retulisse inter modos acquirendi, eosque civiles, ob necessariam in donatione mancipationem, & traditionem. At minus rectè Tribonianus putavit hunc ordinem servari posse, quia saltim quædam donationis species, puta donatio mortis causa hunc referri possit. Conf. Averan. *Interpret. Lib. 1. cap. 29.* HEIN. Initio hujus tituli proponitur donationis divisio: deinde explicantur species, non omnes quidem, sed tres tantummodo, hoc ordine. Primùm agitur de donatione mortis causa; deinde de donatione simplici inter vivos; tum de donatione propter nuptias. Ad extremum subjicitur modus antiquus acquisitionis civilis ex causa lucrati-  
va per jus accerscendi.

### TEXTUS.

#### De Donatione.

*Est & aliud genus acquisitionis, donatio. Donationum autem duo sunt genera mortis causa, & non mortis causa.*

### NOTÆ.

*Rubr. Donationibus*) Donatio est, cum quid nullo jure cogente conceditur, *l. 29. hoc tit.*

*Acquisitionis*) Civilis scil. ut ordo arguit. At eò tantum referendæ donationes impro-

priæ, mortis causa & propter nuptias, de quibus hic principaliter tractatur; non illa aboluta inter vivos. Nam res suas quibusve donare apud omnes gentes jus potestatisque est, *§. 40. sub. de rer. div. Demosth. adv. Leptin.*

*Donatio*) Donatio propriè est doni datio. *l. 1. D. b. t. l. 35. §. 1. De mort. caus. don. Estque modus acquirendi, quoniam & cautionem tradendi includit, & ipsam traditionem. Cum autem accipitur pro conventionem de dando tituli seu causæ tantum rationem habet, §. 40. sup. de rer. div.*

*Duo genera*) Utriusque tamen generis plures sunt species, *leg. 8. D. b. t. l. 2. l. D. de mort. caus. don.*

### COMMENTARIUS.

RECTIOR fortassis erit divisio, si dicamus donationem aliam esse propriam, aliam impropriam, *l. 1. hoc. r.* est enim donatio eorum generum numero, quæ *προς τινος* dicuntur, nec pariter subjectis speciebus omnibus conveniunt. Donatio propria, quæ & vera atque absoluta, *l. senatus. 35. §. 2. de mort. caus. don.* est, cum quis solius liberalitatis gratia sic aliquid dat, ut statim velit accipienti fieri, neque ullo casu ad se reverti, *d. l. 1. & d. l. senatus. 35. §. 2.* Impropiæ donationis variæ sunt species. Talis est donatio propter nuptias, de qua *§. 3. inf. eod.* Tales sunt donationes omnes, quæ sub modo, causa, conditione fiunt, *tit. C. de don. quæ sub modo.* & in speciem incidunt contractuum innominatorum, do ut des, do ut facias: item remuneratio. In quibus omnibus pro modo & quantitate retributionis propius aut longius à vera donatione receditur. Sic item quod honorari nomine datur pro officio & opera præstita, & in factis, quæ locari solent, merces diceretur, in speciem meræ donationis non cadit. Qui donari non videtur, nisi quod nullo cogente conceditur, *l. donari. 29. hoc tit. το χαλκός ἀπέχρηστος δίδωμι.* Harmenop. *lib. 3. tit. 1.* Et hoc est, quod DD. tradunt, donationem remuneratoriam propriè donationem non esse, *per hoc jure. 19. §. 1. l. Aquilius. 27. eod.* Talis denique donatio mortis causa, propterea quod ex casu resolvitur, atque adeo ex pœnitentia revocari potest.

### TEXTUS.

#### De mortis causa donatione.

*1. Mortis causa donatio est, quæ propter mortem*



fit suspitionem, quum quis ita donat, ut si quid humanitas ei contigisset, haberet is, qui accipit; sin autem supervixisset, is qui donavit, reciperet; vel si eum donationis poenitisset, aut prior decesserit is, cui donatum sit. Haec mortis causa donationes ad exemplum legatorum redactae sunt per omnia. Nam cum prudentibus ambiguum fuerat, utrum donationis an legati instar eam obtinere oporteret; & utriusque causae quaedam habebat infirmitas, & alii ad aliud genus eam retraherant; à nobis constitutum est, ut per omnia fere legatis connumeretur, & sic procedat, quemadmodum nostra constitutio eam formavit. Et in summa mortis causa donatio est, quum magis se quis velit habere quam eum, cui donat, magisque eum, cui donat, quam heredem suum. Sic & apud Homerum Telemachus donat Piræo:

Παραί, ἔ γάρ τῆς ἡμέρας ἕκαστος ἔστι τὰδε ἔργα,  
 Εἰκει ἐμὸ μιν κῆρες ἀγῆνορες ἐκ μεγάρουσι  
 Λαθεῖν κτείναντες πατρίαια πάντα δάσσοται  
 Ἄποτ' ἔχουσα σε βύλομ' ἐπαορέμεν, ἢ τινα ταρδε,  
 Εἰ δὲ κ' ἔγωγ' ἔτυβοις φόνου καὶ κῆρα φουτέσσα,  
 Ἄ τι τ' ἐμοὶ χαίροισι φέρει πρὸς δώματα χαίρων

Hoc versus sic vertere licebit.

Cum, Piræe, homines lateant secreta futuri,  
 Si me forte proci sceleratis ad Styga mittant  
 Insidiis, patriasque velint ercisere prædas;  
 Hac ego præ reliquis multo tibi cedere malim.  
 Sin ego eos justis prosternam cladibus ultor,  
 Hac mihi tu gaudens media inter gaudia reddas.

## NOTÆ.

1. Mortis suspitionem.) Vel solam etiam cogitationem mortalitatis ex sorte humana, l. 2. & aliquot seq. l. 35. §. 4. D. de mort. caus. don.

Cum quis ita donat.) Hoc expresso scilicet in extremis vitæ quis constitutus sit: alioqui non tam mortis causa, quam moriens dedisse videtur, l. 42. in fin. eod.

Si quid humanitas.) Quo verbo mors significatur, l. 26. pr. depof.

Eam formavit.) Ut quinque adhibeantur testes: qui numerus legitimus in omni ultima voluntate, excepto testamento, l. ult. §. ult. C. de codicill.

Quam heredem suum.) D. l. 1. 35. §. 1. D. hoc tit. Apud Homerum) Odyss. 17. v. 77. Hic locus arguit, etiam mortis causa donationem rationem facti juris gentium esse.

## COMMENTARIUS.

Ex verbis donatoris æstimandum an donatio

facta sit ob suspitionem mortis: & citra talem suspitionem mortis quoque causa rectè donari.

2 Quibus in rebus similitudo hujus donationis convenientia cum legatis cernatur.

3 Quibus in rebus dissimilitudo & discrepantia.

Quæ propter mortis fit suspitionem) Cum quid metu mortis vel ex præsentis vel ex futuro periculo donatur; puta si donator gravi morbo laboret, si periculosam peregrinationem vel navigationem suscepturus sit, si iturus in militiam, si grassetur pestilentia, &c. l. 2. & aliquot. seq. l. senatus. 35. §. mortis. 4. hoc tit. de mort. caus. don. Cæterum an propter mortis suspitionem donatio facta sit, ex verbis donatoris æstimandum est. Nec enim sufficit ad hanc donationem, à moriente aut in periculo mortis posito quid donatum esse, nisi verbis declaraverit, se ob metum propinquæ mortis donasse: alioqui non tamen mortis causa, quam moriens donasse censetur, l. si mortis. 29. l. Seja. 42. in fin. eod. D. Tuld. com. hic cap. 4. Hodie tamen in dubio mortis causa factam præsumi, & in Gallia sic judicatum referunt Autum. conf. jur. ad d. l. 42. & Bugn. lib. 5. d. l. abrog. cent. 16. fac. l. fulcimus. 43. eod. etiam extra suspitionem ullius periculi & à sano atque in bona valetudine constituto mortis causa rectè donatur, sola cogitatione mortalitatis ex sorte humana, d. l. 2. & d. l. 35. §. 4. eod. Sed itidem verbis hoc declarandum, ne aliàs pura & simplex habeatur donatio. Quod si considerasset Hermannus, abstinuisset, credo, à reprehensione Jurisconsultorum, Juliani, Ulpiani, Pauli; neque tam temere pronuncianset, nullam esse mortis causa donationem, cujus non mortis periculum causa sit. Si Titio centum donativo præstanda post mortem, donatio inter vivos est: nam tempus adjectum differendæ solutionis causa ad substantiam donationis non pertinet. Unde legi Falcidiæ in ea donatione locus non erit, uti memini me ex facto consultum respondisse. Add. Fachin. 5. contr. 22. Non solum aures suæ mortis causa donare quis potest, sed etiam alterius, puta filii, fratris, sororis l. 11. l. mortis. 18. hoc tit. de mort. caus. don. l. 3. C. eod.

Quum quis ita donat) Dupliciter autem quis sic donat, vel ut statim rem faciat accipientis, vel ut tunc demum, cum mors fuerit intersecuta, d. l. 2. eod. Posteriore casu ad revocandam donationem competet donatori directæ in rem actio, sive poenitentia ductus donationem infringere velit, sive periculum, quod



quod metuebat, evaserit, *l. si mortis. 29. eod.* Priore conditionem habet, *l. senatus. 35. §. 3. eod.* habet & utilem in rem adversus quosvis possessores *leg. qui mortis. 30. eod.* sublatoque periculo aut præmortuo eo, cui donatum est, fortassis etiam in rem directam, quasi donatio ipso jure resoluta, *d. l. 29. add. Gomez. 2. resol. 4.*

*Si quid humanitus*) *Αὐθραπὴς τῆ.* Si quid humanum *l. 26. per depof.* Veteres omnis causa sic loquebantur: *Si quid mihi acciderit, ἢ τῆ συμβῆ, ἢ τῆ πᾶσχα, pro, Si moriar. l. 162. §. 1. de verb. sign.* Abstinebant à mortis vocabulo tamquam ominoso.

*Sin autem supervixisset, &c.*) Tribus casibus mortis causa donatio fit irrita; si donator salvus evaserit; quòd hic dicitur *supervixerit*; si donationis eum pœnituerit; si donatario supervixerit, *l. mortis. 16. d. l. 29. & seq. eod. l. non omnis. 19. de reb. cred.* Si salvus evaserit, sic accipe, licet donatarius adhuc vivat. Si supervixerit donatario sic, etsi periculum adhuc duret, cujus contemplatione donatio facta. Planè si quis sanus & valens extra suspensionem alicujus periculi sola cogitatione mortalitatis commotus donaverit; non puto irritam fieri donationem, si forte donator morbum aliudve periculum, in quod postea incidit, evaserit: nam nihilominus causa donandi manet, Soar. *in recept. lit. D. num. 29. D. Tuld. comm. hic c. 5.*

*Ad exemplum legatorum redactæ sunt per omnia*) Fere scilicet: quam particulam mox etiam ipse exprimit, cum constitutionis meminit, qua hæc exæquatio facta est. Intelligit autem, *l. ult. C. hoc tit. de mort. caus. don.* qua quidem hanc donationem ad similitudinem legatorum revocat: cæterum non simpliciter & per omnia, sed *κατὰ τῆ* & maximè ratione effectorum. In aliis verò magna adhuc dissimilitudo est: de quo habebimus, quod certo statuamus, si res hæc inductione utriusque generis exemplorum declaretur. Similitudo hujus donationis & convenientia cum legatis in his cernitur.

1. Quòd quemadmodum in omni voluntate, quæ testamentum non fit, quinque testes desiderantur, *l. ult. §. ult. Cod. de codicill.* ita & in mortis causa donatione, idque ad solemnitatem actus, *l. ult. Cod. hoc tit.*
2. Quòd, sicut legata à vivo testatore revocari possunt, nec quicquam suprema voluntate relictum valet, nisi post mortem relinquentis, ita & hanc donationem pro arbitrio revocare liceat, nec prius rata aut perfecta habeatur, quam mors donatoris inlecuta sit, *l. si mortis 29. & l. seq. l. non videtur 32. hoc tit.*
3. Quòd, sicut domi-

nium rei legata statim à morte testatoris transiit in legatarium, ita res mortis causa donata nec ante tradita statim à morte donatoris in donatarium, *l. 2. de Pub. in rem act.* Hæc sufficientiunt, ut donatio mortis causa numeretur inter acquisitiones civiles. Illud autem fallium est, quod Glossa, Bart. Castr. in *l. qui mortis 30. hoc tit.* tradunt, & sequitur Gomez. *2. resol. 4. n. 20.* Dominium rei mortis causa donata statim ut donatio facta est, transire, etiam si traditio nulla secuta sit. Nam si cum contractibus hanc donationem conferre placet, explorati juris est, ex contractu nullo citra traditionem dominium transferri; si cum legatis, constat, dominium rei legata demum post mortem testatoris in legatarium transire.

4. Quòd sicut legatario substitui potest, ita & nostro donatario, *l. 1. C. eod. §. 5.* Quòd hæc donatio perinde ut legata lege Falcidia immutatur, *l. Seja 42. §. 1. hoc tit. l. 2. Cod. eod.*
6. Quòd in ea locum habet jus accrescendi inter conjunctos in eamdem rem, *l. un. l. hæc autem 14. C. de cad. toll.* Gomez. *1. resol. 10. num. 7. 7.* Quòd quemadmodum conjux conjugi legare, ita & mortis causa donare potest, *l. 9. §. ult. & ll. seqq. de donat. int. vir. & ux.*
8. Postremò quòd in hoc genere donationum non opus est insinuatione, *l. ult. C. hoc tit.* Dissimilitudo & discrepantia elucet in his.

Quòd mortis causa donatio sic fieri potest, ut nullo casu revocetur, *l. si alienam 13. de mort. caus. don.* quod secus est in legatis, *l. si quis 22. de legat. 3. l. 4. de adim. legat.* Quamquam fatendum est, talem mortis causa donationem naturam mutare, & effectus esse donationem inter vivos, *l. ubi ita 27. eod.* Idque eleganter ostendit D. Joan. Decker *dissert. 1. n. 40. & seq. 2.* Quòd donatio hæc ab additione hæreditatis sicut legatum non pendet, sed sola morte confirmatur donantis, *l. non videtur 32. eod. fac. l. 5. §. qui mortis 17. de his que ut indig. Clar. lib. 4. §. donatio, qu. 5. n. 2. 3.* Quòd donatio in singulos annos una est, legatum tale multiplex: itaque illa ad hæredes pertinet, at primi anni legatum dumtaxat purum est, reliquorum conditionale, quoad ad hæredem legatarium ante diem non transit, *l. senatus 35. §. ult. hoc tit. l. 4. de ann. legat.*

4. Quòd in mortis causa donationibus, an quis capere possit, non donationis, sed mortis tempus inspicitur, *l. in mortis 12. hoc tit.* cum in legatis etiam tempus facti testamenti spectetur, *l. in extraneis 4. infr. de her. qual.*
5. Quòd donatio fit inter duos, legatum autem proprie voluntatem unius testatoris nihil desiderat: unde legatum etiam in absentem & ignorantem con-



conferri potest, donatio autem à præsente in præsentem conferenda, *l. inter mortis* 38. *hoc tit.* aut utique in absentem per nuntium aut literas, ut sciat, & donationem accipiat, *l. 10. eod.* Mantic. *de conjecl. ult. vol. l. 8. tit. 1. num. 36.* Quòd si quis absenti & ignoranti se donare quid simpliciter dixerit, defenditur donatio jure fideicommissi ex communi interpretum sententia. His de causis donatio hæc naturam contractus habere dicitur, *d. l. senatus* 35. §. 3. unde etiam illud est, quòd filiuliam. consensu patris mortis causa donare potest, quamvis testamentum facere non possit, nec permitte patre, *l. tam is* 25. §. 1. *eod.* Vulgo DD. sic distinguunt, donationem hanc habere naturam contractus, cum in esse producitur: effectu autem, & cum in esse producta est, rationem ultimæ voluntatis. Cæterum hoc per omnia verum non esse, tum numerus restium & remissio insinuationis liquido ostendit, tum quòd hæc donatio non pendet ab additione hæreditatis.

Cum prudentibus ambiguum fuerat ) Familiare Justiniano est, cum quid quasi novum constituit, veterum Jurisconsultorum allegare ambiguitatem, in quo tamen sæpe fallitur & fortassis etiam hoc ipso loco. Sanè in responsis veterum nullum hujus ambiguitatis vestigium apparet. Tradunt illi, quòd hic à se factum ait Justinianus, donationes mortis causa ad exemplum legatorum esse revocatas, *l. Marcellus* 15. *l. illud* 27. *eod. l. 2. de Pub. in rem aut.* Mansit tamen adhuc nonnullum inter hæc discrimen, de quo inter omnes convenit, ut ex aliis locis patet: nec hoc discrimen à Justiniano sublatum est.

Magis se quis velit habere, &c. ) Ex Marciano, *l. 1. eod.* Estque hæc ratio, cur donationem mortis causa revocare liceat. In donatione inter vivos, qui donat, donatarium solum cogitat, atque illum quàm se habere mavult: in donatione autem mortis causa, qui donat se primùm & principaliter cogitat, atque amore vitæ recepisse potius, quàm dedisse mavult. In summa, se potius habere vult quàm eum, cui donat: illum deinde potius quàm hæredem suum, *d. l. senatus* 35. §. 2. *eod.*

Sic apud Homerum ) *Odysf. 17. v. 77.* ubi Telemachum ex peregrinatione reversum, quam patris Ulixis conquirendi causa susceperat, Piræus, qui comes illi in peregrinatione fuerat, monet, ut vasa illa aurea & argentea, quibus Telemachus à Menelao donatus erat, quæque secum Piræus asportarat, quæstum mittat; ancillis Telemachi se traditurum. Cui

Tom. I.

Telemachus in hanc sententiam respondet: Pirææ, quoniam incertum est, qualis harum rerum exitus sit futurus, si me feroces proci domi ex insidiis nocent, paternasque opes diripiunt; malo te vasa hæc tibi habere quàm illorum quempiam. Sin autem ego illis interitum afferam, tum verò tu lætus & gratulans mihi læto & gratulanti domum illa referes. Est & mortis causa donatio in *Alceste* Euripidis, ubi sic Hercules. *γυαίνα τὴν δὲ μὴ σῶσαι λαβῶν,* &c. Adi de hac donatione Covar. *rubr. de testam. p. 3.*

## TEXTUS.

### De simplici inter vivos donatione.

2. *Alia autem donationes sunt, que sine ulla mortis cogitatione fiunt, quas inter vivos appellamus, que non omnino comparantur legatis: que si fuerint perfecta, temere revocari non possunt. Perficiuntur autem, quum donator suam voluntatem scriptis aut sine scriptis manifestaverit. Et ad exemplum venditionis nostra constitutio, eas etiam in se habere necessitatem traditionis voluit, ut etiam si non tradantur, habeant plenissimum & perfectum robur, & traditionis necessitas incumbat donatori. Et quum retro Principum dispositiones insinuare eas actis intervenientibus volebant, si majores fuerant ducentorum solidorum; constitutio nostra eam quantitatem usque ad quingentos solidos ampliavit, quam stare etiam sine insinuatione statuit. Sed & quasdam donationes invenit, que penitus insinuationem fieri minimè desiderant, sed in se plenissimam habent firmitatem. Alia insuper multa ad uberiores exitum donationum invenimus, que omnia ex nostris constitutionibus, quas super his exposuimus, colligenda sunt. Sciendum est tamen, quòd etsi plenissima sint donationes, si tamen ingrati existant homines, in quos beneficium collatum est; donatoribus per nostram constitutionem licentiam præstimus certis ex causis eas revocare: ne illi, qui suas res in alios contulerint, ab his quamdam patientur injuriam, vel jacturam, secundum enumeratos in constitutione nostra modos.*

## NOTÆ.

2. *Perficiuntur autem*) De primo gradu perfectionis intellige, unde obligatio, & actio, non rei dominium, quod demum acquiritur præstatione promissi.

*Nostra constitutio*) *Leg. 35. §. ult. C. eod.* ubi pacto donationis causa facto verbis in præsens conceptis, veluti  *dono tibi centum aureos*, eandem vim tribuit, quam habet stipulatio, ut ex eo obligatio & actio nascatur, contra re-

Rt

gu-



gulam juris antiqui, leg. 7. §. 4. D. de pact. unde tale pactum hodie legitimum pariens conditionem ex lege per l. 6. d. tit.

Ad 500. solidos) Ad 300. primum l. 54. C. eod. novissime ad 500. l. pen. §. ult. C. eod. Sed definitum modum excedens inveniata non est, non in totum irrita, sed quatenus excedit, d. leg. 34. Nov. 162. cap. 1. §. ult. τὸ ὑπέρπλεον μὴ ἰσχυέτω. Basf. 47. tit. 1.

Nostris constitutionibus) L. 33. d. l. 34. pr. §. 1. penult. & ult. l. C. eod.

Ex certis causis) Insignis ingratitude, cujus generis causæ enumerantur quinque, leg. ult. C. d. t. Plerique addunt & aliam, supervenientiam scil. liberorum, ex l. 8. C. eod. quæ tamen constitutio tantum de donatore paterno & libertato donatario loquitur, nec à Græcis extenditur. Basf. 47. tit. 2. Harm. 3. tit. 2. Vide fusius in comment.

### COMMENTARIUS.

- 1 Plenius & planius exponitur, quomodo donatio inter vivos perficitur.
- 2 Non ex quolibet pacto donationis causa facta obligationem ex const. Just. nasci.
- 3 Errare eos, qui putant, simplex pactum donationis vi constitutionis Just. parere actionem, in rem.
- 4 Donationes, quæ insinuationem non desiderant, recensitæ.
- 5 Ad uberiorem exitum donationum à Justiniano quæ inventæ?
- 6 Neque hæredem donatoris revocare donationem, neque ab hæredibus donatarii revocari ob ingratitude: neminem ejus posse.
- 7 In l. si unquam 8. C. de rev. don. constituitur jus singulare, quod non producendum ad consequentias.

**A**gitur hic de donatione propria. Quæ alias vera, absoluta, & mera; l. senatus 35. §. 2. de mort. ca. don. l. Aquilius 27. hoc tit. alias simplex, l. si filia 20. §. si pater 3. fam. etc. l. cum multa 20. C. de don. ant. nupt. leg. pen. §. 1. C. de collat. aliâ directâ, l. donatio 25. hoc tit. C. de donat. alias inter vivos, ut hic & leg. ubi ita 27. de mort. ca. don. appellatur. Delineatissimus hanc donationem initio hujus tituli.

Quæ non omnino comparantur legatis) Hotom. Wefemb. Giphon. omnino non; ita enim esse in veteribus libris, ut sit sensus, Donationes inter vivos nullo modo comparantur legatis. Quomodo etiam legisse apparet paraphrastem Græcum; vertit enim *μὴ ἀναμύδω*. Et sunt sanè hæ donationes planè dissimiles legatis neque

natura, neque proprietatibus, neque forma, neque effectu ullam cum legatis societatem habentes. Pro tuenda tamen vulgata lectione hoc affert Pacius, quod legatum & donatio hæc in eo conveniunt, quod in utroque sit causa lucrativa, & modus acquirendi peculiaris. Quod mihi futile & valde puerile esse videtur; cum nullæ res tam sint dissimiles, quæ non in uno aliquo aut altero comparari queant.

Temere revocari non possunt) Mortis causa donatio temere, hoc est, pro arbitrio, facile & sine causa revocari potest: quippe quæ hanc in se semper conditionem habet, ut revocari liceat. Vera autem donatio natura sua irrevocabilis est, ἡ δὲ ἀπὸ τῶν δόξων ἀναπίδοτος ait Aristot. 4. top. 4. nam quod hanc etiam aliquando revocari licet, id ex accidenti est & factio donatarii pro beneficio insignem injuriam rependentis; non ex intentione donantis, utpote qui sic donat, ut nullo casu velit ad se reverti, l. 1. hoc tit. l. ubi ita 27. de mort. ca. don. Utique tamen si præscivisset donator ingratum fore donatarium, abstinuisse dubio procul à beneficio: & hinc ortum jus revocandi, de quo sub finem hujus §.

Perficiuntur autem, cum donator voluntatem suam) Poterat hæc res plenius & planius proponi, & poterat æquè paucis verbis. Ait, donationem inter vivos perfici, quum donator voluntatem suam declaravit: addendum fuerat, & donatarius eam voluntatem gratam acceptam habuit. Neque enim donatio est sine acceptione, l. absenti 10. hoc tit. l. hoc jure 19. §. 2. eod. quippe datio acceptione confirmatur: nec potest videri datum, quod non est acceptum. Et rectè in illum locum Comici, *dos est decem talenta. Accipio. Vetus interpretes, nisi, inquit, dixisset, accipio, dos non esset.* Perficitur donatio ex constitutione Justiniani solo consensu, ut emptio & venditio: non est igitur perfecta habenda, antequam eam gratam habuerit donatarius, excepto casu comprehenso l. 15. C. de sacros. Eccles. favore Ecclesiarum. Denique in omni conventionem consensum mutuum intervenire oportet. VINN. Sed ex his locis vix probari potest acceptionis necessitas. Nam l. 10. & l. 19. §. 2. ff. de don. loquuntur de acceptione reali. Locus Terentii ex Andr. Act. 5. scen. 4. v. 47. non pertinet ad pactum donationis, sed ad contractum verbalem, qui veteribus dicebatur *dotis dictio*. Vid. Antiq. Rom. nostr. lib. 11. tit. 7. §. 4. Immo nulla lege acceptionem hanc exigere pereruditata dissertatione de differentiis juris Rom. & Germanici in donatione & acceptione docuit Vir Perillustris Jo. Petrus à Ludewig, Acad. Fri-



dricianæ Cancellarius, & olim Collega mihi conjunctissimus. Neque tamen res ipsa ideo neganda, quum ex natura pactorum fluat, quod utrumque consentire oporteat in unum placitum, quod fieri aliter non potest, quam id quod donatur vel verbis, vel factis accipiendum, maximè quum non semper dona gratà sint, & sæpe locum habeat illud Severi: *Ὅτι πάντᾳ, ἢ πάντῳ, ἢ πᾶσι πάντων*. l. 6. §. 3. ff. de off. procons. HEIN. Sed & perfectio, de qua hic agitur, primus tantum gradus perfectionis est, unde donatario acquiritur obligatio & actio, non rei donatæ dominium. Etenim verè & plenè demum perficitur & consummatur donatio, doni & promissi præstatione. Eodem modo emptio perfici dicitur, simul atque de pretio inter emptorem & venditorem convenerit, §. 3. inf. de empt. & vend. At constat, eam non ante pro consummata haberi, quam res tradita & pretium solutum sit. Videtur autem Justinianus hoc loco id tantum indicare voluisse, quod ipse constituit, ex nudo pacto, donationis obligationem introducens, l. si quis argentum 35. C. hoc tit. contra regulam generalem juris antiqui, l. jurisgentium 7. §. sed cum nulla 4. de pact. Sic est; perficitur donatio aut traditione & præstatione rei donatæ, quæ vera perfectio est. Immo non prius propriè dicitur esse donatio, quam res, quæ donatur, detur ac tradatur. Nam ut ostendimus ad rubr. donatio propriè ipsam translationem rei significat, & potest etiam incipere statim à traditione, & perfici citra conventionem præcedentem. Aut conventionem, qua hæcenus perfici dicitur, quatenus ea donatorem adstringit necessitate traditionis, donatarioque in eam rem comparata est in personam actio. Conventio hujus generis una tantum olim fuit stipulatio. Justinianus autem eandem vim tribuit etiam pactio[n]i nudæ, d. l. si quis 35. §. sed si quidem 5. C. hoc tit. unde pactum donationis hodiè pactum est legitimum, arg. l. 6. de pact. & ibi Cujac. Neque tamen ex quovis pacto donationis causa interposito obligationem nasci voluit Justinianus: sed ex eo tantum, quo quis in præsentia se donare dicit, verbis in præsens non in futurum conceptis, veluti si quis dicat:  *dono tibi centum aureos*. Hæc enim verba occurrunt in d. l. 35. si donaverit, si donationem faciat feceritve, ut tradat, quod donaverit. Quod si quis donaturum se pacto promittat; manebit etiamnum jus antiquum, nec ex tali nudo pacto obligabitur, per l. præcipimus 32. in fin. C. de appell. l. sanctimus 27. C. de testam. add. Parlador. 2. rer. quotid. 3. num. 9. D. Tulden. hicc. 2. Perspi-

cue autem errant Contius lib. 1. disp. 12. Gudel. lib. 2. de jur. noviss. c. 3. dum existimant, quod Justinianus constituit, donationem etiam nudo consensu perfici, hoc non tantum eò pertinere, ut donator, qui nondum tradiderit, necesse habeat tradere; sed ut eo nomine etiam donatario competat actio in rem, quasi simplici pacto dominium ei quæsitum sit. Non enim majorem vim Justinianus tribuit, neque tribuere debuit pacto, quam stipulationi. At si stipulatio intervenerit, veterem actionem ex stipulatu relinquit: quæ utique cum in personam sit, arguit, dominium non esse translatum. Si omi[m]ta sit stipulatio, conditionem dat ex lege, d. loco, & apertius Nov. 162. cap. 1. Atqui nulla quoque conditio, quæ non sit actio in personam, §. appellamus 15. inf. de act. Denique ipse supra §. per traditionem 40. de rer. div. nominatim in proposita specie confirmat regulam traditam leg. traditionibus 20. Cod. de pact. Traditionibus, non nudis pactis, dominia rerum transferri.

Ad exemplum venditionis) Quemadmodum emptio venditio perficitur simul atque de re & pretio convenit, atque ex ea conventionem statim emptori acquiritur actio ex empto, qua venditorem compellere potest ad rem tradendam, infr. de empt. & vend. in pr. & §. 3. ita ex constitutione Justiniani, simul ac donator five scriptura, five verbis quibusvis idoneis se quid donare declaraverit, etiam si nulla intervenerit stipulatio: acceptante donatario, donatio perfecta & efficax habetur, daturque donatario conditio ex lege, qua conventus donator rem tradere cogatur. Porro an sicut emptio venditio, ita etiam pactum donationis; sit contractus: item an ut donator, ita quoque & venditor rem præcisè tradere teneatur; an liberetur præstatione ejus, quod interest; inquirent non est hujus loci. Illud constat, non eandem esse præstationem donatoris & venditoris; donatorem ad dandum, venditorem simpliciter ad tradendum teneri, donatorem in quantum facere potest, venditorem in solidum condemnari: hunc teneri nomine evictionis, illum non item, l. 18. §. ult. hoc tit. Neque tamen ideo male donatio & venditio inter se, ut similia, comparantur. Nam in omni similitudine inspiciendus est principalis scopus atque intentio ejus, qui ea utitur: cui scopo si serviat, cætera similia sint, an dissimilia, parum refert.

Insinuari actis intervenientibus volebant, &c.) Lex civilis neminem donare aut liberalem esse vetat: cæterum prospexit, ne cujuslibet summa aut quantitatis donatio statim rata esset.



Et rectè: expedit enim Reipubl. ne quis temere patrimonium suum effusis largitionibus exhauriat; hoc enim est re sua male uti, eamque perdere. Modum donationibus primum imposuit lex Cincia, qua cautum Ulpianus tit. 1. scribit, ne supra certam quantitatem, quam tamen non exprimit, donare liceret, extra quam si conjunctis personis donaretur. Quod jus usque ad Constantini tempora duravisse videtur, per l. 3. C. Theod. hoc tit. Unde existimare licet, quantitatem lege Cincia definitam fuisse ducentorum aureorum: & donationem, quæ eam quantitatem excederet, actis fuisse insinuandam, hoc est, consignandam litteris publicis, quod Constantinus etiam custodiri voluit inter necessarias conjunctasque personas, l. 5. C. Theod. l. data. 37. C. hoc tit. Justinianus autem quantitatem auxit, primum ad trecentos, l. sancimus. 44. C. eod. deinde ad quingentos solitos l. pen. §. ult. C. eod. atque ad hanc usque quantitatem liberam donandi facultatem unicuique permisit, etiam sine donationis insinuatione. Si verò hanc summam donatio superaret, non aliter ratam eam esse voluit, quam si in acta publica relata esset. Neque tamen in totum irritam esse iussit donationem, quæ summam definitam excedens actis inserta non esset: sed tantummodo quatenus terminos legis excederet, d. l. sancimus. 34. Cod. hoc tit. Nov. 162. cap. 1. §. ult. Atque ita in plerisque locis etiamnum utimur. Gomez 2. resol. cap. 4. Perez. C. b. t. num. 35. Sande lib. 5. tit. 1. defn. 3. VINN. Multa hic cumulat auctor, nec certa satis, nec accurata. Incertum modum à lege Cincia donationibus præfinitum fuisse ducentorum aureorum; siquidem multo majores donationes à Plinio factas novimus ex ejus Lib. 6. Epist. 25. & 32. Lib. 7. Ep. 14. & alibi. Incertum ergo non minus, Constantinum vel potius Constantium Chlorum in l. 1. C. Th. b. t. legem Cinciam sustulisse, quum eam potius magis reddiderit rigidam, imposita insinuationis necessitate. Plura in eam rem præter Jac. Gothofredum, & Fr. Brumerum notavit V. C. Schulting. ad Ulpian. tit. 1. p. 561. Ego id moneo, locum Arnobii adv. gent. lib. 11. p. 91. nec de hoc capite legis Cinciae videri intelligendum, nec de altero quod in donatione solemnitate mancipationis exigebat: sed de donis & muneribus à patrono caussarum non accipiendis, quod aliquoties revocatum in usum, jam à Claudii temporibus cœpit obsolescere. HEIN.

Usque ad quingentos solidos) Quæ summa nostra moneta efficere creditur 2500. Caroleos.

Taxatur enim solidus, qui & aureus (ut patet, ex innumeris locis, & collatione sequentium, l. 5. §. Prætor ait. 6. de his, qui eff. vel deiec. cum §. 1. inf. de obl. quæ ex del. item l. pen. & ult. de in jus voc. cum §. ult. in fin. inf. de pæn. lit. item l. 8. in fin. & l. 9. de inoff. cum leg. cum ex falsis. 47. de man. test.) centum sestertiis, sive quinis Caroleis, aut duobus secutatatis sive coronatis. Grot. spars. flor. Quamquam non idem perpetuo pondus, nec constans solidi æstimatio fuit. Qua de re consulendi Budæus de ass. l. 3. & 6. Hotom. de re numm. cap. de numm. aur. Covar. de collat. vet. numm. cap. 2. Dictus verò est solidus, non quia ex puto & solido aureo erat; sed quia nummus erat integer, & ad differentiam semissium & tremissium, qui valebant dimidiam & tertiam solidi sive aurei partem.

Quæ insinuationem minimè desiderant) Harum numero sunt donationes principales, quas scilicet vel Princeps facit, vel quæ Principi fiunt, l. sancimus. 34. Cod. hoc tit. item donatio propter nuptias, Nov. 117. ubi in vulgari versione nomen sponsalitiæ largitatis sumptum pro donatione propter nuptias: nam in Græco est, ἀγαθὴ τῆν δια τῆς γάμου ἀπαρῆν, &c. Postea distinctio aliqua adhibita, Nov. 127. §. 2. auth. eo decursum, Cod. de don. ant. nupt. Præterea si quid pro redemptione captivorum, pro restitutione ædium incendio aut ruina consumptarum, aut si quid fortissimis militibus donatum sit à militum magistris, quantumque sit pretii quod donatum est, valet donatio, etiamsi auctorum auctoritate non nitatur, l. pen. in pr. §. 1. & 2. Cod. eod. De donationibus, quæ ad pietatem respiciunt, dubitarum est, aliquo privilegio hodie uti debeant, an jure communi cæterarum donationum censi. Ratio dubitandi, quia cum adhuc cæteræ donationes, quæ trecentos solidos superarent, insinuationem desiderabant; in pias causas collatæ usque ad summam quingentorum solidorum stabant etiam sine insinuatione, dist. l. 34. §. 1. Unde dicendum videtur, postquam constitutum est, ut quævis donatio usque ad 500. solidos etiam sine monumentis valida sit, d. l. pen. in fin. privilegium, quod donationes in pias causas factæ habuerunt, proportionaliter producendum esse, atque hujus generis donationes etiam sine fide monumentorum subsistere debere ad minimum usque ad solidos septingentos. Communis tamen DD. in l. illud. 19. C. de sacros. Eccles. & d. l. 34. hoc tit. sententia est, donationum ad pias causas nullum amplius esse privilegium, sed in his idem, quod in cæteris observandum,



ut si 500. solidos excedant, actis eas insinuare necesse sit, propterea quod Justinianus privilegium piæ causæ expressè non auxit, immo potius subtulisse videtur, *d. l. pen. cum sancit*, ut id, quod antea jus singulare erat piæ causæ, jus commune esset omnium donationum, quæ non simpliciter à necessitate insinuationis exemptæ sunt.

*Alia insuper multa ad uberiorem exitum donationum*) Huc refero, quod Justinianus constituit, ut majoris summæ donationes, quæ actis inscriptæ non sunt, non omnino, sed tantum quatenus legitimam summam excedunt, viciantur, *d. l. 34. §. 1. hoc tit.* Item ut plurius donationum eidem, sed diversis temporibus factarum summæ non simul affumentur, sed cujusque donationis separatim & distinctè, utque idem fiat, cum annua quantitas donator ad tempus vitæ donantis aut donatarii, *d. l. 34. pen. & ult.* Postremò quod rejici jusit verba, quæ in donationibus poni solita erant, *sestertii, nummi unius, assium quatuor, &c. l. ult. C. eod.* nam antea etiam in donationibus adhibenda erat imaginaria venditio, seu mancipatio, quoties scilicet res, quæ donabantur, erant mancipi: alioqui earum rerum dominium ex jure Quiritium in accipientem non transferebatur. Quam ob causam qui volebat donare, cogebatur simulare venditionem, & dicis causa unum nummum accipere, ad *Cont. 1. disp. 16.*

*Si tamen ingrati*) Simplex & mera donatio temere, ut supra dictum est, revocari non potest: non sola pœnitentia, ut donatio mortis causa, ac ne ob quamlibet quidem ingratitude donatarii. Cæterum si insignis sit illius ingratitude, & talis, quæ scelere affinis sit aut conjuncta, etiam hujusmodi donationem revocare merito & tamquam ab indigno auferre concessum est, *l. ult. C. de revoc. don.* Poteritque eo nomine vel judicis implorari officium, vel agi conditione ex *d. l. ult.*

*Donatoribus licentiam præstitimus*) Donatoribus solis, non etiam hæredibus eorum, *l. his solis. 7. l. ult. C. de rev. don.* quippe actio, quæ adversus ingratos datur ad revocandam donationem, vindictæ cujusdam & ultionis injuriæ effectum habet, & ideo personalis est, atque actioni injuriarum in hoc similis: quam constat hæredi ejus, qui injuriam passus est, non dari, *d. l. 7. junct. §. 1. inf. de perp. & temp. act.* Nec in hæredes igitur ingrati danda erit, nec si ipsi ingrati, non donatarius, extiterint, *arg. dd. ll.* Quinimmo nec videtur rectè posse objici ingratitude successori ejus, cui donatum est: longèque alia est ratio feudi,

quod non tantum primum investitum, verum etiam successores ejus ad certa officia præstanda obligat.

*Ex certis causis*) Quæ numero quinque exprimuntur *d. l. ult.* & nimirum hæ: si donatarius atroces injurias in donatorem effuderit: si illi impias intulerit manus; si vitæ ejus infidietur: si grandem jacturæ molem substantiæ & bonis donatoris ingesserit: si conventiones donationi appositæ implere nolit. Enim verò licet plures causas non enumeret Justinianus, atque ob eas tantummodo, quas exprimit, revocationem donationis permittat; assentior tamen communi DD. sententiæ, qui negant, similes & majores causas ob id excludi oportere, uti rectè iidem etiam admittunt causas alias exhæredationis præter eas, quæ enumerantur *Nov. 115. cap. 1. de quo uberius inf. de tnoff. testam.* eoque jure utimur, *Grot. 3. introd. c. 2.* Additur à DD. & alia causa revocandæ donationis, si scilicet donator post factam donationem liberos susceperit, *per l. si unquam. 8. Cod. d. tit.* Tametsi enim ea lex tantum loquatur de patrono & libertis, quorum propria & diversa prorsus in plerisque rebus ratio est, atque aliorum extraneorum; putant tamen, quorumcumque donationes eodem isto jure censendas, ut insperato succedens filiorum soboles irritam faciat donationem. Utuntur autem hoc argumento: quòd donatio facta ab eo, qui liberos non habet, videatur in se continere tacitam conditionem, si liberi ipsi postea nati non fuerint, de quibus si cogitasset donaturus fuisse credi non debeat; cum nemo præsumatur successiones alienas propriis anteponeat, *per l. cum avus. 102. de cond. & dem. l. cum acurissimi. 30. Cod. de fideicom.* Ego verò, etsi hæc sententia colorem aliquem humanitatis habere videtur, ausim affirmare, eam mentem Constantini, cujus est *d. l. si unquam. 8.* minime fuisse. Cur enim de patrono tantum locutus esset? An quia ex factò inciderat, ut de donatione à patrono facta quæreretur? Atqui generalis est constitutio ad Præfectum prætorio, non ad patronum aliquem aut certam facti speciem directa. Quoties autem lex de certis personis loquitur, quibus aliquid beneficii tributum vult, certum est, legem ad alias personas non pertinere; *l. si verò. 64. §. pen. sol. matr. l. quod constitutum. 21. de test. mil.* Est verò etiam jus illud novum constitutum contra manifestam rati onem juris communis, *l. 5. C. de obl. & act. cum similib.* ut interpretis non sit, ad alios casus & donatores extraneos id producere, *l. quod verò. 14. de*



legib. ideoque nec Græcis extenditur, *Basil.* 47. tit. 2. Harmen. 3. tit. 2. nec aliter l. 3. C. *Theod. de revoc. donat.* quæ eadem est cum d. l. 8. interpretatus est Anianus, qui Alarici Regis tempore floruit, multis annis ante Justinianum. Excutiantur omnes loci juris civilis, nullus inveniatur, qui de jure revocandi donationem propter liberos donatori postea natos loquatur: ac ne apud Justinianum quidem, qui cum liberorum jura ubique non servaverit modo verum etiam auxerit, utique hujus revocationis aliqua parte mentionem fecisset: certè ubi ex professo recenset causas revocandæ donationis, si hanc etiam pro causa generali haberi voluisset, omisurus non fuerat. Canones etiam contrarium ostendunt, c. ult. c. 17. q. 4. ubi Augustinus, laudans factum S. Aurelii Episcopi Carthaginensis, quod reddidisset donatori ob liberos ei natos, quæ ille Ecclesiæ donaverat, *In potestate*, inquit, *habebat Episcopus non reddere, sed jure fori, non jure poli.* Perperam autem ad præsentem casum trahitur species *dist. l. cum avus 120. de cond. & dem. dist. l. cum acutissimi 30. Cod. de fideic.* Nam eadem ratione revocatio rei donatæ etiam concedenda esset ei, qui cum forte unum filium haberet, donavit, & postea plures suscepit: neque quod revocatur, liberis acquiritur, sed pleno jure ad patrem revertitur, ut jam iis iterum liberum de eo disponendi arbitrium habeat. Quid quod amissa ex causa supervenientium liberorum revocatione donationis in quosvis etiam extraneos factæ nemo nisi liberis carens plenè & purè donare intelligeretur? Nam & ubi partis alicujus bonorum donatio facta est, constitutio locum habet; de quo opulentius nos *lib. 2. sel. quæst. c. 32.* Proculdubio igitur de jure verior est sententia plerorumque Neotericorum, *Connani lib. 5. comm. 10. Donell. ad dist. l. si unquam. Ant. Fab. 7. conject. 14. & 15. Bachovii in Treutl. disp. de donat. asserentium*, in solis patronis hanc revocandæ donationis speciem à Constantino introductam atque approbatam esse: quamquam contraria sententia communis est, & in praxi obtinet, ut inter alios testantur *Tiraquell. in dist. l. si unquam. Mynsing. 5. obs. 83. & secundùm hanc judicatum à Senatu Parisiensi, Papon. lib. 11. syntagm. titul. 1. de donat. §. 20. add. Christin. volum. 1. dec. 340. & vol. 4. dec. 192. cum allegat. Grot. lib. 3. introd. cap. 2.*

## De donatione ante nuptias vel propter nuptias.

3. *Est & aliud genus inter vivos donationis, quod veteribus quidem prudentibus penitus erat incognitum, postea autem à junioribus Divis Principibus introductum est, quod ante nuptias vocabatur & tacitam in se conditionem habebat, ut tunc ratum esset, cum matrimonium esset insecutum. Ideoque ante nuptias vocabatur, quod ante matrimonium efficiebatur: & numquam post nuptias celebratas talis donatio procedebat. Sed primus quidem Divus Justinus pater noster, cum augeri dotes & post nuptias fuerat permissum, si quid tale eveniret, & ante nuptias augeri donationem, & constante matrimonio, sua constitutione permisit: sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias sed propter nuptias vocentur: & dotibus in hoc exæquantur; ut quemadmodum dotes, constante matrimonio, non solum augentur, sed etiam fiunt; ita & istæ donationes, quæ propter nuptias introductæ sunt, non solum antecedant matrimonium, sed eo etiam contracto augeantur, & constituantur.*

## NOTÆ.

3. *Et constante matrim.)* Dum ne propter nuptias donatio excedat quantitatem dotis, ne fraus fiat juri publico, quo donatio inter conjuges prohibetur, l. 1. & *tor. tit. D. de dor. nt. vir. & ux. & C. eod.* Extat Justinii constitutio in l. pen. C. de don. ant. nupt.

*Nomen inconveniens)* Quia poterat constante matrimonio augeri. Nunc ex sententia Justinii & augeri, & constitui potest.

*Constituimus)* L. ult. C. eod. alia extat *Nov. 97.* ubi etiam præcipit, ut donatio propter nuptias doti omnino respondeat, tum in quantitate, tum in pactis.

## COMMENTARIUS.

- 1 *Donationes, quæ inter sponsum, & sponsam fiunt, sensim ita formatas, ut veræ donationes, & juris gentium esse desierint.*
- 2 *Quid primum circa has donationes à Constantino constitutum?*
- 3 *Quid procedente tempore ab aliis, & num. 5. Rei*



4. *Rei propter nuptias donata dominium revera in uxorem non transire.*  
 5. *Constitutionem Justin. de equalitate dotis, & donat. propt. nupt. publicæ consuetudine repudiata.*  
 6. *In Belgio propriè neque donationum propter nuptias, neque dotis usum esse.*

**D**Os & donatio propter nuptias genera sunt impropriae donationis inter vivos. Dotem ab antiquis inter donationes numeratam, testis est ipse Justin. *l. ult. C. de don. ant. nupt.* ut mirum sit, nihil de ea hoc loco tradi. Est autem dos donatio nomine uxoris in maritum collata ad onera matrimonii sustinenda, *l. pro meritis 20. C. de jur. dot.* Donatio propter nuptias vice versa est, quæ à parte mariti in uxorem, vel sponsi in sponsam confertur in securitatem dotis, & quasi remunerandæ dotis causa: unde quæ ita donantur à Græcis, *ἀντιπροσθετα* dicta sunt, hoc est, quæ vice mutua pro dote dantur, *d. l. ult. in pr.* Est igitur donatio propter nuptias veluti contraria dos mariti, *ἀντιπροσθετα* dotis uxoris: *Idem in Basilic.* Hujus donationis origo & incrementum hic ostenditur.

Quod veteribus prudentibus penitus erat incognitum) Veteribus incognita non fuere donationes ante nuptias, hoc est, quæ inter sponsum & sponsam liberalitatis & amoris gratia fieri solent, & juris gentium sunt: sed talis species donationis ante nuptias, qualis tempore Justiniani frequentabatur, veteribus incognita fuit; utpote quæ demum post translationem Imperii in Orientem excogitata est, sensimque ita formata, ut vera donatio & juris gentium esse desierit, factaque sit species donationis impropriae, & quæ omnino sit juris civilis. Sciendum enim est prioribus temporibus donationes sponsalitates, hoc est, quæ a sponso in sponsam conferebantur, vel contra à sponsa in sponsum, (nam & hoc aliquando fiebat, *l. 1. §. 1. D. hoc tit. l. 12. leg. 26. C. de don. ant. nupt.*) habitas fuisse, non tantquam nuptiarum causa, sed perinde ac si pure atque absolutè factæ fuissent, eandemque earum fuisse vim, quam habent donationes cæteræ, quæ ex mera liberalitate fiunt, nullo scilicet ut casu ad donatorem revertentur, *d. l. 1. §. 1. l. 8. cum aliquot seqq. C. de sit.* Itaque ne eo quidem casu revocare hujusmodi donationem licebat, quo nuptiæ secutæ non essent, *d. l. 1. §. 1. l. 2. & l. 12. Cod. de sit.* nisi ea lege nominatim facta esset donatio, aut id actum evidenter appareret, ut nuptiis non secutis res donatæ redderentur. Pos-

tea ex Constitutione Constantini hoc jure uti cœperunt, ut donatio omnis inter sponsum & sponsam facta intelligeretur tacitam in se habere conditionem futurarum nuptiarum, *l. cum veterum 15. C. eod. tit.* Et optima sanè ratione: nam donatio sponsi in sponsam merito præsumitur proficisci à singulari affectione, qua sponsam ut futuram uxorem complectitur, sine spe nuptiarum haud facile donaturus. Non est autem hac Constantini constitutione effectum, ut donatio interim in suspenso sit, donec nuptiæ secutæ fuerint; ita enim futurum esset, ut in eum casum incideret, à quo non posset incipere, nimirum, in donationem inter virum & uxorem, *l. 4. C. eod.* quæ jure civili semper prohibita fuit: sed ut non secutis nuptiis resolyatur, uti antea fiebat, cum id expressè cautum fuerit, *diff. l. 1. §. 1. hoc tit.* Cæterum non in omnem eventum, quo nuptiæ secutæ non fuerant, repetitionem donati Constantinus concessit; sed ita distinxit, ut si per eum eamve, qui quæve donationem accepit, steterit, quo minus nuptiæ sequerentur, donatori aut donatrici conditio daretur ob causam dati causa non secuta: sin verò per donantem factum esset, non solum donati esset retentio, verum etiam exactio, *diff. l. 15.* Quod si mors alterutrius spem nuptiarum sustulisset, tunc si quidem sponsa donasset, omnimodo & integri, quod donatum erat, repetitio foret, sive osculum intervenisset, sive non: at si sponsum; tum non aliter ipsi aut hæredibus ejus jus esset repetendi totius, quod donatum esset, quam si osculum non intercessisset: interveniente verò osculo, partem tantum dimidiam repetere licere, *l. si à sponso 16. Cod. eod.* quasi osculi jure augeatur jus sponsalium, & qui osculum accepit, quasi maritus sit, aut certè plus quam sponsum; non enim satis est *maritum osculo utari*, ut ait Fabius *declam. 279.* Porro nuptiis secutis nulla donati repetitio: sed res pleno jure atque irrevocabiliter ejus, cui donata erat, facta intelligebatur. Successit tamen donatio ante nuptias, de qua hic agitur, & quam Justinianus propter nuptias vocari voluit. Hæc fit à solo sponso, & vi atque effectu multum à præcedentibus differt. Nam primum dote, cujus remuneratio quædam censetur, in hoc similis est, quod quemadmodum uxor soluto matrimonio dotem recipit, *l. 2. sol. matr.* ita & vir donationem propter nuptias, *c. ult. x. de don. inter vir. & uxor.* Deinde nec revera ex hac donatione dominium rei donatæ transfit in uxorem: sed alia jura consequitur, veluti juris specialis hypothecæ: nam res donatæ prop-



ter nuptias pro securitate dotis mulieri spectatim obligatæ esse intelliguntur, *leg. ubi adhuc 29. C. de jur. dot. Nov. 61. c. 1.* & hic præcipuus hujus donationis finis, ut dos mulieri sit cautior: unde rectè D. Weseemb. notat, res propter nuptias donatas potius hypothecæ subjici videri, quàm verè alienari. Item hoc, ut viro temere divortium faciente donatio hæc aut tota aut pro parte lucro uxoris cedat, in quo doti quoque respondet: nam mulier sine causa justa divertens, & ipsa amissione dotis plectitur, *l. consensu 8. §. hæc nisi 4. C. de repud. Novissimè etiam hoc constitutum, ut quibus casibus maritus ex pacto dotem vel partem ejus lucratur, iisdem & uxor lucretur donationem propter nuptias partemve ejus, Nov. 61. c. 1. Nov. 91. c. 2. Nov. 97. c. 1.* Doctores vulgo etiam dominium rerum propter nuptias donatarum uxori acquiri affirmant, quos sequuntur Schneid. *hic n. 5.* & Gudel. *1. de jur. novis. 8. arg. d. leg. 29. Cod. de jur. dot. d. Nov. 97. c. 1. d. Nov. 61. c. 1. vers. non enim.*

- 4 Sed si mulier harum rerum domina efficitur, prorsus absurdè facit Justinianus, quòd jus pignoris mulieri in his constituit: item quòd nominatim marito interdicit harum rerum alienationem & oppignorationem, *Nov. 61. nec pignus quisquam habere potest in re propria, nec rem alienam alienare, aut pignori obligare.* Ratio quoque non patitur, ut hic idem de donatione propter nuptias, quòd de dote, statuamus: neque enim necesse est, ut quemadmodum res in dotem datæ marito traduntur, ita & possessio rei propter nuptias donatæ transferatur in uxorem. Quòd vel ex eo liquet, quòd fructus in re donata constante matrimonio percepti non uxori, sed marito acquirantur, ut rectè tradunt Schneid. *num. 4.* Gomez. *in l. Tauri 50. §. 3. seqq. num. 51.* Duar. *tit. sol. matr. C. de don. propt. nupt. arg. in d. l. 29. C. de jur. dot.* Nam in hos fructus mulierem sequi volumus, futurum est, ut maritus, qui solus onera matrimonii sustinet, careat omni commodo dotis, maxime postquam placuit, ut donatio propter nuptias doti & in quantitate & in pactis respondeat, *Nov. 97.* Planè Justinianus non putavit reprehendendos judices, qui pro his rebus donatis mulieri aliquando accommodaverant actionem in rem post solum matrimonium, *Nov. 61. §. 1.* sed locus ipse ostendit, eos hoc non fecisse ex ratione juris, neque directam in rem dedisse, sed utilem, quæ aliquando etiam non dominis ex æquitate conceditur. Ita ferme & D. Bachov. *hic.* VINN. Immo non opus est postrema responsione. Nam quum ipse fatea-

tur auctor, uxori in rebus propter nuptias donatis competere jus pignoris; quidni eadem habeat actionem in rem, puta quasi Servianam? An si mihi actio in rem competit, in de sequitur ut sim dominus? Idem dicendum *ad l. 29. C. de jur. dot. ubi vindicare dicitur uxor donationem propter nuptias.* *Vindicationes enim veteribus dictas esse actiones omnes in rem, vel ex §. 15. Inst. de action. manifestum est.* HEIN.

*A junioribus Divis Principibus*) Tempore Constantini hoc genus donationis ante nuptias adhuc incognitum erat; quippe qui hoc tantum introduxit, ut donatio ante nuptias, quæ antea pura habebatur donatio, tacitam haberet conditionem, si nuptiæ sequerentur, *l. 15. C. de don. ante nupt.* Secutis autem nuptiis, adhuc plenissimo jure quòd donatum erat, manebat conjugis, qui accepisset: nec à sponso solum, verum etiam à sponsa Constantiniana ante nuptias donatio fiebat, *l. 16. C. eod.* Postea placuit, ut ad donatorem soluto matrimonio revertatur, *l. ult. C. eod.* At donatio, de qua hic agitur, à solo sponso fit, nec ita unquam, ut sponsi aut uxori pleno ac perpetuo jure res donata acquiratur: alioqui non rectè Justinus permisisset, ut constante matrimonio augetur: quoniam tali augmento incidisset in donationem inter virum & uxorem. Intelligit igitur haud dubiè Imperator Principes Constantino juniores, qui pro veteri ante nuptias donatione penitus novam hanc substituerunt, quæ à solo sponso vel viro fit propter dorem & in dotis securitatem, & quæ non solum nuptiis non secutis nullius momenti est, sed nuptiis etiam secutis & postea distractis resolvitur, re donata ad virum redeunte, vel potius apud eum remanente: quia, ut modò probavimus, mulier per hanc donationem nec propriè nec verè domina constituitur. A quibus autem introducta, aut quo tempore primum recepta sit, incertum est. Illud patet, sub Theodosio juniore & Valentiniano III. jam receptam fuisse, *l. consensu 8. §. hæc nisi 4. de repud.*

*Primus Divus Justinus pater noster*) Initio donationes ante nuptias post contractum matrimonium nec inchoari nec augeri poterant. Primus Justinus, quem hic patrem suum Justinianus appellat, ut & *infr. §. pen. quib. non est perm. fac. test.* quoniam ab illo avunculo suo adoptatus fuit, permisit, ut aucta postmodum dote tunc etiam augeri posset præcedente ante nuptias donatio, *l. si constante 19. C. de don. ante nupt.* Justinianus autem etiam inchoari hujusmodi donationes post nuptias permisit, *l. ult. C. eod.* Cæterum hæc ita, ut si post con-



tractas nuptias fierent vel auferentur, dotis quantitatem minimè excederent, ne fraus fieret Senatusconsulto, quo inter virum & uxorem donatio prohibetur.

*Sed etiam constante matrimonio initium accipiunt*) Hoc à Justiniano constitutum, d. l. ult. in pr. vers. *simplices*. Adhuc donatio ante nuptias arbitraria erat, quamvis dos data esset: poteratque aut nulla constitui, aut dote minor, majorve, etiam si ante nuptias fieret, nec ulla requirebatur aut in partibus lucri, aut in quantitate, quæ utrinque conferebatur, æqualitas. Tantum pacta, quæ inter virum & uxorem fierent de lucranda dote aut rebus propter nuptias donatis ad partium æqualitatem redigi cœperant. Sic enim à Leone constitutum erat; ut quantam partem stipulata fuerat mulier sibi lucro cedere ex ante nuptias donatione post mortem mariti, tantam maritus ex dote sibi stipularetur ab uxore, l. ex morte 9. C. de pact. com. tam. sup. dot. Cui Justinianus addiderat, si pacta lucrorum paria non esse contingeret, ut major lucri pars ad minorem reduceretur, l. 10. d. tit. dist. l. ult. vers. *simplices*, quæ confirmantur adhuc, Nov. 22. Tandem Justinianus, Nov. 97. unde sumpta auct. æqualitas, C. de pact. conv. tam. sup. dot. statuit, ut non partium solum æqualitas esset, verum etiam quantitatum, atque omnimodo & in pactis stipulationibusque, & in ipsa etiam præstatione aut promissione tam dotis quam donatione ante nuptias æqualitas servaretur, utque dote vel donatione propter nuptias aucta vel deminuta, ad parem quantitatem altera vel auferetur, vel minueretur: ex quo amplius liberum non fuit donare vel non donare, aut minus dote donare. Cæterum hanc constitutionem cum sua exæquatione & donandi necessitate jam pridem repudiavit publica consuetudo, ut notant Accur. d. auct. æqualitas. Bald. Salic. in summa, d. l. ex morte. Schneid. hic n. 4. Gail. 1. obs. 36. n. 10. Quin etiam Cujac. 5. obs. 4. refert, donationes propter nuptias penitus ex usu sublatas esse. Tandem in Belgio propriè neque donationum propter nuptias neque dotium usus est, quamquam bona, quæ mulier in matrimonium conferret: dotem adhuc appellamus. Doarium autem sive dotalium, quod moribus receptum, mera donatio est, quam mortuo marito uxor percipit & lucratur: & ideo constante matrimonio neque constitui neque augeri potest, sed pactis antenuptialibus dumtaxat. Consulantur super hac re D. Neostad. de pact. ante nupt. Joan. à Sande. lib. 2. tit. 4. fere per tot. Grot lib. 1. manuduct. ad Bat. jurisp. c. 5. & Tom. I.

lib. 2. c. 11. cum 2. seqq. Pet. Greg. syntagm. 11. c. 4. Gudelin. lib. 1. de jur. novis. c. 8. De jure mariti in nobis uxoris & societate conjugali, idem d. l. 1. c. 7. de jure superstitis conjugis & lucris nuptialibus, idem d. l. 1. c. 11. l. add. D. Lamb. Goris advers. jur. tract. 1. fere per tot. Quibusdam in locis certæ partis bonorum mariti ususfructus pro doario uxori assignatur legibus municipalibus, vid. Christin. vol. 1. decis. 73. 237. 273. & illic citat.

*Sed propter nuptias vocentur*) Justinianus donationem ante nuptias appellari voluit donationem propter nuptias: quoniam & augeri eam & fieri etiam post nuptias permiffum sit, l. ult. C. de don. ant. nupt. quod non est magni momenti: & vetus nomen Rubrica Codicis retinuit. Rectius appellaretur donatio propter dotem, quod respondet vocabulo, quo Græci utuntur, quibus dicitur ἀρτιφίππ. Cæteroque & dos propter nuptias donatio est, d. l. ult.

## TEXTUS.

## De jure accrescendi.

4. Erat olim & alius modus civilis acquisitionis, per jus accrescendi, quod est tale: Si communem servum habens aliquis cum Titio, solus libertatem ei imposuerit, vel vindicta, vel testamento, eo casu pars ejus amittebatur, & socio accrescebat. Sed pessimum fuerat exemplo, & libertate servum defraudari, & ex eo humanioribus quidem dominis damnnum inferri, severioribus autem dominis lucrum accedere; hoc quasi invidiam plenum, pio remedio per nostram constitutionem mederi necessarium duximus. Et invenimus viam, per quam manumissor, & socius ejus, & qui libertatem accepit, nostro beneficio fruatur, libertate cum effectu procedente, (cujus favore antiquos legum latore multa etiam contra communes regulas statuisse manifestum est) & eo, qui eam libertatem imposuit, suæ liberalitatis stabilitate gaudente, & socio indemni conservato, pretiumque servi secundum partem dominii, quod nos defini- vimus, accipiente.

## COMMENTARIUS.

**A**lius modus civilis acquisitionis) Vel hinc apparet, superiores acquirendi modos inter acquisitiones civiles à Justiniano numerari. Subjicit autem hic pro conclusione alium civilis acquisitionis modum, sed antiquarum, & quem ipse jam antea abrogaverat, quo scilicet pars unius dominii communem servum manumittentis socio quærebatur jure



jure accrescendi. Quod jus donationi valde affine erat, quoniam & ipsum causa erat merè lucrativa: & quia dominium istius partis citra traditionem transibat ad socium, omnino hic modus pertinebat ad jus civile: estque casus quidam, quo jus accrescendi locum habebat extra causam ultimarum voluntatum. VINN. Sed suppetunt plures, veluti in usufructu, tit. ff. de usufr. accr. & in socio liberalitatis imperialis, l. 1. C. si lib. imp. soc. HEIN.

*Vindicta, vel testamento*) Meminit dumtaxat manumissi vindicta aut testamento: quia alio modo, puta per epistolam, aut inter amicos manumissus huc non pertinebat. Sic enim jus erat, ut quibus modis servum proprium manumittens civem Romanum faciebat, iisdem modis communem manumittens partem suam amitteret, eaque accresceret socio: quibus autem modis proprium manumittens Latinum faciebat, ut iis modis comunem manumittens nihil ageret, id est, neque Latin. faceret, neque partem suam amitteret, Ulpian. tit. 1. de libert. §. communem. 18. Paul. 4. sent. 12. in pr. VINN. Immo ex Ulpiani loco patet, circa manumissos per epistolam aut inter amicos discessisse veteres, & non omnes, sed plerosque tamen existimasse, manumittentem nihil egisse. Cui sententiæ & Paullus favet. HEIN.

*Et casu pars amittébatur*) Nam cum ea à domino manumisso abierit, nec tamen aut libertas communi servo ab uno è dominis in præjudicium socii sui dari posset, aut quiscquam pro parte servus pro parte liber esse, quoniam status hominis individuus est; necessario eveniebat, ut pars manumissoris, quippe quæ nullius esse non poterat, accresceret, accederetque socio: non absimili ratione, qua placet, usumfructum in jure cessum extraneo

extingui, & redire ad proprietatem, quod explicatum §. pen. sub. de usuf.

*Per nostram constitutionem mederi*) Leg. 1. C. de comm. serv. man. ubi quod in solis militibus antea obtinebat, jus commune facit sanctique generaliter, ut servus communis ab uno ex dominis manumissus liber omnino fiat, si manumissor alteri domino pretium suæ partis persolvere paratus sit. Neque inter modos manumittendi hic distinguendum, cum quævis manumissio nunc civem Romanum faciat, §. 3. sup. de libert. & generaliter loquatur Imp. d. l. 1. §. 1.

*Contra communes regulas*) Jure communi nemo rem suam vendere aliove modo alienare cogitur, l. invitum. 11. C. de contr. empt. l. nec emere. 16. C. de jur. del. Ab hoc jure in casu proposito recedendum putavit Justinianus propter favorem libertatis: neque hoc, ut novum carpendum esse, cum etiam veteres juris conditores multa pro libertate contra rationem juris constituisse notum sit, l. generaliter. 24. §. si quis. 10. de fideic. libert. Plures casus, quibus quis rem suam vendere cogitur, notavimus ad §. ult. sup. de his qui sui vel al. jur.

*Quod nos definitivimus*) Ne de pretio partis domini non manumissoris contentio esset, Justinianus servorum pretia pro ætate atque artificio, cujusque quod exerceret, certa definitivum; crescuntque à decem solidis, usque ad septuaginta, d. l. 1. §. ne autem. 5. C. de comm. serv. man. l. ult. C. de cond. insert. Quod tamen nonnulli non satis prudenter factum existimant, definitionemque pretii in singulis causis arbitrio Magistratus potius permittendam fuisse. Hujus §. nullum esse hodie usum intelligi potest ex iis, quæ diximus, l. 1. tit. de jur. person.

## TITULUS OCTAVUS.

### QUIBUS ALIENARE LICET, VEL NON LICET

#### Continuatio, atque argumentum tituli.

**E**xplicati hæcenus sunt plerique modi, quibus dominium rerum singularum nanciscimur tum jure gentium tum jure civili. In his præcipuus & modus maximè naturalis est, cum dominus rem suam ita alteri tradit ut eam velit fieri accipientis, §. per traditionem. 40. sup. de rer. div. Cæterum cum hoc non omnes qui domini sunt, jus alienandi rem suam vel etiam administrandi habeant: deinde quia quandoque

etiam contingit, ut is, qui dominus non est, dominium in accipientem transferat, eo quod alienandi potestatem à lege accepit; utrumque hoc Justinianus exemplis sibi declarandum putavit proprio titulo; quem idcirco etiam statim superioribus subjicit. In princ. & §. ult. profert exempla eorum, qui cum domini sint, jus tamen alienandi non habent; in §. 1. exemplum contrarium.



TEXTUS.

Summa tituli, de Marito, qui licet fundi dotalis dominus sit, tamen alienare nequit.

Accidit aliquando, ut qui dominus rei sit, alienare non possit; & contra, qui dominus non sit, alienandæ rei potestatem habeat. Nam dotale prædium maritus invita muliere per legem Juliam prohibetur alienare; quamvis ipsius sit, dotis causa ei datum. Quod nos legem Juliam corrigentes, in meliorem statum deduximus. Cum enim lex in solis tantummodo rebus locum habeat, quæ Italice fuerant: & alienationes inbibebat, quæ invita muliere fiebant: hypothecas autem earum rerum etiam volente ea: utriusque remedium imposuimus, ut etiam in eas res, quæ in provinciali solo posita sunt, interdicta sit alienatio, vel obligatio, ut neutrum eorum neque consentientibus mulieribus procedat: ne sexus muliebris fragilitas in perniciem substantiæ earum convertatur.

NOTÆ.

Dotale prædium) Inæstimatum scilicet: nam æstimato in dotem dati alienatio marito permessa, l. 10. §. 4. D. de jur. dot. l. 5. l. 10. C. eod. sicut & rei mobilis, l. 3. §. 2. D. de suis & legit. l. 3. C. de jur. dot. auth. sive à me. C. ad Sen. Vell.

Sexus muliebris fragilitas) Ne fragilitate suæ naturæ in repentinam deducatur inopiam, d. l. 10. §. 15.

COMMENTARIUS.

1 Prohibitionem legis Julæ ad res dotales mobiles non pertinere, neque ad ulla æstimato in dotem datas.

2 Solum maritum verum justumque rei dotalis dominum esse, plenissimè probatur, remotis omnibus objectionibus.

3 Alienandi verbum quàm latè pateat ex sententia legis Julæ.

4 Cur lex arctius prohibuerit fundi dotalis oppignorationem quàm alienationem?

5 Quantum mores nostri dissideant à jure scripto?

Dotale prædium maritus prohibetur alienare) Primum exemplum, quo ostenditur, eum qui dominus est, aliquando alienare non posse, propositum judicio dianoëtico syllogismi tertix figuræ partibus omnibus explicatis. Est verò partium metathesis, qua sublata apparebit syllogismus integer in Felapton. Maritus prædium dotale alienare non po-

test: Maritus est dominus prædii dotalis; Ergo quidam rei dominus eam alienare non potest. Ait prædium: ergo rei mobilis alienatio marito prohibita non est, quod etiam probant textus in l. 3. §. 2. de suis & legit. l. 3. C. de jur. dot. l. ult. C. de serv. pign. dat. man. auth. sive à me. §. 1. C. ad Sen. Vell. utique tamen hoc ita, si maritus solvendo est, l. 1. C. de tit. de serv. pign. & c. nam alioqui in fraudem uxoris id facere censetur, quippe cui dos deberi incipit: ex quo constat, mariti facultates ad exactiorem dotis non sufficere, etiamsi matrimonium necdum solutum sit, l. si constante. 24. sol. matr. l. si servum. 21. de manum. l. ubi. 29. C. de jur. dot. Prædium autem accipere debemus inæstimatum: nam quæ res æstimato in dotem dantur, eas omnes, sive mobiles sint, sive immobiles, libere à marito alienari posse vel ex eo patet, quòd soluto matrimonio non res ipsæ, sed pretium sive earum æstimatio in restitutionem veniat, judicio venditi, l. 10. §. si ante. 4. de jur. dot. l. 5. l. 10. C. eod. Uti- que si æstimatio facta sit venditionis causa: se- cus autem si facta sit tantum intertrimenti, i. taxationis causa, ut constat, quanti res sit, ut in l. 69. §. 7. de jur. dot. l. 50. sol. matrim. l. 20. C. de jur. dot. Errat verò procul dubio Wesembecius contendens, maritum non alias res mobiles alienare possit, quàm quæ ser- vando servari nequeunt arg. l. lex qua. 22. C. de adm. tut. Longè enim plus juris maritus habet, quàm tutor, & inutilis collectio est ex l. res in dotem. 42. de jur. dot. Rerum, quæ pondere, numero, mensura constant, maritus liberam alienationem habet; ergo cæterarum rerum mobilium non habet. Atque hoc tantum Jurisconsultus ibi docere voluit, quantitatem in dotem dari eodem jure & obligatio- ne, qualis est in mutuo.

Per legem Juliam) Quæ vulgo appellatur Ju- lia de fundo dotali, l. 1. l. 4. de fund. dot. Tul- lit hanc legem Augustus: est enim ea ipsa, quæ de adulteriis & de pudicitia dicitur, ut constat ex Paul. 2. sent. 21. atque ex inscrip- tione multorum capitum sub d. tit. de fund. dot. quippe lex illa inter alia hoc etiam caput de fundo dotali habuit conceptum in hæc ver- ba: Fundum Italicum dotalem maritus invita uxore ne alienato; neve consentiente ea obligato, l. un. §. & cum lex. 15. C. de rei ux. act. Adi Briffon. lib. sing. ad leg. Jul. de adult. ubi hu- jus legis capita, quæ quidem in libris nostris continentur, accuratè collegit & exposuit. Causa prohibitionis est favor dotium, quæ mulieribus salvas esse etiam publicè expedire creditur, quo facilius iterum virum inveniunt,



l. 2. de jur. dot. Ac tamen si soluto matrimonio maritus, hæredesve ejus dotem restituere tenentur: præstat tamen, mulierem rem habere salvam, quam in personam agere, per l. plus cautionis. 25. de reg. jur. l. 5. de susp. tut. Cæterum non de rebus dotalibus omnibus lex cavet, sed de prædiis dumtaxat; utpote quorum alienatio mulieribus maximè damnosa esse potest propter harum rerum pretium. Sed & prohibita rerum mobilium alienatione facile fieri possent; multi ut deciperentur, magnaque inde sequerentur incommoda.

2. *Quamvis ipse sit*) Maritus esse rei dotalis dominum, innumeris locis & perspicuè proditum est, l. 1. §. 1. l. dot. 13. §. 2. de fund. dot. l. 7. §. 3. de jur. dot. l. si prædium. 23. C. eod. l. quotiens. 47. §. ult. de pecul. &c. causamque dotis habilem esse transferendum dominum, non secus ac venditionem, permutationem, donationem, scriptum expressè est, §. per traditionem. 40. sup. de rer. div. & probat tit. Pand. pro dote. nam alias mulier rem alienam marito ex causa dotis tradens non transferret ufucapiendi facultatem, neque marito amissa possessione daretur actio in rem publiciana, l. 3. §. 1. de Pub. in rem act. Idem quoque arguunt effecta juris dominici propria, qualia sunt, quòd maritus solus rem dotali vindicat, l. dote. 9. C. de rei vind. quòd servus dotalis hæres ab aliquo institutus jussu mariti aut adit, aut repudiat hæreditatem, l. servus. 58. sol. matr. quòd dotali servo libertatem dare potest, l. 3. C. de jur. dot. Quibus etiam hoc argumentum accedit, quòd ne mortuo quidem marito dominium rei dotali ad uxorem revertitur, sed una cum universitate transit in hæredem mariti, d. l. 1. §. 1. de fund. dot. ut proinde ex ratione juris veteris nec ad repetendam dotem mulieri competeret actio in rem, sed tantum personalis rei uxoriæ, aut ex stipulatu. Postremò si maritus dominus rei dotalis non esset, quid opus fuit lege, qua marito interdiceretur fundi dotalis alienatio? Rectè igitur Græci in *Basil.* 47. tit. 1. τὴν πρὸς τὴν γυναῖκα ἢ ἀπὸ κέρους. Non pauca tamen huic sententiæ obstare videntur, atque uxori non marito dominium dotis asserere in l. quamvis. 75. de jur. dot. dos dicitur esse ipsius mulieris: alibi proprium mulieris patrimonium, l. 3. §. ergo. 5. de minor. l. in eum. 16. de vel. & sumpt. fund. l. 4. de collat. in l. 7. §. si fundum. 22. sol. matr. De fundo dotali disserit Jurisconsultus, quasi de re aliena respectu mariti. Maritus in rebus dotalibus dolum & culpam præstat, l. in reb. 17. de jur. dot. Penes mulierem esse dicitur etiam fundi dotalis pos-

sessio, ut satisfacere ea de causa non teneatur, l. sciendum, 15. §. 3. qui satisf. cog. Denique generaliter à Justiniano traditum est, res dotalis in dominio uxoris permanere, l. in reb. 30. C. de jur. dot. Hæc nostri non uno modo componunt. Donellus lib. 14. com. 4. putat, maritum rerum dumtaxat æstimatarum & quantitatis in dotem datæ dominum esse, corporis inæstimato dati mulierem. Vultejus *bic.* & 1. disc. schol. 19. uxorem esse dominam rei dotalis, maritum dominum juris in ea re constituti. Vaudus, 2. var. quest. 3. & Joan. del. Castil. de usufr. c. 4. marito nihil ferme tribuunt, præter jus rebus dotalibus utendi fructuendi. Robertus 3. sent. 18. dominium dotis marito concedit, proprietatem negat. Nonnulli dominium bonitarium penes maritum fuisse contendunt, Quiritiarum penes uxorem, ut Perenot. 2. animad. 2. Alii contra, illud penes uxorem, hoc penes maritum, ut Hotom *bic.* Cæterum nemo horum quicquam asserit, quòd mihi probari potest. Donelli distinctio aperte vitiosa est: nam cum per se dotis constitutio sit titulus idoneus transferendum dominium, d. §. per traditionem 40. necesse est, ut tam rei inæstimatæ in dotem datæ dominium in maritum transeat, quam æstimatæ, aut si aliena res est, ufucapiendi conditio; quòd etiam disertè traditur l. 3. §. 1. de Pub. in rem act. Hoc tantum interest, quòd dominium mariti in re dotali non æstimata minus plenum nec perpetuum est, quippe cujus rei, si immobilis est, nec alienanda, nec obligandæ jus habet, & quam ipsam soluto matrimonio restituere tenetur; nam quòd dotis causa perpetua esse dicitur l. 1. de jur. dot. id ad votum dantis referendum est, quòd ea intentione detur, ut perpetuo apud maritum sit. At rei æstimatæ dominium plenissimum atque irrevocabiliter in eum transfert, ita ut pretii tantum debitor efficiatur, nisi forte electionem sibi mulier reservaverit, l. 17. de fund. dot. l. 5. C. de jur. dot. aut intertrimentum dumtaxat causa æstimatio facta sit, ut paulo ante notatum. Idemque est cum res fungibilis in dotem data est: perinde enim nunc maritus obligatur, ac si mutuum accepisset, l. res in dotem. 42. de jur. dot. Quid quòd amissa distinctione Donelli fatendum erit, dominium rei dotalis non aliter transferri, quam si venditio aut mutuum contractum sit? quòd qui asserit, vi ipsa simpliciter negat, contra juris auctoritatem, rem ex causa dotis transferri ad dotem esse justum titulum transferendi dominii. Et vel unum hoc ad refellendum Donnellum satis est, quòd maritus dicitur domi-



mus esse illius ipsius prædii, quod lege Julia veratur alienare, *l. dotale. 13. §. 2. de fund. dot. & hoc text.* Etenim legis Juliae prohibitio ad fundum dotalem non æstimatum fere solum pertinet: ad æstimatum non pertinet, nisi uno illo & altero casu, quem supra indicavimus. Vultreji quoque distinctio tolerari non potest, & à juris ratione nimium quàm abhorret. Res ipsa in dotem data non jus aliud in ea re mariti effici dicitur, *l. 7. §. si res. 3. de jur. dot. prædium ipsum dotale mariti esse, dominium hujus prædii marito quaeri, d. l. 13. §. 2. de fund. dot. & hoc loc.* Quibus textibus atque aliis, quos supra adduximus, refutatur etiam opinio Vaudi & del Castill. Pluribus atque ex professo distinctionem Vult. confutat D. M. Lyclama. 7. membr. 26. Roberti merum commentum est, atque inauditum, alium dominium rei habere, alium proprietatem. Perenotti sententia plus coloris habet; sed tamen & ipsam falsam esse existimo. Moveor, quòd distinctio illa domini bonitarii & Quiritiarii non pendet à titulo, aut causa acquirendi, sed à genere & modo, quo res in accipientem transferebatur. Potuit ergo maritus & ex jure Quiritium habere, puta, si mancipatio aut in jure celsio intervenisset: potuit & in bonis tantum, si simplex modo traditio facta esset, & res nondum usucapta, per ea, quæ Ulpian. *tit. 1. de libert. §. qui tantum. 11.* Ac dominium quidem bonitarium semper penes maritum fuit, Quiritiarium plenum non semper, nudum numquam, in quo perspicuè errat Hotom. *fac. l. 7. §. si res 3. l. quamvis. 75. de jur. dot. l. Lucius. 21. §. 4. ad municip.* Una hujus dissidii conciliatio est, eaque simplicissima, ut dicamus, solum maritum esse rei dotalis etiam inæstimatæ verum justumque dominum: cæterum quia hoc dominium mariti perpetuum non est, sed abiturum ab eo, solutoque matrimonio, rediturum ad mulierem, (quippe cui maritus factò divortio, quod apud Romanos frequenter contingebat, dotem restituere cogitur) hujus dissolutionis ac futuræ restitutionis intuitu dotem videri non tam mariti, quàm uxoris esse, & adhuc patrimonium uxoris appellari, deque marito considerato eodem eventu. Jurisconsultos nonnunquam ita loqui tamquam de non domino, & quasi rei alienæ administratore, præsertim in *tit. sol. matrim.* Qua ratione etiam defendendum erit, quod Justinianus ait, sola legum subtilitate rei dotalis dominium in maritum transferri, naturaliter autem penes uxorem manere, *d. l. 30. C. de jur. dot.* Loquitur enim etiam de rebus æstimatis,

quas certo constat in patrimonium mariti transire, idque pleno etiam & perpetuo jure, *l. 5. C. eod.* Mirum verò non est, Justinianum sic loqui, dum scopo suo serviens colorem aliquem quaerit constitutioni suæ, qua contra rationem juris uxori pro rebus dotalibus tam æstimatis, quam inæstimatis concedit actionem in rem. Quod tamen cum Bachovio de utili in rem accipio, & quæ soluto demum matrimonio uxori detur in subsidium, ubi maritis solvendo non est.

*In rebus, quæ Italicae fuerant*) In prædiis igitur provincialibus legi locus non fuit, sed potuit maritus ea libere alienare. Quod tamen absurdum merito videri potest: & maxime post constitutionem Antonini, qua provinciales omnes civitate donati sunt, *l. in orbe 17. de stat. homin.* Nam etsi prædiorum provincialium summum jus, & dominium Quiritiarium penes possessores non erat; proximum tamen pleno dominio jus habebant, quod in quemvis alium transferre poterant, omniaque percipiebant prædiorum emolumenta, uno excepto, quòd certum vectigal prædiis impositum quotannis solvere tenebantur. Cur igitur magis in Italia, quàm in provinciis mulieribus prospectum, cum idem ubique sit, aut esse debeat, dotium favor? Existimo, non defuisse alia remedia, quibus nupturæ sibi in provinciis consulere potuerint. Lepidum verò est, quod Dionys. Gothofred. *in notis ad Theoph.* scribit, fundum extra Italiam situm per legem Juliam ne volente quidem uxore alienari potuisse. VINN. Immo nec opus fuit prohibere alienationem fundi dotalis provincialis, quippe ab emptore usucapi non poterat, adeoque soluto matrimonio semper poterat vindicari, quod secus se habebat in fundo Italico. *l. 17. ff. de stat. hom.* huc planè non pertinet. Communicato enim cum universo orbe Romano jure civitatis Romanæ, non ideo sublatum est discrimen soli Italici & provincialis, quod Justinianus demum abolevit. *l. un. C. de nud. jur. Quir. toll. l. un. C. de usucap. transform.* HEIN.

*Alienationes inhibeat.*) Alienatio dicitur omnis actus, per quem dominium transfertur, *l. 1. C. de fund. dot.* Itaque non tantum distrahi fundus dotali prohibetur, sed etiam donari, permutari, in solutum dari, legari: ac ne quidem si miles legaverit, ratum erit legatum propter legem Juliam, *l. dotalem. 16. de testam. mil.* Sed & usucapio quoque appellations alienationis continetur, *l. alienationis. 18. de verb. sign.* & ideo ad hanc quoque speciem lex Julia pertinet, *l. si fundum. 16. de fund. dot. fac. l. si ab eo. 12. de usuc. l. 7. §. qui sciens.*



*sciens. §. pro empt.* Alienatum autem proprie non videtur, quod adhuc in dominio nostro manet, quamvis venditum rectè dicatur, *l. alienatum. 67. de verb. sign.* Alienandi autem prohibitione eos quoque casus comprehendi intelligimus, quibus jus aliquod in re à dominio separatam transfertur, *l. ultim. Cod. de reb. al. non alien.* Quare nec servitutum prædii dotali maritus imponere poterit, nec servitutes prædii debitas remittere, vel amittere non utendo, *l. §. de fund. dor.* Cui consequens est, libertatem servitutis urbano prædii dotali debitæ ex cessione patientive mariti non competituram, ne per hoc prædii conditio deterior fiat, *leg. 6. eod. tit.*

*Hypothecæ earum etiam volente ea*) Lex Julia alienationes prædiorum dotalium prohibuit, quæ invita muliere fiebant; oppignorationem etiam quæ fiebant ea consentiente, *l. unic. §. cum lex. 15. Cod. de rei ux. auct.* Hoc ideo, quia facilius mulier adduci potest, ut consentiat obligationi, ubi nullum præsens periculum est, sed spes fore, ut maritus rem luat, quàm alienationi consentiat, per quam rei ipsius dominium statim in alium transfertur. Quod igitur facilius mulier concessura erat, arctius lex, immo solum prohibere voluit: ut passim videmus ea sola legibus prohiberi, quæ facile fieri possunt, cum lex ea fieri non vult, non quæ difficulter. Hac ratione Senatusconsulto Vellejano mulieri pro alio se obliganti succursus est, non donanti, nimirum quia, ut inquit Jurisconsultus, facilius se mulier obligat, quàm alicui donat, *l. 4. §. 1. ad senat. Vellejan.* Eadem ratio fuit legis Fusæ Caniniæ infinitam manumissionem in testamento prohibentis, non inter vivos, *sup. de leg. Fus. Can.*

*Utrique remedium imposuimus*) Justinianus legis Juliæ prohibitionem primùm porrexit ad prædia provincialia, *di. l. un. §. & cum lex. 15. Cod. de rei ux. auct.* quippe quorum nondum eadem causa, quæ Italicorum erat, quod effectum constitutione posteriore, *leg. un. Cod. de usucap. transf.* Deinde alienationem eodem modo, quo oppignorationem, prohibuit, ut nec illa vel consentiente muliere fieri posset: quod lex Julia permittebat, *di. leg. unic. §. & cum lex. 15. vers. cum autem.* Hæc autem prohibitio in quibusdam casibus cessare creditur, quos collegit Christin. *volum. 3. dec. 133. num. 20. & 28. cum seqq.*

*Ne sexus muliebris fragilitas*) Ratio cur legi Juliæ hæctenus derogarit, ut nec alienationem prædii dotalis, quæ cum consensu mulieris fit, valere patiatur, quia scilicet succurrendum

putavit facilitati mulierum, quæ vel fragilitate sexus, vel mariti reverentia, aut amore ductæ facile rerum alienationibus consentium accommodant, *τι γὰρ εἰς ἀπάτην ἀπλήστερον γυναικός.* Liban. *Declam. 35.* Pontifices tamen hujusmodi alienationes, si jurato mulier consenserit, firmas manere præcipiunt, *c. cum contingat x. de jurejur. c. licet mulieres, eod. in 6.* Moribus harum regionum marito dominium rerum, quæ uxor in matrimonium confert; non quaritur: sed nullis antenuptialibus instrumentis confectis bona omnia utriusque conjugum communia fiunt, ut alibi dictum. Cæterum sive facta sit bonorum communio, sive ea pactionibus exclusa, licet marito pro jure potestatis, quam maximam apud nos in uxorem habet, res ejus alienare, aut obligare, neque in eam rem opus habet uxoris consensu, nisi ea quoque potestas nominatim pactis antenuptialibus restricta sit, aut imposita bonorum separatio. Neostad. *de pact. antenupt. obs. 10. Grot. 1. introd. c. 5. & alii alleg. à Groenev. hic, tract. de ll. abrog.* Contra verò mulieres nuptæ res suas obligandi, aut alienandi jus non habent: ac neque ex contractu sine consensu maritorum inito obligantur, nisi quatenus eà obligatio spectat victum & cultum familiæ, exceptis palam negotiantibus, quæ institutorum jure utuntur, atque in negotiatione, quam exercent, se virosque suos obligandi potestatem habent, *D. Joan. à Sande lib. 2. tit. 4. defin. 3. & 4.* Non idcirco tamen minus in intercessionibus beneficio Senatusconsulti utuntur, *D. Neostad. obs. rer. jud. 18.*

## T E X T U S.

De Creditore, qui licet non sit dominus, tamen alienare pignus potest.

1. *Contra autem creditor pignus ex pactione, quamvis ejus ea res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, qui ab initio contractus pactus est, ut liceret creditori pignus vendere, si pecunia non solvatur. Sed ne creditor jus suum persequi impedirentur, neque debitores temere suarum rerum dominium amittere viderentur, nostra constitutione consultum est, & certus modus impositus est, per quem pignorum distractio possit procedere: cujus tenore utriusque parti creditorum, & debitorum satis abundeque provisum est.*

## N O T Æ.

1. *Ex pactione*) Idem est, licet pactio nulla



la interposita, l. 4. D. de pign. act. neutrum autem procedit sine prævia denuntiatione, l. 4. Cod. de distr. pign. l. 10. C. de pign. Sed et si convenerit, ne liceat vendere, adhuc tamen distrahi potest, modò trina præcesserit denuntiatio, d. l. 4. de pign. actio.

Qui ab initio pactus) Aut etiam ex intervallo, d. l. 4. D. de pign. actio. Itaque hic casus non magis huc pertinet, quàm cum procurator voluntate domini rem alienat, §. 42. sup. de rerum div. Rectius huc referas tutores & curatores.

Nostri constitutione) L. ult. C. de jur. dom. imp. ubi nova forma distrahendi pignoris prolixè præscribitur, cui locus sit, cum de vendendo eo nihil nominatim convenit.

COMMENTARIUS.

- 1 Unam saltem denuntiationem requiri, non tantum cum de pignore distrahendo non convenit, sed etiam cum convenit, ut vendere liceat.
- 2 Quid si dies solutioni adjecta, & solutio sua die facta non fuerit?
- 3 Formam vendendi pignoris à Justiniano præscriptam vix ullibi locorum observari.

**H**ic ex diverso ostenditur, etiam eum aliquando, qui dominus non est, alienandi rei potestatem habere, exemplo creditoris pignoratitii. Magis autem huc pertinent tutores & curatores, quibus res pupillorum suorum & adulatorum alienandi potestas non à domino, sed jure tributa est, l. bonæ fidei 109. de verb. sign. quamvis his non quævis permissa alienatio, nec omnium rerum absque decreto. De quo vid. l. 9. §. sicut 5. l. 12. §. 1. l. tutor 12. l. Lucius 46. §. ult. de adm. tut. l. non omni 16. l. lex quæ 22. C. eod. l. 1. & pass. de reb. cor. qui sub tut.

Ex pactione) Pertinet igitur hic locus ad alienationem pignoris conventionalis. Ait, ex pactione. Quid ergo si de distrahendo pignore nihil convenerit? Adhuc eo jure utimur, ut distrahere liceat, l. 4. de pign. act. Quin hoc ipsi naturæ pignoris inest. Atque hic casus potius ponendus fuerat, quàm cum pignus alienatur ex conventionem atque expressa voluntate debitoris, per ea, quæ statim sequuntur. Immo tantum abest, ut pactio ad alienationem pignoris necessaria sit, ut etiam si nominatim contra convenerit, ne liceret pignus vendere, adhuc tamen liceat, si modò ter (per justa intervalla, quod judex arbitrabitur, Negul. de pign. 1. membr. 6. part. principal. n. 4. Schneid. hic num. 3.) prius debitori denun-

tium fuerit, ut solvat, & cessaverit, d. l. 4. de pign. act. alioqui si numquam liceret vendere, creditori pignus esset inutile, ut adeo tale pactum sit contra naturam pignoris. Enim vero nec illo casu, quo nihil de distrahendo pignore actum est, absque præcedente denuntiatione pignus vendi potest, sed una tantum denuntiatio sufficere putatur, arg. d. l. 4. de pign. act. l. 3. C. de jur. dom. imp. l. 4. C. de distr. pign. l. debitoribus 18. C. de adm. tutor. quamvis etiam hoc casu tres desiderare videatur Paulus 2. sent. 13. Hoc amplius putarem cum Castrenf. ad d. l. 4. Negul. 1. membr. 6. part. pr. n. 1. Schneid. n. 2. contra Gloss. Salic. in l. 1. C. de distr. pign. Wesemb. hic, etiam tunc unam saltem denuntiationem requiri, cum expressè convenit, ut pignus vendere liceat: cum nec ante debitor constituitur in mora. Estque in eam rem textus apertius in d. l. 3. §. 1. C. de jur. dom. imp. & jure quoque veteri sic obtinuisse liquet ex l. debitoribus 10. C. de pignor. & d. l. 4. C. de distr. pign. Sed illud interest, quòd ubi de distrahendo pignore convenit, biennium post denuntiationem non expectatur, uti fit in duabus speciebus reliquis ex constitutione Justin. d. l. 3. §. 1. C. de jur. dom. imp. Schneid. hic num. 3. Sed quid dicendum de his casibus, quibus mora contrahitur citra ullam interpellationem, puta si dies solutioni adjecta sit, & sua die solutio facta non fuerit? Hic enim adventu solius diei debitor in mora constituitur secundum communem sententiam, per l. magnam 12. C. de contr. stip. Negul. d. loc. & Schneid. hic num. 1. putant, hoc casu nulla opus esse denuntiationem, sufficereque ad licentiam vendendi pignoris nudam debitoris moram. Cui sententia patrocinari videtur l. 8. §. 3. de pign. act. Sed humanius est ut dicamus, etiam hoc casu denuntiationem præcedere debere. Non enim protinus sequitur, ad debitorem constituendum in mora nihil aliud desideratur, quàm ut dies venerit; ergo hoc etiam sufficit ad jus distrahendi pignoris. Quippe pignoris obligatio diversa est à principali: nec si ob moram debentur usuræ, & rei debite periculum in debitorem transfertur, ideo statim etiam nulla præcedente denuntiatione licebit vendere pignus in gravissimum præjudicium debitoris. Nec obstat d. l. 8. §. 1. de pign. act. loquitur enim de jure vendendi pignoris, quod ex conventionem competit ob non solutam sua die pecuniam. Quo tamen & ipso casu non solum humanius, sed etiam tutius facturus est creditor, si futuram venditionem denuntiet debitori, ut se fraudis suspitione liberet, nec do-



lo malo in ea venditione versatus quandoque dici possit, l. 7. *C. de distr. pign. l. 1. C. si vend. pign. agat.* Bald. in l. 4. *C. de distr. pign. Castr. in l. 4. de pign. act.* Ant. Fab. *C. suo. de distr. pign. defin.* 13. add. Joan. à Sande *rer. jud. lib. 3. tit. 12. defin.* 20. Quid quod hoc ipsum, quod DD. pro certis juris regula ponunt, solo diei lapsu citra aliam interpellationem debitorem constitui in mora, non usque adeo certum est, & sunt, qui falsum existimant? Ferrer. *tract. de mora.* Charond. 3. *verosimil.* 10. Bachov. in *Treutl. disput. de usur. th. 7.* Quamquam horum argumentis solide mihi respondisse videtur D. Guiliel. Masius *sing. opin. lib. 2. cap. 4.*

*Quamvis ejus ea res non sit*) Pignus in bonis debitoris manet, l. pignus 9. *C. de pign. act.* non enim hoc contractu pignoris agitur, ut res alienetur, sed ut obligetur creditori in securitatem crediti.

*Qui pactus est, ut liceret*) Hic igitur casus non magis huc pertinet, quam si procurator, cui id dominus specialiter mandavit, rem alteri vendiderit & tradiderit. Nihil enim interest, utrum ipse dominus rem alteri tradat dominii transferendi causa, an voluntate ejus, §. nihil 42. *sup. de rer. div.*

*Nostri constitutione consultum*) Olim jus vendendi pignoris liberius fuit, quod Justinianus ita coercuit, ut nec creditores putaverit habere, quod conquerantur, & debitorem justum spatium esse ad expediendam solutionem. Summa constitutionis Justinianæ, quæ est l. ult. *C. de jur. dom. imp.* huc redit, ut si de vendendo pignore nihil convenerit (alioqui forma conventionis præscripta in distractione servanda est) jus sit creditori altero demum post denuntiationem anno id vendere. Si emptor non extet, debitorem ut moneat, ut iatra certum tempus pignus luat, aut non apparenti tempus, quo id facere possit, per judicem præscribat. Hoc autem frustra tentato, ut possit creditor à Principe petere facultatem pro domino possidenti: qua tamen impetrata, adhuc biennium debitori detur, ut interim debitum cum eo; quanti creditoris interest, quæ sita pecunia pertolvere, & pignus luere possit: eo verò tempore sine solutione transacto, creditor justus pignoris dominus efficiatur. Sed hæc forma vendendi pignoris vix ullibi locorum nunc observatur, vid. Bart. d. l. 4. *de pign. act.* & d. l. ult. *C. de jur. dom. imp.* Schneid. *hic n. 6.* Baron. *comm. part. 2.* Christ. *vol. 4. decis.* 172. n. 3. & ibi citat. Antiqua ratio planior & simplicior hæc fuit, ut annua pignoris proscriptio creditor ejus dominus efficeretur, si

debitor id non lueret. Moribus nostris vix convenit, ut creditor privata auctoritate pignus distrahat, sed distractio additione fieri solet auctoritate Magistratus, uti jure Rom. in iis pignoribus, quæ in causa judicati capiuntur, l. 2. *C. si in caus. jud. pign. c.* in quibus quid juris sit, quid item in pignore prætorio, disce ex l. *Divus 15. §. 2. & seqq. de re jud. l. cum proponas 9. C. de bon. auct. jud. possess. cap. quoad consultationem π. de sent. & re jud.* Dyn. in l. *si finita 15. §. Julianus 16. de damn. inf.* Negul. d. loc. num. 7. & seqq. Christin. *vol. 4. decis.* 165. vid. Merul. *lib. 4. tit. 100. cap. 1. n. 10.* Neostad. *decis. 90. sup. cur.* Finis venditi pignoris est, ut ex pretio inde redacto creditori satisfiat: quod ultra consecutus est, id restituere debet, teneturque eo nomine actione pignoratitia: sicut vice versa in id, quod deest, creditori actio competit adversus debitorem vel fidejussorem ejus, l. 6. *de pign. act.* l. 9. §. 1. *de distr. pign. l. 3. C. eod.* Illud postremo sciendum est, si creditor ipse pignus non possideat, sed debitor vel alius, actione hypothecaria prius rem evincendam, ac tum distractam esse. Weseleb. *parat. de distr. pign. n. 1. & 10.*

### TEXTUS.

De pupillo, qui licet dominus, non tamen sine tutoris auctoritate alienare potest.

2. *Nunc admonendi sumus, neque pupillum, neque pupillam, ullam rem sine tutoris auctoritate alienare posse. Ideoque si mutuam pecuniam sine tutoris auctoritate alicui dederit, non contrahit obligationem: quia pecuniam non facit accipientis: ideoque vindicari nummi possunt, sicubi extant. Sed si nummi, quos mutuo minor dederit, ab eo qui accepit, bona fide consumpti sunt, condici possunt; si mala fide, ad exhibendum de his agi potest.*

### NOTÆ.

2. *Ideoque si mutuam pecuniam*) A remotioe generis ad remotionem speciei. Nam & mutui datio alienatio est, l. 2. §. 2. l. 16. l. pen. *D. de reb. cred. d. l. 9. princ. de auct. tut.* & inativo suo significatu, l. 1. *C. de fund. dot.* Ita Interpp. omnes & novissimè Fabrot. & Grot. in *spars. flor.*

*Bona fide consumpti*) Consumptio bona fide facta conciliat mutuum & conditionem parit, l. 19. §. 1. *D. de reb. cred.* Valerque hoc etiam in nummis alienis mutuo datis, l. 11. §. ult. *cum 2. ll. seqq. eod.*



*Si mala fide, ad exhibend.)* Nam qui dolo malo consumpsit, pro eo est, ac si non consumpsisset. Dolus enim pro possessione est, l. 131. 150. de reg. jur.

COMMENTARIUS.

- 1 Corpora, quæ mutuo dantur, alienari. De quo cum D. Salmasio sermo.
- 2 Nummi quando consumpti intelligantur.
- 3 Mutuum non confirmari consumptione nummorum facta mala fide.
- 4 Cur in casu consumptionis male fidei tantum actionis ad exhibendum hic mentio fiat, emendato errore Cujacii?

**R**edit ad eos, qui, cum domini sint, alienare non possunt. Meminit porro unius pupilli, sed sunt in hoc numero plures: nam & puberes minores curatorem habentes huc pertinent, l. 3. C. de rest. in int. l. lex que 22. C. de adm. tut. item is, cui bonis interdictum est, qui, cum de eo obligando, aut alienando deminuendo ejus patrimonio agitur in eadem causa cum furioso habetur, l. 6. de verb. obl. l. 12. in fin. de tut. dat. tum etiam ceteri, qui ob vitium morbumve corporis in curatione sunt, rerumque suarum administrationem non habent, de quibus in §. 4. sup. de curat. l. 8. §. 3. d. l. 12. in pr. de tut. & cur. dat. Filius quoque familiæ non potest alienare bona adventicia, quorum usumfructum pater habet, l. ult. §. ipsum §. vers. Filiis, C. de bon. qua lib. Interdum causa, ex qua res traditur, alienationem impedit, ut donatio inter virum & uxorem, Pand. & Cod. eod. tit.

*Sine tutoris auctoritate alienare*) Alienatio à pupillo facta sine tutoris auctoritate ipso jure nulla est; quippe cum nec obligare se pupillus sine tutoris auctoritate possit, l. 9. & passim de auct. tut. l. 11. de acq. rer. dom. Cæterum auctore tutore & obligari potest, modò infantiam exceaserit, & res suas rectè alienat, d. l. 9. l. 5. de reg. jur. §. pupillus 9. inf. de inut. stip. Res intellige, quantum alienatio sine decreto non est interdicta. Nam prædia pupillorum olim rustica, postea omnia, & res etiam mobiles, quæ sine detrimento servari possunt, abf. que decreto Magistratus alienari prohibita, l. 1. & tot. tit. de reb. eor. qui sub tut. & lit. C. de prad. & al. reb. min. sine dec. non ab. d. l. lex que 22. C. de adm. tut.

*Ideo que si mutuam pecuniam, &c. non contrahit obligationem*) A genere ad speciem. Pupillus nullam rem sine tutoris auctoritate alienare potest: ergo nec mutuam pecuniam dando

eam facit accipientis: quo fit, ut nec mutui obligatio contrahatur, nec conditio pupillo competat: siquidem mutui obligatio, nisi nummi accipientis fiant, non nascitur, l. 2. §. 2. de reb. cred. Supponit igitur Imp. id quod mutuo datur, alienari, seu mutui dationem esse speciem alienationis. Quod & alibi constanter traditum est, l. 9. pr. de auct. tut. l. 16. l. pen. de reb. cred. nec minus perspicuum, quàm verum: quippe cum omnis actus, per quem dominium transferatur, verè & propriè sit alienatio, l. 1. C. de fund. dot. & sine alienatione fieri non possit, ut dominium rei ab uno abeat, & per traditionem transferatur in alium. Constat autem, corpora ipsa, quæ mutuo dantur, desinere esse dantis, & fieri accipientis, seu aliena, ita ut vindicari, aut ab eo avocari nequeant, l. 35. §. 1. de donat. Nec verò ideo minus alienantur, quia accipiens obligatur ad rem ejusdem generis restituendam, puta frumentum pro frumento, vinum pro vino. Quid enim refert ad alienationem ejus, quod datum est, utrum mihi, verbi causa frumentum ea lege datum, ut pro eo vinum aut oleum vicissim dem, uti sit in permutatione; aut frumentum ita datum, ut pro eo reddam aliud frumentum ut sit in mutuo? Est igitur mutui datio alienatio in nativo suo significato: & ita Interpp. omnes, ac novissimè Fabrot. ad Theoph. & Grot. in spars. stor. De quo cum sermonem haberem cum ~~Salmasio~~ viro D. Claud. Salmasio, hæctenus quidem mihi assensus est ut fateretur, corpus rei, quæ datur in mutuo, alienari: sed negabat, ex eo effici, mutuam alienationem esse nisi forte materialiter. Propriè autem & formaliter mutuum non posse dici alienationem, propterea quod in eo nulla contingeret alienatio datæ quantitatis, sive sortis quæ diversum quid esset à data specie apud debitorem pereunte, & in qua propriè substantia mutui consisteret, uti rectè docuisset. Et simul intervenit aliorum sermo noster interruptus est. Potest autem admitti D. Salmasii sententia, si appellatione mei & tui etiam obligationem & actionem comprehendas, ut fit interdum, l. 1. quid cert. loc. l. repetitio 44. de cond. ind. l. 6. §. apud Labeonem 6. qua in fraud. cred. l. 91. de verbor. sign. Propriè tamen loquendo nec ipsa fors nostra manet: nec enim quod nobis debetur, quod in credito, propriè nostrum est, l. 27. §. 2. l. 34. princ. de aur. arg. mund. leg. Boët. in Top. lib. 2. pecunia in nominibus debita non est nostra, sed debitorum. E ita in l. 1. de lib. leg. Et ideo creditori non vindicatio sortis, sed tantum conditio datur, qua intendat, verbi



causa, centum sibi dari oportere, nemo autem rem suam condicit, aut sibi dari oportere intendit, §. 14. *inf. d. act. l. ult. in fin. usufr. quem cav.* Non male igitur mutuum à Cujacio definitur, alienatio pecuniæ sub lege reddendæ quantitatis ejusdem, *parat. C. si cert. pet.*

*Vindicari nummi possunt, si cubi extant*) Similis locus est in l. 11. §. ult. de reb. cred. At, iniquis, de pupillo responsum est, eum nisi præsentem tutorem ne possessionem quidem, quæ naturalis est, alienare posse, d. l. 11. de acq. rer. don. rationi autem juris non convenire, ut possidenti detur vindicatio adversus eum, qui nec natura possidet. Resp. ut vindicationi locus sit, satis esse rem ab alio quovis modo detineri & restitui posse, l. 9. de rei vind. adeoque pupillum, etsi animo desinere possidere non potest, corpore tamen posse, atque in alium possessionem, quatenus facti est, sine tutoris auctoritate transferre, l. possessio-nem. 29. de acq. poss.

*Bona fide consumpti*) Non est mirum, nullos apud auctores plures & crassiores errores reperiri quàm apud scriptores notarum: quippe quibus temporis non est vanno aut cribro utendi. Dion. Gothofredus ad l. 9. §. 2. de auct. tut. scribit, pecuniam in proposito intelligi consumptam, cum is qui accepit eam, alteri reddidit, aut in solutum dedit: utiturque argumento, l. non omnis. 19. §. 1. de reb. cred. quo tamen loco hoc ipsum aperte negatur, & rectè. Nam datio in solutum aut creditum non facit, quo minus pecunia adhuc extet, & certo appareat. Quamdiu autem extat, & certo apparet, non potest dici consumpta; & apud quemcumque, aut ubicumque extat, in eadem causa & ejusdem manet, & à domino vindicari potest, ut proximè Imp. dixit. Quando igitur consummi intelligitur? Nimirum cum quis ea sic utitur, ut eo facto corpora ipsa nummorum, quæ data sunt, non appareant. Id verò contingit primùm corporibus sublatis, veluti si quis ex accepta pecunia vas aliquod conflaverit: quo facto pecunia extinguitur. Neque obstat distinctio, §. cum ex aliena 25. sup. de ver. div. Nam vas ex nummis aureis vel argenteis conflatum ad rude quidem aurum vel argentum reduci potest; ad priorem speciem sive monetam non potest. Planè possunt auctoritate Principis nummi ejusdem potestatis & eadem figura inde cudi, sed nova hæc moneta & species est, non illa, quæ prius fuerat. Deinde etiam corporibus nummorum integris manentibus, veluti si quis nummos acceptos ita aliis miscuerit, ut discerni non possint: nam etiam ea re eum qui

accedit, dominum fieri placet, l. si alieni. 78. de sol. Don. ad l. rogasti. 11. §. ult. d. t. n. 9. Ait, bona fide. Quod ergo in d. l. non omnis. 19. l. 1. de reb. cred. & si qui sunt alii loci similes, dicitur simpliciter, si pupillus sine tutoris auctoritate credendo causa pecuniam dederit, consumpta ea nasci conditionem, id ex hoc loco junct. d. l. rogasti. 11. §. ult. d. tit. l. 9. §. 2. de auct. tut. sic interpretandum erit, si bona fide ab accipiente consumpta sit, ignorante scilicet, pupillum esse, qui credidit. Efficitque hoc etiam ratio juris; quia quæ dolo malo consumpta sunt, non alio loco jure habentur, quàm si adhuc extarent, nec consumpta essent, l. qui dolo. 131. l. parem. 150. de reg. jur. ac proindè cum malæ fidei consumptio consumentem dominum non faciat, nec mutuum ea consumptione confirmabitur, Don. d. loc. n. 7. Quod verò D. Bachovius putat non ob stare malam fidem, quominus consumptione dominium quæratur, & tamen bona fide tantum facta consumptione, mutuum, quod ab initio non consistebat propter inutilem numerationem, convalescere, id mihi planè *avertatur*, videtur. Et sententia Bachovii, quòd per consumptionem & similes acquirendi modos dominium acquiratur, citra considerationem bonæ aut malæ fidei, etiam extra causam accessionis; supra à me refutata est sub. §. cum ex aliena 25. de ver. div.

*Condici possunt*) Quod valet in nummis alienis mutuo datis, ut iis bona fide consumptis ei, qui dedit, conditio detur tamquam ex mutuo, l. 11. §. ult. cum 2. ll. seqq. de reb. cred. id valet & in ea pecunia, quæ dantis fuit, si is rei suæ alienandæ facultatem non habuit, qualis est pupillus. Quapropter si pupillus sine tutoris auctoritate crediderit, consumptis nummis & illi conditio nascitur, l. non omnis. 19. §. 1. de reb. cred. & omnino quæ translata ab initio pecuniæ vis est, eandem esse placet & bona fide consumptæ, quasi translata: unde rectè dicitur, quod ab initio non valebat ex numeratione, confirmari pecuniæ consumptione bona fide facta. DD. in d. l. 11. §. ult. & d. 19. §. 1.

*Si mala fide, ad exhibendum*) Puto tamen & conditionem in proposito dari, non quidem quasi ex mutuo, quia consumptio mala fide facta dominum non facit, ut paulo ante probavimus: sed conditionem sine causa, utpote quam constat etiam adversus prædonem fructuum consumptorum nomine dari, l. 3. C. de condit. ex leg. l. 4. C. de crim. exp. ber. Ait, ad exhibendam. Immo & in rem, inquit Cujacius: quoniam mala fides pro possessione est.



est. Sed, inquit in rem utilis est; ad exhibendum directa: quare commodius agi ad exhibendum quàm in rem. Quod falsum est & inconsideratè à Cujacio prolatum. Non enim magis fieri potest, ut contra eum, qui possidere desit, detur directa ad exhibendum actio, quàm directa in rem: cùm ille non magis exhibendi, quàm restituendi facultatem habeat. Sed ut contra possidentem rem mobilem utraque directa est, ita contra eum, qui dolo malo desit possidere, utraque utilis. Nam quòd dolo pro possessione est, id non ex vero, sed ex interpretatione est & fictione juris, quæ utili tantùm actioni locum facit. Cur igitur actionis ad exhibendum meminit dumtaxat? Quia utili iudicio ad exhibendum semper consequitur actor id totum, quod sua interest, §. 3. inf. de off. jud. vel permittitur rei petitæ estimatio ipsius iurejurando, ut sit in eadem actione directa, si possessor per contumaciam rem non exhibeat: pro casu per iusjurandum in litem petitoris possessorem damnari certum est, l. 3. §. 2. ad exhib. Cùm igitur præparatorio iudicio illud ipsum consequatur actor, quod rem vindicando consecutus esset, nihil superest, quod alia actione persequatur. Ita in simili Jurisconsultus, d. l. 11. §. ult. de reb. cred. Vindicari nummi possunt, si extant, aut, si dolo malo desinant possideri, ad exhibendum agi. Cujus loci lectionem frustra Donellus conatur emendare.

TEXTUS.

3. At ex contrario omnes res pupillo & pupillæ sine tutoris auctoritate rectè dari possunt. Ideoque si debitor pupillo solvat, necessaria est debitoris tutoris auctoritas: alioqui non liberabitur. Sed hoc etiam evidentissima ratione statutum est in constitutione, quam ad Cæsarienses advocatos ex suggestione Triboniani, viri eminentissimi, Quæstoris sacri palatii nostri, promulgavimus, qua dispositum est, ita licere tutori vel curatori debitorem pupillarum solvere, ut prius judicialis sententia sine omni damno celebrata hoc permittat. Quo subsécuto, si & iudex pronuntiaverit, & debitor solverit, sequatur hujusmodi solutionem plenissima securitas. Sin autem aliter quàm disposuimus, solutio facta fuerit, pecuniam autem salvam habeat pupillus, aut ex ea locupletior sit, & adhuc eandem pecunia summam petat, per exceptionem doli mali poterit submoveri. Quod si male consumpserit, aut furto aut vi amiserit, nihil proderit debitori doli mali exceptio, sed nihilominus condemnabitur: quia temere sine tutoris auctoritate, & non secundum nostram dispositionem solverit.

Sed ex diverso pupilli vel pupillæ solvere sine tutoris auctoritate non possunt, quia id, quod solvunt, non fit accipientis: quum scilicet nullius rei alienatio eis sine tutoris auctoritate concessa sit.

NOTÆ.

3. Plenissima securitas) Ita ut nec in intergrum restitutioni sit locus: quod beneficium sola tutoris aut curatoris interveniens auctoritas non excludit, tit. C. si tut. vel cur. int.

Salvam habeat, aut locupletior) L. 15. l. 47. l. 66. D. de sol. l. 4. §. 4. de dol. exc. l. 14. D. de cond. ind. l. 57. de reg. jur. Non debet pupillus occasionem juris ad iniquum trahere cum detrimento alieno compendium, l. pen. in fin. reb. eor. qui sub tut. Quando locupletior factus intelligatur, & quo tempore id inspicatur, discite ex l. 4. D. de except. d. l. 47. pr. & §. 5. de solut.

Male consumpserit) Th. ἀσάτως ἐδαπάνησε, per luxum prodegerit.

Aut vi,) Deest in ver. lib. Cujac. Hotom. nec Th. habet.

Nullius rei alienatio) Argumentatio à genere ad speciem, quæ valida est ἀνασχευή. Nota, & solutionem esse speciem alienationis, d. l. 9. §. 2. De aut. tut. l. pen. D. de reb. cred.

COMMENTARIUS.

- 1 Debitorem pupillo sine tutoris auctoritate solventem non liberari; licet dominium rei soluta transferat.
- 2 Pupillo, in quem solutio collata, rectè solvi etiam sine tutoris auctoritate.
- 3 Quid sit sensus verborum hujus §. ita licere tutori vel curatori, &c.
- 4 Adversus solutionem factam ex præscripto Justiniani pupillum aut adultum beneficio etatis non restitui.
- 5 Quid si nummos sine tutore aut iudice sibi solutos salvos habeat pupillus?
- 6 Cujus periculo sit pecunia, quem pupillus sine tutoris auctoritate credidit, aut in solum dedit?

Sine tutoris auctoritate dari) Pupillus quantum ad acquirendum non indiget tutoris auctoritate, l. 11. de acq. ver. dom. semper enim conditionem suam meliorem facere potest, sup. de aut. tut. in princ.

Ideoque si debitor) Hotom. & Wesemb. pro ideoque, legendum censent, quamquam. Quia nulla hic conclusio ex præcedente propositione, sed diversæ causæ propositio, & præcedentis regulæ exceptio: nisi hoc in præcedenti-



tibus dicamus subintelligi oportere, ut scilicet quidvis pupillo rectè detur sine tutoris auctoritate, cæterum hæcenus, ut ex eo pupillus ipse neque obligari, neque obligationem alienare aut tollere possit. Alii hinc illationem fieri ajunt non ex proxima, sed ex superiore sententia §. *præc. in pr. ubi traditum*, pupillum nullam rem sine tutore alienare posse; huic enim esse consequens, ut nec sine tutoris auctoritate pupillo rectè solvatur. Quippe admittitur solutio debitorum liberari, pupillumque obligationem & actionem, quam habebat, alienare aut perimere, l. *pupillo 15. de solut.* Quod ut speciosius dicatur, ex duobus hisce §§. unum faciunt. VINN. Forfan scriptum fuerat: *Alioqui si debitor pupillo solvatur*: idque librarii vel qui emendationis curam in se susceperant, mutarunt in *ideoque*, quia alioqui paullo post videbant repeti. Sed pergamus. HEIN.

**x** *Si non solverit auctoritate tutoris, non liberabitur*) Licet dominium rei solutæ transferat. Nam quemadmodum qui cum pupillo contrahit, pupillo obligatur, quamvis pupillum sibi non obliget, *sup. de auct. tut. in pr. l. Julianus. 13. §. si quis. 29. de aet. emp.* ita qui cum pupillo obligationem vult distrahere solvendo, licet ea solutione dominium in pupillum transferat: se tamen à pupillo, qui per se neque contrahere, neque distrahere obligationem potest, non liberat, *d. l. 15. de solut. l. 5. de reg. jur.* Debet itaque debitor, si liberari velit, pupillo solvere cum auctoritate tutoris, vel ipsi tutori: nam & hoc casu æquè liberatio ipsi jure contingit, l. *Lucius. 46. §. tutela. 5. de adm. tut.* Pupillum autem intelligimus creditorem: nam si pupillus solutionis causa tantum adjectus sit, hoc est solutio sive jus solvendi in eum collatum, puta si quis stipulatus sit tibi, aut Titio pupillo dari, promissor & sine tutoris auctoritate solvendo pupillo liberabitur, l. *si stipulatus. 11. de solut.* scilicet quia ex hujusmodi stipulatione nullum jus obligationis pupillo quaeritur. Et solutio sic accipiatur, quasi ipsi creditori solutum esset, qui ita sibi solvi voluit, l. *si ita stipulatus 59. d. tit. de quo ex professo infra §. si quis alii. 4. de inut. stip.*

**2** *In constitutione, quam ad Cæsarienses advocatos*) Missa est hæc constitutio ad Joannem Præfectum Prætorio: intelligit enim leg. *sancimus. 25. C. de adm. tut.* quod ipsa verba istius constitutionis, quæ huc translata sunt, ostendunt. Promulgata tamen hic dicitur ad Cæsarienses advocatos, nimirum quia ad interrogata eorum & consultationem emissa est, ut arguunt multæ aliæ constitutiones, *leg. ult. Cod. de pact.*

*leg. si major. 12. C. de legit. hæred leg. si fidejusso. 27. C. de fidejuss. leg. optimam. 14. C. de cont. stipul. junct. §. item. verborum. 12. infr. de inut. stip.* quæ omnes ad diversas consultationes & quaestiones à Cæsariensi advocacione propositas scriptæ, & ad eundem Joannem P. P. missæ sunt; quippe cujus auditorio advocati Cæsarienses militabant. Intelligi autem advocatos, qui erant in urbe Cæsarea, non illa Cappadociæ, ut Balduinus, Cujac. & Fabrot. existimant, sed Palæstinæ, perspicuum est ex *dict. leg. si fidejuss. 27. C. de fidejuss.* ubi eadem advocato, quæ pæssim Cæsariensis, Palæstina appellatur.

*Ita licere tutori vel curatori debitorem pupillarem solvere*) Locutio implicata, quæ sit construenda & ordinanda est: *Ita licere* (id est, *permitti, jus esse*) *debitorem pupillarem solvere tutori vel curari, &c. Solvere*, id est, *numerare quod debetur*. Theophilus *ποιῶσασθαι τὴν καταβολήν.* Anton. Fab. 13. *conject. 13. & jurispr. 12. pr. 7. illat. 43.* huic orationi alium sensum affingit, quasi ita scriptum esset; *ita licere tutori vel curatori debitorem pupilli, vel adulti absolvere & liberare*) qui scilicet antea pupillo, aut adulto solvit sine tutoris aut curatoris auctoritate, vel cum adhuc tutorem aut curatorem non haberet) *si prius judicialis sententia, &c.* Sed præterquam quod hæc locutio non facile est obvia, *solvere debitorem* pro liberare obligatione, quamquam unus & alter locus occurrit, in quo debitor solutus pro liberato dicitur, l. *decem. 116. de verb. obl. l. si ex pluribus. 16. de accept. pugnatur illa Fabri expositio manifestè & cum sententia & cum verbis Justiniani, quæ ille mirè torquet, ne videantur ob stare iis, quæ ex cerebro suo comminiscitur contra veram & receptam sententiam, quæ hæc est: Quamvis ipsi tutori ejusve auctoritate pupillo facta sit solutio, æque solutione debitor ipso jure liberetur; nihilominus tamen pecunia male consumpta maleve collocata, patere pupillo, si tutor solvendo non sit, restitutionem in integrum, nisi sententia judicis intervenerit, l. 1. C. si adv. sol. l. 2. C. si tut. vel cur. int. Vid. Gomez. 2. *resol. 14. n. 4. Mauriti. de rest. in int. cap. 176. & seqq. Brisson. lib. 1. de sol. sect. 4.**

*Si prius judicialis sententia*) Excipiuntur redditus annui & cæterarum rerum pensiones, quæ minoribus tutore aut curatore auctore, aut ipsi tutori curatorive etiam sine judice tuto solvuntur, *dict. leg. sancimus. 26. C. de adm. tut.* Siquidem & molestum esset, quotannis adire judicem, & incommodum minori, diu differri solutionem ejus rei, unde fere ali



solet. Quod tamen & ipsum sic postea Justinianus temperavit, si non excederet metas bienni aut summam centum solidorum, leg. constitutionem. 27. C. d. tit.

*Sine omni damno*) Id est, ut Theophilus interpretatur, *δὴνα πᾶνος δαπάνης*, sine ullo scilicet sumptu aut impensis in iudicium, scribarum, viatorumve mercedes. Nam iniquum esset, debitorem sumptu onerari ex persona creditoris.

*Sequitur hujusmodi solutionem plenissima securitas*) Ita ut nec adversus solutionem decernente iudice factam beneficio ætatis in integrum restitui postulans audiatur. Cui non obstat quod placet, minorem etiam restitui contra factam ex decreto iudicis venditionem, l. 11. C. de præd. min. Nam debitor ex necessitate solvere tenetur: emptor potest non emere. Jure veteri quoque hoc obtinuit, ut solutio decernente ac statuente iudice facta à debitore minoris plenissimam liberationis securitatem pareret: & procedebat hoc ita etiam si minori curatorem non habenti decernente iudice solum esset l. 7. §. 2. de minor. Cæterum liberatio nihilominus ipso jure contingebat, si tutori vel curatori solutio facta esset, quantumvis sine iudice: solum hic supererat adhuc metus aliquis restitutionis in integrum: forte pecunia male collocata, & tutor vel curator solvendo non esse. Post constitutionem autem Justiniani dicendum videtur, solutionem sine iudice factam, aut ad liberationem ipso jure non prodesse, licet tutor vel curator intervenerit, aut si adhuc debitores ita liberari placet, minus quam olim hoc casu securos esse: quippe olim prius tutores & curatores actione ordinaria conveniendos fuisse, & demum si illi solvendo non essent, patuisse minoribus remedium extraordinarium. Hodie vero esse, quod de se querantur debitores, quod non solverint secundum præscriptum constitutionis Justinianæ.

*Pecuniam autem salvam habeat*) Etsi solutione sine tutore judicave facta eandem pecuniam petere adhuc pupillus potest, aut ipso jure, aut per restitutionem in integrum, si tamen nummi salvi sint, eosque penes se domi pupillus habeat, iterum petentem eum doli mali exceptione debitor removebit, quò iniquum contra bonam fidem lucrum capret, leg. pupillo. l. 1. de solut. l. bona fides. § 7. de reg. jur. l. pen. l. de reb. cor. qui sub. tut. Eodemque modo non sumptis nummis, si ex his locupletior factus iterum petat, exceptione repellatur, ne accipatur cum alieno detrimento, contra quam natura æquum est, l. 4. §. si quis. 4. de dol. mal.

*exc. l. in pupillo. 47. de solut. l. nam hoc 14. de cond. ind. Qua de causa ex omnibus eum negotiis eatenus teneri receptum est, quatenus patrimonium ejus auctum sit: ut nihil mirum, si solutione locupletatus iterum petens exceptione summoveatur, cum etiam ultro adversus eum factum locupletiosem ex contractu negotio gesto actio competat, l. 3. §. pupillus. l. 6. in pr. de neg. gest. l. 5. in pr. §. 1. de auct. tut. leg. naturaliter. 13. §. 1. de cond. ind.*

*Aut ex ea locupletior*) Locupletior factus intelligitur, si ex pecunia soluta rem aliquam sibi comparavit, quam etiam non habet, l. 4. de except. aut si ea quovis modo in rem ejus versa sit, l. si pupilli. 66. de solut. Hoc amplius & si rem sibi necessariam ex nummis solutis pupillus emit, quam alioqui de suo empturus fuerat, licet ea ante litem contestatam perierit, quasi locupletior factus intelligitur; quia tantundem de suo perditurus erat, etiam si nummos solutos non accepisset, leg. in pupillo. 47. §. 1. de solut. Utrum autem pupillus locupletior factus sit, necne, in hujusmodi questionibus eo tempore spectatur, quo agitur, seu tempore litis contestatæ, dict. leg. in pupillo. 47. §. 1. l. 4. de except. litis. 37. de neg. gest.

*Quòd si male consumpserit*) Si pupillus, cui sine tutore aut iudice solutum est, pecuniam salvam non habeat, neve ex ea locupletior factus sit, sed malè, profusè, ἀσώτως eam consumpserit, non juvabit debitorem doli mali exceptio, sed iterum eandem summam solvere cogere. Planè si pupillus partem adhuc salvam habeat, aut pars in rem ejus versa sit, hætenus proderit debitori doli mali exceptio, ne ultra condemnetur, quam pupillo abest. Ex his autem quæ disputata sunt intelligimus, quid sibi velit Accursius, qui in l. 7. §. 2. de minoribus, scribit, debitorem pupillarem solventem triplicem posse consequi liberationem, aut securitatem; plenam, pleniorè & plenissimam. Plenam, si pupillo sine tutoris aut iudicis auctoritate solverit, & pecunia pupillo iterum petenti salva sit, inve rem ejus versa, ut hic & supra ad. II. in quo effectum rei spectavit: nam vi ipsa debitor esse desinit, qui exceptionem perpetuam sibi quæsit, l. 10. l. creditor. 55. l. debitor. 180. de verb. sign. Pleniorè, si solverit tutori ejusve auctoritate pupillo, non inveniènte iudicis sententia: quo casu quidem liberatio ipso jure procedat, ita tamen, ut relinquatur adhuc metus aliquis restitutionis in integrum, l. 1. C. si ad vers. sol. Plenissimam, si solutio facta sit auctoritate & decreto iudicis: quod cum factum est, etiam



etiam restitutionis metus omnis tollatur. Quæ eadem Bartoli in *dist. l. 7. §. 1. cæterorumque* Interpretum distinctio est, ab Antonio Fabro multis quidem verbis, sed nulla probabili ratione improbata *lib. 17. conj. 13.*

*Ex diverso, pupilli solvere sine tutoris auctoritate non possunt.*) Quemadmodum pupillus mutuum dando non contrahit obligationem, quia pecuniam non facit accipientis; ita eadem ratione nec solvendo creditori suo quod debet liberatur. Cæterum quemadmodum consumptis nummis, quos mutuo dedit, conditio ei nascitur; ita & consumptis, quos dedit in solutum, contingit ei liberatio, *l. non omnis. 19. §. 1. de reb. cred. l. 9. §. 2. de aut. tit. l. 14. §. ult. de solut.* Quid ergo, si nummi, quos pupillus sine auctoritate tutoris credidit, aut in solutum dedit, casu apud eum

qui accepit, perierint? utrius periculum & jactura erit? Donellus in *d. l. 19. §. 1. Azonem* secutus pupilli periculum esse putat quoniam ita jus sit, ut res pereat suo domino *l. 6. l. 9. C. de pign. act.* Sed rectè cum *Gloss. & DD. comm. Zal. ibid. nu. 8.* contrarium defendit, ne quod favore pupilli introductum est, ut ne credendo aut solvendo dominium transferat, in perniciem ejus vertatur, contra *l. quod favore. 6. C. de legibus*, & quod dicitur, casus fortuitos spectare dominum; hæc exceptionem habere intelligi debet, nisi quis propter favorem dominus remaneat, aut jure singulari dominium non transferat. Hoc enim non debet conditionem accipientis meliorem facere: sed quod cætera perinde habendum, ac si quis alius credidisset aut solvisset.

## TITULUS NONUS.

## PER QUAS PERSONAS CUIQUE ACQUIRITUR.

C. Lib. 4. Tit. 27.

*Ratio ordinis, & argumentum tituli.*

**H**ic titulus totius superioris disputationis quamdam quasi ampliacionem continet offendens, non solum nobis acquiri *à peros* per nosmetipsos; verum etiam per alios *αμίσσως*. Personæ, per quas acquirendi facultatem habemus, enumerantur in principio: ex qua enumeratione perspicuum est eos, per quos nobis acquiratur, oportere nobis subjectos esse: vel revera, ut sunt liberi nostri, quos in potestate habemus; item servi; tum nostri, tum aliquatenus etiam alieni, in quibus usufructum habemus; vel iusta nostra opinione, ut sunt servi alieni & liberi homines, quos bona fide possidemus. De quibus singulis cum explicatum est removetur hinc persona extranea, utpote per quam, excepta causa possessionis nihil acquiri possit: ac postremò ab acquisitione rerum singularum transitur ad modos, quibus acquirimus res universas.

## TEXTUS.

## Summa.

*Acquiritur vobis non solum per vosmetipsos, sed etiam per eos, quos in potestate habetis: item per servos, in quibus usufructum habetis: item*

*per homines liberos & per servos alienos, quos bona fide possidetis: de quibus singulis diligentius dispiciamus.*

## NOTÆ.

*Quos bon. fid. possidetis*) Ergo non tantum per eos, qui revera nobis subjecti sunt, acquirimus, sed etiam qui iusta opinione nostra

## COMMENTARIUS.

**A***Cquiritur vobis*) In aliis libris hæc & quæ porro sequuntur, leguntur, in prima persona, *acquiritur vobis*, &c. uti apud Cajum *l. 11. de acq. rer. dom.* unde hic titulus per magnam partem descriptus est: eoque modo etiam Theoph. hunc locum reddidit & legendum censent Cujac. Baro. Wesemb. Mihi utro modo legas, parum referri videtur.

*In potestate*) Non dixit *in dominio*, sed generaliter, *in potestate*, ut uno verbo & filiosfam. & servos comprehenderet. Nam potestate verbo, in persona liberorum patria potestate in persona servi dominium significatur, *leg. potestatis. 215. de verb. sign.* VINN. Arcam. & liberos æquè ac servos fuisse in dominio juris Quiritium certissimum est. Liberi enim poterant mancipari, tanquam res mancipi.



Caj. *Inst.* l. 6. 3. poterat vindicari, l. 1. §. 2. ff. de rei vind. poterat iis surreptis, actio furti institui, l. 38. §. 1. ff. de furt. Conf. Ill. Bynkersh. de jure occidendi, lib. c. 1. p. 145. HEIN.

## TEXTUS.

## De liberis in potestate.

1. Igitur liberi vestri utriusque sexus, quos in potestate habetis, olim quidem quicquid ad eos pervenerat (exceptis videlicet castrensibus pecuniis) hoc parentibus suis acquirebant sine ulla distinctione: & hoc ita parentum fiebat, ut etiam esset iis licentia, quod per unum vel unam eorum acquisitionem esset alii filio vel extraneo donare, vel vendere, vel quocumque modo voluerant, applicare. Quod nobis inhumanum visum est: & generali constitutione emissa, & liberis peperimus, & parentibus honorem debitum reservavimus. Sancitum etenim à nobis est, ut si quid ex re patris ei obveniat, hoc secundum antiquam observationem totum parenti acquiratur. Que enim invidia est, quod ex patris occasione profectum est, hoc ad eum reverti? Quod autem ex alia causa sibi filiusfamilias acquiserit, hujus usufructum patri quietem acquirat, dominium autem apud eum remaneat: ne, quod ei suis laboribus vel prospera fortuna accesserit, hoc in alium perveniens, invidiosum ei procedat.

## NOTÆ.

1. Castrensibus pecuniis) Quæ primùm filiisfamilias concessa: postea etiam veteranis, seu militia missis, pr. inf. quib. non est perm. fac. test. Juven. sat. 16. v. 52. Postremò ad exemplum castrensis etiam quasi castrense peculium exceptum, quasi militum contemplatione litteratæ militiæ, §. ult. inf. de mil. test. Sine ulla distinctione) Id est, peculium omnium paganum pleno jure patri acquirebatur. Non distinguebant inter profectitium & adventitium, neque inter usufructum & proprietatem.

Generali constitutione) L. 6. C. de bon. quæ liber. qua quod circa bona materna & materni generis, item lucra nuptialia jam ante à diversis Principibus statutum erat, l. 1. & 2. C. de bon. mat. l. 1. 2. 6. & 7. C. Theod. l. 1. C. 4. C. de bon. quæ lib. ne ἀσὶμβολῆς abiret, produxit ad bona omnia adventitia.

Honorem debitum) Th. τὸ ἐπιφελίμων ἐφύλαξεν, debitum reservavit, & vox honorem vindicare videtur Cujac. quoniam hic non agitur de honoris debito, sed acquisiti. Deest quoque in emendatissimis editionibus, teste Fabrot.

Usufructum patri) Quidam etiam casus sunt, quibus peculii adventitii plena proprietas filio acquiritur, l. ult. §. 1. Cod. de bon. quæ lib. auth. excipitur, cum 2. seqq. Cod. eod. Peculium adventitium, ξένον, ἐπίλυτον, Gloss. lat. gr. quod aliunde, quam à patre obvenit, & quasi τυχερῶς.

## COMMENTARIUS.

- 1 Post occupatam demum Remp. filiiisfamilias primùm militibus, deinde etiam veteranis peculium castrense pleno jure concessum: procedente tempore, & quasi castrense.
- 2 Quid sit peculium filiiisfamilias. quot ejus species, & quid singula.
- 3 Translato in Thraciam Imperio, primum bonorum maternorum, mox etiam materni generis, & lucrorum nuptialium, novissimè omnium adventitiorum proprietatem filiiisfamilias concessam, solo usufructu apud patrem relicto.
- 4 Quid moribus nostris, & Gallorum?

**E**Xceptis castrensibus pecuniis) Florente Republicæ peculium filiiisfamilias uniusmodi fuit. Nam ut servus domino, ita filius patri cuncta pleno jure acquirebat: idemque planè jus & in corpus & in bona liberorum pater habebat, quod dominus in servos; cujus rei inter alios testis locuples est Dionys. Halicarnassensis lib. 8. Romani, inquit, proprium nihil possident, quamdiu patres eorum in vita manent: sed & pecuniæ & corpora filiorum parentum potestati arbitrioque permessa sunt; omniaque parentibus acquirunt quasi servi, ut ἀποχειροὶ καὶ δούλοὶ τῶν πατέρων. Verùm Imperatores ut præmio aliquo adolescentes ad militiæ labores invitarent, eorumque sibi conciliarent studia, castrense peculium filiiisfamilias pleno jure concesserunt: primùm militibus, postea etiam veteranis seu à militia dimissis, infr. quib. non est perm. fac. test. in pr. Ex quo filiiisfamilias in hoc peculio jus ac vicem patrumfamilias obtinere cœperunt, l. 2. de senat. Mac idque significat Juvenalis satyr. 16. v. 52. his verbis:

— Nam quæ sunt parta labore

Militiæ, placuit non esse in corpore census,

Omne tenet cujus regimen pater. —

Igitur quod ait, olim quidem, &c. excipiens peculia castrensis, id ad tempora Julii aut Augusti & sequentia referendum est, l. 1. de testam. mil. d. pr. inf. quib. non est perm. fac. test. Postremò, nec multo post ad exemplum castrensis peculii etiam quasi castrense peculium exceptum & filiiisfamilias permittum est, §. ult. inf. de mil. test. Planè hæcenus adhuc diu jus



vetus patri conservatum fuit, ut si filius intestatus decessisset, bona castrensis pater jure peculii occuparet, *l. 2. de const. pec. de quo plura alibi*. VINN. Jus in peculio castrensi eodem tempore concessum videtur filiis familias, quo militibus liberrima illa testamenti factio concessa est, cujus historiam habes in *l. 1. pr. ff. de test. mil.* Nec mutatum videtur quod pater bona filii intestati jure peculii occupet, si liberos vel fratres non reliquit. Nam & bonis publicatis, ea tamquam peculium penes patrem manent, *l. 3. C. de bon. profer.* Utroque enim casu cessat favor filii familias militis, ob quem illi hujusmodi concessum est privilegium. HEIN.

*Sine distinctione*) Profectitii scilicet vel adventitii peculii, proprietatis & usufructus, inter quæ primus Justinianus est, qui differentiam generali lege introduxit. Ex his porro patet, quicquid filiusfam. habet, sive concessione patris, sive partum suo labore, aut aliena liberalitate collatum, id uno nomine peculium filiifam. appellari; atque hoc docendi gratia ex ratione novi juris in duo genera posse dividi, ut dicamus, peculium filiifam. esse vel militare, vel paganum: & utriusque iterum duas esse species inferiores, illius castrense & quasi castrense, hujus profectitium & adventitium. Castrense est, quod per occasionem armatæ militiæ filius sibi acquisivit: quod quid contineatur, docent *l. castrense. 11. d. castr. pec. l. 1. C. eod.* Quasi castrense est, quod in toga operam Reipub. navans paravit, puta ex professione liberalium artium, ex officiorum publicorum emolumentis, ex patrociniis causarum, & urbana illa inermique militia, *l. ult. C. de inoff. testam. l. 4. l. advocatio. 14. C. de adv. div. jud.* Liberalitatem quoque à Principe in filiumfam. collatam instar castrensis peculii haberi placuit, *l. 7. de bon. quæ lib. in pot.* Utrumque hoc genus ita proprium filiifam. esse placuit, ut de eo statuere possit non secus, ac si paterfam. esset, *d. pr. inf. quib. non est perm. fac. test. l. 1. §. nec Castrense. 16. de collat. l. 2. de sen. Mac.* Adde quæ notavimus sub §. ult. *infr. de mil. test.* Profectitium peculium est, quod à patre sive contemplatione patris ab aliis ad filium proficiscitur. Adventitium, quod aliunde filio obvenit; sive id laboribus suis acquisivit extra causam armatæ, aut togatæ militiæ, sive prospera fortuna ei accessit, puta ex maternis maternive generis hereditatibus, lucris nuptialibus, legatis, & hereditatibus amicorum, *l. 6. C. de bon. quæ lib. & hoc text. in fin.* Illud totum patri secundum antiquam observationem adhuc acquiritur; hujus in uni-

versum proprietatis filio data est constitutio Justiniani, solo usufructu patri relicto; de quo mox fusius.

*Alii filio vel extraneo donare*) Consequens hoc omnino rationi antiqui juris. Nam cum utriusque hujus peculii pleno jure pater dominus esset, licere utique etiam ei debuit pro arbitrio de utroque statuere, & quod labore Titii filii acquisitum esset, Mævio donare, vel in proprias rationes convertere. Hinc porro etiam est, quod patre mortuo peculium paganum omne, nisi legatum esset, fratribus conferendum erat, *l. certum. 13. C. fam. etc. l. filia. 12. C. de collat.* quod in adventitio mutavit Justinianus, *l. ult. C. d. tit. convenienter priori suæ constitutioni, l. cum oportet. 6. C. de bon. quæ lib. in potest.*

*Generali constitutione emissæ*) Cum olim bona omnia adventitia non minus, quàm profectitia pleno jure patris essent, Constantinus detrahit bona materna, quorum usufructum tantum patris, filio proprietatem tribuit. *l. 1. C. de bon. matern. l. 1. & l. 2. C. Theod. eod.* Gratianus, Valentinianus, & Theodosius idem statuerunt de bonis materni generis, id est, ex materna cognatione delatis, *l. 6. C. Theod. eod.* eosque securi Arcadius & Honorius, *l. 2. C. d. tit. l. 7. C. Theod. eod.* Theodosius porro & Valentinianus, Leo & Anthemius, hoc etiam ad lucra nuptialia & sponsalitia producerunt, *l. 1. l. 4. C. de bon. quæ lib.* Postremò Justinianus generali constitutione emissæ, quacumque ex causa filio quid acquisitum esset, quod adventitio peculio attribueretur, id omne ejusdem juris esse voluit, *d. l. cum oportet. 6. C. eod. tit.*

*Si quid ex re patris, hoc secundum antiquam observationem*) In profectitio peculio nihil Justinianus mutavit: sed quicquid ex re patris filio obvenit, id totum vult patri acquiri secundum observationem juris antiqui. Plane potest nihilominus aliquid commodi ex concessione hujus peculii ad liberos redire: nam & emancipatos sequitur, nisi nominatim ademptum sit, *l. donazione. 31. §. 2. de don. & bonis patris publicatis, separatur & conservatur liberis, l. 3. §. sed utrum. 4. in fin. de minor. Ait, ex re patris, in d. l. cum oportet. 6. ex substantia patris.* Quid igitur dicemus, si quid filio obvenit, non quidem ex re aut substantia patris, sed patris occasione & contemplatione? DD. *hic & in d. l. cum oportet. 6.* id quoque peculii profectitii esse volunt, *arg. l. si servo. 21. cum l. seq. de usufr. ubi quod servo fructuario relinquitur, aut donatur contemplatione fructuarii, id fructuario acqui-*



ri dicitur tamquam ex re ejus quæsitum, facit  
*l. sed si plures. 10. §. in arrogato. 6. in fin. de vulg.*  
 & pup. *subst.*

Ususfructum patri acquirit, dominium apud  
 eum remaneat ) Dominium posuit pro nuda  
 proprietate, uti & in *d. l. cum portet. 6.* Hæc  
 autem proprietatis concessio non tribuit filio  
 jus eam sine patris consensu alienandi, *l. ult.*  
 §. *ipsum autem §. C. eod.* Si ususfructus filio  
 relictus sit, hic totus acquireretur patri; at eo  
 mortuo redibit ad filium, *l. ult. C. de usus.*  
 Nonnumquam & plena proprietas filio acqui-  
 ritur: quod Justinianus primò introduxit in  
 hæreditate, quam filius renuente patre adii-  
 set, *d. l. ult. §. 1.* postea etiam in pluribus  
 casibus; in rebus ea lege filio datis, ne usus-  
 fructus ad patrem perveniret: in hæreditate  
 fratris & sororis, ad quam una cum filio pa-  
 ter admittitur; item in iis rebus, quæ filio de-  
 feruntur ob delictum patris, qui divortium  
 fecit sine causa, *auth. excipitur, & 2. seq. C.*  
*de bon. quæ lib. VINN.* Immo & alii sunt casus,  
 quibus plena filio proprietas acquiritur veluti  
 si pater dolosè versatus sit in bonis filio resti-  
 tuendis, *l. 50. ff. ad SC. Treb. si princeps fi-  
 liosam. donarit, l. 7. C. de bon. quæ lib. HEIN.*  
 Moribus nostris & Gallorum adventitia omnia,  
 sicut castrensia & quasi, filii sibi non pa-  
 tri & in solidum acquiruntur: in profectitiis  
 tantum antiquum jus acquirendi per filium pa-  
 tri relictum est, *Gudelin. de jur. noviss. lib. 1.*  
*c. 14. Chassan. in consuet. Burgund. §. 1. tit.*  
*Des enfans de plusieurs lits ad vers. & fait les*  
*fruits. Petr. Greg. syntagm. 11. c. 8. n. 12.*  
 Enim verò quod provenit ex quæstu, aut ope-  
 ra liberorum, quos parentes enutriunt, id ple-  
 no jure parentibus acquiritur, *Grot. 1. man-  
 nud. c. 6. add. Groenevv. de leg. abrog. bic.*

## TEXTUS.

## De emancipatione liberorum.

2. Hoc quoque à nobis dispositum est & in ea  
 specie, ubi parens emancipando liberos suos ex re-  
 bus, quæ acquisitionem effugiebant, sibi tertiam  
 partem retinere, (si voluerat,) licentiam ex an-  
 terioribus constitutionibus habebat, quasi pro pre-  
 tio quodammodo emancipationis: & inhumanum  
 quiddam accidebat, ut filius rerum suarum ex  
 hac emancipatione dominio pro tertia parte defrau-  
 daretur: & quod honoris ei ex emancipatione ad-  
 ditum erat, quod sui juris effectus esset, hoc per  
 rerum deminutionem decresceret. Ideoque statui-  
 mus, ut parens pro tertia parte domini, quam  
 retinere poterat, dimidiam non domini rerum, sed

ususfructus retineat. Ita etenim res intactæ apud  
 filium remanebunt, & pater ampliore summa  
 fruetur, pro tertia, dimidia potiturus.

## NOTÆ.

2. *Liberos suos*) Th. τὸν πατέρα. Cujac. Ho-  
 toman. Fabrot. *liberum suum*, numero singu-  
 lari ut *inf. de serv. cogn. in pr. & l. 33. C. de*  
*inoffic. testam. Aurel. Victor. cap. 26. Nervæ*  
*Trajanum in liberi locum adoptavis.*

*Anterioribus constitutionibus*) Intelligit *l. 1.*  
 & *2. C. Th. de matern. bon. quæ Constantini*  
*sunt, l. 6. §. 3. C. de bon. quæ lib.*

*Pro pretio emancipationis*) Quasi remunera-  
 tionis gratia, *d. l. 1. & 2. d. l. 6. §. 3. pro*  
*præmio delatæ emancipationis, l. 3. C. de bon.*  
*matern. nam emancipatio beneficium est quæ-*  
*rendorum bonorum, l. 1. si à par. quis man.*

*Quod honoris*) Honorificum est filio, suæ  
 potestatis & caput familia evadere.

## COMMENTARIUS.

1 *Cur, cum peculium profectitium, si pater id*  
*non ademerit, sequatur filium emancipatum,*  
*dimidia ususfructus adventitiorum, etiam ex-*  
*pressè non reservata patrem?*

**E** Mancipando liberos suos ) Cujac. Hoto-  
 man. Vvesemb. *liberum suum*, numero  
 singulari: quomodo etiam loquitur Jus-  
 tinianus, *leg. si quis. 33. C. de inoffic. testam.*  
 & *inf. de serv. cogn. in pr. legitur, liberum vel*  
*liberos.* Veteres autem semper in numero mul-  
 titudinis ea voce usi sunt, & unum etiam fi-  
 lium filiamve liberos appellarunt, teste Gell.  
*lib. 2. cap. 13. quod & Cajus confirmat, l. non*  
*est. 148. de verb. signif. ubi scribit, non esse*  
*sine liberis, cui vel unus filius filiave est. Hæc*  
*enim, inquit, enunciatio, habet liberos, non*  
*habet liberos, semper pluralivo numero pro-*  
*feritur, sicut & pugillares & codicilli. Glossa*  
*Græc. Lat. τέρτα, liberi, pluraliter, tantum de-*  
*clinatur. Quod autem Valla, lib. 3. elegant. 8.*  
*scribit, liberum pro filio se & apud Paulum*  
 & apud Cajum reperire, existimo esse *μνησ-*  
*τικὸν ἀμάρτυμα*, eumque Paulum & Cajum di-  
 xisse pro Modestino, & Ulpiano. Nam apud  
 Modestinum *l. jus agnationis. 34. de pact. legit,*  
*nolle suum liberum esse, ut vulgata editiones*  
*habent; sed Florentina nos docuit legendum,*  
*nolle suum esse. Apud Ulpianum, l. nemo. 126.*  
*§. 1. de regul. jur. qui liberum acquisierit. Sed &*  
*hic in Florentino Codice est, qui libertum ac-*  
*quisierit, quomodo procul dubio legendum.*



Meminit Valla etiam Quintiliani, sed nec locum, nec verba citat. VINN. Immo locus, ad quem respicit Valla est apud Quintil. in *Declam. II.* Conf. VV. C. Muncker. ad Hygin. *Fab. 9.* & Ducker de *Latin. ver. JCr. p. 385.* HEIN.

*Ex rebus, quæ acquisitionem effugiebant.*) Id est, in iis bonis adventitiis, quorum proprietas filio non patri acquirebatur ex Græcorum Imp. constitutionibus: quod in numero erant bona materna & materni generis, item nuptialia, & sponfalicia lucra, ut notatum §. *prec.* Cave igitur intelligas peculia castrensia, aut quasi: nam eorum nihil apud patrem emancipatorem relictum fuisse Justinianus aperte testatur, *d. l. cum oportet. 6. §. cum autem. 3. C. de bon. quæ lib.* unde hic §. descriptus.

*Quasi pro pretio emancipationis*) Constantinus *l. 1. & l. 2. C. Theod. de bonis matern.* censuit, æquum esse, ut filius patrem emancipatorem remuneraret, offerretque patri tertiam partem bonorum maternorum, quorum proprietatem liberis in potestate manentibus concesserat, aut ut jus esset patri tanta horum bonorum partem sibi retinere; idque pro honore & beneficio emancipationis in filium collato: quippe quo filius consequitur, & ut sui juris ac caput ipse familiæ esse incipiat, quod ei honorificum est; & ut pleno jure deinceps omnia possideat, sibi que acquirat, quod lucrosum. Et hoc est, quod Justinianus hic significat his verbis, *quasi pro pretio emancipationis*: quod in constitutione sua sic expressit, *quasi remunerationis gratia, d. leg. cum oportet. §. 3.* Præmium delatæ emancipationis appellat Theod. & Valent *l. 3. C. de bon. matern.*

*Pro tertia parte domini, dimidiam ususfructus*) Justiniano duriusculum visum fuit, liberos specie honoris tam gravem jacturam rerum suarum pati, ut tertiam earum partem parens manumissor auferret, sibi que pleno jure haberet. Neque tamen æquum putavit, nihil omnino remunerationis invicem accepti beneficii liberos rependere. Qua de causâ ipse sic statuit, ut pater pro tertia parte, quam ex prioribus constitutionibus de bonis filii maternis & lucris nuptialibus pleno & perpetuo jure domini retinebat, partem dimidiam non domini, sed ususfructus consequeretur, idque locum haberet in cæteris quoque adventitiis, postquam hujus generis bona omnia ejusdem juris esse voluit. Ita factum, ut nec liberi quicquam de dominio rerum suarum amitterent, nec causam conquerendi haberent parentes, concessio iis pro præmiis emancipationis fructu tantæ partis bonorum. Hoc autem

ita obtinere Justinianus censuit, etiam si pater in emancipatione sibi hoc præmium non expressè reservavit, *d. l. cum oportet. 6. §. cum autem. 3.* cum tamen peculium profectitium, quod totum pleno jure patris est, filium emancipatum sequatur tamquam à patre tacite donatum, si pater id non ademerit, *l. donationes. 31. §. 2. de donat. arg. leg. si Stichus. §. 3. de pecul. l. unic. C. de pecul. ejus, qui lib. mer. §. si peculium. 20. infr. de legat.* Differentiæ rationem hanc asserit Joan. Faber, quod præmium emancipationis est ex provisione legis, quæ patri prospexerit in peculio, cujus ille adimendi potestatem non habebat; in peculio autem profectitio nihil opus fuit provisione legis: quandoquidem ipse pater pro arbitrio suo de eo statuere possit, & qui hoc ipso, quod non adimit, concedere ita tacite intelligatur. Cui addit D. Bachovius, quod peculii profectitii naturalis possessio penes filium est, adventitii penes patrem, utpote usufructuarium: itaque illud, si ademptum non sit, quasi ultro à patre relictum & filio concessum intelligi: in hoc autem, quod pater ipse detinet, atque apud se habet, jus suum sibi servare velle, beneficioque uti, nisi inter emancipandum juri suo renunciaverit, vel donatione facta, hoc ab sese in liberos transtulerit, *d. l. cum oportet. 6. §. cum autem. 3.*

## TEXTUS.

### De servis nostris.

*3. Item vobis acquiritur, quod servi vestri ex traditione nanciscuntur, sive quid stipulentur, sive ex donatione, vel ex legato, vel ex qualibet alia causa acquirant.* Hoc enim vobis & ignorantibus & invititis obvenit. Ipse enim servus, qui in potestate alterius est, nihil suum habere potest. Sed si hæc institutus sit, non alias nisi vestro jussu hæreditatem adire potest. Et si vobis jubentibus adierit, vobis hæreditas acquiritur, perinde ac si vos ipsi hæredes instituti essetis. Et convenienter scilicet vobis legatum per eos acquiritur. Non solum autem proprietas per eos, quos in potestate habetis, vobis acquiritur, sed etiam possessio. Cujuscumque enim rei possessionem adepti fuerint, id vos possidere videmini. Unde etiam per eos usucapio, vel longi temporis possessio vobis accidit.

## NOTÆ.

*3. Et convenienter*) Nempe regulæ initio positæ, quod per servos nobis ex qualibet causa acquiritur etiam ignorantibus & invititis. Nam & hoc in legato obtinet: quippe quod



lacrum tantum continet, non etiam damnum, ut hæreditas, l. 32. D. mandat.

## COMMENTARIUS.

1. Cur per servos nobis acquiratur & ignorantibus & invititis?
2. Cur hinc excepta hæreditas?
3. An possessio per servum domino ignorantem acquiratur quacumque ex causa?

Dictum hæctenus est, quatenus per liberos nostros acquirimus: sequitur de acquisitione per servos, in qua jus vetus per omnia servatur traditum à Cajo, l. 10. §. 1. & deinceps de acquir. rer. dom. Et huc translatum, id tale est, ut quicquid servus acquirat, sive ex causa peculii, (quod in persona servi unius generis est, nempe quod permisso domini separatim à rationibus dominicis habet, l. 1. §. ult. de pecul.) sive extra eam quacumque ex alia causa, id totum acquirat domino.

Sive quid stipulentur) Subobscurè hoc dictum videtur pro, sive quid ab se stipulatum per traditionem nanciscantur. Nam etiam verum est, servos nostros stipulantes nobis obligationem ex stipulatione acquirere, *infr. per quas per. obl.* §. 1. *infr. de stip. serv.* sub hoc tamen titulo non quaritur, per quas personas nobis obligatio acquiratur, sed dominium, sive proprietates, & possessio.

Ignorantibus & invititis) L. tiam invititis. 32. de acq. rerum domin. l. quemadmodum. 46. de jur. dat. Hujus autem necessariæ acquisitionis non alia ratio querenda, quam quæ hic & apud Cajum d. loc. relata est: nimirum, quia ipse servus, qui in alterius potestate est, nihil suum habere potest. Fit ergo hæc acquisitio ipso jure, ratione scilicet potestatis, quæ facit, ut ne momento quidem aliquo res subsistere possit in persona ejus, qui in potestate est, & per quem acquiritur; sed protinus & necessario acquiratur ei, qui in potestate habet, domino vel patri, (nam & filiusfam. qua talis huc pertinet, l. placet. 79. de acq. her.) quorum etiam vicem in acquirendo servus ac filiusfam. sustinent, & quibuscum hæctenus una persona esse finguntur. Non obstat, quod dicitur, nolenti & invito beneficium non acquiri, l. hoc jure. 19. §. 2. de dona. l. invito. 69. de reg. jur. Non enim beneficium, sed juris ratio facit, ut sic domino per servum acquiratur. Quòd si dominus id, quod sibi ita quæsitum est, habere nolit, licet ei id repudiare aut abjicere. D. Tuningius, ut hanc objectionem effugiat, duos quasi gradus in hac acqui-

sitione considerat, unum in persona acquirentis, in qua acquisitionis initium; alterum in persona nostra, in qua progressus quidam numeretur. Ad initium quod attinet, ait, invititis nobis acquiri; quod progressum atque absolutionem, non nisi volentibus. Sed non est necesse, ut eò confugiamus, & fit hæc acquisitio in momento, d. l. placet. 79. de acq. her. frustra que alias exciperetur hæreditas

Sed si heres institutus sit, non alias nisi vestro jussu) Exceptio proximè præcedentis regulæ. Hæreditas quidem & ipsa per servos nostros hæredes institutos nobis acquiritur; cæterum non eodem modo, quo ex cæteris causis per eos acquirimus, ut etiam ignorantibus nobis & invititis acquiratur, sed volentibus dumtaxat & jubentibus eos hæreditatem adire. Quòd si jussu nostro non expectato adierint, nihil agunt, l. si quis. 25. §. jussum. 4. de acq. her. Hoc autem cur ita placuerit, minimè obscurum est, ne scilicet in potestate servi esset domini conditionem deteriore facere, ignorante eum obligando æri alieno hæreditario, quod sæpe excedit vires patrimonii defuncti, l. 6. d. tit. Illud enim motum est, eum, qui hæres efficitur, non tantum acquirere, sed etiam obligari, & implicari oneribus hæreditariis.

Et convenienter vobis legatum) Convenienter non ei, quod proximè præcedit de acquisitione hæreditatis, quæ hoc proprium habere dicta est, ut non acquiratur per servum sine jussu domini; sed regulæ initio posita. Quod per servos nobis acquiritur ex omnibus causis. Si ex causis omnibus, igitur & ex causa legati. Et hac verò causa procul dubio etiam ignorantem & invito domino per servum acquireretur sicut ex cæteris, excepta hæreditate, l. etiam invititis. 32. de acq. rer. dom. Nam ratio exceptionis, quæ in hæreditate est, cessat in legato, quod purum semper & liquidum lucrum affert, l. si hæreditatem. 32. mandat. Planè jejuna quædam hic repetitio est de legato, quippe cujus jam in *pr. bujus*. §. mentio facta: sed Tribonianus hunc locum ex Cajo d. l. 10. §. 1. de acq. rer. dom. describens, incautè initium illius §. interpolavit: nam Cajus legati non meminit nisi semel, & demum in calce d. §. 1.

Non solum proprietates, sed etiam possessio) An possessio per servum nobis acquiratur, causa est, cur dubites. Hæc enim res non juris, sed facti est, l. 1. §. 3. & 4. de acq. poss. l. denique. 19. ex quib. ca. maj. ea autem quæ facti sunt, non transeunt ad dominum, sed in persona ipsius servi consistunt, l. qui heredi 44. de cond. & dem. §. 2. in *inf. de stip. serv.* ut proinde



dicendum videatur, etiam possessionem in persona servi subsistere debere, nec domino per servum eam acquiri. Verum possessio non corporis tantum & facti est, sed etiam juris, teste Papin. in *l. possessio. 49. §. 1. de acq. poss.* aut potius, ut idem Papin. in *pr. d. l. hoc* exprimit, ita facti est possessio, ut cum de ea acquirenda, retinenda, aut transferenda agitur; plurimum ex jure mutuetur: inter quæ hoc etiam est, ut per eos nobis acquiratur possessio, per quos res cæteræ, utique si nostro nomine possessionem apprehendant. Cum autem generaliter & simpliciter tum hic, tum apud Cajum, *d. l. 10. §. 2. de acq. rer. dom.* scriptum sit, non solum proprietatem, sed etiam possessionem nobis per servos acquiri, & cujuscumque rei possessionem adepti fuerint, id nos possidere videri; apud Ulp. *l. si me 34. §. ult. de acq. poss.* hoc etiam amplius, servum meum ignoranti mihi possessionem acquirere: hinc Glossa & comm. DD. crediderunt, æquè per servum quacumque ex causa possessionem domino etiam ignoranti acquiri, ac res cæteras, excepta hæreditate. Sed verior est eorum sententia, qui in acquirenda per servum possessione putant, causam peculiarem ab aliis separandam, ut si quidem ex causa peculiari possessionem nactus sit, ea etiam ignoranti domino acquiratur; si extra causam peculii, non nisi scienti: quæ distinctio aperte proponitur, *l. 1. §. item acquirimus. 5. l. 3. §. cæterum. 12. l. quod servus. 24. l. peregre. 44. §. 1. de acq. poss.* Sed & ratio diversitatis iisdem locis perspicuè indicatur: nimirum cum ea possessionis conditio sit, ut non nisi animo & corpore acquiri possit, *l. 3. pr. & licet corpore alieno, animo tamen non nisi nostro nobisque volentibus, d. l. §. cæterum 12. l. ea quæ. 53. de acq. rer. dom.* Hunc animum nostrum in earum quidem rerum possessione, quas servi ex causa peculiari adipiscuntur, quodammodo & in genere saltem concurrere, eosque quasi voluntate nostra intelligi possidere, eo quod peculium eos habere permisimus; in rebus autem non peculiaribus nullam omnino voluntatem domini acquisitionem antecedere, ac propterea ad possessionem in his causa acquirendam specialem domini voluntatem certamve scientiam necessariam esse, *d. l. peregre. 44. §. 1.* Sic igitur temperandum erit, sicubi simpliciter, quemadmodum hic, scriptum legamus, per servos nobis acquiri possessionem, aut acquiri nobis ignorantibus, ut in *d. l. 34. ult. eod.*

Unde etiam per eos usucapio) Cajus *d. l. 10. §. 2.* hoc sic expressit; unde etiam per eorum

*longam possessionem dominium nobis acquiritur. In peculiaribus rebus uti ignorantibus nobis possessio acquiritur, ita receptum est, ut etiam ignorantes ex eadem causa usucapiamus: cum alioqui possessio ignorantibus nobis quaesita veluti per procuratorem ad usucapionem non proficit, nisi postquam scientia nostra intervenerit, l. si emptam. 47. de usuc. l. 1. C. de acq. poss. quod plenius explicabimus sub §. pen. bujus tit.*

## TEXTUS.

## De fructuariis &amp; bona fide possessis.

4. De iis autem servis, in quibus tantummodo usum fructum habetis, ita placuit, ut quicquid ex re vestra, vel ex operis suis acquirunt, id vobis adjiciatur: quod verò extra eas causas consecuti sint, id dominum proprietatis pertineat. Itaque si is servus hæres institutus sit, legatumve quid ei, aut donatum fuerit, non usufructuario, sed domino proprietatis acquiritur.

## NOTÆ.

De iis servis) Ex *l. 10. §. 3. de acq. rer. dom. l. 21. de usufr.*

Ex operis suis) Puta si tutor sit, aut pictor, aut faber, & pro opera hujusmodi mercedem acceperit, *l. 26. de usufr.* Quid si ex superioribus causis, nominatim domino proprietatis stipuletur, aut nomine ejus rem accipiat? acquirat domino proprietatis, *leg. 25. §. 3. d. l. l. 37. §. pen. de acq. rer. dom.* Cæterum placet, fructuarium condicere id posse, *l. pen. de stip. serv.*

Hæres institutus, &c.) *D. l. 10. §. 3. l. 47. l. 49. de acq. rer. dom. l. 25. pr. de acquir. hered.* Excipe, nisi quid horum factum contemplatione fructuarii, *l. 22. & seq. de usus.* quo casu servus ex re fructuarii, non opera sua fructuario acquirere intelligitur, *l. 45. d. l. ne objici possit, quod aditio hæreditatis non sit in opera servili, d. l. 45. in pr.*

## COMMENTARIUS.

- 1 Cui acquirat servus fructuarii si dicat, se domino proprietatis accipere ex re fructuarii?
- 2 Additionem hæreditatis non esse in opera servili, & quare.
- 3 Servum contemplatione fructuarii hæredem institutum fructuario hæreditatem acquirere, & jussu ejus, non domini adire.

Quæ de quaerendo per servos dominio aut possessione dicta sunt §. præc. ea locum habent, cum quis plenam in servo proprie-



rietatem habet. Quòd si apud alium usufructus servi sit, apud alium nuda tantum proprietatis, hic ex duabus causis usufructuario per hunc servum acquiritur, ex re scilicet fructuarii, & servi operis; ex cæteris causis proprietario. Itemque juris servatur in eo; qui bona fide servit, ut ex iisdem causis acquirat bonæ fidei possessori, ex cæteris aut sibi, si liber est, aut domino, si servus: de quibus nunc porro sequitur.

*Ex re vestra vel ex operis suis*) L. 10. §. 3. de acq. rer. dom. l. si servi. 21. de usuf. Ex re fructuarii, veluti si servus, cum fructuarius eum dispensatorem fecisset, rem aliquam ex nummis fructuarii comparavit, aut rem fructuarii locavit, pecuniam sceneravit, &c. Hic enim res empta, merces locationis, usuræ, pecuniæ creditæ quærentur fructuario, l. 1. C. de rei vind. l. servus. 43. §. ult. de acq. rer. dom. Ex operis servi, verbi gratia, si futor sit, aut pictor, aut faber, atque ex hujusmodi aut simili opera alii præstita aliquid paravit, mercedem scilicet operæ, l. si operas. 26. de usuf. Sed quid, si dicat, servus, se domino proprietatis accipere, quod ex re fructuarii ei traditur? Hoc casu totum domino proprietatis acquireret. Nam & nominatim stipulando domino proprietatis ex re fructuarii aut operis suis eidem acquireret, l. per servum. 37. §. pen. de acq. rer. dom. l. sed etsi. 25. §. questionis. 3. de usuf. Et facit hoc quidem ratio summi juris: cæterum quod ita domino proprietatis quæsitum est, placuit fructuarium condicere posse, l. pen. de stip. ser. Cûr verò tantum ex duabus istis causis placeat acquiri fructuario, ratio hæc est, quòd quæ ex istis causis acquiruntur, fructum vicem obtinent, cæteræ in fructu non sunt.

*Extra eas causas*) Extra superiores causas habetur, quod servus fructuarius ex re pecuniave alterius consecutus est, puta ex peculio, quod à proprietario habet, aut si quid servo donatum legatumve sit, aut si hæres sit institutus. Idcirco placet, nihil horum per servum fructuario acquiri, sed omnia hæc acquiri domino proprietatis, d. l. 10. §. 3. l. servus. 43. leg. fructuario. 47. l. quòd fructuarius. 49. de acq. rer. dom. l. si quis. 25. de acq. her. De hæreditate à quibusdam olim dubitatum est, propterea quod in aditione factum servi interveniat, l. liber. 19. de acq. rer. dom. & sine hujusmodi facto servi nec domino hæreditas acquiri possit, l. 3. C. de her. instit. Sed obtinuit, aditionem hæreditatis non esse in opera servili, l. aditio. 45. de acq. her. d. l. fructuario. 47. de acq. rer. dom. & rectè.

Nam aditio factum quidem est, sed opera non est: quippe cum opera non sit sine labore, qui in aditione nullus est. VINN. Posset & eadem reddi ratio, quam reddit Ulpianus, docens, partum ancillæ non esse in fructu, l. 27. pr. ff. de her. petit. Quemadmodum enim ancillæ non ideo parantur, ut pariat; ita nec finis primarius est eorum, qui servos sibi comparant, ut hæreditates nobis adquirant. Usufructuarius autem capit tantum fructus ordinarios quoscumque. HEIN.

*Si hæres institutus, legatumve quid ei, &c.*) Hoc etiam generaliter sic traditum est, l. 10. l. 47. l. 49. de acq. rer. dom. l. 25. de acq. her. Alibi tamen hæc extat exceptio, nisi servus hæres institutus sit, legatumve quid ei, aut donatū fuerit contemplatione fructuarii: quod enim ita relictum datumve servo fructuario est, id per eum fructuario acquiri, non proprietario, l. si servi. 21. & l. seq. de usuf. Eademque distinctio probata est in specie non dissimili, l. facta. 63. §. si hæres. 4. ad sen. Trebell. & in terminis hominis liberi bona fide possessi; cuius in hac causa & servi fructuarii eadem ratio, l. aditio. 45. §. ult. de acq. her. Neque tam exceptio hæc est quàm interpretatio & declaratio quædam superioris regulæ, quæ definit, nihil per servum fructuarium fructuario acquiri præterquam ex re fructuarii, aut ex servi operis. Docet nimirum ista distinctio, quod contemplatione fructuarii datum aut relictum est, extra illas duas causas non acquiri: quamvis enim hoc fructuario non acquiratur ex servi opera, intelligi tamen acquiri ex re fructuarii, cui qui donavit aut reliquit rem quæsitam voluit, d. l. aditio. 45. §. ult. de acq. her. Ex quo etiam perspicuum est, falli Glossam, Jo. Fab. Cantuunc. hic. Bart. in d. l. 25. de acq. her. & quotquot sunt, qui scribunt, 3  
servum fructuarium, ut maximè contemplatione fructuarii hæres institutus sit, non posse hæreditatem jussu fructuarii adire, eamque per aditionem directo acquirere fructuario, sed adeundam esse jussu proprietario, cui etiam stricta ratione hæreditas acquiratur, sed restituenda fructuario conditione sine causa, ut in casu l. pen. de stip. serv. Fefellit eos, quòd putaverunt, prius est, ut aditio hæreditatis contra expressi juris auctoritatem statuatur esse species operæ servilis, quàm in casu proposito dici possit, servum jussu fructuarii adeuntem hæreditatem fructuario acquirere. Quod non ita est: neque enim ex causa operæ servilis hæc acquisitio defenditur, sed ex capite altero, quia scilicet hoc casu servus ex re fructuarii acquirere intelligitur; ex qua causa



sa vel maximè fructuario acquiri constat, *dist. leg. aditio. 45. §. ult. de acq. hered.* Ubi ex hoc eodem fundamento Jurisconsultus defendit, liberum hominem bona fide à me possessum, & mei contemplatione hæredem institutum meo jussu adire, & mihi acquirere hæreditatem posse. Bonæ fidei autem possessoris & fructuarii eadem planè in his quæstionibus ratio est, ut mox docebitur: censent *Jas. in d. l. 25. de acq. her. Mynf. Bach. hic.* Movere autem neminem debet, quòd quibusdam locis generaliter definitur, servum fructuarium jussu ejus, qui usumfructum in eo habet, adire hæreditatem non posse, ut *d. l. 25. in pr. & d. l. aditio. 45. §. pen.* Hujusmodi enim loci accipiendi sunt de servo simpliciter instituto, non contemplatione fructuarii: quo casu si per servum fructuario acquireretur hæreditas, acquireretur extra superiores duas causas: quod ratio juris non permittit. Sic cum in hoc nostro §. *dist. l. 10. §. 3. de acq. rer. dom.* generaliter scriptum sit, quod servo fructuario donatur, aut relinquitur, id acquiri proprietario; nemo tamen est qui negat, admittendum hic esse illam sive exceptionem, sive interpretationem, nisi quod servo donatum relictumve sit contemplatione fructuarii: quod alibi certo jure traditum est. Quod verò *Paulus in l. quod fructuar. 49. de acq. rer. dom.* scribit, quod extraneus servo fructuario donat, indistinctè soli proprietario acquiri: id non eò pertinet, ut excludat insignem & receptam distinctionem inter id, quod contemplatione fructuarii, aut simpliciter servo donatum est; sed eam, quam ipse in pr. istius legis proponit in fructuario donante. Planè ex generali horum locorum definitione evidenter evincitur, errare eos qui contendunt, quod servo fructuario donatur, aut relinquitur, in dubio præsumendum donatum aut relictum contemplatione fructuarii: quod tamen tamquam certum tradit *D. Dionys. Gothofred. in annot. ad Schneid.*

### TEXTUS.

5. *Idem placet & de eo, qui à vobis bona fide possidetur, sive is liber sit, sive alienus servus. Quod enim placuit de usufructuario, idem placet & de bonæ fidei possessore. Itaque quod extra istas duas causas acquiritur, id vel ad ipsum pertinet, si liber est, vel ad dominum, si servus est. Sed bonæ fidei possessor, quem usuceperit servum, (quia eo modo dominus fit) ex omnibus causis per eum sibi acquirere potest. Fructuarius verò usucapere non potest: primum quia non possidet, sed*

*habet jus urendi fruendi: deinde quia scit, servum alienum esse. Non solum autem proprietatis per eos servos, in quibus usumfructum habetis, vel quos bona fide possidetis: aut per liberam personam, quæ bona fide vobis servit, vobis acquiratur, sed etiam possessio. Loquimur autem in utriusque persona secundum distinctionem, quam proximè exposuimus, id est, si quam possessionem ex re vestra, vel ex suis operis adepti fuerint,*

### COMMENTARIUS.

1. *An bonæ fidei possessor, quod ex operis servi paratum extat, domino servum vindicanti restituere tenetur?*
2. *Verumne sit simpliciter, quod Justinianus ait, fructuarium non possidere?*

**D**E iis, quos bona fide possidemus, idem jus est quod de servis fructuariis, ut scilicet qui bona fide alicui servit, sive servus alienus est, sive homo liber, quicquid ex re ejus, cui servit, acquirit, quid item ex operis suis, id acquirat ei, cui servit, & à quo bona fide possidetur, *d. l. 10. §. idem placet. 4. l. liber. 19. de acq. rer. dom.* Hactenus tamen, quatenus possessor bona fide possidebit, & quamdiu ita possidebit: nam si scire cœperit, eum, qui bona fide servit, hominem liberum, aut alienum servum esse, continuo per eum acquirere posse definit, *l. qui bona. 23. §. 1. l. quesitum. 40. eod.* Quod extra duas istas causas acquiratur, placet vel ad ipsum, qui bona fide possidetur pertinere, si liber est, vel ad dominum, si servus est. Extra eas causas maximè est hæreditas, legatum, donatio, *d. l. liber. 19. l. homo. 54. eod.* Cæterum & in persona ejus, qui bona fide possidetur, recipiendum temperamentum superius, nisi quid donatum relictumve sit contemplatione bonæ fidei possessoris, cui hoc casu etiam ista acquiri placet, *l. aditio. 45. §. ult. de acq. her.*

Itaque quod extra istas duas causas) Quoniam, ut supra notavimus, istud in fructu non est: ea autem sola, quæ in fructu sunt bonæ fidei possessoris sunt, uti & fructuarii: Quæri potest in persona bonæ fidei possessoris, (in fructuarium enim hujusmodi quæstio non cadit) an, quemadmodum is fructus ex fundo alieno perceptos & extantes adhuc vindicanti rem suam domino restituere tenetur: juxta ea quæ tradita & notata sunt §. *si quis 35. sup. de rer. div.* eodem modo etiam quod pecuniam aut rei ex operis servi paratum extat apud eum, cui bona fide servit domino servum eviacenti restituendum sit? Quæstionem pro-



pono de rebus ex operis servi possessori quaeritur: vix enim dubitari potest, quin quod ex re possessoris quaeritur est, perpetuo atque irrevocabili jure possessoris efficiatur. At quaeritur parantur ex operis servilibus, ea cum fructibus fundi comparari passim videas, *l. qui scit. 25. §. 1. de usur. l. quaeritur. 50. in fin. de acq. rer. dom.* Existimo tamen, etiam haec bonae fidei possessori irrevocabiliter acquiri, eique cedere in compensationem alimentorum, aliarumque impensarum, quae necessario in servum fiunt, nec certo aestimari queunt. Neque obstat praedicta comparatio: nam ex ea minimè sequitur, eadem earum rerum & fructuum in omnibus rationem esse, & in *d. l. quaeritur. 40.* conferuntur haec cum fructibus consumptis, quos lucrari bonae fidei possessorem certum est.

*Sed bonae fidei possessor quum usufrucperit*) Bonae fidei possessor usufrucatione perfecta quacumque ex causa per servum acquiri: quia usufrucatio pleno jure dominum eum facit. Hoc ad hominem liberum bona fide possessum non pertinet: quippe cujus nulla usufrucatio est.

*Fructuarius usufrucare non potest, &c.*) Ait cum Cajo, *d. l. 10. §. ult. de acq. rer. dom.* usufructuarius usufrucare non posse, idque duplici de causa, tum quia non possidet, tum propter malam fidem, quia scit, servum alienum esse. Horum autem vel alterutrum satis est ad impediendam usufrucationem: utpote quae nec sine possessione, nec sine bona fide possessoris putantis rem suam esse, procedere potest, ut demonstratur *sup. tit. de usufruc.* Et de scientia quidem fructuarii res certa est, neque enim ignorare potest, se earum rerum, quarum usufructum habet, dominum non esse. Quin ipse alium dominum agnoscit, cum se fructuarius proficitur. Quod verò simpliciter negatur possidere, non est sine omni scrupulo. Nam alibi contra dicitur possessor, & possidere, *l. uti frui. 5. in fin. pr. & §. ult. §. usufruc. per. & naturaliter possidere, l. naturaliter 12. de acquir. poss.* Sed haec non sunt contraria: nam & colonus & commodatarius, & depositarius naturaliter dicuntur possidere, *l. 2. §. 1. pro hered. l. 7. §. neque colonus 11. com. div. qui tamen alibi possidere absolute negantur: ullamve habere possessionem, l. 9. de rei vind. l. non solum 33. §. 1. circa fin. de usufruc. l. 6. §. 2. de precar. §. possidere 5. inf. de interd.* Nimirum nec hi, nec fructuarius verè possident, id est, non possident civiliter, *ψυχρὸν* *ἐν* *τοῖς* *κοινοῖς*, animo dominantis, sine qua possessione non procedit usufrucatio. Sed in possessione sunt nomine alieno, apud quem pos-

sessio remanet, & qui per illos possidere intelligitur, *d. §. possidere 5. inf. de interd. l. generaliter 19. l. quod meo. 18. in pr. de acq. poss. l. 6. §. 2. de precar.* Qui textus etiam in his terminis de fructuario loquitur: nec alia ratione dicitur, retentio usufructus species esse traditionis, quam quòd qui retinet usufructum; desinat sibi, & incipiat alii possidere. Itaque cum hi naturaliter possidere, aut possidere simpliciter dicuntur, impropria locutio est, quia corporalis tantum detentio significatur, *l. possessio 49. de acquir. poss. l. 1. C. com. de usufruc.* Verum enim verò licet fructuarius non possideat, tamen quia firmius jus habet insistendi rei, atque omne rei emolumentum ad eum pertinet, ea res efficit, ut interdita ei possessoria accomendantur; quae ceteris, qui in possessione sunt tantum, denegantur, *l. 3. §. unde vi 13. de vi & de vi arm. l. ult. uti possid.* De quo pluribus agere hoc loco non licet.

*Non solum proprietatis, sed etiam possessio*) *L. 1. §. sed & 6 §. per eum. 6. l. possessio. 49. in pr. de acq. poss.* Nimirum quia etiam possessionem pleno dominio servus acquiri ex omni causa, *§. 3. sup. eod.* Ita vero jus est, ut quacumque per servum quacumque ex causa acquiruntur ei, qui plenum in eo jus habet, eadem placeat acquiri fructuario per servum fructuarius: & bonae fidei possessori per eos, quos bona fide possidet ex re illorum aut horum operis. Nihil ad rem pertinet, quòd fructuarius servum non possidet: nam nec pater filium, *d. l. 1. §. per eum. 8. de acq. poss.* Sed nec procurator a nobis possidet, nec tutor curatorve, per quos tamen possessionem nobis acquiri posse constat, *d. l. 1. §. per procuratorem. 20.* Haec & quae praecedentibus §§. tradita, quamvis apud nos usum non habent, qui servos non habemus, tamen diligentius exposui, quia in multis partibus non parum conducunt ad cognitionem juris civilis Romanorum.

## TEXTUS.

### De reliquis personis.

6. Ex his itaque apparet, per liberos homines, quos neque vestro juri subiectos habetis, neque bona fide possidetis: item per alienos servos, in quibus neque usufructum habetis, neque possessionem justam, nulla ex causa vobis acquiri posse. Et hoc est, quod dicitur, per extraneam personam nihil acquiri posse, excepto eo, quod per liberam personam (veluti per procuratorem) placeat non solum scientibus, sed & ignorantibus vobis acquiri

pos-



*possessionem, secundum divi Severi constitutionem, & per hanc possessionem etiam dominium, si dominus fuerit, qui tradidit; vel usucapionem, aut longi temporis prescriptionem, si dominus non sit.*

## NOTÆ.

6. Sed & ignorantibus) *L. 13. de acquir. rer. dom. l. 34. §. 1. leg. 49. §. ult. de acq. poss. l. 1. C. eod.* Utique tamen volentibus, ut ut ignoremus, quo tempore ex voluntate nostra possessio apprehendatur.

*Per possessionem etiam dominium*) Si tradita ab eo, qui dominus fuit, & dominium in nos transferre voluit, *d. l. 13. l. 20. §. ult. de acq. rer. dom. l. 8. C. de acq. poss.*

*Vel Usucapionem*) Id est, usucapiendi occasionem, conditionem. Hoc interest, quòd dominium etiam ignoranti mihi per procuratorem, cui nomine meo res tradita est, acquiratur: re autem à non domino tradita usucapiendi facultas demum acquiratur, ex quo scire cœpi rem traditam esse, *l. 47. de usuc. l. 1. C. de acq. poss.* Nam usucapio bonam fidem possidentis requirit, quam nemo dixerit eum habere, qui se possidere ignorat.

## COMMENTARIUS.

- 1 Cur placeat, possessionem per extraneam personam acquiri posse, jus aliquod non posse?
- 2 Per consequentiam quæsitæ possessionis necessariò etiam dominium nobis acquiri, aut usucapiendi conditionem: sed tunc demum, postquam scientia intervenit, n. 3.

**C**oncludit ab enumeratione personarum, per quas acquiri huc usque docuit, quasi ab enumeratione partium, per extraneam personam nihil nobis acquiri posse. Sola causa excipitur possessionis. Personam extraneam vocat hominem liberum, qui neque juri nostro subiectus est, neque bona fide à nobis possidetur: tum servum alienum, in quo neque usufructum habemus, neque justam possessionem. In summa, persona extranea in hoc argumento est, quæ vim instrumenti animati apud nos non obtinet.

*Nihil acquiri posse*) Neque dominium aliudve in re jus, neque obligationem, aut actionem, *l. 1. C. hoc. tit. l. 11. de obl. & act. l. 3. in pr. quod vi aut clam. l. quo tutela. 73. ult. de reg. jur. l. stipulatio. 38. §. alteri. 17. de ver. obl.* Cujus rei ratio est, quòd jus civile ita comparatum sit, ut sibi quisque quod sua interfit, negotium gerat, non alteri, *d. l. 11. de obl. & act. d. l. stipulatio. 38. §. alteri. 17. de verb.*

*obl.* At quas exceptiones hæc regula habeat in obligatione per extraneum acquirenda, & quid juris hodie hic obtineat, videbimus in *§. 4. inf. de inut. stipul. VINN.* At regulæ huic ob stare videtur *l. 15. ff. constit. pecun. ubi particula salutarem NON intrudere non dubitat Fr. Hotoman. Observ. IV. 12.* Sed perperam: quum ibi exceptio à regula occurrat, puta, quando qui ministerium tantum præbet. HEIN.

*Excepto eo, quod per liberam personam placeat acquiri possessionem*) Excipit possessionem, quam placuit per quemlibet nobis acquiri, qui eam nostro nomine apprehenderit, id est, hoc animo, ut velit nostro nomine possidere, *d. l. 1. C. hoc. tit. l. 1. C. de acq. poss. l. solutum. 11. §. de pign. act. l. traditio. 20. §. ult. l. ea quæ. 53. de acq. rer. dom.* Qui locus etiam rationem suggerit, cur in possessione acquirenda singulariter hoc receptum sit, nimirum, quia possessio acquiritur actu naturali & corporali rei apprehensione; in quo facilius alteri operam navare & ministerium præstare possumus quàm in iis, quæ civiliter acquiruntur citra istiusmodi actum, puta stipulando aut contrahendo, relictumque agnoscendo. Et tamen hoc ipsum, ut per liberam personam possessio nobis quaratur, propter utilitatem contra stricti juris rationem constitutionibus introductum videtur, *d. l. 1. & l. 8. C. de acq. poss. d. l. solutum. 11. §. pen. de pign. act.*

*Veluti per procuratorem*) Procuratorem intelligo cum Bart. in *leg. qui mihi. 13. de donat. Jac. & Zaf. in l. 1. §. per procuratorem. 20. de acqu. poss.* non tantum qui speciale mandatum habet; sed etiam cui universorum bonorum administratio permissa est. Etenim cum procurator generalis & exigere possit, atque accipere, & emere, ac vendere, utique quatenus ratio administrationis hoc expolcit, *§. nihil autem. 42. sup. de rerum div. cum ibi notat.* hæc tamen non video, quid inter hunc & specialem procuratorem interfit. Planè extra causam administrationis ad acquirendam domino possessionem generale mandatum non sufficit; sed aut speciale requiritur, aut domini rati habitio, *l. communis. 24. §. 1. de acq. pos.*

*Non solum scientibus, sed & ignorantibus*) Etiam ignorantibus possessionem per procuratorem nobis acquiri multis locis apertissime scriptum est, *l. si procurator. 13. de acq. rer. dom. l. si me. 34. §. 1. l. possessio. 49. §. ult. de acq. poss. l. 1. C. eod.* Cui non obstat quòd dicitur in *l. ea quæ. 53. de acq. rer. dom.* per quemlibet volentibus nobis possessionem acquiri. Hæc enim non pugnant, ignorantibus posse acquiri possessionem, & non



acquiri nisi volentibus. Ignorare possumus, quo tempore procurator noster possessionem apprehendat: quodcumque autem hoc fit, postea fit voluntate, qui ut apprehenderet mandavimus.

*Et per possessionem dominium*) Ut possessio nobis per procuratorem acquiritur, sic & per possessionem dominium, si incipiat ab eo, qui dominus fuit, & dominium in nos transferre voluit, *d. l. 13. l. traditio. 20. §. ult. de acq. rer. dom. l. 8. C. de acq. poss.* Etenim admissio eo, ut per liberam personam possessionem nobis quæreretur, necessarium hoc consequens fuit, ut dominium quæreretur per possessionem prius quæsitam, si ea à rei domino transferendi dominii causa tradita esset. Fieri enim non potest, quin is, qui rem ex justa causa, hoc est, idonea ad transferendum dominium, traditam à domino possidere cœpit, dominus ejus rei statim efficiatur. Cùm autem dicimus, possessionem & per hanc dominium per procuratorem nobis acquiri; non hoc intelligimus, acquiri hæc primum procuratori, à quo deinde ad nos transeat: sed ministerio procuratoris recta nobis acquiri possessionem, & per consequentiam quæsitæ possessionis eo casu, quo diximus, etiam dominium. Ex quo apparet, *ἀλλοτρίον* esse & alienum, quod DD. plerique hic afferunt, ideo facilius dominium ministerio alieno quæri, quàm obligationem, quia jura personalia & obligationes magis in hærent ossibus hominum.

*Vel Usucapionem*) Id est, usucapiendi occasionem. Hoc enim perpetuum est, ut quo casu dominium statim acquiritur, si dominus sit, qui tradit dominii transferendi causa, eo casu acquiritur jus usucapionis, si dominus non sit. Prætermissa autem hoc loco à Triboniano est insignis inter hos casus differentia. Nam si is, qui procuratori meo rem meo nomine tradidit, dominus fuit, etiam ignorant mihi dominium acquiritur, *d. l. 13. de acq. rer. dom.* Si non fuit dominus, usucapiendi conditio mihi non quæritur, nisi postquam scientia mea intervenerit, *l. 1. C. de acq. poss. l. si emptam. 47. de usucap. l. possessio. 49. §. ult. de acq. poss.* Hoc ideo, quia eum, quem usucapere volumus, non sufficit possidere, nisi & possideat bona fide, quam nemo dixerit eum habere, qui se possidere ignorat.

*Aut longi temporis præscriptionem*) Potuerat hoc omitti. Nam postquam ex duobus his generibus acquirendi, quæ prius fuerant, usucapione & præscriptione longi temporis, unum Justinianus fecit, *l. un. C. de usuc. transf. l. un. C. de acq. poss. l. si emptam. 47. de usucap. l. possessio. 49. §. ult. de acq. poss.* latis fuisse, alterutrius tantum memi-

nisse, aut usucapionis, aut præscriptionis.

## T E X T U S.

## Transitio.

7. *Hactenus tantisper admonuisse sufficiat, quem admodum singule res vobis acquirantur. Nam legatorum jus, quo & ipso singule res vobis acquiruntur; item fideicommissorum, ubi singule res vobis relinquuntur, opportunius inferiore loco referemus. Videamus itaque nunc, quibus modis per universitatem res vobis acquirantur. Si cui ergo hæredes facti sitis, sive cujus bonorum possessionem petieritis, vel si quem adrogaveritis, vel si cujus bona libertatum conservandarum causa vobis addicta fuerit, ejus res omnes ad vos transeunt. At prius de hereditatibus dispiciamus. Quarum duplex conditio est. Nam vel ex testamento, vel ab intestato ad vos pertinent. Et prius est, ut de his dispiciamus, quæ ex testamento vobis obveniunt; quæ in re necessarium est, initium de testamentis ordinandis exponere.*

## NOTÆ.

7. *Si cui hæredes, &c.*) Ex modis acquirendi per universitatem, qui plures olim fuerunt, v. Cont. 1. disp. 12. soli manserunt hi quatuor, susceptio hereditatis, bonorum possessionis agnitio, *inf. tit. 10. lib. 3.* adrogatio, & libertatum conservandarum causa bonorum addictio, *tit. 11. & 12. de lib. 3.*

## C O M M E N T A R I U S.

- 1 *Verbis, per universitatem, non titulum acquirendi, sed rem que acquiritur significari.*
- 2 *Ex veteribus acquirendi per universitatem modis solos superesse quatuor; quos Justinianus commemorat.*
- 3 *Quid sit hereditas?*
- 4 *Quibus modis deferatur?*
- 5 *Species acquisitionis per universitatem apud nos receptæ.*

**E**Xpositis modis, quibus jure civili acquiruntur res singulæ, transit Imperator ad eos modos, quibus eodem jure acquiruntur universæ, sive quibus acquirimus per universitatem. Non minus autem hic spectandi modi ipsi & causæ acquirendi, quàm universitas acquisitionis. Nam & legari & donari bonorum universitas potest, *l. non amplius. 26. §. 2. de legat. 1. l. si unquam. 8. C. de revocat. donat. potest & vendi, tpt. tit. de hæred. vend.* Sed



tituli hi nihilominus natura sua singulares sunt, hoc est, comparati dumtaxat ad acquirendum res singulas: & ideo nec idem jus in universum acquirendi tribuunt, quod verbi causa hæreditas, idque cernitur in actionibus directis tam activis, quam passivis. Modi ipsi acquirendi soli universales sunt natura sua, ad quos nunc se Princeps confert.

*Legatorum jus, item fideicommissi. opportunius inferiore loco*) Occupat, & tacite removet, quod obijci poterat de perturbatione ordinis, quod scilicet in disputatione de acquisitione juris civilis rerum singularum non omnes acquirendi modos, qui eò pertinent, exequatur, quod lex methodi videbatur exigere: sed parte eorum præterita, ad aliud genus intemptivè transeat: nam legata & fideicommissa non minus ad prius istud genus acquisitionis pertinere, quam usucapionem & donationem. Id ergo se non ignorare significat, & consulto tractationem de legatis & fideicommissis in alium locum rejecisse, eumque, qui longè sit opportunior: nam originem eorum, causam communem, & exitum flagitare omnino, ut de iis demum tractetur cognito jure testamentorum, *infr. de legat. in pr.*

*Per universitatem*) Hoc est, quibus universum & una acquisitione acquirimus bona alicujus omnia, res omnes & jus universum alterius, non separatim res singulas. Ita enim paulo post. *Si cui ergo hæredes facti sitis, &c. ejus res omnes ad vos transeat, & Cajus lib. 2. tit. 2. in pr. Per universitatem, ait, hoc est, simul omnia bona acquirimus hæreditate, fac l. hæreditas. 62. de reg. jur. l. nihil aliud. 24. de verb. sign. l. 3. §. 2. de bon. poss. D. Vultejus putat, his verbis, per universitatem, titulum acquisitionis significari, non res acquirendas: sed oppido quàm ineptè. Quis enim unquam fando audivit, titulo tribui universitatem, aut titulum quosdam dici universos? Multorum ista collectionem arguunt. Quæ affectio cum tantum rerum propria sit, nec tamen omnium, hinc est, quod res quædam dicuntur singulæ, quædam universæ, & rerum sive bonorum quædam universitas, non tituli. Cæterum quemadmodum actiones, quibus bonorum universitatem petimus, ex objecto appellamus universales, qualis est petitio hæreditatis; quibus res singulas, qualis est rei vindicatio, singulares, aut speciales, l. 1. l. in speciali. 73. de rei vind. l. 1. ut responsum. 15. Cod. de transact. ita & titulos, qui pertinent ad acquirendum per universitatem, id est, res alicujus universas, universales; qui ad res singulas, singulares dicimus. In summa univer-*

fitas non est causa sive titulus, neque etiam modus acquirendi, sed illud ipsum quod acquiritur, veluti hæreditas, quam sibi delatam acquiri hæres adeundo, §. ult. inf. de her. qual.

*Si cui ergo hæredes facti, &c.*) Olim modis, quibus per universitatem acquiritur, complures erant. Septem enumerat D. Ant. Contius lib. 1. disp. c. 12. Ex quibus antiquati, successio per bonorum debitoris venditionem, & ea, quæ fiebat per redactionem liberæ mulieris in servitutem ex Senatusconsulto Claudiano, inf. tit. de succ. sublat. quæ fiebat per bon. vend. & ex Senatusconsulto. Claud. Item in manum conventio, seu coemptio, quæ itidem species erat successio per universitatem. Nam olim cum mulier viro in manum convenisset, omnia, quæ mulieris erant, viri fiebant dotis nomine, teste M. Tullio in Topic. cap. 4. in quem locum de ritu coemptionis vid. Boet. Soli manserunt hi quatuor, quorum idcirco etiam mentionem tantum facit Justinianus, susceptio hæreditatis, bonorum possessionis agnitio, adrogatio, libertatum conservandarum causa bonorum addictio. Adnumeratur tamen his & successio fisci, bona damnatorum, vel eorum, qui sine hærede moriuntur, occupantis, arg. l. deportatus. 15. de interd. & rel. l. 1. & passim. de jur. fisco. item ingressus monasterii. Nam Justin. Nov. 5. c. 5. unde auth. ingressi. C. de sacros. Eccl. constituit, ut universa bona religionem ingressi acquirant monasterio, extra quam si liberos habeat, inter quos substantiam suam dividere non prohibetur, una saltem parte sibi retenta, in quam monasterium succedat. Cæterum neque fisci, neque monasterii successio simpliciter universalis est, qualis est hæredis, bonorum possessoris, &c. ut onera quoque agnoscere cogantur: licet enim teneantur respondere creditoribus, damnum tamen nullum sentiunt, si bona non sufficiant, Nicol. Burg. ad consuet. Flandr. tract. 13. nu. 10. Ex quatuor autem modis per universitatem succedendi hic propositus unus est, per quem succeditur viventi, scilicet adrogatio: per cæteros succeditur defuncto.

*Prius de hæreditibus*) In hoc explicando pars reliqua hujus libri & novem priores tituli sequentis consumuntur, nisi quod tractatio de legatis & fideicommissis inseritur propter argumenti conjunctionem. Hæreditas proprie nihil aliud est, quam universum illud jus, quod defuncto vel in defunctum tempore mortis ejus competeat. Hinc illa apud nostros hæreditatis appellatio universitatem quandam ac jus successio demonstrat, l. bonorum.



208. de verb. fig. Juris nomen est, & ideo dam-  
nosam quoque hæreditatem continet, l. hære-  
ditatis. 119. l. pecunie. 178. §. 1. eod. Item  
hæreditas etiam sine ullo corpore juris intel-  
lectum habet, ut loquitur Papinianus in l. hæ-  
reditas. 50. de hæ. per. Atque ut ostendunt,  
eam hæredem dici, qui succedit in universum  
demortui jus, suscipitque ejus rei commodum  
& incommodum, ideo hæreditatem definiunt,  
esse successionem in universum jus, quod de-  
functus habuit, l. nihil. 24. de verb. sign. l.  
hæreditas. 62. de reg. jur. Propriè enim suc-  
cessio & succedere hæredis est, non hæredita-  
tis: hæreditas verò illud jus, quod per suc-  
cessionem hæredi acquiritur, tot. tit. de acq. hæ.  
Atque ita ergo definitionem istam explicare  
soleo, facem prælucente Ulpiano in l. 3. in  
pr. de bon. poss. Diligentius hæc exculsi sup.  
tit. de reb. corp. & incorp.

Vel ex testamento, vel ab intestato) Acquisi-  
tio hæreditatis duabus hæc rebus constat, de-  
laratione, & delatæ susceptione. Ex delatione  
est jus & titulus acquirendi, in susceptione  
modus. Et ideo non ante acquiri hæreditas  
potest, quam cum delata est, l. si quis. 12. §.  
2. de acq. hæ. & retro delata esse intelligitur,  
quam quis potest adeundo consequi, l. delata.  
151. de verb. sign. Defertur autem hæreditas  
aut testamento, aut lege ab intestato, l. 1. &  
2. seqq. de hæ. per. unde hæredes alii testa-  
mentarii, alii legitimi: item hæreditas testa-  
mentaria, & legitima, l. in plurium. 70. de  
acq. hæ. l. 6. §. 2. que in fraud. cred. Scien-  
dum autem est, primùm agi hic de delatione  
hæreditatis directa: nam indirecto, hoc est,  
per fideicommissum, non testamento tantùm,  
sed etiam codicillis relinquere hæreditas potest;  
nec solum testamento factò, verùm etiam ab  
intestato: & is, cui ex fideicommissò restituta  
est hæreditas, ex Senatusconsulto Trebelliano  
hæredis loco habetur, de quo demùm tit. de  
fideic. hæ. qui est antepenultimus hujus libri.  
Deinde agi de hæreditate, quæ defertur & ac-  
quiritur jure civili: cæteroquin jure prætorio  
& bonorum possessor effectu hæres est, & bo-  
norum possessio, quæ hic ab hæreditate sepa-  
ratur, vi ipsa nihil aliud, quam hæreditas l. 1.  
2. 3. de bon. pos. l. hæreditatis. 138. de verb.  
sign. Tantùm in tempore & modo acquirendi  
nonnulla dissimilitudo, ut videbimus suo lo-  
co inf. de bon. pos.

Que ex testamento obveniunt) Ordinarium

fuit ante de judiciis testantium, deinde  
de successione ab intestato loqui, ait Ulp. l.  
1. si tab. test. nul. ext. nimirum quia prior  
semper ratio fuit hæreditatis testamentariæ  
quàm legitimæ. Nam verbis legis duodecim  
tabularum, uti quisque legasset suæ rei, ita jus  
est, sic confirmantur judicia testantium, quam-  
diu hæc proferuntur, atque ex testamento adi-  
ri potest hæreditas, si ab intestato non defera-  
tur, l. quamdiu. 39. de acq. hæ. Quoniam  
autem ad hoc ut testamento deferatur hæredi-  
tas & acquiri possit, requiritur, ut testamen-  
tum justum sit, hoc est, secundum regulas &  
præcepta juris civilis ordinatum, ideo subjicit,  
necessarium esse expositionem ejus rei ab ordi-  
natione testamentorum inchoare.

Ex omnibus per universitatem acquisitioni-  
bus, quæ unquam apud Romanos fuerunt,  
sola apud nos in usu est ea, quæ fit per suscep-  
tionem hæreditatis; bonorum enim possessio-  
res nulli, sed hæredes omnes sunt & appellan-  
tur, qui vel ex testamento, vel ab intestato  
defuncto succedunt, eodemque modo omni-  
bus jure civili Batavorum hæreditas acquiri-  
tur. Acquisitio quoque per adrogationem, &  
ea, quam tribuebat pro conservatione liber-  
tatum bonorum addictio, nullum usum in  
hæc regionibus habere possunt, cum nec  
adoptionis in totum ulla vis sit, nec servos  
agnoscamus, ut alibi relatum. Cæterum duæ  
aliæ species acquisitionis per universitatem  
moribus nostris receptæ, quas ignorat jus ci-  
vile Romanorum; una per nuptias; altera per  
voluntatem supremam præmorientis conjugis.  
Nam ex consuetudine generali Hollandiæ &  
West-frisiæ, nuptiis contractis, bona conju-  
gam confunduntur & communicantur, nisi  
pactis antenuptialibus aliter cautum sit. At-  
que hinc stante matrimonio debita unius ex  
bonis alterius exsolvi possunt. Habetque lo-  
cum hæc confusio etiam in nuptiis repetitis.  
Utique tamen bona feudalia in hanc commu-  
nionem non veniunt. Antiquitus quoque mo-  
ris fuit, ut vidua liberos minores natu habens  
moneret in possessione, & quasi dominio com-  
muni familiæ, fructusque sola perciperet, pro  
quibus liberos communes aleret, usque dum  
filiorum natu maximus perfectæ ætatis factus  
esset: sed hodie hoc amplius non obtinet, ni-  
si ultima voluntate aut etiam pactioibus id  
cautum reperiat, vid. D. Grot. lib. 2. manu-  
duct. ad jurispr. Bat. c. 11. & 2. seqq.



## DE TESTAMENTIS ORDINANDIS.

D. Lib. 28. Tit. 1. C. Lib. 6. Tit. 23. Nov. 66. II9. c. 9.

*Genera testamentorum obiter exposita, & ratio ordinis Justiniani.*

**I**N calce præcedentis tituli dictum est, cum quaeritur de acquirenda hæreditate, quæ dicatur testamento delata, in primis inspicendum esse, an testamentum valeat, & ritè ordinatum sit; eamque ob causam etiam initium hujus tractationis à doctrina de testamentis ordinandis, sive de ratione & modo testandi Imperatorem capere. Cæterum cum hæc doctrina ad omnium testamenta non pertineat, sed ad paganorum dumtaxat, & ex his ad ea, quæ fide privata ordinantur, quorum scriptorum alia forma sit, alia non scriptorum; ut omnis confusio vitetur, prius genera testamentorum obiter secernemus, explicaturi deinde, quomodo singula fiant iis in locis, ubi hoc tangit Imperator. Testamentum in genere nihil aliud est, quam ultima voluntas, qua quis hæredem sibi sive bonorum successorem deligit. Et geminæ ejus sunt species: unum commune civium Romanorum, quod paganicum appellatur; alterum proprium militum, quod ideo militare. Utrumque rursus vel scriptum est, vel non scriptum seu nuncupativum, §. ult. inf. eod. & §. 1. tit. seq. Et commune sive paganicum iterum vel publica fide ordinatur, l. omnium. 19. C. hoc tit. vel fide privata. Cum autem sola paganorum testamenta, quæ quidem fide privata fiunt, ad stricta sint legibus, quæ ad solemnitatem ordinationis pertinent, militaria his omnibus soluta, sciendum est nihil eorum, quæ de is in conficiendo testamento observandis hoc loco & passim aliis ejusdem argumenti simpliciter traduntur, ad militaria testamenta pertinere; adeoque in toto jure, cum simpliciter testamentum nominatur, commune sive paganicum intelligit. Paganorum testamenta, ut rectè fiant, & jure civili rata sint, in hisce tribus positum est: in persona testantis; in forma testandi & modo; in rebus, quas testamentum necessario complecti debet. Quod Cajus l. 4. hoc tit. sic expressit: Si quaeramus, inquit, an valeat testamentum; in primis animadvertere debemus, an is, qui fecerit testamentum, habuerit testamenti factionem, deinde si habuerit, requiremus, an secundum regulas juris civilis testatus sit. Regulæ verò istæ pertinent vel ad modum testandi, vel ad res, quas

testamento, ut valeat, complecti necesse est. Atque hæc omnia etiam à Justiniano ordine tractantur: verum orditur ille à testandi modo. De personis testamentum agit secundo loco, inf. tit. 12. de rebus quorum insertio ad vim testamenti necessaria, tit. 13. & 14. Recenset hic primùm historiæ causa antiquas atque obsolescentias testandi formas; deinde explicat, quo ritu postea testamenta fieri cœperint, primùm per scripturam, deinde sine scriptura, voluntate palam nuncupata. Cæterum hæc omnia pertinent ad ea testamenta, quæ fiunt fide privata. Publica autem fide si quis testari velit, (quod hic à Justiniano omissum) poterit id facere vel coram Principe per supplicationem, vel apud acta judicis aut municipium; & tunc neque testes, neque alia solemnitas desiderat, l. omnium. 19. C. hoc tit. & ibi Gloss. & DD. add. Mynsing. 6. obs. 29. Boet. dec. 228. Christin. vol. 4. dec. 7. num. 4.

TEXTUS.  
Etymologia.

*Testamentum ex eo appellatur, quòd testatio mentis sit.*

## NOTÆ.

*Testatio mentis*) Allusio potius quam *ετυμολογία*, cujusmodi nostris sæpe obrepunt, l. 1. de acq. pos. l. 1. de novat. l. 2. §. 2. de reb. cred. l. 35. §. 1. de mort. caus. don. Definitionem habes apud Modestin. l. 1. D. hoc. tit. Ulpian. tit. 20. Vide plura in comment.

## COMMENTARIUS.

- 1 Non proponi hic veram testamenti notionem, sed allusione quadam etymologica ostendi rei & vocis convenientiam.
- 2 Definitio testamenti, quæ Modestinum auctoritatem habet, examinata, & perfectiores producta.
- 3 Testamentorum usum generaliter consideratum esse ex jure gentium; specialiter ex jure civili.
- 4 Apud plerosque populos tam liberam non fuisse, neque etiam nunc esse, testandi & legandi potestatem, quam apud Romanos fuit.

**Q**uòd testatio mentis sit) Allusione quadam etymologica ostendit rei & vocis convenientiam, imitatus S. Sulpitium, qui



qui quo efficacius vim rei exprimeret, testamentum dixit esse verbum duplex compositum à contestatione mentis. Estque hujusmodi aliusiva derivandi ratio omnibus auctoribus admodum familiaris: in jocis venustas delectat; in rebus seriis etiam utilitate sua, quam in re declaranda habet, commendabilis. Qualis est illa Ciceronis, qui *lib. 1. de offic. cap. 6. fidem ex eo appellatam*, scribit, quia fiat, quod dictum est. Item illa Augustini, quod mentiri inde dicitur, quod fit contra mentem ire. Similis est illa apud Priscianum: argumentatio dicta est, quasi argute mentis oratio. Apud nostros etiam crebro id genus occurrit. Talis est illa Pauli & Labeonis, qui possessionem appellatam scribunt à sedium positione, *l. 1. in pr. de acquir. poss.* Et Ulp. qui ait, donationem nomen accepisse à nova obligatione, *l. 1. de novat.* Eiusdem generis inveniuntur & in *leg. 3. de damn. inf. l. senatus. 35. §. 1. de mort. caus. don. l. 2. §. 2. de reb. cred.* Nec absimilis est illa Celsi dicentis, jus à Justitia appellatum esse, *l. 1. in pr. de just. §. jur.* Hæc autem & his similia, licet non dicantur ex vero, speciosam tamen veri arguendi vim habent, sicut exempla & comparationes fictæ non minus arguunt, quam veræ. Nullamque omnino causam video, cur Servium allusionis propositæ auctorem carpat Aul. Gell. *6. noct. Attic. 12.* aut in Justinianum tam inclementer invehatur Valla *l. 6. elegant. 36.* ut dicat, eum exploram atque derisam etymologiam denuo inculcasse: dignus profecto ipse, qui sibillo explodatur. Quis enim nequit, testamentum esse verbum non compositum, sed simplex? Et si de vera ejus originatione quæratur, dictum esse à testando? Quod autem convenit & verbo & simul rei, *testatio mentis*, fortuitum esse, nec in aliis verbis per hujusmodi formam productis idem evenire, atque ideo nec per similem allusionem declarari posse? Et Iralcor Gœddeo, qui in *l. nomen. 164. de verb. sign.* contendit, eamdem hanc derivandam rationem etiam accommodari posse verbis *vestmentum, ornamentum, calceamentum*, & ejusdem productionis cæteris; lepida scilicet ratione, quia & sartor, sutor, &c. mentis iudicio in opere faciendo utuntur, aut quia nemo sine mente se vestit, ornat, calceat. Et igitur si Gœddeo credimus, vestimentum ex eo appellatum rectè dici poterit, quod vestitio mentis sit, calceamentum quod sit calceatio mentis: an igitur & incrementum, quod sit mentis excretio? Mallem dixisset, Cerberum se metuere, quàm hæc tam temere atque inconsideratè effutisset. Apparet autem ex

verbis hujus textus & disputatione Gellii, Justinianum & Servium non definitionem aut descriptionem aliquam testamenti, sive ipsius rei proponere voluisse, sed indicare rationem nominis, *ἕρον ὀνοματώδη, ἢ τοι ἐτυμολογίαν.* Quæ & Theophili mens est, licet aliud videatur doctissimo Salmasio *lib. de usur. c. 1. VINN.* Rectè omnino auctor noster: cujus observationibus id adde, quod auctores nostri hic stoam hujus more imitentur. Iis enim philosophis hujusmodi allusiones erant familiarissimæ. *Cic. de offic. l. 1. c. 6. Seneca Epist. 88.* Vidit jam hoc Vir eximius Em. Merill. *Obs. Lib. 1. cap. 10.* & ante eum summus Cujacius. *Observ. lib. 11. c. 37.* Addenda etiam quæ hanc in rem contra Laur. Vallam disputant viri docti apud Cl. Ducker. *de Latin. vet. Jct. p. 23. sequ. §. p. 462.* Scip. Gentil. *Orig. ad ff. & Ægid. Menag. Amœnit. jur. cap. 39. HEIN.*

Descriptionem testamenti habemus apud Modestinum *l. 1. hoc. tit. Testamentum*, inquit, *ste voluntatis nostræ justa sententia de eo, quod post mortem suam fieri velit.* Justam sententiam si accipimus solemnem, aut plenam, hoc est, integram & de omnibus bonis, (utraque enim significatio huic verbo convenit) hac nota factis removebuntur condicilli. Expressior tamen est illa Ulpian. *in fragm. tit. 20.* qui sic definit: *Testamentum est mentis nostræ justa contestatio, in id solemniter facta, ut post mortem nostram valeat.* Quod Modestinus voluntatis sententiam, Ulpianus contestationem dixit, uti & in *l. qui testamento. 20. §. §. veteres. 8. hoc tit.* contestationem supremam: quoniam non est simplex voluntatis enunciatio aut demonstratio, sed testata, hoc est, declarata & exposita apud eos, qui, ut testes essent, rogati sunt hoc modo: *Hæc uti in tabulis scripta sunt, ita vos, Quirites, testor. Itaque testimonium prohibetote.* Perfectissima autem erit definitio, si ita dicamus: *Testamentum est suprema contestatio in id solemniter facta, ut quem volumus post mortem nostram hæcæmus hæredem.* Nam legata ad testamenti substantiam non pertinent, *l. 1. §. 3. de hæred. instit.* Sunt autem hæc definitiones conceptæ de iis testamentis dumtaxat, quæ fiunt jure communi omnium Civ. Rom. ad ea quæ fiunt jure proprio & singulari, qualia sunt militum, *de quib. tit. seq. & quorundam etiam paganorum, de quibus nos obiter ad §. 4. n. 2. infr. b. tit.* non pertinent. Quæri hoc loco solet, cui juri adscribenda testamenti factio, utrum juri gentium an civili? Dicendum est, si generaliter, simpliciter & indefinitè usus testamentorum consideretur, eum esse ex jure gentium; si spe-



ſpecialiter & definite, ex jure civili. Neque aliud interpp. ſentiunt, cum originem teſtamentorum ad jus gentium referunt, formam ad jus civile: formam nimirum propriam & modum teſtandi peculiarem cujuſque Reip. Nemo enim, opinor, tam ineptus eſt, ut putet, rem ullam eſſe ſine forma, aut ſimplicem & ſecundum jus gentium teſtandi rationem, qualis in militum teſtamenti cernitur, forma carere. Breviter, ut liceat morituris diſponere de rebus ſuis, ex jure gentium eſt; ut non aliter liceat, quam hoc vel illo modo ex jure civili. Hujus rei non leve argumentum eſt, licet à poſteriori concludat, quòd apud omnes fere gentes in uſu teſtamenta fuerunt, ſive jus cavendi de eo, quod quis poſt mortem ſuam fieri vellet. Philoſophorum ſupremas aliquot voluntates refert Diog. Laertius in *vitis Philoſoph.* Iſaias Propheta annuntiat Ezechia regi Judæ, ut domui ſuæ præcipiat, quaſi mox morituro, 2. *Reg.* 20. & Tacitus de Germanis noſtris, ut ſingulare aliquid notat, quòd nullum apud eos teſtamentum eſſet *lib. de morib. German. cap. 20.* Idem quoque arguit, quod miles, qui ſecundum jus gentium teſtari creditur, deportatum hæredem inſtituere poteſt, *l. 13. §. 2. de teſta. mil. junct. l. 17. §. 1. de pæn.* Et ſecundum hæc ad populum Conſtantineſis; *Nihil eſt, inquit, quod magis hominibus debeatur, quam ut ſupremæ voluntatis (poſtquam jam aliud velle non poſſunt) liber ſit ſtylus, & licitum, quod iterum non redit, arbitrium l. 1. C. de ſacroſ. Eccleſ.* Reperiuntur tamen, qui teſtamenti factionem toto ſuo genere juris merè civilis eſſe contendunt, ac ne illud quidem nobis concedunt quod dicimus, rem ipſam ſimpliciter & per ſe conſideratam eſſe juris gentium. Negant, rationi & ſimplicitati juris gentium convenire, ut quis diſponat de re non ſua: id autem eum facere aiunt, quia diſponit in id tempus, quo dominus eſſe deſinit. Sed aſſumptio hæc falſa eſt. Non enim de re aliena, ſed ſua, nimirum eo tempore, quod adhuc dominus eſt, teſtator diſponit, & quid fieri velit, ordinat: licet executionem voluntatis in tempus mortis ſuæ ſuſpendat. Quod non magis pugnat cum ratione naturali, quam ſi quis bona ſua omnia alicui donaret ea lege, ut ipſe, quoad vivat, unam poſſeſſionem eorum retineat. Nam, ut rectè docet D. Grotius *lib. 2. de jur. bell. & pac. cap. 6. num. 14.* teſtamentum vi ipſa nihil aliud eſt, quam alienatio in mortis eventum ante eam revocabilis, retento interim jure poſſidendi ac fruendi. Ex eo quoque quòd ſucceſſio, quæ jure ſanguinis ab inteſtato de-

fertur, revera ex jure communi eſt, malè colligas; alienum eſſe à ratione ejuſdem juris, ultima voluntate de bonis ſuis cavere. Etenim ne illo quidem jure putandum eſt, deſuncti bona ſimpliciter addici proximis, ſed in defectum ſupremæ voluntatis ejus, qui dominus fuit, *arg. §. per traditionem. 40. ſup. de rer. div. d. l. 1. Cod. de ſacroſ. Eccleſ.* quem naturæ legis ordine etiam in deferenda hæreditate lex duodecim tabularum ſecuta eſt. Reliqua, quæ contra objiuntur, parvi ponderis ſunt, quale eſt illud quod Papinianus ſcribit, teſtamenti factionem non privati, ſed publici juris eſſe, *l. 3. hoc tit.* Nam ſi jus publicum proprie accipimus, quod utilitate publicum eſt, ut diviſione juris propoſita, *§. ult. ſup. de juſt. & jur. leg. 1. §. 2. eod.* teſtamenti factio juris privati eſt. Publici autem juris eſſe dicitur oppoſitive ad contractus & conventiones, quæ auctoritate publica eſt, *l. 1. ad leg. Falc. l. verbis. 120. de verb. ſign.* nec ut contractus privati cujuſque arbitrio, ſed legum poteſtate regitur, *l. ult. de juſt. & legit. hæc.* quamquam & quæ ad jus publicum proprie pertinent, magnam partem ex moribus & inſtitutis aliarum gentium Romani petierunt. Quod pluribus expoſui ad *d. §. ult.* Neque majoris momenti eſt, quod de deportato profertur, cum nec teſtamentum facere, nec ex eo capere poſſe, *l. 8. §. 1. hoc tit. l. 1. Cod. de hæc. inſt.* qui tamen omnia, quæ ſunt juris gentium, retinet, *l. ſunt. quidam. 17. §. 1. de pæn.* Nam nec matrimonium contrahere poteſt, nec patriam poteſtatem, nec tutelam, nec jus ſucceſſionis cognationi tributum retinet. Nimirum etſi hæc omnia ex jure gentium tamquam ex communi fonte populus Romanus hauſerit, propria tamen ſibi fecit, & à communiſtione eorum arcuit peregrinos. Neque enim hoc dicimus, teſtamentum eſſe juris gentium, quo modo contractus & comerca juris gentium eſſe dicuntur, ſed ex jure gentium & civili ita conſtat, ut, quamvis hic præcipue partes ſunt juris civilis, & ob id etiam inter ea, quæ juris civilis ſunt, teſtamentum numerandum; tamen numerandum inter ea, quæ mixti juris ſunt, non quæ merè civilis & poſitivi: quoniam ex ratione juris gentium eſt, ut quis moriturus de bonis ſuis poſſit diſponere: quo ſenſu etiam in Inſtitutionibus Græcis inter exempla juris gentium refertur τὸ διαθήκας συγγραφόμεναι. *tit. de jur. nat. gent. in pr.* Revife ad ea quæ ſub *§. 1. ejuſd. tit.* à nobis tradita ſunt. Illud plane ridiculum eſt, quòd ex eo, quòd Tacitus ſcribit, apud Germanos ſuo tempore uſum

teſ-



testamentorum non fuisse, nonnulli colligunt, testamenti factionem cum jure gentium non consentire. Nam usum quoque emptionis & venditionis Germanos ignorasse idem Tacitus eodem loco prodidit, cum apud eos nummus non esset, & cerebrosi hominis est, ex usu unius populi & rudis adhuc de jure gentium judicare, add. doctiss. Vigl. ad §. 2. hoc tit. VINN. Non adeo expedita res videtur, testamenti factionem esse juris gentium: sive per illud intelligas jus, quod naturalis ratio inter omnes homines constituit, sive quod usu & necessitate exigente homines inter se constituisse dicuntur. Nec rationis Vinnii id evincunt. Nam (1) multæ gentes condiderunt testamenta, sed non omnes. Non Germani, Tac. de mor. Germ. cap. 20. non Athenienses ante Solonem, Plutarch. in Solon. p. 90. non Hebræi, Seld. success. in bon. Hebr. cap. 24. non Indi denique, veluti Siameses, De la Loubere du Royaume de Siam. T. 1. part. 3. ch. 7. n. 9. Deinde (2) omnino rationi naturali repugnat, alicui jus esse statuendi de rebus suis, ut voluntas post mortem valere incipiat, ubi jam velle desit, & mors omnia solvit, Quod animadvertens vir acutissimus Leibniti- us in novo methodo Jurisprudi. p. 56. sequi ad animarum immortalitatem confugit, ut sic perdurare voluntas mortuorum videatur, quod nimis dilutum est. (3) Nec donationis exemplum à Vinnio adductum quadrat. Nam qui donat inter vivos statim dominium transfert: quamvis sibi usum possessionemque reservet. (4) Grotii definitio non exhaurit naturam testamenti, de quo nobis quæstio est. Quis enim dixerit, testatorem, quoad vivit, tantum jus possidendi & fruenti sibi reservare, quum res suas vendere, donare, quin ipsam ultimam voluntatem mutare possit? Et quis dixerit, eam alienationem esse revocabilem, qua nihil alienatur, & quæ revocari potest, antequam valere cœpit? (5) Denique nec usu & necessitate exigente testamenta inventa sunt, quum nulla necessitas fingi possit, quæ homines adegerit ad testandum, quum jam leges extent de successione, immo hæc testamenti factio sæpe incommodis oneret rempublicam. Vid. Hert. Elem. Polit. Part. II. sect. 21. §. 53. HEIN.

Adjicio, ἐς παράδοσιν, multis visum, è Republica aliquando esse; nimiam testandi & legandi libertatem præcidere: præsertim in Optimatum statu, & hæcenus ut ne cui liceat prædia paterna aut avita legare. Quin etiam Bodinus lib. 5. de repub. cap. 2. auctor est, solis Atheniensibus usurpatam fuisse infinitam

legandi licentiam, eamque Decemviros à Solone acceptam in duodecim tabulas retulisse, & populo Romano proposuisse his verbis; *Uti quisque legasset suæ rei, ita jus esto, l. verbis legis. 120. de verb. signis.* Cæterum autem gentium omnium unam legem fuisse, ne prædia testamento legare liceret: eoque jure adhuc Polonos, Danos, Suecos, aliosque populos uti. Nos scimus, idem fere etiamnum obtinere in Geldria, & Diocesi Trajectina, locis Bataviæ nostræ proximè adjacentibus. Excepta apud nos sunt bona feudalia, quæ testamento dare, aut legare non licet sine indulgentia Ordinum hujus Provinciæ. At impetrata de his testandi licentia, potest vasallus feudum cui velit testamento relinquere, modo is cui relinquitur ex justo matrimonio procreatus sit. Et potest hoc facere etiam sine permisso ejus, qui proximus feudi dominus, est sine consensu successorum feudi ab intestato. Simplex indulgentia non plus juris Vasallo tribuit, quàm ut semel de bonis feudali- bus directo disponere possit vel instituendo vel legando: plures autem gradus faciendi potestas aut substituendi sive directo sive per fideicommissum non aliter competit, quàm si hoc quoque specialiter diplomate comprehensum fuerit, Grot. 2. manducet. c. 42. & ibi. Groenev. in not. notab. feud. §. 24. Apud Ultrajectenses etiam simplex indulgentia potestatem substituendi tribuit, sed semel dumtaxat.

## TEXTUS.

## De antiquis modis testandi civilibus.

1. *Sed ut nihil antiquitatis penitus ignoretur, sciendum est, olim quidem duo genera testamentorum in usu fuisse; quorum altero in pace & otio utebantur, quod calatis comitiis appellabant: altero, cum in prælium exituri essent, quod prociatum dicebatur. Accessit deinde tertium genus testamentorum, quod dicebatur per æs & libram, scilicet quod per emancipationem, id est, imaginariam quamdam venditionem agebatur, quinque testibus & libripende, civibus Romanis puberibus presentibus, & eo, qui familiæ emptor dicebatur. Sed illa quidem priora duo genera testamentorum ex veteribus temporibus in desuetudinem abiierunt: quod verò per æs & libram fiebat, licet diutius permanserit, attamen partim & hoc in usu esse desit.*

## NOTÆ.

Calatis comitiis) Calato seu convocato per licitorem curiatum populo, testamentorum confirmandorum causa: curiata enim hæc erant



erant comitia, non centuriata, aut tributa. Gell. lib. 15. c. 27. Gruch. in præf. lib. de com- mit. In Gloſſis, calata comitia, ἀρχαῖστια δις τῷ ἔτους γυβόμενα. Vid. inf. in comm.

Per emancipationem) Emancipare & manci- pare proprie, est ære & libra vendere, & in dominium alicui tradere. Horat. Epist. 2. l. 2. v. 158. Si proprium est, quod quis libra mer- catur & ære. Per translationem prædicatur de qualibet alienatione & subjectione. Plaut. Bacch. & Curcul. Cic. Phil. 2. & Cat. Maj.

Imaginarium venditionem) Imaginaria dicitur, quia pretium non interveniebat; sed νόμισμα χαλκίον festerius nummus, v. Cujac. 10. obs. 37.

Quinque testibus) Aderant præter libripen- dem testes quinque, cives Rom. puberes, certis- que verbis hic actus perficiebatur. V. Ul- pian. tit. 19. §. 2. & tit. 20. §. 1. & 8. & Boet. in Top. ubi ex Cajo etiam formulam mancipa- tionis refert, add. Salmaf. de usur. c. 8.

Familie emptor) Suet. Neron. cap. 4. Fam- ilie emptor, id est, hæreditatis; qui initio erat ipse hæres futurus, §. 10. inf. eod. postea au- tem alius ab hærede, maniceps fiduciarius, qui hæredem familiam remanciparet. Theoph. quod Plutarcho lib. 2. de serv. num. vind. absurdum videtur.

In desuetudinem) Causam te docebit Theoph.

### COMMENTARIUS.

- 1 Comitiorum genera obiter exposita, & ostensum quibus comitiis testamenta fieri solebant.
- 2 De testamento, quod veteribus endo procin- ctu.
- 3 De testamento per æs & libram.
- 4 Quando superiora genera testamentorum in usu esse desierint.

**Q**uo ratio juris de forma & modo facien- dorum testamentorum postea constituti facilius & perfectius intelligatur, neces- sarium putavit Justinianus, à primordio rem totam repetere. Et sunt sanè multa in jure novo & posterioribus temporibus constituta, quæ sine veteris notitia perfectè intelligi non possunt: idque non tantum in re hic propo- sita; sed etiam in plerisque aliis juris Justinia- nei partibus accidit. Accommodari huc po- test illud Senecæ lib. 6. de benef. c. 1. Etiam quod discere supervacuum est, prodest cognoscere. Ait autem, primis temporibus duo genera tes- tamentorum populo Romano in usu fuisse, quorum altero quod calatis comitiis diceba- tur utebantur in pace & otio; altero quod

procinctum, cum in prælium procincti edu- cerentur: accessisse autem postea & tertium genus, quod per æs & libram fiebat. Atque hujus rei testem habemus etiam Aulum Gellium, qui lib. 15. noct. Attic. c. 27. sic scribit; *Tria genera testamentorum fuisse accipimus, unum, quod calatis comitiis in concione populi fieret; alterum, quod in procinctu, cum viri ad prælium faciendum in aciem vocabantur; tertium per familia emancipationem, cui æs & libra adhiberetur.* Idem quoque tradit Ulpian. in fragm. tit. 20.

Quod calatis comitiis appellabant) Tribonia- nus non satisfacit studiosis antiquitatis, dum hoc genus indicat, non exponit. Sed & inter- pretes paucis de eo agunt, nec explent de- siderium hominis curiosi. Quamobrem ne quid antiqui moris ignoretur videndum est, quæ- nam ista comitia, quæ Justinianus, Ulpianus & Gellius calata appellant, fuerint; & unde hoc iis solis nomen, quod videtur omnibus communiter convenire. Pater ex scriptis veterum, maximè Ciceronis, Livii & Dionysii Halicarnassensis, tria fuisse eaque diversa comitiorum genera; curiata, centuriata & tributa: quorum antiquissima curiata. Nam ex quo Curie primùm à Romulo institutæ sunt, usque ad tempora Servii Tullii sexti Romano- rum Regis omnia, quæ suffragiis populi à Re- gibus mittebantur, curiatis comitiis peracta fuere: ut ex eo intelligi potest, quod necdum centuriæ; nec tribus erant, quæ suf- fragium dicere possent. Itaque non modo re- ges, sed cæteros etiam magistratus curiatis comitiis creatos fuisse interpretandum est, cum apud auctores reperimus, à populo eos creatos: & leges omnes, quæ ad illud usque tempus latæ sunt, curiatae fuerunt: & judi- cium Horatii à populo curiatis comitiis pe- ractum est. At post classes à Servio rege insti- tutas, tum duo cœperunt esse comitiorum genera, curiata, & centuriata: atque illis duobus tantum usus est populus usque ad ju- dicium Coriolani: qui fuit annus ab urbe condita 263. quo primùm instituta sunt tri- buta comitia; & curiata minus ex eo tempo- re frequentari cœperunt. Curiata comitia dicebantur, in quibus populus curiatim suffra- gium dicebat, hoc est, in quibus populus per curias divisus sententiam rogabatur; ut quod plures curiæ statuisent, id jussu populi dice- retur: nec auspiciato fieri poterant, nisi in- tra pomerium, idque in foro, adeoque in comitio. Centuriata erant, quibus populus per classium centurias divisus suffragium fere- bat, ita ut suffragia colligerentur centuriatim.



& quod plures centuriæ iussissent, id jus raturumque esset. Hæc intra pomerium haberi non poterant: locus ei designatus erat campus Martius. Tributa comitia dicta, cum populus tributim sive per tribus divisus suffragium iniret, in quibus quod plures tribus iussissent aut vetuissent, spectabatur. Hæc autem diversa fuisse à curiatis, argumento est, quod tribus à curiis semper diversæ fuerunt: quodque intra aut extra pomerium haberentur, nulla religio erat. Jus habendi comitia solis Magistratibus fuit, nisi de sacris esset agendum: & quidem solis patriciis & maioribus magistratibus curiata & centuriata; tributa etiam Tribunis plebis. Sacrorum autem causa Pontifices jus habuerunt vocandi comitia tam centuriata, puta creando Regi sacriculo, quam curiata: nam fallitur D. Wessembecius, dum existimat, magistratus coegisse centuriata comitia, calata pontifices. Causæ habendorum comitorum variæ: ad creandos magistratus aut confirmandos, ad leges ferendas, judicia exercenda, sacerdotes inaugurandos, detestationis sacrorum, adrogationum, & testamentorum faciendorum causa: nec tamen unæ omnium, nec eadem omnium, omnibus temporibus. Singula exequi ad institutum non opus est: adeundi Nicol. Gruchius, & Carol. Sigonius, qui de comitiis Rom. scripserunt ex professo. Cum igitur præter ea, quæ diximus, nulla alia fuerint comitia, necesse est calata, quorum hic mentio fit, speciem unam ex his fuisse. Non fuere autem centuriata: alioqui sequeretur, nec in urbe testari. Quirites potuisse, nec omnino primis temporibus testari ante tempora Servii Regis, à quo primum centuriata comitia instituta sunt. Multo minus putandum est, hæc comitia tributa fuisse; quippe quorum usus nullus fuit ante iudicium Coriolani. Relinquitur ergo, ut curiata fuerint, quæ sola primis temporibus, cum in concione testamenta fiebant, in urbe haberentur. Idque etiam Gellius non obscure indicat loco superius citato, cum ait, iisdem comitiis calatis sacrorum detestationes & testamenta fieri solita. At ante legem Papyriam, quæ vetuit ædes, terram, aram consecrare injussu plebis, teste Cicerone *pro domo*, consecrationes à Pontificibus factas curiatis comitiis docet Gruch. *lib. 3. de comit. Rom. cap. 2.* Igitur quod in concione calatis comitiis testamenta olim fieri solita dicuntur, calatis comitiis, hoc est, convocato testamentorum confirmandorum causa populo, non centuriatim sive per centurias

classium (ut D. Viglius existimat) neque per tribus, sed per curias, idque à collegio pontificum. Ex eo autem quod veteribus frequens usus erat verbi *calo*, quod Græcum est, unde nomina *calenda*, *curia calabra*, *classis* &c. Macrobian. 1. *Satur. 15.* existimare licet, initio comitia omnia calata fuisse, sed postea cum id verbum in usu esse desit, nomen calatorum comitorum in his tantum, quæ pro collegio pontificum haberentur, retentum esse, idque religionis & antiquitatis causa. Gellius sanè, *d. lib. 15. c. 27.* refert in Libro Lælii Felici ad Q. Mucium primo scriptum esse, Labeonem scribere, calata comitia esse; quæ pro collegio pontificum haberentur, aut regis sacrorum, aut flaminum inaugurandorum causa. Et paulo post, iisdem comitiis & testamenta condita. Ac credibile est, ideo pontifices testamentorum factionibus præfuisse, quia sacra, quæ ad eos pertinebant, una cum hæreditatibus transferrentur. Vicem horum testamentorum exhibere scribit D. Viglius, quæ precibus Principi oblatis inseruntur, juxta *l. omnium. 19. C. hoc tit.* Nam Principem post legem regiam quodammodo universum populum repræsentare. Sed & testamentum, quod in acta magistratus municipumve refertur, ejus, quod calatis comitiis fiebat, quadantenus locum subit, quia & ipsum publica fide fit, & quasi totius civitatis, *d. l. omnium VINN.* Quæ hic Vinnius perspicue refert, ea maximam partem rectè se habent, & plenius exponuntur à Gruchio & Sigonio. In eo tamen falli videtur (1) quod comitia calata testamentorum causa convocata putat. Convocabantur enim legum ferendarum magistratumque creandorum causa, immo & ob alia negotia publica, bellum, pacem, judicia &c. Testamenta autem, nihil aliud tum erat quam leges, rogatæ à magistratibus & curiarum suffragiis confirmatæ. Unde vocabulum *legare*, quasi legem ferre *τομὸς δειται, Nov. 22. cap. 2.* legis modo relinquere. Ulp. *Fragm. tit. 24. §. 1.* Deinde id (2) admittendum videtur, quod testamenta principi oblata, vel in acta magistratus municipumve relata in testamentorum, quæ calatis comitiis facta sint, locum successisse existimat: quum complura ante sæcula obsolevisset comitia calata, testamentaque in iis fieri solita, quum hæc testamenta principi, vel magistratibus oblata invenirentur. HEIN.

Quod *prociñctum dicebatur*) Alterum testamenti genus antiquitus usurpatum, cum ad pugnam ituri essent, incerti an essent redituri, *prociñctum* appellatum esse ait: pro  
Y y quo



quo malim in *procinctu* : nam testamentum ineptè *procinctum* dixeris ; licet Theophilus quoque *procinctum* legat , ut verisimile sit, ita Tribonianum scripssisse. At enim veteres ita locuti non sunt , ut hoc epitheton ipsi testamento apponerent : sed *procinctum* militem, *procinctum* exercitum, *procinctam* classem dicebant , id est, multitudinem hominum ad prælium instructam & paratam : eo quod togis incincti olim pugnabant ; quo expeditiores essent , teste Festo. Hinc *procinctus* , pro *exercitus*. Ammian. lib. 18. *procinctus* *adventans*. Testamenta autem quæ pugnaturi instructa acie nuncupabant, *endo procinctu* vel in *procinctu* appellabant Gloss. Lat. Græc. *endo procinctu* , ἐνδοπρόκινκτος ἐν πολέμῳ. Lucilius Balbus apud Cic. 2. de nat. Deor. cap. 3. Itaque *maxime* Reipub. partes in his bella, quibus Reipub. salus continetur , nullis auspiciis administrantur, nulla perennia servantur , nulla ex acuminibus, nulli viri vocantur, ex quo in *procinctu* testamenta perierunt. Et lib. 1. de Orat. cap. 53. apud eundem Antonius : Qui duos filios suos parvos tutela populi Romani commendasset, ac se, tamquam in *procinctu* testamentum faceret sine libra atque tabulis , populum Rom. tutorem instituire dixisset illorum orbitati. Ita quoque Fessus, Gellius, Ulpianus dd. loc. Plutarchus in *Coriolan.* p. 198. ita hanc rem explicat : Erat eo tempore , inquit, mos Romanis prælium inituris scutaque sumpturis, περιζώνουσα τιβέριον, præcingere togam , simulque διαδίκας ἀράφους, testamenta sine scripto facere , & tribus aut quatuor audientibus hæredem nuncupare. VINN. Immo in texto Plutarchi est τετραὶ καὶ τετάρῳ, qui conficiunt septem. Forte καὶ pro ἢ ponitur, particula copulativa pro disjunctiva, quod sæpe & alibi fit. Vid. Jo. Strauch. *Lexic. partic. in voce*. Et HEIN.

<sup>3</sup> Quod dicebatur per æs & libram ) Ἀπαίτιον : ut scribit Theophilus , hoc est *inauspiciatum* veteribus visum fuit , sano & valente corpore testamentum facere velle , extra quam si præsens periculum foret , veluti si in hostem pugnandum esset , aut comitia testamentis faciendis ex professo haberentur : quod bis tantum in anno , si eidem Theophilo credimus, fiebat. Sed cum hinc eveniret , ut ne ægrotantibus quidem semper libera esset testamenti factio ; nec fœminæ , quibus nulla comitorum communio erat , teste Gellio lib. 5. cap. 19. ulla ratione testari possent ; excogitata postea est tertia testandi ratio , secundum quam & quovis loco ac tempore , & fœminis etiam suprema judicia ordinare liceret. Hic modus testandi per æs & libram dictus, quia per man-

cupationem , in qua æs & libra adhibebatur, fiebat : unde hæres per æs & libram apud Ciceronem 2. de legib. Et sciendum est , Romanos primis temporibus ære gravi atque argento rudi , non signato, usos fuisse pro pecunia, atque hæc appendere , non numerare solitos ; signata pecunia demum post Pyrrum Regem devictum uti cœpisse , eamque numerare, auctore Plinio lib. 33. cap. 3. Verba tamen vetera etiam postea retenta sunt , ut *pendo*, *appendo*, *expendo*, nominaque ab his derivata ; & imago quædam vetusti moris in venditione atque alienatione rerum mancipi , quæ uno verbo *mancipatio* dicitur , ( Cicero in *Topic.* cap. 10. traditionem *uexu* vocat, propterea quod hæc *mancipationem* sequebatur ) nimirum ut is, in quem hæ res transferebantur, eas emeret à domino ære & libra , appenso ei *ritus hæris*, dicis causa , nummo uno. Atque hoc modo plenissimo & optimo jure dominium in accipientem transferebatur , pleno scilicet jure *Quiritium* ; cum alioqui *bonitarium* dumtaxat transferebat. Quo accommodandum illud Horatii *Epist.* lib. 11. ep. 2. v. 158. Si *proprium* est , quod quis *libra* mercatus & ære est. Aderant præter *libripdem* quinque testes, cives Romani , puberes , certisque verbis hic actus perficiebatur , vid. Ulp. *tir.* 1. §. 11. & *tir.* 19. §. 2. & Boët. in *Top.* Cic. lib. 3. apud quem etiam extat *mancipationis* formula. Is , inquit , qui *mancipio* accipit , as tenens ita dicit : Hunc ego hominem ex jure *Quiritium* meum esse ajo, isque mihi emptus est hoc ære æneaque libra. Deinde ære percutis libram , indeque as ei dat , à quo *mancipium* accipit , quasi pretii loco. Ita rectè eum locum emendat vir prædicatione dignus , sed ~~magis~~ major. Cl. Salmas. lib. de us. cap. 8. Traductum hoc postea & ad translationem universitatis bonorum , ut futurus successor familiam , id est, universam substantiam testatoris *εικοξιάς* emeret, quo post mortem ejus hoc tamquam iusto titulo bona possidere intelligeretur. Eadem quoque solemnitas adhibita fuit in adoptionibus & emancipationibus liberorum , ut alibi vidimus. VINN. Immo vera ratio paulo altius repetenda, cur Romani testamenta condenda putarint per æs & libram. Leges exstabant de successione ab intestato. Leges privatae cujusque voluntate mutari non poterant, l. 38. ff. de pact. sed alia lege opus erat, quæ prior abrogaretur. Hinc testamenta olim fiebant in comitiis calatis , per modum legis. Posteaquam autem leges XII. tabularum cuiusvis concessissent libertatem testandi, lege notissima : Paterfam. uti legavit super pecunia



tutelave suæ rei; ita jus esto: opus erat fictione quadam, ne privati hominis voluntate leges viderentur mutari. Itaque fingebant, testatorem hæreditatem, tanquam rem mancipi vendere, addita secreta lege: Hæc uti in his tabulis scripta sunt, ita do, ita lego, ita testor. Facem hic præfert Vir Illustr. Corn. van Bynkersh. *Obs. Lib. 2. cap. 2.* HEIN.

*Quod per emancipationem*) Ita quoque Theophilus, Aul. Gellius, lib. 5. c. 27. per familie emancipationem. Nec video, cur potius legendum mancipationem: quod vult D. Bachovius. Etenim veteres non minus verbo emancipare, quam mancipare utuntur, pro mancipio dare, tradere, vendere, alienare. Cicero de Senect. cap. 2. Ita senectus honesta est, si nemini emancipata est. Plaut. in Bach. act. 1. Sc. 2. v. 60. Nunc mulier tibi me emancupo, tuus sum. Horat. epod. 9. v. 12.

Romanus (ebeu posteri negabitis)

Emancipatus femine

Fert vallum & arma miles.

id est, δειδλωμένος τῆ γυναικί Tranquillinus in Oribone c. 4. Cuidam cum vicino de parte finium litiganti adhibitus arbiter totum agrum redemit, emancipavitque. Plinius lib. 7. epist. 18. Agrum ex meis longè pluri exactori publico emancipavi. Cicero 2. Philipp. cap. 21. Tum iste venditum atque emancipatum tribunatum consiliis vestris opposuit: quo tamen loco non ignoro etiam emancipatum legi.

*Imaginariam quamdam venditionem*) Duabus de causis venditionem hanc imaginariam fuisse scribit Hotomannus: primum quia revera venditio non erat, sed liberalis bonorum omnium translatio, cum dicis tantum causa numerus unus appenderetur testatori: deinde quia familiaris emptor, in quem tanquam in hæredem ea bona per emancipationem transferebantur, hæres non erat, sed alius ab hærede. At oportebat distinguere tempora: nam quo tempore hæc testandi ratio primum introducta est, ipse hæres futurus familiaris emebat: quod bis hoc loco testatur Theophilus, & intelligere licet ex §. sed neque 10. inf. eod. Progressu autem temporis, cum, ut credibile est, quod veterum simplicitas & probitas antea non consideraverat, experimentis compertum esset, eam rem testatori periculosam esse, atque insuper etiam causam odii in testatorem, invidiæ in hæredem, legitimis successoribus præbere; receptum est, ut palam quidem solemnitas adimplendæ causæ familiaris emptor adhiberetur, sed qui, ut manceps fiduciarius, hæredi seorsum in tabulis clausis scripto, mortuo testatore, familiam remanciparet. Cujus

rei causam cum Plutarchus non intelligeret, in libro, cui titulus est, *De sera numinis vindicta*, de Romanis loquens, sic scribit ὅταν διαθήκας γράφωσι, ἑτέροις μὲν ἀπολείπουσιν κληρονομίας, ἑτέροις δὲ παλῶσι τὰς ὑσίας; ὁ δὲ δοκῆ παραλόγοι. Transferantur huc verba Ulpiani ex tit. 20. §. 8. In testamento, inquit, quod fit per æs & libram, due res aguntur, familie emancipatio, & nuncupatio testamenti. Nuncupatur testamentum in hunc modum; Tabulas testamenti testator tenens, ita dicit; Hæc uti his tabulis cerisve scripta sunt, ita do, ita lego, ita testor: itaque vos Quirites testimonium perhibetote, quæ nuncupatio & testatio vocantur.

*Priora duo genera in desuetudinem abierunt*) 4 Recepto usu testamenti per æs & libram, priora illa duo minus frequentari cœperunt, paulatimque abire in desuetudinem. Et quidem jam ætate Ciceronis perierant testamenta in procinctu, sicut ipse testatur, lib. 2. de nat. Deor. cap. 3. sed nec testamenta calatis comitiis arbitror diu postea mansisse: quod colligere mihi videor ex verbis Labeonis, qui apud Gellium d. l. 15. c. 27. sic scribit, *Isdem comitiis, quæ calata appellari & diximus, & sacrorum detestatio & testamenti fieri solebant.* Utiur Labeo verbo temporis præteriti, ut intelligamus, olim ista fieri solita, suo autem tempore duo ista genera calatorum comitorum in usu amplius non fuisse: & perperam Bachovius ex eo, quod Labeo eodem loco scribit, tria genera testamentorum fuisse, in procinctu, calatis comitiis, per æs & libram, colligit, ætate Labeonis atque adeo Gellii testamenta calatis comitiis adhuc in usu fuisse; nam eadem ratione colligas, eodem tempore viguisse adhuc testamenta in procinctu; quod falsum esse constat ex d. loco Ciceronis. Illud utique certum est, tempore mediæ jurisprudentiæ comitiis testari desitum fuisse: testis Ulpian. in fragm. d. tit. 20. §. 1. VINN. Immo latis tabulis XII. desisse testamenta in comitiis calatis fieri, verosimillimum est. Quis enim voluisset voluntatem suam submittere populi, suffragiis quum libere suoque arbitrio testari posset? Et quis maluisset publicè & palam hæredem nuncupare, quam jure uti legibus XII. tab. concesso? HEIN.

*Quod verò per æs & libram, &c.*) Priora illa duo testamentorum genera jam diu exoleverant, cum per æs & libram adhuc frequentarentur. Ulpianus d. loco scribit, suo tempore id solum in usu fuisse, nimirum ex testamentis, quæ ad jus civile pertinebant, scilicet prioribus illis duobus abolitis. Nam secundum formam à prætoribus introductam, & juris



mixti, eo tempore testamenta quoque fieri solita, multis auctoritatibus doceri potest, l. ad testium 22. §. si quis 4. l. pen. hoc tit. cum similib. & apud Ciceronem quoque non uno in loco mentio fit testamentorum obsignatorum. Ait, *Partim & hoc in usu esse desit.* An hoc ideo dicit, quia familiae emptor postea alius esse coepit ab hærede? Sed hoc factum jam olim & stante adhuc Repub. Arbitror, Justinianum hoc significare voluisse, cum in testamento, quod per æs & libram fiebat, duæ res antea agerentur, familiae mancipatio, & nuncupatio testamenti, solemnitatem familiae mancipandæ paulatim exolevisse: solum alterum, nuncupationem scilicet testamenti, sive solemnem voluntatis contestationem & quodammodo numerum testium, usque ad sua tempora mansisse, sicut apparet ex mixta testandi forma, qua posteritas uti coepit, §. 3. *inf. eod.* quo loco hoc innuit ipse Justinianus. Illa mera somnia sunt, quæ à quibusdam afferuntur, ideo testamenta per æs & libram desisse fieri, quia emptio ista bonorum testatoris visa sit esse contra bonos mores, & pactum de futura successione, quod votum captandæ mortis inducat: neque enim vera emptio erat, ut hic ejus effectus, ut testamentum mutare non liceret, nec idem jam olim hæres, qui familiae emptor: & Theophilus, quem ajunt eandem hujus defuetudinis rationem reddere, tantum indicat, cur alium emptorem familiae, alium hæredem esse placuerit: quamquam & ipse fallitur, dum id Justinianum hoc loco sentire existimat.

### TEXTUS.

#### De antiqua testandi ratione Prætoria.

2. *Sed prædicta quidem nomina testamentorum ad jus civile referebantur. Postea vero ex edicto prætoris forma alia faciendorum testamentorum introducta est. Jure etenim honorario nulla mancipatio desiderabatur, sed septem testium signa sufficiebant: cum jure civili signa testium non essent necessaria.*

### COMMENTARIUS.

- 1 *Nimia curiositatis esse velle indagare, cur in omnibus emancipationibus placuerit ad minimum quinque testes adesse, confutatis plerorumque rationibus.*

**A**D jus civile referebantur) Opponitur hoc loco jus civile prætorio: quod cum sit, cæteras partes juris civilis intelligere

debemus, quæ scilicet ex legibus, plebiscitis, Senatusconsultis, decretis principum, auctoritate prudentum veniunt, l. 7. de just. & jur. Sine ulla autem ratione est, quod D. Hormannus cum prætorio jure hic comparari existimat id tantum jus, quod auctoritate prudentum, à quibus & formulæ aliæque solemnitates profectæ sunt, introductum est: nam testamentorum usus in comitiis & procinctu antiquior est ipsis 12. tabulis, quibus tamen posterius est jus, quod à consultis compositum est, & communi nomine appellatum civile, l. 2. §. bis legib. 5. de orig. jur. Et modi alienandi per nexum & mancipationem ex lege 12. tabularum descendunt. Planè imaginariæ mancipationes inventum sunt Jurisconsultorum; nec dubito, quin etiam testamentum per æs & libram, solemnitate mancipationis rerum singularum inter vivos producta, ad alienationem bonorum omnium per ultimam voluntatem.

*Jure honorario nulla mancipatio desiderabatur, sed septem testium signa*) Testandi ratio jure prætorio introducta, simplicior est atque expeditior, quàm illa juris civilis per nexum & imaginariam mancipationem, quippe cum Prætor nihil aliud desideraret ad vim testamenti, quàm ut id septem testibus propositum atque ab iis obsignatum esset. Licet enim tale testamentum jure civili non subsisteret propter defectum mancipationis: tamen Prætor secundum illud bonorum possessionem scriptis in eo hæredibus dabat. Ulpian. *tit. pen. §. 5.* Ait, *septem testium signa.* In eo quod jure civili fiebat per æs & libram, non plures testes necessarii, quàm quinque: qui numerus legitimus erat in omni emancipatione. Sed Prætor, ut solemnitatem juris civilis contempserit, numerum tamen civium, quem adesse in testamentis oportebat, minui noluit: ideoque duos testes in locum libripendis & emptoris familiae subrogavit. Simile huic est, quod apud Cajum 1. *Instit. tit. 6. §. 3.* legitur, *In emancipatione liberorum, cum antea quinque testes cum libripende & antestato intervenirent, postea pro libripende & antestato duos alios testes adhibitos, ut septem testium numerus impleretur.* Nimia autem curiositatis est, indagare velle, cur placuerit in omnibus mancipationibus minimum quinque testes præsentem esse. D. Giphanius & Bachovius suspicantur, originem hujus quinary numeri ductam à numero quinque classium, quas Servius Tullius instituit, atque ad hujusmodi actus confirmandos singulos testes è singulis classibus initio accitos fuisse, ut quodammodo coram universo populo celebrari



viderentur; perinde quasi singuli testes suam classem; universi populum universum repræsentassent. Nec ob stare ait D. Bachov. quod Dionys. Halicarnassensis scribit, non quinque, sed sex classes à Servio Rege institutas: nam sextam classem, quæ infimi census erat, contemptam & nullo pene loco habitam fuisse. Mihi hæc conjectura doctissimorum virorum nulla probabili ratione niti videtur. Nam si per quinque istos testes populum representari veteres intellexissent, numerum istum non auxisset in suo testamento Prætor. Deinde voluntas populi non ex numero classium, sed centuriarum censebatur: nec quod plures classes, sed quod plures centuriæ iussissent, id ratum habebatur, unde si vel primæ classis centuriæ (quæ reliquam multitudinem tribus centuriis superabat) convenissent, secundæ aut inferiorum classium non vocabantur. Quapropter, si Bachovii rationem sequamur, potuit vel unus testis sufficere, ut actus coram majore parte centuriarum celebratus videretur, civis maximi census, primam classem, hoc est, nonaginta & octo centurias repræsentans, vid. Dionys. Halicarn. lib. 4. Nec Festo classici testes, quos dictos ait, qui testamentis signandis adhibebantur, sunt testes ex singulis classibus collecti, sed cives Romani: eo quod cives omnes in classe aliqua censebantur, & qui classem non habebant, nec cives Romani erant: quomodo & Jos. Scaliger hoc accepit. Errat enim Calepinus, qui putat, per classicos testes Festum intellexisse homines primæ classis, aut primæ dignitatis: nam satis fuisse constat, si viri honesti essent & integræ famæ; quamquam antiqui etiam ita locuti sunt, ut classicos dicerent, non omnes, qui in classibus erant, sed primæ tantum classis homines: unde per translationem auctores classici appellati, primæ notæ assidui, non proletarii scriptores, vid. Gell. l. 7. c. 13. & l. 19. c. 8. Sunt, qui ideo, quinque testes adhibitos scribunt, quia totidem tribus populus constabat, Timæ. Fab. disp. anni vers. 18. Hopper. hic in not. qui magna in antiquitatis ignoracione versantur. Nusquam enim invenias, populum unquam in quinque tribus divisum fuisse: quod quidem Faber etiam fateatur; sed existimat, à Romulo tres tribus factas, easque duplicatas à Tarquinio Prisco; itaque vice populi sex testes adhibitos, quorum tamen unus nomen ac munus libripendis assumeret. At enim si Livio credimus, nullæ tribus à Romulo factæ, quæ quidem universam multitudinem continerent: sed tres modo equitum centuriæ ex omni multitudine se-

lectæ, quarum numerum Tarquinius, quia videbat equitem maximè suis viribus deesse, postea auxit. Et eodem auctore, primum factæ tribus quatuor à Servio Tullio partibus urbis distinctæ; quod & Dion. Halicarn. lib. 4. confirmat. quo loco etiam refert, Fabium scriptum reliquisse, agrum præterea universum in viginti & sex partes divisum fuisse: quas tribus rusticas si cum urbanis conjungas, fient tribus triginta. Subjicit tamen, Venonium memoriæ prodidisse, triginta & unam tribus sub Rege Servio fuisse. Libro autem septimo apud eundem de judicio Coriolani sic scriptum reperimus: *Cum una & viginti tribus Romæ essent, quæ misse sunt in suffragium, novem habuisse Martium: à quibus absolutus est.* Proinde longè majorem testium adhiberi oportet, si per eos tribuum numerum representari volumus, & post expletum triginta quidque tribuum numerum testes quinque & triginta. VINN. Non sanè absurdum est, quod de classibus suspicatur Bachovius. In mancipatione agebatur de dominio juris Quiritium trasferendo, & hinc nihil videbatur æquius, quam ut Quiritium arbitrio res generetur. Quirites tempore XII. tab. erant descripti in sex classes. Sed sexta classis ex proletariis & capite census constabat. Quum verò proletarii testes nullius auctoritatis haberentur, iisque opponerentur testes classici, probabile est, ideo sufficere creditum esse testes quinque, tamquam, qui totidem Quiritium classes representarent. Id addo, mancipationis ritum esse XII. tabulis antiquiorem, cum in iis mentio illius fiat tanquam jam noti & recepti. Putarim à Servio inventum, qui & divisionis populi in classes auctor est. Eum enim leges de contractibus tulisse, docet Dionys. Hal. lib. 5. p. 278. unde & præcipuus sanctorum legum dicitur à Tacito, lib. 3. *Annal. cap. 26. HEIN.*

*Cum jure civili signa testium non essent necessaria*) In testamento, quod fiebat per æs & libram. In eo enim duæ tantum res necessariae erant, familiæ mancipatio, & nuncupatio testamenti, sive voluntatis testibus exhibitæ solemnem contestatio, Ulp. tit. 20. §. 8. Quod postremum tamen nunc demum receptum videri potest, postquam cœpit alius hæres seorsum in chartis vel tabulis scribi; alii familia palam mancipari: nisi forte ad ea legata referas, quæ ad familiæ mancipationem non pertinebant. Auctor enim Theophilus est, testatorem post mancipationem mox ordinasse, quid post mortem fieri veller, & familiæ emptori sive hæredi dicere solitum, *Hæc volo dari*  
fun-



fundum ; illi domum ; alii centum numismata.

TEXTUS.

De conjunctione juris Civilis & Prætorii.

3. Sed cum paulatim, tam ex usu hominum, quam ex constitutionem emendationibus cœpit in unam consonantiam jus civile & Prætorium jungi, constitutum est, ut uno eodemque tempore, quod jus civile quodammodo exigebat, septem testibus adhibitis, & subscriptione testium, quod ex constitutionibus inventum est, & ex edicto Prætoris, signacula testamentis imponerentur : ita ut hoc jus tripartitum esse videatur : & testes quidem, eorumque præsentia, uno contextu, testamenti celebrandi gratia à jure civili descendant : subscriptiones autem testatoris & testium ex sacrarum constitutionum observatione adhibeantur : signacula autem & testium numerus ex edicto Prætoris.

NOTÆ.

3. Septem testibus adhibitis ) Specialiter rogatis, aut certioratis se ad testamentum adhiberi, d. l. 21. §. pen. Ex Nov. Leon. 41. quinque sufficient : quod jus in Oriente receptum fuit. Græci ad l. 5. D. si tab. test. Harm. lib. 5. tit. 1. §. 47. Basil. 35. tit. 1. & 3. & lib. 45. à δὲ συνδικα ἰπὶ πέντος διαδικης πέντε μαρτυρας ἐδέξατο.

Quodammodo ) Nam jus civile quinque tantum testes exigebat, reliqui duo in vicem ponderatoris & familiæ emptoris à Prætoribus substituti. VINN. Immo in civem ponderatoris vel libripendis & antestati. Vid. Caj. Inst. lib. 1. tit. 6. §. 3. HEIN.

Subscriptiones testatoris, &c. ) Ita constitutum à Theodos. l. 21. C. eod. additumque, si testator litteras ignoret, vel subscribere nequeat, octavum ut subscriptorem adhibeat. Adeo autem & subscriptio & simul obsignatio necessaria, ut alterutro omisso, testamentum vitietur, l. 22. §. 4. D. eod.

COMMENTARIUS.

- 1 Recepto testamento mixto, quale hic describitur, non statim antiquata testamenta per æs & libram, neque vim testamenti prætorii enervatam.
- 2 Numerum septem testium requiri ad solemnitatem ordinationis, non cum quod obscurius dictum est, postea testator explanat.
- 3 Subscriptiones testium jam tempore mediæ ju-

risprudentiæ in usum fuisse.

- 4 Lege Cornelia testamentaria edictum Prætoris de obsignandis tabulis confirmatum.
- 5 In testamento scripto non exigi, ut testis intelligat sermonem testatoris.
- 6 Testes rogatos adesse oportere : nec non aliam quam scripto testamenta cum nuncupativo communia.
- 7 Quid sit, uno contextu actus testatori : & num contractus in testamento aut inter testandum celebrari queant.
- 8 An non obstante solemnitate alicujus omissione voluntas testatoris obliget in foro conscientia.

TAM ex usu hominum, quam ex constitutionum emendatione ) Senfus est, cum duo essent simplicia testamentorum genera, unum civile, alterum prætorium, usu hominum jus civile cum prætorio hac in parte coaluisse, atque inde mixtum extitisse testamenti genus ex utroque illo jure collectum, quod & constitutionibus postea probatum fuit ; addito, ut testator & testes omnes subscriberent : ut adeo forma conficiendi per scripturam testamenti, qua posterior ætas uti cœpit, quamque Justinianus hic describit, ex triplici jure conflata sit ; ex jure civili antiquo, ex novo constitutionum Principalium, atque ex jure honorario. Per hoc tamen non statim antiquata fuit civilis ratio testandi per æs & libram, Ulpian. tit. 28. §. 8. neque prætorii testamenti vis aut usus sublatus : de que sub §. non tamen. 6. infr. quib. mod. test. inf.

Uno eodemque tempore ) Hæc subtilitas ex jure civili est, l. qui testam. 20. §. & veteres. 8. l. hæredes palam. 21. §. ult. hoc tit. l. cum antiquitatis. 28. C. eod. Est enim ex jure civili, quod actus solemnnes & legitimi continui esse debent & uno contextu absolvi, l. continuus. 137. de verb. obl. l. 12. de duob. reis. Ait autem, quod jus civile quodammodo exigebat. Quodammodo, id est, fere. Additum, quia ait, septem testibus adhibitis. Nam jus civile quinque tantum testes exigebat, reliqui duo pro libripende & familiæ emptore à Prætoribus substituti : & ideo paulo post juri civili adscribitur dumtaxat actus continuitatem & testium præsentiam ; numerum testium juri prætorio. Illud notandum est, numerum istum septem testium requiri ad solemnitatem ordinationis testamenti, sive cum de substantialibus, ut loquuntur, testamenti quæstio est : non autem ubi quod obscurius in testamento dictum scriptumve : post solemnita testator explanat ; veluti si cum Titio centum legasset, & multos Titios amicos haberet, postea declaraverit, de



de quo senferit, *d. l. hæredes palam. 21. §. 1. hoc tit. Leo quinque testes sufficere voluit, Nov. Leon. 41. quod receptum in Oriente, Græc. lib. 45. Basfl. tit. 1.*

*Subscriptionem testium*) Et testatoris, ut mox. Ita enim constitutum à Theodosio *l. consul-tissima. 21. C. eod.* additumque, si testator literas ignoret, vel subscribere nequeat, octavum ut subscriptionem adhibeat. Cæterum ex constitutione Justiniani, si testator propria manu totum testamentum conscripserit, idque se fecisse in tabulis specialiter expresserit, nihil opus est vel ipsum vel alium ejus nomine subscribere, *l. cum antiquitas. 28. §. 1. C. eod.* Quo tempore, aut a quo primum Principe testium subscriptio introducta sit, incertum est. Illud constat, jam apud antiquiores ita jus fuisse, atque adeo ætate Jurisconsultorum Pauli & Ulpiani, *l. ad testium. 22. §. 4. l. pen. hoc tit.* quos Papinianum assessores habuisse, à Lampridio proditum est.

*Ex edicto prætoris signacula*) Obsignationem testium esse ex edicto Prætoris indicant, *l. si testamentum. 23. eod. §. non tamen. 6. infr. quib. mod. test. infirm. Ulpian. tit. 23. §. si septem.* Quamobrem quod M. Tullius, 3. *Verr.* meminit tabularum testamenti obsignatarum è lege, legem intelligens Corneliam testamentariam, rectè D. Wesembecius sic accepit, Syllam, quod jam ante ex edicto erat, lege sua comprehendisse, non ut edictum tollere, atque ex lege à se lata in posterum signa adhiberi vellet, sed potius ut auctoritatem edicti confirmaret. Obsignatio autem argumento certissimo est, scripturam jure prætorio necessariam fuisse, ut obsignationis illius subjeetum cum jure civili, quod nec subscriptionem, nec obsignationem desiderabat, scriptura non omnino necessaria fuerit. Quamvis credibile sit, frequentius ob rei memoriam scripturam intervenisse: quod & tutius esse coepit, postquam hæres emptor familiaris esse desit. Adeo autem & subscriptio & simul obsignatio necessaria est, ut deficiente alterutra testamentum injustum sit, *l. ad testium. 22. §. quis. 4. hoc tit.* teneaturque falsi crimine tabellio, qui non utramque adhibendam curavit, *l. jubemus. 29. in fn. C. eod.*

*Et testes quidem & eorum præsentiam*) Quod testium præsentiam requirit, non videtur esse proprium testium testamentariorum, sed commune omnium, qui ad actum aliquem celebrandum adhibentur. Non est autem satis corpore testes præsentibus esse, nisi & animo sint, intelligantque voluntatem testatoris. Neque tamen sermonis intelligentiam requirimus, sed

placet sufficere, si vel sensu quis percipiat, cui rei adhibitus sit. Enim verò durare testes debent, donec suprema contestatio peragatur; invitos tamen retinere non licet: & si retenti sint, testamentum non subsistit. *l. qui testamento. 20. §. antepen. & seq. eod.* Ad hæc rogati adesse debent, aut saltem si alterius rei causa collecti sint, ante testimonium certiorari, se ad testamentum adhiberi, *l. hæredes. 21. §. pen. eod. l. 21. C. eod.* Neque hæc solemnitas, cum sit extrinseca, præsumitur intervenisse, etsi in testamento scriptum sit, *præsentibus testibus infrascriptis*: sed juxta communem sententiam probari debet, nisi additum sit, & cætera, aut notarius nominatim rogationis fecerit mentionem. *Viv. comm. opverb. testes tam in testamento Farinac. lib. 2. de testib. tit. 6. Valq. lib. 2. de succ. creat. §. 13. req. 8. num. 53. Grass. §. testamentum. qu. 58. Mantica. 2. de conj. ult. vol. tit. 12. Hoc amplius & in conspectu testatoris, testimonii officio fungi necesse est, l. 9. C. eod.* Quapropter non est satis, ut quidam tradiderunt, testes oculos esse, si testatorem ipsi non videant, forte velo aut cortina interjecta conspectum adimende, licet vocem ejus audiant: sed necesse est, ut faciem ejus videant, ne qua fraus fiat, alio forte subornato, qui vocem testatoris imitando simulet; at ille, de quo Cynus testatur in *d. l. 9.* qui obreperat mulieri simulando vocem mariti. Estque hæc receptor interpretum sententia, teste Sichardo in *d. l. 9. n. 2.* ubi tradit, Glossam in *l. 2. §. idem Labeo. 3. de aq. pluvi. arc.* contra sententiam communiter reprobari, add. *Clar. §. testamentum. q. 59. Christin. vol. 4. dec. 7. n. 6. Grass. d. §. testamentum. q. 59. n. 4.*

*Uno contextu*) *Μία ἰσὴ, ἀδιαλείπτως*, uno eodemque die ac tempore, *l. hac consultissima. 21. C. hoc tit.* nulloque actu ab instituto negotio alieno interveniente, *l. hæredes palam. 21. §. ult. hoc tit. d. l. 21. C. eod.* nisi forte talis sit actus, quem ratio morbi testatoris, vel necessitas naturæ efflagitet etiam in testibus: quod pluribus explicat Justinianus, *l. cum antiquitas. 28. Cod. eod.* ut tamen si quid supervenerit, ob quod aliquis è testibus diutius abesse cogatur, alius testis substitui debeat, *d. l. 28.* Cæterum hæc non eo pertinent, ut testator teneatur eodem tempore & testes adhibere, & testamentum scribere, vel dictare, ac finire: sed ad nuncupationem testamenti sive ipsam testationem & declarationem voluntatis, cum scilicet testamentum subscribendum & obsignandum testibus in eam rem adhibitis offertur: nam quin alio tempore



re testamentum conscribere; & scriptionem sapius interrompere; alio verò testes ad solemniam adhibere possit, non ambigitur, *d. l. 21. C. hoc tit.* Cùm igitur nudo actus contextu testari oporteat; negotioque alieno aut ad testamentum non pertinente interposito actus ille interrumpatur, vitieturque testamentum: hinc facile colligere est, quid iudicandum sit de quæstione, quæ vulgo moveri solet, an contractus celebrari inter testandum possunt. Nam si contractus est actus extraneus & alienus à testamento, uti revera est; necesse est, actum testandi celebratione contractus interrumpi: veluti si testator, cùm jam cœpisset ordinare testamentum, & necdum absolvisset, fundum aut rem aliam Titio vendere aut locare instituat. Quòd si ita quæstio formetur, ut quærat, an possit contractus fieri in ipso testamento; ne hoc quidem admittendum videtur. Quippe cùm contractus, qualis, non intelligatur, nisi celebratus sit inter plures: at quæ testamento caventur, ab uno caventur testatore, atque ex unius illius voluntate stant & cadunt. Non obstat igitur, quòd testamento libertum assignare licet, *leg. 1. §. 3. de assign. libert. §. ult. inf. eod. tit.* Si quidem assignatio liberti, licet propriè neque legatum sit, neque fideicommissum, *l. 7. d. tit.* vim tamen legati habet, dum jus patronatus, quod alioqui commune futurum erat, uni in solidum reliquitur. Sic pignoris, *l. non. est mirum. 26. de pign. act. duorum, reorum, leg. 9. de duobus reis, ususfructus, §. 1. sup. de usuf. servitutum, §. ult. sup. de serv. præd.* testamenti constituitur, contractus non est. Neque etiam cùm hæc testator constituit, cum alio contrahit, neque etiam ullo modo naturam contractus aut conventionis sapit: sed ut cætera, quæ testamento caventur, legantur, aut relinquuntur, revocari possunt. Gravisissima hæc moveri solet quæstio, an si legitimus numerus testium adhibitus non fuerit, aliudve quid meræ solemnitates in testamento omissum, veluti si testes rogati non sint, aut tantùm subsignaverint sive subscripserint, non etiam obsignaverint, tale testamentum saltem in foro conscientiæ hæredem ab intestato, cui de voluntate testatoris constat, non obliget ad restituendam hæreditatem hæredi scripto, & ad legata præstanda. Obligare negat Domin. Soto *lib. 4. de iust. & jur. quæst. 5. Clar. 3. sent. quæst. 90. Covar. in c. cum esses. x. de test.* Ajunt Ludov. Molin. *de iust. & jur. tract. 2. disp. 81. Mantic. lib. 2. de conj. ult. vol. tit. 14. Vafq. de success. creat. §. 1. n. 23. & seqq. & de success. pro-*

*gress. §. 3. n. 3. Diod. Tulden. C. de testam. n. 8. Christin. vol. 4. dec. 34. quibus assentitur.* Nam cùm in foro conscientiæ sola veritas spectetur secundum simplicitatem juris naturalis, *c. 1. disp. 1.* sufficit ad conscientiam devinciendam, ut subsit aliqua obligatio. Qualis autem ea sit, civilis, ex qua etiam agi possit, an naturalis, quæ ad petendum in foro externo inefficax, nihil interest. At in quæstione proposita, si hæredibus certo constet de voluntate defuncti, nullamque fraudem intervenisse, ad quam avertendam solemnitas omnis juris civilis comparata est, non potest non subesse naturalis obligatio, *fac. leg. 2. C. de fideicom. leg. cùm amplius. 84. §. 1. de R. I. leg. 5. §. si quis. 15. de don. int. vir. & uxor. §. ult. inf. de fideicom. hæ. l. ult. C. eod.* Quod etiam bone intellexit Plinius, qui ob id sapiissime scripsit, voluntatem defunctorum, etiamsi jure deficiatur, bonis hæredibus pro jure esse, *lib. 2. epist. 16. lib. 4. epist. 10. lib. 5. epist. 7.* Eoque pertinet & illud Senecæ *Angusta innocentia est, secundum leges* (intellige civiles) *bonum esse.* Nimirum lex conscientiæ, quæ eadem & naturæ, legibus civilibus non mutatur, sed una & apud omnes eadem est & semper fuit, utpote cordibus omnium hominum divinitus inscripta. Hæc lex cùm in corde loquatur, & dicet, voluntatem defuncti quamvis irritam, si juris solemnitatem respicias, servari oportere, utique qui eam non servat, contra conscientiam facit. Non obstat, quod lex civilis, quæ solemnitates introduxit, justa est, & ad communem Reipublicæ utilitatem condita, ne quid scilicet falsitatis in ordinandis testamentis committatur. Nam in quæstione nostra præsupponimus, testamentum esse verum & sincerum, deque eo hæredem constare; quod solum in foro conscientiæ consideratur. Et ex converso igitur salva pietate retineri quoque poterit, saltem quamdiu non contradicitur, quod relictum est testamento propter deliquium solemnitatis alicujus jure civili invalido. *Mant. & alii sup. Grot. lib. 3. de jur. belli & paccap. 7. num. 6.*

## TEXTUS.

## Solemnitas addita à Justiniano.

4. Sed his omnibus à nostra constitutione propter testamentorum sinceritatem, ut nulla fraudem adhibeatur, hoc additum est, ut per manus testatoris, vel testium, nomen hæredis exprimitur, & omnia secundum illius constitutionis tenorem procedant.



## NOTÆ.

4 *Nomen hæredis exprimat* ) L. 29. C. eod. quod tamen abrogatum, Nov. 119. c. 9. ut jam summa solemnitas iterum ad ea redeat, quæ comprehensa §. præced. In quibusdam paganorum testamentis etiam de illa ipsa solemnitate aliquid remissum, l. 8. l. 21. §. pen. l. ult. Cod. eod. & tota fere in testamentis parentum inter liberos, d. l. 21. §. 1. & auth. quod sine C. eod. Nov. 107.

## COMMENTARIUS.

- 1 Quod hoc §. constituitur, pugnare cum principali sine testamenti scripti: tollere etiam id, quo hoc testamentum maximè differt à nuncupativo.
- 2 Quibus in testamentis paganorum, & quatenus solemnitates remissæ.
- 3 Jure Canonum ut ratum sit testamentum, satis esse, duos testes cum Parocho adhiberi; quod mores hodierni fere sequuntur

**A** Nostra constitutione ) Extat in l. jubemus. 26. C. hoc tit. Jubet autem Justinianus, ut præter cæteras solemnitates, quas supra commemoravimus, etiam hæc adhibeatur, ut testator nomen hæredis vel in sua subscriptione aliave parte testamenti exprimat, vel coram testibus nuncupet, si litterarum imperitus sit, aut propter morbi acerbitem scribere nequeat. Quæ Justiniani constitutio prope est ut pugnet cum principali sine, ob quem testamenta per scripturam fieri initio utile visum fuit, scilicet ut testator securitatis suæ causa nomen hæredis celare posset: & tabulas chartasve, in quibus scriptus esset, clausas vel involutas testibus signandas & subscribendas proponere: unde huic testamento nomen mystici. Tollitque adeo id, quo scriptum testamentum maximè differt à nuncupativo, cujus proprium est, ut præsentibus testibus nomen hæredis nuncupetur, §. ult. inf. eod. l. hæredes. 21. pr. eod. Atque ideo etiam, ut opinor, quod & hic, & in d. l. jubemus. de suo Justinianum adhibuit, iterum dempsit ac remisit Nov. 119. c. 9. ut jam summa solemnitatis in testamento scripto requisitæ iterum ad ea redeat, quæ comprehensa sunt §. præc. & apertius paulo constitutione Theodosii, l. hac consultissima. 21. C. eod. Ex hac tamen solemnitate aliquid remissum est in quinque testamentorum generibus. 1. In testamento parentum inter liberos:

liquidem hujusmodi voluntatem etiam ex testamento imperfecto valere placuit, d. l. 21. §. C. hoc tit. & nuncupata quidem parentis voluntas omnimodo rata est, dum ea constet, ut de cæteris rebus, id est, saltem duobus testibus, scripto autem declarata, si & tempus testamenti facti, & nomina liberorum, & uncias, & res, quas inter liberos distributas velit, expresserit; idque clarè & plenis litteris, non notis aut signis, debetque parens aut ipse hæc scribere, aut saltem manu sua subscribere. Nov. 107. unde auth. quod sine. C. eod. & ib. DD. Clar. §. testamentum. quest. 8. Mynf. 5. obs. 28. Gail. 2. obs. 112. Christin. vol. 4. dec. 7. & 8. Grot. 2. manuduct. 16. Dekker. dissert. 2. lib. 2. D. Jac. Coren. rer. jud. obs. 39. plenissimè Gudelin. lib. 2. de jur. noviss. cap. 5. add. nostra lib. 2. sel. quest. cap. 17. & seq. 2. In testamentis rusticorum, quibus permixtum quinque testes adhibere, si plures non reperiantur, remissæ item subscriptiones si litterari desint, l. ult. C. eod. 3. In testamento quoque tempore pestis factum de solemnitate numero testium quid remittendum censent Interpretes, vid. Mynf. 1. obs. 96. Gail. 2. obs. 118. Peck. 3. de testam. conjug. 18. Præl. Everhard. Conf. 61. quod quidem rationem habet, utique si pestis sit vehemens, & testator ipse eo morbo laboret, Clar. §. testamentum. quest. 56. n. 3. Christin. vol. 4. decis. 6. n. 5. At jure nostro hoc tantum remissum hoc casu videtur, ut non necesse sit testes septem simul jungi, junctosque eodem tempore subscribere & signare, l. 8. C. hoc tit. quamquam contrarium passim usu receptum, teste Sande lib. 4. tit. 1. def. 4. & ibi cit. De moribus nostris ambigit Grot. 2. introd. c. 17. sed vide Groenev. de leg. abrog. ad d. l. 8. In omni testamento ad pias causas quævis voluntas suprema, vel coram duobus testibus testata Canonibus rata habetur, cap. relatum. 11. x. hoc tit. Postremo in testamento posteriore, in quo scripti sunt hæredes, qui ab intestato ad hæreditatem vocantur, placuit sufficere quinque testium juratorum depositiones; ac infirmato priori testamento, posteriorem hanc valere voluntatem, non tamquam testamentum, sed tamquam voluntatem ultimam intestati, d. l. 21. §. pen. & ib. DD. hoc tit. In universum autem jure Canonico, ut ratum sit quolibet testamentum, sufficit duos testes cum Parocho adhibuisse, cap. cum esses. 10. x. eod. Neque enim potest hic canon restringi ad testamenta ad pias causas, quod quidam faciunt propter d. cap. relatum eod. Nam in d. cap. cum esses. Alexan-



der tertius id in omni testamento generaliter constituit, nominatim improbatam constitutione juris civilis de septem testibus adhibendis, ut nimis longè recedentem ab eo, quod scriptum est: *In ore duorum vel trium testium stet omne verbum.* Et licet nonnulli existiment, causam nullam fuisse, cur Pontifex id, quod bene, ut ajunt, ad fraudes hominum avertendas, *l. ult. C. de fideic.* jure civili constitutum fuit, mutaret: tamen constitutionem Pontificiam usus fere probavit: qui & alias ægrè patitur nimis se longè abduci à simplicitate juris naturæ.

### TEXTUS.

#### De annulis quibus testamenta signantur.

5. *Possunt autem omnes testes & uno annulo signare testamentum. Quid enim si septem annuli una sculptura fuerint, secundum quod Papiniano visum est? Sed & alieno quoque annulo licet signare testamentum.*

### COMMENTARIUS.

- 1 *Et si tutius est alieno annulo signantem in subscriptione id profiteri; tamen & eo omisso testamentum subsistere.*
- 2 *Quod hic de usu annuli alieni traditur, non pertinere ad personas publicas, quæ ex officio sigilla instrumentis apponunt.*
- 3 *Utrum annulo dumtaxat testamenta signare liceat, an & alio instrumento characterem habent?*

**C**UM testes omnes testamentum solemne: quod per scripturam ordinatur, signare oporteat; quæsitum est, an necesse sit, singulos testes singulis annulis & unumquemque proprio signare; an verò uno possint omnes, & eo quoque alieno? Et placuit, posse omnes signare & uno annulo, qui scilicet unius ex testibus sit, & item alieno? qui nullius sit eorum, sed vel testatoris, vel alterius cujuscumque, *l. ad testium. 22. §. 2. eod. l. 12. C. eod.* Quod quamquam interpretes vulgo ex Durandi sententia sic temperant, ut existiment, debere eum, qui non suo, sed alieno annulo signat, id in subscriptione profiteri, ne in crimen falsi incidat; tamen ego Joan. Fabro & Viglio, quos etiam nunc plerique sequuntur, assentior, contentibus quidem tutius esse, si mentio ejus rei in subscriptione fiat: cæterum, & eo omisso, testamentum nihilominus subsistere putant propter

simplicem & generalem definitionem juris civilis hoc loco & supra *ad. l. traditam.* Pœnam verò non mereri, quod sit lege permitte, *l. Gracchus. 4. C. de adulter.* Sed & jus prætorium, quod præter signa testium nihil requirit, hac in parte non discrepare à jure civili. Igitur etsi facilius agnoscitur signum impressum annulo alieno, cum id in subscriptione annotatum est, cum tamen & sine eo recognosci possit, & vel ex eo etiam facile, quod quisque testis ex constitutionibus subscribere debet, qui & cujus testamentum signaverit, *l. pen. hoc tit.* non putaverim, vitari testamentum signatum annulo alieno, ob id, quod signator non adjecerit, annulo alieno se signasse. Unde tamen minimè efficitur, quod docuit Bart. in *l. 2. test. quem aper.* mortuo uno ex testibus ante apertas tabulas, testamentum concidere. Nam cum inspectio sigillorum non pertineat ad formalem aliquam testamenti solemnitatem, sed ad probationem dumtaxat voluntatis, cur si ea aliunde probari queat, non substineatur defuncti judicium? Et quid si unus è testibus mutus, surdus, cæcus aut furiosus factus fuerit? vid. D. Vigl. *ad §. sed cum 7. hoc tit.* ubi multas contra Bart. allegat auctoritates. Planè quod hic de usu annulli alieni in signando traditur, trahendum non est ad personas publicas, quæ sigilla ex officio instrumentis appendunt, & verbi causa Notarios. Nam ab his præcisè requiritur, ut sigilla sua apponant, idque auctoritatis & fidei publicæ causa, atque ut in dubio ex unius cum altero comparatione cognosci possint. *Nov. 73. c. 6.* Testium autem in testamento non sigilla; sed obsignationem lex requirit, ut cum opus est, signum recognoscentes, se id apposuisse testificentur. Nam ita institutum fuit, ut cum ad aperiendas tabulas testamenti ventum esset, priusquam resignarentur, Prætor signatores convenire cogeret, & sigilla sua recognoscere, *l. 4. l. 7. testam. quem. aper.*

*Quid enim si septem annulli una sculptura fuerint?* Quasi dicat, nemini mirum videri debere, quod testibus permissum sit signare uno eodemque annulo. Fieri enim posse, ut septem annulli, quantumvis singuli singulorum sint, eandem habeant figuram, καὶ τὸ ἀπὸ τὸν χαρακτήρα. Neque tamen ob id minus testamentum consistere. Potest verò id etiam hodie contingere, veluti si plures ex eadem familia ad signandum adhibeantur, cum nunc agnatorum omnium eadem sint insignia, nec amplius nomen in circumferentia annulli signatorii poni solet.



*Sed & alieno annulo*) Qui scilicet nullius è testibus fit. Ex eo autem quod annulli plerumque mentio fit, non satis rectè colligitur, alio instrumento signatoria testamenta signari non potuisse: dici enim potest, idcirco id fieri; quia frequentius annullis veteres signabant. Et tamen de eo dubitatum fuisse, obtinuisseque, ut tantum annulo signare liceret, constat ex *l. ad testium. 22. §. signum. 5. hoc tit.* quod ad scrupulosam testandi subtilitatem Cujac. *lib. 4. obs. 11.* refert: alii etiam ad facilitatem probationis, quia notior sit character annuli, qui in digitis gestari solet. Sed ista ratio nullius pretii; nam & alieno annulo signare licet. Et quid si idem sit character instrumenti & annuli; tunc enim nullo modo dignosci poterit, utrum annulo, an alio instrumento signatum sit. Et puto, Jurisconsultum in *d. l. 22. §. 5.* annuli appellatione non tam intelligere figuram annuli geometricam, quam sculpturam; nec excludere voluisse instrumentum, quod eandem sculpturam cum annulo habeat, sed aliud signum impressum, diversum à characterè annuli: cujusmodi forte instrumentis veteres usi ad alia, quam litteras aut tabulas obsignandas. Id quod etiam verba Jurisconsulti indicant: *variè enim, inquit, homines signat.* Quod omnino accipiendum est de varietate characteris, non de materia aut forma instrumenti signatorii geometrica. Etenim qui in signando eodem semper characterè utitur, licet diversis instrumentis, quibus insculptus est, non variè signat, sed uniformiter. Et quæso, si idem character est, quid interest, utrum instrumentum rotundum, an triangulum aut quadratum sit? Aut quomodo id dignosci poterit? ac proinde etiam absurdum non est, si annulo signasse dicatur, qui signavit instrumento, quod characterem annuli insculptum habet. Quamobrem prope est, ut assentiar Baroni, Hotom. Wesemb. *ad hunc. §. & Donello 6. comm. 8.* qui locum Ulpiani in *d. l. 22. §. 5.* legendum putant, interposita negatione, & magis est, ut non tantum annulo. Quod & temperamentum subjectum, dum tamen habeat χαρακτρα, quomodo postulat. Et ita quoque Bartolus legisse videtur argum. summarii *d. §. 5. & Joan. de Platea, qui istum §. citat ad probandum, quod scribit, non annulo tantum, sed alio quoque instrumento signatorio posse signari. Mich. Attaliat. symops. t. 31. εν δακτυλο, εντοι βυλλατοροιο.* Atque ita & doctiss. Salmas. *lib. de mod. usur. cap. 10. pag. 456.* Alii volunt, retenta lectione cum D. Connano, *2. comm. 2.* Ulpianum intelligere de testibus,

qui plura signa habent, unum in annulo, alterum & diversum in re alia impressum: ut hi potius annulo signare debeant, quam alio ullo instrumento; quia id signum, quod in annulo est, magis cujuscumque proprium esse putatur, magisque notum & certum est. Hodie hæc quasi supervacua est, cum testes subscripsisse sufficiat, signa eorum non requirantur, sed solius sigillum Notarii. Jac. Vervèy *art. testand. c. 9.* De more & modo signandi apud veteres usitato adi D. Salmas. *lib. de mod. usur. c. 11.* VINN. Cave aliquid mutandum, vel particulam salutarem non intrudendam existimes in *l. 22. §. 5. ff. qui test. fac. poss.* Nec enim codices addicunt, nec verba: dum tamen habeat χαρακτρα id flagitant: dantur enim & annuli, qui non habent χαρακτρα. Quod autem annulos abscisse exigerentur veteres, ejus rei rationem eadem lex videtur reddere. Variè enim homines signant, inquit Ulpianus. Alio typo utebantur domi in signandis celis pecuniariis, lagenis, cujus usus etiam patebat matribusfamilias: alio utebatur paterfamilias in obsignandis litteris & instrumentis, eumque fere annulo insculptum circumferrebat. Loca veterum non adscribo. Adi Lips. ad Tacit. *Ann. II. 2.* & adde Suet. *Aug. cap. 50.* Non itaque annulus in *l. 22.* opponi videtur typario alterius formæ, sed alterius usus, veluti, quo domi ad signandas cellas utebantur. HEIN.

## T E X T U S.

## Qui testes esse possunt.

6. Testes autem adhiberi possunt ii, cum quibus testamenti factio est. Sed neque mulier, neque impubes, neque servus, neque furiosus, neque mutus, neque surdus, neque is, cui bonis interdictum est, neque ii, quos leges jubent improbos interstabileque esse, possunt in numerum testium adhiberi.

## N O T Æ.

6. Neque mulier) Hoc ex eo, quod in omni mancipatione testes tantum masculi admittuntur. Nam his verbis, *cives Rom. puberes, mares* significantur: add. Schol. Harm. *lib. 1. tit. 6. §. 52.*

Neque impubes) Livius apud Priscian. *lib. 8. Impubes libripens esse non potest, neque antestari, id est, neque testis fieri, passivè. autem antestari, est testem facere, μαρτυρεῖναι. v. Salmas. ad jus Attic. pag. 811.*

Neque prodigus) Is, cui bonis interdictum est.



est, l. 11. pr. D. eod. Bene Græci; ὁ κωλυόμενος διατίθεσθαι; ἢ μαρτυρεῖ ἐν διαθήκῃ. Basill. tit. 1.

## COMMENTARIUS.

- 1 Communem testium habilitatis notam esse, si sit cum iis testamenti factio: & quid hoc sit?
- 2 Cur à testimoniis testamentariis arceantur mulieres?
- 3 Cur non admittatur surdus, cum adhiberi possit, qui sermonem testatoris non intelligat?
- 4 Utrum cæcus adhiberi possit?
- 5 Qui dicantur intestabiles, & an hi quoque testamenti factionem passivam habeant?

**N**on satis est, septem testes ad testamentum adhibitos esse, etiam conditionem cujusque inspicere, & non nisi idoneos admitti placuit. Et rectè: quippe cum fides testationis non tam firmiter numero testium, quàm auctoritate, per l. 3. §. 2. & 3. de testibus. Estque fere tota hæc tractatio de habilitate testium nuncupativo testamento cum scripto & mystico communis.

Cum quibus testamenti factio est) Hæc communis nota est testium habilitatis, si sit cum iis testamenti factio, id est, si hæredes instituti aut ex alieno testamento vel sibi vel alii acquirere possunt. Nam quatenus quis jus habet faciendi testamentum, non rectè dixerit esse tibi cum eo testamenti factionem, ut bene recentiores notant. Et propriè item loquitur Imperator, cum dicit, cum quibus testamenti factio est, non qui testamenti factionem habent: siquidem testamenti factio activæ significationis est, ut propriè dicatur testamenti factionem habere, qui faciendi facultatem habet, l. 3. l. 4. l. 8. in fin l. is cui. 18. l. si filius. 19. hoc t. l. 1. §. exigit. 8. de bon. poss. sec. tab. l. 3. C. de apostat. At qui ipsi testamentum facere non possunt, sed tantum ex testamento capere, cum iis rectius dicitur esse vel haberi testamenti factio, ut in §. 2. inf. de ber. inst. §. legari. 25. inf. de legat. l. non minus. 32. l. si alienum. 49. §. 1. de ber. inst. l. 7. pro legat. quàm eos habere testamenti factionem. Quamquam hæc verborum proprietas perpetuo non observatur, ut videre est in leg. filius famil. 26. hoc tit. leg. ult. pro ber. §. in extraneis. 4. inf. de ber. qual. quibus in locis testamenti factionem habere dicuntur etiam illi, qui tantum capere ex testamento possunt. Unde factum, ut docendi gratia interpretes testamenti factionem distinxerint in activam & passivam. VINN. Sed si exempla convenire debent regulæ, diceadum est, cum

iis fuisse testamenti factionem, qui olim in comitiis adesse, & suffragium ferre de aliorum testamentis poterant. Cum iis enim etiam postea erat testamenti factio per æs & libram, non cum aliis. Ex hoc fundamento facile reddes rationem cur testes esse non potuerint mulieres, impuberes, servi, furiosi, quantum tamen hæredes institui possint. HEIN.

Sed neque mulier, neque impubes, &c.) Enumeratio personarum, quas varias ob causas in testamento testes esse prohibentur, & quidem simpliciter in testamento cujusvis. Cur mulier hic testis non admittatur, cum alius jus dicendi testimonii habeat, l. qui testamento. 20. §. mulier. 6. h. tit. l. ex eo. 18. de testi. non una ratio reddi potest. 1. Quia cum certum numerum testium ad actum aliquem lex requirit, intelligitur requirere testes graves & omni exceptione majores, in quos iudici non liceat postea inquirere: talis autem non est mulier. 2. Quia sexus muliebris non satis sagax creditur ad odorandas fraudes, quæ in subornandis testamentis strui solent. 3. Quia hic numerus testium non tantum requiritur ad probationem actus, sed etiam ad constitutionem: leges autem veteres, teste Scholiaste ad Harmenopulum, lib. 1. tit. 6. §. 52. ἡ τὰς συστατικὰς μαρτυρίας μὴ μαρτυρεῖν τὰς γυναικὰς ἀποφαινοῦται. Συστατικὰς μαρτυρίας, hoc est, testimonia constitutiva, quæ faciunt, ut negotium consistat, (Mercerus vertit commendatoria) opponit ἀποδεικτικὰς id est, demonstrativas, sive quæ adhibentur dumtaxat probationis causa. 4. Quia testatio suprema voluntatis non est actus repentinus, aut fortuitus, ut nihil necesse sit, ubi viri honesti haberi possunt, accire fœminas, per Nov. de testib. 90. cap. 1. Quibus rationibus item moveor ut credam, ne in codicillis quidem mulierem testem esse potuisse, contra quam sentiunt Vigl. & comm. DD. Mitto, quod solemnitas illa testandi ratio per familiæ mancipationem; unde qualitas testium, masculos tantum testes admisisse videtur, uti reliquæ quoque mancipationes & contractus, qui fiebant per æs & libram: & quod Romani turpe & verecundiæ sexus minimè conveniens putaverunt, fœminas cum viris hujusmodi negotiis interesse. Et hoc etiam moribus nostris consentaneum videtur. Groenev. de ll. abrog. hic, & §. ult. inf. de condicill. Cyprian. cons. Bel. Impubes testes non admittitur, propter imperfectum animi iudicium: quam ob causam nec aliis in negotiis testimonium ejus recipitur, leg. 3. §. leg. 5. l. invit. 19. §. 1. de testib. In causa autem testamenti hoc specia-



le esse existimatur, quod nec pubes factus testimonium pro testamento dicere possit, ad quod impubes adhibitus fuit, cum in aliis causis testimonii dictionem habeat post pubertatem de his, quæ impubes vidit: utique si testetur de iis, quæ verisimiliter ab impuberibus capi possunt, & quæ vidit, cum jam esset pubertati proximus. Joan. Fab. Vigil. hic. Oldend. part. 4. de testib. nu. 12. ex lenitentia communi. Servum excludit conditio personæ, quia nullam juris civilis communionem habet, *d. leg. qui testam. 20. §. servus. 7.* quæ ratio etiam peregrinos removet, *l. sunt quidam. 17. §. 1. de pæn. & nominatim lex desiderat cives Romanos.* Furiosus nihil intelligit: cæterum si remissionem habet, poterit eo tempore adhiberi, *d. l. qui testamento. 20. §. ne furiosus. 4.* Mutus pro testimonium, quid actum sit, eloqui non potest. Surdus quid dicatur, sensu non percipit: immo nec moneri potest, quid testator acturus sit; plurimumque qui surdus, idem & mutus. Testes autem in dicendo testimonio interrogandi; per *l. 1. testamenta quem. aper. nec testimoniis, sed testibus credendum, leg. 3. §. 2. de testib.* Hinc etiam intelligitur, cur potius, quam surdus, admittatur qui sermonem testatoris non intelligit: nimirum quia hic alia lingua moneri potest, cui rei adhibeatur, & ipse testimonium dicere; singula enim percipere nihil necesse est, *d. leg. qui testamento. 20. §. pæn. utique cum testamentum per scripturam fit.* Nam in nuncupativo hoc locum habere non puto, in quo totum negotium palam explicatur, auribusque & sermone testium permittitur. De hæc nihil traditum. Sed non posse eum adhiberi, rectè censet Wesemb. & Bachov. quoniam testatorem videre non potest, quod in omni testamento requiritur, *l. 9. C. eod. nec signum recognoscere, quod in scripto, l. 4. & 7. testam. quem. aper. fac. l. 1. §. 5. vers. casum. de postul. Prodigis notam inurit administrationis bonorum interdicio, fidemque testimonii eorum elevat: atque adeo in toto pene jure civili prodigi prodigiosis, & eadem conditione, qua furiosi, habentur, *l. 1. de curat. fur. l. 12. in fin. de tur. dat. l. furiosi. 40. de reg. jur. Congruit l. 1. cui leg. 18. in pr. hoc tit.**

Improbos intestabilisque) Intestabilis dicitur, cui nec testamentum condere licet, nec testimonium alteri dicere; & cui vicissim nemo testimonium dicere tenetur, uti quisque tenetur civi honesto, si denuntiatum sit, *l. is cui. 18. §. 2. l. cum lege. 26. hoc tit.* Ex Senatusconsulto intestabilis, qui ob crimen famosum

damnatus est, *d. l. 18. §. 1. l. 5. §. si quis. 9. de injur.* Ex constitutionibus, apostata & hæretici, *l. 3. C. de apostat. l. 4. C. de hæres. & Manich. l. hæreticus. 44. C. Theod. de his qui sup. reb.* Ex duodecim tabulis, antestatus & libripens, si postea testimonium perhibere detrectassent. Verba legis refert Gellius *lib. 15. cap. 13. Quoi se fierit antestariet, libripensve fuerit, nei testimonium fariatur, improbus intestabilisque esto.* Ita locum istum obscurum & depravatam antea restituit Marcellus, *cap. 5. leg. duob. tab.* quod male processerat Cujacio. De eo quæsitum, an is, qui intestabilis dicitur, nec hæres institui potuerit, aut alias ex testamento alieno capere: nam cæteros omnes, quos hic commemorat Justinianus, constat, testamenti factionem passivam habere. Et quidem hæreticis nominatim hæc tria denegantur, testimonii dictio, testamenti factio, successio tam ex testamento, quam ab intestato, *d. l. 3. C. de apostat.* De aliis expressè tantum non est, ne hæres instituatur. Ex eo tamen quod Cajus scribit, cum lege quis intestabilis esse jubetur, hoc etiam eo pertinere, ut ne ipsi dicatur testimonium, *d. l. cum leg. 26. hoc tit.* sequi omnino videtur, ut nec hæres institui possit. Neque enim arbitrator defendi posse, testatori dumtaxat, non etiam hæredi, de cujus solius commodo agitur, testimonium perhiberi. Facit hoc *l. imperialis. 23. §. 3. C. de nupt.* qua permittitur mulieribus scenicis post impetrationem principalis rescripti, & condere testamentum, & aliis succedere. Inde enim duo colligimus, & scenicas foeminas intestabiles habitas fuisse, & qui intestabiles essent, hæres non potuisse institui. Itaque non satis accurati sunt compilatores, qui intestabiles cum superioribus, quos omnes hæres institui posse constat, una exceptione à regula eximunt, quasi & ipsi alioqui ad regulam pertinere videantur.

## T E X T U S .

## De servo, qui liber existimabatur.

7. Sed quum aliquis ex testibus testamenti quidem faciendi tempore liber existimabatur, postea autem servus apparuit, tam Divus Adrianus Cætoni, quam postea divi Severus & Antoninus rescripserunt, subvenire se ex sua liberalitate testamento, ut sic habeatur firmum, ac si, ut oportebat, factum esset: quum eo tempore, quo testamentum signaretur, omnium consensu hic testis liberi loco fuerit, nec quisquam esset, qui status ei quæstionem moveret.



7. *Testamenti faciendi tempore*) Hoc tempore inspicietur testium conditio, non tempore mortis testatoris, l. 22. §. eod. idque ex Principum liberalitate obtinuit etiam in habilitate putativa, ut loquuntur.

*Omniū consensu*) Totius civitatis, aut majoris partis civium. Quia ita se gerebat, ita agebat, sic muneribus fungebatur, ut publice liber à plerisque haberetur, arg. leg. 3. pr. de sen. Mac. facit, l. 1. C. b. t.

### COMMENTARIUS.

- 1 *Conditionem testium tempore testamenti facti spectari: non nocere, si quid eis postea contigerit.*
- 2 *Idem observari in habilitate putativa.*
- 3 *Confutatur eorum error, qui putant, testamentum corruere, si quis è testibus ante apertas tabulas moriatur, aut inhabilis fiat.*
- 4 *Quid verba hæc, omnium consensu, hic significant?*

**N**ON tantum numerus testium, sed eorum etiam qualitas & requisita conditio est de forma testamenti substantiali, ut loquuntur, non de forma probatoria dumtaxat: adeo ut si vel in uno è testibus hujusmodi qualitas deficiat, testamentum per se nullum sit. Enimvero conditionem testium inspicere placuit, cum testamentum signarent, non tempore mortis: nam si tempore testamenti facti tales omnes fuerint, ut adhiberi possint, nihil nocet, si quid postea eis contigerit, puta si quis postea servus factus sit aut intestabilis, furere cœperit, aut prodigus esse; l. ad testium. 22. §. 1. & ib. Cujac. hoc tit. Quid ergo si quis adhibitus sit, qui quidem adhiberi prohibetur, sed qui communi opinione pro tali testamenti tempore habebatur, qui adhiberi potest, puta si servus adhibitus sit, qui omnium opinione liber existimabatur, & cui nemo eo tempore status controversiam movebat? Testamentum nihilominus sponte sua vitiosum & injustum est, nec communis error formam juris publici mutare potest. Cæterum quod per se momentum nullum habet, Imperatores ex humanitate sustineri voluerint, atque ut Justinianus hic loquitur, ex liberalitate sua hujusmodi testamentis subvenerunt, ut perinde firma sint, ac si omnibus suis numeris ac partibus constarent. Ridiculum verò est, quod vulgo ex hoc loco colligunt, communem errorem jus facere: non enim error, sed in

errore summa Principum auctoritas jus hoc benignè & speciali favore ultimæ voluntatis constituit.

*Tam Divus Adrianus Catoni* (quidam Codices habent *Catonio*, *Theophilus Catonio* Verò) *quàm divi Severus & Antoninus*) Rescriptum Severi & Antonini non extat. Adriani est in l. 1. C. hoc tit. unde tamen non satis expeditum quid juris esse debeat, si quis consignationis quidem tempore pro libero habitus sit, postea autem ante apertas tabulas in servitutem revocatus status controversiam passus fuerit. Nam Adrianus sua constitutione hoc tantum significat, si quis testis pro libero habitus sit tempore testamenti, cui usque ad tempus aperiendarum tabularum nemo status controversiam moverit, testamentum non obesse debere, quod nunc hæc quæstio ei moveatur. Unde effici videtur, non idem esse, si jam eo tempore servum esse appareat. Sed dicendum est, aut verba Adriani non ita accepta esse, quasi casus iste semper in hisce quæstionibus requiratur, sed expressa, quia id in ea controversia forte acciderat, de qua consultus erat; aut constitutione Severi & Antonini rem plenius postea definitam. Sanè Jurisconsultus simpliciter ait, testium habilitatem tempore testamenti facti spectandam; quod postea accidit, non nocere, d. l. ad testium. 22. §. 1. hoc tit. Hoc autem non tantum pertinet ad habilitatem veram, sed etiam ad putativam: quippe quæ eandem vim ex Principum liberalitate habeat. Atque ut nihil præter hunc locum haberemus, is solum apertissimè ostendit, satis esse, liberum quem existimari tempore faciendi testamenti: nec ex eo, quod postea esse apparuit, testamentum vitari. Ad dicat aliquis, cum signatores tempore aperiendarum tabularum sigilla sua apud prætorum recognoscere & pro testamento testimonium dicere debeant, l. 4. & seqq. test. qu. aper. an non ex eo necessario sequitur, testamentum corruere, si quis è testibus, qui, cum conderetur testamentum: pro libero adhibitus fuit, nunc, cum aperiendum est, servus appareat? arg. l. 11. C. de testib. quo loco scriptum est, servos testimonii dictionem in judicio non habere. Non magis, inquam, quàm si quis è testibus ante apertas tabulas vita functus sit, aut furiosus, cæcus, mutus, surdus, &c. factus. Nam, ut rectè D. Viglius, sigillorum ista inspectio requisita fuit, non ut formalis aliqua testamenti solemnitas, sed ad certiores probationem voluntatis, & tunc, cum testes adhuc viverent, aut tales essent, qui testimonium prohibere signis inspectis &



recognitis possent; testibus autem mortuis, aut inhabilibus ante id tempus factis, non idcirco statim voluntas defuncti concidit, cum adhuc aliis argumentis & conjecturis sigillorum fides confirmari possit, maximè accedente adminiculo subscriptionis testatoris & testium: nam manus cujusque & subscriptio pluribus nota esse solet; potestque etiam in dubio probari per litterarum comparationem. Vetus hac de re disputat D. Viglius contra veteres juris interpretes, qui putavere, vel uno teste ante aperturam tabularum mortuo, vel inhabili facto testamentum protinus irritum fieri; ostenditque, ex ea persuasione factum, ut vetus testandi forma pæne abolita sit, cœperintque curare homines, ut de testamentis instrumenta publica per Notarios fierent: quod olim fuit incognitum. At usitatum erat testamenta publicari, hoc est, actis insinuari, vel referri in acta publica; quod heredes scripti fieri procurabant, ne si casu materia, in qua primum testamentum scriptum esset, intercidisset, proximi ab intestato negotium iis facefferent. Nam publicatum testamentum priori scriptura casu amissa plenam fidem sine alio adminiculo faciebat, *vid. l. 2. §. 1. testamenta. 18. C. hoc tit. §. ibi. D. Donell.* Quod autem de servo rescriptum est, id non dubito, quin rectè producatur ad defectum aliarum quoque qualitarum, quæ in testibus testamentariis requirunt, si eadem ratio est: puta si impubes adhibitus sit, qui pubes putabatur; mulier virili habitu virum simulans; prodigus, qui tempore conditi testamenti pro sano à plerisque habebatur. Idem etiam favor, eadem benignitatis ratio testamentum, quod summo jure inutile, defendunt. Joseph. Ludovic. *commun. opin. 69. §. 4. fallent.*

Omnium consensu) Donel. in l. 1. C. hoc tit. consensum sive opinionem cæterorum testium intelligit. Quid enim placet. Quid enim, si hi testiant servum esse, aut status controversiam pati, quod alii omnes in civitate sciunt? Neque magis verba omnium consensu, ad testes solos restringi possunt, quàm illa quæ mox sequuntur, *nec quisquam esset, qui status ei quaestionem moveret*, quæ itidem expressa sunt rescripto Adriani. Omnium igitur consensu sic potius accipiemus consensum omnium, qui in civitate sunt, opinione totius populi, aut certe majoris partis, quia publice liber à plerisque habebatur, sic agebat, sic contrahebat, sic muneribus fungebatur, *arg. l. 3. in pr. de test. l. 3. §. 2. de testib.* Quam ob causam Fab. existimat, nec illud testamento no-

citurum, si unus & alter è testibus sciverit conditionem illius, & tacuerit. Putatque hoc amplius, locum esse huic constitutioni, etiam si plures ejusdem generis non idonei per ignorantiam adhibiti sint, *arg. d. l. 1. C. hoc tit.* quod & Bachovius videtur admittere, dum ne pauciores quàm duo habiles sint & idonei. Latus hic spatiantur DD. dum quarunt, an gesta ab his, qui se pro scribis aut notariis gerunt, cum non sint, sed communi errore tales habeantur, & instrumenta ab his facta, valeant. Et sic vulgo distinguitur, ut referat, utrum alicui publica auctoritate hujusmodi persona per errorem imposita sit, an quis ipse sibi privatim eam assumpserit: illo casu valere quod gestum est, *l. 3. de off. prat.* hoc casu acta non valere, & speciale esse, quod in casu hujus §. testamento succurritur, *vid. Sichard. ad d. l. 1. C. hoc tit. sub fin. Jason. ad d. l. 3. qui de eo disputat accuratissimè.*

## TEXTUS.

## De pluribus testibus ex eadem domo.

8. Pater, nec non is, qui in potestate ejus est: item duo fratres, qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

## NOTÆ.

8. Pater, nec non is, &c. ) Ex l. pater 17. D. de testib. ratio est in textu: *add. l. 22. pr. hoc tit. Ulp. tit. 20. §. 5.*

## COMMENTARIUS.

Hic locus sumptus est ex l. pater 17. de testib. *add. l. ad testium 22. pr. hoc tit. Ulp. tit. 20. §. 5.* Dubitandi causa, ut mox indicatur, esse potest, quod plurium ex una domo testimonium suspectum videatur, propterea quod hi facile colludere, atque in unam eandemque meditatam sententiam conspirare possunt, & *fac. l. 3. §. 1. de testib.* Sed jungitur solutio; nimirum tale nihil hic metuendum, ubi plures ex uno domo testes adhibentur negotio alieno, unde nihil ipsi commodi sperent. Suspicionibus enim non utique adeo indulgendum esse, ut quisquam gratuito malus esse præsumi debeat. Quapropter quod dicitur in l. 6. de testib. testes idoneos non esse, quibus imperari potest, ut testes sint, rectè Glossa sic interpretatur, ut testes sint



sint in causa imperantis, eosque pro se producentis. Ne quis putet, jus potestatis & filio imperandi obstare, quominus pater simul & filius in alieno negotio testes esse possint. Neque ambigendum est, quin filiusfam. etiam patre invito testimonii dictionem habeat, cum publica auctoritate testimonium denuntietur, cujusmodi in causis jura patris interquiescunt, arg. l. 9. de his qui sui vel al. jur. Illud etiam hic notandum, patrem & filium, item duos fratres qui in ejusdem patris potestate sunt, in alienis negotiis (non enim in testamento dumtaxat hoc obtinet, d. l. 17. de testib.) diversarum personarum numero haberi.

## TEXTUS.

## De his qui sunt in familia testatoris.

9. In testibus autem non debet esse is, qui in potestate testatoris est. Sed si filiusfamilias de castrensi peculio post missionem faciat testamentum, nec pater ejus rectè adhibetur testis, nec is, qui in potestate ejusdem patris est. Reprobatur enim in ea re domesticum testimonium.

## NOTÆ.

9. Post missionem, &c. nec pater ejus, &c. Aliud tamen placuisse videtur Ulpiano & Marcello, l. 20. §. 2. hoc tit. ut bene animadvertit Horom.

In potestate ejusdem patris) Fratre scilicet testatoris *συνπρεξυστος*, non emancipatus.

Domesticum testimonium) Id est eorum, qui ita conjuncti sunt, ut alter sit in familia & potestate alterius, & una cum eo fictione juris persona. Nam ut rectè Græci, *οὐκ ἐκ τῆς ἐνάσκιας τῆς ὑπεξυσίας λαμβάνεται*. Non ex cognatione, sed ex coadunatione, quæ per patriam potestatem contingit. Eadem scilicet ratione, qua sui hæredes domestici; §. 2. inf. de hæ. qual. in judiciis autem testes omnes domestici intelliguntur, qui de domo accusati producantur, l. 3. C. de testib. l. 24. D. eod.

## COMMENTARIUS.

- 1 Quomodo questio formanda in filio teste in testamento patris?
- 2 Quid obstat, quominus qui in potestate testatoris est, testis in ejus testamento esse possit? Et quid de filio emancipato, &c.
- 3 Cur in testamento filiusfam. post missionem de castrensi peculio testantis pater testis non ad-

mittatur, qui tamen ad tabulas filii emancipati rectè testis adhibetur.

4 Dissentire Justinianum in proposita specie ab Ulpiano & Marcello.

5 Domesticum testimonium hoc loco estimari ex unione personarum, quæ per potestatem contingit; etsi in aliis causis domestica testimonia interpretamur testimonia personarum domesticarum.

Hactenus de personis, quarum ea est inhabilitas, ut nullius in testamento testes adhiberi possit: sunt etiam quædam, quæ cum per se habiles sint, & rectè adhibeantur, non tamen rectè adhibetur in testamentis omnium, idque ob causam aliquam privatam, quæ eas *λάρα τὴν* inhabiles facit. Causa hujus inhabilitatis duplex: conjunctio testis & testatoris per potestatem: item negotium testamenti ad eum, qui testis adhibetur, pertinens. Prima hoc §. altera seq. explicatur.

Qui in potestate testatoris est) Igitur nec filius testatoris, nec nepos ejus ex filio, qui in potestate sit; nec is, quem testator ab hostibus redemerit, l. qui testamento 20. in fin. pr. & §. 1. h. tit. Sed enim cum constet, filium, qui in potestate sit, aut hæredem instituendum esse, aut nominatim exhæredandum silentio eo præterito testamentum ipso jure non consistere, absurda potest videri hæc disputatio. Nam fingamus, esse institutum; jam alia & propria ratione testis esse non poterit, quia hæredes, §. seq. Fingamus, exhæredatum, & nihil videtur obstare, quominus rectè testis sit, quia sua se manu exhæredem scribere potest, salvo testamento, l. non putavit. l. §. si quis. 6. de bon. poss. cont. tab. nec ullæ hinc metuendæ technæ, cum in suam nemo perniciem ingeniosus sit. Quod si dicas, durum videri, ut filius palam testis adhibeatur exhæredationis & ingratitude suæ; quid sit testamentum, quo exhæredatus est, clausum proponatur, in quo quid scriptum sit, à testibus omnibus ignoretur? ita enim in proposito questio formanda est, ut jam illud obijci non possit. Quid est igitur, quod hic obstat, quominus filius testis sit? Nihil aliud, quam jus potestatis, quod fictionem quamdam unitatis personarum inducit inter eum, qui habet in potestate, & qui in potestate habetur. §. si quis. 4. inf. de inut. stip. l. ult. C. de impub. & al. subst. Quo fit, ut si alteri alter testimonium dicat, sibi quodammodo dicere videatur, quod subtilitas juris non patitur, ut post Viglium hic notant plerique recentiores, & est textus eo pertinens in §. seq. in fin. Ad-



dunt nonnulli, huc etiam referendum, quod generaliter placuit, idoneos testes non videri, quibus imperari potest, ut testes fiant, *l. de testib.* Ego verò arbitrator, definitionem istam valere tantum in testimoniis judicialibus; quamvis verum sit, hic quoque quæri de adhibendo eo, cui imperari potest. Ait, qui in potestate. Igitur à contrario, qui in potestate testatoris non est, puta filius emancipatus, rectè testis adhibetur, & pater vicissim in testamento illius; neque enim credendum est, verba illa frustra hic & in *d. l. 20.* expressa est. Præterea cessat in emancipato ratio prohibitionis, vinculum scilicet unitatis, quod per emancipationem solvitur. Et vel magis agitur poterit qui testis esse in testamento matris & avi materni. Non obstat, quod parentes & liberi hoc ipso quod parentes & liberi sunt, invicem testes esse prohibentur, *l. 9. de testib. l. 6. C. eod.* Nam ista prohibitio pertinet tantum ad illa testimonia, ex quibus lucrum aliqui accedere potest parenti vel filio, cui testimonium dicitur, qualia sunt testimonia judicialia, de quo paulo diligentius postea.

*Sed si filiusfamil. post missionem &c. neque pater ejus rectè adhibetur*) Filiusfamil. testamentum facere non potest, præterquam si testatur de castrensi peculio *inf. tit. 12.* ac proinde eo solo casu quæstio hæc locum habere potest, an pater ad testamentum ejus testis adhiberi possit. Sic autem hoc loco distinguitur, si filiusfamil. militans adhuc testamentum faciat de rebus castrensibus, pater rectè testis adhibeatur, si post missionem, non æquè. Cæterum quod ad priorem casum, amplius adhuc distinguendum existimo, utrum scilicet militans adhuc testamentum faciat jure militari in castris aut expeditione, an extra castra jure communi: ut illo demum casu pater rectè adhibeatur propter liberrimam, quæ militibus data est, in castris testandi facultatem; hoc autem casu non magis quam si testetur post missionem, *arg. pr. & §. 3. tit. seq. & verba illa, post missionem*, non ideo hic adjecta esse, quia tunc missionem filius testamentum faciens semper patrem adhibere possit; sed quia post missionem, nunquam. Sed hic nobis occurrit exemplo emancipati, ad cuius tabulas patrem posse testem adhiberi diximus non alia ratione, quam quia emancipatus non est in potestate. At in eo, de quo quærimus, nec filiusfamil. in potestate est, quippe qui in castrensi peculio vice patrifam. fungitur, *l. 2. de Sen. Mac.* Huic objectioni ita fere responderi solet, multum interesse, utrum quis revera & sine exceptione sit paterfamil. & patri

suo extraneus, qualis est filius emancipatus; an quis in re aliqua pro patrefam. habeatur, manens revera *in potestate*, & domesticus patri suo, qualis est, qui peculium castrense habet. Etenim peculii hujus concessionem non eximere filium de domo & potestate patris, §. 4. *sup. quib. mod. jus pat. pot. solv.* & consequenter non efficere, ut una persona cum patre censeretur desinat: tantum liberam filiosam. de iis rebus disponendi facultatem tribuere, & hæredem etiam in iis instituendi, in quo patrifam. comparetur. Cæterum uti pater propter vinculum unitatis, quod retinetur, hunc filium ad suum testamentum adhibere non potest, ita nec illius tabulis patrem adhiberi potest. Equidem fateor, hæc ita pro Justiniano, & si qui veterum fuere, quos ille secutus est, speciosè disputari: video tamen, aliud placuisse Marcello, cujus auctoritatem etiam Ulpianus secutus est in *l. qui testam. 20. §. 2. hoc tit.* Ita enim scribit: *Per contrarium queri potest, an pater ejus, qui de castrensi peculio potest testari, adhiberi ab eo ad testamentum testis possit.* Et Marcellus *lib. 10. Digestorum* scribit, posse; & frater ergo poterit. Contraria omnino sententia & directo pugnans cum eo, quod hoc loco tradit Imperator, ut bene animadvertit D. Hotomannus. Nam quod cæteri interpretes, inter quos etiam Viglium & Bachovium esse video, Marcelli sententiam restringunt ad eum casum, quo filiusfamil. de peculio castrensi testatur jure militari sive privilegiato, nullo colore defendi potest. Primum quia tota tractatio illius tituli propria est testamenti solemnis, ut proinde verisimile non sit, Ulpianum eo loco miscuisse quæstionem, quæ ad militaria testamenta pertineret, quod nulla alia in parte ejusdem tit. aut factum est. aut fieri oportuit. 2. Quia Ulpianus hanc quæstionem proponit oppositive ad præcedentem, quæ opposita in dissimili genere testamenti planè inepta foret. Negaverat in §. 1. *ejusdem. l. 20.* filium, qui in potestate est, testem esse posse in testamento patris. Hoc dictum omnes intelligunt de testamento solemnis, nec ad testamentum militare pertinere. Mox per contrariam quærit, an pater ejus, qui de peculio castrensi testari potest, adhiberi ab eo ad testamentum testis possit; & ait, posse, ex sententia Marcelli. At hæc quæstio minime præcedenti contraria est, nisi de eodem genere testamenti, ad quod præcedens pertinet, accipiatur. 3. Notanda sunt verba Jurisconsulti. Non quærit de testamento filiosam. militis aut in castris agentis, sed quæstionem generaliter atque indistinctè proponit de omni



ni filiofam. qui de castrensi peculio testari potest, at potest non solum miles in castris agens jure militari, sed item etiam extra castra jure communi; potest eodem jure & veteranus seu militia missus. 4. De testamento jure militiae facto ne dubitari quidem justè potest, quippe cum verba privilegii, quod militibus indultum est, *quomodo velint; quomodo poterunt*, l. 1. de testam. mil. facile hanc in personis testimonium differentiam absorbeant, & reciprocationem testimoniorum patris & filii admittant, immo ne testem quidem desiderent, ubi de militis voluntate constet: de quo amplius, §. 1. seq. tit. Et fortasse motus fuit Marcellus ea, quam dixi, ratione: quia placuit, filiofam. in peculio castrensi pro patrefam. haberi, quasi ob id etiam diversam à patre personam in causa istius peculii sustinere debeat: id enim receptum est, cum de acquirendo ex causa hujus peculii agitur, in quo fere solo alioqui fictio illa, quod pater & filius pro una persona habeantur, locum habeat.

*Ea in re domesticum testimonium*) Mysticus horum verborum sensus est, ne quis ex his colligat, in aliis causis domestica testimonia non reprobari. Quin in causis judicialibus modo magis reprobantur, & tanto, quanto major est reprobationis causa. Sed nimirum hæc Justiniani sententia est, licet in testamentis de lucro, aut commodo ejus, qui testes adhibet, non agatur, ut sit in causis forensibus; ac proinde hic verendum non sit, ne propter affectionem aut reverentiam veritas celetur, quam ob causam etiam personæ conjunctissimæ & amicissimæ hic invicem jus dicendi testimonii habeant; nihilominus tamen domesticum in hac causa testimonium prohibitum esse, hoc est, eorum, qui ita conjuncti sunt, ut alter sit in familia & potestate alterius, & fictione juris eadem cum altero persona, unde cum alteri testimonium præstat, sibi quodammodo præstare videatur. Hac sola juris subtilitate testimonia in proposito vetari, non aliqua falsi suspitione propter cognationem, aut affectum. Atque hanc esse Justiniani sententiam, hic ipse locus satis perspicue indicat, quem idcirco etiam his verbis extendit Theophilus; τὴν δὲ οἰκίαν, inquit, μαρτυρίας ἢ ἐκ τῆς συγγενείας, ἢ ἐκ τῆς ἐπιστάσεως τῆς ἐν ὑπεχρεώσεσιν λαμβάνομεν. eademque fere ratione Justinianus, inf. de her. qual. §. 2. suos hæredes appellatos esse ait, quia domestici hæredes sunt, quibus opponit extraneos, id est, omnes qui in potestate morientis non fuerunt. Cum igitur prohibendi hujus testimonii non alia causa sit, quam unio illa per-

sonarum, quæ per potestatem contingit, sequitur, inter eos, qui ita uniti non sunt, testimonia testamentaria licita esse, quamvis aliqui summa sit inter eos conjunctio aut charitas. Itaque & patrem rectè testem adhiberi in testamento filii emancipati, avum in testamento nepotis ex filia, & contra, item virum in testamento uxoris, multoque magis patronum in testamento liberti, & patremfam. in testamento mercenarii, & viceversa liberos & mercenarios in testamentis illorum; ac proinde errare interpretes, & inter hos Ant. Matthæum, qui testimonia testamentaria cum judicialibus confundunt. In judiciis nulli parentes & liberi invicem idonei testes, l. 9. de testib. l. 6. C. eod. suspecti omnes, quibus quovis modo imperari potest, l. 6. eod. qualis est etiam libertus in domo patroni degens; item qui mercede conducuntur, ut famuli & coloni in villis, aut id genus alii, qui domi famulantur. In his enim causis domestica testimonia interpretetur testimonium personarum domesticarum, hoc est, eorum omnium, qui de domo rei, qui in eos imperium habet, producuntur, l. pen. de testib. fac. l. 11. §. furta domestica. 1. de pœn. l. antepen. §. pen. C. de his qui ad Eccl. conf. Discriminis ratio jam antè à me indicata hæc est, quod in ceteris causis agitur de commodo pecuniario ejus, cui testimonium dicuntur, ut merito in his testes omnes rejiciantur, quos vel affectione, vel reverentia, aut absequio veritatem celaturos, suspicio est: in testamento autem non de commodo testatoris, sed hæredis agitur, ut non tam illi, quam huic testimonium testes perhibeant.

### TEXTUS.

#### De hærede, & his, qui sunt in ejus familia.

10. Sed neque bares scriptus, neque is, qui in ejus potestate est, neque pater ejus, qui cum habet in potestate; neque fratres, qui in ejusdem patris potestate sunt, testes adhiberi possunt: quia hoc totum negotium quod agitur testamenti ordinandi gratia, creditur hodie inter testatorem & hæredem agi. Licet autem totum jus tale conturbatum fuerat, & veteres quidem familia emptorem & eos, qui per potestatem conjuncti fuerant, à testamentariis testimoniis repellabant: hæredes autem, & iis, qui per potestatem ei conjuncti fuerant, concedebant testimonia in testamentis præstare: licet ii, qui id permittebant, hoc jure minime abuti eos debere suadebant; tamen nos eandem observationem corrigentes, & quod ab illis sua-



sum est, in legis necessitate transferentes, ad imitationem pristini familiae emptoris, merito nec heredi, imaginem vetustissimi familiae emptoris obtinet; neque aliis personis, quae ei (ut dictum est) conjuncta sunt, licentiam concedimus sibi quodammodo testimonia praestare: ideoque nec ejusmodi veteres constitutiones nostro Codici inseri permisimus.

## NOTA.

10. *Creditur hodie*) Sublata videlicet familiae mancipatione. Expende, quod ait, *totum*, ut hac ratione testimonium recipiatur legatarum & fideicommissarii. Cujac.

*Heredi autem*) Non tantum clam scripto; sed palam etiam nuncupato.

*Pristini familiae emptoris*) Cujus testimonium ideo receptum non fuisse certum est, quia negotium testamenti palam & aperte cum eo ipso ut vero herede agebatur.

## COMMENTARIUS.

1. *Cur veteres fiduciarium familiae emptorem a testimonio removerint, heredem admisserint?*

2. *An ad testamentum recte adhibeatur pater heredis, cujus in potestate non est, filiiue heredis emancipati?* &c.

Causa privata altera, quae testem inhabilem facit, est negotium testamenti, quod cum teste agitur. Negotium testamenti dicitur id, cujus praecipue causa testamentum ordinatur, nimirum institutio heredis sive universi juris successoris. Nemo igitur testis adhiberi potest in eo testamento, in quo haeres scriptus est; quod ideo placuit, quia in testamento negotium heredis recte & principaliter agitur, atque is solus sit juris successor. Herede autem summo consequens fuit, ut una removeretur qui in potestate ejus est, & pater quoque, qui eum habet in potestate, & denique frater, qui cum eo in ejusdem patris potestate est, propter vinculum illud unitatis, de quo dictum §. *prac.*

*Veteres familiae emptorem repellabant: heredi autem concedebant.* Certum est; olim, cum primum forma testandi per aes & libram inventa est, neque heredem, neque eos, qui per potestatem ei conjuncti erant, ad testimonium in testamento praestandum admissos fuisse: quippe cum negotium testamenti palam & aperte cum ipso herede ageretur. Nam, ut ostendimus in explicatione §. 1. *hujus tit.* initio ipse haeres futurus emebat familiam a testatore, isque eam heredi mancipa-

bat, ut ille hoc tamquam justo titulo bona post mortem testatoris pleno jure Quiritium consequeretur. Procedente autem tempore, ob causas, quas ibidem indicavimus, hoc mutatum fuit, institutumque, ut solemnitatis implenda causa familiae quidem emptor palam adhiberetur, sed alius ab herede & fiduciarius, qui heredi forte clam in tabulis scripto familiam remanciparet. Quo recepto, coepit familiae emptor a dicendo in testamento testimonio summo vereri, & haeres admitti quasi negotium testamenti jam non tam cum herede, quam cum familiae emptore gereretur, & absurdum sit, eum; cum quo negotium aliquod geritur aut contrahitur, licet imaginariè, testis officio fungi. Atque hoc etiam obtinebat, etsi haeres scriptum se non ignorabat. Cicero in *orat. pro Milon. c. 18. Cyri testamentum palam obsignavi cum Clodio: & illum heredem & me scripserat.* Ceterum ab eo jure postea iterum recessum fuisse, arguit *l. qui testam. 20. pr. hoc tit.* nisi locus ille a Triboniano interpolatus sit, aut de alio genere testamenti intelligendus, quam quod per aes & libram fiebat: accipiendus, *arg. §. 2. tit. 20. Just. Ulp. VINN.* Immo, quum temporibus Ulpiani testamenta rarius facta videantur per aes & libram faciliore testandi ratione a Praetore inventa: non opus est, ut interpolatam a Triboniano existimemus *d. l. 20. pr. ff. qui testam. fac. poss.* Commodè enim accipi potest de testamentis tunc frequentioribus, puta de praetoriis. HEIN.

*Minimè hoc jure abuti eos debere suadebant.)* Etsi testimonium heredis apud veteres licitum esse coepit, cum alius familiarum emerit; existimabant tamen, minus verecundè heredem facturum, si sciens se heredem scriptum esse, jure sibi concessio uteretur: quamobrem etiam suadebant, ut potius se excusare, atque a testimonio, si pudori suo consulere vellet, abstineret. Non enim potuit locus esse huius suasioni, ubi quis haeres institutus esset, ignoraretur. Est autem illud omnino verisimile, sublata ratione testandi per aes & libram (quod factum creditur statim post translatum in Thraciam Imperium, *arg. l. 15. C. hoc tit.*) heredem amplius testem esse non potuisse in ullo testamento: quippe cum ex eo tempore negotium testamenti non tantum serio, sed recta etiam cum ipso herede agi coeptum sit, quod antea simulatè agebatur cum emptore familiae in testamento per aes & libram: quod etiam ratio initio hujus textus prolata, *Quia totum hoc negotium, &c. creditur hodie inter testatorem & heredem agi,* perspicuè ostendit: ut



adeo non admodum necesse fuerit, suasionem istam veterum in legis necessitatem à Justiniano transferri: quod tamen hic se fecisse proficitur.

Neque aliis personis, quæ ei, ut dictum est, conjunctæ) Scilicet per potestatem, quod antea expressit: ea enim sola conjunctio efficit, ut omnes ita conjuncti pro una persona habeantur, atque ut sibi quodammodo, quod ait, testimonium præstent. Ex contrario igitur etiam hic rectè, colligas, eos, qui in potestate hæredis non sunt, puta liberos emancipatos, item patrem hæredis, in cujus potestate non est, & fratres ejus, ad testimonium in proposito admitti posse. Nam cum hi omnes diversæ sint ab hærede personæ; non potest dici, negotium testamenti propter hæredem etiam cum his agi, eosve sibi aut in re sua testimonium dicere, licet forte ex eo commodum aliquod hærede mortuo consequi possint; nam nec legatariorum testimonium rejicitur, quamvis & ipsi in consequentiam lucrum ex testamento capiant: Fatendum tamen est, esse aliquid in personis hæredi sanguine sic conjunctis, ob quod videri possint ad testimonium non admittendi, quod non fit in iis, qui testatori naturaliter conjunguntur, propterea quod, ut dictum §. præc. non de testatoris, sed hæredis commodo hic agatur, ut quamvis non testatoris, hæredis tamen parentes aut liberi suspicione graventur. Verum in contrarium considerandum est, ignorari plerumque, quis hæres scriptus sit, idque non tantum cum signatur testamentum, sed etiam cum testes jubentur signa sua recognoscere, quod fit ante aperturam tabularum l. 4. test. quem. aper. Sed etsi sciatur, quis hæres scriptus sit, aut si palam hæres nuncupatus, non putarem tamen, statim testamento obesse debere, quod dicantur inter testes adhibiti parens aut filius, aut frater hæredis (dempta conjunctione per potestatem.) Nam primo siquam suspensionem necessitudo inducit, ea facile reliquo testium numero deletur. Deinde etsi negotium hæredis in testamento agitur, is tamen non est onerandus, qui ipse testes initio ad hoc non adhibet, sed testator; neque aliis testibus postea ad probandum testatoris voluntatem uti potest, quàm is ipsis, qui adhibiti sunt, cum testamentum ordinaretur. In quam sententiam etiam D. Viglius inclinatur.

#### T E X T U S.

De legatariis & fideicommissariis, & his qui sunt in eorum familia.

11. Legatariis autem & fideicommissariis, quia

non juris successores sunt, & aliis personis eis conjunctis testimonium non denegamus. immo in quadam nostra constitutione & hoc specialiter ei concessimus. Et multo magis iis, qui eorum potestate sunt, vel qui eos habent in potestate, hujusmodi licentiam damus.

#### N O T Æ.

11. Quia non juris successores) Non juris universi, sed rerum singularum, l. 9. §. 1. D. de edend. quorum gratia testamentum non ordinatur; sed universi successoris, id est, hæredis habendi causa. Itaque negotium testamenti cum solo hærede geritur, non cum legatariis: nisi forte per consequentiam; quod placet hic non attendi, confirmato testibus adhibitis ipso testamento, d. l. 14. Symmach. lib. 13. epist. 55.

Nostra constitutione) Non extat: sed Zenonis hac de re habemus in l. 22. C. hoc tit.

#### C O M M E N T A R I U S.

- 1 Divinatorium esse; quod quidam prodiderunt, legatarios testes esse vetitos Senatusconsulto Liboniano, & contrarii juris primum auctorem fuisse Scævola.
  - 2 Ratio Justiniani, cur legatariis & fideicommissariis jus testimonii non denegetur, exposita.
  - 3 Afferuntur complures aliæ, & certiores.
  - 4 Dispositionem hujus §. non tantum in testamentis scriptis, sed etiam in nuncupativis Vinus in Institut.
- obtinere, consultata singulari opinione Anton. Fabri.
- 5 Fideicommissarios universales huc non pertinere.

**L**egatum aut fideicommissum testamento alicui relictum eum testem inhabilem in eo testamento non facit: sed placuit legatariis & fideicommissarios testes in testamento adhiberi posse, l. qui testam. 20. in pr. hoc tit. f. l. si quis. 14. de reb. dub. l. distantibus. 22. C. hoc tit. Quo admissio jam eorum etiam, & quidem multo magis, testimonium recipiendum fuit, qui iis per potestatem conjuncti sunt. Dionys. Gothofredus in d. l. distantibus. 22. scribit, olim legatarios testes in testamento esse non potuisse ex Senatusconsulto Liboniano: Hotomannus hic, controversum hoc jus fuisse, & primum Scævola ejus inducentis auctorem: atque existimat uterque, hoc ipsum esse, quod Plinius, lib. 2. epist. ult. ut improbissimum genus falsi notat. Sed quis Gothofredum docuit, tale quid cautum fuisse Senatusconsulto Liboniano? Aut quis Hotomannum, fuisse Scævola contrarii juris primum auct.



auctorem? Non, si Scævola hoc jus comprobavit, ut testantur Arcadius & Honorius, l. 1. C. Theod. de testam. protinus sequitur, eum esse illius juris primum auctorem. Quis verò credat, si verum est, quod Gothofredus scribit, Scævola responsurum fuisse contra auctoritatem recentis Senatufconsulti? Plinius verò loco citato non illud improbum falsi genus appellat, si quis testimonium dicat in testamento, ex quo legatum capit, sed si quis ejusmodi technis, quibus usum esse scribit Marcum quemdam Regulum nequissimum omnium bipedum, aliisque malis artibus testatorem aggrediatur, & legatum extorqueat; quem eundem Regulum intelligit Juvenalis (atq. 1. v. 67.

*Signato falso, qui se lautum atque beatum*

*Exiguus tabulis & gemma fecerat uda.*

Cæterum locus ipse evidenter ostendit, jam tum legatarios testes rectè adhibitos, aut testibus legatum rectè datum. Quin etiam diu ante tempora Plinii hoc jus obtinuisset liquet ex d. leg. 14. de reb. dub. ubi auctoritate Trebatii illud defenditur.

*Quia non sunt juris successores*) Ratio à posteriori, ut videtur: unde intelligamus non ut cum hærede, ita cum legatariis & fideicommissariis negotium testamenti geri; ac proinde non eodem modo hos ut illum à testimonio testamentario repellendos: quod enim dixit §. præc. negotium testamenti inter testatorem & hæredem geri, & ideo hæredem non debere testem adhiberi in eo testamento, in quo hæres instituitur; id hanc rationem habet, quia hæres universi juris successor est; quippe successoris universi juris habendi gratia testamentum ordinatur, ejusque designatio caput est & fundamentum totius testamenti. Uti igitur hæredis testimonium rejicitur ob id, quod negotium testamenti est negotium successoris juris, ita legatarii admittitur, quia hoc negotium ad eum non pertinet, qui successor juris non est: ille removetur ab illius negotii tamquam suæ rei testimonio; hic admittitur in illo negotio testis, tamquam in re aliena. Quod etiam significare videtur Marcianus in d. l. 14. de reb. dub. cum ait, ipsum testamentum confirmari testibus adhibitis, nempe universum illud negotium, quod inter testatorem & hæredem de juris successione agitur, signatorum testimonio confirmari, non attentato legato ex illa juris successione pendente. Sed esto: ne sint legatarii juris successores: legata ad constitutionem testamenti non pertinent: & hæcenus dicitur negotium testamenti ad legatarios non pertinere; fa-

tendum tamen utique est saltem aliquo modo etiam de re legatarii in testamento agi; quippe qui emolumenti ex testamento percipiendi spem habet, cujusque propterea peculiariter interest testamentum confirmari, ne relictum concidat l. eam quam.

14. C. de fideic. Hoc ipsum verò satis causæ est ad arcendos à testimonio legatarios. Nam etsi non principaliter & recta in rem suam testimonia ferant, sed hæredis; per consequentiam tamen confirmati testamenti & hæreditatis aditæ hoc etiam ad ipsorum commodum pertinet: ac proinde, quod nemini concessum est; l. nullus. 10. de testib. & C. eod. l. omnibus. 10. in re & causa propria nihilominus testimonium dicunt: siquidem palam est, causam propriam esse eam, cujus emolumentum, aut damnum ad aliquem quoquo modo suo nomine pertineat, l. 1. §. in propria. 11. quand. appell. DD. in d. l. omnibus. 10. & l. seq. C. de testib. Quamobrem etsi ratio Justiniani hoc efficit, ut magis hæres repellendus sit, quàm legatarius: tamen non satis idonea videtur ut propter eam legatarius debeat admitti. Et verò ita est: nec dubitandum, quin certiore aliqua & speciali ratione hoc jus receptum fuerit; quamvis nulla præter hanc Justiniani in libris nostris apertè tradita inveniantur Interpretes complures afferunt. Prima est, quod numerus reliquorum testium & cæterarum diligentissima observatio testimonium legatarii ab omni falsi suspitione tuetur: neque tam ob testimonium legatarii, quàm ob reliquorum, ad quos ea res non pertinet, legatum sustineatur. Secunda est, quod in proposito legatarii res sit cum hærede, qui cum hoc debeat testibus, quod testamento eorum testimonio confirmato ipse hæreditatem & bona universa defuncti consequitur, improbè facturus sit, si legatum aliquibus eorum relictum hoc prætextu præstare recuset, quod in re propria testimonium dixerit. Nam sive tempus facti testamenti sive aperti consideretur; testes de voluntate testatoris dumtaxat & suo facto deponunt: postea verò cum legatum petunt, cum solo hærede iis negotium est; qui non potest non improbè fidem derogare testimonio eorum, quorum fidem in sua causa secutus est. Hanc attulit Bachovius, eaque mihi non minimi ponderis esse videtur. Et fortassis hoc potius est, quàm quod ante dixi, quod Marcianus sensit in d. l. 14. de reb. dub. cum ex Trebatii & Pomponii sententia legatum signatoribus sive testibus) nec enim hi diversi sunt) relictum ideo valere te scribit, quia ipsum testamentum testibus adhibitis



tis confirmatur. His accedit & tertia, quod Veteres suprema ordinaturi amicis fere signatoribus utebantur, quibus amoris testificandi gratia nihil relinqui posse, durum sanè atque inhumanum esset. In quam rem elegans locus est Symmachi *lib. 10. epist. 55. Quis, inquit, non familiarissimum quinquè signandis adhibet, cum extrema conducuntur? Jam quid mirum est, si in oculis positus mereatur aliquod monumentum religionis, qui meruit advocari?* Porro ita disputat, ut si his legibus viveremus, ut tenuis honor, quo subscriptores ob amicitiam defunctus adspersit, legitimum posse abolere iudicium, inimicis signatoribus tutius uteremur: inanemque appellat calumniam & rem post humanam memoriam inauditam objectionem Bassiani cuiusdam, qui hoc jus in dubium vocabat: facit *l. Pamphilo. 39. §. 1. de leg. 3.* Atque his ergo rationibus adducor, ut credam, hoc jus non tantum in testamentis scriptis servandum esse, verum etiam in nuncupativis: licet dissentiant Dnar. *ad tit. qui testam. fac. & Ant. Fab. decad. 66. err. 1. & seqq.*

4 Equidem in testamento nuncupativo, quod uti nunc mos est, per Notarium in scripturam redigitur, ea res minorem dubitationem videtur habere: quia privatum legatarii testimonium publicæ personæ juvatur fide, Jo. Fab. Aretin. Imol. Vigl. Zypæ, *not. jur. Belg. de testam. utut Groenevv. de ll. abrog. hic subsistat: sed in mera simplicique nuncupatione causa est, cur dubites, cum hic testes recta tam de legato, quam de jure heredis depo- nant; nullaque alia re testimonium juvetur, ut videri possit, perinde id habendum esse, ac si quis sibi aliquid in testamento adscribat, quod Senatusconsulto prohibito est, *l. 14. in pr. ad leg. Corn. de fals.* Et tamen magis est, ut hic quoque testimonium legatarii admittatur, cum cæterorum testium fides suspicionem tollat, legataque ac fideicommissa etiam codicillis relinqui possint, in quibus constat, quinque testes sufficere: utur mutua hic futura sint testimonia, quod notat D. Hotom. add. Diod. Tul. *ad hunc tit. c. 9.* quamquam haud gravatè admiserim, nonnihil hic tribuendum religioni judicantium. Singularis opinio est Ant. Fabri *d. dec. err. 3.* qui putat, *Nov. 1. c. 1.* in totum ab hoc jure recessum esse, ut hodie nec in scripto testamento testimonia legatariorum & fideicommissariorum admittenda sint: quoniam Justinianus eo loco caverit contra veteris juris regulam, ut si scripti hæredes hæreditatem adire recusarent, ipsius legatariis & fideicommissariis potestas adeundi esset: unde colligit, jus testimonii*

dicendi nunc iis planè denegandum esse, locumque in iis nunc etiam habere rationem hujus §. Quia juris successores fieri possunt. Ego verò malim dicere, hoc curandum non esse, quia ex accidenti est. *Casus adventitii, inquit Sævola, non sunt computandi, l. 6. qui & à quib. man. & eleganter Græci; Οὐ γὰρ τοῖς ἐξἄδου συμβαίνει θύματα προσιῶν ἡμῶν.* Planè locus hic accipiendus est de fideicommissariis particularibus: nam universalis fideicommissarius, id est, cui ex fideicommissio restituitur hæreditas, loco hæredis est, & post Senatusconsultum pro successore juris habetur. §. 3. & 4. *inf. de fideic. hæ. l. 1. l. 3. de fideic. hæ. pet. D. Tulden. c. 8. in fin.*

*Quadam constitutione nostra*) Calumniantium iniquitas sæpe flagitat, ut ea quæ certo jure constituta sunt, novis subinde constitutionibus specialiter sint confirmanda; quod etiam in proposito accidit. Constitutio autem Justiniani, quo hic se refert, haud dubiè priori Codici inserta fuit. Cæterum omissa est in Codice repetita prælectionis edito post compositionem Institutionum, quem solum hodie habemus. Et inepti sunt, qui hic intelligi putant aut constitutionem Zenonis, *leg. distantibus. 22. C. hoc. tit.* aut responsum Jurisconsulti *l. qui testam. 20. in pr. D. eod.* quod enim ita loquitur Justinianus? At sæpe in his libris constitutionum meminit, quæ in posteriori Codice non habentur, ut in §. *sed nec. 27. inf. de leg. §. pen. inf. de leg. agn. succ. §. 1. de succ. libert.*

## TEXTUS.

### De materia, in qua testamenta scribuntur.

12. *Nihil autem interest, testamentum in tabulis, an chartis membranisque, vel in alia materia fiat.*

## NOTÆ.

12. *In tabulis*) Ligneis dolatis, & cera illitis. Hinc tabulæ testamenti, vel etiam tabulæ pro testamento, & lignum pro tabulis, *leg. 1. de bon. poss. cons. tab. Juven. satyr. 13. & 16. denique & cera pro tabulis. Suet. in Jul. c. 83. Horat. 2. sat. 5. Juven. sat. 15.*

*An in chartis*) *L. 1. l. 4. de bon. poss. sec. tab. De varia materia, qua veteres in scribendo usi, v. Plin. lib. 13. c. 11. & 12. Alex. Neap. 2. gen. dier. Hot. 4. obs. 1. Salmat. de mod. usur. c. 10. VINN. Addenda omnino Bern. Montfaucon. Palæographia Græca; & quæ eadem de re differuit Jo. Mabillon in æterno opere de Re diplom. l. 1. HEIN.*



## COMMENTARIUS.

Unde fit, quod ceram pro tabulis veteres dixerint.

Testamenta non notis, sed litteris scribenda esse.

Antiqui fere in tabulis ligneis testamenta & quaslibet cautiones scribere solebant. Ex quo est, quod prætores in edictis suis de testamenti tabulis tantummodo loquuntur: & quod bonorum possessio, quæ liberis præteritis datur, vulgo dicitur dari contra lignum, quod vulgo. 19. de bon. poss. cont. tab. & in Juvenalis satyr. 13. & 16. adulterinas & mendaces cautionum tabulas appellat *vana cirographa ligni*. Tabulæ autem illæ cera illiæ erant, litterasque stylo, primum ferreo, postea osleo, in iis exarabant, unde factum, ut etiam cera pro tabulis diceretur. Sueton. in Jul. c. 83. Quintum Pedium ex quadrante hæredem instituit: reliquos in ima cera. Horat. 2. satyr. 5. v. 53.

Sic tamen, ut limis rapiat, quid prima secundo Cera velit versu.

Juvenalis sat. 16. Accipe ceram, Scribe puer, id est, accipe tabellas ceratas, aut ceratas puellares, eoque nihil apud hunc poetam usitatus. Cæterum etiam alia materia usos fuisse constat, veluti chartis, membranis, sive pergamenis, foliis & libris quarundam arborum, *librorum*. 52. de leg. 3. add. Plin. lib. 13. c. 11. & 12. Alex. ab Alex. 2. gen. dier. 31. Photom. 4. obs. 1. Si quis curiosior, is adeat Salmaf. lib. de mod. usur. c. 10. Quamvis prætor in dandis bonorum possessionibus tabularum dumtaxat mentionem faciat, tamen eo tamen minus bonorum possessionem prætor posse placuit, si in alia materia, quæ ad scribendum idonea sit, figura tabularum testamentum scriptum fuerit, l. 1. de bon. poss. sec. tab. Atque adeo etsi in charta deletitia & opilographo, l. 4. eod. Hodie Notarii, qui fere testamentis adhiberi solent, in conficiendis instrumentis pergamenis uti solent: quamquam si in charta papyracea scripserint, non minus protinus existimandum sit, instrumentum nullum esse, aut partium jura lædi, ut ait D. Viglius notat. Illud quoque non reperitur, quo genere sermonis, quæ lingua quis testamentum conscribat, l. hac consultissima. de testam. §. ult. l. quoniam. 15. C. de testam. Cæterum litteris, iisque usitatis & legibilibus scribendum esse placuit; non signis obscurisve litteris, l. 6. §. ult. de bon. poss. Ut quæ tamen per notas usitatas, quibus scilicet utimur in

designanda quantitate, portio hæreditaria aut summa legati expressa fuerit, institutio aut legatum non vitiabitur, l. 9. §. 1. de hæ. inst. VINN. Quàm tamen periculosa aliquando sit notarum interpretatio, exemplo Galbæ dicimus, de quo Sueton. cap. 5. Observavit ante omnes Liviam Augustam, cujus testamento pænitatus est. H. S. namque quingentis quum principum inter legatarios habuisset, quia NOTATA non perscripta erat summa, hærede Tiberio legatum ad quingenta revocante, ne hæc quidem accepit. HEIN.

## TEXTUS.

## De pluribus Codicibus.

13. Sed & unum testamentum pluribus codicibus conficere quis potest, secundum obtinentem tamen observationem omnibus factis: quod interdum etiam necessarium est; velut si quibus navigaturus & secumferre & domi relinquere judiciorum suorum contestationem velit; vel propter alias innumerabiles causas, quæ humanis necessitatibus imminet.

## NOTÆ.

13. Pluribus codicibus) Pluribus exemplaribus, l. 47. de legat. 2. pluribus tabulis l. 1. §. 6. ult. quæ in testam. del. ut tamen omnia sint inter se *ισότυπα*, unius tenoris & formæ, ac solemnitatis, d. l. ult. & facta quasi testamentum; non unum quasi testamentum, aliud quasi exemplum seu *ἀπόγραφοι*, d. l. 1. §. 7. de bon. poss. sec. tab. add. Salmaf. ubi sup.

## COMMENTARIUS.

1 An ut unius testamentum in plures codices referri; ita & plurium testamenta in unum codicem conferri possint?

Pluribus codicibus) Id est, pluribus exemplaribus, l. unum. 24. hoc t. l. 1. §. si quis. 5. de bon. poss. sec. tab. aut pluribus tabulis, l. ult. que in test. del. Ait, unum testamentum. Nemo enim paganus cum duobus testamentis decedere potest, sed prius semper rumpitur à posteriore. Testamentum verò, quod quis pluribus codicibus consignavit, atque eodem tempore solemniter complevit, unum atque idem testamentum est, l. 1. §. 6. de tab. exhib. l. ult. que in test. del. Sed & si quis in duobus codicibus simul signatis alios atque alios hæredes scripserit, & utrumque extet, ex utroque quasi ex uno competit bono-



norum possessio : quia pro unis tabulis habetur , & utrumque pro supremo, *d. l. 1. §. sed & si. 6. sec. tab.* quem locum eruditè interpretatur D. Salmas. *c. 10. de mod. usur. pag. 417. & seq.* ubi & alia minus trita. An autem quemadmodum uni licet testamentum suum in plures codices referre , ita ex contrario pluribus licet sua testamenta conferre in codicem unum , sive in unius chartæ volumine suprema ordinare , unis iisdemque testibus septem ad eam rem convocatis , unoque contextu adhibito , quæsitum est. Negant Vigl. & Hotomannus , quibus assentior. Etenim ut uniuscujusque testamenti propria contestatio est , ita & proprium ac separatum instrumentum esse oportet : admissaque illa diversorum testamentorum conjunctione , corrumpatur necesse est subtilissimum testamenti negotium , quod totum uno perpetuoque contextu ac tempore perfici atque absolvi debet , nec alienos aut extraneos aliorum actus intervenire patitur , *l. hæredes. 21. §. ult. hoc t. l. hac consuetissima. 21. l. cum antiquitas. 28. C. eod.* In casu pupillaris substitutionis patris quidem & filii testamentum conjungi potest , unisque septem testium signis obfignari : sed hoc ideo receptum , quia pro uno testamento habetur , *l. patris. 20. de vulg. & pup. subst.* ut vel ex eo intelligere liceat , singula testamenta singulas seorsum desiderare solemnitates. Diff. tamen comm. DD. quorum sententiam ex professo contra Viglium tueretur Peckius *lib. 1. de testam. conjug. c. 19.* & usus probavit : hodieque usitatissimum inter conjuges est , ut simul & unis solemnibus adhibitis testentur , & tam in scriptis , quam per nuncupationem : quod etiam Novella quadam Valentiniani permissum fuit , *tit. de testam. l. 1. add. Gail. 2. obser. 117.*

*Secundum obtinentem observationem* ) Si unius testamenti plures sint codices , potest ex unoquoque bonorum possessio peti , sed ita , si omnes sint authentici , id est , si facti sint tamquam testamentum , eodemque tempore adhibita omni solemnitate completi , *d. l. ult. de his que in test. del.* Aliud namque juris est , si testator unum fecerit , non quasi testamentum , sed quasi si exemplum sive copiam , ut vulgo loquuntur , *d. l. 1. §. sed si. 7. secund. tab.* Quia si ex apographo sive descriptione bonorum possessio daretur , magna aperiretur fenestra improbis hominibus ad testamenta subjicienda , *fac. l. 2. de fid. instrum.* Quid verò juris erit , si ex binis tabulis ejusdem testamenti unam testator deleverit , aut incidit ? Responsum est , ex integris hæreditatem

adiri , aut bonorum possessionem peti possent , nisi hi , qui ab intestato venire desiderant , probaverint , hoc animo à testatore incisas , ut intestatus moreretur , *d. l. ult. que in test. del.* Quid si eidem diversa summa legata sit , puta in alteris aurei quinquaginta , in alteris centum ? Proculus respondit , hæredi parcendum esse , & tantum quinquaginta deberi , *l. Sempronius. 47. de legat. 2.*

*Quod interdum etiam si necessarium* ) Karè 21. si videlicet quis vereatur , ne si forte unum tantum exemplar fecerit , voluntas exitum non sit habitura : quippe cum unum instrumentum facile amitti , aut alias perire , occultari aut supprimi ab hæredibus venientibus ab intestato possit *l. unum. 24. hoc tit. l. si in duobus. 10. §. ult. test. quem. aper.*

## T E X T U S .

## De testamento nuncupativo.

14. Sed hæc quidem de testamentis , quæ scriptis conscribuntur , sufficiunt. Si quis autem sine scriptis voluerit ordinare jure civili testamentum , septem testibus adhibitis , & sua voluntate coram eis nuncupata , sciat , hoc perfectissimum testamentum jure civili firmumque constitutum.

## N O T Æ .

14. *Voluntate nuncupata* ) Palam & clarè pronuntiata , ut à testibus exaudiri & intelligi possit , *dd. ll. l. 25. eod. Suet. in vit. Horat. Decisit hærede Augusto palam nuncupato.* Scriptum testamentum etiam clausum offerri testibus obfignandum potest , celato nomine hæredis , unde *μυσικὸν* Græcis dicitur.

## C O M M E N T A R I U S .

- 1 Communia testamento scripto cum nuncupatione.
- 2 Quæ in re præcipuè alterum ab altero differunt.
- 3 Veteres rariis hæredem nuncupare solitos fuisse quàm scribere , quare ?
- 4 Modi seu formæ testandi , quibus in hisce regionibus fere utimur.
- 5 An testamentum secundum statuatur aut consuetudinem alicujus loci factum etiam vim habeat extra illum locum ?

Hoc §. breviter comprehensa est forma testandi sine scriptura , sive per nuncupationem : quæ testandi ratio tota est à jure civili : nam prætorii testamenti præcipua solemnitas consistit in obfignatione testium , cui

fine



tabalis locus esse non potest. Cæterum prætor  
custos juris civilis etiã secundum nuncu-  
pationem bonorum possessionem dar, l. 8. §.  
ult. sec. tab. l. 2. C. eod.

Septem testibus adhibitis) Testamento nuncu-  
pativo quedam communia sunt cum scripto,  
veluti numerus testium, eorumque conditio,  
& testationis unus contextus. Oportet quoque  
hæc æquè testes rogari, aut certè admoneri, cu-  
jus rei gratia collecti sint, l. hæredes 21. §. pen.  
hoc tit. l. hac consultissima 21. §. per nuncupatio-  
nem 2. C. eod. Olim etiã necesse fuit, ut is,  
qui per nuncupationem testaturus erat, for-  
malibus verbis testes præmoneret, se ideo eos  
convocasse, quod sine scriptura testamentum  
facere constituisset. Sed cum ex ipsa nuncu-  
patione satis appareat, qua forma quis testa-  
ri cogiter, Justinianus id sustulit, l. in testa-  
mentis 26. C. eod. Quid verò, si de eo dubite-  
ret? Finge, unum aut alterum de testibus ad-  
hibitis, cum testator ex scheda, in qua me-  
moræ causa voluntatem exceperat, recitato  
testamento hæredem pronuntiasset, subsigna-  
sse & subscripsisse. Et vulgo rectè placuit prop-  
ter superfluam solemnitatem non debere vi-  
tari testamentum, quod utique omiſsa ea in  
ipſa nuncupationis valiturum erat. Planè si  
constet, scripturam, quæ profertur ad testa-  
mentum faciendum, paratam esse, aliud di-  
cendum erit, l. ex ea 29. hoc tit.

Et sua voluntate nuncupata) In hoc maxime  
differt testamentum, quod sine scriptura fit, à  
testamento scripto: nam scripturam testamen-  
ti potest testator, si ita illi videbitur, clausam  
coram testibus proferre, testarique, suum hoc  
esse testamentum, celato nomine hæredis;  
nam ob causam hoc testamentum mysticum  
dicitur. Nuncupare hæredem, est lingua &  
verbis pronuntiare: unde nuncupare hære-  
dem & hæredem pronuntiare pro eodem usur-  
pantur, l. si is qui 25. hoc tit. Gloss. Basil.  
nuncupatio. ἐκφώνησις ἀγραφός. Palam autem  
voluntas hic nuncupanda est: non utique pu-  
blicè aut in propatulo, quod particula palam  
aliquando significat, veluti cum mulier dici-  
tur palam corpore suo quæstum facere: sed  
celatè & intelligenter sic, ut à testibus exau-  
diri & intelligi possit, d. l. hæredes 21. in pr.  
hoc tit. d. l. hac consultissima 21. §. per nuncu-  
pationem 2. C. eod. l. ult. de jur. eod. ita Sue-  
tinius in vita Horatii. Decessit hærede Augusto  
palam nuncupato, cum urgente vi valetudinis non  
sufficeret ad obsignandas testamenti tabulas. Pro-  
batè quod in testamento scripto necessarium  
est, l. qui testam. 20. §. pen. hoc tit. in  
nuncupativo omnino necessarium putamus,

Tom. I.

ut testes intelligentiam habeant sermonis te-  
statoris; quo etiã fac. l. coram 209. de verb.  
sign. eoque jure hodie utimur. Fuit quidem  
etiã in scriptis testamenti usurpata nuncu-  
patione: sed in his significat generalem illam te-  
stationem voluntatis, cum testator tabulas te-  
stamenti tenens apud eos, qui ut testes essent,  
rogati erant, testabatur, id suum testamentum  
esse, non nuncupationem hæredis. Ulpian-  
tit. 20. §. 8.

Perfectissimum) Respectu scilicet effectus,  
quem non minorem habet, quam testamentum  
scriptum; quod alioqui ratione solemnitatis  
perfectius est. Etsi autem ratio testandi per  
nuncupationem longè expeditior est, quam  
per scripturam: tamen testamenta nuncupa-  
tiva minus usitata veteribus fuisse, quam scrip-  
ta argumento est, quod passim tabularum te-  
stamenti & hæredum scriptorum in libris nos-  
tris mentio fit; raro nuncupationis. Cujus  
ergo rei duplicem esse causam reor; tum quod  
in testamento scripto necesse non est pandere  
ea, quæ scripta sunt, quæ celari sæpe interest  
& ipsius testatoris & hæredum, cæterorumque,  
quibus aliquid relinquitur; quam utilitarem  
testamentum nuncupativum non habet: tum  
quia scripti testamenti fides subscriptionibus  
& signis testium confirmatur; ex quo fit, ut  
etiã si testes decesserint, ratum nihilominus  
illud maneat: nuncupativi autem testamenti  
fides tota pendet à depositione testium, qui-  
bus mortuis aut aliquibus eorum, cum non  
sint aut pauciores sint, quam requiruntur, qui  
sisti iterum possint, & in judicio testimonium  
dicere, necesse est irritam fieri defuncti vo-  
luntatem. Sed huic incommodo postea occur-  
sum est adhibito tabulario, qui voluntatem  
coram testibus nuncupatam acciperet, ac rem  
gestam scripturæ suæ auctoritate confirmaret:  
cujusmodi scriptura & instrumenta tabellio-  
num sola per se citra novum testium admini-  
culum vim probandæ ultimæ voluntatis ha-  
bent, nec tamen quod ita factum est, ideo  
mox definit esse testamentum nuncupativum,  
cum solius probationis gratia scriptura inter-  
veniat, non quod sit de substantia testamenti:  
quamquam non negaverim, habere hoc genus  
testamenti nonnihil, quod naturam scripti  
testamenti sapiat. De quo vide Sichard. in l.  
hac consultissima 21. §. per nuncupationem 2.  
num. 2. C. hoc tit. In his regionibus etsi ne-  
mo vetatur antiquo more ac ritu Romano-  
rum testamentum condere; duobus tamen po-  
tissimum modis testamenta confici solent; uno  
coram duobus decurionibus sive Scabinis &  
Secretario loci, in quo testamentum fit, sive



in agro sive in oppido, quæ forma testandi respondet publicationi testamentorum apud acta judicium vel municipium, l. omnium 19. C. hoc tit. altero coram Notario & duobus testibus; qui modus fere solus est in usu vulgi. Gudelin. de jur. nov. l. 2. c. 5. Grot. lib. 2. introd. c. 17. Exhereditatio liberorum hoc amplius requirit, ut testes sint Scabini: quod arguit formula juramenti à Notariis ingressu muneris præstandi: & cautum edicto quodam Caroli V. Groenevv. de ll. abr. bic. Notarius testatorem nosse debet: sin minus, ipsi testes, quos id quoque testificari oportet. Voluntas voce nuncupata à Notario scripto comprehendi solet, & in protocollum referri; unde postea petenti testatori solemne instrumentum conficiatur. Quin usu etiam receptum est, ut Notarius receptam in scheda voluntatem testatoris ipse recitet, ac testibus prælegat, deinde testatorem interroget, an omnia bene perceperit, ita velit, ita jubeat, eamque supremam suam esse voluntatem agnoscat: atque approbante testatore, testamentum perfectum censetur etiam si neque testatoris neque testium subscriptiones aut signacula habeat. Groenevv. d. loc. D. Jac. Coren. obs. 10. In quo longè recessum est ab antiqua ratione testandi per nuncupationem, quæ pro forma requirebat, ut ipse testator singula pronuntiaret, nuncuparetque sua voce omnia, quæ post mortem suam fieri veller. Quod sanè eo diligentius observandum erat, quia ad perfectionem hujus testamenti nihil amplius jus civile desiberabat. Nunc autem admissa prælectione aliena, facile testatori imponi potest. Quid enim si Notarius aliquid addiderit de suo, quod testator præsertim ægrotus non animadvertat? Hac etiam vulgo nota sunt. Quæsitum est, an testamentum juxta alicujus loci consuetudinem aut statutum factum etiam vim habet extra illum locum; exempli gratia, testator ibi testamentum fecit, ubi coram duobus testibus & Notario testari licet, ut in hac nostra Batavia; quæritur, an valeat etiam in iis locis, ubi septem testes requiruntur, uti in Frisia, ubi sequuntur jus civile? Affirmant comm. DD. in l. 1. C. de sum. Trin. Viv. 1. opin. 36. Coraf. de jur. art. p. 3. c. 13. Covar. 2. de spons. §. 7. num. 8. Costal. ad l. 6. de evict. Anton. Perez in c. de testam. num. 21. & secundum hanc sententiam sæpissime judicatum. Guid. Pap. decif. 262. Tessaur. 2. quæst. for. 8. Myns. 5. obs. 19. & 20. Gail. 2. obs. 123. Jo. à Sande lib. 4. tit. 1. defin. 14. Sunt tamen, qui in con-

trarium erant, & in quæstione proposita se distinguendum arbitrantur, ut circa res quidem mobiles & nomina admittenda sit communis interp. sententia: at circa res soli spectandum jus ejus loci, in quo sitæ sunt. Quippe res mobiles, quoniam ubicumque sunt, ibi sint ex voluntate domini, & pro libitu ejus transferri possint, personam sequi, non legem locorum: immobilis verò, utpote quorum certus perpetuusque situs est, regi secundum constitutiones loci cujusque possessionis, per l. 4. C. de jur. fisc. l. ult. de jurisd. Ita constat Mansuer. in sua prax. tit. de succes. Buf. ad l. 6. de evict. Nic. Burg. ad consuet. Flandr. tit. 6. Christ. vol. decif. 3. 4. & 5. & vol. 4. decif. 4. & 10. Mihi prior sententia probabilior videtur, multumque referre, utrum statutum disponat circa solemnitatem alicujus actus, an circa rem, puta fundum locumve: quæ statuta in rem concipiuntur. Qualia sunt, quæ de successione ab intestato disponunt, rem ipsam haud dubie afficiunt, ut ubique sit, ejus loci, ubi est, legibus obstringatur. Idemque habendum de statutis, quæ circa habilitatem personarum dispensando aliquid disponunt. Gail. d. lib. obser. 124. & alii, ubi sup. Coraf. dist. par. 3. cap. 14. Gomez ad l. 3. Tauri num. 20. Quæ autem statuta disponunt circa actus solemnitatem dumtaxat, cum neque rem afficiant, neque personam actum celebrantis, sed ipsam solummodo dispositionem, quæ fit in loco statuti vel consuetudinis, rationi & juri consentaneum est, ut in ea vim suam exerant etiam ad bona alibi sita; quoniam actuum solemnina ad eorum spectant jurisdictionem, in quorum territorio celebrantur, per l. 6. de evict. l. 3. in fin. de testibus, l. 2. C. quemadmodum test. ap. facit l. 9. & ult. C. hoc tit. & alias contra rationem juris testato decedere volenti plura testamentata essent condenda, aut, quod absurdum est, plurium locorum consuetudinem in uno testamento exquirere oporteret, actumque unum atque individuum, qualis est testamenti, secundum diversa loca adjudicari. Peck. de test. conjug. lib. 4. c. 28. in fin. D. Joan. à Sande d. de fin. 14. ubi contraria scite expedit, & prudenter temperat novam quamdam distinctionem Fachinzi. Adde, quæ nos lib. 2. select. qu. cap. 19. Planè si lex expressè testatores sequi jubeat jus loci; in quo bona sita sunt, aliud dicendum est. Talis est constitutio Principum Brabantia emissa anno 1611. cujus meminerunt Burgund. Christin. Tuld. C. hoc tit. & Perezius ad. loc.



TITULUS UNDECIMUS.  
DE MILITARI TESTAMENTO.

D. Lib. 29. Tit. 1. C. Lib. 6. Tit. 21.

*Ratio ordinis. Militare testamentum quid hic significet?*

**D**iximus sub rubrica præcedentis tituli, duo esse testamentorum genera. Unum commune omnium civium, quod paganicum dicitur: alterum militum proprium, quod ideo appellatur militare. Hactenus quæ tradita sunt de ordinandis testamentis, ea solum pertinent ad testamenta paganorum: militaria, de quibus porro nunc agitur, legibus istis soluta sunt. Militaria autem testamenta hic non accipimus omnia, quæ facta sunt à militantibus, id est, his, qui in numero relati sacramento tenentur; sed quæ facta sunt jure militari. Possunt enim & milites jure communi testari, l. 3. hoc tit. immo debent, cum extra castra versantur: sed cum in expeditionibus occupati sunt, proprio jure & privilegiato testandi facultatem habent, neglectis legibus omnibus, quæ ad solemnitatem condendorum testamentorum pertinent. Itaque testamentum militis sive militare in causa proposita id solum intelligitur, quod à milite factum est in expeditione, jure militum proprio.

TEXTUS.

In militum testamentis solemnitates remissæ.

Supradicta diligens observatio in ordinandis testamentis militibus propter nimiam imperitiam eorum constitutionibus Principalibus remissa est. Nam quamvis ii neque legitimum numerum testamentorum adhibuerint, neque aliam testamentorum solemnitatem observaverint, rectè nihilominus testantur, videlicet cum in expeditionibus occupati sunt. Quod merito nostra constitutio introduxit. Quoquo enim modo voluntas ejus suprema invenitur, sive scripta, sive sine scriptura, valet testamentum ex voluntate ejus. Illis autem temporibus, quæ citra expeditionum necessitatem in aliis locis, vel suis ædibus degunt, minimè ad vindicandum tale privilegium adjuvantur. Sed testari quidem, etsi filii familiarum sint, propter militiam conceduntur: jure tamen communi eadem observatione & in eorum testamentis adhibenda, quam in testamentis paganorum proximè expressimus.

NOTÆ.

*Nostri constitutio*) L. pen. C. b. t. id tamen & antea obtinuisse videtur, l. 1. l. 15. C. eod.

*Quoquo modo*) Sive in clypeo, sive vagina, sive in pulvere, eis τῆν γὰρ τῶν ζιφῶν l. 15. C. eod. Synops. Attal. tit. 34.

*Suis ædibus*) In nonnullis est sedibus, testibus Vigl. & Giphani. & ita Cont. Welf. Fabrot. Sedes militum ex adverso opponuntur expeditioni. Veget. l. 3. cap. 4. & ult. Th. videtur, id est, ut Schol. §. 3. inf. προσεδραία, in stativis aut hybernis. Sedeta sunt stationes, l. 18. C. de Episc. aud. loca, ubi milites otiosè commorantur. Lapsus hic est Cujac. consult. 49.

*Propter militiam*) Tit. proximè seq. Significat filios familias militantes idem jus habere, quod patresfamilias stipendia item merentes, ut in expeditionibus jure militari, alias jure communi de peculio castrensi testari possint.

COMMENTARIUS.

- 1 Imperitiam militum non esse causam principalem privilegii militaris, sed periculorum functionem.
- 2 Militibus remissa omnia, quæcumque subtilitatem magis, quàm naturalem rationem habent, sive ea ad constitutionem testamenti pertineant, sive ad infirmationem.
- 3 In hibernis aut præsidii locatos jure privilegiorum testandi potestatem non habere, & num. 5.
- 4 Vaginam, clypeum, pulverem militi chartæ loco esse posse, enssem pro calamo, sanguinem pro atramento, &c.
- 6 Etiam filiosfam. milites jure militari in castris testandi licentiam habere.

**P**ropter imperitiam eorum) Causa beneficii, cujusmodi etiam mandatis inserta est eo capite, quod extat in l. 1. hoc tit. & recripto Antonini, l. 3. C. eod. quibus locis hoc beneficium concessum traditur propter eorum simplicitatem: hoc enim est, propter imperitiam. Nam cum simplicitati ut plurimum adjuncta sit rerum imperitia, immo verò cum ex imperitia nascatur simplicitas; hinc factum, ut simplicitas Latinis interduum



significet imperitiam. Ut in illo Nafonis, *Heroid. ep. 2. v. 63.*

*Fallere credentem non est operosa puellam*

*Gloria simplicitas digna favore fuit.*

Idem quoque significatur in *l. ult. in pr. C. de jur. delib.* cum milites dicuntur arma magis, quam jura scire. Atque huc accomodari aliquo modo potest, quod Tacitus scribit in *vita Agricol. c. 9. Castrensis jurisdictio obtusior est, ac plura manu agens, calliditatem fori non exercet.* At enim verò non est hæc ratio adæquata, neque simplicitas militaris aut sola est hujus privilegii causa, aut principalis. Non sola : alioqui enim & foeminis & rusticanis id privilegium concedi oportuisset, & militibus concedi sine exceptione temporis aut loci, & cum procul dubio multi etiam legum & juris periti stipendia fecerint, hos excipi. Non principalis, quia extra castra, & tempus expeditionis privilegio uti non possunt. Principalis verò causa est, quam Ulp. expressit *l. un. de bon. poss. ex test. mil.* laborum & periculorum functio cum in expeditionibus & castris sunt, quo tempore armorum cogitatio, pericula imminetia, & sese continendi necessitas, omnem aliam de jure cogitationem adimit. Et ideo nec militibus alio loco aut tempore suo jure testari licet, & aliis quibusvis, quamvis non mereant, in hujusmodi periculis & hostico, aut proinctu deprehensis, si ibi decedant, jure militari quoquo modo velint, quoquo modo possint, testari permissum, *d. l. un. l. ult. hoc tit. VINN.* Quum id privilegium militibus concessum sit ab eo tempore, quo jam mercenaria militia loco selectæ invaluerat; non ineptè credideris, veram ejus causam esse, ut homines allicerentur ad militiam & eo lubentius nomina darent. *HEIN.*

*Constitutionibus Principalibus*) Primus Julius Cæsar, ut auctor est Ulpian. *leg. 1. hoc tit.* liberam militibus testamenti factionem concessit, cæterum eam concessionem ait fuisse temporalem: postea verò primum Titum, & post hunc Domitianum eandem libertatem iterum dedisse, ac demum plenissimam indulgentiam in milites collatam a Nerva, & qui eum secutus est, Trajano; exinde hoc perpetuo privilegio milites usos, ut quoquo modo testati essent, rata esset eorum voluntas.

*Neque aliam testamentorum solemnitatem observaverint*) Puta in continuatione actûs, in rogatione, subscriptione, & signatione testium. Itaque quamvis uno contextu actus testati non sint, quamvis testes adhibiti rogati non fuerint, quamvis per scripturam testan-

tes non curaverint tabulas subscribi aut signari, nihilominus tamen rectè testari intelliguntur: placetque, nudam voluntatem militum non minus pro testamento servari, quam aliorum solemnem dispositionem, *l. 1. & passim. hoc tit. & C. eod.* Porro autem non in eo dumtaxat consistit privilegium militum, quod testamenta eorum non sint adstricta legibus, quæ ad externas illas solemnitates, numerum, rogationem, subscriptionem, obsignationem testium pertinent: sed in cæteris etiam partibus, sive illæ ad constitutionem testamentorum pertineant, sive ad infirmationem. Quæcumque subtilitatem magis, quam naturalem rationem habent, ea omnia militibus remissa sunt, ut in universum rectè definit *Duar. c. 4. ad hunc tit.* Proinde etsi miles liberos, quos in potestate habet, sciens præterierit, *l. scitu. 9. & seq. C. hoc tit.* sive hæredem ex die aut ad diem instituerit; sive alias pro parte testato, pro parte intestato decesserit, *l. 6. l. in fraudem. 15. §. miles. 4. l. si duobus. 37. l. miles. 41. eod. l. 8. C. eod.* sive eum, quicum testamenti factio non est, hæredem fecerit, *l. idem. 13. §. 2. eod.* sive filio emancipato aut cuicumque extraneo in secundum casum directo substituerit, *l. 5. d. l. miles. 41. §. 4. eod.* sive hæreditatem condicillis directo dederit, *l. militis. 36. eod.* sive solis liberis, non etiamsi sibi testamentum fecerit, *d. l. in fraudem. 15. §. pen. d. l. miles. 41. §. ult.* nihilominus rectè testatur, & voluntas ejus prout jacet, custoditur. Lege Falcidia ultra dodrantem jure communi legare non licet, militibus licet, *l. si certarum. 17. in fin. hoc tit. l. 14. C. eod. l. 7. C. ad leg. Falc.* Jure communi numquam per se nuda voluntas testatoris ad infirmandum testamentum valet; invito eo multis modis infirmatur, *inf. quib. mod. test. inf.* Ex contrario sola militis voluntas ad infirmandum sufficit, *d. l. in fraudem. 15. §. 1. invito autem eo, extra casum maximæ aut mediæ capitis deminutionis, l. 6. §. sed si quis. 6. & seq. de injust. rupt. test.* testamentum ejus non infirmatur. Non agnatione, aut quasi agnatione, sui hæredis. *leg. 7. & seq. hoc tit.* (quod tamen temperabis ex *leg. 9. & d. l. militis. 36. §. 2. eod.*) non ipsius adoptione aut adrogatione, *l. miles. 22. & seq. eod. §. pen. inf. eod.* non alio denique testamento postea factò, si modo & prius valere voluerit, *l. quærebatur. 19. eod.* Hæc summa est: quædam diligentius excutientur inferius.

*In expeditionibus*) Expeditio dicta, quod milites sint expediti ad conflegendum cum hoste, quancumque casus ingruat. Itaque







quam jure communi, significans, eos idem jus utrobique habere, quod patrestam. stipendia merentes habent. Ex præcedentibus autem apparet, quàm inepti sint, qui militibus ordinum quorundam, veluti Teuronicis, Rhodiis, aut Maltenfibus, privilegium jure militari testandi asserunt, quasi nulla in hac causa ratio habita sit nude dignitatis, aut militiae honorariæ. Vid. Duar. in hunc tit. cap. 3.

*Paganorum*) Pagani propriè dicti rustici, villani, καμηταί, seu vicani. Hic autem & passim in libris nostris opponuntur militibus, eoque nomine significantur omnes ασπράτεροι. Peculium paganum & castrense, in paganico & in castris ἀσπίκιον. A Scriptoribus Ecclesiasticis, & in constitutionibus Imp. Christianorum gentiles etiam pagani appellantur: quæ appellatio, ut credibile est, inde nata, quod cum urbes fere omnes sub Constantino fidem Christianam amplexæ essent, tamen adhuc diu post in agris & pagis hæsit religio gentilis, & reliquæ ethnicismi. VINN. Alii paganos dictos Deorum cultores existimant, quod Cristo non militent. Sed Vinni ratio solida est. Nam & Orosius in præf. lib. 1. Ex locorum, inquit, agrestium compitis & pagis pagani vocantur. Et Prudent. in Roman. v. 296. eos ideo vocat pago deditos, itemque pago implicitos, adv. Symmach. lib. 1. v. 620. HEIN.

### TEXTUS.

#### Rescriptum D. Trajanî.

1. *Planè de testamentis militum divus Trajanus Catilio Severo ita rescripsit.* Id privilegium, quod militantibus datum est, ut quoquo modo facta ab his testamenta rata sint, sic intelligi debet, ut utique prius constare debeat, testamentum factum esse, quod & sine scriptura & à non militantibus quoque fieri potest. Si ergo miles, de cujus bonis apud te quæritur, convocatis ad hoc hominibus, ut voluntatem suam testaretur, ita locutus est, ut declaret quem vellet sibi hæredem esse, & cui libertatem tribueret; potest videri sine scripto hoc modo esse testatus, & voluntas ejus rata habenda est. Cæterum si (ut plerumque sermonibus fieri solet) dixit alicui; Ego te hæredem facio, aut: Bona mea tibi relinquo; non oportet hoc pro testamento observari. Nec ullorum magis interest quàm ipsorum, quibus id privilegium datum est, ejusmodi exemplum non admitti. Alioqui non difficulter post mortem alicujus militis testes existerent, qui affirmarent, se audisse dicentem

aliquem, relinquere se bona, cui visum sit. Et per hoc verà judicia subverterentur.

### NOTÆ.

1. *Et à non militantibus*) Ita quoque in d. 24. Fabrotus mavult, ut à non militantibus quoque, quomodo legisse videtur vetus instit. Anterpres Gallicus, qui est in Biblioth. Rom. Verba citat Fabrot. quod valde placet. Ut autem à non militantibus jure communi, ita militantibus jure etiam privilegiario.

*Convocatis hominibus*) Saltem duobus, per l. 12. D. de testib. etiam sine solemnitate illa rogatione aut præmuntione, quæ jure communi necessaria, l. 21. §. pen. b. t. nam utique etiam sine ea constare potest de voluntate militis, quod solum requiritur. Et ideo scripta militis voluntas, etiam nullis testibus adhibitis rata est, per l. 1. in fin. per l. 25. §. 1. cod.

### COMMENTARIUS.

- 1 In scripto militis testamento testibus opus esse, in nuncupativo contra.
- 2 Quot testes à milite per nuncupationem testamento adhibendi?
- 3 An rogatio testium testamento militari necessaria sit.

**D**ivus Trajanus ita rescripsit) Recitatur hoc idem rescriptum à Florentino in l. Divus. 24. hoc tit. Sententia rescripti hæc est, voluntatem militis qualemcumque, etiam eam, quam sine scripto protulit, pro testamento observari; cæterum prius esse, ut constet appareatque, serio atque animo testamentum faciendi militem verba pronuntiasse. Hoc ut doceatur, ipsorum militum maximè interesse, ne vera & seria eorum judicia subvertantur.

*Et à non militantibus quoque*) Giphanius legendum putat dempta negatione, à militantibus, quia, ut ait, alienum sit hic agere de non militantibus. Sed ratio ista tanti non est, propterea à consentiente omnium Codicum l. 1. etione, quæ & Pandectarum Florentinarum auctoritate confirmatur, recedendum sit. Non militantium autem ideo mentio fit, ut ex eo quod his concessum est, arguatur, quod militantibus licere debeat. Argumentum à pari est: Si licet non militantibus sine scriptura testari (intellige secundum solemnitatem, quæ jure communi in testamento non scripto requiritur) etiam militantibus licere debet eodem modo testari, scilicet citra solemnitatem. Nam, ut



et verbis rescripti patet, consultus fuit Trajanus de testamento militis, quod hæredes ab herede testato eo prætextu impugnabant, quod id sine scriptura factum esset. Atque ita quoque Theophilus, quem falso Giphanius alter legitur existimat. Fabrotus in *not. ad Theoph.* prævaluit legi, ut à non militantibus quoque. Quod valde placet. VINN. Sed sensus idem manet, ET retineas. Nihil ergo opus est emendatione. HEIN.

*Convocatis ad hoc humilibus*) Ex iis constitutionis verbis triplex orta controversia est; una de necessitate adhibendorum testium in testamento militis; altera de numero; tertia de eorum rogatione. De prima assentior Visglio, Cujacio, Hotom. Bachov. scilicet interesse, utrum miles per nuncupationem & sine scriptura testetur, an per scripturam: in nuncupatione omnino testibus opus esse, quod præterea hic locus expressè exigit: & quomodo loqui de voluntate militis voce prolata constare poterit? In scripto autem testamento, nulli testes à milite adhibiti sint, ratam tamen esse militis voluntatem, utpote de qua per scripturam & manum ipsius testatoris, quæ legitima probatio est, constare potest. Nihil autem amplius exigitur, quàm ut de voluntate militis quocumque modo testata constat. De numero testium adhibendo à milite per nuncupationem testante sic sentio, neque unum testem (quod putat Theophilus) sufficere, neque plures exigi, quàm duos. Illud, quia constitutio plurali numero utitur, neque unus testimonium legitimum est, quale tamen omnimodo requiritur, l. Lucius. 40. hoc tit. de testib. quia pluralis elocutio duorum numero contenta est, l. 12. de testib. Atque ex ratione juris gentium, quod solum in testamentis militum consideratur, ad probationem alicujus unius duorum testimonium sufficit. De rogatione testium, quod tertium erat, eam non esse necessariam in militari testamento esse necessarium. Primum, quia rogatio illa est pura putanda solemnitas: in militaribus autem testamentis solemnitates omnes remissæ: deinde quia hæc solemnitas solemnitatem scrupulosissima est & difficilissima, longissimè recedit à simplici ratione juris gentium, quæ sola regula est militum testamentorum. Denique contraria est dicere, nudam & simplicem voluntatem sufficere, & desiderari rogationem. Quamobrem non dubito, quin falsum sit, quod Hotomannus post Jo. de Platea & Angelum scribit, ne militem quidem sine certa testium adhibitione munitorem, ut ei actioni operam præstet, testamentum conficere posse. Nihil cer-

tè Hotomannum juvant verba hujus text. *convocatis ad hoc hominibus*. Quippe quæ hic non dispositivè, sed narrativè tantum ponuntur, atque ut exemplo aliquo declararetur, quomodo de militis voluntate, sine scriptura testari, certo constare possit. De eo enim præcipuè hic agitur, atque hoc tantum cavetur, ne quilibet militis sermo temere pro vero ejus judicio capiatur, cum sæpe soleant homines, præsertim merito alicujus provocari, jactare & dicis causa aliquid proferre, ac civiliter magis, quàm ex animo loqui. At ubi certo ex circumstantiis liquet, serium esse quod miles prolatus est, & profectum ab animo testamentum condere volentis, voluntas ejus etiam ex hac ipsa constitutione servanda est. Atque ut certius de eo constare posse concedamus, si testes ad hoc specialiter sint convocati, aut cum alterius rei causa convenissent, præmoniti, cui rei eos adhiberi placeret, constare tamen etiam potest sine formali ista sive rogatione sive præmonitione. Quid enim si miles, forte postridie in aciem educendus, in tentorio præsentibus aliquot commilitonibus suis dixerit; *Ego Titium hæredem facio, ejusque rei vos mihi testes esse volo*. Certè hic præter testium fidem nihil requiritur, aut requiri ex ratione juris gentium potest. Postremo si paganus rogandi testes necessitas in codicillis remissa est, l. ult. in fin. C. de codicill. quanto minus in testamento militis ea requirenda, quod iis ipsis etiam legibus, quibus codicillos constitutio civilis adstringit, solutum est?

*Plerumque sermonibus fieri solet*) Puta in conviviis, circulis, ac congressionibus familiarium, ubi nonnumquam leviter quædam effundimus, & jactamus magis, quàm serio agimus aut loquimur. Et male ergo colligit Hotomannus, ut ratum sit & pro testamento servandum, quod miles nuncupavit, non tam pendere ex militis voluntate, quantumvis serio testibus exposita, quàm ex convocatione testium & testimonii denuntiatione. Cum hoc tantum hinc rectè colligatur, non quemvis sermonem militis, quocumque loco coram quibusvis prolatus pro testamento continuo habendum esse; sed inspiciendas esse circumstantias, nec aliter, quàm si ex his apparet, animum condendi testamenti militem habuisse, ratum esse oportere, quod pronuntiaverit. Atqui de eo etiam constare poterit sine testimonii denuntiatione. Et qui de præsentia sua falso deponunt, eadem opera se vocatos & rogatos esse mentientur.

*Vera judicia subverterentur*) Quamobrem merito notatur Domitianus, quod alienissimas hæ-



hereditates confiscabat, vel uno existentem, qui diceret audisse se ex defuncto cum viveret, heredem sibi esse Cæsarem. Sueton. in *Domitiano*, cap. 12. Boni Principes ex jactatione aut nuda alicujus voce hereditatem numquam admiserunt, *l. ult. qui test. fac. l. pen. de her. inst. l. res que. 22. §. 2. de jur. fisc. §. ult. inf. quib. mod. test. inf.*

## TEXTUS.

## De surdo &amp; muto.

2. Quinimmo & mutus & surdus miles testamentum facere potest.

## COMMENTARIUS.

- 1 *Natura surdos & mutos in militiam legi non posse.*
- 2 *Quem natura voce & auditu privavit, eidem denegasse & facultatem testandi.*
- 3 *Eos quoque qui casu aliquo muti & surdi facti sunt, suprema condere non posse, nisi scribere sciant.*
- 4 *Notatur oscitantia compositorum.*

**H**ic §. male à veteribus interpretibus, Jo. Fabro, Porcio, Aretino, acceptus est de eo milite, qui natura surdus & mutus est. Nimirum cum paganis mutis & surdis, quibus non naturalis calamitas, sed morbus superveniens vocem abstulit, auresque conclusit, permissum sit testari, modo ei, quibus hoc accidit, scribere sciant, *l. discretis. 10. C. qui test. fac.* putaverunt illi, hic militibus aliquid jure singulari concedi, quod jure communi cæteris denegatum est: videlicet posse milites etiam mutos & surdos natos ex privilegio testari, ut voluntatem suam per signa ostendant; cujusmodi signa ajunt intelligi & explicari posse ab iis, qui cum muto & surdo familiariter vixerunt. Sed primum bene à Viglio cæterisque melioris ævi interpretibus observatum est, natura mutum & surdum in numeros recipi aut in militiam legi non posse; utpote qui nec sacramentum præstare, nec imperium Ducis aut signa audire, tesseramve accipere & reddere queat: ejusque rei etiam argumentum est, quod milites, qui in hanc calamitatem inciderunt, ob eam causam ut bello inutiles dimitti solent, *l. 4. hoc tit. ἀτοκος γὰρ* inquit Theophilus, *ὅτι τοιούτους παρατείδωται*. Deinde non minus absurdum est, quod putant, eum, quem utraque illa facultate natura orbavit, testamentum facere posse: nam de signis quod asserunt, commentum est. Quæ-

so enim, quibus signis is, cui nec audire nec loqui à natura datum est, sententiam suam de eo quod post mortem fieri velit, alteri explicare possit, qui, ut ipse Faber fatetur ignorat quid sit testamentum? Ac proinde etiam *παράδοξον* hoc Fabro videtur, nobis autem *ἀδιύτατος*; cum, quod natura negavit, beneficio Principis concedi non possit. Quod cum probè animadverteret Jason in *add. ad Por.* locum hunc, repudiato exemplo communis accipiendum credit de iis militibus, qui ex accidenti, accepto puta vulnere aut morbo aliquo in castris affecti, facultatem loquendi & audiendi amiserunt. Et quia pagani etiam casu aliquo mutis & surdis factis, si litteras sciant, testari concessum est, *diff. l. discretis. 10. C. qui test. fac.* privilegium militum illo vitio affectorum in eò consistere putat, quod iis, etiam si scribere nesciant, testari liceat, & hæredem per notas aut signa demonstrare, quod etiam Cantiuiculæ placere video. Verum enimvero qui litteris non potest, quibus ille notis certam dabit (hoc enim omnino necessarium est ex constitutione Trajani) voluntatis suæ supremæ significationem? Signis verò testari quemquam mortalium posse, nusquam traditum est, ita nec admittendum, ut possit. Nam cum nulla signa idonea sint ad voluntatem ultimam alteri certo significandam, in re tanti momenti fides habenda esse divinationi quorundam ineptorum hominum pro arbitrio hujusmodi signa temere interpretantium. Putaverunt igitur alii, nullum hic novum privilegium proponi, sed idem illud, de quo supra dictum, tantum porrigi ad eos milites, qui muti & surdi facti sunt, ut nimirum his etiam liceat ante causariam missionem in numeris manentibus jure militari testamentum facere, contemptis solemnitatibus juris communis, *d. l. 4. hoc tit.* ne quis forte putaret, defectum sensus ac loquelæ solemnitate juris supplendum, aut quia ob id vitium mox dimitendi sunt, privilegio non posse. Sed nimis evidenter hoc loco novum privilegium profertur, quod ad personam militum & potestatem testandi, non tantum ad formam & remissionem solemnium pertinet. Ego arbitror, peccatum hic aliquid esse oscitantia Compilatorum. Certum est, olim paganus mutum aut surdum testamentum facere non potuisse, nisi ut liceret sibi facere specialiter à Principe impetrasset, *l. 7. qui test. fac.* militem autem mutum & surdum potuisse citra novam concessionem ex privilegio militari, *l. 4. hoc tit.* Nec minus hoc certum habeo, neque pagani mutum simul & surdum



nam natam, aut factum quidem, sed qui scribere nesciret, hoc unquam ex speciali gratia obtinere potuisset, qui nec petere hoc potuit, neque militem in casu simili habuisse ex privilegio. Justinianus primus generali lege surdis & mutis (exceptis iis, quos modò dicitur) facultatem testandi dedit, *d. l. discretis. c. C. qui test. fac.* ex quo cum etiam pagani hoc jus habuerint, id inter privilegia militaria, ut olim, amplius referri non debuit. Cum igitur nihilominus appareat, id hoc loco factum esse à Compositoribus, oportet eos, cum hæc vel ex responso Ulp. *in d. l. 4.* vel ex alio veteri Jurisconsulto describerent, non tenuerint constitutionis illius Justinianæ: quæ tamen jam dudum edita erat, ut apparet ex subscriptione. Fallitur autem Bachonius, qui eam etiam priori Codici insertam fuisse opinatur, cum primum edita sit beneficium post editionem illius Codicis, anno scilicet primo post consulatum Lampadii & Orestis. VINN. Justo sæpius compilatores delatant Vinnius noster, & aliquando nihil tale meritos. Possunt surdi & muti pagani testari, si vitium sit discretum: si milites etiam conjunctum, dummodo, quid agant intelligant. Illi non nisi in scriptis: hi & nota. Quidni enim miles vulneratus, amisso linguæ officio, præsentibus commilitonibus, quibusdam evidentissimis ostendere possit, quas res suas cuius relinqueret velit, si conditionis usus ipsi salvus sit? Denique nec opus est, ut id militibus vulneratis, mortuis ante missionem, concessum dicamus. Nihil enim impedit, ut quæstio hæc oriri non possit, si in eo periculo testatus miles missionem impetierit, & paulo post ex vulnere decessit. HEIN.

qui justam missionem legitimis impletis stipendiis consecuti sunt, *l. 2. D. de veteran. l. 1. C. de exc. vet. ἀφίστας ἔτιμους τυχοῖτες. Julian. orat. 1. v. Eipl. ad 1. annual. & 2. Hist. Tac.*

COMMENTARIUS.

- 1 Falli tam eos, qui putant, hunc §. solùm pertinere ad milites surdos & mutos militia missos, quàm qui negant ad hos pertinere omnino.
- 2 An & quatenus milites capitis damnati jure militari testandi licentiam retineant?
- 3 An hoc pertineant qui successoribus acceptis militare desinunt?

**N**ulla ratio est cur dubitemus, utrum hic §. cum superiore connectendus sit, referendusque solùm ad milites mutos & surdos, an generaliter ad omnes militia missos. Quippe cum justior causa dubitandi sit de mutis & surdis propter incertitudinem voluntatis eorum quàm de reliquis; & quotquot sunt hac de re loci in Pand. illi generaliter loquuntur de omnibus, qui honestam vel causariam missionem meruerunt, *l. quod constitutum. 21. l. testamenta. 26. l. quod dicitur. 38. hoc tit.* neque absurdum est aut superfluum repeti, quod semel dictum est, si id fiat alterius rei significandæ gratia, quàm quæ præcessit, ut sit hoc loco. Sunt ex contrario qui putant, ea quæ hic traduntur, ad mutos & surdos milites dimissos aut extra castra versantes non pertinere: sed eos etiam post missionem aut alibi degentes retinere facultatem jure militari testandi: quod, ut unus error plerumque plures parere solet, ex eo natum est, quod crediderunt, mutos & surdos milites, sive ita notos sive factos etiam litterarum ignaros, jure militari testandi licentiam habere: quos si missos dicamus, non aliter testari posse, quàm jure communi. Negamus, eos ullo modo posse testari: quia nec possunt jure communi, *l. discretis. 10. C. qui test. fac.* & hoc verissimum est: saluum autem quod pro vero assumunt, posse ejusmodi mutos & surdos jure militari testari, ut abunde probavimus §. præc.

Post missionem verò) Huic rei obstare videtur, quod etiam is miles, qui capite damnatus est, jure militari testandi licentiam habet, *l. ex militari. 11. hoc tit.* qui tamen maxime pro misso & exauctorato haberi debet. Non unum est, quod hic respondeatur. Nam primum miles capite damnatus privilegium testandi non retinet, nisi id nominatim sententia comprehensum sit, *l. si quis. 22. §. 1. de*

TEXTUS.

De militibus & veteranis.

*1. Sed hætenus hoc illis à Principalibus commissionibus conceditur, quatenus militanti, & castris degunt. Post missionem verò veterani, extra castra alii, si faciant adhuc militantes testamentum, communi omnium civium Romano-jure id facere debent. Et quod in castris fecerint testamentum non communi jure, sed quomodo voluerint, post missionem intra annum tantum valebit. Quid ergo si intra annum quis decesserit, testamento autem heredi adscripta post annum extiterit? An quasi militis testamentum valeat? Et hæc valere quasi militis.*

NOTÆ.

1. Veterani) Οἱ ἀπελοθῆτες τῆς στρατίας Suid. Tom. I.



legat. 3. aut petierit & impetraverit, ut sibi jure militari testari liceret, l. cum hic. 32. §. si miles. 8. de donat. int. vir. & uxor. l. 6. §. sed etsi. 6. de injust. rupt. irr. test. Deinde nec is miles retinet, qui ex delicto communi capite puniri meruit, sed tantum, qui ex militari, dd. l. 1. & l. 1. de vet. & mil. success. nec eo quovis: non eo, quo fidem sacramenti rumpat, d. l. 11. hoc tit. verum ex leviori aliquo: sunt enim multa malitiae delicta minus atrocia, quae tamen ut capite puniantur, rigor disciplinae militaris postulat. Denique testandi jus his tantum conceditur de bonis castrensibus, quae non vindicantur fisco; sed ab intestato ad proximos cognatos pertinent, d. l. 1. & l. 2. de vet. & mil. succ. quod cum unicuique permittum sit à successione sua excludere facto testamento, id militi etiam in proposita specie permitti placuit.

In annum, &c.) Testamentum in castris jure militiae factum jus suum etiam post missionem intra anni spatium retinet, vel eo usque, dum institutionis conditio extiterit, l. quod constitutum. 21. l. testamenta. 26. l. quod dicitur. 38. hoc tit. De anni spatio haec causa assertur, quod privilegia absentibus Reip. causa quales etiam sunt milites, concessa post reditum usque ad annum perseverant, §. item 2. supr. de exc. tut. De conditione hac, quia conditio quancumque existens retrahitur, atque exinde perinde habetur, ac si ab initio pure institutio facta fuisset, l. si pupillus. 26. de cond. inst. l. 11. §. 1. qui pot. in pign. l. 8. de per. com. rei vind. Caeterum missionem intelligi oportet, vel honestam, quae emeritis stipendiis indulgetur; vel causariam, quae propter valetudinem. Nam eorum testamenta, qui ignominiae causa missi sunt; statim desinunt militari jure valere. d. l. testamenta. 26. hoc tit. Consule de hoc l. 1. §. 2. de his qui not. infam. Lipsium in lib. 1. Annal. Tacit. Quaesitum est, an quod hic traditur etiam ad eos pertineat, qui non missionem, sed successoribus acceptis militare desinunt, quales sunt duces exercitus, tribuni cohortium, aut legionum, vel praefecti, nam testari quidem hos omnes jure militari posse, quamdiu exercitui, legionibus, aut cohortibus praesunt, certum est. l. tribunus. 20. l. Titius 25. hoc tit. l. 4. C. eod. Et Africanus respondit, non pertinere, sed statim atque successorem acceperint, horum testamenta jure militari valere desinere, d. l. quod constitutum. 11. hoc tit. Ait autem non pertinere, quantum ad verba constitutionum atinet, quae de missis loquuntur, non quibus successor da-

tur. Quid si igitur nos cum Cajacio ad d. l. tract. 4. ad African. tentemus, ex sententia constitutionum etiam ad hos beneficium illud pertinere? Cur enim verba legum captamus? Aut quid in proposito refert, utrum quis dimittatur an successorem accipiat? Certè Ulpianus non dubitat edictum de iis, qui notantur infamia, quod de missis loquitur, ad eos extendere, quibus successores dantur. l. 2. §. 2. de his qui not. infam.

## TEXTUS.

Si testamentum factum ante militiam.

4. Sed & si quis ante militiam non jure fecit testamentum, & miles factus, & in expeditione degens resignavit illud, & quaedam adjecit, sive detraxit, vel alias manifesta est militis voluntas hoc valere volentis, dicendum est, valere hoc testamentum, quasi ex nova militis voluntate.

## NOTÆ.

4. Ante militiam) Id est, qui cum adhuc paganus esset, non jure communi testamentum fecit.

Resignavit) Resignare est signatum aperire, ἵκεσθαι, l. 1. §. 36. de pos. leg. 6. testament. quem. ap.

Manifesta militis voluntas) Utiq; igitur semper necesse est, ut miles postea factus tempore expeditionis nova aliqua testatione voluntatem declararet, alias id testamentum ad privilegia militaria non pertinebat, l. 9. §. 1. l. 20. §. 1. l. 25. hoc tit. Nec obstat, l. 15. §. 2. eod. ibi, si militis voluntas contraria non sit. Hoc enim sic accipiendum, quasi JC. dixisset: si militis voluntas, quae postea secuta est, priori non sit contraria, sed eam confirmet.

## COMMENTARIUS.

- 1 Testamentum non rite à pagano factum jure militiae valere, si is, miles postea factus & in castris degens, recenti aliquo judicio priorum voluntatem comprobaverit.
- 2 Si nulla nova voluntatis declaratio intervenit, testamentum illud ad privilegia militum non pertinere.
- 3 Ulpianus secum & cum aliis conciliatus.

Aliud privilegium militare spectans confirmationem testamenti ante militiam non jure ordinati, quod tale est: Si quis, cum paganus esset, testamentum non jure communi



in civium fecit, & postea cum militare coepisset, in castris aut expeditione degens, quod recenti iudicio, & sive voce, sive facto aliquo declaraverit, se id testamentum valere velle, valebit ex nova militis voluntate: atque ita videbitur testatus per relationem. Est vero hoc superiori omnino consequens: nam cum militi nuda voluntate testamentum factum permittitur, ei etiam permittendum fuit, testamentum, quod ante militiam fecit, nuda voluntate postea comprobare: quoniam hæc militis voluntas testamentum est, *l. 1. in fin. ff. de iur. testat. l. 1. in fraudem. 15. §. 2. hoc tit.*

Resignavit illud, & quædam adiecit sive derogavit, vel alias manifesta, &c.) Ad confirmationem testamenti, quod quis inutiliter ante militiam fecit, uti nihil amplius requiritur, quam ut miles postea factus tempore expeditionis id valere voluerit; ita etiam necesse est, ut hoc nova aliqua testatione voluntatis declaret. Duo enim semper in omni militari testamento exigimus; ut de voluntate militis constet; ut in expeditione testatus sit. Et in proposito neque de voluntate militis constare potest, si nulla nova testatio intervenit; quin potius tunc censendus est, priorem inutilem voluntatem, qualem esse sciebat, nullo modo manere voluisse: nec dici potest in expeditione testatus, à quo neque factum quicquam est, neque dictum, quod ad probationem prioris voluntatis pertineat. Enim vero non præcisè requiritur, ut miles recentem voluntatem aperte & verbis declaret, sed sufficit, eam realiqua & facto significari, unde commodè intelligi possit: cuiusmodi facta sunt, si testament. resignaverit, legeritque, hoc rursus suo signo signaverit, si aliquid adiecit, detraxerit, interleverit, induxerit, emendaverit. Alterutrum autem horum omnino necessarium est, ut hic locus aperte ostendit, & apertius adhuc Jurisconsultus, *l. Tribunus. 20. §. 1. eod. diserte* scribens, si nihil eorum, quæ dicimus intervenierit, testamentum ad privilegia militum non pertinere: quibus similia leguntur in *l. quod dicitur. 38. §. 1. in fin. eod. §. 4. de iur. testat.* Omnium autem aper-  
tissimus in hanc sententiam locus est Marcelli *l. Titius. 25. hoc tit.* ubi sic scribit: *Testamentum, quod (Titius) ante tribunatum fecisset, nihil postea ab eo factum, dictum esse probaretur, ad commune pertinet. Constitutionibus enim Principum non militum testamenta, sed que à militibus facta sunt, confirmantur.* Cur igitur in re manifesta laboramus? Propter responsum Ulpiani, quod extat in *l. fraudem. 24. §. 2. eod. tit.* in hæc verba; *Testamentum ante militiam*

*factum à milite, si in militia decesserit, jure militari valere, si militis voluntas contraria non sit, Divus Pius rescripsit.* Ecce, non novam hic voluntatis declarationem Jurisconsultus exigit, sed tantum ut nulla contraria voluntas secuta sit; atqui hoc etiam tunc fit, cum nulla omnino secuta est. An dicimus, Jurisconsultum loqui non de eo, qui cum paganus esset, testamentum fecit, sed de milite, qui testatus est ante militiam? Ita quidem Gloss. Jo. Fab. & alii. Sed ego hoc non capio, neque intelligo, quomodo miles dici possit ante militiam testamentum fecisse, nisi militem accipiat *κατ' ἀναφορὰν* qui nunc miles est, cum tempore facti testamenti esset paganus: nec illa Ulpiani verba, testamentum ante militiam factum à milite, aliter accipi debent aut possunt, quam si dixisset, testamentum à milite factum antequam miles esset, seu cum adhuc esset paganus: quibus etiam verbis ille ipse utitur, idem hoc rescriptum D. pii referens, in *l. 1. §. 9. eod.* Hoc cum animadverteret Franciscus Hotomannus, *ἀντινομίας* esse pronuntiavit, quem secutus est Ant. Matthæus. Verum enimverò si hic antinomiam admittimus, ubi non admittemus? Mille loci sunt, in quibus major in speciem cum aliis pugna est, quam in loco Ulpiani cum iis, quos antea allegavimus. Fatetur Hotomannus, Julianum, Marcellum, Paulum, atque adeo ipsum Justinianum hoc loco exigere argumenta recentis iudicii & prioris apertam probationem: sed ait, ita jus vetus fuisse; novum autem constitutum esse à D. Pio sola taciturnitate, quasi perseverantia iudicii contentis; quod jus proferatur ab Ulpiano: quam ob causam etiam Justinianum reprehendit, quod contra quam in procemio recipit, jus obsoletum hic nobis obtruserit. Si à solo Juliano, qui cæteris antiquior fuit, id proditum esset, poterat videri speciem aliquam veri habere, quod Hotomannus dicit. Sed cum etiam Marcellus, quo consiliario usum esse D. Pium testis est Capitolinus, & post hunc etiam Paulus: qui assessor Papiniani, & Ulpiani in assessoria collega fuit, & auctore Lampridio in *Alexand.* idem affirmet, nullus color relinquitur, qui opinioni Hotomanni prætexi queat. Utique enim nimis putidum est dicere, aut ignorasse eos jus, quod à D. Pio constitutum erat, aut contra expressam constitutionem Principis respondisse. Quin etiam ipse Ulpianus in *l. 9. §. 1. hoc tit.* diserte in hac eadem specie exigit prioris voluntatis expressam approbationem, idque, ut testatur, secundum D. Pii rescriptum. Ait enim, testamentum factum



ctum à pagano, qui postea militare cœpit, jure militari, valere, si miles factus hoc maluit, ut à D. Pio rescriptum est. Quid verò hoc aliud est, quàm si dixisset, si miles factus indicio aliquo novæ voluntatis ostenderit; se id velle valere? Significantiora certè sunt verba Jurisconsulti, quàm ut de simplici silentio, aut voluntate in mente retenta intelligi possint. Atqui idem rescriptum est, idemque auctor, qui ejus meminit in *d. l. fraudem 15. §. 2. eod.* ut proinde eundem utrobique etiam sensum esse, licet verba diversa sint, oporteat. Quod cum dicimus, hoc dicimus, verborum in *d. l. 15. §. si militis voluntas contraria non sit*; & illorum in *d. l. 9. §. 1. si hoc maluit miles*, unam eamque esse sententiam, quemadmodum ab uno eodemque prolata esse constat ad rem eandemque significandam. Plus nimirum sensit Jurisconsultus in *d. l. 15. §. 2.* quàm scripsit; quod cum manifestum sit tum ex aliis locis, tum ex *d. l. 9. §. 1.* quæ est ipse Ulpiani, cur verba urgemus, quæ & ipsa insuper ambigua sunt, & sic quoque accipi possunt, non ut nulla nova voluntas exigatur, sed ut saltem aliqua, quæ tamen priori contraria non sit, sed eam confirmet? Quamobrem minor, quid Hotomanno & Ant. Matthæo, summis alioqui viris, in mentem venerit, quod eos, qui ajunt: Ulpianum & secum & cum cæteris de re proposita convenire, contentionis quàm veritatis cupidores esse, tam præcipientes pronuntiaverint.

## TEXTUS.

## Si adrogatus vel emancipatus.

5. Denique & si in adrogationem datus fuerit miles; vel filiusfamilias emancipatus est, testamentum ejus quasi ex nova militis voluntate valere; videtur capitis deminutione irritum fieri.

## NOTÆ.

5. Quasi ex nova militis voluntate) *L. 22. eod.* ut capitis minutione secuta, voluntas repetita censeatur: nam jure communi requiritur nova voluntatis declaratio, *l. 11. §. 2. sec. tab.*

## TEXTUS.

Jure communi testamentum irritum fit etiam minima capitis diminutione testatoris, puta si se adrogandum dederit, §. 4. *inf. quibus modis test. inf.* militare non item. Sed & si filiusfamil. miles à patre in adoptione datus

fuerit aut emancipatus, placet testamentum ejus valere, nec capitis diminutione irritum fieri, *l. miles 22. §. 1. seq. hoc tit.* Ut autem huic quæstioni locus sit, oportet, testamentum factum statuatur de bonis castrensibus: nam filius quidem familias de aliis bonis testari non potest, pater autem familias, et si potest, si tamen de omnibus bonis testatus sit, necesse est tale testamentum infirmari per adrogationem: quippe cum quicquid extra peculium castrense est, id acquiratur patri adrogatori; qua de causa etiam Jurisconsultus in *l. 23. hoc tit.* expressè meminit militis de castrensibus dumtaxat rebus testati. Quamvis autem quod hoc loco & *d. l. 22. §. 1. seq.* proponitur, inter privilegia militaria referatur: idem tamen postea, neglecta subtilitate juris, productum videtur ad veteranos jure communi de bonis castrensibus testantes, *l. 1. §. exigit 8. de bon. possess. sec. tab. l. 6. §. ult. de injust. rupt. testament.*

## TEXTUS.

De peculio quasi castrensi filiiisfam. testari permissum, sed jure communi.

6. Sciendum tamen est, quod, cum ad exemplum castrensis peculii, tam anteriores leges, quam principales constitutiones, quibusdam quasi castrensia dederant peculia, & horum quibusdam permissum fuerat etiam in potestate degentibus testari, nostra constitutio id latius extendens permiserit omnibus, in hujuscemodi peculii testari quidem, sed jure communi. Cujus constitutionis tenore perspecto, licentia est, nihil eorum, quæ ad præfatum jus pertinent, ignorare.

## NOTÆ.

6. Nostra Constitutio) *D. l. ult. C. de inoff. test. l. ult. C. qui test. fac.*

## COMMENTARIUS.

1 Privilegium jure militari testandi etiam nostri temporis militibus competere.

DE differentia & qualitate peculii filiorumfamil. actum *sup. §. 1. per quas perscuiq. acq.* hic tantum quadam monentur propter id peculium, quod ad exemplum castrensis filiiisfam. concessum fuit, olim eorum quibusdam dumtaxat cum potestate de eo testandi, à Justiniano cum eadem potestate omnibus, *l. ult. C. de inoff. test. l. ult. C. qui test. fac.*



*Antiores leges*) Pandectas intelligo cum Cajacio. Etenim etiam ea, quæ legibus continentur, de hoc quasi castrensi peculio non esse ex lege aliqua ad populum lata, sed ex constitutionibus, argumento est, quod ipsum peculium castrense, cujus exemplo comparatum est quasi castrense, ex constitutionibus est. In Pandectis autem non semel tantum, aut ad summum iterum, ut falso Mynsingerus existimat, sed sæpius hujus quasi castrensis peculii mentio fit, ut in *l. 1. §. in filii. 6. ad senat. Trib. l. 3. §. dari §. de bon. poss. l. 1. §. nec castrense §. de collat. l. filiusfam. 7. §. ult. de donat.* VINN. Rectè Vinnius negat, peculium quasi castrense esse ex lege libera rep. condita, si de vocabulo quæstio fit. Id enim omnino inventum ad exemplum peculii castrensis. Res ipsa tamen locum habuit in virginibus Vestalibus, Flaminibus, Dialibus, aliisque sacerdotibus, qui veteri ritu capiebantur. Gell. lib. 1. cap. 12. Hi enim licet patriæ potestati subessent, tamen poterant de peculiiis suis testamentum condere. Dicuntur quidem patria potestate exiisse: Ulp. *Frag. tit. X. §. 5.* sed Gellius addit: *sine capitis diminutione*, ne eos iura familiæ amisisse existimes. Quom itaque hoc privilegium sacerdotum admodum simile fuerit ei, quod postea constitutionibus Principum filiis familias in peculio quasi castrensi datum novimus: non absurde existimari poterit, has anteriores leges hæc scribenti vel Triboniano, vel Cajo, vel alii cuicumque veteri Jcto, antiquitatis gnaro in animo fuisse. HEIN.

*Quam principales constitutiones*) Constitutiones intelligit recentiorum Imperatorum, quarum quædam etiam extant in posteriore Codice, *l. velut 7. Cod. de assess. l. 4. Cod. de adv. lrv. jud. 1. l. un. C. de castr. omn. palat. pec. l. ult. C. de castr. pec. lib. 12.*

*Et horum quibusdam*) Veluti consulibus, proconsulibus, legatis & præsidibus provinciarum, cæterisque in universum omnibus, qui positi erant in eminentiori aliquo dignitatis aut administrationis gradu: patronis ve-

rò caularum, memorialibus, agentibus in rebus, magistris liberalium artium, archiatriis, & id genus aliis in tam ampla dignitate non constitutis, ea quidem, quæ hujusmodi operam Reipub. navantes paraverant, plena proprietate concessa fuerunt ut hæc etiam patre mortuo quasi peculium quoddam castrense præciperent: cæterum jus de his rebus testandi iis datum non fuit, *l. ult. C. de inoff. test.* Hinc apparet, non satis validum esse argumentum, quo nonnulli filiis familias jus testandi defendunt etiam in peculio adventitio iis casibus: quibus plena ejus proprietates illis concessa est: de quo amplius *tit. proximè seq.*

*Testari quidem, sed jure communi*) *D. l. ult. C. de inoff. test. d. l. ult. C. qui test. fac.* Quare filii famil. omnes, qui quasi castrense peculium habent, idem per omnia in eo jus habent ex constitutione Justiniani, quod filii fam. veterani in peculio castrensi: jure autem militari testari non possunt: hoc enim privilegium illis solis tributum est, qui sub armata militia stipendia merent: neque simpliciter, sed tunc, cum expeditionum laboribus occupantur, ut inepti sint, qui hoc extendunt ad alias militiæ species, togatæ scilicet aut alias imaginariæ, cujus crebra mentio in tribus posterioribus libris Codicis. Illud nihil refert, utrum quis pedes mereat, an eques. In classibus omnes nautæ & remiges milites sunt, *l. un. §. 1. de bon. poss. ex test. mil.* Quidam negaverunt, privilegia jure militari testandi competere militibus nostrorum temporum, eo quod vetus ratio legendi & ritus assumendi militem in desuetudinem abiit. Sed hoc argumentum nullius momenti est: durat enim nihilominus causa privilegii, laborum & periculorum functio, cum in expeditionibus sunt, ubi armorum strepitus vocem juris civilis eos audire non patitur, *Vigl. ad rubr. bic. Gail. 2. obs. 118. Vaud. 1. q. 55. Christin. volum. 4. decis. 3. Sichard. ad rub. C. b. t. n. 9. Grass. §. substitutus, quæst. 66. Grot. 2. introd. 7. Perez C. de test. mil. in fin.*

## TITULUS DUODECIMUS.

## QUIBUS NON EST PERMISSUM FACERE TESTAMENTUM.

Dig. Lib. 28. Tit. 1. C. Lib. 6. Tit. 22.

1 Ut testamentum consistat, quamnam in persona testantis requirantur.

2 Damnatos capite olim certo jure testandi facultatem amisisse.



## De filiofamilias.

3 An novellis legibus ab eo jure recessum.  
**R**editus ad jus commune. Desleruit tit. 10. de forma & modo testandi: progreditur nunc ad personam testantis; quod est alterum ex tribus illis, quæ in omni testamento consideranda esse diximus sub rub. d. tit. In persona testantis duo exiguntur: unum est, ut conditione sit civis Romanus; quod indicat primum & secundum caput legis Falcidie, l. 1. ad leg. Falc. Proinde testamentum facere non possunt peregrini, ad peregrinitatem redacti, ut deportati, l. 8. §. 1. & 2. b. t. qui test. fac. l. 1. §. 2. de legat. 3. nam servi aut capti ab hostibus, d. l. 8. §. ult. l. filiusfamil. 16. hoc tit. §. ult. inf. eod. nec obfides, nisi eis permittatur l. 11. eod. Ac ne is quidem, qui de statu suo & conditione incertus est, testari potest, l. 14. & seq. eod. l. 1. in pr. de legat. 3. Alterum est, ut sit sui juris, uno verbo paterfam. de quo statim in pr. hujus tit. Qui patresfamilias sunt, omnes testamentum facere possunt, exceptis iis, qui voluntatem suam recto certoque judicio significare aut exprimere nequeunt, de quibus in §. 1. & 3. seqq. nec non aliis quibusdam, quos lex ob delictum admittum, aut apostasiam hæresive nominatim testari vetat, l. 1. §. cui 18. §. 1. l. cum lege 26. hoc tit. l. 3. C. de apostat. l. 4. C. de hæret. & Manich. l. 6. & auth. seq. C. de incest. nupt. Olim omnes capitali crimine damnati certo jure testamenti factionem amittebant, quoniam statim atque sententiam passi essent, libertatem, & civitatem perdebant, d. l. 8. §. ult. l. 6. §. sed & 6. de injust. rupt. test. l. 12. l. qui ultimo 29. de pœn. Ajo damnati: nam si quis indemnatus, quantumvis post accusationem & in custodia decessisset, ejus testamentum valebat, l. 9. hoc tit. uti & damnati appellatione interposita, medioque tempore pendente appellatione testati & defuncti, leg. 13. §. ult. eod. Queritur autem, an novellis legibus, Nov. 17. c. 12. Nov. 22. cap. 8. item 134. cap. ult. unde auth. sed bodie, C. de don. int. vir. & ux. & auth. bona, C. de bon. proscript. ab eo jure recessum sit? Nam his constitutionibus & servitus pœnæ tollitur, & bona capite damnatorum non publicantur, extantibus liberis & parentibus. Sed tamen quia eis bona adimuntur, & in liberos vel parentes transferuntur, ne hodie quidem eos testari posse dicendum videtur, D. Tulden. bic cap. 6. add. Salicet. in dist. auth. sed bodie. Valsq. 3. contr. illust. 96. Grass. §. testamentum, q. 21. Jac. Vervvey tract. de art. testam. cap. 4. ubi notat, in his regionibus damnatos capite, quorum bona publicata non sunt, testamenti factionem retinere.

Non tamen omnibus licet testamentum facere. Statim enim ei, qui alieno juri subiecti sunt, testamenti faciendi jus non habent: adeo quidem, ut quamvis parentes eis permiserint, nibilo magis jure testari possint: exceptis iis, quos antea enumeravimus, & præcipue militibus, qui in potestate parentum sunt: quibus de eo, quod in castris acquisiverunt, permittum est ex constitutionibus Principum testamentum facere. Quod quidem jus ab initio tantum militantibus datum est, tam ex auctoritate Divi Augusti, quam Nervæ, nec non optimi Imperatoris Trajani: postea vero subscriptione divi Hadriani etiam dimissis à militia, id est, veteranis concessum est. Itaque siquidem fecerint de castrensi peculio testamentum, pertinebit hoc ad eum, quem heredem reliquerunt. Si vero intestati decesserint, nullis liberis vel fratribus superstitibus, ad parentes eorum jure communi pertinebit. Ex hoc intelligere possunus, quod in castris adquisierit miles, qui in potestate patris est, neque ipsum patrem adimere posse, neque patris creditores id vendere vel aliter inquietare, neque patre mortuo cum fratribus commune esse: sed scilicet proprium esse ejus, qui id in castris adquisierit: quamquam jure civili omnium, qui in potestate parentum sunt, peculia perinde in bonis parentum computentur, ac servorum peculia in bonis dominorum numerantur; exceptis videlicet iis, quæ ex sacris constitutionibus & præcipue nostris propter diversas causas non acquiruntur. Preter hoc igitur, qui castrense peculium, vel quasi castrense habent, si quis alius filiusfam. testamentum fecerit, inutile est, licet suæ potestatis factus decesserit.

## NOTÆ.

Qui in alieno jure subiecti) Filiifam. testamentum facere non possunt, l. 6. b. t. l. pen. C. eod. & olim quidem vel ideo non poterant, quia nihil suum habebant. Ulp. tit. 20. §. 9. Hodie non possunt, quia ne nunc quidem quicquam pleno jure tamquam patresfam. habent, excepto peculio castrensi & quasi; de quo ob id etiam testati iis permittum. Testandi autem facultas solis patribusfam. lege concessa: Paterfam. uti legasset, &c. Cic. ad Heren. lib. 1. cap. 13.

Quamvis parentes permiserint) Quia testamenti factio juris publici est, l. 3. hoc t. id est, ei soli competit, cui jure publico permittum. Ex quo efficitur, ut nec consentiente patre codicillos facere, legatumve aut fideicom-

mil-



missum relinquere filiusfam. possit, l. 6. §. 3. de jur. cod. l. 25. §. 1. de mort. caus. don. jure communi) Id est, jure hæreditario, post liberos & fratres intestato mortui, ut est in textu, l. 3. l. 4. C. de bon. quæ lib. jure novissimo à liberis solum; non etiam à fratribus patrens excluditur, Nov. 118. c. 2. Explodendum igitur, quod Cujac. Pac. Fabrot, in margine notant, jure communi, id est, jure patrio, jure peculii, ex veteri & rogato jure in l. 2. de test. pec.

Proprium ejus esse) Ita ut in eo vice patrisfam. fungatur, l. 2. de SC. Mac. quod jus & quasi in castrensibus ei postea tributum §. ult. tit. sup.

Quamquam jure civili) Oratio perplexa, sententia tamen Justiniani ex iis quæ antecedunt & mox subjiciuntur, satis manifesta. Vide comment.

COMMENTARIUS.

1 Cur filii familias testamenti factionem non habeant?

2 Cur ne patre quidem consentiente rectè testentur, cum ita mortis causa rectè donent?

3 An testamentum à filiofam. factum cum consensu patris propter adscriptam clausulam, ut id valeat cujuscumque ultima voluntatis vi, saltem sustineatur in vim donationis causa mortis?

4 Intestato filio mortuo, peculium castrense jure Codicis ad patrem non redisse jure peculii; sed liberis & fratribus non extantibus, jure successione ad eum devolutum.

Peculio pagano adventitia cum castrensi communia.

5 Plenus ac planius quàm vulgo ostenditur, filiumfam. ne de iis quidem adventitiis testari posse, quorum fructus patri non quaritur.

6 An de his codicillos facere, aut sine patris consensu mortis causa hæc donare possit?

7 Quid hic moribus harum regionum receptum?

Qui alieno juri subiecti) Lex duodecim tabularum liberam testandi facultatem civibus concedens præcisè ac definitè patribusfam. locuta est: Extat integrum caput auctorem ad Herennium, lib. 2. c. 13. in hæc verba: Paterfamilias uti legasset super familia pecunie sue, ita jus esto. Ex quo, quod Decemviri hoc jus nominatim concesserunt patrisfam. hoc est, civi Romano, sui juris est, satis intelligitur, idem eos filiofam. permittere noluisse. Quinimo non nocuerunt nisi ridicule testandi facultatem per-

mittere iis, qui nihil suum habebant, de quo testari possent: quippe notum est, filiofam. olim omnia parentibus, quorum in potestate erant, pleno jure acquisivisse; quæ etiam ratio, cur filiofam. testari non possint, redita est ab Ulpian. in fragm. tit. 20. §. filiofam. 9. duratque eadem etiam nunc. Quicquid enim hodie filiofam. proprium est, in eo non ut filiofam. sed ut paterfam. consideratur. Et peculium quidem castrense & quasi castrense sub qualitate patrisfam. ei plenissimo jure concessum est: cæterum & in adventitia quantenus vicem patrisfam. sustinet: cum alioqui ne proprietatem quidem hujus peculii penes eum esse possit, pugnatque cum conditione filiofam. aliquid proprium habere. Hoc autem posito, filiofam. jus testamenti faciendi non habere, consequens est, eos nec legatum aut fideicommissum relinquere, aut codicillos facere posse: quippe quæ iis demum permessa sunt, qui & testamentum condere possunt, l. 2. de legat. 1. l. 1. §. 2. de legat. 3. l. 6. §. pen. de jur. cod. Denique in his etiam locum habet ratio Ulpiani, quod filiofam. nihil habent proprium.

Quamvis parentes eis permiserint) L. 6. eod. Atque hoc etiam ut consecrarium ex superiori deducitur. Etenim permisio illa patris non efficit ut filiofam. incipiat esse paterfam. Lex autem duodecim tab. non aliis, quàm patribusfam. testandi potestatem concessit: eoque pertinet quod Papinianus scribit, l. 3. eod. Testamenti factio non privati sed publici juris est, hoc est, jus testamenti faciendi non privatorum auctoritate, sed jure publico & legibus cuique tribuitur. Adde, quod ne sic quidem filiofam. quicquam acquiritur, de quo testari, aut in quo hæredem habere possit. Ex quo jam etiam efficitur, ut nec consentiente patre codicillos facere, legare aut fideicommissum relinquere valeat. Eadem enim utrobique ratio est. An igitur filiofam. nec mortis causa donare volente patre permittendum? Ita videri potest, cum mortis causa donationes per omnia fere ultimis voluntatibus comparentur, §. 1. sup. de donat. l. ult. C. de mort. ca. don. Placuit tamen posse filiofam. permittente patre mortis causa donare: nimirum quia donatio mortis causa, etsi in plerisque jure ultimæ voluntatis censetur, in quibusdam tamen naturam negotii inter vivos & contractus habes, l. senatus 35. §. 3. de mort. ca. don. maximèque in eo, quod eam perficiendam traditione aut conventionione opus est, ut pluribus ostendimus in d. §. 1. ac proinde hæcenus etiam eodem jure cum conventionibus ha-



haberi, hoc est, privatorum arbitrio regi debet perindeque habendum, ac si pater ipse per interpositam filii personam donasset, in eoque usus esset filii ministerio, l. 9. §. 2. de donat. Atque hanc ob causam, etsi filii quoque persona in hac donatione spectatur, tum in ea perficienda, tum infirmam, putarem tamen, etiam patrem eam revocare posse, cum Bart. in l. 2. §. 1. de donat. Ang. & Jo. Fab. hic. Nam quod traditum est de testamentis, ea non debet pendere ex alieno arbitrio, l. illa constitutio 32. de hær. inf. protinus ad mortis causa donationes trahendum non est. Non obstat iis, quæ diximus, argumentatio Ulpian. in l. 1. §. 1. de tut. & rat. distr. concludentis, ei, cui testamenti factio permissa non est, nec permittendum esse mortis causa donare. Procedit enim ista argumentatio in patrefamil. qui bona propria habet, sed testari non potest propter ætatem & defectum iudicii, qualis est pupillus, & quo etiam Jurisconsultus loquitur. Hinc jam illud quaesitum est, si filiusfamil. testamentum cum consensu patris condiderit adscripta clausula: *si non valeat jure testamenti, valeat jure codicillorum, aut cujuscumque ultimæ voluntatis vi*, num in hac specie voluntas filii sustineri debeat saltem in vim donationis causa mortis? Et vulgo placuit, debere: quoniam appellatione ultimæ voluntatis etiam mortis causa donatio continetur, & in proposito clausula illa, *aut cujuscumque ultimæ voluntatis*, in nulla alia specie ultimæ voluntatis verificari potest, quam in donatione mortis causa: quæ utique patris consensu facta valet, ut jam demonstratum est. Ita D. Vigl. hic n. 10. Clar. §. donatio. quæst. 6. n. 8. Theaur. decis. 150. Fachin. 5. contr. 64. VINN. Cæterum in eo, quod ne permittente quidem patre testari potuerint filii familias, deterior fuisse videtur eorum conditio, quam servorum, quos permittentibus dominis condidisse quasi testamenta, docet exemplum apud Plin. lib. 8. Epist. 16. HEIN.

*Exceptis iis, quos antea numeravimus*) Qui scilicet castrense & quasi castrense peculium habent. In his enim bonis filii fam. beneficio Principum testamenti factionem habuerunt, §. ult. præc. tit. l. ult. C. de inoff. test. l. pen. & ult. C. hoc tit. l. 7. §. ult. de donat. & quoad cætera quoque in hoc peculio plenissimo jure patrum fam. usi sunt, l. 2. de Sen. Mac. l. 4. de judic. excepto quod intestati morientes in eo etiam exitum filiorum familias patiebantur, leg. 2. de cast. pecul. de quo mox uberius.

*Quod jus ab initio tantum militibus, &c.)* Refert Imperator, quibus gradibus ad sum-

mum ejus juris, quod filii fam. in castrensis habent, perventum est. Initium ejus Augusto tribuit, (Ulpianus Julio, l. 1. de test. mil.) progressum Nervæ & Trajano, (Ulpian. d. loc. etiam Titi & Domitiani meminit) patetque ex illo Juvenalis sat. ult. v. 52.

*Solis præterea testandi militibus jus Vivo patre datur, &c.*

sub Domitiano idem obtinuisse: consummationem Hadriano: quippe illi militibus tantum, hic etiam veteranis, de eo, quod in castris acquisiverunt, cæteroque peculio, quod militæ beneficio adepti sunt, l. 11. de cast. pec. vivis parentibus, quorum in potestate sunt, testandi facultatem dedit, ita ut quod antea solum militum erat, id bonorum privilegium rescripto Hadriani factum sit. Illud interest, quod veteranis non nisi jure communi, militibus etiam suo, id est, militari jure, testamentum facere permittum est. Veterani autem dicebantur, qui vel exauctorati sub vexillo adhuc retinebantur, cæterorum immunes, nisi propulsandi hostis; vel qui confectis legitimis stipendiis protinus dimissi erant, *adscriptas etiam ruxobres*. Consule commentaria D. Lipsii in lib. 1. Annal. Taciti, ubi & de annis legitimæ militæ.

*Ad parentes eorum jure communi pertinet*) Ut pater in peculio castrensi vivente filio nihil juris habuerit, ipsique filio concessum, in eo, quem vellet, hæredem sibi instituere: tamen diu jus vetus hæctenus patri conservatum fuit, ut filio intestato mortuo, jure peculii etiam bona castrensis ad patrem redirent, eademque hoc casu adhuc esset conditio castrensis peculii & pagani, nec in illo magis, quam in hoc filii fam. hæredem ab intestato haberet, l. 2. l. 9. l. 14. de cast. pec. Cæterum huic juri posteriorum Principum constitutionibus derogatum est; & primum liberis militis aut veterani intestato mortui: deinde fratribus bono castrensi jure hæreditatis delata, & tertio ordine parentibus: id quod hic locus aperte ostendit, atque ex eo etiam perspicuum est, quod filii fam. etiam in bonis adventitiis, maternis & materni generis; lucrisque nuptialibus, eosdem hæredes habere placuit, l. 3. l. 4. C. de bon. qua lib. l. ult. C. comm. de success. quibus tamen in bonis plus patri relicto, quam in castrensis. Igitur quod hic Imperator, filiorum fam. intestato decedentium bona castrensis, non extantibus liberis aut fratribus, ad parentes pertinere jure communi, non sic accipiendum est, ut Cujac. Hotom. Patricius, Fabrotus, & fere quotquot sunt, fecerunt, jure peculii secundum jus antiquum, quo filii



Filii morte etiam pécultum castrense, non quasi hæreditas, sed quasi peculium & quasi à patre profectum ad patrem redibat; verùm jure successione seu hæreditatis, quæ tertio loco parentibus ab intestatu defertur ex constitutionibus Principum, novo quidem, sed communi jure. Nam si jure peculii eo bona adhuc ad patrem redire oporteret; nemo in illis patri præponi posset, ac nec cuiquam deferri possent jure hæreditario; sed pater tantquam jam olim sua & à se profecta statim occuparet: nisi quis putet cum Viglio dici posse, liberis aut fratribus superstitibus jus patris quiescere; illis autem deficientibus, primum jus patri integrum relinqui. Sed hanc interpretationem prædictæ constitutiones non ferunt, quæ omnes loquuntur de jure & ordine successione; add. quæ scripti ad §. ult. *inf. de leg. agn. succ.* Plurimum verò interest, utrum dicamus, jure peculii, an hæreditario apud patrem hæc bona pertinere: quippe illo casu, mortuo filio, ipso jure apud patrem remanent, quasi perpetuo ipsius fuerint; hoc casu sine additione nec acquiri, nec transmitti possunt: illo casu, peculio tantum tenus creditoribus filii respondere tenetur; hoc, in solidum, nisi inventarium confecerint, §. 1. *inf. de her. qual.* illo denique casu matrem excludit, hoc casu non item. Hodie jus liquidum est, atque hæc disputatio penitus sublata. Constat enim ex *Nov. 118.* bona filii fam. jure castrensis, sive pagana adventitia non amplius jure peculii, sed hæreditatis patri deferres nec jam ordine tertio, sed secundo, ita ut cum eo mater simul & fratres defuncti admittantur.

Ex hoc intelligere possumus, &c.) Subjiciuntur hic quædam alia jura, quæ filiusfam. in castrensi peculio habet, nimirum hæc tria; primum, quod hoc peculium ita filii proprium est, ut pater id ei adimere non possit: alterum superiori consequens, quod creditores patris id vendere aliove modo inquietare nequeant: tertium, quod patre mortuo, id filius præcipuum habeat, nec cum fratribus communicare, aut his conferre cogatur. Quæ tria, aliaque plura etiam jure veteri obtinuerunt. Nam, ut ante dictum est, filiusfam. in castrensi peculio in omnibus jure patrisfam.angebatur, tantum intestatus tamquam filiusfam. decedebat, l. 2. de sen. Mac. l. 4. de judic. l. 4. de cast. pec. junct. l. 2. eod. Quæ autem traduntur, olim erant castrensis peculii propria: hodie verò castrensi cum pagano adventitio sunt communia: nam nec adventitia bona pater filio nunc adimere potest: & quod

olim in castrensibus juris erat, ut fratribus non conferrentur, l. 1. §. nec castrense 15. de collat. idem hodie obtinet & in adventitiis, l. ult. C. eod. tit. In solo profectio peculio nihil mutatum est, sed quemadmodum id totum patris mansit, ita potest filio id pater adimere: ita patre mortuo cum fratribus communicandum: ita filius pati debet, ut id creditores paterni sibi habeant. Nam quando ab Ulpiano traditum est l. 3. §. sed utrum. 4. in fin. de minorib. si patris bona à fisco propter debitum occupata sunt, peculium profectitium filio ex constitutione Claudii separari, id specialis humanitatis est. Princeps dum jus fisci minuit, suum minuit: at alteri jus quæsitum auferre non debet, l. 2. de his qui sui vel al. jur. & fortassis debitum κατὰ χρεῖστας. Jurisconsultus accepit pro debito ex causa delicti damnato patre. Nullam certè rationem habet, quod D. Viglius putat, ex causa delicti peculium à fisco occupari, at non ex causa debiti: longè enim major ratio est, ut peculium filii separaretur patre damnato, quam cum fiscus venit ut verus creditor: quippe cum in pœna nec privilegium habeat, sed creditoribus postponatur, l. 21. l. in summa 17. l. quod placuit 37. de jur. fisc. l. un. C. de pœn. fiscal. cred. præf. lib. 10. Ergo, inquis, non fiscus, sed filius damnato patre actione de peculio conveniendus est, contra quam respondet idem Ulpian. l. 1. §. 4. quan. aet. de pec. ann. Respondeo, fiscum etiam ea actione teneri, sed tunc cum filius peculium repudiavit: alioqui conventum exceptione se tueri, & creditores ad filium remittere posse.

Quamquam jure civili omnium, qui in potestate) Perplexè & salebrosè hæc traduntur. Jure civili antiquo filiusfam. omnia patri acquirebat haud secus ac servus domino, uti dictum est §. 1. sup. per quas pers. primus Augustus excepit peculium castrense, aut potius milites in causa hujus peculii; Hadrianus etiam veteranos: mox & quasi castrense peculium exceptum: procedente tempore etiam adventitium: & præcipuè constitutionibus Justiniani: non tamen ut per omnia eodem jure peculium adventitium apud filium esset, quo castrense & quasi castrense, sed ut ille ejus proprietatem, pater usumfructum regulariter haberet, d. §. 1. l. cum pater. 6. C. de bon. qua lib.

Præter hos igitur, qui castrense peculium vel quasi) Quamvis non tantum castrense & quasi castrense peculium, sed quædam etiam bona filii adventitia ex constitutionibus patri non acquirantur, atque à Justiniano in universum



adventitiorum omnium proprietates filio concessa sit: in duobus tamen istis generibus dumtaxat jus testamenti faciendi ei permissum, non item in tertio. Non habet hæc res dubitationem, cum, quod regulare est, filius tantum nudam proprietatem in peculio adventitio habet, pater usufructum: sed cum sint quidam casus, quibus filio plena & solida proprietates acquiritur, anne tunc quidem de his bonis testari possit non satis convenit. Casus unus jus tum erat, cum Institutiones componerentur. Nam *in l. ult. C. de bon. quæ lib.* sic à Justiniano constitutum est, ut si filio hæreditas aut legatum fidei commissum delatum sit, & pater filio consentire nolit, ut hæreditatem adeat, aut relicta agnoscat, filius propria auctoritate patre invito id facere possit, & sibi hoc facto, quod relictum est, in totum acquirat. Novellis constitutionibus plures hujusmodi species introductæ. Idem enim obtinere placuit in rebus filiosam. ea lege datis, ut ne usufructus ad patrem perveniat: item in hæreditate fratris aut sororis, ad quam una cum filio pater admittitur: postremo etiam in iis rebus, quæ filio deferuntur, patre divorcium faciente sine causa, *auth. excipitur. cum*

6 *2. seqq. de bon. quæ lib.* An igitur ne his quidem casibus filio permissum de peculio adventitio testari? Sunt qui putant, permissum esse, & Triboniano hæc scribenti in mente non venisse *l. ult. §. ipsum autem. 5. vers. filiis autem. C. d. tit.* ubi Justinianus dumtaxat eo casu, quo apud patrem usufructus est, filium de bonis adventitiis testari non permittit: inde enim à sensu contrario colligunt, in altera specie adventitiorum id ei licere. Probabilis sanè collectio, nisi ipse Justinianus postea mentem suam clarè exposuisset. Nam cum hæc ipsa quæstio jam tum ætate Justiniani, nec multo post emissam *d. l. ult.* exorta esset, ipse nova constitutione edita dubitationi occurrit, quæ est *l. pen. C. qui test. fac.* qua declarat, minimè sibi in constitutione nuper à se promulgata propositum fuisse, filiisam. in bonis adventitiis permittere testamenti factionem, sive cum consensu, sive sine consensu patris bona possideant, ac proinde sive nudam sive plenam eorum proprietatem habeant; sed in hoc antiquam legem per omnia servari jubet. Conferantur inter se constitutiones; perspicuè apparebit, alteram alterius explicandæ, & *d. l. pen.* tollendi erroris gratia, cui verba *§. 5. d. l. ult.* causam dederant, scriptam esse. Non enim alia lex per eam, quam *in d. l. pen.* ait à se promulgatam

esse, intelligi potest, quàm in qua extat distinctio illa, cujus meminit, & ad quam se refert *in d. l. pen.* utrum scilicet filius bona possideat cum consensu, an sine consensu patris: illa distinctio extat in una, *d. l. ult.* nullquam alibi. Sed quid quærimus amplius? Negat expressè *in d. l. pen.* se jus testandi filio permittere in bonis, quæ possidet sine consensu patris: atqui horum plenam proprietatem filio *in d. l. ult.* concesserat, neque erat tunc alius casus, quo usufructus in hoc genere peculii ad patrem non pertinebat. Ad hæc jubet citra filiorumfam. testamenta per omnia observari legem antiquam: nulla verò lege antiqua filiosam. testamentum facere permissum, præterquam de bonis castrensibus & quasi castrensibus: neque concessio plenæ proprietatis mutat qualitatem peculii, quæ ex sola causa acquirendi æstimatur. Ridiculi autem sunt, qui per legem antiquam intelligunt ipsius Justiniani aliquam constitutionem, nominatim illam ipsam, quam explicat *lib. ult. C. de bon. quæ lib.* Non potuit, nisi absurdissimè, antiquam appellare, quam initio *d. l. pen.* proficitur nuper à se promulgatam, nec ullas suas ipsius leges antiquas, cum nulla tunc esset biennio aut triennio vetustior. Novissimo jure etsi filiosam. quædam alia ejusdem generis bona pleno jure proprietatis concessunt; nullibi tamen jus de iis testandi ei datum legimus. *Nov. 117.* permittitur filio de hujusmodi bonis quovis modo disponere: ac in Græco est *διουκείν*, quod testamenti factionem non comprehendit: & sine eo etiam apertissimum est eo loco intelligi tantum dispositionem inter vivos & liberam horum bonorum administrationem; quippe cum hæc dispositio ei tantum permittatur, qui perfecta ætatis est, hoc est, filiosam. majori 25. annis: cæteroquein curatores ei dari jubentur cum tamen minor 25. annis etiam curatores habens, post annum decimum quartum testamentum facere possit, *l. 5. hoc tit.* At, iniquies, quod conceditur inter vivos, id multo magis licere debet in ultima voluntate, *arg. tit. de leg. Fus. Can. toll.* Respondeo, hæc propositionem nec perpetuo veram esse, de quo vide Everhard. *in Top.* & procedere tantum in objecto præsupposita habilitate personæ, quæ deficit in filiosamil. Sic etiam non procedit in filiosam. argumentum ductum à jure plenæ proprietatis, quasi eo jure concessio omnia concessa intelligantur, quæ patri-fam. in re sua, ut ejus liberrimo moderatori & arbitrio, permissa sunt. Pater hoc ex eo, quod

quod







rectè factum, neque ullum aliud negotium rectè gestum, postea furor interveniens perimit.

## NOTÆ.

1. Præterea) L. 5. hoc tit. l. 19. §. 1. de capt. & postl. adde & alios ex l. 8. 9. 10. & 11. D. hoc tit.

Postea puber, &c.) Propter regulam, ut jam diximus, Catonianam.

Aliud negotium) Adeo ut ne matrimonium quidem furore superveniente solvatur, l. 8. de his qui sui vel al. jur.

## COMMENTARIUS.

- 1 Impuberes nec tutore auctore testamentum facere posse.
- 2 Testamentum à furioso factum tempore dilucidi intervalli sustineri. Et quid si de eo dubitetur?
- 3 Cur furor postea incidens, &c. testamentum antea factum non vitiet, capitis minutio vitiet?
- 4 Quando locus sit regule, quæ ab initio rectè constituta sunt, resolvi, cum in eum casum pervenerunt, unde incipere non possunt?

**Q**uia nullum eorum animi iudicium est) Impuberes intelliguntur, qui nondum annum ætatis decimum quartum compleverunt, id est, qui nondum ad supremum anni decimi quarti diem pervenerunt. In fœminis annus est duodecimus, l. 5. hoc tit. Horum aut nullum esse animi iudicium, nimirum nullum plenum ac solidum, nullum tale, quæse requiras in eo, qui de omnibus facultatibus suis una perpetua dispositione statuere cogit. An igitur non saltem tutore auctore impuberi permittendum testamentum facere, uti potest eo auctore res suas alienare, hæreditatem adire, bonorum possessionem petere, aliaque facere, etsi perfectum animi iudicium requirant, ut hic etiam quod impuberis iudicio deest, tutoris prudentia suppleatur? Nequaquam. Nam aliarum actionum periculum tutores præstant, & finita tutela earum rationem pupillis eorumve hæredibus reddunt; huius verò reddere non possunt. Deinde testamentum non arbitrio alieno, non precaria, sed ipsorum testatorum prudentia fieri debent, ne quid temere & inconsulto per aliorum molimina in præjudicium familiarum & agnationis statuatur, & alieni potius, quàm cognati, cognati remotiores potius, quàm proximi, hæreditatem consequantur. Quin tutores, si hanc potestatem iis permittimus, semper operam dabunt, ut non alii, quàm à quibus lu-

crum sperant heredes instituantur. Puberes autem testamenti factionem habere placuit statim à decimoquarto aut duodecimo anno completo, nec curatoris in eo consensum intervenire, d. l. 5. hoc tit. l. Aurelio 20. §. 1. de lib. leg.

Item furiosi) Furiosi quid à mente captis differant, docui sup. tit. de curat. §. sed & 4. Nimirum furiosum quidem omnem & mente captum esse sive dementem; at contra non omnem mente captum esse & furiosum, cumque mente captus à furioso distinguitur, ut plerumque fit, eum intelligi, qui cum sana mente non sit, in quiete est, nec, ut furiosi solent, agitur & fertur præcepis. Caterum nihil refert in ullo actu aut negotio, demens quis sit simpliciter, an ad dementiam accedat & furorem: constatque, quamvis furiosi tantum hic mentio fiat, ad omnes, qui mente carent, hæc pertinere, l. 2. l. Titia 13. in fin. de inoff. test.

Quo furor intermissus est) Furiosus per id tempus, quo furor intermissus est, testamentum jure facere potest, l. 9. C. hoc tit. quemadmodum & testis tempore intermissionis rectè adhibetur, l. qui testamento 20. §. 4. hoc tit. Caterum ut valeat testamentum, necesse est, ut id uno eodemque tempore remissioni perficiat: nam si cœpto testamento & necdum perfecto; furor eum iterum invaserit, nihil actum est, etiamsi postea remisso denuo furore, id quod cœpit, perficiat, d. l. 9. Quid si proferatur testamentum conditum à furioso, quem certum est habuisse dilucida intervalla, incertum autem sit, quo tempore id fecerit. Et si quidem id ita ordinatum fuerit, ut quisvis paterfam. sanæ mentis sic dispositurus fuisset iudicetur: pro testamento respondendum & credendum intervalli tempore factum D. Viglius censet, cui assentior. Pertinet hoc quod Val. Maximus lib. 7. cap. 8. refert de Tuditani hominis certæ ac notæ insanæ testamento; quod à centumviris confirmatum ait, magis quid scriptum esset in tabulis, quàm qui scripssisset, considerandum existimantibus, add. Boer. decis. 23. num. 81. Myns. 4. obs. cent. 2. Mantie. de conj. ult. vol. lib. 2. cap. 1. num. 7. Christin. vol. 4. dec. 4. num. 8. Diod. Told. commen. hic, cap. 3. Grass. §. testamentum, quæst. 21.

Eo, quod ante fecerint, testamento valente) In d. l. qui testamento 20. §. 4. hoc tit. Similiter nec interdictio bonorum succedens, nec auditus sermonisve amissio testamentum ante factum vitiant, §§. seqq. l. 6. §. 1. l. ii cui 18. eod. Palam igitur est, his casibus unum tantum tem-



T E X T U S .

De prodigo.

2. Item prodigus, cui bonorum suorum administratio interdicta est, testamentum facere non potest: sed id quod ante fecerit, quàm interdictio bonorum suorum ei sat, ratum est.

C O M M E N T A R I U S .

Qui bona sua profundunt, nec modum, nec finem impensarum habentes prope à furiosis absunt. Planè enim quod ad bona ipsorum pertinet, furiosum faciunt exitum, ut inquit Jurisconsultus, *l. bis qui 12. in fin. de tut. dat. ab his*, quam ob causam placuit, hujusmodi hominibus bonorum administratione interdicti: qua interdictione & testamenti factio ipsis adempta intelligitur: quippe qui non saniore judicio, quid de rebus suis post mortem fieri velint, statuturi creduntur, quàm eas tractarent, si libera earum administratio ipsis permitteretur, *l. cui 18. hoc tit. Puberum minorum 25. annis non eadem ratio est: neque enim his bonorum administratio interdicta est, ut malè Don. ad leg. 6. de verb. obl. num. 9. sed si velint, curatores accipiunt; quibus quidem tum administratio permittitur, nec jam amplius ipsis minoribus, sed in hunc maximè finem, ne minores in contrahendo circumveniantur, quod in testamento non metuitur.*

*Quod ante fecerit) D. l. is cui 18.* Testamentum enim, quod interdictione vetustius est, eadem ratione valere debet, qua quod factum est ante furorem. Imperator Leo *Nov. 39.* prodigo permittit *εὰ συμφέροντα διοικην*, ea facere, quæ ipsi conducunt; & ratum quoque testamentum ejus esse jubet, in quo mortis prodigi non apparet. Quod Viglio videtur naturalem æquitatem habere. Forte id admittendum fuerit, si quædam non levia argumenta saniorum morum præcesserint, per *l. 1. de cur. fur.* Vide Sande *lib. 4. tit. 1. defin. 3.* Groenevv. *de ll. abr. hic.* Hic autem locus confirmat, quod supra §. *furiiosi 3. de curat.* asseruimus, prodigum, quod attinet rerum administrationem & effecta juris civilis, non statim censeri eum, qui ipso facto prodigus est, sed tunc demum, cum ei bonorum administratio interdicta est: interdicti autem non ipso jure, sed causa cognita decreto magistratus.

T E X T U S .

De surdo & muto.

3. Item surdus & mutus non semper testamen-

tum

tempus inspicere testamenti facti, ac sufficere eo tempore testatorem habuisse testamenti factio- nem, etsi tempore mortis non habuerit. Proinde cum Jurisconsultus in *l. 1. §. exigit 8. de bon. poss. sec. tab.* ait, prætorem exigere, ut is, et cujus testamento bonorum possessio peti- tur, utroque tempore jus testamenti faciendi habuerit, & cum faceret testamentum, & cum moreretur, intelligere debemus, eum non hoc velle bonorum possessionem ex testamento non dari, si testator tantum tempore testamen- ti facti jus testandi habuerit, sed non dari, si habuerit tantum tempore mortis, non etiam tempore conditi testamenti, ut exempla illic proposita ostendunt. Sic autem jus est in mutatione, quæ salvo statu & fortunis testatoris contingit, cujusmodi sint superiores. Quod si aqua mutatio postea inciderit, per quam capi- te testator minuat: puta si servus fiat, in in- illam deportetur, si se adrogandum det, testa- mentum infirmatur, atque irritum fit, §. 4. *inf. quib. mod. test. inf. l. 6. §. irritum 5. & leg. de injust. rupt. test.* & ratio manifesta est. Quippe his modis non tantum amittitur testa- menti factio, sed etiam conditio personæ testatoris sic mutatur, ut omnino testamentum habere non possit, ac ne hæredem quidem. Furiosus verò & prodigus, etsi testamentum facere non possunt, nihil tamen prohibet, quominus hæredem ex testamento antea facto habeant, & præcedens eorum voluntas exitum sortiatur.

*Neque aliud negotium rectè gestum) De matri- monio idem traditur, l. 8. de his qui sui vel al. In cæteris quoque negotiis quin idem jus sit, dubitandum non est, sive rem suam ante furorem alienaverint, de quo nemo am- igit; quoniam negotia perfecta & penitus consummata nullo eventu infirmari possunt: si stipulanti aliquid promiserint, aut alias obligaverint, licet hic aliquid desit ad con- firmationem negotii: sed hoc à curatore ex- pellici potest. Neque enim in omnibus probata est sententia eorum, qui ea quæ ab initio rectè atque utiliter constituta sunt, resolu- verunt, cum in eum casum incidissent, à quo incipere non poterant, *l. existimo 98. l. 2. de verb. obl. l. in ambigui 85. §. 1. de leg. jur. §. ex contrario 14. inf. de legat.* sed tantum cum casus incidens impedit, quo- minus quod coeptum est, perfici atque ad finem suum perducatur, ut evenit incidente capitis diminutione testatoris. Qua de re for- malis pluscula ad *d. §. ex contrario 14.**



tum facere possunt. Utique autem de eo surdo loquimur, qui omnino non exaudit, non qui tardè exaudit. Nam & mutus is intelligitur, qui eloqui nihil potest, non qui tardè loquitur. Sæpe enim etiam litterati homines variis casibus & audiendi & loquendi facultatem amittunt. Unde nostra constitutio etiam his subvenit, ut certis casibus & modis secundum normam ejus possint testari, aliaque facere, quæ eis permissa sunt. Sed si quis post testamentum factum adversa valetudine, aut quolibet alio casu mutus aut surdus esse coeperit, ratum nihilominus manet ejus testamentum.

## COMMENTARIUS.

**O**lim etsi quis mutus tantum erat, aut surdus, testamenti faciendi jus non habebat, nisi specialiter à Principe impetravisset, ut sibi testari liceret, l. 7. hoc tit. junct. l. pen. §. 1. unde cogn. cujus juris ratio significatur à Paulo lib. 3. sent. 4. quia neque mutus testes rogare potest; neque surdus audire testimonium perhibentes. Unde cum nemo quicquam à Principe impetrare possit, nisi qui ei preces suas aut voce aut scripto potest exponere, sequitur, eos muros, qui scribere nesciebant, omnino testari non potuisse. Justinianus, quod singulare & personale jus erat, jus commune fecit, & generaliter surdis omnibus, vel mutis testamentum facere permisit, (cum aliquo tamen temperamento) ut jam amplius necesse non sit singulos id precibus impetrare, l. discretis 10. C. hoc tit. Sic verò ille constituit, ut si quis mutus & surdus simul sit, siquidem natura, is omnino testamentum facere non possit: sin casu, ut possit; si modo ante litteras didicerit; ut scripto voluntatem supremam exprimere queat. At si quis tantum mutus sit, aut surdus tantum, sive tales sint natura, sive morbo, his jure testari liceat eo modo, quo per rerum naturam voluntatem suam declarare possunt aut scripto aut lingua. Quod ne muto quidem tantum, qui litteras nesciat, testamenti factio hac constitutione permittitur, confirmat id, quod modo dicebamus, eum, qui talis sit, nec à Principe testandi licentiam obtinere posse. Illud in eadem constitutione absurdi est, quod Justinianus credidit, eum, qui surdus natus est, loqui posse; & articularam vocem edere; cum nihil tam certum sit, quam ei, cui auditus à natura negatus est, & sermonis usum ablatum; nec esse naturaliter surdos, qui non iidem sint & muti. Quod etiam Plinius testatur lib. 10. cap. 69. Alex. Aphrodis. problem. 7. 138.

Qui omnino non exaudit, &c. ) Hæc plana

sunt. Notum enim est, eum, qui tardè, aut difficulter exaudit, non surdum, sed surdum dici, ὑποκαφῶρ, subsurdum: & eos, qui graviter, aut ἀσαφῶς loquuntur, non mutos, sed blæfos, balbos, μοιλάλλυς appellari; mutos autem dici elingues & fandi impores, ἀλλυλῶς. Planè muti etiam illi habendi sunt, qui ἀσῆμῶς loquuntur, hoc est: sine ulla certa significatione vocis, ἀσέβηρα φωνῆ leg. mutum 9. edil. edit. l. 7. in fin. de supell. leg.

Sed si quis post testamentum factum, &c. ) Ob eandem rationem, ob quam placere diximus testamentum furiosi, aut prodigi, quod furere aut interdictione bonorum vetustius est, non infirmari.

## TEXTUS.

## De cæco.

4. Cæcus autem non potest facere testamentum nisi per observationem, quam lex Divi Justiniani patris nostri introduxit.

## COMMENTARIUS.

**I**N cæco nihil est, ob quod testamentum facere prohibeatur: nam testes accire ac rogare potest, & audire sibi testimonium perhibentes. Quapropter & olim testamentum facere potuit. Paul. 3. sent. 4. & nunc quoque potest. Cæterum forma nunc accuratior præscripta, & quædam singularia in testamentis cæci, ut fraus omnis, cujus hic major metus, evitetur, constituta sunt lege illa Justiniani, quæ hic commemoratur, & extat l. hac consultissima 8. C. hoc tit. Sententia legis est, ut cæcus heredem nuncupaturus (ineprum pucavi monere, cæcum non aliter quam per nuncupationem testari posse) præter numerum testimonium ordinarium adhibeat & tabularium, aut si tabularii copia non sit, alium octavum testem, qui voluntatem nuncupantis scriptura excipiat, cui deinde testes omnes & tabularii subscribant, eamque obsignent, uti fit in testamentis scriptis, aut si prius testamentum suum scripto comprehendi curavit, ut tabularii coram testibus eam scripturam palam legat, eaque lecta cæcus testetur hanc suam voluntatem esse, deinde omnes subscribant & signent. Ubi hæc singularia notanda. 1. Quod non sufficit voluntatis nuncupatio, nisi & scriptura accedat. 2. Adhibitio octavi testis, qui testamentum scribat, aut antea scriptum recitet. 3. Quod is testis debeat esse tabularii publicus, si ejus copia est. 4. Omnium subscriptio & subsignatio.



TEXTUS.

De eo, qui est apud hostes.

1. Ejus, qui apud hostes est, testamentum, quod ibi fecit, non valet, quamvis redierit. Sed quod, dum in civitate fuerat, fecit, sive redierit, valet jure postliminii, sive illic decesserit, valet ex lege Cornelia.

NOTÆ.

1. Quamvis redierit) L. 8. h. t. nam postliminio non vitatur Catonis regula. Codicillorum scriptum in captivitate ab eo, qui in civitate testamentum fecerat, eo reverso convalescunt, quia principium eorum jam in civitate constitutum erat, neque testamentum, quo confirmati sunt, l. 12. §. 5. de capt. & postl. simile est in l. 25. eod.

Ex lege Cornelia) Postliminii & legis Corneliae fictio in omnibus partibus juris servatur, passim D. & C. eod. v. §. 5. sup. quib. mod. jus patr. pot.

COMMENTARIUS.

Est testamentum apud hostes factum jure postliminii non convalescat, codicillos tamen ibi factos convalescere.

Hodie in orbe Christiano hujus §. usum non esse, præterquam secundum quosdam, si qui à Turcis, &c. capti fuerint.

Qui apud hostes est) L. 8. hoc tit. Ratio manifesta est. Quia captus jure belli servus fit hostium; ut autem testamentum conficitur, necesse est testatorem jus testandi habere, cum testamentum facit; nec postliminio vitatur regula Catoniana. Sed nec obstat, nisi eis permittatur, testamentum facere possunt, quia velut pignoris jure tenentur, & vicus eorum bona occupat, l. 11. hoc tit. l. 1. §. 1. de jur. fisc. Qui autem à prædonibus capiuntur, quia liberi manent, l. 19. §. 2. de capt. & postl. testamenti factionem retinent, & illi, qui apud externos legatione funguntur, l. 11. in pr. & §. 1. hoc tit. & ibi. Cujac. l. 1. §. 1. Graff. §. testam. qu. 25. Vasq. 3. contr. §. 1. n. 1. VINN. Immo & capti in bellis civibus, l. 21. §. 1. ff. de capt. & postl. Hi enim non fiebant servi, sed proscribebantur, quod inventum Sullæ. Vellej. lib. 11. 28. HEIN. Sed quod, dum in civitate, &c.) Testamentum in captivitate rectè factum, etsi reipsa irri-

tum sit captivitate, fictione tamen juris sustinetur. Est autem duplex in hac re fictio; postliminii, & legis Corneliae, l. 6. §. pen. de injust. rupt. test. illa, si captus decesserit, locum habet; hæc si in captivitate decesserit. Illa fingit retro in civitate testatorem fuisse; hæc retro in civitate decessisse. Imperatores in l. 9. C. de postl. rev. inconsideratè tribuunt legi Corneliae, quod est juris postliminii. Quærat autem aliquis, cur cum postliminio reversus fingatur semper in civitate fuisse, & ita habeatur, ac si medio tempore nulla captivitas intercessisset, non convalescat postliminio testamentum, quod quis tempore captivitatis fecit? Resp. quia quod non est ante captivitatem, id nec postliminio habere potest. Non obstat, quod codicilli in captivitate scripti ab eo, qui in civitate testamentum fecerat, eo reverso, jure postliminii convalescant: nam eorum principium & firmamentum jam in civitate constitutum est; nimirum ipsum testamentum, quo confirmati sunt, l. in bello 12. §. codicilli 5. de capt. & postl. Eadem ratione placuit, si uxor cum marito capta fuerit, eaque in captivitate ex marito enixa sit, etiam liberos ibi natos jus postliminii habere, & reversos cum parentibus justos liberos esse, l. Divi 25. d. 1. nimirum quia nati sunt ex matrimonio in civitate legitime contracto. Illud nullius momenti est, quod Aretinus monet, esse regulam, media tempora non nocere, l. 6. §. 2. l. alien. 49. §. 1. de her. inst. §. in extraneis 4. inf. de her. qual. ac proinde videri supervacuum fictionem juris postliminii ad testamenta conservanda. Quippe illa definitio ad hæredem pertinet, non ad testatorem, cuius testamentum amissa civitate stare non potest. Fallitur autem Aretinus, dum respondet, procedere regulam, si medio tempore status testatoris mutatus non fuerit. Error hic perspicuus est, d. l. 6. §. 2. & statu non mutato, quæ, rogo, potest esse dubitandi ratio? Porro non in hac tantum parte juris, sed etiam in cæteris omnibus & postliminii & legis Corneliae fictio servatur, l. 5. §. 1. d. l. in bello 12. §. 1. l. retro 16. l. in omnibus 18. & passim, de capt. & postlimin. & C. eod. §. si ab hostibus 5. sup. quib. mod. jus patr. pot. solv. Postliminio æquiparatur restitutio capite damnati, l. 6. §. pen. de injust. rupt. test.

Ex lege Cornelia) L. lege Cornelia 12. hoc tit. Hæc lex mortis & captivitatis tempora conjungit. Id est, fingit, eum qui apud hostes decessit eo tempore quo captus est decessisse, civem & familiam habentem. Quo tempore, aut quo auctore lata sit, non liquet. Quod D.



Viglius putat latam esse primo bello Punico ab aliquo ex familia Scipionum, conjectura est, nec satis probabilis. VINN. Immo probabilius est, legem hanc Corneliam non aliam esse ac illam Cornelii Sullæ testamentariam, cujus meminit Cic. in *Verr. lib. 1. cap. 42.* Et ita Hotomanno quoque videtur. Potuit ea lex & de postliminio aliquid sanxisse, adeoque fortassis culpa vacant Imperatores in l. 9. C. de *postlim. reversis*, ubi inconsiderate legi Cornelix tribui ait Vinnius quod sit juris postliminii. Postliminii sanè jus non solum moribus, sed & legibus constitutum dicitur, l. 19. ff. de *capt. & postlim.* HEIN. Hodie in orbe Christiano nullus hujus §. usus est, nisi in iis, qui à Turcis aut id genus aliis Barbaris capti sunt. Nam cum, quod olim tantum obtinebat in bellis civilibus, leg. si quis 21. §. 1. de

*capt. & postlim.* nunc inter Christianos consuetudine generali invaluerit, ut bello capti servi hostium non fiant, sed liberi & civis maneant, ac jus sit pretio eos redimere, poterunt etiam dum apud hostes sunt testari, arg. l. 13. hoc tit. Alc. ad l. *hostes* 118. de *verb. sign.* Duar. ad *tit. qui test. fac.* pag. 318. Grassi, de q. 25. Zypæ. not. jur. Belg. de *testam.* Sande lib. 4. tit. 1. *defin.* 2. Nonnulli idem juris habere etiam à Turcis captos existimant. Covar. *peccat. p. 2. §. 11. num. 6.* Cyprian. *Cens. Belg.* Groen. de *ll. abrog. bic.* Illud etiamnum observatur, quod transfuga jus testandi non habeat, quoniam jura civium amittit, nam hostium numero habetur, l. *postliminium* 19. §. *transfuga* 4. de *capt. & postlim.* Jac. Vervvey. de *test. c. 4.* Sande ubi *sup.*

## TITULUS DECIMUSTERTIUS.

### DE EXHÆREDATIONE LIBERORUM.

D. Lib. 28. Tit. 2. C. Lib. 6. Tit. 28. & 29. Nov. 115.

Ratio ordinis, & argumentum tituli.

**H**Atenus de personis, quibus jure publico potestas testamenti faciendi data aut denegata est; item de modo testandi, sive externi testamenti solemnitatis, comparatis ad firmandam testationis fidem. Sequitur tertium, res quas in ipso testamento inseri & caveri oportet, ut justum ratumque habeatur, quam intrinsicam testamenti solemnitatem appellare possumus. Estque duplex; una communis omnium testatorum, hæredis scilicet institutio; altera quorundam dumtaxat propria, & maximè parentum, qui liberos in potestate habent, videlicet eorum liberorum exhæredatio, si ipsi hæredes non instituantur: de quo idcirco etiam inter cætera, quæ ad ordinanda testamenta necessario desiderantur, præcipiendum fuit, l. *inter cætera* 30. hoc tit. de *lib. & posth. inst. ber. vel exher.* Existimaverit aliquando Hotomannus, inscriptionem hujus tituli corrigendam esse, legendumque, *De institutione vel exhæredatione liberorum.* quod & Wesembecius tacite securus est. Verùm postea idem Hotomannus ab hac sua sententia recessit. Mihi quidem nulla mutatio necessaria videtur. Cæterum si secundum priorem sententiam Hotomanni inscriptio concipiatur, non eo minus probaverit, quod offendit ἐπιγραφὴ ejusdem argumenti in π. & d. leg. *inter cætera* 30.

In præcepto quoque legis disjunctio est: *Pater filium, quem in potestate habet, aut hæredem instituto, aut nominatim exhæredato.* Exhæredare est, eum, qui alioqui hæres futurus erat, ab hæreditate repellere. Et de solis suis hæredibus propriè dicitur, qui nisi removerentur, ipso jure hæredes existerent, & vivo adhuc patre quodammodo domini existimantur, l. *in suis* 11. hoc tit. de extraneis per abusionem. Jure civili antiquo non erat in omnibus liberis, etiam iis, qui in potestate erant, & sui hæredes, exhæredatio æquè necessaria, nec ommissa idem semper effectus, ritu quoque variabat pro sexu, pro gradu, prout nati jam liberi, aut nondum nati essent tempore facti testamenti; quæ omnia diligenter hic Imperator exequitur: deinde subjicit, quid ipse novi juris constituerit. Ad extremum agit de præteritione, quæ vim exhæredationis habet. Continet autem hic titulus principia magnarum & difficillimarum quæstionum juris, quæ veteris, quæ novi, eoque diligentem atque accuratam desiderat partium omnium interpretationem.

#### TEXTUS.

Jus vetus de liberis in potestate.

Non tamen, ut omnino valeat testamentum, sus-



*sufficit hæc observatio, quam supra exposuimus: sed qui filium in potestate habet, curare debet, ut eum hæredem instituat, vel exhæredem eum nominatim faciat. Alioquin si eum silentio præterierit, inutiliter testabitur: adeo quidem, ut si vivo patre filius mortuus sit, nemo hæres ex eo testamento existere possit: quia scilicet ab initio non constituitur testamentum. Sed non ita de filiabus & aliis per virilem sexum descendentibus liberis utriusque sexus antiquitatis fuerat observatum: sed si non fuerant scripti hæredes scriptæve, vel exhæredati exhæredatæve, testamentum quidem non infirmatur, jus tamen accrescendi eis ad certam portionem præstatur. Sed nec nominatim eas personas exhæredare parentibus necesse erat, sed licebat inter ceteros hoc facere. Nominatim autem quis exhæredari videtur, si ita exhæredetur; Ticius filius meus exhæres esto: sive ita: Filius meus exhæres esto, non adjecto proprio nomine, scilicet, si alius filius non extet.*

## NOTÆ.

*De exhæredatione*) Exhæredatio est hæreditatis lege datæ ademptio: unde solis de suis hæredibus propriè dicitur, sed aliis per abusivum. Aliis hæreditas defertur tantum, suis etiam datur. §. 2. *inf. de her. qual.*

*Non sufficit hæc observatio*) In modo sc. testandi & solemnitatibus comparatis ad firmandam testationis fidem, de quo *sup. tit. 10.*

*Vel exhæredem faciat*) De quo idcirco etiam inter cetera, quæ ad ordinanda testamenta pertinent, præcipiendum fuit, *l. 30. ff. de lib. & post.*

*Inutiliter testabitur*) *D. l. 30.* Planè si filius patri superstes bonis paternis se abstineat, voluntas ex bona & æquo sustinebitur, *l. 17. de injust. rupt.*

*Vivo patre mortuus*) *L. 7. hoc tit.* propter regulam Catonianam, *l. 1. de reg. Cat. l. 29. pen. de reg. jur.*

*Non ita de filiabus, &c.*) Diversi juris rationem indicat *Ulp. l. 8. §. 1. de injust. rupt.*

*Nominatim autem*) *V. l. 1. l. 2. & 3. D. b. t.*

## COMMENTARIUS.

*Filio, qui in potestate est, præterito, testamentum jure civili prorsus inutile & nullius momenti esse: ac quatuor consecutaria inde deducta,*

*Filia & nepotibus ex filio præteritis, jure antiquo testamentum substituisse, dato his jure accrescendi scriptis hæredibus.*

*Ad quam portionem hæc persona præterita scribitur.*

*Tom. I.*

*ptis hæredibus accreverint?*

*4 An eas præteritas ad bonorum possessionem contra tabulas prætor admiserit?*

*5 Filiam & nepotes ex filio exhæredatos, licet non nominatim neque jus accrescendi habuisse, neque à Patore ad contra tab. bon. possessionem vocatos; modo cætera leges exhæredationis observata fuissent.*

*6 An testamentum, in quo filius præteritus est, prorsus inutile sit & jure Prætoric.*

*7 Filio præterito se abstimente Prætorem habere rationem testamenti, etiam cum extranei instituti sunt.*

**R**efertur hic differentia, quæ in re proposta olim observabatur in sexu & gradu liberorum jam natorum. Meliore cæteris jure erat filius in potestate constitutus: siquidem hic solus à patre necessario aut hæres institutus aut exhæredandus erat, ut testamentum subsisteret, quod alioquin jure civili prorsus inutile erat & nullius momenti, *l. inter cetera. 30. hoc tit. l. filio. 17. de injust. rupt. test. & hoc text.* Huic autem juri consequens est, primum, quod etiam hic expressit Justinianus, ex tali testamento hæredem non posse existere, etiamsi filius præteritus vivo adhuc patre decesserit propter regulam Catonianam, quæ sic definit: *Quæ institutio inutilis foret, si statim post testamentum factum decessisset testator, ea non debet ideo valere, quia diutius vixerit, l. 1. de reg. Cat. l. pen. de reg. jur. §. an servo. 32. inf. de legat. & generaliter quod initio vitiosum est, non potest tractatu temporis convalescere, l. quod initio. 29. de reg. jur. §. 2. de inut. stip. 2.* Per hujusmodi testamentum non rumpi id, quod antea à patre legitime factum est, *l. 7. b. r. §. 2. & pen. inf. quib. mod. test. inf. 3.* Non sustineri hoc testamentum ob id, quod pater filio legatum quantumvis amplum reliquerit: nam utrum filius præteritus sit, nec ne, non ex legati datione, sed ex institutione aut exhæredatione æstimatur, præteritique omnes in hac materia habentur, qui neque hæredes instituti, neque, ut oportet, exhæredati sunt, *§. eadem. 12. inf. de her. ab int. 4.* Quod etiamsi filius vel ante testamentum vel in ipso testamento præteritioni consenserit, nihilo tamen magis subsistere possit. Verum enim non est, quod *Clar. §. testamentum. q. 43. n. 3.* existimat, jus hoc ob solum favorem filii constitutum esse, cui ille renuntiare possit. *l. inter cetera. paterni testamenti jure publico præscripta id modis omnibus exigebat: quod jus privatorum consensu mutari non potest, hoc tit. 30. hoc tit.*

Ecc





junct. *leg. jus publicum*. 38. de *paet. cum siml.*  
Vid. tamen Ant. Fabr. *C. de suo de lib. prat.*  
*defin. 6.* Christin. *vol. 4. dec. 19. n. 4.*

*Exheredem cum nominatim facias*) Non quævis exheredatio summovebat liberos ab hæreditate patris, sed quæ ritè facta esset: non ritè exheredati pro præteritis habeantur, *l. 8. §. 2. cont. tab.* In ritu autem discrimen non faciebat sexus, aut gradus, nisi quod hoc propriè in filio observandum erat, ut nominatim exheredaretur, quod in reliquis non erat necessarium, ut statim audiemus. *Cic. lib. 1. de Orat. c. 38. Quem pater neque exheredem scripsit nominatim.* VINN. Ex hoc loco pater, jam Ciceronis ævo ab usu quodammodo recessisse promiscuam illam exheredandi præteritumque liberos libertatem, quæ olim ante & post XII. tabulas competeat. *Vid. l. 11. ff. de lib. & postum. Liv. lib. 1. cap. 34. Adde. V. C. Schulting. Jurisp. vet. antejustin. p. 638. HEIN.*

- 2 *Sed non ita in filiabus & aliis per virilem sexum descendentibus, c. 38.*) Non uti olim filio, ita & filia, aut nepote neptevæ ex filio (ex filia nati huc non pertinent, *§. ult. inf. eod.*) præteritis testamentum inutile erat: sed firmo manente testamento jus accrescendi ad certam portionem his dabatur, ut, quasi & ipsi scripti scriptæve essent, numerum hæredum auferent, *l. ult. C. hoc tit. Ulp. tit. 22. §. 12. 15. & 16.* Accrescebant autem hæ personæ hæredibus scriptis cum damno, hoc est, portionem hæreditatis accrescendo iis auferent; ut longè diversum hoc jus fuerit ab eo jure accrescendi, quo res accrescunt; quod fit cum emolumento, cum scilicet non petentium partes accrescunt petentibus, seu portio omiſsa portioni agnitæ; de quo, volente Deo, tractabimus *§. si eadem. 8. inf. de legat.* Ad quam partem hæredibus institutis accreverint, docet *Ulp. d. t. 22. §. ex suis. 14. Scriptis inquit, hæredibus accrescunt, suis quidem hæredibus in partem virilem, extraneis in partem dimidiam; atque ita quoque Cajus lib. 2. tit. 3. §. 1. Theoph. hic.* Et notandum est, ita jus fuisse, non tantum cum soli aut sui aut extraneis scripti essent, sed etiam cum patre permixtim. Finge, extrancum una cum filio æquis partibus hæredem institutum; hic filia, si præterita erat, singulis accrescebat ad virilem. Quod si plures extranei pluresque sui scripti fuerant, extraneis accrescebat ad dimidiam, suis ad virilem. Item si duo filii, unus extraneus, huic ad semissem, illis ad trientem: atque ita ex accidente eveniebat, ut plus consequeretur filia præterita quam filius, aut filii instituti;

quod apertè ostendit locus Pauli *3. sent. 4. ubi ita scribit: Filio & extraneo æquis partibus hæredibus institutis si præterita accrescat, tantum suo avocabit, quantum extraneo. Si verò duo sint filii instituti, suis tertiam, extraneis dimidiam tollit.* Cum igitur filiabus & nepotibus ex filio præteritis hoc remedio consultum fuerit jure civili, quæritur, an etiam eo omisso bonorum possessionem contra tabulas petentes admiserit prætor? Et D. Bachovius putat, magis esse, ut prætor eos excluderet: quod perspicuè falsum est. Etenim prætorem nihil aliud considerasse legimus, quam an liberi præteriti essent, an exheredati, summotisque exheredatis, præteritos omnes, insuper habito discrimine sexus & gradus, admisisse, *l. 1. in pr. & §. 1. de bon. poss. cont. tab. junct. l. 2. sec. tab.* Quod & Justinianus significat, *§. sed hæc. 5. inf. eod.* cum ait, prætores in dandis bonorum possessionibus jus successionis ab intestato, quod liberi omnes sine discrimine sexus, aut gradus ex lege duodecim tabularum habent, secutos. Sed quid argumentis opus est? Textus est apertus in *l. ult. circa pr. C. hoc tit.* verba sunt *Ex prætore autem habebat, (filia præterita) contra tabulas bonorum possessionem in totum, & iterum paulo post: Cum enim per contra tabulas bonorum possessionem, vel jus accrescendi, semissem substantiæ filia præterita accipiebat, &c.* Ait autem nunc *semissem*, quia ante dixerat, constitutione Antonini beneficium prætoris coarctatum fuisse ad quantitatem portionis; quam jure civili filia præterita accipiebat, scriptis hæredibus accrescentes. At cur filius præteritus testamentum valere non patiebatur, filia & nati ex filio non rumpebant? Differentiæ rationem subobscurè indicat *Ulp. l. 8. §. 1. de injust. rupt. test. Filia vel nepos, inquit, quia, cum emancipantur, una emancipatione exeunt de potestate testamentum non rumpunt.* Quorum verborum hic sensus est, mirandum non esse, si jus civile facilius præteriri filiam nepotemve ex filio patiat, quam filium: quippe filium arctiore necessitudine eo jure constringi cum patre, quam filiam aut nepotem cum patre aut avo; id ex eo constare, quod ille tribus demum emancipationibus & manumissionibus, hi una de potestate exeunt: videtis, quæ notavimus ad *§. præterea. 6. sup. quib. mod. jus pat. pot. solv.*

*Licebat inter ceteros hoc facere*) Græci ἀριστοῦ hoc sc. modo, *Titius filius meus hæres esto: ceteri exheredes sunt.* Gregor. Naz. in suo testamento, *οἱ δὲ λοιποὶ πάντες ἕσονται ἀποκληρονόμηται.* Effectus hic erat, ut ita exheredati exhereda-



æve scriptis hæredibus non accrescerent, quod præteritis tribuebatur, ne à prætore contra tabulas ab bonorum possessionem vocarentur, l. 8. cont. tab. in pr. Tantum supererat, ut testamentum inofficiosum dicerent, si nec quartam debitæ portionis accepissent, l. 8. §. quoniam. 8. de inoff. test. l. ult. C. hoc tit. Cæteras leges exhæredationis. Ut purè fiat, l. 3. §. 1. eod. junct. l. sed sub. 18. cont. tab. ut simpliciter, non ex re certa, l. cum quidam. 19. hoc tit. ut ab omnibus gradibus, d. l. 3. §. 2. & seqq. eod. vid. D. Perez in C. hoc t. n. 9. & 10. etiam in filiabus & natis ex filio locum habuisse existimo, iisque neglectis, non rite exhæredationem factam & pro præteritione habitam fuisse. Illud constat, non eo minus exhæredationem rite factam ex ratione juris veteris intelligi, & testamentum subsistere quod causa exhæredationis testamento expressa non est, cujuscumque generis sint liberi exhæredati; ac proinde etiam prætoris beneficium hic cessare, solamque relinqui exhæredatis querelam inofficiosi. An verò id à Justiniano mutatum sit. Nov. 115. cap. 3. alibi disputabimus.

Si alius filius non extet. ) Nam si plures sint filii, benigna interpretatione potius à plerisque responderetur, nullum exhæredatum esse, l. 2. hoc tit. Demonstratio autem ac definitio sufficit, quamvis nomen taceatur, aut etiam filium dicere pater pepercit, veluti si ex Sejanatum dixerit, aliterve eum descriperit, vel cum convitio, l. 3. pro. eod. Nam sermo omnis, ut in univèrsum dicam, quo dilucidè designatur persona, de qua quis loquitur, exhæredationem nominatim facit, arg. l. nominatim. 34. de cond. & dem. Summa igitur discriminis, quod inter liberos jam natos fuit, hæc est; quod præteritio filii testamentum infirmabat; quod non nominatim exhæredatus pro præterito habebatur: at cæteri præteriti manente testamento scriptis hæredibus accrescebant, & quamvis non nominatim exhæredati, tamen si cætera observata essent, pro rite exhæredatis habebantur. Nondum me hinc arbitre sinunt interpretes. Illud prius investigandum est, an ut testamentum, in quo filius est præteritus, nullum est jure civili, ita quoque vim nullam habeat jure prætorio? Et video maximam partem censere tale testamentum neutro jure subsistere, atque in totum tam jure prætorio, quàm civili improbari, Cyn. Bald. Castr. in l. 2. C. de bon. poss. cont. tab. Clar. §. testamentum. qu. 43. n. 1. Gomez. 1. var. ref. c. 11. n. 5. quam sententiam prolixè tractur Ant. Fab. 9. conj. 14. & decad. 37. err. 1. & 6. Argumentum eorum præcipuum est,

quod in casu proposito, etiam prætorio jure succedatur ab intestato, hoc est, filio præterito detur bonorum possessio, unde liberi. l. ult. hoc. tit. l. 1. §. ult. si tab. test. null. ext. quâsi nec prætor hic nullas tabulas agnoscat. Sed verior est sententia Gloss. in d. l. 2. C. cont. tab. quam & Bart. ibid. probat; item D. Vigl. hic. Goveant. 1. var. lect. 5. Vaf. 3. controrov. illust. 100. & lib. 2. de succ. creat. §. 28. num. 138. & seqq. tale testamentum jure prætorio nullum non esse. Rationes hæc sunt. 1. Quoniam filius præteritus rectè petit bonorum possessionem contra tabulas, l. 1. de bon. poss. cont. tab. §. 1. inf. de bon. poss. ut proinde necesse sit tabulas aliquas jure prætorio intelligi. 2. Quia scriptis in eo testamento hæredibus datur bonorum possessio secundum tabulas, l. 2. in pr. de bon. poss. sec. tab. ubi prætor dicitur hunc ordinem servare, ut primo velit ad liberos præteritos pertinere bonorum possessionem contra tabulas, mox si inde occupata non sit, judicium defuncti sequatur, & scriptos admittat secundum tabulas. 3. Quod in danda bonorum possessione secundum tabulas hoc tantum prætor consideret, an testamentum septem testium signis signatum sit, licet solemnia quædam jure civili requisita desint, Ulp. tit. 28. §. etiamsi. 6. 4. Quia prætor vix majorem suorum quàm emancipatorum rationem habet: quod ex eo pater, quod etiam emancipatos institui aut exhæredari jubet, §. 3. inf. eod. & tamen si præteriti sint testamentum jure prætorio subsistit. 5. Huc fac. l. posthumus. 12. in fin. pr. l. filio. 17. de injust. rupt. test. l. 12. §. de bon. poss. cont. tab. Ad argumentum autem modo propositum commodè responderi potest, prætorem ita esse proprii juris auctorem, ut simul etiam sit custos juris civili, quod etiam sequatur, si quando potentius jus est ejus qui jure civili vocatur. Nec magis absurdum videri debet, eo jure dici testamentum valere, quo etiam succeditur ab intestato, quàm bonorum possessionem secundum & contra tabulas eodem jure dari. Nimirum non uno modo nec simul omnibus prætor consuli, sed successivè: & quia prior ac potentior est conditio liberorum præteritorum in petenda bonorum possessione contra tabulas, hos prius admittit: quod si illi decesserint, aut petere neglexerint, nihil absurdi se facturum putavit, si tunc scriptis hæredibus daret secundum tabulas. Quin & suos præteritos, qui jure civili testamentum nullum dicere possunt, admittit ab intestato ex capite unde liberi, ut custos & administrator juris civili, l. ult. hoc tit. l. 1. §. ult.



*ult. unde liberi.* Planè si filius præteritus ultro se bonis paternis abstineat, hic jam fatentur interpretes, prætorem hujus testamenti rationem habere, & scriptis in eo hæredibus dare bonorum possessionem secundum tabulas, quamvis subtili juris civilis ratione non eo magis consistat, *l. filio. 17. de injust. rupt. test.* idque procedit ex sententia majoris partis, sive scripti sint, qui remoto filio rem ab intestato auferre possent, sive extranei, teste Claro. *d. qu. 43. n. 3.* Verissima sententia, sed à plerisque aut non intellecta, aut non bene explicata. Veram esse ostendunt tum cætera, quæ disputavimus tum evidentissime *d. l. 2. in pr. sec. tab.* quo loco Jurisconsultus scribit, prætorem velle, si bonorum possessio contra tabulas à liberis præteritis occupata non sit, eam secundum tabulas reverti ad hæredes scriptos, sine ulla qualitatis eorum distinctione. Ita verò est, Prætor ut simpliciter scriptis hæredibus bonorum possessionem pollicetur, ita petentibus eam denegare non potest: sed sæpe accidit, ut ea sine re sit & inutilis; tum etiam in modo & effectu haud parum interest, extranei scripti sint, an qui amato filio ab intestato succederent. Etenim sciendum est, bonorum possessionem secundum tabulas aut cum de re dari, hoc est, cum effectu, ut is, qui accepit, bona retineat, aut sine re, cum alius jure civili evincere hæreditatem possit, *Ulp. tit. 23. §. si septem. 5. & tit. 28. §. ult.* Finge ergo, scriptum hæredem in petenda bonorum possessione prævertisse filium, qui præteritus erat, bonorum possessio, quam petens à prætore accepit, efficietur sine re, sive proximus ab intestato, sive extraneus scriptus sit, ubi scilicet filius jure suo uti volens; quippe cujus jus potentius est, quam hæredis scripti, etiam ipsi prætori. Et ideo ne res sit sine effectu, solet fere prætor differre secundum tabulas dare, *d. l. 2. sec. tab.* Finge, filium præteritum jure suo non uti, sed hæreditate patris abstinere; hic quidem etiam extranei hæredes in tabulis scripti secundum eas bonorum possessionem petere possunt: cæterum & hæc sine re futura est, si agnati proximi hæreditatem jure civili vindicabunt ab intestato, *Ulp. d. tit. 23. §. si septem. 5.* Verum enim est, eo jure testamento nullum esse. Sed & prætorem existimo proximos hic prælatorum ex edictis *Unde legitimi, & unde cognati.* Quapropter rarissimè & uno dumtaxat casu fit, ut extranei bonorum possessionem cum re consequantur, si videlicet proximi ab intestato suo jure uti nolent, quæ causa est, quod in hac disputatione conditio additur in *fin.*

*pr. d. l. posthumus. 12. de injust. rup. test. si bonorum possessio data fuerit ei, qui rem ab intestato auferre possit.* Atque ad hunc ferme modum etiam differit D. Bachov. in §. non tamen. 6. *inf. quib. mod. test. inf.* Ant. Fab. parum hic sibi constat, ut videre est *lib. 1. conjest. 19. & lib. 9. c. 14.*

## TEXTUS.

## De posthumis.

1. *Posthumi quoque liberi vel hæredes institui debent, vel exheredari. Et in eo par omnium conditio est, quod & filio posthumus, & quolibet ex cæteris liberis, sive fœminini sexus sive masculini, præterito, valet quidem testamentum, sed postea agnatione posthumi sive posthumæ rumpitur, & ea ratione totum infirmatur, ideoque si mulier, ex qua posthumus aut posthumæ sperabatur, abortum fecerit impedimento est scriptis hæredibus ad hæreditatem adeundam. Sed fœminini quidem sexus personæ vel nominatim vel inter cæteros exheredari solebant: dum tamen, si inter cæteros exheredarentur, aliquid eis legaretur, ne viderentur præterita esse per oblivionem. Masculos verò posthumos, idest, filios & deinceps, placuit non aliter rectè exheredari, nisi nominatim exheredarentur, hoc scilicet modo, Quicumque mihi filius genitus fuerit, exhæres esto.*

## NOTÆ.

1. *Posthumi*) Posthumi, vel potius postumi, ut scribendum docet Grot. *spars. fior. sup. ad tit. qui test. tut. dar.* dicuntur, qui post mortem patris nascuntur, *l. 6. de inoff. test. l. 3. §. 1. de injust. rupt.* Plutarch. in *Coriol. & Syl. Amm. Marcell. lib. 21.* Uxorem prægnantem reliquit, unde edita posthumæ.

*Torum infirmatur.*) Nec hoc mutatum Nov. 115. c. 3. ut falso existimat Pac. Igitur posthumi cujuscumque sexus aut gradus præteriti agnascendo rumpunt: filix & nepotes præteriti non rumpunt, sed accrescunt scriptis: filius præteritus testamentum valere non patitur, *l. 1. l. 3. l. 8. §. 1. de injust. rupt. l. 30. b. 1.* Quod si posthumus præteritus vivo patre natus decesserit; datur scripto hæredi bonorum possessio secundum tabulas. *l. 12. de injust. rupt.*

## COMMENTARIUS.

- 1 Cur in posthumis non distinguatur sexus & gradus quoad necessitatem exheredandi?
- 2 Cur placeat posthumis præteritis testamentum ab initio valere?



Quam rationem habeat, quod filia posthuma inter cæteros non rectè exhæredabatur absque legato?

Quam item, quod nepotes posthumi etiam nominatim exhæredandi?

Dictum est de liberis suis hæredibus, qui tempore testamenti facti jam nati sunt; sequitur de posthumis; quo verbo hic intelliguntur omnes, qui nondum nati sunt eo tempore, quo parens testamentum condit, quamvis eo adhuc vivo postea nascantur, l. 3. §. 1. l. 12. in pr. de injust. rupt. test. Inter hos & liberos jam natos quadruplex discrimen hic animadvertitur. Primum est, quod posthumis præteritis, cujuscumque gradus aut sexus sint, testamentum ab initio jure consistat, cum præterito filio superstite testamentum injustum sit & nullum, l. 1. §. d. l. 3. §. 3. de injust. rupt. Secundum, quod posthumi omnes, sive masculi sive foeminae; si hæredes non instituantur, exhæredandi sunt; præteriti agnascendo testamentum rumpunt, & totum infirmant; filia autem natæ & nepotes ex filio præteriti non rumpunt, sed scriptis hæredibus ad certam portionem accrescunt, ut dictum §. præc. Tertium, quod posthumis filiiabus inter cæteros exhæredatis, pater aliquid legare cogitur; jam natis non item. Quartum, quod posthumi masculi non tantum primi gradus, sed etiam inferiorum, nominatim exhæredandi sunt; quod non est necesse in nepotibus tempore testamenti natis.

Valet quidem testamentum, sed postea agnatione rumpitur.) In hoc cernitur differentia filii posthumi præteriti & jam nati, quia præteritus testamentum subsistere non patitur: item filiarum, nepotumque posthumorum & superstitem, qui præteriti testamentum non rumpunt, l. 8. §. 1. de inju. test. Cajus lib. 2. t. 3. §. 2. Cur verò sexus & gradus non æquè in posthumis distinguitur; ut in liberis natis, placetque non minus agnatione filia posthumæ præteritæ, aut nepotis quam filii, testamentum rumpi? Nimirum cum benignè atque humaniter, quoad fieri potest, de parentum in liberos voluntate sentiendum sit; judicarunt consilii, testatorem vel ignorasse conceptionem vel conceptum & nondum editum per oblivionem præterisse. Ad hæc incertum est, si filius in utero sit, an filia.

Abortum fecerit.) Hinc petenda ratio, cur posthumo præterito placet testamentum ab initio valere: nimirum quia fieri potest, ut non nascatur, abortum faciente muliere, ex qua sperabatur, l. 2. C. de post. hæ. Atque

hactenus ergo nec pro nato habetur; frustra- que objicitur, eum, qui in utero est, quoties de commodo ejus agitur, pro eo qui in rebus humanis sit, haberi, l. 7. l. pen. de stat. hom. Nullum enim hic incommodum sentit, cum statim ut editus est, testamentum rumpat, & regula ista sic temperanda est, si modo postea nascatur: tunc enim fictione juris nativitas retrotrahitur. Quamdiu verò quis in utero est, propriè nondum homo vel animal est, l. 9. §. 1. ad. l. Falc. sed spes tantum animantis, l. 2. de mort. inf. nec in potestate patris antequam nascatur, l. ult. de collat. ac proinde qui mortuus editus est, neque natus, neque procreatus videtur, quia numquam filius appellari potuit, l. qui mortui. 129. de verb. signif. Sed etsi mulier monstruosum aliquid aut prodigiosum enixa sit, placet testamentum non rumpi, l. 3. C. de post. hæ. quia liberi non sunt, qui contra formam humani generis procreantur, l. 14. de stat. hom.

Sed foemini quidem sexus persona, &c. Quamquam ad necessitatem exhæredandi quod attinet, par omnium posthumorum conditio erat, nec sexus in posthumis distinguebatur; in forma tamen exhæredationis aliqua erat jure antiquo differentia inter mares postumos & foeminas: nam illi omnes non nisi nominatim rectè exhæredabantur, hæ poterant & inter cæteros. At enim si inter cæteros exhæredatæ essent, non aliter rite exhæredatio facta intelligebatur, quam si quid eis legatum fuisset, Ulp. tit. 22. §. posthumus. 21. Qua in re etiam 3 elucet insignis differentia inter exhæredationem posthumarum & filiarum superstitem: hæ enim & sine legato inter cæteros exhæredari poterant, illæ non poterant, ne, ut ait hic Imp. viderentur præteritæ per oblivionem. Quippe pro posthuma dici potest, generalem clausulam ad eam non pertinere, cum potius præsumendum sit patrem ignorasse eam esse in utero, & ideo ignoratione potius præterisse, quam clausula illa, inter cæteros, voluisse exhæredari: uti semper benignè judicandum est de patrum erga liberos voluntate, quod facultas fert. De filia autem superstite, quam natam pater novit, dubitari non potest, quin pater cogitaverit, & tacitè eam comprehenderit sub simplici & indeterminata exhæredatione; uti & de posthuma, cui inter cæteros exhæredatæ legatum relinquit, quod præsumptionem oblivionis penitus tollit. Ex iis autem, quæ modo dicta sunt, manifestum est, rectè judicare D. Cujacium ad l. 4. hoc. tit. de interpolatione principii, l. 3. de injust. rupt. & quod Ulp. scripserat, Posthumi virilis



sexus notatim exheredandi sunt, Tribonianum, ut inserviret constitutioni Justiniani, de qua dicendum infra §. sed hæc, §. sic immutasse, Posthumi per virilem sexum descendentes.

Filios & deinceps.) Certum est, verbo deinceps intelligi nepotes posthumos ex filio, & eos quidem solos, qui nati sui hæredes futuri sunt: nam alii testamentum non rumpunt, licet in potestate avi nascantur, puta quorum pater adhuc vivit, & in potestate patris sui est, §. seq. l. 13. de injust. rupt. Ait, non aliter rectè exheredari, nisi nominatim. Igitur nec si legatum adscriptum fuerit, valebit ne in nepote quidem exhereditatio, non nominatim, sed inter cæteros facta. Atque hic jam notandum, primo diversum jus hac in parte observatum fuisse in nepotibus nascituris & natis. Etenim natos jam nepotes non tantum nominatim, sed inter cæteros quoque exheredare licebat: quin & salvo testamento præteriri: ejusdemque omnino conditionis erant, cujus & superstitis filia, §. præc. Ulp. d. tit. 22. Nepotes autem posthumi utrisque meliores: quippe qui non modo non præteriri, sed nec inter cæteros tuto poterant exheredari. Quæ juris varietas non aliam rationem habet, quàm eam, quæ modo dicta est, filiam posthumam à nata separari. Deinde notanda etiam differentia inter posthumos nepotes & posthumas filias, quæ inter cæteros rectè exheredabantur, utique legato honoratæ: cum nepotis posthumi exhereditatio nominatim facienda esset, nec sufficeret inter cæteros exhereditatos legatum adscriptisse. At enim iniquis; cum nepotes nati eodem jure cum filiabus natis uterentur, cur non similiter placuit, nascituros eodem jure uti, quo utebantur filia nascitura? Jason aperte, & cum eo tacite Viglius, fatentur, se hujus rei rationem ignorare: & sanè, quod D. Horomannus putat, ubi legatum adscriptum est, non potest esse locus benignæ præsumptioni de alia voluntate parentis, quasi hunc posthumum nepotem non tam excludere voluisse videri debeat, quàm per errorem præterivisse. Una illa ex pluribus, quas affert D. Wesemb. maximè probabilis est, quod etsi legatum avus adjecerit, nisi tamen nominatim posthumum nepotem exheredaverit, videri possit & debeat de posthuma filia potius nascitura (quæ inter cæteros cum adjectione legati exheredari solita erat) quàm de postumo masculo cogitasse, spe propagationis nominis & familiaræ lux: cuiusmodi voluntatis conjecturam non admittunt nepotes nati. Quid ergo est, quod Ulp. d. tit. 22. §. nepotes, 22. scribit, nepotes &

pronepotes, cæterosque masculos posthumos præter filium, vel nominatim, vel inter cæteros cum adjectione legati exheredandos: sed tutius tamen esse nominatim eos exheredari, atque id observari magis? Nimirum ex ratione juris, quod nepotes & filias fere eadem vult esse conditione, l. 8. 1. de injust. rupt. posse & nepotes posthumos sicut filias posthumas exheredari; cæterum propter benignam illam, quam dixi, in dubio voluntatis interpretationem aliud receptum fuisse, VINN. Acutior est ratio hujus discriminis, quam adfert V. G. Schulting. ad Ulpian. l. c. p. 641. quod jus circa fæminas constitutum originem debeat rationibus Voconianis. HENR. Quicumque mihi filius.) Positum exempli causa: ne quis ex hoc loco colligat, nepotem appellatione filii contineri etiam in re odiosa. Utendum autem necessario generali demonstratione, cum speciali nomine aut signo posthumum demonstrari nequeat. An adhuc hodie posthumi, & præsertim post Nov. 115. cap. 1. exheredari cum aliquo effectu possint, alibi videbimus.

## TEXTUS.

### De quasi posthumis.

2. Posthumorum autem loco sunt & hi, qui in sui hæredis locum succedendo quasi agnascendo sunt parentibus sui hæredes: ut ecce, si quis filium, & ex eo nepotem neptemve in potestate habeat, quia filius gradu præcedit, is solus jura sui hæredis habet, quamvis nepos quoque & neptis ex eo in eadem potestate sint. Sed si filius ejus vivo emoriatur, aut qualibet alia ratione extat de potestate ejus, incipit nepos neptisve in ejus locum succedere, & eo modo jura suorum hæredum quasi agnatione nanciscitur. Ne ergo eo modo rumpatur ejus testamentum, sicut ipsum filium vel hæredem instituire, vel nominatim exheredare, ne non jure faciat testamentum: ita & nepotem neptemve ex filio necesse est ei vel hæredem instituire, vel exheredare, ne forte eo vivo, filio mortuo, succedendo in locum ejus nepos, neptisve, quasi agnascendo rumpat testamentum. Idque lege Julia Velleja provisum est: in qua similis exhereditationis modus ad similitudinem posthumorum demonstratur.

## NOTÆ.

2. Quamvis nepos quoque) §. 2. inf. de hæc. que ab int. §. 2. inf. de hæc. qual. & ideo firmiter manet avi testamentum, in quo hic nepos præteritus, si vivo filio nec capite minuitur,



aus decesserit, l. 6. *pr. de injust. rupt. l. 1. si tab. test.*

In ejus locum succedere.) Successio hæc vellet quædam agnatio est, propterea quod successione in locum sui hæredes fiunt.

Legis Julia Velleja.) Cujus legis caput secundum, relatum in d. l. 29. §. 30. interpretati Cajus d. l. 13. & Justinianus hic. In casu d. l. 13. §. pen. qui ad neutrum caput legis seorsum pertinet, Julianus quoque induxit, ne comparatur testamentum, quasi duobus capitibus legis commisit; bellè Fabrot. *ad Theoph.*

## COMMENTARIUS.

Quasi posthumorum varia genera.

Qui agnascendo, qui succedendo seu quasi agnascendo rumpant?

Cur plus tributum nepti quasi postuma, quam filie aut nepoti, qui tempore testamenti avo proximus est?

Jus antiquum circa institutionem, & exhæredationem posthumorum.

Quid Gallus Aquilius circa nepotis postumi institutionem introduxerit?

Quid lex Velleja permiserit non permissum jure antiquiore?

Qui cui religio est scribere postumus, is per me licet sine H. scribat, postumus, cum Jac. l. 3. *obs. 4. & in comment. ad l. Gallus, hoc t.* Illud tamen tenendum est, postumos à veteribus propriè dici eos, qui post mortem patris nascuntur, testibus Ulp. l. 3. *de injust. test. Varron. lib. 4. Fest. lib. 15.* Paterarchus quoque in Sylla scribit, postumos à Romanis appellatos τὸν ὕστερον τῆς πατρὸς τελευτῆς γενόμενους, uti & in *Coriolano*. Et Græcis interpretibus dicti κροφόρημενοι, quod mortis parentum tempore in utero fuerunt. At post legem Juliam Vellejam, quæ filii liberi, iique nati, vivo adhuc parentum testatore, hæredes instituendi aut exhæredandi sunt, ne agnascendo aut succedendo testamentum rumpant instar posthumorum, reperunt duo quodammodo esse posthumorum genera; unum eorum, qui verè & propriè postumi sunt & dicuntur, videlicet qui nascuntur post mortem parentum: alterum qui impropiè & secundum quid, nempe quoad effectum rumpendi testamentum, si non sunt instituti aut exhæredati, quos quasi postumos & postumos Vellejanos appellare solentur. Sed & in his, qui post factum testamentum adoptantur, quæ in manum conueniunt, in filio, qui ex prima secundave ma-

numissione in potestatem patrii revertitur, similitudo quædam agnationis suorum hæredum est, & præteriri instar posthumorum testamentum rumpunt, Ulp. *tit. 23. §. 2. Cajus lib. 2. tit. 3. §. 4. l. filio 23. hoc t. junct. §. 1. inf. quib. mod. test. inf.* Est & posthumus Cornelianus, qui capto ab hostibus patre natus est in civitate: de quo in l. 15. *de injust. rupt. test. l. qui bona 22. §. ult. de capt. & postlimin. Ant. Fab. 10. conj. 9. & 10.* ubi disputat, an hic posthumus & Vellejanus dici possit. Descriptum fere ad verbum hic locus est ex Cajo, *l. posthumor. 13. de injust. rupt. test.*

In suis hæredis locum succedendo, quasi agnascendo) Nepotes præteriti, qui demum post factum testamentum nascuntur patre mortuo, avo testatore superstiti, non succedendo in locum patris & sui hæredis, sed agnascendo testamentum rumpunt. Nascuntur enim sui hæredes, non fiunt successione, & ideo pertinent ad caput primum legis Vellejæ, quod Imp. hic non tangit. At illi, de quibus hoc loco & in d. l. 13. sermo est, & scilicet qui jam nati sunt, quo tempore avus testamentum facit, sed quibus pater & suus hæres obstat, quominus & ipsi jura sui hæredis habeant, illi inquam præteriti, si vivo adhuc avo pater eorum suus hæres esse deferit, testamentum rumpunt succedendo, hoc est, subeundo locum patris prædefuncti aut emancipati; non agnascendo ( quoniam agnasci propriè dici non possunt, qui ante testamentum nati sunt, ) sed quasi agnascendo, propterea quod successione in locum sui hæredis sui hæredes fiunt; nimirum quemadmodum velut posthumus aut postumi loco habetur, quia in jus sui hæredis succedit, ita & successio ejus velut quædam agnatio. Illi ad primum legis Vellejæ caput pertinent, l. 29. §. 12. *b. t. hi secundum d. l. 29. §. 13. l. 13. de injust. rupt.*

Quia filius gradus præcedit) Fieri potest non in persona filii, sed in persona nepotis, ut in avi potestate sit, nec tamen inter suos hæredes numeretur, eo quod pater eum in causa successione præcedat: neque enim ad hoc ut quis jus sui hæredis habeat, sufficit in potestate esse, nisi simul proximum à defuncto gradum obtineat, hoc est, nemo eum in suo ordine antecedit, §. 2. *inf. de hæ. qual. & diff. §. 2. inf. de hæ. que ab int.* Et ideo nepos, quem pater præcedit, nec exhæredari ab avo debet, sed firmum manet avi testamentum, in quo hic nepos præteritus est, si vivo filio & in eodem statu manente avus decesserit, l. 6. *in pr. de injust. rupt. l. 7. unde lib.*

Sed si filius vivo eo moriatur) Filio de familia



lia sublato, statim nepos ex eo in locum & gradum ejus successit, atque in succedendo in familia avi jus sui hæredis quasi agnatione nanciscitur: quapropter si eo se tempore præteritum deprehendat, exemplo posthumi testamentum rumpit. Unde qui filium atque ex eo nepotem in potestate habet, ei, si omnino securè testari velit, necesse est etiam hunc nepotem similiter ut filium hæredem instituire vel exhæredari: alioqui si contingat filium vivente adhuc patre suo mori, aliave ratione de familia exiri, nepos mox patris locum occupans testamentum rumpet.

3 Ita & nepotem neptemve ex filio) Plus igitur tribuitur huic nepti, quàm filix, quæ præterita jure antiquo testamentum non rumpit, *sup. eod. in pr.* Hoc ne cui mirum videatur, animadvertendum est agi hic de nepte, quam pater tempore facti testamenti præcedebat, & quæ postea in illis sublato locum succedit instar posthumæ. Itaque quod juris erat in filia posthuma, ut præterita testamentum rumpere, id procedendum erat ad hanc neptem, quasi posthumum, simili conjectura pietatis, quippe quam, ut credi par est, hæredem avus fecisset, si tempore testamenti primum ab eo gradum obtinisset. Eademque ratio est, cur neptis hæc meliore etiam conditione sit, quàm nepos, qui tempore testamenti avo proximus est: quòd cum non animadverteret D. Viglius, credidit, *in pr. b. t.* jus antiquum referri, quod postea lex Velleja abrogaverit, insigni & manifesto errore, illud quoque notandum, quod particula *nominativum*, quæ in propositione hujus comparationis exprimitur, non reperitur in redditione, uti nec in *d. l. 13. de injust. rupt.* Id quod consulto factum est, ut intelligamus, neptem quidem cum filio comparari in exhæredatione, quod necessitatem; at non in qualitate aut modo exhæredandi. Et enim cum neptis ex filio ascendens in locum patris utatur jure posthumæ, sufficere debet indefinitè eam exhæredari, utique cum adjectione legati: quandoquidem non plus juris habet filia posthuma. Enim verò nepotem, quem posthumi jure uti placuit, eadem forma, qua filium, exhæredandum esse arguunt, quæ Imperator dixit in calce §. *præc.*

Legis Julia Velleja provisum est) Legis hujus duo præcipua capita fuisse docet nos Scævola *l. Gallus. 29. §. nunc de 11. & seqq. hoc tit.* quorum uno permissum fuit, institui posthumos etiam alienos dummodo sui nascerentur, licet vivo adhuc testatore: altero cautum, ne nepotes in locum sui hæredis succedentes testamentum rumpere, in quo ipsi instituti es-

sent, vel exhæredati, cujus posterioris capituli explicatio à Justiniano hoc loco tradita est verbis Caji in *l. posthumorum. 15. de injust. rupt. test.* Nihil adhuc intelligimus, nisi sciamus, cur in eas res lata fuerit lex Velleja, & quid ea permiserit non permissum jure antiquiore. Exponam autem paucis quid in re obscura sentiam. Cum lege duodecim tabularum cautum esset: *Usi quisque legassit sua rei ita jus esto, l. verbis. 120. de verb. sign. hæc legis verba, uti legassit*, sic prudentes interpretati sunt, uti quisque certo consilio ac judicio statuerit, decreverit, ac imperaverit, quid de re pecuniaque seu post mortem suam fieri velit. Absurdum enim visum fuit, eam testatoris voluntatem jus facere aut ratam haberi, quæ nec consilio nec judicio certo regeretur. Hinc ex sententia legis persona incerta, hoc est, quam incerta opinione animo suo testator subjecerat, neque hæres institui, neque legatum ex testamento capere poterat, §. *incertis. 25. de legat. inf. Ulp. tit. 21. §. 3.* ubi & eandem hanc ejus rei rationem reddit, quoniam certum esse debet consilium testantis. His porro consequens est, nec eum, qui in utero est, ex ejusdem legis sententia hæredem potuisse institui, utpote qui & ipse persona incerta habeatur, aut ut Theophilus loquitur §. *alienus. 26. inf. de legat. 1. & 2. in præteritis per posthumos*; propterea credo, quòd incertum est, an nasciturus aliquando sit necne masculus an foemina; unus, an plures nascituri. Et quamquam quod ad legitimam hæreditatem posthumum pro jam nato semper habitus est, *l. pen. de stat. hom.* id tamen ob rationem, quam diximus, non obtinebat in hæreditate testamentaria. Cum igitur ea ratione eveniret, ut sive institutus, sive exhæredatus, sive præteritus esset posthumus, qui suus hæres testatori nasciturus erat, testamentum agnascendo rumpere, & in totum voluntatem testatoris everteret, paulatim disputatione fori introductum ad conservanda suprema hominum judicia, & in testamentaria successione posthumi sub hoc est, qui si tempore testamenti nascerentur, inter suos hæredes futuri & præteriti testamentum omnimodo rupturi essent, pro natis haberentur, instituique atque exhæredari possent: quod Cajs quodammodo significat *lib. 2. tit. 3. §. 2.* ubi de institutione & exhæredatione posthumorum agens ait, in ea etiam re legitime conceptos pro natis haberi. In alieno posthumo nihil visum, cur à ratione juris veteris recederetur; quippe cujus institutio necessaria non est, cum natus testamentum



numquam rumpat. At enimvero quia fieri potest, ut qui tempore testamenti alienus est, suus tamen nascatur, atque ita rumpat, (nam cum quaritur, an testamentum agnatione rumpatur, non conceptionis tempus, sed natiuitatis inspicitur,) Gallus Aquilius induxit, non legem ferens, ut perperam Viglius, sed quod nemo ante eum obseruauerat ostendens) posse etiam eos posthumos, & nimirum nepotes, qui testamenti quidem tempore alieni sunt, subducto autem patre sui hæredis auctores hæredes instituti sine fraude ejus hæresis, quo placebat, posthumos alienos hæredes institui non posse. Quam in rem concepit hujuscemodi formulam, *Filius meus hæres esto. Si filius meus viva me morietur; tunc si mihi ex eo nepos post mortem meam in decem mensibus proximis, quibus filius meus moretur, natus erit, hæres esto, l. Gallus. 29. b. t. Dices, nepotem hic institutum esse posthumum alienum. Fatebor, si simpliciter consideretur ut posthumus, quia si tempore testamenti facti auferetur, non esset suus hæres auctoris testatoris. Negabo, si ut posthumus Aquilianus, siue, eo modo, quo à Gallo instituitur, qui institutionem hujus nepotis confert in id tempus, quo suus erit: ea vis est articuli tunc, quo temporis extremitatem significat, l. 4. §. 1. de cond. & dem. Hoc igitur modo considerandum, non alienus, sed suus est, & salva ratione juris veteris juxta formulam Aquilianam instituitur. Adhuc posthumi vivo testatore nati institutio inutilis erat. Etenim cum ut posthumos hæredes instituere liceret, eatenus tantaxat receptum esset, quatenus testamentorum favor & necessitas postulabat, eorum, qui vivo testatore nascuntur, institutio non debeatur necessaria: quamvis enim & ipsi non eo minus testamentum rumpant; licebat tamen testatori aliud testamentum condere, ut rei suæ de integro prospicere. Porro nec is posthumus, qui tempore testamenti alienus erat, pure poterat institui; hoc enim ut fieri posset, Gallus non induxerat, neque adeo inducere poterat salva ratione juris. Postremo neque nepotis, quem filius præcedebat, nati tempore testamentum factum institutio efficiebat, si nomen in patris remoti locum postea succedens testamentum rumpere: fortassis quia nihil est non sufficere, institutum esse tantum extraneum eum, qui tempore mortis testatoris reperitur suus. Tandem etiam in istis omnibus testamentorum securitati prospectum est lege Julia Velleja; cujus legis, ut ante quod diximus, duo capita fuerunt, quorum primo permittitur eorum posthumorum insti-*

tutio, qui vivis nobis sui nascituri sunt, ut etiam pure institui possint; capite altero cavetur, ne nepotes jam nati tempore testamenti facti succedentes vivo testatore in locum sui hæredis testamentum rumpant, in quo ipsi sunt instituti aut exhæredati, *d. l. Gallus, 29. §. nunc de. 11. cum seqq. b. t.* Plura qui nosse desiderat, adeat commentaria, quæ in *d. l. extant doctissimorum hominum, Salomonii, Goveani, Cujacii, Duareni, Alciati lib. 3. paradox. 2. & seqq. Ant. Fab. lib. 9. conj. per tot. & multis cap. lib. 10. sed nostra hæc ut præluceant. VINN. Obiter monere visum, hanc legem propriè non dici Juliam Vellejam, uti in hoc §. & apud Ulpian. tit. 22. §. 19. scriptum reperimus, sed Juliam Vellejam. l. 10. §. 2. ff. de test. tur. l. 13. ff. de injust. rupt. irr. Unde auctores sunt Junius Silanus & Vellejus Tutor Coss. quibus & SC. Vellejanum tribuitur. l. 2. §. 1. ff. ad SC. Vell. Add. laudat. Schulting. ad Ulpian. l. c. p. 640. HEIN.*

## TEXTUS.

## De emancipatis.

3. *Emancipatos liberos jure civili neque hæredes instituere neque exhæredare necesse est: quia non sunt sui hæredes. Sed prætor omnes tam fæminini sexus, quàm masculini, si hæredes non instituantur, exhæredari jubet; virilis sexus nominatim; fæminini verò inter ceteros: quia si neque hæredes instituti fuerunt, neque ita, (ut diximus,) exhæredati, promittit eis prætor contra tabulas testamenti honorum possessionem.*

## COMMENTARIUS.

- 1 *Emancipatos sub colore quodam suitatis à præ-tore vocati ad bonorum possessionem.*
- 2 *Prætorum in modo exhæredandi distinctionem sexus & gradus, quam jus civile fecit.*
- 3 *Absurdum non esse, quod filia emancipata melioris conditionis jure prætorio fuerint, quàm non emancipata jure civili.*

**Q**uia non sunt sui hæredes) Liberi emancipati exeunt è familia & potestate patris, §. præterea 6. sup. quib. mod. jus pat. pot. solvo. ac sui juris ita effecti propriam familiam habere incipiunt; l. pronuntiatio. 195. §. 2. de verb. sign. Itaque jus omne, quod in familia patris antea habebant, amittunt: definunt esse sui hæredes & agnati, quos solos ad successionem ab intestato lex vocat propter

Fff

fa-



familiam conservationem : denique pro alienis & extraneis jure civili habentur. l. 6. §. 1. de bon. poss. l. 7. de cap. min. §. inf. de hær. qual. §. emancipati. 9. inf. de hær. ab int. Quo posito sequitur nec ullam eo jure patri necessitatem imponi liberos emancipatos vel instituendi, vel exhæredandi, eorumque præteritione testamentum injustum aut nullum non esse.

*Prætor si hæredes non instituuntur, exhæredari jubet*) Quamvis jure civili deficient liberi, qui propter capitis diminutionem, hoc est, emancipationem, deserunt esse sui hæredes; tamen prætor naturali æquitate motus, & partim etiam ratione civili, (quippe emancipati non minus natura liberi sunt & masculorum soboles, quod ex patre jus civile considerat, quàm non emancipati,) rescindit eorum capitis diminutionem l. 6. §. 1. de bon. poss. Et si testamentum factò præteriti sunt, pollicetur eis bonorum possessionem contra tabulas, l. 1. & passim de bon. poss. cont. tab. & cum suis quoque hæredibus ab intestato eos vocat ad bonorum possessionem unde liberi. §. emancipati. 9. inf. de hær. ab int. d. l. 6. §. 1. Itaque cum effectu juris emancipati beneficio prætoris tantum consequantur quantum sui, (bonorum enim possessio re ipsa & effectu juris ab hæreditate nihil differt, l. 1. l. 2. de bon. poss.) ideo ait, jubet prætorem emancipatos quoque liberos hæredes institui aut exhæredari. Et notandum, quod Jurisconsultus in d. l. 6. §. 1. eod. tit. ait, prætorem rescindere eorum capitis diminutionem post mortem patris. Ex quo intelligimus emancipatos non simpliciter ut emancipatos, sed sub colore quodam suitatis à prætore admitti quasi de potestate nunquam exiissent. Etenim rescissa capitis deminutione, quodammodo in integrum, & in pristinum statum restituntur. fac. l. 3. §. si emancipatus. 5. cont. tab. & ibi Glossa.

*Fæminini sexus inter cæteros*) Cujac. Hotom. Wesemb. & inter cæteros, quod magis placet; quasi dicat Imperator, vel nominatim, vel inter cæteros; aut, ut Ulp. tit. 22. §. emancipatos. 23. Masculos nominatim, fæminas vel inter cæteros. Voluit nimirum prætor, in modo exhæredandi servari differentiam, quam in sexu jus civile faciebat, & haud dubiè etiam quam idem jus faciebat in gradu, de quo in pr. hujus tit. Melioris tamen conditionis apparet fuisse filias emancipatas jure prætorio, quàm erant filix non emancipatæ jure civili: quippe cum illæ præteritæ testamentum in totum jure prætorio rescinderent, hæ non rescinderent, sed salvo testamento ad certam

dumtaxat portionem scriptis hæredibus jure civili accrescerent. Quod minimè absurdum est, licet id existimet D. Bachovius: siquidem filix, quæ in potestate erant, præteritæ, præter jus illud accrescendi, quod jus civile tribuebat, idem etiam jus habebant jure prætorio, quod emancipatæ, (in quo erravit Bachovius, ut supra ostendimus) & testamentum in totum evertabant. Quamquam post constitutionem Antonini non plus per bonorum possessionem contra tabulas consequentur, quàm quantum jure civili capiebant per jus accrescendi, l. ult. circa pr. C. de lib. præt. & omnino verisimile est, post eam constitutionem nec emancipatas per eandem bonorum possessionem plus accepisse, quàm accepturæ fuissent, si mansissent in potestate: quod & Theophilus pro certo tradidit.

*Promittit*) ita legendum, non *permittit*. l. 7. C. comm. de succ. in Basil. ἐπιγγελαί (eis prætor bon. possessionem contra tabul.) Testamentum, in quo emancipatus præteritus est, & civili & prætorio jure subsistit: & ideo emancipato præterito, prætor non dat bonorum possessionem ab intestato unde liberi; sicut præterito, qui in potestate est: nam tale testamentum jure civili non consistit, sed rescindit testamentum patris data bonorum possessione contra tabulas, l. 1. de legat. præst. cont. tab. neque aliud remedium emancipati præteriti habent. Cur vero suis præteritis, qui vel jure civili, vel ex edicto unde liberi ab intestato succedere possunt, nihilominus hoc etiam remedium à prætore detur, dicemus suo loco tit. de bon. poss. lib. 3. Quod detur, satis argumenti est, tale testamentum jure prætorio non esse nullum: est enim remedium hoc natura sua rescissorium; quod autem nullum est, rescindi non potest, l. 5. (de injust. rupt. test. de quo copiosius disseruimus in pr. hujus tit.

## TEXTUS.

### De adoptivis.

4. Adoptivi liberi, quamdiu sunt in potestate patris adoptivi, ejusdem juris habentur, cujus sunt justis nuptiis quæsi. Itaque hæres instituendi vel exhæredandi sunt secundum ea, quæ de naturalibus exposuimus. Emancipati verò à patre adoptivo neque jure civili, neque eo jure, quod ad edictum prætoris attinet, inter liberos connumerantur. Quæ ratione accidit, ut ex diverso, quod ad naturalem parentem atinet, quamdiu quidem sunt in adoptiva familia, extraneorum numero habeantur, ut eos neque hæredes instituere, neque exhæredare ne-



esse fit: cum verò emancipati fuerint ab adoptivo patre, tunc incipiant in ea causa esse, in qua fuerint essent, si à naturali patre emancipati fuerint.

## NOTÆ.

4. *Ejusdem juris*) Extra nuptias quæsti huc non pertinent. Legitimati tamen pertinent, §. 9. *inf. de hæ. ab int. Nov. 89.*

*Neque jure civili, &c.*) Non jure civili, quia desinunt esse sui hæredes: neque jure prætorio, quia simul nomen quoque liberorum amittunt; l. 4. *si tab. test. l. 1. §. 6. l. 3. §. 2. cont. tab.*

*Extraneorum numero*) Tantùm tertio loco ab intestato à Prætorè admittuntur in ordine organorum, §. 13. *inf. de hæred. ab intest. l. 1. §. 4. unde cogn.*

*Cum verò emancipati, &c.*) Scilicet vivo patre naturali, §. 20. *inf. d. t.* Hoc enim caput, ne utriusque parentis exciderent successione, voluit prætor, eos jus naturale liberorum recuperare, l. 4. *si tab. test.*

## COMMENTARIUS.

*Insignis error Hotomanni notatus.*

*Jura liberorum adoptivorum emancipatione in totum dissolvi.*

*Adoptatos, quamdiu sunt in familia adoptiva, jus liberorum in familia patris naturalis non habere.*

*Emancipatos à patre adoptivo jus familia naturalis, quod emancipati beneficio prætoris habent, recuperare.*

Um adoptio æquè liberis adoptatis tribuat jus & nomen filiorumfamil. suoque hæredum, ac natura naturalibus, l. 1. *passim, de adopt. §. 2. inf. de hæ. quæ ab int. l. 5. G. de suis & leg. cum similib.* consequens omnino est, ut ipsi non minus, quàm liberi naturales hæredes institui debeant, aut hæredari; atque ut præteriti idem jus habeant circa parentum testamenta infirmanda, quod naturales habent, l. 2. *in pr. cont. tab.*

Naturales autem liberis hic intelligimus eos, qui ex justis nuptiis procreati sunt: sic enim passim in collatione adoptivorum appellatur, ut notavimus ad *pr. supr. de adopt.* Cæterum legitimati quoque appellatione naturalium continentur: quippe quibus eadem jura per omnia data sunt, quæ habent ii, qui ab intestato ex legitimo matrimonio nati sunt, d. 2. *inf. de hæ. ab int. Nov. 89.* De his dictum §. ultim. *sup. de nupt.*

*Secundum ea, quæ de naturalibus exposuimus*) Et igitur filii adoptivi nominatim exhæredandi, nepotes & filix vel inter cæteros. Item filio adoptivo præterito, aut non rite exhæredato, testamentum ipso jure nullum est; filia & nepote præteritis, firmum manet, sed præteriti institutis hæredibus accrescunt ad eam portionem, ad quam præteritæ filix & nepotes naturales, secundum ea, quæ tradita sunt initio hujus tituli. Dormitavit ergo Hotomannus, cum putavit, majus jus fuisse filix adoptivæ, quàm naturalis; quasi illius præteritio testamentum rupisset, hujus non rupisset, per l. 8. *in pr. de injust. rupt. test.* Alioqui certè vidisset, Ulpianum loqui eo loci, non de præteritione filix, quæ jam ante à testatore adoptata fuerat, quàm testamentum faceret; verùm de adoptatâ vel adrogata demum post factum testamentum: quæ cum utatur jure posthumæ, & in posthumis sexus non distinguatur, quod ad effectum rumpendi attinet, §. 2. *sup. eod. testamentum rumpit quasi agnatione sui hæredis.*

*Emancipati à patre adoptivo neque jure civili, &c.*) Jura liberorum adoptivorum non diutius durant, quàm quamdiu constat adoptio; ea per emancipationem dissoluta, nullum amplius jus habent, sed penitus extranei sunt patri quondam adoptivo, sive jus civile spectes, quia deserunt esse sui hæredes: sive honorarium, quia & omnino liberorum amiserunt, ut cesset ratio naturalis & æquitas edicti, l. 4. *unde liberi, l. 1. §. 2. sui. 6. l. 3. §. 2. cont. tab.* Et igitur nec testamento factò præteriti contra tabulas admittuntur, hoc text. & §. eodem. 12. *inf. de hæ. quæ ab int. nec ad bonorum possessionem unde liberi ab intestato, l. 1. §. liberos. 6. d. l. 4. unde lib. §. minus ergo. 11. & d. §. eadem. 12. inf. de hæ. ab int.*

*Quamdiu sunt in adoptiva familia, extraneorum numero*) Liberi adoptati, quamdiu sunt in familia adoptiva, jus liberorum non habent in familia patris naturalis; sed huic interim intelliguntur esse extranei, non tantùm jure civili, verùm etiam eo jure, quod pertinet ad edictum prætoris. Etenim prætor abunde eos habere censuit in familia patris adoptivi, cui jure civili succedent, unde jacturam bonorum patris naturalis sarciant; absurdum autem esse, unum atque eundem jus filii cum effectu succedendi obtinere in bonis duorum parum. Quamobrem qui in adoptiva familia sunt, quo tempore naturalis parens moritur, ii præteriti, neque jure civili testamentum nullum dicere possunt, neque jure prætorio bonorum possessionem contra tabu-



las petere, neque quasi liberi ab intestato, §. *at hi. 10. cum seqq. inf. de hær. ab int. fac. l. ult. unde lib.* tantum tertio ordine hoc casu admittuntur ut cognati, §. *admonendi. 13. d. tit.*

4 *Cum emancipati fuerint ab adoptivo patre, tunc incipiunt, &c.* ) Quoniam emancipati à patre adoptivo nihil in ejus familia juris retinent, uti modo relatum est, ne utriusque parentis successione fraudentur, voluit prætor, eos jus familiæ naturalis recuperare, *d. l. 4. unde lib.* hoc est, eo jure haberi, ac si à vero & naturali patre emancipati essent; inque eo statu semper mansissent, ut nisi hæredes instituti, aut exhæredati fuerint, bonorum possessionem contra tabulas petere possint. Nec interest, utrum qui à naturali parente in adoptionem datus sit, an qui emancipatus ab eo ipse se adrogari sciverit, postea iterum à patre adoptivo emancipetur; dum tamen vivo adhuc parente naturali. Quod omnino addendum est *d. §. at hi. 10. infr. de hær. quæ ab int. def.*

### TEXTUS.

### JUS NOVUM.

5. *Sed hæc quidem vetustas introducebat. Nostra verò constitutio inter masculos & fœminas in hoc jure nihil interesse existimans, quia utraque persona in hominum procreationem simili naturæ officio fungitur, & lege antiqua duodecim tabularum omnes similiter ad successionem ab intestato vocabantur, quod & prætores postea sequuti esse videntur: ideo simplex ac simile jus, & in filiis & in filiabus & in cæteris descendantibus per virilem sexum personis, non solum jam natis sed etiam posthumis, introduxit; ut omnes sive sui sive emancipati sint, vel hæredes instituantur, vel nominatim exhæredentur: & eundem habeant effectum circa testamenta parentum suorum infirmamanda & hereditatem auferendam, quem filii sui vel emancipati habent sive jam nati sint, sive adhuc in utero constituti, postea nati sint. Circa adoptivos autem filios certam induximus divisionem, quæ in nostra constitutione, quam super adoptivis tulimus, continetur.*

### NOTÆ.

5. *Nostra constitutio* ) *L. 4. C. b. t. ex qua petenda interpretatio hujus §.*

*Lege 12. tabularum* ) *L. 14. C. de legit. hær. ubi hæc eadem iisdem fere verbis exponuntur.*

*Per virilem sexum* ) Quippe matri & avo materno in causa institutionis & exhæredatio-

nis liberi extranei sunt tam jure prætorio, quam civili, *inf. §. ult.*

*Ut omne* ) Tam filiæ & nepotes neptesque, quam filii, & tam nascituri, quam jam nati. Tollitur igitur hic differentia, quæ oriebatur ex sexu & gradu tam in suis *sup. in pr.* quam emancipatis, *sup. §. 3.* tam in jam natis quam in posthumis, §. 1. *sup.* Differentia autem inter suos & emancipatos non tollitur, hoc est emancipati liberi non exæquantur suis, ut & ipsis præteritis testamentum jure non substat.

*In utero constituti* ) Ut filiæ posthumæ non nominatim exhæredatæ agnascendo rumpant, licet, legatum acceperint: quod secus erat jure antiquo, §. 1. *sup.*

### COMMENTARIUS.

- 1 *Sublatio differentie circa effectum præteritis, & modum exhæredationis liberorum, ratione sexus.*
- 2 *Eorundem circa eadem exæquatio ratione graduum.*
- 3 *Sublatio discriminis, quod circa eadem erat in sexus inter posthumos.*
- 4 *Falli qui putant hoc §. tolli differentiam suorum & emancipatorum.*
- 5 *Quid novi circa liberos adoptivos induxerit Justinianus?*

**H**Uc usque relatio juris antiqui: sequitur novum introductum constitutione Justiniani, quæ extat, *l. ult. C. b. t.* qua ille constitutio sustulit veterem in re, de qua disputamus, differentiam sexus & gradus liberorum, natorum & posthumorum, jusque omnes, sive mares sint, sive fœminæ, sive filii, sive nepotes, sive jam nati, sive adhuc nascituri, æquabiliter vel institui vel exhæredari, sive de jure civili quærat, sive de jure prætorio. Triplicem autem hoc loco causam assert, quæ motus, novum hoc jus constituerit: quæ tamen in summa una est, favor sexus fœminæ.

*Quia utraque persona simili naturæ officio* ) Prima ratio introducendi novi juris, quod fœminæ in procreatione liberorum eodem cum maribus officio naturæ funguntur. Et ideo constitutio sua insurgit in auctores istarum differentiarum, quasi naturæ accusatores extant: quæ cur, inquit, non totos masculos generavit, ut unde generentur, non fiant? Cæterum ut demus hoc verum esse, & utique hoc verum est, naturam utroque sexu ad conversationem humani generis æqualiter indigere: ratio tamen hæc tanti non est, ut propter eam jus vetus tanquam iniquum mutari de-



berit sanè non ideo dicendus est naturam acculare, qui masculos à fœminis in successione parentum sive testamentaria sive ab intestato fecerint: alioqui & ipse naturæ auctor accusandus fuerit, qui filio superstite à successione patris excludit filium, *Num. 27. v. 8.* sunt enim & alia, maximeque jura familiæ & agnationis, ob quæ meliore conditione mares esse in causa successions, quàm fœminas; iniquum non est.

*Et lege antiqua 12. tab. omnes similiter*) Ratio altera, qua argumentandò à successione ab intestato ad testamentariam novi sui juris æquitate commendat. Notum autem est, leg. 12. tabb. in successione liberorum ab intestato nullum discrimen in sexu agnoscere, filiasque non minus, quàm filios ad hæreditatem intestati parentis vocare. Quin & nepotes nepotique ex filio, qui in potestate sunt, si filius filius hæres esse desiit, *l. 1. §. 2. & 4. de suis & legit. §. 2. & 6. inf. de hæ. ab int. & tamen distinctio inter sexum & gradum testamento factò est ex ratione ejuldem legis, arg. l. 8. §. 1. de injust. rupt. test. & certe plus est evertere testamentum, quàm jus succedendi ab intestato habere. Ait, Quod & prætores postea ferenti videntur;* scilicet in danda bonorum possessione ab intestato. Nam testamento factò filiabus inter cæteros exhæredatis contra tabulas bonorum possessionem nec prætor dedit, non magis quàm emancipatis aut filiabus posthumis, quibus inter cæteros exhæredatis legatum adscriptum erat, *§. 1. & 3. sup. junct. l. 8. in princ. cont. tab.*

*Et in filiis & in filiabus & in cæteris, non solum jam natis, sed etiam posthumis*) His verbis tollitur tota illa veteris juris differentia circa effectum præteritionis & formam exhæredationis, quæ præcedentibus §§. ex eo jure recepta est. Et primum exæquantur liberi in sexu, pertinentem autem hæ exaquationes ad utrumque jus, prætorium, & civile) jubenturque utrum filia, quàm filii, si hæredes non instituantur, nominatim, exhæredari: præteritis, aut non nominatim exhæredatis datur idem jus ad infirmandum patris testamentum, quod filii sui vel emancipati præteriti aut non nominatim exhæredati, illi juris civilis, hi jure prætorio habent. Filiabus quoque, quæ in potestate sunt, præteritis, jus testamentum nullum dicendi, emancipatis revertendi per bonorum possessionem contra tabulas. Itaque quod in *pr. hujus tit.* ex jure præteriti traditum est, filiabus, quæ in potestate sunt, præteritis testamentum non fuisse nullum, sed præteritas salvo testamento ad cer-

tam portionem accrevisse hæredibus scriptis, hic jam abrogatur, & testamentum jubetur esse inutile. Uti & illud, quod eodem loco refertur, potuisse & inter cæteros filias hæc exhæredari, eo scilicet effectu, ut & jus civile eas repelleret à jure accrescendi, & prætor à bonorum possessione contra tabulas, *l. 8. cont. tab.* Nullumque aliud remedium eis superesse præter unum querelæ inofficiosi, *arg. d. l. 8. junct. §. ult. inf. hoc tit.* Nunc enim post constitutionem Justiniani, etsi exhæredatæ sunt, dum tamen non nominatim, sed inter cæteros, testamentum jure civili non magis subsistit, quàm si filius inter cæteros exhæredatus sit: patebitque eis, ut præteritis, etiam prætorium, quod dixi, remedium, cessante querela inofficiosi testamenti, *d. l. 8. §. 2. cont. tab. junct. §. 2. inf. de inoff. test.* Denique & illud, quod prætori satis erat ad denegandam filiabus emancipatis bonorum possessionem contra tabulas, si inter cæteros essent exhæredatæ: nunc enim tanquam præterita à prætor admittendæ sunt instar filiorum emancipatorum, quos non nominatim exhæredatos pro præteritis & olim prætor habuit, *§. emancipatos, sup. eod.* Secundo tollitur differentia graduum, liberique secundi gradus & inferiorum æquantur liberis primi gradus, hoc est, nepotes & deinceps per virilem sexum descendentes filii, quod utriusque juris effectum. Ac proinde quemadmodum filii sui, ita & sui nepotes deinceps vel instituendi sunt, vel nominatim exhæredandi, iisque præteritis aut non nominatim exhæredatis perinde testamentum ipso jure nullum erit, ac si filius, qui in potestate est, præteritis aut non nominatim exhæredatus esset: cessatque jus vetus accrescendi, quod manente testamento nepotibus quoque suis præteritis dabatur, *d. pr. hujus tit. & prætor etiam generali tantum claufula exhæredatos tanquam præteritos nunc agnoscit.* Deinde ut filio emancipato non instituto, neque nominatim exhæredato, prætor dat bonorum possessionem contra tabulas; ita & natis ex eo, qua pater eos non præcedit, per *l. 3. in pr. & §. cont. tab.* Tertio tollitur differentia inter natos & posthumos, & simul, quæ in sexu quoque erat inter ipsos posthumos, jubenturque & filia posthumæ & nepotes ex filio institui, aut nominatim exhæredari; perinde ut liberi jam nati & posthumi masculi: idemque jus datur filiis & neptibus posthumis præteritis, vel non specialiter exhæredatis, quod posthumi masculi habent, scilicet ut agnascendo testamentum rumpant etiamsi legatum acceperint: quod secus erat jure veteri,



ri, §. 1. *sup. eod.* quo jure cum nec prætor bonorum possessionem contra tabulas daret, *d. l. 8. con. tab.* necessaria hoc casu erat posthumis fœminis querela inofficiosi testamenti, §. 2. *de inoff. test.* nunc autem & jure civili tamquam præteritæ rumpunt, & à prætore non negliguntur. Atque hanc esse hujus loci sententiam, cum sequentia demonstrant, tum apertissimè *d. l. ult. ver. sancimus, & seq. C. hoc tit.*

4 *Ut omnes sive sui, sive emancipati sint, &c.* )  
Hallucinatur Barth. in *auth. ex causa, C. hoc tit.* & cum eo fere interpretes veteriores, qui teste Curtio Jun. in *d. auth. nu. 43.* & Jul. Claro §. *testamentum. qu. 42. nu. 2.* tolli quoque hoc loco putant differentiam liberorum suorum & emancipatorum. Palam enim est his verbis, *ut omnes sive sui, sive emancipati, eundem habeant effectum, quem filii sui vel emancipati habent*, non comparari emancipatos cum suis, sed cum filiis suis cæteros suos liberos, cum filiis emancipatis cæteros emancipatos eorumque masculorum liberos, cum sexu virili sexum fœmineum, cum gradu primo gradus inferiores: ac proinde non hoc velle Justinianum, ut emancipati sublata necessitate auxilii prætorii redigantur ad conditionem filiorum suorum; verùm ut filix, nepotes, neptes, & deinceps per virilem sexum descendentes, redigantur ad conditionem filiorum, sui & suæ ad suorum, & jus, quod illi habent jure civili, alii aliæve ad emancipationem, & jus, quod illi habent jure prætorio; ut sui suæve, præteriti præteritæve, aut nominatim non exhæredati exhæredatæve, adinstar filii sui testamentum ipso jure evertunt, alii aliæve adinstar filii emancipati per contra tabulas bonorum possessionem stare hoc non patiantur. Quibus fere verbis ipse Justinianus ucutur in *d. sua constitutione, vers. sancimus.* Thalelæus ad *l. 1. §. 1. comm. de man.* ibi, in aliis pene omnibus nulla est inter liberos discretio. *Καλὸς εἶπε, τὸ σχεδὸν, ἐπειδὴ, οἱ μὲν ὑπεχέστοι, præteriti γενέμενοι ἀφαιρέσει πατρὸς τῆν διαθήκην, οἱ δὲ emancipати, contra tabulas ἔχουσι.* Nihil pro Bart. facit, quod Justinianum impulit ad novi juris constitutionem simplex & æquale liberorum jus in successione ab intestato. Immo contra. Nam ut in causa intestati lex duodecim tab. non distinguebat sexum & gradum in suis, prætor non distinguebat in emancipatis; ita nunc similiter in causa testamenti eandem vult servari simplicitatem jure civili in suis, jure honorario in emancipatis: Igitur nec in successione ab intestato par conditio emancipato-

rum & suorum fuit, nec par hic facta est à Justiniano. Et alioqui sequeretur, nepotem ex filio emancipato in potestate retentum post constitutionem Justiniani non potuisse amplius succedere in locum patris sui, & jura suorum hæredum transire in familia avi: nec ab avo præteritum rumpere testamentum. Quæ omnia perspicuè falsa esse constat. Et demùm longo tempore post in successione ab intestato Justinianum emancipatos suis ex æquitate quassè apparet, ex *Nov. 118. c. 1.* quæ tamen ex æquitate sic rectè accepta est, ut nihil amplius tribuat emancipatis, quàm ut jure civili hæreditatem capere possint circa beneficium prætoris; non ut ipso jure, ut sui hæredes existant; sed ne fiant hæredes hæreditatem adeundo, sicut extranei; nec tamen hoc trahendum esse ad successione testamentariam, inde colligo, quod testamentum ipso jure evertere majus aliquid sit, quàm ut non suis hæredibus præteritis concedi debeat.

*Circa adoptivos certam induximus divisionem.)*  
*L. pen. C. de adopt.* Cujus sententia refertur §. 2. *sup. de adopt.* Et iterum plenius §. *sed ea. 14. inf. de hæ. que ab intest.* Quid, quamobrem, hic Imperator constituerit, tribus verbis indicabo. Olim qui à patre naturali in adoptionem dabantur, transibant sine ulla distinctione in familiam & potestatem patri adoptivi: unde quamdiu constabat adoptio, pro extraneis erant patri naturali, in tantum ut nec à prætore jure liberorum censerentur, sed agnatorum dumtaxat. Emancipati autem à patre adoptivo recipiebant jus naturale liberorum, quod beneficio prætoris habent emancipati à patre naturali, dum in eo statu manent: cæterum hoc ita, si vivo adhuc patre naturali emancipati erant, non si post mortem ejus, ne legitimis aut scriptis hæredibus semel delata aut quæsitæ hæredibus auferretur, §. *at bi. 10. inf. de hæ. ab int.* Unde cum fieri posset, ut hic filius utriusque patris hæreditate excideret; patris naturalis, quod eo moriente adhuc esset familia adoptiva; & simul etiam patris adoptivi, si postea emanciparetur; huic incommodo à Justiniano occursum est, cautumque, ne liberi à patre naturali in adoptionem dati jus successione, aliudve jus ullum in familia ejus amittant, neve transeant in potestatem patris adoptivi, extra quam si avus nepotem ex filio emancipato in adoptionem acceperit. Hoc constituto, jam per se intelligitur ei, qui extraneum adoptaverit, nullam necessitatem imponi hunc vel instituendi vel exhæredandi, sive jus civile, sive prætorium consideres, sive etiam



extraordinarium remedium querelæ inofficio-  
si: sed patri naturali, in cuius potestate ma-  
gnet: qui autem nepotem adoptat, eum de-  
bere hunc instituire vel nominatim exhære-  
dare, perinde ut antea juris erat in omnibus  
adoptivis; & denique hunc nepotem patri suo  
naturali interim pro extraneo esse, §. *præc.*  
Hæc autem ad nos non pertinere, quibus  
adoptionum jura incognita, vid. *sup. de adopt.*  
Sed neque necessitatem exhæredandorum libe-  
rorum naturalium, si hæredes non instituan-  
tur, agnoscimus; quoniam suos hæredes non  
habemus; valetque in his regionibus testa-  
mentum ipso jure, etiamsi filius in eo præteri-  
tus sit: eique dumtaxat succurritur remedio  
querelæ inofficiosi. Gudelin. *lib. 2. de jur. nov.*  
Grot. *lib. 2. manud. c. 18. de quo plura*  
*libi.*

## TEXTUS.

## De testamento militis.

6. Sed si in expeditione occupatus miles testa-  
mentum faciat, & liberos suos jam natos vel pos-  
tumos nominatim non exhæredaverit, sed silentio  
preterierit non ignorans an habeat liberos, silen-  
tium ejus pro exhæredatione nominatim facta va-  
let, constitutionibus Principum cautum est.

## NOTÆ.

6. Constitutionibus Principum ) Gordiani in  
l. 9. & Philippi in l. 10. C. de test. mil.

## COMMENTARIUS.

An testamentum militis subjaceat querelæ  
inofficiosi.

Militibus jure militari testantibus non so-  
lùm remissæ sunt solemnitates illæ ex-  
ternæ, numeri testium, rogationis, obsignatio-  
nis subscriptionis, contextus, quas cives omnes  
jure communi testamentum facientes observa-  
re tenentur: sed etiam intrinseca hæc, quæ ad  
testantes testantes pertinent, liberorum scilicet  
institutio vel exhæredatio: placetque præ-  
teritionem militis, dum non ignoret se libe-  
ros habere, aut uxorem prægnantem esse, ob-  
tinere vim exhæredationis, l. 9. & l. seq. C.  
de test. mil. ad quem effectum respiciens Ulp.  
testat, militem silentio exhæredare, l. 12. de  
test. mil. lib. Ait, in expeditione occupatus. Igitur  
testamentum faciat, quia id juxta regulas  
testamentum faciat, quia id juxta regulas  
testamentum faciat, quia id juxta regulas

ejus pro exhæredatione non erit, neque civili  
jure, neque prætorio. Non obstat, quod  
scriptum est l. 9. C. de inoff. test. filios queri  
non posse de inofficioso testamento militis  
vel jure militari, vel civili factò. Nam ut de  
inofficioso agi possit, necesse est, ut testa-  
mentum rectè factum sit, & jure subsistat: at  
testamentum jure communi factum non sub-  
sistat, in quo liberi præteriti sunt, aut si de  
emancipatis quærat, necesse est, ut præ-  
tor eos non agnoscat; si de posthumis, ut  
nati non rumpant, §. 2. inf. de inoff. test.

Non ignorans, an habeat liberos ) Quod mili-  
tis præteritio pro exhæredatione habeatur,  
voluntati ejus tributum est, quæ sola testamen-  
tum sustinet, & pro jure servatur. l. 1. de test.  
mil. l. 1. C. eod. Ut autem voluntas exhære-  
dandi obscura non est, ubi quis scit se habere  
liberos, iisque silentio præteritis alios hære-  
des instituit; ita contra deesse illa voluntas in-  
telligitur, ubi cum id nesciret, forte quod  
falso rumore perlatum esset, eos in rebus hu-  
manis esse desisse, alios scripsit. Quod ex  
communi parentum omnium erga liberos af-  
fectu sumitur, quasi, quod omnino creden-  
dum est, si scivisset se habere liberos, eos  
ipsos, non alios sibi hæredes scripturus fuisset,  
d. l. 9. & l. seq. C. eod. tit. l. si filiusfam.  
33. §. 2. eod. Quapropter pro diversitate li-  
berorum per ignorantiam à milite præterito-  
rum, aut testamentum hoc nullum dici pote-  
rit, aut rescindetur remedio prætorio, aut  
rumpetur agnatione, & in tantum, ut nec  
legata ex eo præstanda sint, l. militis. § 6. §. 2.  
de test. mil.

Pro exhæredatione nominatim facta ) Sequitur  
ergo, nec liberos suos scienter à patre milite  
præteritos testamentum posse nullum dicere,  
nec emancipatos admitti ad bonorum posses-  
sionem contra tabulas, nec posthumum præ-  
teritum agnascendo rumpere. An ne igitur  
saltem querela inofficiosi dabitur, quod unum  
est exhæredatis perfugium? Nequaquam, l. si  
instituta. 27. §. 2. de inoff. testam. l. 9. l. tes-  
tamentum. 24. l. ult. C. eod. Planè legitimam  
eos petere posse per conditionem ex lege,  
arg. auth. Presbyteror. C. de Episc. & Cler. Glo-  
sa & Cyn. in d. l. 9. tradiderunt. Hoc autem  
totum jus, cum sit singulare & militum dum-  
taxat ex privilegio, nulla ratio est, quamob-  
rem cum Clero §. testamentum. q. 40. n. 6.  
Grass. §. testamentum. q. 7. n. 3. & interp.  
vulgo dicamus sublatum esse. Nov. 115. c. 3.  
generalique constitutione etiam milites, &  
militaria testamenta contineri, hoc est, eos  
etiam jure militari testantes redigi ad condi-  
tio-



tionem paganorum, quantum pertinet ad necessitatem institutionis & exheredationis liberorum. Quod etiam D. Viglius hic post Lud. Roman. in d. l. 3. observavit, & tandem re diligenter inspecta probat D. Tulden. in c. de test. milit. num. 6. item D. Perez *ibid.* n. 12. add. Vafq. lib. 3. de succ. creat. §. 24. n. 51.

### TEXTUS.

#### De Testamento matris, aut avi materni.

7. Mater vel avus maternus necesse non habent liberos suos aut hæredes instituire, aut exheredare, sed possunt eos silentio omittere. Nam silentium matris aut avi materni, & cæterorum per matrem ascendentium tantum facit, quantum exheredatio patris. Neque enim matri filium filiamve, neque avo materno nepotem neptemve ex filia, si eum eamve hæredem non instituat, exheredare necesse est, sive de jure civili queramus, sive de edicto prætoris, quo prætor præteritis liberis contra tabulas bonorum possessionem promittit: sed aliud eis adminiculum servatur, quod paulo post vobis manifestum fiet.

### NOTÆ.

7. Silentium matris, &c. tantum facit) Et hoc etiam si mater ignoraverit se liberos habere. Sed hoc casu legata & libertates non interdicunt, quia color dementiæ hic obtendi nequit, l. 27. §. ult. & l. seq. de inoff. test.

Sive de jure civili.) Quo jure soli sui hæredes præteriti, sive quod nunc idem valet, non nominatim exheredati testamentum tollunt aut rumpunt §. 5. sup.

Edicto prætoris) Quo liberi emancipati, sive qui sui esse desierunt, præteriti, vocantur ad contra tabulas bonorum possessionem: non qui nec sui sunt, nec esse desierunt: d. §. 5. l. 1. l. 4. §. 2. cont. tab.

### COMMENTARIUS.

- 1 Quod matris præteritio vim exheredationis habeat, id facere conditionem liberorum.
- 2 Propter eandem conditionem præteritos à matre jus antiquum scriptis accrescendi non habuisse
- 3 Explicatus locus Pauli l. 4. §. 2. cont. tab.
- 4 Quodnam sit illud adminiculum, cujus in calce hujus text. fit mentio?

Quod militis præteritio vim exheredationis habet, ex privilegio est; quod ma-

tris & avi materni, facit liberorum conditio, qui matri & avo materno jure civili pro extraneis sunt, §. 3. inf. de hæ. qual. Nimirum lex civilis, quæ magis familiarum conservationem spectavit, quam naturam, non eodem modo materna bona liberis addicit, ut paterna; non sic, ut filius maternæ quoque dotis, viva adhuc ea, dominus quodammodo existit, uti bonorum patris est. Quapropter si alium hæredem instituat filio præterito, nullam, quod ad eam legem attinet, injuriam filio facit, cum suum ei non adimat, & ideo frustra etiam requiratur exheredatio: immo nec propriè dici possit filium exheredare, cum exheredare sit suam filio hæreditatem adimere; siquidem ubi non est habitus, ibi non potest esse privatio. Igitur quia mater sui hæredes non habet, & nepotes ex filia non sunt sui hæredes avo, ideo silentium matris & avi materni tantum facit, quantum exheredatio patris. Et hoc, etiam si ignoraverint se liberos habere, contra quam in milite prætereunte jus est. l. si instituta. 27. §. ult. & l. seq. de inoff. test. facit. huc l. 4. §. 2. de bon. poss. cont. tab. l. nulla. 13. de suis & legit. hæ.

Sive de jure civili) Quia, ut diximus, non sunt sui hæredes, hoc est, non tales, qui vivo adhuc parente jus aliquod habeant, quod post mortem illius in iis continuetur, nisi expressè exheredes esse jussi sint, l. in suis. 11. hoc t. Quamobrem nec ad jus civile antiquum pertinent, quo solus filius suus præteritus testamentum infirmabat, cæteri liberi, sed sui item dumtaxat, præteriti, portionem scriptis hæredibus accrescendo auferebant sup. pr. l. jus tit. nec ad jus novum, quo omnes quidem liberi sui, sed soli præteriti, sive quod nunc idem valet, non nominatim exheredati, nullum dicunt aut rumpunt, §. sed hæc. 5. sup. eod.

Sive de edicto prætoris) Paulus l. 4. §. 2. cont. tab. scribit, edictum contra tabulas bonorum possessionis non pertinere ad testamenta foeminarum, addita hac ratione, quia foeminae suos hæredes non habent. Quæ tamen ratio videri potest non esse sufficiens: non enim ad suos tantum hæredes, sed etiam ad emancipatos, quos constat suos hæredes non esse, & vel maximè, id edictum pertinet; utpote quorum causa principaliter comparatum est, §. 3. sup. eod. Verùm amplius quid significare Paulus voluit, nempe edictum istud non pertinere ad eos liberos non suos, qui & numerum sui fuerunt: matrem autem, ut suos hæredes non habet, ita nec posse definire habere: quod idcirco etiam à Cajo expressum videtur l. nulla. 13. de suis & legit. hæ. Nimirum



rum prætor, quo minimum à ratione juris civilis recederet, eum dumtaxat, qui ex masculinis progeniti essent, rationem habuit, & jus suarum, quod emancipatis abstulerat capitis diminutio rescissa ea restituit, l. 6. §. 1. de bon. poss. Atque ita jus à se introductum specie quadam suarum coloravit, casusmodi colore tegere ex fœminis natos non potuit.

*Aliud eis adminiculum servatur*) Potuisset totidem verbis adminiculum istud indicare. Intelligit autem querelam inofficiosi testamenti. Quod remedium cum initio tantum comperet liberis, qui eo, quod à patre exhæredati essent, neque civili jure, neque prætorio testamentum turbare poterant, l. 8. in pr. cont. tab. postquam ex Senatusconsulto Orficiano etiam matris successio liberis delata est, datum quoque est exhæredatis, sive, quod hic eandem vim habet, præteritis à matre, sua-

dente id eadem pietatis ratione. Agitur de hoc remedio *inf. tit. 18.* quo loco simul discemus, id etiam parentibus iniquè exhæredatis, vel præteritis, nonnumquam & fratribus dari. Cætera quoque in eundem locum examinanda rejicimus, quæ ab interpretibus disputari solent; veluti an adhuc post *Nov. 115. c. 3.* præteritio matris & per matrem ascendentium pro exhæredatione sit: an liberis à patre præteritis testamentum adhuc sit irritum, tum quoad legata & cæteros articulos, quam quoad institutionem: an formæ exhæredationis aliquid adjectum, quo non observato testamentum, quod jure veteri substituisset, nunc sit nullum: aliaque ex eodem fonte manantia: & postremo etiam jus harum & vicinarum regionum, quod etiam à novissimo Justiniano, quoscumque interpretes sequare multa re ostendemus recedere.

## TITULUS DECIMUSQUARTUS.

## DE HÆREDIBUS INSTITUENDIS.

*Dig. Lib. 28. Tit. 5. C. Lib. 6. Tit. 24.*

*Ratio dispositionis, & argumentum tituli.*

**D**ictum hætenus de iis rebus, quas parentes cavere debent & testamento suo complecti, si id justum ratumque esse velint: sequitur nunc ipsum testamenti formale, hæredis scilicet institutio. Et caput & fundamentum testamenti esse dicitur, §. ante 34. *inf. de legat.* propterea quod sine ea testamentum consistere non potest. Dicitur & testamentum ex ea sola robur ac firmamentum capere: quia ad vim testamenti nihil aliud requiritur, quam ut quis hæres institutus sit: utique extra necessitatem instituendi aut exhæredandi certas personas. Inde dictum, eum, qui neque legaturus quid est, neque quemquam exhæredaturus, posse tribus verbis testamentum facere ut dicat, *Lucius hæres esto, l. 1. §. 3. hoc tit.* Hæredem instituere est scribere vel nuncupare testamento, quem tibi velis bonorum & universi juris successorum esse. Quibus verbis institutio fiat, parum refert, modo per ea liqueat voluntatis intentio, l. quoniam 15. *C. de test. am.* quo loco Constantinus abrogat differentiam, quam faciebat antiquitas inter verba directa & inflexa, auctore Ulpian. *tit. 21.* Titulus hic noster tres partes continet, quarum in prima agitur de iis, qui hæres institui possunt; in altera de quo-

ta hæreditatis, quam vel unus vel plures instituti habere debeant ex ratione juris, aut voluntate defuncti: in tertia de forma seu modo instituendi atque iis, quæ institutioni bene aut perperam adjiciuntur.

## TEXTUS.

## Qui possunt hæres institui.

*Hæres instituere permissum est tam liberos homines, quam servos; & tam proprios, quam alienos. Proprios autem olim quidem secundum plurium sententias non aliter, quam cum libertate, recte instituere licebat. Hodie verò etiam sine libertate ex nostra constitutione eos hæres instituere permissum est. Quod non per innovationem induximus, sed quoniam æquius erat, & Attilicino placuisse Paulus suis libris, quos tam ad Masurium Sabinum, quam ad Plautium scripsit, refert. Proprius autem servus etiam is intelligitur, in quo nudam proprietatem testator habet, alio usumfructum habente. Est tamen casus, in quo nec cum libertate utiliter servus à domina hæres instituitur, ut constitutione divorum Severi & Antonini cavetur. Cujus verba hæc sunt: Servum, adulterio maculatum, non jure testamento*  
Ggg ma-



manumissum ante sententiam ab ea muliere videri, quæ rea fuerat ejusdem criminis postulata, rationis est. Quare sequitur, ut in eundem à domina collata hæredis institutio nullius momenti habeatur. *Alienus servus etiam is intelligitur, in quo usumfructum testator habet.*

## NOTÆ.

*Hæredes instituere*) Scribere, vel nuncupare, l. 1. §. 1. *D. eod.* Est autem hæredis institutio caput & fundamentum testamenti, §. 34. *inf. de legat.* neque enim sine ea testamentum potest consistere, §. 2. *inf. de fid. har.* Quibus verbis nunc fiat, parum refert, modo per ea liqueat voluntatis intentio, l. 15. *C. de testam.*

*Quàm alienus*) Si modo eorum servi sint, quos ipsos hæredes instituere possumus: nam ex persona dominis cum servis testamenti factio est, d. l. 31. *Ulpian. tit. 22. §. 8. l. 12. §. 2. de legat. 1.*

*Sine libertate*) Ita & *sup. §. 2. qui & ex quib. caus. man.* id est, ommissa libertatis datione. Constitutio erat in l. pen. *G. de sero. nec har.*

*Non per innovationem*) Quia jam olim idem quibusdam placuerat, ut mox subjicit. Quod autem obtinet, ex nova est Justiniani humanitate. Ita concilia hunc locum cum d. §. 2.

*Adulterio maculatum*) Apud Marcian. l. 48. *hoc tit.* unde hic locus descriptus, legitur *accusatum.* Sed legendum arbitror *maculatum*, ut hic; nec obstat l. 8. *C. ad leg. Jul. de adult.* Græci quoque ἕνοχος ἴσρα τῆ μοιχευία, non κατηγορέμενος. Et ad l. 1. *C. qui non poss. ad lib. ὑποκειδῆς τὰ ἐπὶ τῆ μοιχευία, suspectum, &c.*

## COMMENTARIUS.

- 1 Qui olim & in quantum hæreditatem capere non potuerint?
- 2 Qui & in quantum hodie hæredes institui vententur?
- 3 Institutionem servi alieni sustineri ex persona domini, proprii ex consequentia libertatis.
- 4 Quid juris in servo communi ab uno è dominis hærede instituto?
- 5 Quid in instituto à domino nude proprietatis?
- 6 Quam rationem habeat casus specialis hic relatus?
- 7 Quid si servus hæres institutus sit à fructuario?

**T**Am liberos homines, quàm servos) Ἰσπερολογία; nam dicendum potius erat, tam servos, quàm liberos; hoc est, non minus servos, quàm liberos; quomodo hoc expressit Casus l. non minus 31. *hoc tit.* quoniam

de liberis res certior. De liberis autem hominibus nihil amplius hic traditur, quàm quod heredes institui possunt. Et an ergo possunt omnes promiscuè & sine exceptione? nequaquam. Nam primum illi soli ex hominibus liberis institui possunt, qui sunt cives Romani: peregrini non possunt, sive semper tales fuerint, sive per sententiæ severitatem ad peregrinitatem redacti sint, l. 6. §. 2. *hoc tit. l. 1. C. eod. fac. l. sunt quidam 17. §. 1. de pæn. Peregrinorum numero erant & dedititi; erat & Latinus Junianus, nisi quod hic capere hæreditatem poterat, si mortis testatoris tempore civis Romanus factus esset, Ulp. tit. 22. §. 1. & 2.* Cæterum Justinianus differentias libertinitatis sustulit, data libertinis omnibus civitate, §. ult. *sup. de libert.* Sed nec qui cives sunt, omnes institui aut olim poterant, aut nunc possunt. Lege Vaconia cautum erat, ne qui census esset, virginem, neve mulierem supra quadrantem suorum bonorum hæredes instituere. Cic. *Verrin. 3. de præf. urb. & in orat. pro Balb. Dio. lib. 56. Gell. lib. 21. c. 1.* Lege Julia de maritandis ordinibus vetabantur cœlibes, nisi qui genere essent proximi, quicquam ex testamento civis Romani capere. *Ulpian. d. tit. §. 2.* ita tamen, nisi intra centum dies legi parerent, hoc est, matrimonium contraherent: idem *Ulp. tit. 17.* Eadem lege vetabantur orbi plus capere ab extraneo, quàm dimidiam partem eorum, quæ relicta erant; pars altera siebat caduca, id est, fisco cedebat. Lege decimaria non amplius conjugii ex conjugis testamento capere licebat, quàm relictorum partem decimam; idem *Ulp. tit. 15. & seq.* Hinc natæ cautiones illæ de instituendis in tempus capiendæ hæreditatis iis, qui vel omnino quicquam, vel solidum ex testamento capere legibus istis prohibeantur, vid. l. in tempus 62. l. qui non vult 78. §. ult. *hoc tit. l. cum ei 42. l. si Titio 55. §. 1. de legat. 2. l. 6. l. 11. de vulg. & pup. subst. l. 16. §. si qui 16. ad senat. Treb. l. 13. §. ult. de jur. fisco cum similib.* quæ nisi hinc lucem accipiant, intelligi non possunt. Postea pœnæ cœlibatus, orbitatis, & legis decimariæ sublatae sunt, l. 1. & l. 2. *C. de infirm. pæn. celib.* Qui autem incestus nuptiis sese polluerunt, illi nec hodie aut se mutuo, aut propudiosam sobolem instituere possunt, l. 6. *C. de incest. nupt.* nec mulier adulterum suum, aut hic illam, l. 13. l. 14. *de his quæ ut indign.* Add. D. *Christin. vol. 1. decis. 200.* Liberi naturales ex concubina nati, qui olim non minus quàm ceteri cives, non ab extraneis tantùm, sed etiam à patre, idque in solidum, hæredes institui po-



cerant, l. Lucius 45. de vulg. & pup. l. 16. §. 1. de his que ut indign. l. ult. de jur. delib. (vid. Palzoch. de notb. spurisq. fil. cap. 35. & seq. & contra sentientes Alciat. 4. parerg. 5. Anton. Fab. jurispr. tit. 9. pr. 2. ill. 1.) ex constitutio-  
ne Justiniani Nov. 89. c. 12. unde auth. licet. C. de nat. liber. unicam tantum unciam ex patris testamento capere possunt, si superstites sint liberi legitimi: octo uncias; si soli superstites testatori parentes. Qua in re mitior Justinianus erga liberos naturales fuit quam Constantinus, l. 2. C. de natur. lib. aut etiam Arcadius, & Honorius, l. 2. C. eod. vid. Grass. §. institutio 1. quest. 7. Palzot. d. loc. Constitutio-  
ne Leonis & Anthemii vetatur conjux con-  
jugi secundo plus relinquere, quam uni ex li-  
beris prioris matrimonii, & quidem cui mi-  
nimum relinquit, l. hac edit. §. 6. C. de sec. nupt.  
Porro Principum Christianorum constitutio-  
nibus vetatur hæredes institui apostatæ, l. 3. C. de apostat. item hæretici, l. 4. C. de hæret.  
& Manich. quod tamen non de omnibus, qui  
pro orthodoxis habiti non sunt, accipiendum  
esse arguit constitutio Justiniani Nov. 115. c. 3.  
ubi Irigodozias ponit inter justas causas exhæ-  
redationis & exclusionis a successione ab in-  
testato. Rationis autem est, ut qui ab intestato  
succedere potest, etiam hæres rectè insti-  
tuitur. Hæc non debuerat Tribonianus inta-  
ta relinquere, qui de servis tam accuratè  
differt.

Et tam proprios, quam alienos) Cum servis  
servis non est testamenti factio, sed qua-  
nus per eos hæreditas proventura est ad ci-  
ves Romanos, aut ipsi cives futuri. Igitur in  
servo alieno persona domini spectatur, & su-  
peretur institutio, si dominus civis Romanus  
est, & jus capiendæ hæreditatis habeat, per-  
tinet quasi ipse per servum institutus esset, l.  
minus 31. l. si paterfam. 40. hoc tit. l. 10.  
arg. rer. dom. Quod si mihi cum domino  
non sit testamenti factio, puta quia peregrin-  
us est, aut capere ex meo testamento veta-  
tum, nec cum servo ejus erit, arg. l. non mi-  
nus 31. hoc tit. fac. l. 12. §. 2. de legat. 1. l. si  
quis 55. §. 1. de legat. 2. Ulpian. tit. 22. §.  
8. Vide tamen, quæ notavimus ad §.  
extraneis 4. infr. de her. qual. & diff. In  
servo autem proprio institutio eadem ratione  
facienda non potest, ut scilicet dicamus eam  
faciendam ex persona domini: quippe qui ipse  
institutor est, sed ut nulla erit, aut si eam va-  
lens volumus, necesse est, ut simul consequatur  
libertatem.

Non aliter, quam cum libertate, hodie  
(sine libertate) Plerique veterum in ea

sententia fuere, ut putarent servum proprium  
non aliter rectè hæredem institui, quam cum  
libertate, non ausi per consequentiam datæ  
hæreditatis libertatem servo defendere ob ra-  
tionem, quam indicavimus sup. qui & ex quib.  
ca. manum. §. 2. Justinianus verò etiam omiſſa  
libertatis datione institutionem valere voluit,  
& perinde haberi, ac si simul liber esse jussus  
esset, l. pen. C. de nec. serv. her. quod cum  
humanitas & favor libertatis suadet, tum etiam  
voluntati testatoris consentaneum est, quippe  
qui hoc ipso quod servum suum hæredem esse  
vult, non obscurè significat, velle se etiam,  
ut liber sit; cum absque eo nec hæreditatem  
obtinere possit. Et cur, quod in servo pro-  
prio tutore sine libertate dato veteres admise-  
runt, ut hoc ipso, quod tutor datus est, li-  
bertas quoque ei imposita videatur, l. quæro  
22. §. 2. de test. tut. §. 1. sup. qui test. tut. dar.  
non admittatur itidem in servo simpliciter hæ-  
rede scripto eadem voluntatis conjectura? Ita  
argumentatur Justinianus d. l. pen. In tutore  
dato accedit quidem & favor pupilli, l. 10. §.  
ult. de test. tut. Cæterum quem testator hæ-  
redem instituit, eum vicissim majore prosequi-  
tur affectu atque honore, quam quem liberis  
tutorem dat. Enimverò consequentiam lega-  
ti vel fideicommissi servo proprio sine liber-  
tate relicti libertas servo non defenditur, d. l.  
pen. §. illo. 2. quantumvis & legatum sine li-  
bertate inutile sit, l. servus 76. hoc tit. neque  
enim hic idem favor est, & ex d. constitutio-  
ne Justiniani voluntas testatoris aliquo modo  
exitum habere potest.

Quod non per innovationem) Supra tamen §.  
2. qui & ex quib. caus. man. profertur, se id  
nova humanitatis ratione constituisse. Utrum-  
que suo sensu verum est. Nihil innovavit, qua-  
tenus spectamus sententiam paucorum, inter  
quos & Atilicinus fuit, quibus jam olim, quod  
hic constituitur, placuit. At novum jus con-  
stituit, quatenus spectamus id, quod recep-  
tum erat ex plurium sententia, qui negabant,  
servum proprium sine libertate hæredem insti-  
tui posse, Ulp. tit. 22. §. 7. 12. & sententia  
illius abrogationem. VINN. Adeo verum vi-  
debatur, servum nisi libertatem plenam con-  
sequutum, institui non posse, ut nec servus,  
qui tantum in bonis erat, institui posset, quam-  
vis cum libertate. Manumissus enim testa-  
mento, liber, liber quidem fiebat, sed Latinus,  
adeoque nec hæres esse poterat, nisi in-  
tra centum dies jura Quiritium impetrasset.  
Ulpian. tit. 22. §. 8. HEIN.

Proprius autem servus etiam, &c. in quo nu-  
dam proprietatem) Servus proprius vel in soli-  
dum



dum est, five unius domini proprius, vel pro parte, & pluribus proprietate communis: & iterum vel proprius est pleno jure, vel nudatenus proprietate. Videamus ergo, an quod hic constitutum est de servo proprio hærede institutum, etiam ad servum communem ab uno è dominis institutum, & ad eum quoque, in quo alius usumfructum habet, pertineat? De communi servo ita jus vetus fuisse constat, ut si unus è dominis libertatem ei imposuisset, eo casu pars ejus amitteretur, & socio accresceret, §. ult. sup. de donat. ac proinde socio quoque hæreditas acquisita fuit, si is servus simul hæres ab altero institutus fuisset: Justinianus autem, quod soli milites ex speciali concessione habebant, videlicet ut liceret militi servum communem libertate donare, eo effectu, ut socius hoc casu partem suam vendere teneretur & accipere pretium, voluit jus esse commune omnium civium, l. 1. pr. & §. 1. C. de comm. serv. man. Postquam constitutionem certum est, servum communem, quem unus è dominis & liberum & hæredem esse jussit, & libertatem & hæreditatem consequi, pretio parvis, quam alter in eo habet, oblato. At nihil desinit constitutio de servo communi simpliciter ab uno hærede instituto, non facta mentione libertatis. An dicens & hic libertatem perinde pro adscripta haberi, ac si servus in solidum proprium hæres simpliciter institutus sit? arg. hujus loci? Et id quidem D. Viglio placere video. Sed vereor, ut defendi possit. Nam ut omittam tritum illud de non admittenda extensione in correctoriis, verba ipsa constitutionis in fin. §. 1. & hoc moriturus dixerit, extensionem istam non ferunt, ut bene observavit D. Bachovius. Et quia ratione parvis, quam socius habet, servus alienus est, quidni quod responsum est de legato servo communi relicto, totum id ad socium pertinere? L. rerum 63. §. si servo 9. pro soc. l. Plautus 49. in pr. ad leg. Falc. idem dicimus de servo communi hærede simpliciter instituto, socium nimirum per eum servum videri institutum, & hæredem fieri? VINN. Rectè. Nam dum hæres institutus est servus communis hæreditatem totam acquirit domino socio: dum sine libertate institutus, servus ipse pro parte fit hæredis, qui in jus defuncti succedit. Fr. Balduino, Tribonianismum observanti in l. 63. §. 3. ff. pro soc. jam respondit Vir Clarissimus Schultingius ad Ulpianum pag. 637. HEIN. De servo, in quo testator nudam proprietatem, alius usumfructum habet, ait hoc loco Justinianus, cum etiam proprium intelligi testatoris, idque convenienter rationi ju-

ris, l. rectè dicimus 25. de verb. sign. Et ergo etiam hic servus à domino nuda proprietatis hæres institutus, five cum libertate, five simpliciter, ex constitutione Justiniani & liber & hæres erit, d. l. pen. C. de nec. serv. bar. inst. Neque enim quod de servo communi simpliciter instituto diximus, socium per eum hæredem fieri, locum habet in fructuario, cui hæreditas acquiri non solet, §. de iis 4. sup. per quas pers. Quid ergo fiet de fructuario? An liber factus nihilominus operas fructuario interrim præstare tenebitur, atque ex re ejus acquireret, quandiu durat ususfructus; an verò pretio ususfructus dato defungeretur? Illud, si sequimur constitutionem l. 1. C. comm. de man. Hoc, si putamus, ad hunc servum etiam pertinere, quod paucò tempore post de communi servo constitutum est, l. 1. C. de comm. serv. man.

Est tamen casus, &c.) Refertur hic ex l. bit verbis 48. §. 2. hoc tit. casus singularis, quo servus proprius hæres institui non potest, ne cum libertate quidem, cui locus est in muliere adulterii postulata. Hæc prohibetur, servum suum suspectum criminis ante finitam cognitionem manumittere: quod ideo provisum est, ne mancipium per manumissionem quæstioni subducatur, l. prospexit 12. qui & quib. man. Cùm igitur lex manumissionem & libertatem impediatur, nec institutio hæredis in hujusmodi servum collata valere potest. At, servum adulterio maculatum, id est, suspectum, fama & opinione vulgi inquinatum: siquidem duos adulterii reos simul marem & foeminam ex eadem causa fieri lex Julia vetabat; ordine tantum peragi poterant, l. 8. C. ad leg. Jul. de adult. ac proinde etiam in d. l. 48. §. 1. unde hæc sumpta sunt; eodem modo ut hic legendum esse arbitror; non ut ibi, adulterii causatum. Theophilus vertit, ἐπιχοι ἴσρα τι μιχνα, obnoxium, implicitum, non dixit κατηγορέμηνος.

Alienus servus, in quo usumfructum, &c.) Igitur hic servus à fructuario hæres institutus, nec hæres nec liber erit, sed hæreditatem acquireret proprietario, ad instar servi planè alieni, §. seq. vers. alienus quoque. Et verò post mortem fructuarii finitur ususfructus, & consolidatur cum proprietate. Sed est liberum simul cum esse jussit, adhuc idem dicendum est: quoniam alieno servo libertas inutiliter datur: neque huc accommodari potest pars constitutionis Justinianæ, l. 1. vers. fin autem, C. comm. de man. de servo à vivente fructuario manumisso, ne scilicet is cogatur servare proprietario, quamdiu constat ususfructus.



quæ: quia, ut dictum est, morte fructuarii illius omne extinguitur.

## TEXTUS.

Si servus hæres institutus in eadem causa manserit, vel non.

1. Servus autem à domino suo hæres institutus, siquidem in eadem causa manserit, fit ex testamento liber, hæresque ei necessarius. Si vero à vivo testatore manumissus fuerit, suo arbitrio adire hereditatem potest, quia non fit hæres necessarius, cum utrumque ex domini testamento non consequatur. Quod si alienatus fuerit, jussu novi domini adire hereditatem debet, & ea ratione per quam dominus fit hæres: nam ipse alienatus neque liber, neque hæres esse potest, etiam si cum libertate hæres institutus fuerit: destitisse enim à libertatis datione videtur dominus, qui eum alienavit. Alienus quoque servus hæres institutus, si in eadem causa duraverit, jussu ejus domini adire hereditatem debet. Si vero alienatus fuerit ab eo, aut vivo testatore, aut post mortem ejus antequam adeat, debet jussu novi domini adire. At manumissus est vivo testatore, vel mortuo, antequam adeat, suo arbitrio adire potest hereditatem.

## NOTE.

1. Destitisse à libertatis datione) Quod si testator eum postea redemerit, reviviscit libertas & institutio, l. 9. §. 16. l. 50. eod. Hinc patet intelligimus regulam juris civilis traditam l. 23. §. de lib. & posth. solum procedente, cum servus in eadem causa manet.

Jussu novi domini) L. 62. §. 1. de acq. her. l. 2. §. ult. de bon. poss. sec. tab. ubi hereditatem sive bonorum possessionem cum domino ambulare Ulpian. ait.

## COMMENTARIUS.

1. Servo proprio hærede instituto, quis circa acquirendum hereditatem institutionis effectus? & num. 2.

2. Quid circa idem institutio servo alieno?

Hoc constituto, non minus servos posse hæres institui, quam homines liberos, porro nunc quæritur de effectu institutionis servi circa acquisitionem hereditatis, primum in servo proprio, deinde & in alieno. In utroque autem ita distinguitur, ut referat, utrum in eadem conditione servus manserit, an non manserit, propterea quod vel manu-

missus sit, vel alienatus. De servo proprio hærede instituto ait: *Siquidem in eadem causa manserit, fit ex testamento liber hæresque necessarius. In eadem causa, hoc est, in eadem conditione servitutis, ut neque à domino post factum testamentum manumissus, neque alienatus fuerit. Hæres necessarius: ideo sic dictus, quia sive velit, sive nolit, post mortem domini protinus liber & hæres sit, §. 1. inf. de her. qual.* Quod cum in eorum gratiam initio institutum esset, qui cum solvendo non essent, ignominiam bonorum venditionis in hæres suos derivare, quam suæ memoriæ reservare malebant, §. 1. sup. qui ex quib. ca. man. postea generaliter obtinuit, ut ostendit hic locus. Ratio autem hujus rei haud dubie hæc est, quod cum honori testatoris non nihil decedat, si repudietur ejus hereditas, visum sit, id servo licere non debere, in quem testator simul cum hereditate contulit inestimabile beneficium libertatis. Quin etiam ex constitutione juris civilis libertas & hereditas ita conjuncta sunt, ut neutrum separatim servo adimi possit, neque libertas sola, neque sola hereditas, l. 13. §. 1. de lib. & posthum. l. 6. §. ult. h. r.

Quod si à vivo testatore manumissus, &c.) Calus contrarius, quo scilicet servus proprius hæres institutus in eadem conditione non manserit, duplex est, vel quia post factum testamentum manumissus est, vel quia alienus. Manumissus suo arbitrato hereditatem adibit: quia non fit hæres necessarius, quia hereditatem dumtaxat, non etiam libertatem ex testamento domini consequitur, l. antepen. hoc tit. l. 6. §. 3. eod. Utique tamen probè facturus est, si pro beneficio libertatis ante adeptæ hanc gratiam patrono referat, ut suspiciat ejus hereditatem. Alienatus nec liber nec hæres fit, etiam si cum libertate hæres fuerit institutus: hoc enim ipso quod alienatus est, mutata voluntas domini & revocata datio libertatis intelligitur, ut jam perinde haberi debeat, ac si jam tempore testamenti facti alienus fuisset: ac proinde jubente novo domino hereditatem acquireret, l. 9. §. servus 16. l. servum 50. hoc tit. l. servo 42. de cond. & dem. l. quæsitum 91. §. 3. de legat. Enimvero si testator eum postea redemerit, reviviscit, ut ita dicam, libertas & institutio, d. l. 9. §. 16. d. l. 50. hoc tit. Hinc autem intelligimus, regulam juris civilis traditam l. 13. §. 1. de lib. & posthum. tunc solum procedere, cum servus in eadem causa manet: nam si alienatus fuerit, necesse est fateri, inutilem esse libertatis dationem, quod & Viglius notat.

*Alienus quoque servus*) Supra dictum est, etiam



etiam servum alienum hæredem institui posse: cæterum sustineri institutionem non ex persona servi, sed ex persona domini, civis scilicet Romani, quasi ille ipse mediata per servum institutus videatur. Nimirum ut servi etiam hac in re dominis suis utiles esse possint, receptum est, ut persona dominorum iis ad tempus accommodetur, cum alioqui cum servis non sit testamenti factio, l. non minus 31. b. t. l. debitor. 82. §. 2. de legat. 2. Nunc hic itidem de effectu istiusmodi institutionis quaeritur, quemadmodum paulo ante quaesitum fuit de effectu institutionis servi proprii.

Si in eadem causa, &c.) In alieno servo hærede instituto iidem casus distinguuntur, qui in proprio: nam ut mansit in eadem causa, & dominum suum hæredem facit, nempe si iussu ejus adierit, §. 3. sup. per quas pers. aut non mansit, vel quia alienatus est, & jubenti ei domino hæreditatem acquirit, cujus in potestate est tempore aditionis, l. Antistius 62. §. 1. de acq. hæ. l. 2. §. ult. de bon. poss. sec. tab. quo loco Jurisconsultus ait, hæreditatem sive bonorum possessionem ambulare cum domino: vel quia manumissus est, quo casu suo arbitrio hæreditatem adire eamque sibi acquirere potest, Ulpian. tit. 22. §. 13. Et igitur licet persona domini in hujusmodi institutionibus inspiciatur, ut sit cum servis testamenti factio; videtur tamen simul & personæ servi ratio haberi, fac. l. debitor 82. §. 2. de legat. 2. l. 5. de serv. legat. l. si paterfam. 4. hoc tit. Illud notandum est, servum alienum cum libertate frustra hæredem institui in tantum, ut etsi is postea testatoris esse cœperit, nihilo magis liber aut hæres fiat, l. si alienum 49. hoc tit.

## TEXTUS.

### De servo hæreditario.

2. Servus etiam alienus post domini mortem rectè hæres instituitur: quia & cum hæreditariis servis testamentis factio est. Nondum enim adita hæreditas personæ vicem sustinet, non hæres futuri, sed defuncti, cum etiam ejus, qui in utero est, servus rectè hæres instituitur.

## NOTÆ.

2. Post domini mortem) Non ita, Sticbus post mortem Titii domini sui hæres mihi esto, ut male Th. sed ita, Sticbas servus Titii defuncti hæres mihi esto.

Nondum adita hæreditas personæ vicem) Ra-

tio dubitandi, quia tempore facti testamenti servus nullius est, l. 64. hoc tit. Ratio decidendi, quia jacens hæreditas personæ defuncti locum interim obtinet, & pro domino habetur, l. 31. §. 1. eod. l. 33. l. 62. de acq. rerum domin. inf. de stip. serv. in pr.

Non hæres futuri, sed defuncti) Dd. loc. cit. simil. Immo non defuncti, sed hæres futuri, l. 14. de nov. Solve: hæreditas qua jacens considerata defunctum repræsentat, ut actus ex persona ejus vires capiat, l. 52. b. t. l. 33. §. ult. de acq. rer. dom. adita verò videtur retro repræsentasse personam hæres, cui soli eventu inspecto acquiritur, d. pr. in fin. de stip. serv. fac. l. 73. §. 1. de verb. obl. l. 28. §. ult. l. 35. de stip. serv.

Ejus, qui in utero est, servus) Hoc eandem planè rationem habet, l. 64. hoc tit.

## COMMENTARIUS.

- 1 Diversa consideratione rectè dici, jacentem hæreditatem repræsentare & personam defuncti & personam hæres.
- 2 Cum servus posthumi alieni hæres institui potuerit, ipse posthumerus alienus non potuerit?

Cum servi alieni institutio, ut dictum est, sustineatur ex persona domini, quaesitum est, an servus alienus rectè hæres instituat etiam post mortem domini, hoc est, servus hæreditarius? Dubitandi causa ex eo, quod in proposita persona domini, qui nullus est tempore facti testamenti, l. ejus servum 64. hoc tit. servo accommodari non possit. Placuit tamen nihilominus, rectè hunc servum hæredem institui, quasi per interpositam hæreditatem à defuncto adhuc, ut ita dicam, personetur: quippe hæreditatem jacentem defuncti locum interim obtinere, & pro domino tantisper fictione juris haberi, l. non minus 31. §. 1. hoc tit. l. hæreditas 34. l. hæreditas 61. de acq. rer. dom. l. 13. §. 2. ad. l. Aquil. l. 15. de inter. in jur. l. 9. C. depos. cum simil.

Non hæres futuri, sed defuncti) Hoc totidem quoque verbis traditur d. l. 34. de acq. rer. dom. alibi simpliciter dicitur, hæreditatem obtinere defuncti locum, d. l. 31. b. t. & inf. de stip. serv. in pr. Apud Pomponium tamen contra scriptum legimus, hæreditatem interim sustinere personam hæres, l. novat. 24. in fin. de novat. quod & ratio juris efficere videtur. Siquidem qui postea hæres extitit, ex mortis tempore defuncto successisse intelligitur, sive quod idem valet, retro agitur hæreditas, quamvis postea adita, & cum tempo-



mortis continuatur, *l. hæres. 54. de acq. serv. l. omnis. 138. l. omnia. 193. de reg. jur.* sunt qui putant, non satis inter veteres hæres re convenisse, inter quos & D. Hotomanus est. Nolim ego temere eo decurrere. Videmus, an non utrumque rectè dici possit, hæreditatem repræsentare & personam hæresis & defuncti, diversa consideratione. Etenim si eventum spectamus aditæ hæreditatis, persona hæredis repræsentari rectè dicitur: hæc enim consideratione servus hæreditarius rectè stipulatur hæredi futuro, *l. si ex re 28. §. ult. servus. 35. de stip. serv.* nullamque vim habere dicitur stipulatio servi hæreditarii, nisi adita sit hæreditas, *l. interdum. 73. §. 1. de verb. obl.* item per servum acquiri hæreditati, per hoc etiam hæredi postea factio, *inf. de stip. serv. in pr.* At si inspicimus tempus illud, quo servus hæreditarius hæres instituitur, non tantum jacentis hæreditatis, si actum valere volumus, necesse est, dicamus, hæreditatem continere personam defuncti: neque enim actus in suspenso esse potest: & incertum est, quis, qui scriptus est, unquam hæres extitit: idque Cajus significat *l. in eo. 33. §. de acquir. rer. dom.* cum ait, quoties servus hæreditarius stipulatur, vel per traditionem accipit actum ex persona defuncti vires continere. Eademque consideratione Paulus in *l. servus. 52. hoc tit.* servum hæreditarium institui posse ait, si modo testamenti factio cum defuncto fuerit, licet cum hærede instituto non sit. Et igitur hæreditas, qua jacens conderata defunctum repræsentat; adita, retro dicitur repræsentasse personam hæredis.

Cum etiam ejus, qui in utero est, servus) confirmat quod de institutione servi alieni post mortem domini dixerat, exemplo servi, servus dominus in utero est, sive servi posthumus alieni; nam & hunc servum ait rectè hæredem institui. Javolenus contra, hoc ex illo probat, *l. ejus servum. 54. hoc tit.* Hic iterum videtur obstare ratio juris, utique veteris, quod posthumus alienus hæres institui non potest, *inf. de bon. poss. in pr.* Hoc enim positum, consequens omnino esse videtur, nec servum hujus posthumi rectè hæredem institui, sed, ut jam aliquoties dictum, testamenti factio cum servis ex persona domini introducta. Sed animadvertendum est, servum hinc dici hæres, qui in utero est respectu habito ad causam, quo iis natus & hæres factus erit: institutionem verò vires capere non ex persona defuncti, qui in utero est, sed defuncti, cum quo instituitur, testamenti factioem fuisse, etiam si non hærede scripto non sit *l. servus. 52. hoc*

*tit.* Ad hæc in universum institutio servi alieni non ita comparata est, ut institutus semper dominum, in cuius potestate est tempore facti testamenti, hæredem faciat; nam alieno eo novus dominus hæres sit: manissus ipse ad hæreditatem admittitur: quod & tunc obinet, cum servus ejus, qui capere non potest, institutus est, *l. servus. 82. de acq. hæres.* atque hinc clarissimè patet, verum esse quod diximus *sub §. præc.* in his servorum institutionibus etiam servorum, qui instituuntur, personam spectari.

## TEXTUS.

## De servo plurium.

3. Servum autem plurium, cum quibus testamenti factio est, ab extraneo institutus hæres unicuique dominorum, cujus jussu adierit, proportionem domini acquirit hæreditatem.

## NOTÆ.

3. Ab extraneo.) Ab uno ex dominis institutus acquirit cæteris per *l. 63. §. 8. pro soc. l. 49. ad leg. Falc.*

## COMMENTARIUS.

DE servo communi hærede instituto ab uno ex dominis legitimus in explicacione principii hujus tit. sub fine: hic agitur de servo plurium qui hæres institutus est ab extraneo. Ait, hunc servum unicuique dominorum, cujus jussu adierit, hæreditatem acquirere, idque non pro parte virili, sed dominica. Jussu domini præcedere debere constat, ac sine eo servum hæreditatem adeundo nihil agere; de quo *sub §. 3. sup. per quas pers.* Quid ergo, si unius jussu adierit? Ne sic quidem hunc interim pro majore parte, quàm dominica, hæredem faciet: cæterum sociis postea non jubentibus, adire, tacito jure partes eis accrescent, *l. servus. 67. de acq. hæres. add. l. ult. de vulg. & pup. l. si servus. 50. de legat. 1. §. ult. inf. de stip. serv.*

Cum quibus testamenti factio) Hoc additum, quia, ut jam sæpe diximus, quos ipsos hæreses instituere non possumus, eorum nec servos possumus, *l. non minus. 31. hoc tit.* Exceptio, quod servi eorum, qui non absolute incapaces sunt, sed *κατά τι* dumtaxat, cujusmodi olim erant foeminae, orbi, coelibes, vid. *sup. pr.* institui ab eo, ex cuius testamento domini capere non possunt, & antequam dominorum jussu hæreditatem adeant, alienati



ti novum dominum hæredem faciant, manumisi ipsi ad hæreditatem admittantur, modo nihil in fraudem legis factum sit, l. si servus. 82. de acq. hæ. fac. l. si Titio. 55. §. 1. de legat. 2.

## T E X T U S.

## De numero hæredum.

4. Et unum hominem, & plures, usque in infinitum, quot quis hæredes velit, facere licet.

## NOTÆ.

Usque in infinitum) Eis ἀπέριστοι. Th. Sententia est, certum numerum hæredum instituendorum nemini præscriptum esse, sed totum hoc arbitrio testantis permitti.

## COMMENTARIUS.

Usque in infinitum) Eis ἀπέριστοι. Infinitum autem accipe pro indefinito incertoque hæredem numero, non pro multitudine, quæ extremis caret; quomodo & alibi sæpe hoc verbum usurpatur, l. qui restituere. 68. §. 1. de rei vind. l. 4. §. 2. de in lit. fur. Sensus igitur hujus §. est, posse testatorem tot hæredes instituere, quod ei placuerit: nimirum certum numerum hæredum instituendorum nemini lege præscriptum esse, sed totum hoc arbitrio testantis permitti. Inepti autem sunt, qui ex hoc loco colligunt, posse quem instituere omnes homines, qui in mundo sunt. Talis enim institutio exitum reperire non potest, neque est hominis, qui sui mentis est compos. Vid. Gomez 1. var. resol. 2. n. 2. Planè illud crediderim defendi posse cum D. Viglio, rempub. institutam videri, si quis simpliciter cives universos instituerit, & valere hujusmodi institutionem, quando permissum est rempub. aut civitatem hæredem instituere. Non enim idem hic semper jus obtinuit. Legimus, reges aliquot externos populum Romanum sibi hæredem instituisse. Idem fecit & Flora meretrix. Plinius verò lib. 5. epist. 7. ad Calvisium scribit, palam esse, nec hæredem institui, nec percipere Rempub. posse. Ab eo jure postea interdum recessum: confer Ulpian. tit. 22. §. 5. & tit. 24. §. 26. l. 2. l. senatus. 20. de reb. dub. l. omnibus. 26. ad sen. Treb. l. civitatibus. 122. de legat. 1. l. 12. C. hoc tit. VINN. Poterat respublica institui jure gentium. Et talis hæreditas fuit Attali populo Romano relicta. Talis & Vocati Mofchi, exsulis relicta Mafsi-

liensibus. Tac. Ann. l. 4. cap. 43. Pertinuit itaque hæc prohibitio ad municipia, quæ jure civili tenebantur, non ad civitates Romanæ. Præclara sunt quæ in hanc rem differit amicissimus olim collega Nic. Hier. Gund. Diff. de principe hærede cap. 3. §. 2. seq. Heintz.

## T E X T U S.

## De divisione hæreditatis.

5. Hæreditas plerumque dividitur in duodecim uncias, quæ assis appellatione continentur. Habent autem & hæ partes propria nomina ab uncia usque ad assen, ut puta hæc, sextans, quadrans, triens, quincunx, semis, septunx, bes, dodrans, sextans, deunx. Non autem utique semper duodecim uncias esse oportet: nam tot uncia essent sufficiunt, quot testator voluerit: & si unum tantum qui ex semisse verbi gratia hæredem scripserit, totus as in semisse erit. Neque enim idem ex parte testatus, & ex parte intestatus decedere potest, nisi sit miles, cujus sola voluntas in testamento spectatur. Et è contrario potest quis in quantumcumque voluerit plurimas uncias suam hæreditatem videre.

## NOTÆ.

5. In duodecim uncias) Hæc solemnitas hæredis distributio, l. 13. §. 1. b. t. quia perfectus est numerus duodenarius. Diod. Sic. eclog. 40. Galen. d. cui an. pec. not. & μεταλλάττος σύμβολον. Hermias in Phæd. Πρωτῶν ἀριστῶν μουσικῶτατος Aristid. περὶ μουσ. 24. Cujac. ad d. l. 13. Duar. 2. disp. 36. Fabric. ad Theoph.

Non semper duodecim uncias) Non est necesse ut semper distributio fiat in 12. uncias: potest testator vel in plures vel in pauciores uncias hæreditatem dividere, d. l. 13. §. 2. 3. & ult. l. 18. eod. l. 13. C. de lib. & p. Paul. 3. sent. 4. Potest & in partes naturæ dividi, puta in duas dimidias, tres tertias &c. l. 2. 2. §. 7. de collat. l. 76. de acq. hæ.

Unum ex semisse) Vel ex una aliqua parte hæreditatis. Idemque est, si quis institutus ex re certa, veluti ex fundo: peritus enim habetur, ac si rei mentio facta non esset, l. 1. §. 4. l. 9. §. 1. b. t. l. 41. in fin. vulg. & pup. in cohæredem habeat indefinitum aut ex parte hæreditatis scriptum, tunc esse legatarii loco est, l. 13. C. hoc tit.

Ex parte testatus) L. 7. de reg. ju. Ex possibilibus tamen vi ipsa pro parte quis intestatus institui potest, rescisso vid. pro parte testamenti l. 15. in. fin. l. 24. de inoff. test.



*Nisi sit miles*) Miles etiam ab initio pro parte tantum testatus decedere potest, *l. pen. §. 1. de cast. pec. l. 6. l. 19. de test. mil. l. 2. C. eod.* quippe qui hic duorum vel hominum personam sustineat, *l. 17. §. 1. eod.* Igitur si miles unum tantum v. g. ex semisse hæredem scripserit, quantum ad alterum semissem intestatus decedisse intelligitur, & locus fiet legitimis hæredibus, *l. 19. l. 37. de test. mil. & ita etiam in specie, l. 6. eod.*

## COMMENTARIUS.

- 1 *Affis, ejusque partium usus, quàm frequens & quibus in rebus fuerit?*
- 2 *Licere testatori in quot voluerit partes hæreditatem distribuere.*
- 3 *Quod unus tantum, vel ex certa parte hæreditatis, vel ex certa re institutus, omnium bonorum hæres fiat, magis esse ex subtilitate juris, quàm ex defuncti voluntate.*
- 4 *Quam rationem habeat quod jus civile non patitur eundem testato & intestato decedere?*
- 5 *An testator possit prohibere jus accrescendi?*
- 6 *In militaribus testamentis regulæ superiori non esse locum.*
- 7 *Quantum mores hodierni dissideant à jure civili Romanorum?*

propter institutionem plurium hæredum, sed etiam propter innumera alia. Etenim assis ejusque partium & omnino numeri duodenarii frequentissimus apud Romanos usus fuit, non tantum in hæreditatibus, ponderibus aut mensura; verum etiam in divisione corporum, veluti fundi, *l. 8. de rei vind. l. minor. 39. §. 2. de viid.* item rerum incorporalium, ut obligationum & actionum, *§. si quis una. 9. inf. de fideic. her.* Usuras quoque Romani partibus assis distinguunt, easque partiebantur in uncias, sextantes, quadrantes, trientes, quincunces, semisses, beses, &c. ut videre est *l. 7. §. que autem 10. in fin. l. Titium. 47. §. 4. de adm. tut. l. liberti. 21. §. 4. de ann. legat. l. 3. §. ult. ad leg. Falc. l. creditor. 102. §. ult. de solut. l. eos 26. §. 1. C. de usur.* Sed & astrologi res omnes revocant ad duodecim partes, menses, horas, signa, latitudinem signorum: quod notat Cujac. *ad l. 13. hoc tit.* Causam usus hujus numeri, quæ à Jurisperitis tradita non est, Duarenus *lib. 2. disp. 36.* ex Galeno profert, nimirum quia nullus alius numerus in tot partes tam commodè dividatur; καὶ γὰρ ἡμισυῖναι, καὶ δίσυνοι καὶ τέταρτοι, ἕκτοι τε καὶ δαδέναιοι. Locus Galeni integer refertur à Duareno.

*Habent hæ partes propria nomina.*) Refert jam propria nomina partium assis, contentus initium fecisse ab uncia, cum Ulpiano *d. l. 50. §. ult. hoc tit.* licet & ipsa uncia in partes minutiones dividi possit, veluti in duas semuncias, in tres duellas sive binas sextulas, in quatuor scilicos; in sex sextulas: in 24. scriptula; de quibus idem Metian. *d. loc.* ubi cum vocabulis simul notas partium proponit, Varro *lib. 4. de ling. Lat. sub fin.* nominum rationem reddit, originemque explicat Voluf. Metian. *de ponderib.* sed melius Salmas. *de mod. usur. pag. 251.* illud sciendum est, hæreditatem etiam dividi in partes naturales, veluti in duas dimidias, *l. 2. §. si duo 7. de collat.* in tres tertias, in quatuor quartas, *§. videamus. 8. inf. eod.* in sex sextas, *l. situ. 76. de acq. her.*

*Quos testator voluerit*) Licet solemnibus & usitata assis distributio in duodecim partes sive uncias, ut dictum est, fiat: potest tamen partem eam distributionem non sequi, atque in tot partes unciasve hæreditatem distribuere, in quot voluerit, sive in plures, sive in pauciores, *l. 13. §. 1. 2. 3. & ult. hoc tit.* Proinde si, verbi causa, tres hæredes scripserit singulos ex quincunce, rata est patrisfam. voluntas, ut substantiam suam partem in quindecim uncias. Et si duos tantum: unum ex H h h

trica-

Sequitur pars altera hujus tit. in qua agitur de eo, quod vel unus vel plures hæredes scripti ex ratione juris & voluntate testatoris consequantur: quæ res ut commodius proponi, & perfectius intelligi possit, ante docere voluit, in quot partes hæreditas plerumque dividatur, civili scilicet, & solemnibus distributione, earumque partium nomina indicare, quo ea in numero haberent studiosi disciplinæ juris; idque fecit verbis Ulpiani in *l. si servum. 50. §. ult. hoc tit.*

*In duodecim uncias, quæ assis appellatione.*) As in re numeraria est minimus æris nummus. Hinc illa, ad assem reddere, ad assem omnia perdere. Cum sermo est de ponderibus, de divisione hæreditatis aut fundi; solidum, id est, totum quid sive integrum significat, constans ex duodecim unciis, & nimirum idem, quod in ponderibus libra aut pondo. Unde illa, ex asse possidere, *l. pen. qui satisd. cogn. in assem vindicare, l. post emancipationem. 40. §. 1. de legat. 3.* Hæres ex asse, pro quo etiam libella dixit Cicero *lib. 7. ad Artic. epist. 2. edit. Victor.* & alia plura ejusdem generis. Scribit Voluf. Metianus *lib. de ponderib. in pr.* necessariam cognitu esse assis in suas partes distributionem, non solum



triente, alterum ex quadrante, hæredes scripserit. Videbitur in partes septem hæreditatem divisisse, *d. l. 13. §. ult. l. Sabinus. 18. eod. l. 13. in pr. de lib. & posth.* Atque hac eadem ratione defenditur quod rescriptum est in *l. 3. C. de test. mil.* militem, quia filiam ex unciis duabus, uxorem ex una uncia instituisse, nec de residuis portionibus quicquam significasset, in tres partes videri voluisse hæreditatem dividere: non autem pro parte testatum, pro parte intestatum decedere; quamvis id militi concessum sit. Sive autem plures, sive pauciores partes testator fecerit; tacito jure in duodecim semper hæreditas resolvitur, *d. l. 12. §. 1. hoc. tit. VINN.* Non absona videtur viri doctissimi A. A. Pagenstecheri conjectura in *Aphor. jur. hoc. tit. §. 109.* hanc æsis distributionem arcescentis à ritu testandi per æs & libram: saltem as videtur datus pro æse hæreditatis. Eo verò quum notus as hæreditatis emeretur: posses inde & rationem reddere antiqui axiomatis: *nemo potest pro parte testatus, pro parte intestatus decedere. HEIN.*

*Si unus ex semisse, totus as in semisse*) Quando unus tantum hæres scriptus est, licet ex certa parte hæreditatis, puta triente, semisse, vel etiam minima, is perinde ac si toto æse institutus esset, omnium bonorum hæreditatem consequitur. Cæterum magis, ut opinor, ex subtilitate juris & propter regulam, qua nemini partim testato partim intestato decedere permittitur, quæ etiam mox pro ratione subjicitur, quam ex voluntate defuncti, quæ non tam facile ejusmodi interpretationem admittit, ubi unus tantum non dato cohæredere ex parte aliqua scripturus est, quam ubi plures ex pluribus. Nam si, verbi gratia, tres singuli ex uncia scripti sunt, commodissimè dicitur, arbitraria distributione testatorem usum, atque in tres partes æquales universam hæreditatem divisisse: quod secus est, si unum tantum institutum proponat in quadrante sive quarta hæreditatis parte. Quamobrem licet illo casu propter libertatem distribuendi & communem voluntatem idem obtineat in testamento militis, quod in testamentis paganorum, *l. 3. C. de test. mil.* hoc tamen casu diversum jus esse propter de regulam, quæ non militum, sed paganorum potestatem coerces, & uno tantum hærede in certa æsis parte instituto à pagano, hanc partem reliquas ad se trahere; si à milite, residuum hæredes ab intestato laturos, rectè judicavit D. Viglius: quod & in Græcis Institutionibus disertè expressum est, & tantum non etiam in *l. quærebatur. 19. de test. mil.* Quod si quis solus insti-

tutus fuerit, non ex parte aliqua hæreditatis, sed ex re certa, puta ex fundo: perinde quasi simpliciter ac sine ulla rei mentione scriptus esset, & hic bonorum omnium hæreditatem obtinebit, *l. Cohæredi. 41. in fin. de vulg. & pup.* Nam cum harum rerum quædam inter se pugna sit; successione universi juris, cuiusmodi est hæreditas, & acquisitionis rei singularis, potestate juris detrahitur rei mentio, & hæredi sic, quasi universaliter institutus esset, succurrit, *l. 1. §. 4. l. 9. si duo, 13. hoc. tit.* Sed & hoc secus se habet in testamento militis: quoniam & ipsum est ex subtilitate juris, atque ex vi superioris regulæ, quæ ad militaria testamenta non pertinet, *l. 6. de test. mil.*

*Ex parte testatus, ex parte intestatus*) Jus nostrum non patitur, inquit Pomponius eundem in paganis testato & intestato decessisse, *l. 7. de reg. jur.* quasi hæc duo, testatus & intestatus, inter se naturaliter pugnent, tamquam æjencia & negantia, & ideo eidem inesse, aut de eodem subiecto verè pronuntiari non possint, ex regula logicorum de oppositione. Et quidem sine manifesta & naturali rerum pugna dici non potest, unum atque eundem in totum aut secundum eandem partem & testatum & intestatum decessisse: at nihil prohibet ex oppositionis quominus dicamus, eundem testatum & intestatum decessisse, non secundum idem, sed secundum partes diversas. Verum ut hic quoque pugna sit, efficit subtilitas juris civilis, per quam hæres singulari repræsentare & sustinere personam defuncti: quæ repræsentatio, ut est totius personæ, ita & totalis, atque ut est unius, ita & uniformis esse debet: hoc est, ut defunctus pro parte repræsentari non debet, ita nec debet per hæredes diversi generis partim ex testamento partim ab intestato: sed quisquis hæres est, debet in totum subire locum & vicem demortui, eumque repræsentare uno ac simplici successione genere, vel in totum ex testamento, vel in totum ab intestato. Et hoc est, quod scribit M. Tullius *lib. 2. de invent. cap. 21. unius pecunia plures dissimilibus de causis hæredes esse non posse; nec unquam factum esse, ut ejusdem pecuniæ alius testamento, alius lege hæres esset.* Cujus rei hanc rationem assert Gomez *1. resol. 3. n. 3. & 10. n. 27.* quod absurdum sit, per qualitates contrarias, quæ in uno & eodem homine natura esse non possunt, unum & eundem per fictionem, quæ naturam imitatur, §. *minorum. 4. sup. de adopt. l. 1. de acceptil.* repræsentari, vid. & D. Hotom. *hic.* Ego autem arbitror, naturaliter in *d. l. 7. de reg. jur.* positum esse, pro eo quod recepta



passim moris erat, ut & alibi interdum, *l. 16. §. 4. de minor. l. 22. §. ult. locat.* Et sic quoque capiendum Ulpiani illud, *lex naturæ hæc est, ut, qui nascitur sine legitimo matrimonio, matrem sequatur.* Id est, lex consuetudinis generalis deducta ab aliqua ratione naturali, *l. 24. de stat. hom.* Nam regula ista è solis Romanorum moribus pendet, neque apud alios populos locum habet, ac ne apud ipsos quidem Romanos in testamentis militum. Ex hac porro Regula descendit, quamquam non tamquam ex causa proxima aut adæquata, jus accrescendi inter plures hæredes testamentarios, videlicet ut uno deficiente, pars ejus accretat cæteris, qui hæredes extiterunt, *l. un. §. his ita. 10. C. de cad. toll. l. liber homo. 59. §. 3. hoc tit.* Planè illud fieri potest, ut qui ab initio in totum testatus decessit, cujusque hæreditas semel ex testamento adita fuit, ex accidenti & post factò pro parte intestatus vi ipsa efficiatur, hæredique scripto portio emolumenti auferatur, rescisso pro parte testamento per querelam inofficiosi, *l. 13. in fin. l. circa. 24. §. 1. de inoff. test.* Cæterum hoc regulam non subvertit: quippe cui satisfactum est, si ejus, qui testamento jure ab initio factò decessit, hæreditas ex testamento adita fuerit; ad ea, quæ postea fiunt, non pertinet, *per l. pen. §. 2. de castr. pec.* Et igitur si quis solus ex certa parte institutus sit, is nihilominus in integrum assem potestate juris vocatur. Sed quid si testator adscripserit, nollet se, ut hæres scriptus reliquas partes ferat, & jus accrescendi expressè prohibuerit? Et quidem quemadmodum nemo sine observatione legum testamentum condere potest, *l. 4. qui test. fac. l. pen. §. 2. de castr. pec.* ita nemo quoque in suo testamento cavere potest, ne leges in eo locum habeant, *l. nemo. 17. de legat. 1.* ut illud omnino manifestum sit, testatorem nullà cautione efficere posse, ut contra regulam juris civilis dissimiliter ei succedatur, & ex testamento & simul ab intestato. Alterum ergo dicamus necesse est, vel eum Bart. *in l. 9. §. si duo. 13. hoc tit. §. in l. 1. §. qui. 29. ad SC. Treb.* totum testamentum ab eam prohibitionem collabi: utique tamen hæredes ab intestato teneri quasi ex fideicommissò partem testamento expressam restituere hæredi scriptoq; vid. Gomez *1. resol. 10. n. 10. §. seq.* vel, rato manente testamento, prohibitionem insuper habendam, residuasque partes, quantumvis vetante testatore, accrescere hæredi instituto. Quæ sententia rationi juris magis consentanea est, ut ex iis, quæ jam dicta sunt, perspicuè patet, & numero etiam

suffragiorum vincit, testibus Vigl. *hic Clar. §. testamentum, q. 74. Christin. vol. 4. decis. 11. n. 6.* Non obstat huic sententiæ, quod Ulpianus *in l. 9. §. si duo. 13. hoc tit.* scribit, & Vasquius *lib. 1. de succ. creat. §. 3. num. 6.* objicit, institutos ex certis rebus, quasi simpliciter instituti sint, hæreditate potiri, nisi voluntas patrisfam. manifestissimè refragetur: quippe qua clausula non hoc Jurisconsultus significat, si testator prohibuerit reliquam hæreditatem accrescere institutis, ob id aut vitari institutionem, aut partes eas relinquendas legitimis successoribus: sed quod scripti ex inæqualibus partibus certæ rei, qui alioqui ex ratione juris ex æquis partibus hæredes forent, perinde ac si nec res nec partes nominatæ essent, *d. l. 9. §. si duo. 13. §. 1. seq.* in manifesta testatoris voluntate hæredes ex inæqualibus partibus fiant, atque ex iis proportionaliter, quas in rebus certis expressit, veluti in specie ab Ulpiano proposita, unus ex triente, alter ex besse, quæ partes nominantur in fundo: atque inducetur hæc inæqualitas non tamen ipso jure, quam officio arbitri familiæ exciscundæ, *l. ex factò. 35. in pr. eod.* Est tamen & media sententia, quam proponit & tuetur Salicetus *in l. 13. C. de hæres. inf.* & à qua non abhorret doctissimus Bachovius, nimirum prohibitionem supra dictam non efficere quidem, quominus hæres scriptus ipso jure ex asse hæres fiat: cæterum hanc ejus vim esse, ut hæres ille partes reliquas, accrescere testator noluit, tamquam ex fideicommissò teneantur restituere iis, qui ab intestato ad hæreditatem ejus venissent, ductò argumento à simili, quale proponitur *l. 7. l. 17. §. l. si quis. 29. ad sen. Treb. §. 3. inf. quib. mod. test. inf.* Et hæc sententia mihi quoque non adeo displicet: quoniam favet voluntati morientium, salva ratione juris: eoque accommodari potest clausula *in d. l. 9. §. si duo. 13.* de qua paulo ante. Mediam sententiam excogitavit & Viglius noster: sed ille dum servare cupit voluntatem testatoris, manifestè facit adversus rationem juris, commiscendo tacitam legitimorum hæredum in partibus, quas testator scriptum hæredem habere noluit, institutionem: qualis institutio jure nostro penitus incognita est: quòd cum nec ipse dissimulare audeat, mihi argumento est, eum quoque omnino & sine conctatione in Saliceti opinionem transiturum fuisse, si quis modo ea proposuisset.

*Nisi sit miles, cujus sola voluntas*) Quæcumque subtilitatem magis, quam naturalem rationem habent, ea in militariibus testamentis



6 eorumve interpretatione locum non habere ostendimus supra *tit. de mil. test.* Inter hæc autem est & regula proposita, quæ prohibet, eundem ex parte testato & intestato decedere: & ideo de paganis tantum eam concepit Pompon. *l. 7. de reg. jur.* Igitur si miles, verbi causa, unum ex fundo hæredem scripserit, non detrahatur potestate legis mentio fundi, sed quantum ad residuum patrimonium intestatus decessisse intelligitur, & locus sit legitimis hæredibus, *l. 6. de test. mil. l. 2. C. eod.* Quod & tunc obtinere credimus, quando unum hæredem scripsit ex parte aliqua hæreditatis, per *l. quærebatur. 16. d. tit.* Sed etsi plures hæredes instituerit & unus omiserit hæreditatem, pars omissa ad alios non redebit, sed deferetur hæredibus ab intestato, nisi contraria ostendatur militis voluntas, *l. si duobus. 37. eod.* Et quod juris est in portione bonorum, hoc idem obtinet & in temporis spatio, ut usque ad certum tempus vel ex certo tempore hæredem miles instituere possit, ut quo tempore hæres scriptus non est, intestati hæreditas deferatur, *l. 15. §. 4. l. miles ita 41. in pr. eod.* vid. Duar. *ad tit. de test. mil. cap. 4.* Sich. *ad l. 1. 2. & 3. C. eod.* In Belgio generali consuetudine passim receptum est, ut unicuique liceat partim testato, partim intestato decedere contra dispositionem juris Romani D. Grot. *2. man. cap. 18.* Gudelin. *2. de jur. noviss. cap. 5.* Christin. *vol. 1. decis. 51. num. 48. & seqq. & decis. 312. & vol. 4. decis. 10 num. 3.* Zypæ. *not. jur. Belg. de testam. in pr.* Unde quaesitum est, an per hoc censeatur abolitum quoque esse jus accrescendi? Et quidem ubi unum tantum ex re certa vel parte aliqua hæreditatis institutus est, non magis hic moribus nostris residuum accrescet hæredi scripto, quam jure civili Romanorum in eadem specie ex testamento militis, sed ad hæredes ab intestato pertinebit, *arg. l. 6. l. quærebatur. 19. de test. mil. l. 2. C. eod.* idque etiam fatentur Christin. *decis. 312.* & Gudelin. *d. loc.* quoniam, ajuat, in hujusmodi casibus jus accrescendi non conjunctione aut voluntate testatoris, sed ex legis potestate proficiscitur. Idemque haud dubie censuerunt, si plures quidem scripti sint, sed ex partibus inæqualibus; idque propter inæqualitatem partium, quæ etiam jure Rom. accretionem impedit inter collegatarios. De quo sub §. *si eadem. 8. inf. de legat.* Ego idem dixerim, etsi singulis singulæ partes æquales datæ, & pars aliqua vacet, veluti si tres scripti singuli ex quarta bonorum parte; videlicet partem vacantem hæc non accrescere scriptis, sed jure intestati ad

legitimos hæredes pertinere. Sed & si, verbi gratia, plures simpliciter instituti sunt, aut in eadem partem hæreditatis vocati, & unus defecerit, adhuc dicendum videtur, non aliter partem deficientis jure consuetudinario cæteris accrescere debere, quam si ex verisimilibus saltem conjecturis appareat, eam fuisse voluntatem defuncti; cujus rei probatio cohæredibus incumbat, ne contra voluntatem defuncti pro parte omissa intestati, aut exitum intestati passi, plus ad eos redeat, quam eis datum est. Hanc enim interpretationem in eadem specie veteres secuti sunt in testatore milite, *l. si duobus. 37. de test. milit.* cui non obstat *l. 1. C. eod.* quia ibi ex parte hæres institutus proponitur, qui & ipsi militi ab intestato successurus erat; nimirum frater militis; & ideo nisi alii hæredes ab intestato probent, militem noluisse ea bona, de quibus quaeritur, ad fratrem institutum pervenire, portio deficiens hac ipsa ratione ad fratrem pertinebit: quia pro ea parte miles intestatus decessit. Cæterum contraria sententia prævaluit hac ratione, quasi jus accrescendi proposito non descendat ex potestate juris, sed ex voluntate testatoris, quæ ex sola conjunctione æstimetur. D. Grot. *2. manuduct. c. 23.* Gudelin. *d. c. 5.* Christin. *d. decis. 51. n. 48.* ac plerisque persuasum fuit, etiam olim in testamento militum, quamvis hi pro parte testati & pro parte intestati decedere poterant, id obtinuisse: nisi hæredes legitimi de contraria voluntate testantis docuissent, *arg. l. 1. C. de test. mil.* in dubio enim hanc præsumptionem fuisse; quod miles uti voluerit jure communi. Qui perspicuus error est: nec veterum hanc sententiam fuisse apparet ex *d. l. 37.* Namposito, quod jus accrescendi ideo in militis testamento cessat, quia militi concessum, ut possit pro parte testato & pro parte intestato decedere; etiam ubi jure communi id permittitur, idem est dicendum, vid. Ant. Fab. *dec. 72. err. 5. & 6.* Don. *in d. l. 1. C. de test. milit.* Duar. *d. cap. 4.* Vasq. *lib. 2. de succ. prog. §. 15. num. 110. & lib. 3. de succ. creat. §. 24. n. 41. & multis seqq.*

## TEXTUS.

De portionibus singulorum hæredum.  
Si testator assem non diviserit, aut partes in quorundam persona non ultra assem expresserit.

6. Si plures instituantur hæredes, ita demum in hoc casu partium distributio necessaria est, si



Nulli testator, eos ex æquis partibus hæredes esse. Statim enim constat, nullis partibus nominatis, ex æquis partibus eos hæredes esse. Partibus autem in quorundam personis expressis, si quis alius sine parte nominatus erit, siquidem aliqua pars assis fuerit, ex ea parte hæres fit. Et si plures sine parte scripti sunt, omnes in eandem partem concurrunt. Si verò totus aut completus sit ii, qui nominatim expressas partes habent, in dimidiam partem vocantur, & ille, vel illi omnes, in alteram dimidiam. Nec interest, primus, an medius, an ultimus sine parte hæres scriptus sit: ea enim pari data intelligitur, quæ vacat.

## NOTÆ.

6. Nullis partibus nominatis, ex æquis ) L. 9. §. 12. b. t. fac. l. 19. §. ult. de leg. 1. Illud tamen tenendum, conjunctos unius tantum personæ potestate fungi, v. g. si testator ita dixerit, Titius hæres esto, Sejus & Mævius hæredes sunt. Aut si, Titius & fratris mei filii hæredes sunt. Hic conjuncti unum semissem, Titius alterum habebit; l. 15. pr. l. 59. §. 2. hoc tit. l. 34. de leg. 1. l. un. §. 10. C. de cad. toll. nisi celeritatis gratia conjunctio facta doceatur, l. 66. b. t.

Si verò totus as completus ) L. 17. pr. §. 3. & l. 4. eod. Breviter, qui sine parte scriptus est, vacantem portionem vel alium assem occupat, l. ult. sec. tab.

In dimidiam partem ) Id est, in semissem deducta ratione ad solemnem assis distributionem: alius in alteram assem; eadem enim proportio est.

## COMMENTARIUS.

Inter institutos sine partibus pariter hereditatem dividi, etiamsi testamento non facto inæqualiter fuissent successuri.

Quantum, expleto dupondio, qui sine parte scriptus est, habere debeat?

Perperam Hotomannum in l. 17. §. ult. hoc tit. pro triente substituere esse.

Qua in re error Hotomanni maximè conspicuus.

Intelleximus, quid juris sit, si unus tantum hæres scriptus proponatur: nimirum eum solum hæredem fore, atque ex toto asse, non tantum si simpliciter aut sine parte scriptus sit, verum etiam si ex parte dumtaxat hereditatis, atque adeo, si ex certa aliqua re. Pergit nunc hoc §. 1. & 2. seqq. docere Imperator, quid fiat pluribus hæredibus institutis, quasque in portiones singuli vocati in-

telligantur? Distinguendi autem, ut ex progressu apparet, tres articuli. Primus est, si plures instituti sint sine definitione partium: alter, si quidam ex certis partibus hereditatis instituti, si quidam indefinitè seu sine partibus, tertius, si omnes partibus expressis.

Nullis partibus nominatis ex æquis partibus.) Hic primus articulus est, qui omni caret scrupulo propter evidentiam voluntatis testatoris, qui, si institutos voluisset impariter succedere, partes utique expressisset, l. 9. §. hæredes 12. hoc tit. qua de causa idem quoque servatur in re pluribus non expressis partibus legata l. 19. §. ult. de legat. 1. Quin etiam eandem voluntatis interpretationem, æqualemque partitionem sequimur, etsi qui sine partibus instituti sunt, non factò testamento in stirpes aut portionibus inæqualibus, ab intestato fuissent successuri: quia testamento factò, jam non jure proximitatis aut repræsentationis veniunt, sed titulo & jure institutionis ex iudicio & voluntate defuncti, cui legitimæ successioni per testamentum suum derogare voluisse credendus est, nisi ex conjecturis contrarium elici possit. Ita post alios Wesemb. hic, & in parat. eod. n. 6. Mantic. de conject. ultim. vol. lib. 4. tit. 11. n. 11. Ilud in universum tenendum, si conjuncti & disjuncti commixti sint, conjunctos unius personæ potestate fungi, l. planè 34. de legat. 1. l. un. §. bis ita 10. vers. fin verò, C. de cad. toll. veluti in hac institutione: Titius hæres esto: Sejus & Mævius hæres sunt; semissem Titius & tantum solus ferret, quantum duo conjuncti Sejus & Mævius, l. liber homo 50. §. 2. hoc tit. Conjuncti etiam, & vel maximè sunt, qui nomine collectivo instituuntur, l. 13. in pr. eod. l. ult. in fin. C. de impub. & al. subst. de cuius conjunctionis potestate Mantic. d. loc. num. 12. & 2. seqq. Valq. lib. 3. de succ. prog. §. 21. num. 33.

Partibus in quorundam personis expressis.) Hic articulus secundus est, & complectitur tres casus: nam partes adscriptæ aut non exæquant assem, aut exæquant, aut superant: duo priores hic tractantur; tertius §. 8. Primum quod attinet, ait, si partibus in quorundam personis expressis adhuc aliquid assis deerit, id quod superest, eum vel eos, quibus pars apposta non est, habituros, verbi causa, si duo scripti sint ex quadrantibus, tertium sine parte scriptum, quod ex asse reliquum est, & nimirum semissem, ablatum. Hoc & Ulpian. l. item quod 17. in pr. eod. atque omni dubio hic item casus caret. Secundus est, si partes nominatæ assem exæquent sive expleant; de quo sic breviter hic Imperator: Si totus as comple-



pletus sit, si qui nominatim expressas partes habent, in dimidiam partem vocantur, & ille vel illi omnes in alteram dimidiam. Nimirum cum asse expleto alius sine parte hæres scriptus est, hic, quid ad nullam residuam assis partem restringi potest indefinitè scripti institutio, verisimile est, testatorem ad novum assem sive ad dupondium transire voluisse, atque in uncias 24. hæreditatem distribuere. Et consequenter ergo qui sine parte scriptus est, in alium illum assem veniet aut si plures omnes in eundem, d. l. 17. §. 3. & 4. vel si dupondius ad assem revocetur, quo respexit Justinianus, venient indefinitè scripti in semissem; eadem enim utrobique proportio est. Similiter si quis dupondium distribuerit, & tertium sine parte hæredem scripserit; ad tripondium transitum fecisse intelligitur: & ideo qui sine parte institutus est; in tertium assem veniet, sive re ad unum assem revocata in trientem, §. 8. inf. eod. eaque mens est Jurisconsulti in d. l. 17. §. ult. cum ait, distributo dupondio sine parte scriptum non in alium assem, sed in trientem venire, non in alium assem oppositum dupondio ad assem prius revocato, sive qui distributione testatoris ad solemnem unius assis rationem redacta efficiat semissem totius hæreditatis, ut ille solus tantum capiat, quantum alii omnes, uti fit, cum quis sine parte scribitur expleto asse, de qua specie tractaverat, §. 3. & 4. sed in eam partem dumtaxat, qua ratione ad unum assem revocata, efficiat illius assis trientem, atque in distributione testatoris sive in tripondio uni assis sive 12. tantum uncias ἀνάλογως respondeat. Non est igitur ferenda Francisci Hotomanni confidentia, qui locum istum Jurisconsulti mendosum esse contendens pro trientem reponi vult tressem, vel tripondium; quasi Jurisconsultus ita scripsisset: *Qui dupondio distributo sine parte institutus est, non in alium assem, sed in tressem veniet.* Quæ oratio manifestè aut in totum falsa est, aut implicat contradictionem. Falsâ, si tressem accipimus pro tribus assibus conjunctim sive pro uncias 36. in quas tota hæreditas divisâ proponitur: sic enim foret, ut totum ferret solus, qui sine parte scriptus est. Contradictionem habet, si eadem vox accipiatur discretim pro asse tertio aut uno ex tribus. Nam huic enuntiationi: *Qui dupondio distributo sine parte scribitur, non venit in alium assem,* aperte contraria est illa: *Qui dupondio distributo sine parte scribitur, venit in tressem,* si hoc in tressem venire, in novum, in alium, in tertium assem venire. Quid est verò, quod Hotomannus impulit, ut textum hoc modo mutaret:

Nimirum ut juvaret abnormem quandam sententiam, cujus junior adhuc auctor fuit, & quam refricuit jam senior, suamque ope defendere conatus est, lib. 8. obs. c. 2. Putavit Hotomannus, quemadmodum asse completo, is, qui sine parte nominatus est, in alterum esse venit, reque ad unum assem revocata aufert semissem, simili modo, impleto dupondio, eum, qui sine parte scriptus est, tripondio ad assem revocato semissem ferre deberet nec rationem pari, ut hic tantum trientem, ille semissem ferat. Igitur Hotomannus cum huic opinioni suæ videret obstare d. locum Ulpiani scriptum manifestissimè in contrarium, lectionem loci ex cerebro suo mutavit, ut pro in trientem venit, substituerit in tressem venit. Quæ verba, si Hotomanno credimus, significabunt, aufert proportionem suam indefinita ex tresse 18. uncias. Sed nihil est, quod cum ratione aut proportionem magis pugnet, quam hæc Hotomanni opinio: nec nihilum proficit mutata lectione: quippe cum in tressem venire duobus tantum modis dici possit, & iis, quos paulo ante indicavi miror, virum alias acutissimum non potuisse videre harum rerum minimè obscuram dissimilitudinem. Quo plures in partes res quæque discernitur, eo minus singuli ex toto ferantur necesse est. Accidit hoc item in distributione hæreditatis: ac proinde si hæreditas distributa fuerit in uncias sive partes 36. ut in quæstione proposita, cum exhausto dupondio aliquis sine parte hæres scribitur, non potest nec debet, is, cui pars adscripta non est, tantum ex toto, hoc est, ex hæreditate consequi, quantum is, qui asse solum exhausto similiter sine parte scriptus est, ubi hæreditas divisâ est solummodo in uncias 24. Quid enim tam manifestum est, quam minores esse uncias in tripondio, quam in dupondio atque in hoc iterum minores, quam in asse, omninoque ratione ad assem solemnem reducta, unam unciam proportionem respondere duabus in dupondio, tribus in tripondio sive tresse? Sumamus exempla facillima, & prope puerilia cum Hotomanno. *Primus ex 12. uncias hæres esto. Secundus hæres esto.* Hic secundus sine parte institutus habebit duodecim uncias. *Primus ex duodecim uncias. Secundus item ex 12. uncias hæres esto. Tertius quoque hæres esto.* Hic tertius itidem habebit 12. uncias, sed quæ in asse juris non tantum efficiant, quantum calculi priori: illic enim singulæ semunciam, hic binas solum sextulas sive tertiam unciam partem valent. Error Hotomanni in reductione & detractionibus faciendis maximè conspicuus est.



est. Is in proposita specie Tertio sine parte accipio initio nihil, Primo & Secundo singulis partis suæ dimidiam detrahit, id est, uncias sex de duodecim, quot singulis adscripser, ut efficiat dupondium; in quo cum Tertius 12. Primus & Secundus singuli 6. tantum uncias habere reperiantur, ita dupondium deinde ad assem revocat, ut Primo item & Secundo singulis partis suæ, quam in dupondio iis reliquerat, dimidia, id est, ternæ uncie detrahantur, Tertio senæ, ut unum hic semisem solus; alterum illi duo conjunctim consequantur. Quod minimè ferendum est. Nam cum Tertius interpretatione juris non minus in certam partem vocetur, quam duo illi, in quorum persona partes expressæ sunt, & vocetur in partem partibus expressis æqualem, æqualem quoque detractionem cum cæteris pati debet: ideoque in proposito si tres asses distributos ad unum redigere volumus, binæ reductiones, totidemque gradatim & partes in singularum portionibus detractiones fiant. Prima sit tripondii ad dupondium, in qua singulis detrahenda pars tertia, id est, uncie 4. altera dupondii ad assem, in qua singulis, ut as relinquatur, detrahenda est dimidia. Denique eadem ἀναλόγως ratio est, cum dupondio superato, aliquis sine parte scribitur, & cum dupondio non superato, sed expleto tantum: itaque ut illic in id, quod tertio assis deest, sine parte scriptus vocatur, l. Sabinus 18. eod. ita hic integrum quidem assem tertium, at nihil amplius capere debet: add. Anton. Fabr. 5. conj. 20. Bachov. in Tertul. vol. 2. disp. 11. thes. 4.

## T E X T U S.

Si pars vacet, aut exuperet.

7. Videamus, si pars aliqua vacet, nec tamen unquam sine parte sit hæres institutus, quid juris sit; veluti si tres ex quartis partibus hæredes scripti sunt. Et constat, vacantem partem singulis tacitè pro hæreditaria parte accedere, & perinde haberi, ac si ex tertiis partibus hæredes scripti essent. Et ex diverso, si plures hæredes scripti portionibus sint, tacitè singulis decrescere; ut si verbi gratia quatuor ex tertiis partibus hæredes scripti sint, perinde habeatur, ac si unusquisque ex quarta parte hæres scriptus fuisset.

## N O T Æ.

7. Ex quartis partibus) Id est, singuli ex quadrante, seu tribus unciis. Et ita quoque,

quod mox sequitur, ex tertiis partibus) id est, ex trientibus sive unciis quatuor.

## C O M M E N T A R I U S.

Hic locus pertinet ad articulum tertium, cum hæredes omnes instituti sunt ex tertiis partibus. In hoc articulo si testator solemnem assis distributionem secutus, non pauciores, neque plures partes sive uncias fecerit, quàm duodecim: nihil est, de quo dubitari possit. Tantum si pauciores vel plures fecerit, & juxta rationem juris ad duodecim distributionem revocare volumus, quæri potest, quantum cuique adjici vel detrahi oporteat? Placuit autem, adjectionem vel detractionem non æqualiter & in partes viriles fieri, sed pro rata ejus partis, quæ cuique adscripta est. l. 13. §. 2. & seqq. hoc tit.

Si tres ex quartis partibus, &c.) Hoc est, si tres instituti sint singuli ex quadrante sive ex tribus unciis. Ait, vacantem partem. Id est, quadrantem reliquam, sive tres uncias, quæ assis desunt. Pro hæreditatis parte. Hoc clarius apparet, cum adscriptæ sunt partes inæquales; veluti si testator ita dixerit, Titius ex quadrante, Mævius ex semisse hæres sunt. Hic enim ex tribus unciis, quæ assis explendo desunt, una Titio, duæ accrescunt Mævio, d. l. 13. §. 3. perinde ac si ille ex triente: hic ex besse scriptus esset. Accrescunt autem partes residuæ singulis necessario & eadem ratione, qua uni hæredi ex parte scripto reliqua hæreditas accrescit, quia scilicet juris ratio non patitur, ut eidem partim ex testamento, partim ab intestato succedatur.

Si quatuor ex tertiis partibus, &c.) Hoc est, si quatuor instituti sint, singuli ex triente sive ex unciis quatuor. Tacitè singulis decrescere. Pro parte item hæreditaria, ut quadrantem singuli in asse ferant. Et igitur si duo scripti sint, Primus ex 12. Secundus ex 6. unciis, Primus ex sententia veterum habebit hæreditatis bessem, Secundus trientem, d. l. 13. §. sed si 4. hoc tit. Et ἀναλόγως, si primus ex 12. Secundus ex 8. aut 9. scripti sint; portio Primi major erit sesquuplo vel epiritro, quàm Secundi: à qua tamen Veterum sententia videtur recessisse Justinianus, l. cum quæstio 23. C. de legat. nisi dicamus cum Donell. lib. 6. comm. c. 22. interesse, utrum asse sive duodecim unciis Primo relictis, mox semis aut sex uncie Secundo relinquuntur simpliciter, an sex uncie aut dimidia nominatim ejusdem rei aut totius quod relictum est. Et hoc posteriore casu locum dumtaxat esse constitutioni Justi-



stiniani, qui & initio speciem ita proponit; priore non item. In quo Donello assentior: nam prior casus, de quo nulla inter veteres dissentio, Justiniani decisione non indigebat. Illud addo, posse & aliam rationem in re proposita iniri, ut progressus fiat ad dupondium, & singulis pro portione hæreditaria accrescat, quod dupondio deest. Sed & tot partes, quot a testatore factæ sunt, in divisione servari possunt, ut singuli suas ferant, l. 15. §. ult. l. si ita 47. §. 1. leg. ex uncis 87. hoc tit. VINN. Constitutio Justiniani binas tractat species: Priore ponitur, Titium fundum Cornelianum uni legasse in solidum, deinde alteri partem ejusdem dimidiam. Hic Sabiniani sequendam putabant proportionem geometricam, l. 80. ff. de leg. 1. l. 13. ff. de lib. & posthum. l. 47. ff. de her. instituend. Proculiani autem præferebant proportionem arithmeticam. Hinc illi priori legatario bessem, alteri trientem; hi utrique partes æquales adjudicabant. Quorum sententiam probat Justinianus. Posterior species ponit, Titium fundum Cornelianum bis legasse uni, deinde semel alteri, vel eundem fundum primum Mævio separatim, deinde Mævio & Sempronio conjunctim legasse; hic denuo quidam priori bessem, posteriori trientem; alii utrique partes æquales adjudicabant, ob easdem rationes. Horum sententiam Justinianus confirmat. Merrill. in l. Decif. c. 29. p. 372. Nullo modo ergo hæc constitutio adversatur doctrinæ hujus §. in quo non de legato, sed de asse hæreditario quæstio est. HEIN.

### TEXTUS.

Sed plures uncix, quàm duodecim, distributæ sunt.

8. Et si plures uncix, quàm duodecim distributæ sint, is, qui sine parte institutus est, quod dupondio deest, habebit. Idemque erit, si dupondius expletus sit. Quæ omnes partes ad assem postea revocatur, quanvis sint plurium unciarum.

### COMMENTARIUS.

1 Casus aliquot hic omisi recensentur.

RECTIUS hic §. subjectus foret §. 5. propter convenientiam propositorum in utroque casuum, qui ad eundem articulum, atque ex tribus, in quos præsens disputatio divisa est; ad secundum pertinent, nempe cum quidam definitè, quidam indefinitè scripti

sunt, ut in explicatione nostra illic videre licet.

Quod dupondio deest) Eadem ratio est in secundo asse, quæ in primo: & ideo quemadmodum asse, non expleto, is, qui sine parte scriptus est, vocatur in id, quod deest asse, ita si testator superato asse, dupondio tamen non expleto, sine parte hæredem scripserit, is quod ex dupondio deest, habebit, ad quem testator assem excedens transire intelligitur, l. 18. hoc tit. Quamobrem si ita scripserit, Primus ex uncis VIII. Secundus item ex VIII. hæredes sunt. Tertius hæres esto. Hic tertius item octo uncias, quot dupondio desunt, feret. Eadem ratione, si ita scripserit, Primus ex sex, secundus ex octo hæredes sunt. Tertius hæres esto. Tertius decem quæ supersunt in dupondio habebit, l. ex uncis 87. hoc tit. Quod si partes, uti fit, ad unum assem revocamus, in priori specie, singuli trientem, in posteriore Primus quadrantem, Secundus trientem, Tertius sine parte scriptus quicuncem feret.

Idemque erit, si dupondius expletus sit) Expletus videtur dixisse pro superato: neque enim hic de expleto asse aut dupondio queritur, sed de superato; qui casus ab illo diversus est: quamquam utriusque eadem ratio, l. 17. §. ult. eod. & tam is, qui, asse aut dupondio expleto: alium sine parte hæredem facit, ad dupondium vel tripondium creditur transisse, quàm is, qui id fecit asse aut dupondio jam superato; ut quemadmodum hic sine parte scriptus in id, quod dupondio aut tripondio deest, vocatus intelligitur, ita illic in novum, hoc est, secundum aut tertium assem. Sunt & alii casus, qui ad institutam disputationem pertinent, à Triboniano omisi, & fortassis de industria: velut 1. si quis solus institutus sit, non simpliciter aut ex parte hæreditatis, sed ex re certa, puta ex fundo: quam institutionem valere placet, quasi mentio fundi facta non esset, & institutum bonorum omnium hæreditatem consequi, l. 1. §. 4. hoc tit. l. coheredi 42. in fin. de vulg. & pup. de quo dixi §. 5. sup. eod. 2. Si plures instituti omnes item ex re certa: atque hoc casu similiter mentio rei & partium quoque nominatarum potestate legis detrahitur, etiam tunc cum ex partibus rei inæqualibus instituti sunt, nisi aliud suadeat manifesta voluntas testatoris: tunc enim partium expressio valebit ad rerum divisionem, ut officio judicis familiaris eriscundæ pro rata portionis, quam cuique in rebus assignavit testator, hæreditas singulis adjudicetur, l. 9. §. si duo 13. l. 10. junct. l. ex facto 35. in pr. eod. 3. Si plures instituti, eorum-



rumque quidam ex re certa, quidam simpliciter aut ex parte hæreditatis. Hoc casu placuit, solos hæredes fieri, qui simpliciter aut ex quota, uti loquuntur, scripti sunt, ex re singulari scriptos legatariorum loco esse, l. 13. C. eod. Cur verò tam variè? Nimirum ideo, quia ubi soli sunt instituti ex re certa, hic si testamentum subsistere volumus, atque ex eo, quod utique testator voluit, deferri hæreditatem, necessario detrahenda est rei mentio, cum hæc simul stare non possint, hæredem esse, hoc est, universi juris successorem, & rem tantum obtinere singularem. At verò cum concurrant cum his alii rectè hæredes scripti vel indefinitè, vel ex certa parte hæreditatis, nulla necessitas cogit, ut mentionem rei, ex qua unus aut plures scripti sunt, detrahamus, cum rem illam habere possint, tamquam ex legato, idque salva ratione juris & defuncti voluntate, quæ per cohæredes simpliciter vel ex parte scriptos sustinetur. Planè si hæredes universitatis defecerint, quod adire hæreditatem noluerint, aut ante mortui sint; tunc ex communi opinione Doctorum in d.l. 13. idem per omnia erit, ac si instituti ex re singulari ab initio soli fuissent: quamvis nonnulli hanc sententiam non aliter admittant, quàm si cohæredes defecerunt vivo adhuc testatore, quos sequitur Bachovius hic, vid. Gomez 1. resol. 10. num. 13. Grass. §. institutio q. 22. n. 3.

## TEXTUS.

## De modis instituendî.

9. Hæres & purè & sub conditione institui potest: ex certo tempore, aut ad certum tempus non potest; veluti, post quinquennium, quàm moriatur; vel, ex Calendis illis, vel usque ad Calendas illas hæres esto. Denique diem adjectum haberi pro supervacuo placet, & perinde esse: ac si purè hæres institutus esset.

## NOTÆ.

9. Sub conditione) V. C. Titius hæres esto, si Meviam uxorem duxerit) Hic institutio in pendenti est, & si quidem extiterit conditio, vitæ capit, ac conditionis eventus retrahitur ad tempus mortis, ut perinde habeatur, ac si purè facta esset institutio: si conditio defecerit, institutio evanescit, deferturque hæreditas ab intestato, l. 26. de cond. inst. fac. l. 8. de per. & com. rei vend. l. 11. §. 1. qui pot. in pign.

Ex certo tempore, &c.) Ratio est, quia re-

gula, quæ vetat, eundem in paganis testato & intestato decedere, etiam in spatio temporis locum habet, l. 41. de test. mil. l. 8. C. eod. ubi quod traditur, est ex prærogativa privilegii militaris. Cessat autem in conditione, cujus eventus retrahitur. Conditionem facit etiam dies incertus, l. 75. de cond. & dem.

Usque ad Calendas) Occurrit hic etiam specialis ratio, quia juri nostro non convenit temporalem hæredem habere, l. 7. §. 10. de minor. l. 28. hoc tit.

## COMMENTARIUS.

- 1 Captatoria institutio quæ veteribus dicta?
- 2 Suos hæredes omnes sub alia conditione institui non posse, quàm quæ in eorum sit potestate.
- 3 Diem certum institutioni appositum, sive ut terminum à quo, sive ut terminum ad quem, pro supervacuo haberi.
- 4 Cur dies certus institutioni adjectus ut terminus à quo non suspendat institutionem, similiter ut adjecta conditio.
- 5 Moribus bodiernis bujusmodi subtilitates insuper haberi.
- 6 In testamentis diem omnem incertum conditionem facere.
- 7 An si cui bonorum omnium ususfructus legatus sit, & post mortem ejus alias hæres institutus, legatum valeat?

**H**ic se nunc offert tituli hujus pars tertia, in qua tractatur de forma & modo hæredes instituendi, deque iis, quæ institutioni utiliter vel inutiliter adjiciuntur: sed non omnia quæ eo pertinent Imp. tangit, contentus, quæ præcipua sunt, de conditione & die adjectis quædam indicasse. Ante quorum explanationem monendi sumus, ad formam institutionis omnino pertinere, ut ea verbis fiat, isque idoneis, ut ex iis liquere possit voluntatis intentio; quamvis quibus verbis fiat, imperativis sive directis, an inflexis, nihil referat, l. 15. C. de test. & ibi DD. Deinde ita fieri debere, ut de persona hæredis certo constare possit, vel ex nomine, vel ex indubitabili signo: alioqui vitari institutionem, l. 9. in pr. junct. §. si quis. 8. & seq. in tempus. 62. §. 1. hoc tit. l. 4. c. eod. Item inutilem esse institutionem, si testator non certo consilio hæredem scribat, aut quid alienum captet. Unde improbata veteribus tum institutio, quæ in alienam voluntatem confertur, veluti si quis dixerit, Quos Titius voluerit, hæredes sunto. l. illa institutio. 42. l. si quis. 68. eod. tum captatoria, quæ fit captandæ alienæ hæreditatis



tis causa, cum testator suam hereditatem tamquam in hamo desert, ut alleciet alienam: puta hoc modo, *Qua ex parte Titius me heredem faciet, ex eadem mihi hæres esto, l. captatoria. 70. cum l. seq. eod. l. captatoria. 64. de legat. 1. cujusmodi institutiones etiam in testamentis militum improbantur, l. 11. C. de test. mil. Hoc autem modo concepta institutio valet, Qua ex parte Titius me heredem fecit, ex eadem hæres esto. Quoniam in præteritum collata est, neque ad captandum, sed ad remunerandum comparata, l. illa autem. 71. l. Clemens. 81. §. 1. hoc tit. Sed nec institutiones, quæ mutuis affectionibus judicia provocaverunt, pro captatoriis habentur, d. l. captatoria. 70. eod. Valent itaque haud dubiæ & mutux conjugum institutiones, D. Tulden. in c. de test. mil. n. 9. ubi obiter refellit Jo. Deckerum hanc sententiam oppugnantem lib. 1. dissert. 7. De captatoria institutione eleganter Menoch. consil. 408. Ant. Fab. c. suo de her. inst. defin. 11. post Cujac. 16. abs. 11. Duar. c. 3. hoc tit. Nunc accedamus ad explicationem textus. VINN. Sed reliquorum omnium industriam superavit Vir Illustris, Corn. van Bykersh. de captator. instit. quæ dissertatio inter reliqua ejus opuscula habetur. HEIN.*

*Sub conditione institui potest.*) Condicio est adjectio, qua in futurum eventum, quod dari aut fieri volumus, suspenditur: eaque vel possibilis est, vel impossibilis. Impossibilis inutiliter institutioni adjicitur, & pro non scripta habetur, de qua mox: possibilis utiliter, ut suspendatur interim institutio, atque existente conditione vires capiat, perindeque habeatur ac si purè facta esset: deficiente evanescat; & hereditas deferatur ab intestato. Solius persona filiifam. excipitur, qui vetatur sub alia conditione hæres institui, quam quæ in illius potestate sit, nisi sub contraria conditione exhæredetur, ne, si condicio deficiat, reperiatur contra legem præteritus, l. 4. §. 6. l. jam dubitari. 86. hoc tit. l. 15. l. ultim. de cond. inst. Tantumdem nunc dicendum de cæteris liberis, qui in potestate sunt & sui hæredes, postquam hi omnes filiofam. exæquati, §. 5. sup. tit. Falluntur ergo DD. qui putant, ita nunc jus esse, ut si suus hæres in incertum eventum institutus sit, institutio non virietur, sed potestate juris detrahatur conditio usque ad portionem legitimam, quæ gravari prohibeatur ulla dispositione moram aliudve onus afferente, per l. quoniam 42. C. de inoff. test. Non enim animadvertunt, agi isto loco non de liberis institutis, sed exhæ-

redatis, quibus aliquid pro legitima relictum sit. Nam Justinianus cum in l. omni modo. 30. §. 1. seq. C. eod. jussisset cessare querelam inofficioli, si quid liberis, omnino relictum esset, supplerique, si minus relictum, quod legitimæ deest, mutato veteri jure, quo querela non excludebatur; nisi aut tota legitima portio relicta esset, aut si minus, adjecta clausula, ut si quid deesset, id boni viri arbitratu repleretur, in d. l. quoniam 42. Quæ mox sequitur, superiores sanctiones temperat, easque sic vult obtinere, ut liberi portionem legitimam plenam consequantur, & sine ullo gravamine aut mora. Novissimè voluit & titulo institutionis legitimam relinquere, Nov. 115. c. 3. de quo plura tit. 18.

*Ex certo tempore aut ad certum tempus non potest*) Hujus rei explicatio plus difficultatis habet. Ait, *Ex certo tempore, &c.* quibus verbis tacitè innuitur differentia temporis sive diei certi atque incerti, & quæ hic traduntur, non ad utrumque, sed ad alterum tantummodo, certum scilicet, pertinere. Ita est. Dies aut est certus, aut incertus. De incerto illico videbimus. Certum dicimus: cum certum est & venturum esse, & quando venturus sit. Hic dies bifariam institutioni forte apponi potest; vel ut terminus à quo, veluti, *Post quinquennium, quàm moriar hæres esto*, vel ut terminus ad quem, veluti, *Usque ad quinquennium hæres esto*. Neutro autem modo apponitur utiliter. Et hoc est, quod Imp. ait, hæredem ex certo tempore vel ad certum tempus institui non posse, non quod adjectione diei in totum virietur institutio, sed quod dies ut vitiosè adjectus rejiciatur & habeatur pro non scripto: ita enim se statim explicat, cum ait, diem adjectum pro supervacuo haberi, & perinde esse, ac si purè institutio facta sit. Breviter Jurisconsultus, l. hereditas. 34. hoc tit. *Hereditas* inquit, *ex die vel ad diem non restè datur, sed vitio temporis sublato, manet institutio.* Quod dies tollitur, benevolentia est, ne pereat ultima defuncti voluntas. Quod die non sublato subsistere nequeat institutio; ex regula, qua vetatur idem in paganis testato & intestato decedere, proposita & à nobis exposita §. hereditas. 5. sup. eod. Neque enim ad portionem bonorum tantum, verum etiam ad temporis spatium ea regula pertinet, l. miles ita 41. in pr. de test. mil. Peculiaris quoque ratio est, cum dies adjicitur tamquam terminus ad quem; quia juri nostro non convenit, temporalem hæredem habere, sed is, qui semel hæres extitit, semper hæres maneat necesse est, l. 7. §. sed quod 10. de minoribus, l. ei qui 88. hoc



88. *hoc tit.* De altero illo quæserit aliquis, cur cum hæres ex certo die instituitur, non æquè placeat suspendi institutionem, & antequam dies veniat, nullum interim hæredem esse, ac cum quis instituitur sub conditione, & quid intersit, ita scribam, *Titius post quinquennium hæres esto*, an, *Titius hæres esto, si uxorem duxerit*? Hoc interest. Conditionis ea est vis ac natura, ut actum omnem, cui adjicitur, juri que effectum suspendat, ea deficiente nihil actum ut intelligatur, existente perinde habeatur, ac si ab initio res sine conditione gesta esset, l. 8. de per. & comm. rei vend. l. 11. §. 4. qui pot. in pign. Proinde cum hæres sub conditione instituitur est, in pendentem est tota dispositio testatoris, & siquidem defecerit conditio, nulla dispositio facta intelligitur, statimque defertur hæreditas ab intestato; si extiterit, eventus ejus retrahitur ad tempus mortis, ut quod sub conditione dispositum est, purè dispositum intelligatur, l. si pupillus 26. de cond. inst. Dies verò certus diversæ naturæ est, primum in hoc, quod nunquam suspendit vim aut effectum juris; tantum ad hoc utiliter rei alicui, veluti legato aut stipulationi adjicitur, ut remoretur executionem, §. 2. inf. de ref. de verb. obl. l. cedere diem. 213. de verb. sign. l. 17. de reg. jur. l. si dies. 21. quand. dies legat. Quod si ergo hæres ex certo tempore instituitur ante id tempus hæres esse impediatur, dies operabitur præter & contra suam naturam suspendo juris effectum, ideoque statim potius admittendus, præsertim cum certum sit, diem exiturum esse, quod secus est in conditione. Ita post Jacob. de Aret. Bart. & Bald. disputat Gomez. 1. resol. 2. n. 8. Deinde & in eo differentia est, quod dies non ita, ut conditio, existens retrahitur potest, hoc est, quod aditio post diem existentem facta non potest conjungi & continuari cum tempore mortis testatoris quam tamen continuationem jus requirit, l. hæres. 54. de acq. bær. l. omnis. 138. de reg. jur. nisi toto inter. medio tempore subducto: nam si id tempus manere volumus, ut adjectum utiliter, jam non suspendimus institutionem, ut nullus interim hæres sit; sed causæ intestati interim locum facimus: quod juris ratio non patitur. Nostri & Gallorum mores hujusmodi subtilitates averfantur: sed ubi receptum est, ut unicuique pro portione bonorum & testato & intestato decedere liceat, ita & ad tempus quisque hæredem facere potest, & ex certo tempore, ut aut post tempus, aut antequam dies veniat, intestati hæreditas deferatur; quod jure civili Romanorum solummodo ex privi-

legio obtinebat in testamentis militum; l. 15. §. 4. l. miles. 41. in pr. de test. mil. vid. notat. sab. §. hæreditas. 5. sup. eod. Hæc dicta sunt de die certo. Dies incertus, aut præteritus & simpliciter talis est, cum scilicet neutrum horum apparet, nec an venturus sit, nec quando; veluti si ita testator dixerit, *Titius hæres esto, cum consulatum inierit; cum uxorem duxerit*, aut secundum quid, cum alterorum incertum est, & vel ignoratur, an venturus sit dumtaxat; veluti si ita scriptum sit, *Titius, cum erit annorum quatuordecim, hæres esto*: vel tantum quando venturus sit, qualis est dies mortis cujusque. Et extat de die incerto generalis definitio Papiniani in hæc verba: *Dies incertus conditionem in testamento facit, l. dies 75. de cond. & dem.* Cujus definitionis hæc sententia est, ut conditio testamento adjecta non detrahitur, sed suspendit dispositionem, ita & dies incertus, atque ut existente demum conditione vires accipit dispositio, ita & existente demum die incerto. Et siquidem vel utrumque ignoretur, an dies venturus sit, & quando; vel etiam unum illud, an sit venturus; dubium non est, quin hujusmodi dies pro conditione sit, l. si dies. 21. & l. seq. quand. dies leg. At si certum sit, exiturum esse, ignoretur autem quando; hic referre puto, utrum dies appositus sit extraneo, an ipsi hæredi. Si extraneo, puta hoc modo, *Titius hæres esto, cum Sempronius morietur*, diem pro conditione esse; quia fieri potest, ut hæres scriptus ante Sempronium moriatur; quo argumento tale legatum conditionale esse defenditur, *Hæres meus, cum morietur, Titio decem dato*, l. 1. §. de cond. & dem. l. 4. in pr. quando dies leg. Si verò ipsi hæredi adscriptus sit, veluti, *Titius, cum morietur, hæres esto*, non puto conditionem facere: quia nec si legatario adscribitur, facit d. l. 4. §. 1. l. hæres meus. 79. in pr. de cond. & dem. & ideo institutioni adjectum quasi diem certum, qui vivente adhuc hærede omnimodo exiturus sit, detrahendum esse, institutionemque pro pura habendam: quæ & communis interpp. sententia est in l. 9. C. hoc tit. teste Gomez. 1. resol. 2. n. 11. Illud appertè falsum est, quod hoc loco scribit Bachovius, tale legatum, *Titio, cum morietur, decem do, lego*, conditionale esse, contra textus expressos, in d. l. hæres meus. 5. 79. de cond. & dem. & in d. l. 4. §. 1. quan. dies leg. ced. Singularis casus institutionis ex die incerto est, cum quis instituitur in tempus capiendæ hæreditatis, l. in tempus. 62. b. t. qui tamen casus à doctioribus omnibus restringitur ad eos, qui non simpli-



citer incapaces sunt, sed secundum quid; quales sunt orbi, cœlibes; quos proculdubio hæredes instituere licet, cum liberos susceperint, cum uxores duxerint. Angelo absurdum non videtur etiam deportatum sic institui, cum restitutus erit. Utique rectè idem Angelus responsum istud Jurisconsulti in *d. l. in tempus. 62.* sic temperandum existimat, ut locum habeat cum incapacitas est ex parte instituti dumtaxat, non etiam simul ex parte testatoris: nam spurium hoc modo, cum capere poterit, à patre institui non posse. De illo quaesitum est, si, verbi gratia, uxori bonorum omnium usufructus legatus sit, & post mortem ejus Titius hæres institutus, an legatum valeat? multis visum est, tale legatum esse inutile, quoniam dies usufructus legati non prius cedit, quam hæreditas adita sit, *l. un. §. 2. quando dies usufr. leg. ced. l. 2. & 3. quand. dies legat. l. un. §. libertatib. 6. C. de cad. toll.* in proposito autem hæreditas adiri nequit, quamdiu uxor vivit, eo quod dies incertus pro conditione est, potest confirmari legatum usufructus adita post mortem uxoris hæreditate, quia usufructus morte extinguitur. Pluribus tamen visum est valere, quibus assentior. Etenim in casu proposito institutio hæredis conditionalis non est, sed purè in proprietate facta ex mente testatoris intelligi debet; utpote qui legatum purè deberi voluit, nec credendus est elegisse viam, per quam dispositio ejus evertatur, contra *l. Gallus 29. §. 1. de lib. & post. l. 3. de test. mil.* Poterit itaque hæres institutus statim hæreditatem adire, eamque transmittere, quia mortis tempus adjectum non est ad infringendam institutionem, sed ne hæres interim turbet uxorem in usufructu. Quid si hæres institutus adire vivente uxore nolit? Possè eam in casu proposito de facto uti & frui Baldus respondit in *l. extraneum. 9. C. hoc tit.* Sed tutius est, ut judicis officium super hoc impleret, vide Covar. 2. var. ref. 2. num. 5. Gail. 2. obs. 143. n. 2. Graff. §. legatum. qu. 23. n. 2. Mantic. de conj. ult. vol. lib. 4. tit. 5. n. 21. Jo. del Castill. tract. de usufr. c. 8. n. 23. & seq. D. Jac. Coren. consil. 15.

## TEXTUS.

## De conditione impossibili.

10. Impossibilis conditio in institutionibus & legatis, nec non in fideicommissis, & libertatibus, pro non scripta habetur.

## NOTÆ.

10. Impossibilis conditio) Cui similis, quæ

quid continet, quod pugnat cum bonis legibus aut moribus, *l. 14. & seq. de cond. inst.* perplexa tamen, ἀπορος, vitiat institutionem *l. 16. eod.* VINN. Ast propriè conditio impossibilis conditio non est, quia actum non suspendit ab incerto eventu: immo potius eventus est certissimus. HEIN.

## COMMENTARIUS.

- 1 Conditionem ἀπορος, aut difficilem propter personæ cui appositæ est, qualitatem, &c. pro impossibili non haberi.
- 2 Ultimas voluntates appositione conditionis impossibilis non vitari; conventiones contra: & cur tam variè.
- 3 Dispositionem hujus §. auctore Grotio, non convenire moribus nostris.
- 4 Conditioni impossibili similem esse eam, quæ quid turpe continet, & ideo hanc quoque pro non scripta haberi in ultimis voluntatibus.

IMPOSSIBILIS conditio est, definitore Justiniano, cui natura impedimento est, quo minus existat; veluti, *Si digito cælum tetigeris, §. si impossibilis. 11. infr. de inut. stip.* Sed & quæ facta natura, & per se possibilia sunt, possunt casu aut adjectione temporis fieri impossibilia; veluti, exigere pecuniam, monumentum facere, Gadibus Romam pervenire, sunt *durata*, at exigere pecuniam à se, monumentum post mortem testatoris in triduo proximo facere, biduo Gadibus Romam pervenire, à *durata*. Sive autem per se conditio possibilis sit, sive propter circumstantiam aliquam, hoc jure utimur, ut sub tali conditione facta institutio non vitietur, sed evanescat conditio & pro non scripta habeatur, *l. 1. l. 6. l. mulier. 20. de cond. inst.* nisi forte conditio sit ἀπορος sive talis, quæ efficiat, ut ipsa institutio impossibilis, aut potius perplexa, atque inexplicabilis sit, ita ut voluntas defuncti exitum reperire nequeat: cujusmodi conditio institutionem vitiat, *l. si Titius. 16. de cond. inst.* Sed & in alia quavis ultima voluntate, puta legato aut fideicommissio, conditio impossibilis pro non scripta est. *l. 12. §. 1. l. ab omnibus. 104. §. 1. de legat. 1. l. 5. §. 4. quamd. dies leg.* generaliter enim quicquid in testamento scriptum impossibilis est, placet nullam vim habere. *leg. si Maria. 45. hoc tit. l. 3. de condit. & dem.* Planè conditio difficilis huc non pertinet, quantumvis propter personæ, cui appositæ est, qualitatem aliamve causam videantur impossibilibus; sed nisi conditioni pareatur, relictum in ref-



testamento non capitur. Finge libertatem ser-  
 vo relictam hac conditione, *Si hæredi millies*  
*destitit.* Hic non detrahetur conditio, sed in-  
 utilis erit datio libertatis ut responsum est à  
 Paulo l. 4. §. 1. *de statulib.* Idem juris est, si  
 in tam longum tempus conditio collata sit, ut  
 eo tempore, is cui libertas datur, vivere vix  
 possit, veluti si servo quatuor annos nato li-  
 bertas detur, cum erit annorum centum: de  
 quo vid. Franc. Amaya lib. 2. *obs. jur. cap. 11.*  
 Alio autem jure utimur in stipulationibus &  
 conventionibus: quippe quæ nullius momen-  
 ti sunt, & in totum vitiatur apposita con-  
 ditione impossibili, §. *si impossibilis 11. inf.*  
*de inut. stip. l. 7. de verb. obl. l. non solum 31.*  
*de obl. & act.* ubi etiam diversi juris indicatur  
 ratio: nimirum quia manifestum est, eos, qui  
 in contrahendo apponunt aut apponi patiuntur  
 conditionem, quam sciant esse impossibili-  
 tem, non esse hoc animo, ut se aut alios sibi  
 obligent, sed joculari, ludere, omnino ea cogi-  
 tatione esse, ut nihil egi existiment. At tes-  
 tatorem in ordinatione supremæ voluntatis,  
 in re tam seria & cogitatione mortalitatis, se-  
 rio agere & non ludere voluisse, quod in spe-  
 ciem impietatis cadit, credendum est, sed  
 mendum potius ei excidisse, quod favore ul-  
 timæ voluntatis corrigitur, & tollitur à lege,  
 ne id hæredi fraudi sit, cui nihil imputari po-  
 test, neve alia bene rectèque constituta ever-  
 santur, *arg. l. 2. de cond. instit.* D. Grotio vi-  
 detur, hanc interpretationem minus conve-  
 nire moribus nostris: nam cum in his regio-  
 nibus omnem supremam dispositionem inter-  
 pretamur secundum id, quod proprius vero  
 est sensisse testatorem, nobis hujusmodi insti-  
 tutionem potius pro ridicula & nullam ha-  
 bendam esse, ut etiam ipsi Romani in cæteris  
 causis id intellexerunt, dempta ultima volun-  
 tate. Impossibili conditioni similis est condi-  
 tio turpis, quam interpretes vulgo ut speciem  
 impossibili subjiciunt, & appellant impossi-  
 bilem de jure. Ea est, quæ quid continet, quod  
 pugnat cum pietate, bonis legibus, aut mo-  
 ribus. Nam ut bene & piè Papinianus noster  
 l. *filii 15. de cond. inst. Quæ facta ledunt*  
*pietatem, existimationem, verecundiam nostram,*  
*generaliter, quæ contra bonos mores sunt, ea*  
*facere nos posse credendum est.* Et ideo etiam  
 quid ejusmodi testamento insertum sit, id  
 perinde ac si quid impossibile adscriptum es-  
 set, placet pro non scripto haberi, l. *conditio-*  
*nes 14. de cond. inst.* veluti, *Si ab hostibus pa-*  
*trum suum non redemeris; Si parentibus patronove*  
*alimta non præstitit.* Paulus scribit hu-  
 jusmodi conditiones remittendas esse, l. 9. d.

tit. quod effectu juris eodem recidit: rapitur  
 enim semper hæreditas legatumve perinde, ac  
 si adjunctæ non essent. Plane filius, qui in po-  
 testate est, sub tali conditione hæres scriptus,  
 testamentum patris infirmat, ac si conditio  
 non esset in ejus potestate, d. l. 15. *cod.* quod  
 etiam ad cæteros suos hæredes nunc transfe-  
 rendum est per ea, quæ *sup. §. præc.* Pacta  
 quoque & stipulationes turpi conditione ap-  
 posita nullius momenti sunt, ut juris esse dixi-  
 mus, cum his apponitur conditio impossibi-  
 lis de facto, l. *generaliter 26. l. stipulatio 61.*  
*de verb. obl. l. 4. c. de inut. stip.*

## TEXTUS.

## De pluribus conditionibus.

11. *Si plures conditiones in institutionibus ad-*  
*scriptæ sunt, siquidem conjunctim, ut puta, si il-*  
*lud & illud factum fuerit, omnibus parendum*  
*est: si separatim, veluti, si illud, aut illud fa-*  
*ctum erit, cuilibet conditioni obtemperare satis est.*

## COMMENTARIUS.

Docent nos Dialectici, copulatæ oratio-  
 nis partes omnes veras esse oportere, si  
 ea vera esse ponatur; totam autem falsam esse,  
 si vel una pars falsa sit. Cui conveniens  
 est, quod hic scribit Justinianus, si plures con-  
 ditiones conjunctim institutioni adscriptæ sint,  
 omnibus parendum esse, ut scilicet verificetur  
 tota enuntiatio, & institutio purificetur:  
 quod & Paulus tradidit, l. 5. *de cond. inst.* &  
 Scævola de stipulatione eodem modo concep-  
 ta, l. *si quis 129. de verb. obl.* Ait, omnibus pa-  
 rendum est. Parere, obtemperare dicimur con-  
 ditioni, quando eam implemus, & propriè  
 hæc enuntiantur de ea conditione, quæ po-  
 sita est in nostra potestate, quam quoties vo-  
 lumus, implere possumus, non numquam ta-  
 men & ad earum conditionum impletionem  
 referuntur, quæ positæ sunt in eventu, ut in  
 l. 2. *de cond. & dem.* Et sic quod hic traditur,  
 pluribus conditionibus conjunctim adscriptis,  
 omnibus parendum esse, etiam ad plures con-  
 ditiones, quæ ex casu pendent, copulatas per-  
 tinere, sciendum est, nec sufficere ad delati-  
 onem hæreditatis, unam existere aut imple-  
 ri, sed omnium impletionem expectandam:  
 quippe cum non minus in hanc speciem,  
 quam in præcedentem illam prædictum axi-  
 oma Logicorum quadret, & utique ex æquo  
 conveniat ratio Pauli in d. l. 5. *de cond. inst.*  
 quod plures conditiones conjunctim scriptæ  
 unius



unius loco habeantur; ideoque merito à reliquis interpretibus notatus est Accursius, quod putaverit, ex pluribus conditionibus casualibus conjunctim appositis sufficere extitisse unam; arg. l. si plures 17. eod. tit. quæ huc non pertinet, sed loquitur de pluribus institutionibus factis sub diversis conditionibus, repetita scilicet ejusdem institutione in diversa parte testamenti, D. Vigl. hic.

Si separatim, cuilibet, &c.) D. l. 5. de cond. inst. d. l. si quis 129. de verb. obl. & ratio est, quia disjunctiva oratio unius partis veritate contenta est; unde regula juris Pontificii, In alternativis sufficit alterum adimpleri, reg. 70. in 6. Cujacius legit cui libet, voce divulsa, id est cui placet. Theoph. δι' ἀσφάλεια. Illud addo, ex casu pendentes conditiones omnimodo impleri oportere: quæ autem in potestatem nostram conferuntur; etiam tunc prompletis haberi, cum per alium stat, quominus implentur, veluti si quis ita institutus sit: Si Sejam uxorem duxerit, & ea nolit nubere, l. 5. §. item si 5. quand. dies leg. l. jur. 24. de cond. & dem. l. in jure 161. de reg. jur. & ibi doctissimè Pet. Fabr.

### TEXTUS.

De his, quos numquam testator vidit.

12. *Hi, quos numquam testator vidit, hæredes institui possunt; veluti si fratris filios peregrinantes, ignorans, qui essent, hæredes instituerit, ignorantia enim testantis inutilem institutionem non facit.*

### COMMENTARIUS.

1. *Moribus multorum locorum nunc ad substantiam testamenti hæredis institutionem non desiderari: quibusdam in locis ne locum quidem habere.*

ETIAM qui nobis ignoti sunt, hæredes à nobis institui possunt, modo ne ex alio capite sint incapaces, puta quia peregrini, l. extraneum 9. C. hoc tit. l. quidem 46. eod. Poterat duplex hic esse dubitandi causa, tum quod certum esse debet consilium testatoris, certa-que persona instituti, Ult. tit. 22. §. 3. tum quod eos fere hæredes instituere solemus, quorum merita affectionem nostram provocaverunt, l. 9. pro soc. Verùm enimverò ubi testatoris voluntas in personam aliquam certam

destinata est, incertum ejus consilium incertave instituti persona dici nequit; licet circa accidentia personæ: puta nomen, faciem, incertitudo sit: & potest quis etiam erga ignotum ita affectus esse, ut optime ei velit, vel propter sanguinis necessitudinem, ut in exemplo proposito, vel propter famam virtutis eruditionisve.

Peregrinantes) Peregrini, non peregrinantes, hæredes institui verantur, l. 1. C. hoc tit. Notissima autem est inter hæc duo differentia, peregrini enim civibus opponuntur. Jam verò Romani privato jure constituerunt, ne quisquam, qui civis non sit, jus capiendæ hæreditatis habeat. Qui autem ex civibus peregrinantur, hoc est, peregre degunt, extra patriam suam in peregrinis regionibus versantur, studiorum forte aut quæstus gratia, vel ut diversos hominum mores cognoscant, ut besve videant opulentas, cum hi cives esse non desinant, nulla ratio est, cur non à suis domi hæredes institui possint, licet de facie testatori noti non sint. Cujacius legit peregrinos, dictione divisa: quomodo in omnibus quoque libris manuscriptis legi testatur Hotomannus, quos quidem videre illi contigit; atque, cum ista lectione consentire & Theophilum; quæ tamen nomine reprehenditur à Bachovio, quasi lectori imponar, cum etiam Theophilus habeat; ἐπι τῆς δίαφορα. Verùm si bona fide agit Bachovius, necesse est, valde oscitante Theophilum ab eo inspectum esse: quippe cum Theophilus non proponat fratrem institutum ἐπι τῆς δίαφορα, hæredem institutum, sed liberos ex fratre, cum peregre ageret, procreatos. Multorum locorum legibus aut moribus nunc ita comparatum est, ut hæredis institutio ad substantiam testamenti non videatur necessaria, quo sensu hodie testamentum appellamus: nam & id testamentum dicitur in quo relictis tantum legatis, nulla hæredis institutio facta est. Joan. del Castillo Societatis major tract. de usufr. c. 60. Quin etiam secundum quarundam civitatum leges ne locum quidem in testamentis habet hæredis institutio. Sic enim dicunt leges Parisiensium, Arrelianensium, Gandavensium, Cortracensium &c. quod tamen ita passim accipitur, ut hæres institutus sit, pro legatario tantum habeatur. D. Gudelin. lib. 2. de jur. Nov. c. 1. D. Christin. vol. decif. 247. num. 8. & decif. 305. num. 17. & seqq.



TITULUS DECIMUS QUINTUS.  
DE VULGARI SUBSTITUTIONE.

Dig. Lib. 28. Tit. 6. C. Lib. 6. Tit. 25. & 26.

Ratio ordinis, simul quam variè verbum substitutionis à nostris usurpetur?

Divisio substitutionis in directam & fideicommissariam; ac utriusque speciei explicatio.

Nomine substitutionis simpliciter posito, intelligi directam: quæ & perfectius definitur.

Vulgatæ divisiones substitutionis notantur: ostenditurque, commodissime eam dividi in duo genera dumtaxat.

Summa eorum, quæ hoc tit. explicantur.

Postquam ea omnia Princeps tradidit, quæ ad testamenta rectè ordinanda & hæredum institutionem pertinent, reliquum videbatur, ut procius, distinetur, quibus modis testamenta rectè ab testatore ordinata postea infirmentur. Cæterum testatori permissum sit, non tantum hæredem testamento instituere, sed etiam in loco deficientis hæredis institui alios hæredes substituere, ut primo gradu deficiente saltem secundo hæredem testamentarium habeat; nunquam & cum sibi fecit, simul alii testamentum & hæredem facere, hanc partem, hæc substitutiones continet, prius exequentem putavit. Quid in genere sit substitutio, vix commode una generali definitione explicari potest: utuntur enim ea voce juris actores non tantum cum loquuntur de institutione secundi hæredis, verum etiam cum de secunda datione legati, l. 6. C. de legat. item cum agunt de fideicommissis tum hæreditatis tum rerum finiarum, ut videre est in l. cohæredi. 41. §. 1. tit. de vulg. & pup. l. cum proponeretur. 64. tit. de legat. 77. §. tec. l. Tit. 1. 87. §. 2. de legat. 2. l. hæredes. 57. §. 1. & 2. ad Sen. Treb. l. 14. C. de fideic. l. 6. C. de intest. & subst. que hinc vulgo substitutio dividitur in directam & fideicommissariam. Directa est, quæ verbis directæ & civilibus; vel hæredem hæredi substituendo, veluti, Titius hæres esto: Titius hæres non erit, Sejus hæres esto, vel legatario legatario; veluti, Titio fundum Cornelianum do, lego: Si Titius fundum, quem ei legavi, non ceperit, eundem fundum Sejo do, lego. ut hæredibus. 50. de legat. 2. Nam hæc quæ directa substitutio est, & ideo legatum agnoscens primo legatario evanescit, l. 6. C. de legat. Fideicommissaria est, quæ fit verbis hæredis, cum scilicet testator vel hæredem substitutum rogat, ut hæreditatem partemve

hæreditatis aut rem aliquam alteri restituat, vel legatarium, aut fideicommissarium, ut restituant, quod iis relictum est. Fideicommissariæ substitutionis mentio fit cum alibi, tum in locis istis omnibus, quos modo allegavi; directæ, directis & civilibus verbis factæ, in l. 7. l. 15. hoc tit. l. 5. l. 7. C. de impub. & al. subst. l. 14. C. de fideicom. §. pen. inf. de codicill. Neque tamen venditare velim hanc divisionem ut perfectam, accipiatur saltem ut generis  $\pi\acute{o}\varsigma\ \epsilon\tau$ , & eo pertineat, ut varium vocis usum, quem in jure habet, intelligamus. Illud equidem certum est, nomen substitutionis simpliciter positum in usu juris (sive proprie sive per excellentiam) solam denotare substitutionem directam, atque eam, qua hæres hæredi substituitur; unde passim videmus, substitutionem opponi fideicommissis, l. 6. §. Titius 5. ad sen. Treb. l. tutores 39. §. 3. de adm. tut. l. cum pater 77. §. volo 13. de legat. 2. cum similibus, quorum etiam tractatio proprium locum atque hinc satis longè remotum occupavit circa finem hujus libri; in Pand. lib. 36. cum de substitutionibus agatur lib. 28. Igitur, quod ad propositum attinet, si queratur, quid sit substitutio, ea sic licet definiatur: Substitutio est secundo vel ulteriore gradu facta institutio; vel brevius & simplicius, est secundi hæredis institutio, l. 1. l. ex facto 43. §. Luc. 2. in fin. hoc tit. Nam omnem substitutum veteres secundum hæredem vocant, licet longa serie substitutio facta sit, & quis tertio vel quarto vel ulteriore etiam gradu locove scriptus reperiat, habito scilicet respectu non ad ordinem scripturæ, sed successione: & quia omnis substitutus collatus cum eo, cui substituitur, & ex cujus persona relatione nomen substituti accipit, semper secundus est. Vulgo hæc ratio afferitur, quia omnis institutio, quæ fit post primam & in locum primi hæredis deficientis rectè dicatur secunda, quemadmodum secundæ nuptiæ dicuntur, quæcumque contrahuntur post primas. VINN. Non ulquequaque vera est hæc Vinnii observatio. Qui enim substituti substitutis, si subinde vocati hæredes tertii, quarti, quinti: non secundi. Hinc tertiorum hæredum meminit Sueton. in Claud. cap. 6. HEIN. Species substitutionis alii plures, alii pauciores faciunt. Doctores communiter quinque, vulgarem, pupillarem, exemplarem, breviloquam,



quam, & compendiosam. Exemplarem vocant substitutionem mente capti: breviloquam, quam alii melius reciprocam, cum hæredes instituti invicem substituuntur: compendiosam, quæ verborum hoc compendio; *Quandoque decesserit*, comprehendit plures substitutionum species, plures casus & tempora: veluti si pater ad eum modum substituerit filio impuberi, continebitur hic & vulgaris & pupillaris, & si forte filius mente captus sit, etiam exemplaris; postremo militaris quoque privilegiata, si miles sit, qui substituit, Gomez. 1. *resol.* 7. & 8. Grass. §. *substitutio.* q. 3. q. 5. 1. & multis seqq. Sichard. in l. 8. C. *hoc tit.* Ant. Merend. 4. *cont.* 6. Duarenus autem ad hunc t. *cap.* & Soar. ad Gomez. 1. *resol.* 3. ponunt hæcæ quatuor, vulgarem, pupillarem, quasi pupillarem, & militarem, rejectis breviloqua & compendiosa, ut modis substituendi, non speciebus substitutionis. Longè rectius nostro quidem iudicio. Vigl. Mynf. Hotom. *hic.* Donel. 6. *com.* 23. duas dumtaxat species statuunt, vulgarem, & pupillarem, ad quarum alterutram formas omnes substituendi referunt, & species revocant. Etenim si genera substitutionum à casuum differentiis distinguenda sunt, plura poni non debent quam duo; sicut nec plures sunt casus, in quos fit substitutio, quam hi duo, unus, si institutus hæres non erit, qui casus primus dicitur, & est conditio vulgaris substitutionis, alter, si hæres erit, qui secundus, & proprius pupillaris, l. 4. l. *Lucius* 25. b. t. l. 8. C. *eod.* potestque substitutio exemplaris, quam vocant, ἀγαλώως referri ad pupillarem, & commodiore nomine appellari quasi pupillaris, de qua agitur §. 1. *tit. seq.* Compendiosa & reciproca diversas substituendi formulas denotant conceptas semper in primum vel secundum aut utrumque casum. Quod autem miles filio puberi vel etiam extraneo in secundum quoque casum directo substituere potest, abnorme atque ex privilegio est: neque ob id necesse est separatam speciem constituere. Cæterum nec hæc ipsa bipartita divisio alia est, quam generis homonymi: quippe sola vulgaris substitutio propriè substitutio est; pupillaris non tam substitutio, quam institutio prima, utpote per quam substitutus non testatori succedit & gradu secundo, sed pupillo & gradu primo tamquam ab ipso primo loco institutus. Ant. Merend. 4. *cont.* 6. n. 12. & 13. Obtinuit tamen, ut & hæc diceretur substitutio, quia secundo loco fieri debet post institutum patri hæredem, ut declarat Ulp. l. 2. in *fin.* *hoc tit.* sive quia substitutio impuberis pars est & sequela testa-

menti paterni, §. *liberis* 5. *tit. seq.* Hæc studio juris præmonstrare operæ duxi, ne doctorum scripta adeuntes in vestibulo hærent aut offenderent. Præsenti in titulo agitur de substitutione vulgari, paucis sanè & parcè pro materiæ amplitudine & subtilitate. Proponuntur primò formulæ sive modi aliquot vulgariter substituendi; post aliquid aspergitur de effectu, ut sciamus quas in partes, nulli substitutioni adscriptis, substituti vocati intelligantur, & quatenus extendenda substitutio. Dicitur vulgaris à vulgari & usitato substituendi modo, vel quia vulgo & promiscue omnibus hæredibus à quovis testatore fieri potest. Quid ea sit jam pene cognitum habemus, mox autem certius intelligetur exposito casu & vi conditionis hujus substitutionis propriæ.

## T E X T U S.

## De pluribus gradibus hæredum.

*Potest autem quis testamento suo plures gradus hæredum facere; ut puta, si ille hæres non erit, ille hæres esto. Et deinceps in quantum velit testator, substituere potest: ut novissimo loco in subsidium vel servum necessarium hæredem instituat possit.*

## NOTÆ.

*Substitutione*) Substitutio est secundi vel ulterioris hæredis institutio, l. 1. *hoc tit.* Est autem duplex, una vulgaris, quæ cuivis à quovis testatore fieri potest in hunc casum, si priore gradu institutus hæres non erit: altera pupillaris, quæ à parentibus fit liberis impuberibus, quos in potestate habent, in casum contrarium, si filius institutus hæres erit, & intra pubertatem decesserit: ad quam speciem ἀγαλώως referri potest & illa mente capti, quæ §. 1. *tit. seq.* Fideicommissariæ substitutiones huc non pertinent; de quibus *tit.* 23.

*Novissimo loco in subsidium*) Defunctorum interest, ut habeant successores, l. 6. *de inter. in jur. fac.*

## C O M M E N T A R I U S.

- 1 *Substitutionem in codicillis factam sustineri vim fideicommissi.*
- 2 *Gradus hæredum non ex scriptura ordine, ex successione serie, quam testator fecit, timari.*
- 3 *Conditionem hanc, si hæres non erit, comperere & casum impotentiae & voluntatis.*



- an uno eorum expresso continetur & alter?
- 4 Conditionem, si hæres non erit, diversimodè accipi pro diversa qualitate hæredum & personæ instituti.
  - 5 Suum hæredem, accepto vulgariter substituto, ex necessario feri voluntarium, salva tamen qualitate sui hæredis.
  - 6 Substitutionem vulgarem in suo hærede non operari in casum impotentia, sed voluntatis & abstinentia.

**I**n testamento) Rectè in testamento, ut & Marcian. l. potest 36. eod. unde hæc descripta: nam in codicillis ut institui hæres non potest, ita nec substitui; siquidem & substitutio institutio est, & utroque modo hæreditas directo datur; quod in codicillis non licet, §. pen. inf. de codicill. l. quod per manus 10. de jur. eod. Sciendum tamen est, etsi substitutio in codicillis facta non valeat jure directo, benigna tamen interpretatione sustineri in vim fideicommissi, quasi hæredes legitimi rogati videantur, hæreditatem substituto restituere. Sententia communis & usu recepta non doctorum tantum auctoritate, verum etiam legum, l. Scævola 86. ad Sen. Trebell. l. illud 13. §. 1. de jur. eod. l. ult. §. 1. C. eod. Atque hanc sententiam etiam, cum in contrarium multa disputasset, amplectitur D. Viglius, & pro axiomate quodam esse jubet, multarum quæstionum arbitro.

Plures gradus hæredum) Hoc est, plures hæredum ordines, ut alii scribantur primo, alii secundo, alii loco tertio, & ita deinceps, l. 2. de defertur 4. de bon. poss. sec. tab. In qua designatione non scripturæ ordo, sed successione spectari debet; ut ecce, in hac formula, Titius hæres esto, si Sejus hæres non erit; Sejus hæres esto. Sejus, qui ordine scripturæ secundus est, gradu & ordine delatæ hæreditatis est primus, Titius secundus, ac proinde substitutus, l. si ita 28. de her. inst. l. 2. §. pen. ult. hoc tit. Nec verò etiam cohæredes ad eundem gradum facit, sed omnes cohæredes uno eodemque gradu habentur, & ideo simul ad successione ex testamento admittuntur, quem admodum ad successione ab intestato vocantur omnes, qui eodem gradu cognationis sunt. Ubi autem gradus à testatore facti sunt, tum scripti impediuntur simul hæredes esse, l. cum in testamento 37. de her. inst. nec substitutio locus est, quamdiu admitti potest prior hæres institutus, l. 1. l. quamdiu 69. de acq. her. sique omnino postulat ordo graduum pro affectu erga hæredes à testatore descriptus, apud quem ut prior amoris gradu institutos esse

apparet, quàm substitutos, ita dubium non est, quin ad illos malit, quàm ad hos hæreditatem suam pervenire.

Si hæres non erit) Hic casus primus dicitur, & est conditio vulgaris substitutionis propria. Non semper autem hic casus plena oratione exprimitur, ut sit hoc loco; sed sæpe uno verbo substituendi significat, ut si testator ita dicat, Titio Mævium substituo, aut pluribus institutus ita, eosque invicem substituo. Casus autem iste, Si hæres non erit, generalis est, continens in se & casum voluntatis, ut loquuntur, si hæres esse nolit; & impotentia si non potuerit hæres esse, fac. l. si quis 56. solut. marr. Uterque casus speciatim exprimitur l. 3. C. de her. inst. Sub casu impotentia iterum sunt inferiores & veluti species infimæ, veluti, si mortuus sit, si deportatus. Quorum omnium cum sit diversa ratio, non facile admittendum est, quod ex communi DD. sententia Gomez. 1. var. resol. 3. n. 10. refert & probat, uno casu speciali expresso, aut voluntatis dumtaxat, aut impotentia, alterum interpretatione supplendum esse; & perinde habendum, ac si uterque expressus esset: & manifestè obstat huic sententiæ l. 10. de lib. & post. Sanè non dixerim, eum, qui expressè & specialiter substitutus est in casum deportationis hæredis instituti, intelligi debere etiam substitutum in casum mortis. Quod autem in institutione nepotis Aquiliani casus mortis per interpretationem producit ad casum deportationis & similibus, mirum non est; quoniam omnium ex sententia Galli eadem ratio est, l. Gallus 29. §. & quid 5. d. tit. Idemque responderi potest de substitutione facta impuberi filio, in qua placet casum primum seu vulgarem expressum extendi etiam ad alterum seu pupillarem non expressum; & contra: nimirum sumptum hoc ex conjectura voluntatis, ut pluribus docebimus tit. seq. quamquam non tam prudentum interpretatio hoc jus introduxit, quàm specialis constitutio D. Marci l. 4. hoc tit. add. Cujac. ad d. l. 10. de lib. & post. Duar. c. 9. hoc tit. Porro conditio hæc, Si hæres non erit, pro diversa qualitate hæredum personæque instituti & ipsa diversimodè accipitur. In extraneo hærede, qui sui juris sit, hoc significat si neque ibi hæreditatem acquiserit, neque alium mutata conditione hæredem fecerit. In ejusdem qualitatis hærede, qui alieno juri subiectus est eodem sermone hoc significatur, si neque ipse hæres erit, neque hæreditatem ei, cujus in potestate est, acquiserit, §. ult. inf. eod. ubi hac de re latius atque ex professo. In suo hærede eadem formula hoc significat, si se



paterna hæreditate abstinerit, si cum effectu hæres non extiterit, eo quod se bonis paternis immiscere noluerit. Nam etsi suus hæres ipso jure hæres existit, & ideo non esse sine hærede dicitur; qui suum hæredem, licet se abstinentem, habet, *l. cum quasi 30. §. sed & si 10. de fideicom. libert.* cujus rei notabilis effectus indicatur in specie *l. ult. de acq. her.* tamen cum de excludendo substituto quæritur, & vi atque interpretatione horum verborum. *Si filius mihi hæres non erit*; ex voluntate substituentis, quam jus civile hic sequitur & approbat, non nuda ista existentia, sed immixtio filii cum aditione hæredis extranei comparanda est; alioqui ne substitui quidem filio in istum casum posset: nam si nullo modo efficere filius potest, ut non sit hæres, frustra ei substitutus datur in eum casum, quo hæres non sit, quo proculdubio continetur etiam casus voluntatis. Ac dicendum omnino videtur suum hæredem, qui in vulgarem casum substitutum accepit, ex necessario hærede fieri voluntarium, & id quidem ex ratione ipsius juris civilis, quo scilicet patri permixtum necessitatem istam ut in suum solius favorem introductam remittere, & quam etiam tacite remisisse intelligatur, dato filio in vulgarem casum substituto, ut quod alias filius non habuisset nisi jure prætorio, abstinenti nimirum licentiam, id nunc habeat jure proprio acceptum à patre, ac proinde ex jure civili; per *l. 12. de cond. inst. l. jam dubitari 86. de her. inst.* Doctores vulgo contendunt, per vulgarem substitutionem in totum tolli jus suitatis, *arg. d. l. 12. & l. 16. de lib. & post. Grass. §. substitutio. quest. 3. num. 3.* sed hoc nullo modo admitti potest; alioqui nec in pupillari substitutione expressa unquam inesse posset vulgaris, nec in vulgari pupillaris; & transmissio, quæ solius suitatis ante legem Theodosii effectus erat, per vulgarem substitutionem eo tempore fuisset impedita; quæ omnia falsa sunt, priora duo manifeste, tertium *arg. l. un. §. 5. & §. cum autem 13. C. de cad. toll.* ubi Justinianus demum substitutum vult admitti, cum desunt personæ, quæ hæreditatem non aditam transmittunt ex lege Theodosii, quæ unica est sub *tit. C. de his qui ante ap. tab. her. transm.* nimirum jus transmittendi, quod soli antea sui hæredes & simpliciter habebant, etiam in casu substituti extendens ad personas d. lege Theodosii comprehensas. Et verò, quod omnino considerandum, in persona sui hæredis duæ hæ sunt qualitates diversæ, necessarium esse, & suum esse, quarum hac salva, aut saltem vulnerata tantum, illa tolli potest,

uti factum videmus edicto prætoris, quo manente suitate data est abstinenti potestas. Concludendum ergo, substitutionem vulgarem in suo hærede non operari in casum & speciem impotentia, sed in casum voluntatis & abstinentia duntaxat; utique si filius patri superstes fuerit: nam si is vivo adhuc patre decesserit, nullis liberis relicta, qui quasi agnascendo testamentum relinquant; dubium non est, quin substitutioni locus sit, *Zaf. tract. subst. cap. 1. in quarto effectu. Gomez. 1. resol. 3. n. 15. 16. & 24. Bachov. in Treutl. vol. disp. 11. thes. 7. Christin. vol. 5. decif. 16. num. 4. D. Jo. à Sande lib. 4. tit. 3.* Illud quoque mihi planè persuadeo, abstinente filio suo hærede, substitutum hæredem fieri jure civili, hoc est, directo ex substitutione venire, & hæreditatem adire posse ex vi formulæ, *Si filius mihi hæres non erit, Sempronius hæres esto*; quamvis hoc non placeat Anton. Fabro, qui substitutum non ipso jure hæredem fieri, sed à prætore tantum ad bona admitti contendit, *decad. 32. err. 7.*

*Novissimo loco servum necessarium*) Qui omnino legitimas successiones impedire atque in omnem casum sibi vult prospicere, ne intestati exitum faciat; is poterit in defectum priorum servum suum postremo loco instituire hæredem necessarium, quòd illi quoque facere solent, quibus facultates suæ suspectæ sunt, ut auctionis infamiam, quam metuunt deficientibus voluntariis hæredibus, modis omnibus à se advertant, & quod in alios non potuerunt, in servos tandem transferant, *S. p. infr. de her. qual.* Quid si servus non loco novissimo, sed intermedio substitutus sit, aut ipsi primo instituto substitutus datus? Putarem contra Viglium cum Jo. Fabro, defendi posse, dominum videri servo remisisse ad eundem necessitatem, dando ei substitutum in eum casum, quo hæres non esset, utique si substitutus hæreditatem adire paratus sit, *arg. l. 12. de cond. inst.*

## TEXTUS.

### De numero hæredum in singulis gradibus.

1. Et plures in unius locum possunt substitui, vel unus in plurium, vel singuli in singulorum, vel invicem ipsi, qui hæredes instituti sunt.

## COMMENTARIUS.

Complures sunt formæ substituendi. Substituuntur vel extranei, vel ipsi hæredes instituti. Prior species variatur quatuor modis;



dis; nam & singuli singulis, & plures pluribus, & plures uni, & pluribus unus substitui potest. Secundus modus hoc loco, & apud Marcianum, l. potest 36. §. 1. eod. omisus est forte de industria, quia eadem illius quæ primi ratio est. Illud autem in his omnibus tenendum, ut substitutis locus fiat, necesse esse, ut antea primo gradu instituti defecerint, quosumque casu ex superioribus modis substitutio facta proponatur; hoc enim perpetuo exigit natura & ratio substitutionis, adeo ut nulla etiam videatur esse causa dubitandi, ne in postremo quidem casu, ubi unus pluribus substitutus sit. Nam qui ita loquitur, Octavius & Nonius hæredes sunt, si non erunt, Decius esto. is utique aperte significat, se velle, institutos & ambos & singulos substituto præferri, atque hunc non aliter admitti, quam si neuter illorum hæres fuerit; quod ipsum disertè quoque traditum est l. 4. C. de impub. & al. subst. Quare vix est, ut credam, apud veteres juris auctores de eo dubitatum fuisse, quamvis id persuasum fuerit Justiniano, l. pen. C. d. tit.

Vel invicem ipsi) L. cum testamento 37. §. 1. de her. inst. Hæc est substitutio, quam Modestinus reciprocam vocat, l. 4. §. 1. hoc tit. Papinianus mutuam, l. cum proponeretur 64. de legat. 2. exemplum extat apud Suetonium in Tiberio, c. ult. Doctores vulgo appellant breviquam vocabulo non satis rei convenientes; atque enim ex verborum brevitate æstimatur, sed ex reciprocatione formulæ, quam nihil prohibet longiore oratione concipere, ut fecit Theophilus, & notavit D. Viglius. Modus autem substituendi est, non species substitutionis, ut superius diximus, & pupillari quoque convenit; d. l. 4. §. 1. hoc tit.

TEXTUS.

Quam partem singuli substituti accipiant, si partes in substitutione expressæ non sint.

2. Et si ex disparibus partibus hæredes scripti invicem substituerit, & nullam mentionem partium in substitutione habuerit, eas videtur in substitutione partes dedisse, quas in institutione expressit: & ita divus Pius rescripsit.

NOTÆ.

2. Ex disparibus partibus) Species: Octavius & Nonius hæres esto, Decius ex quadrante; eosque invicem substituo. Hic reputante Decio, dividetur quadrans in novem

partes, ex quibus octo feret Nonius, unam Octavius, l. 24. eod. Male exemplum posuit Theoph. in duobus hæredibus invicem substitutis: verum tamen est quod dicit, & male carpitur à Pac.

D. Pius rescripsit) L. 4. Cod. eod. congruunt l. 5. & d. l. 24. D. eod.

COMMENTARIUS.

1. Hæredes ex imparibus partibus institutos, atque invicem simpliciter substitutos ex substitutione in partes hereditarias vocatos intelligi: & quomodo hæc regula temperanda? num. 2.

PLuribus hæredibus etiam ex certis partibus institutis, si unus simpliciter substitutus fuerit, hic illis deficientibus totum assem ex substitutione feret: si plures pluribus eodem modo substitutis, singuli ex partibus æqualibus hæredes erunt, licet inæquales adscriptæ sint institutis, quippe cum hic discerni non possit, quis cui substitutus sit. Ac si singuli singulis, tum eam quisque partem habebit, quæ adscripta primo, cui substitutus est. Dubium quoque non habet, si testator hæredes institutos mutuo substituens in substitutione easdem partes nominatim servari voluit, quas in institutione expressit, aut si alias partes in substitutione fecit, quin voluntas servanda sit. Sed hoc quæsitum est in substitutione reciproca, si testator hæredes ex imparibus partibus institutos invicem simpliciter substituerit, hoc est, nullarum in substitutione partium mentione facta, utrum in partes viriles, an in hæreditarias ex substitutione vocati intelligi debeant. Et D. Pius voluntatem testatoris in hac substitutione sic interpretatus est, ut videatur testator eos vocasse in portiones hæreditarias, hoc est, ex iisdem partibus substituisse, ex quibus instituti sunt, l. 5. l. si plures 24. hoc tit. l. 1. C. eod. & hoc text. Optima sanè ratione: neque enim verisimile est, testatorem plures eos fecisse in gradu secundo, quam in primo; cum substitueret, quam cum institueret: ut proinde partes, quæ in institutione expressæ sunt, repetitæ videri debeant in substitutione; quæ eadem ratione etiam legata ab institutis relicta à substitutis repetita esse intelliguntur, l. licet Imp. 74. de legat. 1. & clausula quoque sine conditio in institutione apposta in substitutione repetita, utique si eadem sit, aut par utrobique ratio, arg. l. 14. de legat. 1. l. 1. C. de impub. & al. sub. Ant. Fab. C. suo tit. 7. defn. 3. Christin. vol. 4. decis. 13. n. 7.



*Invicem substituerit*) In duobus hæredibus invicem substitutis huic quæstioni locus esse non potest: siquidem uno ex duobus deficiente, alterum semper, quod reliquum est habere oportet, & in solidum hæredem fieri. Sed minimum tres institutos, eosque invicem substitutos ponamus necesse est, verbi causa, uti Ulpianus speciem proponit, *d. l. 24. hoc tit.* si unus ex uncia, secundus ex besse, tertius ex quadrante sit institutus, repudiante tertio in novem partes dividetur quadrans, ferretque octo partes, qui ex besse institutus est, unam partem, qui scriptus ex uncia. Manifestum igitur est, male omnino Theophilum hunc locum interpretatum esse, dum in duobus institutis invicemque substitutis exemplum posuit.

*Quas in institutione expressit*) Ulp. *d. l. 24.* hoc sic temperat, nisi alia mens fuerit testatoris. Quibus verbis interpretes denotari & excipi putant etiam calum quo non simpliciter & tribus verbis omnes invicem substituantur, aut quidem sub appellacione hæredum alicui ex cohæredibus, puta hoc modo, *Si Titius hæres non erit, quisquis erit; ex parte quoque Titii esto*, aut, *Ceteri, quos primo loco scripsi, sunt*: sed repetitis in substitutione propriis singulorum nominibus, veluti hoc modo, *Titius ex quincunce, Mævius ex triente, Sempronius ex quadrante hæredes sunt. Si Titius hæres non erit, Mævius & Sempronius ex parte quoque Titii hæredes sunt.* Hic secundum communem sententiam Mævius & Sempronius in portione deficientis Titii viriles, hoc est æquales non hæreditarias partes habebunt: idque ex non obscura voluntate testatoris, qui in substitutione propria cujuscumque nomina repetens, jam non ad partes in institutione datas, sed ad personas & numerum substitutorum substitutionem retulisse dicendus sit, *arg. l. nonnumquam. 25. ad sen. Treb. l. si hæredes. 124. de legat. 1. l. si communis. 37. de stip. serv.* Atque hanc sententiam etiam D. Viglius probat, ac præceptoris suo D. Francisco Curtio, cui ea displicebat, propterea quod Jurisconsultus in *d. l. 24. hoc tit.* requirit voluntatem evidenter expressam, responderet, expressionem propriorum nominum ex interpretatione prudentum vim expressæ voluntatis in hujusmodi quæstionibus habere. Idem probandum est, si testator æquale onus substitutis imposuit, per *l. quotiens 23. ad sen. Treb. Gloss. in l. 1. C. de imp. & al. subst. Gomez. 1. ref. 5. n. 20. D. Tulden. comm. hic cap. 2. Christin. vol. 4. dec. 13. n. 7.*

Si cohæredi substituto alius substituat.

3. *Sed si instituto hæredi, cohærede substituto dato, alius ei substitutus fuerit, Divi Severus & Antoninus sine distinctione rescripserunt, ad utramque partem substitutum admitti.*

## NOTÆ.

3. *Sed si instituto hæredi*) Species: Primus & Secundus hæredes sunt: Si P. hæres non erit, S. hæres esto: si S. hæres non erit, Tertius hæres esto. Verius est, in utramque partem hic Tertium substitutum esse, *l. 27. l. 41. eod. ex quo jure hæc regula fiat: Substitutus substituto intelligatur etiam substitutus instituto.*

*Sine distinctione*) Id est sine distinctione mortis & scripturæ, ut nihil interfit, prior substitutus post institutum, an ante decesserit; nihil quoque utrum ante primam substitutionem secunda facta sit, an postea hoc modo: Primus & Sec. hæredes sunt: si S. hæres non erit, Tertius hæres esto. Si P. hæres non erit, S. hæres esto, *l. 41. pr. eod.*

## COMMENTARIUS.

- 1 An in specie hic proposita utraque pars defecta jure substitutionis ad sec. substitutum pertineat
- 2 Scævola cum Papiniano conciliatus.

SI paterfamilias Titio & Mævio hæredibus institutis, Titium Mævio sine reciproca-tione substituerit, & Titio Sempronium, certum est, deficientis Titii partem non accrescere Mævio cohæredi Titii, sed ad Sempronium jure substitutionis pertinere: quippe cum verba illa, *Si Titius hæres non erit, generalia sint*, & utrumque casum complectantur sive hæres non erit ex institutione, sive non erit ex substitutione. Ceterum hæc species huc non pertinet. Et male Hotomannus tali exemplo usus est ad hujus loci declarationem. Hic enim non tantum quæritur de parte ejus, qui cohæredi suo substitutus alium substitutum accepit, sed etiam de parte cohæredis, cui ille alius expressè substitutus non est, & nimirum si uterque defecerit, an pars utriusque ad illum uni tantum substitutum jure substitutionis pertineat. Quod hic affirmatur, & in *l. si Titius. 27. l. cohæredi. 41. in pr. hoc tit.* Ex hoc igitur jure hæc regula fiat: *Substitutus substituto intelligitur etiam substitutus instituto.*

*Sine distinctione ad utramque partem*) Si scilicet



et neuter hæres extiterit. Videamus primum de partibus : deinde explicabimus, quid illud sit, quod ait, sine distinctione. De partibus dubitari poterat, non an ambæ ad substitutum pertineant, sed an pertineant jure substitutionis tamquam ad substitutum utriusque. Nam si, verbi causa, Mævius, cui Titius cohæres & substitutus datus est, ante Titium defecerit, Sempronius Titio substitutus deficiente deinde Titio, ad utramque quidem partem sine dubio admittitur, sed ideo ad partem quoque Mævii dixerit aliquis, non quod huic quoque substitutus intelligatur; sed quia vel deficientis Mævii pars Titio cohæredi, cui Sempronius substitutus jam prius accrevit, vel quia nunc ipsi accrescit Sempronio. Verum prius illud nullo modo dici potest, quia deficientium portiones non accrescunt aliis, quàm qui ex sua parte hæredes extiterunt, *l. un. §. his ita. 10. C. de cad. toll.* unde portio portioni accrescere dicitur instar alluvionis, *l. si Titio. 33. in fin. de usufruct.* Quod si Titium hæredem extitisse ponimus, expiravit substitutio, *l. 5. C. de impub. & al. subst.* Posterius teste Viglio visum est nonnullis veterum interpretum, ut Dyno, Jo. Fabro, atque ex recentioribus Lancelloto Polito, qui, etsi dicatur Sempronius in utramque partem in specie proposita substitutus, neutquam tamen dici posse contendit, revera substitutum esse Mævio. Sed merito DD. communiter, quos & Viglius sequitur, hoc improbant. Quæ enim potest esse dubitandi ratio, si dicamus, partem Mævii accrescere Sempronio, cui etiam accresceret, etsi Titius Mævio substitutus non esset? Et igitur aut frustra & inepte talis casus proponitur, quo Titius cohæredi substitutus est, aut hoc operabitur substitutio Titii, ut Titio substitutus etiam ei, cui Titius substitutus est, tacite substitutus esse intelligi debeat. Atque hoc ipsum satis aperte docet hoc loco Justinianus, cum ait, substitutum ad utramque partem admitti; admitti videlicet eodem jure atque ex substitutione, de qua sola hic disputatur, & quia, ut disertè ait Jurisconsultus in *d. l. 27. hoc tit.* in utramque partem substitutus intelligitur. Sed quid refert, ex substitutione an jure accrescendi dicamus portionem etiam Mævii Sempronio deferri? Nihil quidem admodum in casu proposito. Sed sige, præter Titium & Mævium, Cajum quoque hæredem institutum, hic jam Sempronio proderit, jure substitutionis, deferri portionem Mævii, ut excludat Cajum, quem non excluderet in jure accrescendi. Illud non animadverto, quomodo huc appli-

cari possit, quod præterea Bachovius notat, jus accrescendi sequi hæredem ejus, qui portionem suam agnovit, quantumvis ante decesserit, quàm ipsi quicquam accresceret; substitutionem autem ad hæredem non transmitti *l. 9. de suis & leg. l. toriens. 81. de acq. hæer.* Quid autem illud est, quod ait Imp. sine distinctione admitti? Nimirum hoc explicandum ex responso Papiani, *l. cohæredi. 41. in pr. hoc tit.* Primum nihil interesse ratione ordinis scripturæ, utrum ante primam substitutionem secunda facta sit, an postea, veluti in hoc exemplo, *Titius & Mævius hæredes sunt: si Titius non erit, Sempronius esto; si Mævius non erit, Titius esto*, Secundo nihil interesse utrum prior substitutus post institutum, an ante decesserit. Sed hic Papiniano objicitur Scævola, *l. qui habebat. 47. eod.* Species, quam ibi Scævola proponit, est hujusmodi; qui filium & filiam impuberes habebat, instituto filio hærede filiam exhæredavit, & si filius intra pubertatem decessisset, filiam eidem substituit: filia, si antequam nuberet, decessisset, uxorem suam, item sororem. Et respondet, si filia impubes prior decesserit, deinde frater ejus impubes, hæreditatem filii ad uxorem & sororem testatoris jure substitutionis non pertinere. Accursus, quem bona pars DD. sequitur, ait, Scævola sic respondisse, quia in casu illic proposito secunda substitutio jam extincta erat pubertate filiarum; sic enim ille locum legit: *cum filii pubes prior decesserit.* Et quia sciebat, apud alios legi *impubes*, (quomodo textus quoque Pisanus & Noricus habent) notat, *olim impubes, nunc pubes.* Sed in tali casu non debebat Jurisconsultus distinguere, cum nec si post institutum substitutus jam pubes & hæres factus decesserit, ex secunda substitutione quisquam admitti possit. Bachovius putat in pupillari substitutione diversum jus esse, aut saltem in specie, *d. l. 47. ubi pupillo non cohæres substituitur, sed filia exhæredata, eandem voluntatis interpretationem non admitti, ut scilicet substituti substituta videantur etiam substituti instituto.* Atque idem adhuc dicendum videtur favore pupilli, ad cujus utilitatem pertinere creditur, ut substitutum habeat, *l. Julianus. 42. de acq. hæer.* Deinde si in pupillari substitutione alio jure utebantur, cur non simpliciter Jurisconsultus responderet, hæreditatem instituti jure substitutionis ex secunda substitutione non deferri? Nisi compositorum fœcordiæ adscribendum, quod responsum Scævola in Pandectas retulerint, cum rescripto Imp. Severi & Antonini distinctio illa, qua Scævola



la utitur, sublata esset, mallet cum Viglio dicere, Imperatorum rescriptum loqui de duabus partibus unius hæreditatis, Scævola respondisse de duabus hæreditatibus, ad quas rescriptum istud temere producendum non sit, sed in quibus vetus distinctio adhuc obtineat, utrum prior substitutus ante, an post institutum decesserit.

### TEXTUS.

Si quis servo, qui liber existimabatur, instituto substitutus fuerit.

4. Si servum alienum quis patremfamilias arbitratus heredem scripserit; & si hæres non esset, Mævium ei substituerit; isque servus jussu domini adierit hereditatem, Mævius substitutus in partem admittitur. Illa enim verba, Si hæres non erit, in eo quidem, quem alieno juri subjectum esse testator scit, accipiuntur: Si neque ipse hæres erit, neque alium heredem effecerit: in eo verò, quem patrem familias arbitratur, illud significant, si hereditatem sibi, vel ei, cujus juri postea subjectus esse cœperit, non acquisierit. Idque Tiberius Cæsar in persona Parthenii servi constituit.

### NOTÆ.

In partem admittitur) Th. τὸ ἕμισυ λαμβάνει, rectè, pars enim ἀπλῶς posita dimidiam significat, l. 43. de usuf. l. 164. §. 1. de verb. sign. In specie d. l. 40. Sempronius cohæres servo substitutus fuit: & ideo unum semissem Sempronius habet ex institutione, alter semis inter eum & dominum servi instituti dividitur: add. quæ ibi not. Gothofr.

Subjectum esse testator scit) Et hoc casu in totum excluderetur substitutus, l. 7. de acq. her. sed in proposito propter falsam opinionem & incertitudinem voluntatis testatoris, media via electa est, ut alias sæpe.

Tiberius Cæsar) Ponpon. l. 41. de her. inst.

### COMMENTARIUS.

- 1 Si filius fam. hæres institutus sit, eique, si hæres non esset, substitutus datus, utrum repudiante filio, pater, an substitutus admittendus?
- 2 Pleraque aliæ quæstiones, quæ hic tractari solita, obiter excussa & definita.
- 3 Utrum in casu hic proposito inter dominum instituti & substitutum hereditas ex æquo dividenda, an sic, ut ille dodrantem, hic quadrantem dumtaxat ferat?

IN explicatione pr. hujus tit. diximus, hæc verba, Si hæres non erit, in persona patris famil. significare, si nec ipse hæres erit, nec alium heredem mutata postea conditione fecerit. In eo, qui alieno juri subjectus est, eodem sermone hoc significari, si vel ipse hæres non erit, vel ei, cujus juri subjectus est, hereditatem non acquisierit. Et igitur si paterfam. hæres institutus in eum casum substitutum accepit, Si hæres non erit, isque vel in eodem statu manens sibi hereditatem acquisierit, vel mutata ante testatoris mortem conditione, servus aut filiusfam. factus, dominum aut patrem heredem fecerit, in solidum excluditur substitutus. Similiter si servus aut filiusfam. hæres instituti & in casum, quo hæres non erunt, substitutum acceperint, & aut ipsi mutata conditione ante mortem testatoris sibi hereditatem acquisierint, aut in eo statu manentes dominum aut patrem hæres fecerint, substitutus itidem in totum repellitur, l. si paterfam. 40. de her. inst. l. 7. de acq. her. l. 5. C. de imp. & al. subst. & hoc text. Cæterum hoc ita, si testator non ignorabat, eum, quem heredem instituit, in aliena esse potestate: nam si patremfam. esse putabat, qui servus alienus erat, hic propter falsam opinionem & incertitudinem voluntatis testatoris media via electa est, ut substitutus cum domino servi in partem admittatur, d. l. 40. & seq. de her. inst. & hoc. §. Nam ex ratione juris dominus solus admittendus videbatur, cum magis sequendum id, quod in veritate est, quam quod in opinione. Pro substituto autem facit præsumpta voluntas testatoris, qui non videtur domino consulere voluisse eum heredem instituens, quem ignorabat dominum habere. Quæsitum est, si filiusfam. hæres institutus, eique hac conditione, si hæres non foret, substitutus datus sit, utrum repudiante filio, pater, an substitutus admittendus. Duarenus in comm. ad hunc tit. c. 10. pro patre respondet: Viglius ad hunc §. pro substituto. Ego cum Viglio censeo, substitutum patri præferendum, quippe cum ille ex manifestissimo judicio testatoris veniat, hic non item: tum etiam, quia repudiante filio, existit conditio substitutionis, quæ in extraneo heredem instituto, qui alieno juri subjectus est, hunc sensum habet, si neque ipse hæres erit, neque eum, cujus in potestate est, heredem fecerit, quorum neutrum sit in proposito, l. 3. C. de her. inst. Ad hæc si cohæres filio datus repudiante filio patrem excludit, quanto magis substitutus? Constat enim, jus substitutionis potentius esse jure accrescendi, l. 2. §. si duo.



*de bon. poss. sec. tab.* In contrarium move-  
tur Duarenus his rationibus. Primum quia  
Justinianus, *l. ult. §. 2. C. de bon. qua. lib.*  
filio repudiante, jus auctendi patri concedit,  
perinde ac si ipse institutus esset. Sed respon-  
demus, constitutionem istam ut exorbitantem  
cancellis suis continendam, neque extenden-  
dam esse in præjudicium ejus, qui venit ex  
testatoris expresso judicio, substituti videlicet:  
quem utique magis testator dilexit, quam pa-  
trem, cujus contemplatione institutio facta  
non præsumitur, sed amore filii dumtaxat.  
Conservare quodammodo voluntatem defuncti  
voluit Justinianus, non evertere; & vulgatum  
est, provisionem hominis facere, ut cesset pro-  
prio legis; adeoque non dubito, quin etiam co-  
hæres filio pater datus esset, nihilominus tamen,  
filio repudiante, à substituto excluderetur,  
*d. l. 2. §. si duo. 8. sec. tab.* Aliud argu-  
mentum ducit Duar. à conditione substitu-  
tionis, quam putat non minus repudiante,  
quam auctente filio deficere, propterea quod  
repudiatione sua patrem hæredem faciat, *arg.*  
*l. ult. §. 2. C. de bon. qua. lib. junct. d. l. si*  
*interfam. 40. de her. inst. & hoc nostro §. Ve-*  
*rum in hoc manifestè errat: nam etiam per oc-*  
*clusionem repudiationis filii pater hoc conse-*  
*quitur, ut ipse hæreditatem filio delatam ad-*  
*ire possit; non tamen hoc consequitur per*  
*ipsum, sed beneficio legis, quod cessare de-*  
*bet, ubi testator ipse alium hæredem sufficit.*  
*per filium ergo, qui repudiavit, pater hæres*  
*non fit, sed sua ipsius additione, ex persona*  
*propria vi constitutionis Justinianæ, quæ cum*  
*libet pro instituto, ubi scilicet alius à testa-*  
*tor non vocatur: nam voluntatem testatoris*  
*modis omnibus sartam ac testam leges omnes*  
*conservant. Non aliter autem dominus aut*  
*alter per servum aut filium hæredes existere*  
*possunt, aut hi illos hæredes facere, quam*  
*deuendo: repudiando autem nequaquam, l.*  
*de acq. her. l. 3. C. de her. inst. & hoc text. &*  
*loqui etiam quis hæres institutus hæredita-*  
*tem recusans adire dici posset eos, qui ab in-*  
*stituto veniunt hæres facere, & cohæres cohæ-*  
*redem, atque ita fieret, ut fere semper ex-*  
*cluderetur substitutus contra manifestam vo-*  
*luntatem testatoris. Nec movere debet quod*  
*Ulpian. respondet, filium repudiando patri*  
*non nocere, l. 13. §. 3. de acq. her. Hoc*  
*non enim eam sententiam habet, filio repu-*  
*diante patrem nihilominus per eum hæredem*  
*adiri; sed repudiationem filii non ob stare, quo-*  
*modo filius jubente postea patre adhuc audeat.*  
*ostremo hoc modo argumentatur Duarenus.*  
*pater & filius una eademque persona cen-*

sentur, *l. ult. C. de imp. & al. subst.* nihil re-  
ferre debet, utrum filius ipse hæres institutus,  
an pater hæreditatem audeat. Sed non animad-  
vertit, hoc argumentum in se retorqueri pos-  
se, hoc modo: Si pater & filius una persona  
censentur, filio per repudiationem ab hæredi-  
tate remoto, etiam pater ejus remotus intelli-  
gi debet. Verùm hujusmodi fictionibus juris  
non est abutendum ad evertendas voluntates  
defunctorum, quæ in testamentis totum faci-  
unt, *l. ex factis. 35. §. rerum. 3. de her. inst.*  
Ita cum Viglio sentiunt, & Salic. in *d. l. ult. C.*  
*de bon. qua. lib. Polit. de vulg. subst. Fachin. 4.*  
*cont. 63. Ant. Fab. decis. 33. err. 7. Don. 6.*  
*comm. 24. Bachov. in Treutl. vol. 2. disp. 11.*  
*thes. 7. dissentiunt cum Duareno Bart. in l. 1.*  
*hoc tit. Gloss. Cyn. Cast. in d. l. ult. Merend.*  
*4. cont. 8. Grass. §. substitutio. q. 9. num. 4. So-*  
*lent & alia quæstiones hoc loco agitari; quas*  
*obiter excutiemus, nam instituti ratio non*  
*patitur, ut singula exequamur accuratè. Pri-*  
*ma est, utrum indigno aliquo hærede institu-*  
*to, eique substituto dato in casum, quo hæ-*  
*res non erit, fiscus prior sit, an substitutus,*  
*hoc est, utrum in proposito fiscus hæredita-*  
*tem indigno auferat, an locus sit substituto?*  
*Ego cum Duar. d. cap. 10. & DD. comm.*  
*Grass. d. qu. 9. n. 8. pro fisco contra substit-*  
*utum responderem, per text. in l. cum qui-*  
*dam. 12. & jus regulare t. tit. de bis que ut in-*  
*indign. neque poena instituti hæredis debet esse*  
*præmium substituti, ut generaliter definit Pa-*  
*pinian. l. si sequens. 15. de Senat. Silan. Non*  
*idem juris est in institutione planè incapacis,*  
*puta deportati, nam talis institutio cum pro*  
*non scripta habeatur. l. 1. C. de her. inst. tes-*  
*tamentum à substitutione exordium capiet,*  
*arg. l. 3. §. ult. de lib. & post. Alia quæstio*  
*est, uter præferendus, substitutusne, an is,*  
*in quem extra causam substitutionis hæreditas*  
*non adita transmittitur. Jure veteri sui hære-*  
*des potestate nudæ existentia hæreditatem*  
*transmittebant in hæredes quoscunque, l. 3.*  
*C. de jur. del. l. 8. C. de suis & leg. her. Ex*  
*constitutione Theodosii liberi omnes delatam*  
*sibi à parentibus hæreditatem transmittunt ad*  
*descendentes suos, l. un. C. de his qui ant. apert.*  
*tab. Est item & tertium genus trāsmisfariorum,*  
*in quos non hæreditas, sed jus deliberandi*  
*transfertur ex lege Justiniani l. cum in antiquo-*  
*ribus 19. C. de jur. del. Pro triplici ergo hac*  
*trāsmisfariorum differentia primo quaritur,*  
*si suus hæres, qui in casum, quo hæres non*  
*foret, substitutum accepit, antequam se bo-*  
*nis parentis immiscuisset aut abstinuisset,*  
*mortuus sit, utrum vi solius existentia hæredi-*



tate in transmittat ad successores suos, an admittendus potius substitutus. Et communis quidem sententia est, substitutum admittendum excluso transmissario sive hærede instituti, quoniam substitutio vulgaris perimat jus suicitatis. Sed hoc perspicue falsum est, ut ostendimus *sup. in not. sub fin. pr. eod.* ubi plenissime probavimus, jus suicitatis in proposito saluum manere, licet necessitas remissa intelligatur, neque substitutionem vulgarem in suo hærede operari in casum impotentiae, sed abstinentiae dumtaxat. Insignis verò error est Jo. Deckheri *lib. 1. Dissert. 14. n. 43.* asserentis, ideo per vulgarem substitutionem tolli transmissionem, quæ ex jure suicitatis est, quia suus hæres institutus non aliter ex testamento hæres fit, quam si se immisceat. Notissimi enim juris est, suos hæredes tam ex testamento, quam ab intestato statim atque ipso jure hæredes existere, §. 2. *inf. de hæ. qual. l. 1. §. qui sunt 7. si quis omiff. ca. test. l. 3. C. de jur. delib. vid. Ant. Fab. dec. 34. err. 4.* Secundo, utrum substitutio potior, an transmissio ex constitutione Theodosii, *d. l. unic. C. de his qui ant. ap. tab.* Hic item pro transmissario contra substitutum responderem per *l. unic. §. cum autem 13. C. de cad. toll.* ubi jus transmittendi, quod ante sui hæredes soli & simpliciter habebant, etiam in casu substitutionis Justinianus disertè extendit ad personas lege Theodosiana comprehensas. *Duar. d. c. 10. Ant. Fab. d. err. 4.* estque hæc sententia etiam communiter recepta. *Grass. d. quest. 9. num. 3.* neque Jo. Deckerus, *ubi supr.* quicquam affert, quod me in contrarium trahat. Tertio, utrum transmissio juris deliberandi ex lege Justiniani *d. l. cum in antiquioribus 19. C. de jur. del.* excludat substitutionem, an hæc illam. Hic ego pro substituto responderem contra transmissarium Justinianum, cum *Salic. in d. leg. 19. Ant. Rip. in l. 1. hoc tit. Zaf. tract. subst. cap. 1. in tertio effect. ver. tertia species. Polit. de vulg. subst. num. 92. & seqq. Anton. Fab. d. decis. err. 5. Deckher. d. dissert. num. 44.* neque enim nova & exorbitans constitutio facile extendi debet cum injuria tertii, qui pro se habet & provisionem hominis & simul voluntatem legis; potestque locus Justiniani *d. l. unic. §. 1. junct. §. cum autem 13. C. de cad. toll.* qui in contrarium adducitur, commodè referri & restringi ad duas priores species transmissionis, ut propriè verba Imperatoris accipiantur, & de his solis, qui ipsam hæreditatem transmittunt. *Diss. bic. Duar. d. c. 10. & DD. comm. Gomez. 1. ref. 3. num. 25. Grass. d. quest. 9. num. 3. Christin. vol. 4. dec.*

17. num. 2. Fachin. 4. cont. 62. Postremo quaeritur, quid juris sit, si institutus beneficio extatis contra aditionem restitutus sit. Quæstio hæc omnium est difficillima. Sententia communis est, convalescere substitutionem, *arg. l. ex contractu 44. de re jud. l. 1. §. antepen. l. 2. §. si bonorum 10. ad senat. Tertyll. Gloss. Salyc. Cyn. & alii in l. 5. C. de impub. & al. subst. & hæc sequuntur Anton. Fab. 3. conjeçt. 4. Don. 6. com. 24.* Sed contraria de jure verior videtur, *per d. l. 5. & textus perspicuos in leg. ult. de success. edit. l. 7. §. sed quod Papinian. 10. & ibi Cujac. & Paul. Buf. de minoribus.* Neque temere beneficium restitutionis extra personam minoris in alterius favorem porrigi debet. *Zaf. tract. subst. cap. 1. vers. secundo limitate. Duar. d. cap. 10. Ant. Merend. 4. contro. 9. Bachov. in Treutl. volum. 2. disput. 11. thes. 7. Perez. ad tit. C. de imp. & aliis subst. num. 7.* Utrum autem excluso substituto hæreditas ad legitimum successorem pertineat, quod placet *Duar. Bachov. & Merendæ* an filio locus fiat, quod *Cujacio, Busio, in medio relinquimus.* Nunc ad institutum redeamus.

*Mevius in partem admittitur*) Non exprimitur quotam: & ita quoque simpliciter scriptum est in *l. & hoc 41. de hæ. inst. hæreditatem dividi inter dominum instituti & substitutum.* Sed utrum ex æquo, ut dimidiam partem hæreditatis dominus, dimidiam item substitutus ferat, an ut ille dodrantem, hæc quadrantem dumtaxat, ut *Gloss. & DD.* communiter voluerunt? Non ambigo, quin ex æquo. Quo modo hunc locum & *Theophilus interpretatus est.* Et interpretandum esse vel hoc unum argumento esse debet, quod partis nomen, nisi quid aliud adjiciatur, semper dimidiam significet, *l. nomen 164. §. 1. de verb. sign. l. etiam 45. de usus.* Et rogo, in re dubia, ubi paria in utramque partem argumenta afferuntur, quam rationem vel in speciem habere potest inæqualis ista distributio? Quinimmo si partes inæquales faciendæ, substituto potius favendum erit, cui & verba & voluntas testatoris suffragantur, quam domino, qui mera tantum ratione juris nititur, & de quo testator cogitare non potuit, cum eum institueret, quem ingenuum putabat. Obstat tamen huic sententiæ *d. l. si paterfam. 40. de hæ. inst.* ubi Julianus in hac ipsa specie aliam partitionem facit, & duos vult semisses fieri, ita ut alter semis inter dominum & substitutum æquis portionibus dividatur; cumque de altero semisse nihil definiat, eum dominus plerique assignaverunt. *D. Cujacius existimat pro alter semis, ut in extremo d. l. 40 legitur.*



legendum *as*, mendumque natum ex errore notarum. Alciatus 1. *disput.* 2. scribit, se in veteri exemplari ita legisse in *pr. d. l. eique, si hæres non esset*, Sempronium cohæredem substituerit. Quam lectionem verba in calce ejusdem responsi posita mirè juvant. Ait enim Julianus: *Igitur in hoc casu duo semisses fient.* Cur, ait, in hoc casu, nisi ut significet, se talem casum proposuisse, cui conveniret hæc divisio? nempe quando servo, qui liber putabatur, cohæres substitutus est, in aliis autem non idem juris esse. Igitur in casu à Juliano proposito de uno semisse ambigi non poterat; quippe quem Sempronius ex institutione accipit, non dominus servi: de altero poterat; & hunc, Julianus ait, dividi oportere inter dominum servi & Sempronium. Et merito, quia in hunc tantum semissem erat substitutus. Atque ita nunc cordatiores omnes sentiunt, quorum pars emendationem Cujacii, pars Alciati lectionem probant, aut quod ipse addit, intelligunt, in re ipsa consentientes. Planè si manifestè appareat, testatorem per eum, quem opinionis errore liberum esse credens hæredem instituit, ad alium quemquam hæreditatem pertinere noluisse, conditio substitutionis extitit, & soli defertur hæreditas substituto, l. 3. *C. de hæ. inst.* VINN. Cui non dicitur Hylas? Me tamen nec cum Cujacio nec cum Alciato facere fateor. Rem paucis dicam. In illa l. 40. *ff. de hæ. inst.* manifesto

sunt duæ species. Prior hæc est: Paterfamilias instituerat Titium servum, quem ingenuum putaverat, eique substituerat Sempronium. Titio jussu domini adeunte, quærebatur, an Sempronius esset in partem admittendus? & respondit Julianus: *Potest dici, Sempronium in partem hæreditatis (puta dimidiam, quæ quota non expressa ordinariè intelligitur, l. 164. §. 1. ff. de V. S. l. 43. ff. de usufr.) admitti.* Ad dicta ratione, pergit Julianus: *Quæ adjectio ad EOS pertinet? qui patresfamilias hæredes scripti, postea in servitutem deducti fuerint. Igitur IN HOC CASU Semisses fient, ita ut alter SEMIS inter eum, qui dominus instituti hæredis fuerit, & substitutum æquis portionibus dividatur.* Et hæc manifesto est altera species. Paterfamilias instituerat Titium, nunc ingenuum, sed postea deductum in servitutem, substituto ei Mævio. Quærebatur, Titio jussu domini adeunte, an & hic substitutus in partem admittendus sit? Respondit, admittendum: sed non in dimidiam, sed in quadrantem. Domini enim Titii ideo hic meliori videbatur conditio, quod non, ceu in priorè casu, testator circa hæredis statum erraverat. Simile quid in mentem venit Marco Lyklamæ in *Membranis*, & Osfv. Hilligero in *Donnel. enucleat.* De Parthenio, & utrum is Tiberii an Titi servus fuerit, elegans, & erudita est *διάκρισις* in Gundlingianis *Tom. 6. part. 30. art. 3. p. 445. sequ.* HEIN.

## TITULUS DECIMUSSEXTUS.

## DE PUPILLARI SUBSTITUTIONE.

*D. Lib. 28. Tit. 6. C. Lib. 6. Tit. 26.*

*Unde hæc substitutio dicatur pupillaris, & quo ad spectu substitutio.*

*Simul argumentum tituli.*

**S**equitur directæ substitutionis species altera, quæ à subjecto dicitur pupillaris, quia scilicet solis fit pupillis, non ut prior illa promiscuè quibusvis. Etsi autem is demum pupillus dicitur, qui cum impubes sit, in potestate patris esse desit, l. *pupillus 139. de verb. sign.* tamen quia vis omnis testamenti, & substitutionis confertur in mortem testatoris, id est, in id tempus, quo filius pupillus futurus est, rectè hoc respectu pupillaris vocatus. Prior illa vulgaris, ut bene observavit D. Viglius, verè substitutio est, sive secunda institutio, qua testator in casum, quo primo gradu institutus hæres futurus non

est, alium sibi hæredem facit; ac proinde per quam succeditur ipsi testatori. Hæc autem non tam substitutio est, quàm institutio prima: quippe per quam non ei, qui testamentum fecit, & gradu secundo succeditur, sed pupillo, cui testamentum factum est, & gradu primo, perinde ac si ipse pupillus sibi hæredem fecisset. Quod evidentius apparet in substitutione exhæredati, Quamobrem merito Hottomannus à Bachovio notatur, quod ille inverso modo vulgarem substitutionem magis institutionem, pupillarem autem propriè censet esse substitutionem. Cur verò, cum pupillaris propriè substitutio non sit, eo tamen nomi-



ne à veteribus appelleretur, dixi præcedente titulo, nempe sic appellatur ex comparatione hæredis paterni, eo quod pater sibi prius, deinde secundo loco filio hæredem instituire debet, & non testamento filii incipere, l. 2. in fin. hoc tit. Perro substitutio pupillaris, ut genus  $\pi\epsilon\pi\omicron\varsigma$   $\epsilon\tau$ , dividi potest in propriam seu veram, & quasi, seu exemplarem. Utraque fit in eum casum, quo institutus hæres erit; propria fit liberis impuberibus, si hæredes extiterint, & intra pubertatem moriantur; quasi, seu exemplaris fit mente captis, si hæredes extiterint & decesserint in eadem mentis alienatione. Summa eorum quæ hoc tit. traduntur, hæc est. In principio docetur, qui quibus pupillariter, & qua forma substituantur? quis hujus rei effectus? & unde illud manarit? Inde agitur de substitutione quasi pupillari, sive mente capti: & mox effectus pupillaris substitutionis repetitur: dein parentibus formidolosis tuta monstratur substituendi ratio. Hinc jam amplius, quibus pupillariter substitui possit, declaratur: tum proponitur generalis quædam & communis forma: ac postremò sequuntur contraria.

## TEXTUS.

## Forma, effectus, origo, &amp; ratio pupillaris substitutionis.

Liberis suis impuberibus, quos in potestate quis habet, non solum ita, ut supra diximus, substituere potest, id est, ut si hæredes ei non extiterint, alius sit ei hæres: sed eo amplius, ut si hæredes ei extiterint, & adhuc impuberes mortui fuerint; sit eis aliquis hæres: veluti si quis dicat hoc modo: Titius filius hæres mihi esto. Et si filius mihi hæres non erit; sive hæres erit, & prius moriatur; quàm in suam tutelam venerit, id est, antequam pubes factus sit: tunc Sejus hæres esto. Quo casu, siquidem non extiterit hæres filius, tunc substitutus patri fit hæres: si vero extiterit hæres filius, & ante pubertatem decesserit, ipsi filio fit hæres substitutus. Nam moribus institutum est, ut quum ejus ætatis filii sint, in qua ipse sibi testamentum facere non possunt, parentes eis faciant.

## NOTÆ.

Quos in potestate) Et ideo nec mater liberis suis, nec pater filio emancipato pupillariter substituere potest, l. 2. hoc tit. Sed nec avus nepoti ex filio, quem in potestate habet, nisi ex formula legis Vellejæ; Si filius me vivo suus hæres esse desierit, &c. d. l. 2. Oportet autem

& testamenti & mortis tempore impuberem in familia esse, l. 41. §. 2. eod.

Veluti si quis) Formula gemellæ substitutionis. Verùm ex D. Marci constitutione substitutio simplex aut vulgaris aut pupillaris, id est, quæ alterutro casu expresso fit, in utrumque casum facta intelligitur, l. 4. hoc tit. fac. l. 2. & l. 4. C. eod. Olim de expressa pupillari, an vulgarem tacite contineret, quæsitum in Curiano judicio, de quo Cic. multis locis, & Quintil. 7. c. 7.

Sive hæres erit, &c.) Hæc est conditio substitutionis pupillaris, & casus secundus dicitur.

Si non extiterit) Quod etiam tunc accidere intelligendum est, cum impubes patri superstes hæreditate paterna abstinere: ne nudum nomen hæredis noceat substituto, arg. l. 67. pr. de rit. nupt. l. 68. de l. 1. Non rectè igitur Theoph. hic.

Si extiterit hæres) Hic casus propter utilitatem pupilli extitisse intelligitur, etiam si bonis paternis se abstineat, l. 12. b. t. l. 42. de acq. hæ. l. 28. de reb. auct. jud. & hoc est, quod vulgo Interpp. dicunt, nudæ sui hæredis existentia vi confirmari tabulas pupillares, fac. l. 44. de re jud. l. 41. de acq. hæ.

Ipsi filio fit hæres) Non tantum in bonis, quæ à patre obvenerunt, sed etiam quæ aliunde, l. 10. §. 5. b. t. exclusis filiis legitimis hæredibus, & ipsa etiam matre, l. 8. §. de inoff. test. c. 1. x<sup>m</sup> de testam. in 6.

Moribus institutum) Ita & Ulp. l. 2. b. t.

## COMMENTARIUS.

- 1 Neque patrem liberis emancipatis pupillariter substituere posse, neque matrem liberis omnino.
- 2 Nepoti, licet in potestate constituto, quem pater antecedit, pupillariter substitui non posse, nisi ex formula legis Vellejæ.
- 3 Utrum, ut valeat substitutio pupillaris, necesse sit, liberis in potestate esse, & cum sit substitutio, & cum pater moritur; an satis sit, tales esse tempore mortis?
- 4 Exponitur locus Ulpiani in l. 2. in fin. pr. hoc tit.
- 5 Vulgari casu expresso, etiam pupillarem contineri, nisi voluntas testatoris aperit refragetur.
- 6 An ex converso, expresso casu pupillaris, continetur & vulgaris?
- 7 Responsum Javoleni expositum in l. pater. 28. de reb. auct. jud.
- 8 Quando accidat, ut pupillus hæres non existat, & substitutus vi formula vulgaris admittatur?



- 9 Quando intelligatur pupillus patri hæres extitisse hoc effectu, ut mortuo intra pubertatem, hæres ei fiat pupillariter substitutus?
- 10 Per substitutionem pupillarem excludi hæredes omnes legitimos, etiam matrem.
- 11 Excludi matrem à substituto pupillari etiam quoad legitimam.
- 12 Ostenditur idem juris esse & in pupillari tacita, cum refutatione objectorum.
- 13 Cui pupillo expedire visum sit, testamentarium à patre hæredem accipere?

**L**iberis impuberibus) L. 2. in pr. eod. puberibus in tantum non licet, ut etiam si ab initio facta impuberi substitutio sit, pubertatis tamen adventu vis ejus extingatur, §. pen. inf. eod. Cur autem solis liberis impuberibus hoc modo substitui permittum sit, in fine hujus §. dicetur.

In potestate) Etenim patriæ hoc datum potestati est: & ideo pater filio emancipato ita substituere non potest, d. l. 2. in pr. multoque minus mater liberis suis. Nam quod in specie l. si mater 33. eod. pupillares tabullæ appellantur, quas mater filio impuberi fecit, ex eo minimè concludendum est, posse & matrem liberis impuberibus pupillariter substituere. Proponitur enim mater filio impuberi substitutionem fecisse non in casum secundum, si hæres erit, sed in primum, si hæres non erit. Vulgaris igitur illa, non pupillaris substitutio est. Pupillares autem tabulas illas Africanus appellavit, primum ratione objecti, quia substitutio facta filio, dum adhuc esset in ætate pupillari: deinde quia substitutio confertur in mortem impuberis, & in ea specie effectum quodammodo substitutionis pupillaris habet, saltem quod attinet ad bona matris, ut rectè monet, atque hoc Africani responsum temperat Cujac. 2. ad African. Consilium hoc prudentum fuit, à quibus excogitata quoque est cautio & velut ratio quædam, qua cum vi & effectu pupillaris substitutionis etiam filio emancipato substituat. l. cum ex filio 39. hoc tit. add. Duar. ad hunc tit. cap. 14. Non satis autem est, liberos in potestate esse, nisi simul proximum in familia testatoris gradum obtineant, hoc est, sui hæredes sint testatori: nam si, verbi causa, pater nepotem antecedit, non poterit avus hic nepoti pupillariter substituere, quia post mortem avi recasurus est in potestatem patris sui, d. l. 2. in pr. quo fit, ut jam non propter ætatem, aut quia impubes, testamentum facere non possit, aut hæredem ex testamento habere: sed quia filiusfam. cui nec puberi testamen-

ti faciendi jus est, & de cujus successione jure veteri omnino quæri non potuit. Planè ex formula legis Vellejæ etiam nepotibus, quos pater præcedit, substitui potest, d. l. 2. in pr. ut sic avus testetur: *Filius hæres esto. Si filius me vivo suus hæres esse desierit, tum qui mihi ex eo nepos est, hæres esto. Si nepos hæres erit, & intra pubertatem decedat, Sejus hæres esto.* Quæ nepotis institutio fit ex secundo cap. legis Vellejæ, l. Gallus 29. §. sequenti 13. de lib. & post. De illo quæritur, utrum, ut substitutio pupillaris valeat, necesse sit liberos in potestate esse utroque tempore, & quo fit substitutio, & quo pater moritur, an verò tales esse sufficiat saltem tempore mortis? Accurs. Bart. in d. l. 2. & vulgo Interpp. Grass. §. substitutio, quæst. 23. num. 5. sufficere credunt, qualitatem illam adesse tempore mortis. Doctissimi Jurisconsulti superioris ævi, Polit. Zaf. Go-vean. in d. l. 2. Vigl. hic, num. 7. Covar. in cap. Raynut. de testam. §. 5. num. 2. Duar. comm. ad hunc tit. cap. 14. Don. 6. comm. 25. contra, utrumque tempus spectandum contendunt, tam id, quo fit substitutio, quam quo testator moritur; quibus assentior. Nam & verba juris de hac substitutione constituti conferuntur in tempus præsens substitutionis, & cum qualitas aliqua requiritur ad constitutionem alicujus actus, ea inesse debet eo tempore, quo actus geritur, l. si alienum 49. §. 1. de her. inst. §. in extraneis 4. infr. de her. qual. tritumque est, quod ab initio non consistit, ex post facto non posse convalescere. Accedit præterea textus satis clarus in l. cohæredi 41. §. hoc tit. Verba sunt: *Si quis ex his mortis quoque tempore non fuit in familia, substitutio pupillaris fit irrita.* Quibus verbis Jurisconsultus aperte significat, præter tempus mortis aliud quoque esse, quo oporteat impuberes esse in familia; hoc autem tempus non aliud intelligi potest aut debet, quam id, quo fit substitutio. Pro contrariæ sententiæ firmamento adducitur d. l. 2. in fin. pr. ubi sic Ulpian. scribit. *Sed si extraneum quis hæredem scripserit, poterit ei substituere, si modo eum in locum nepotis adoptaverit, aut adrogaverit, filio præcedente.* Ex hoc loco Accurs. & Bart. probari putant, satis esse ad pupillarem substitutionem, si vel tempore mortis tantum in potestate reperia- tur, cui substitutio facta est. Mihi verò contrarium hoc ipso loco non obscurè significare Ulpian. videtur, nempe prius oportere extraneum nepotis loco adoptari, quam substitutio fiat; ait enim, *poterit ei substituere, si eum in locum nepotis adoptaverit.* Ut autem locus planius intelligatur, licebit paulo altius rem



repetere. Docuerat Jurisconsultus, quemadmodum nepotibus, quos patres præcedunt, tuto in primum casum substitui posset, hoc est, ita substitui, ut non evanesceret substitutio: nimirum eos vel institui oportere vel exhæredari, ne in locum suorum hæredum succedentes, (quo uno casu effectum habet substitutio,) præteriti rumpant testamentum, & per consequens extinguatur pupillaris substitutio. Institui autem oportere ex consilio & formula legis Vellejæ: aliter institutum haberi pro præterito. Mox subjicit, extraneum ex formula legis Vellejæ institui nihil necesse esse, vulgarique saltem modo institutum & succedentem postea in locum sui hæredis non rupturum testamentum. Quæ est sententia *l. filio. 23. §. 1. de lib. & post.* ac proinde extraneo impuberi hæredi vulgariter substituto, & postea in locum nepotis quasi ex filio adoptato, rectè, (potest enim & ex intervallo hoc fieri, *l. si quis. 16. §. 1. hoc tit.*) substitui: eam quippe institutionem sufficere, ne successione, quasi præteritus, rumpat, cum si post adoptionem institutio facta sit, non aliter ea valeat, quam si facta fuerit ex formula legis Vellejæ: sive enim nepos, quem pater antecedit, naturalis sit, sive adoptivus, semper ex præscripto legis Vellejæ institui debet, alioqui præteritus censetur. Qua de re abunde dictum in exegefi *§. 2. sup. de exhæ. lib.* Cum igitur hic quærat de eo, qui extraneus sit, non tempore substitutionis, sed institutionis; tantum abest ut hic locus confirmet contrariam sententiam, ut eam etiam refellat. Non possunt ergo non mirari Bachovium, qui hanc explicationem, quæ tam apertè & verbis & menti Jurisconsulti ac rationi juris per omnia convenit, divinatoriam appellat. Illa, quæ ipse pro tuenda communi sententia affert, nihil aliud esse, quam meras divinationes, facile quivis animadvertere poterit.

Veluti si quis, &c.) Formula mixtæ & gemellæ substitutionis, quæ à Modestino duplex dicitur, quia utrumque casum complectitur, & substitutionis vulgaris & pupillaris, *l. 1. §. 1. hoc tit.* Atque olim quidem, ut credibile est, qui sibi & liberis suis in utrumque casum prospectum vellent, ex consilio Jurisconsultorum disjunctiva hac formula usi fuerunt; vel quia ex plurium sententia substitutio non operabatur ultra casum expressum, vel quia ob diversitatem sententiarum rerumque judicatarum id incerti adhuc juris erat. Postea autem Imp. Marci & Severi constitutione introductum, ut si pater impuberi filio in alterum casum substituisset, in utrumque casum substituisse intel-

ligeretur, *l. 4. in pr. eod.* Primum igitur, quod positum est extra omnem controversiam, vulgari casu expresso continebitur etiam pupillaris; veluti si pater impuberi filio hæredi instituto ita substituat, *Si filius hæres non erit, Titius esto.* Hic enim placet, Titium etiam in hunc alterum casum & si filius hæres erit, & impubes decesserit. tacitè substitutum videri *d. l. 4. in pr. nisi voluntas testatoris apertè refragetur, l. 4. C. eod.* Et enim quod pupillaris substitutio hic quoque admittitur, id fit ex sola conjectura voluntatis, quæ hinc ducitur, quod credibile sit, eum, qui aliquem sibi hæredem esse voluit, si, filius non esset, voluisse quoque eundem esse hæredem filio, si filius hæres esset, & intra pubertatem moreretur: utroque enim casu pariter substitutum dilexisse videtur, nec sibi magis prospexisse, quam impuberi filio; cui etiam utile esse creditur, hæredem à patre accipere, *l. Julianus. 42. de acq. hæ.* In voluntate autem testatoris manifestè contraria hujusmodi conjecturis non utimur. Quapropter si ille vel nominatim alium in secundum casum substituit, vel in conditione vulgaris substitutionis personam comprehendit, cui pupillariter substitui nequeat, hic qui in primum casum substitutus est, minimè intelligi debet substitutus quoque esse in casum secundum contra manifestam voluntatem testatoris, qui aut expressè in secundum casum substitutum dedit, *§. 3. inf. eod.* aut in conditione substitutionis eum adjecit, cui in secundum substitui non potest; quod cum sit, palam est, testatorem in eum dumtaxat casum substitutionem fecisse, quo utriusque hæredum substitui poterat, *d. l. 4. §. 2. l. Lucius. 45. hoc tit. d. l. 4. C. eod.* Porro etiam vice versâ expresso casu substitutionis pupillaris dicimus contineri & casum vulgaris. Cæterum hic nobis litem movent Polit. *de subst. pupill. quest. 8. n. 39. Vigil. hic. n. 19. Ant. Fab. dec. 32. err. 9. & 10. pauci* (quamquam nonnullos alios Viglius laudat) sed magni viri. Hi multis in contrarium disputant, ac seriò contendunt, in substitutione pupillari expressa vel vulgarem tacitè numquam contineri. Nos quidem numero interpp. nobiscum sententiam longè superiores sumus, sed hoc parum est, nisi legum auctoritate vincimus & ratione. Videamus ergo, an hac quoque parte nobis cedere debeant. Auctoritate defendimur duplici: primum verbis ipsis constitutionis Imp. Marci & Severi relatis à Modestino *d. l. 4. in pr.* quæ hæc sunt: *cum pater impuberi filio in alterum casum substituisset, in utrumque, &c.* Non ait Jurisconsultus, cum pater in pri-



casum, quomodo Impp. loqui debuerat, si tantum in vulgari casu expresso pupillarem contineri significare voluissent, sed in alterum casum, hoc est, unum ex duobus sine ulla distinctione, primus an secundus tantum expressus fuerit. Secundo & evidencius auctoritate ejusdem Modestini in terminis quaestione hanc proponentis & decidentis in d. l. 8. §. 2. Qui duos habebat filios, unum puberem, alterum impuberem, utroque hærede instituit, puberem impuberi substituit in eum casum, quo impubes hæres existeret, & intra pubertatem moreretur, ait Jurisconsultus, hoc casu fratrem puberem in utrumque eventum substitutum videri. Quod autem in fine ejusdem responsi monet, ad evitandam omnem quaestionem cautius facturum patrem, si in utrumque casum expressè impuberi substituat, hoc apparet eum facere propterea quod in specie mutua substitutionis, qualem ille proposuerat, nimirum cum uterque alteri substituitur, filius impubes puberi vulgariter, pubes impuberi pupillari, voluntatis quaestio moveri posset, an non quemadmodum pater in unum dumtaxat casum, hoc est, in vulgarem puberi substituit, ita vicissim in unum quoque casum tantum, hoc est, in pupillarem videri debeat impuberi substituisse. At hujusmodi quaestioni post D. Marci constitutionem locus non est, cum non uterque alteri in casus diversos, sed uni dumtaxat, cui in utrumque casum substitui potest, substituitur alter, sive solum in primum, sive solum in secundum casum. Denique à ratione non magis alienum est, hanc inducere voluntatis conjecturam, quod substitutus in secundum casum videatur etiam substitutus in primum, quam quod in primum substitutus intelligitur quoque substitutus esse in secundum, immo fortior voluntatis conjectura pro illo, quam pro hoc, quod etiam D. Christin. vol. 4. decisif. 15. n. 4. notat. Nam cum pater filium hæredem instituit, quem etiam sperat sibi hæredem fore, & bona, quæ relicturus est, consecururum, eum, quem filio hæredi facto substituit, & ad quem consequenter mortuo filio pariter cum bonis filii postea quaestris sua quoque pertinere voluit, magna causa praesumptionis est, patrem voluisse etiam filio hærede non existente, sibi hæredem esse in suis solius bonis: quæ praesumptio tanto major in hoc casu, quam in superiore, quanto magis apparet, testatorem dilexisse eum, quem una cum suis bonis filii quoque bona, si quæ postea obvenerit, habere voluit, quam eum, quem expressè sibi tantum hæredem fecit. Ex

quo vel solo nullo negotio refelli possunt rationes eorum, qui contra sentiunt; nam auctoritate quidem illi nulla nituntur, nisi quod Ant. Faber nobis objicit Javolenum in l. paterfam. 28. de reb. auct. jud. post. Quo tamen loco longè aliam quaestionem Jurisconsultus tractat; nimirum an creditoribus paternis in substitutum impuberis, qui patris se hæreditate abstinent, actio detur, sive an substitutus æs alienum patris agnoscere & creditoribus ejus respondere teneatur; an verò hæreditates, quas nuda existentia potestate jure civilis conjunxit, possit separare. Quod si inde colligit Faber, substitutum impuberi in casum pupillarem, pupillo abstinate, hæreditatem patris adire non posse vi aliqua tacitæ substitutionis vulgaris, eadem ratione collegeris, nec legitimis hæredes abstinentes pupillo posse patris hæreditatem cernere. Et quidni praesupponendum esse dici possit, in quaestione à Javoleno proposita substitutum quoque repudiasse manifeste damnosam hæreditatem, utcumque virtute tacitæ substitutionis vulgaris sibi delatam? Ac mihi, quod ad istam quaestionem attinget, idem sensisse videtur Javolenus quod successor ejus Julianus, cujus sententia ut pupilli utilitatem impugnans notatur à Marcello & Ulpian. l. Julianus. 42. de acq. her. Agitata fuit quaestio nostra jam olim in judicio gentium virali inter hæredes legitimos Coponii cujusdam & M. Curium, cujus rei Cicero multis in locis, & Quintilian. lib. 7. inst. orat. c. 7. meminerunt. Coponius posthumum hæredem instituerat, eique, si antequam in tutelam suam veniret, decessisset, Curium hæredem substituerat. Cum posthumus natus non esset, exorta de hæreditate controversia est inter hæredes testatoris legitimos & substitutum. Q. Mucius defendit, legitimis hæredibus locum esse factum, quoniam Curius ita substitutus erat posthumo, si posthumus impubes moreretur; jam verò posthumum ne natum quidem esse, ac proinde defecisse conditionem substitutionis. Mucio contradixit L. Crassus, atque iisdem argumentis, quibus nos usi sumus, probavit Centumviris, M. Curium nihilominus ex substitutione hæredem esse oportere. Quod judicium, ut communem sententiam vindicat ab illis, quas Vigl. & Fabr. proferunt, absurditatibus, ita ipsum, cum res adhuc dubia maneret, propter auctoritatem, ut credibile est Q. Mucii constitutione Impp. Marci & Severi confirmatum est. Planè in substitutione exhæredato facta eandem interpretationem non esse admittendam facile concedam.



*Quam in suam tutelam venerit.*) Antiqua locutio, qua veteres pupillarem ætatem significabant, hoc est, eam, quæ tutorum potestati subjecta est: nam pubertate tutela finitur; & post eam ætatem adolescens suæ tutelæ esse incipit, quamvis curatorum adhuc auxilio regatur. Utitur hac loquendi formula M. Tullius, cum alibi sæpe, tum *lib. 1. de Orat. & lib. 2. de invent.* Nostri passim, Javolen. *l. cum ex filio 39. hoc tit. Nerat. l. pater filio. 54. de her. instit.* Julian. *l. 8. §. 1. de bon. poss. sec. tab.* Paul. *l. si filia fam. 51. de legat. 3.* Prætor in edicto suo *l. 5. §. 2. quib. ex caus. in possess.*

*Si quidem non extiterit hæres filius, tunc substitutus patri fit hæres.*) Quando ergo accidit, ut pupillus hæres non existat, & substitutus vi vulgaris formulæ patri hæres fiat? An tunc solum, cum pupillum ante patrem defungi contingit, an verò etiam tunc, cum patri superstes, paterna hæreditate abstinet? Et Theophilus quidem scribit, ex verbis formulæ vulgaris tunc solum substitutum venire, & patri hæredem fieri, cum filius, vivo adhuc patre, mortuus est. Ego verò cenfeo etiam tunc cum impubes patri supervixit, & expressè bonis paternis se abstinuit, posse substitutum defendere ex substitutione patris hæreditatem sibi delatam, conditionemque hanc, *Si hæres non erit* ex mente testatoris explicandam, ut ea extitisse intelligatur, non cum quis nudo nomine tenus, sed re ipsa & cum effectu hæres factus est. Sic Jurisconsulti in *l. non solum. 67. de rit. nups. l. si post. 68. de legat. 1.* aperte negant, filium, qui se abstinuit, hæredem extitisse. Nam licet etiam is, qui se abstinuit, jure civili pro adhuc hærede habeatur, unde dicitur non esse sine hærede, qui suum hæredem, licet se abstinentem habet, *l. cum quasi. 30. §. sed & si 10. de fideicomm. lib.* atque hæres etiam sua habeat effecta: *l. 12. hoc tit. l. filius. 41. cum l. seq. l. ult. de acq. her. l. paterfam. 28. de reb. auct. jud. poss.* tamen in proposito nudum nomen hæredis sive nudam illam existentiam considerare non oportet: alioqui nullo modo vulgariter suo hæredi substitui posset. Et cum, ut docuimus initio *tit. prac.* conditio ista, *Si hæres non erit*, etiam casum voluntatis contineat, & consequenter tamquam conditio potestativa necessitatem tollens filium hac in re ad instar redigat hæredis voluntarii per *l. 4. in pr. l. jam dubitari. 86. de hered. instit. l. 12. de cond. inst.* ut jam pro concessa sibi à patre potestate suo arbitrio velle aut nolle possit, & citra beneficium prætoris jure civili se abstinere; sanè in casu no-

stro hæreditas pro acquisita nequam haberi debet. Rep. quæ notavimus ad *d. princ. prac. tit.*

*Si verò extiterit hæres filius.*) Videamus item quando filius patris hæres extitisse intelligatur cum hoc effectu, ut filio intra pubertatem mortuo, hæres ei fiat pupillariter substitutus. Et certi juris est, si filius decesserit post immixtionem, substitutum admitti, hæredemque fieri filio. Nec dubitatur, quin idem juris sit, si filius mortuus sit non declarata voluntate sua super immixtione aut abstentione. Verùm illud bellissimè quæritur, an etiam filio, qui expresse abstinuit, intra pubertatem mortuo, substituto pupillari locus fiat, & quod dicitur, nuda hæredis sui existentia confirmetur tabulæ patris & pupilli? Dixerim enim, nudam existentiam vim istam habere non posse, ac proinde substitutum in proposito excludi: quem si admittimus, nudæ existentie tribuimus vim aditionis: cui consequens hoc absurdum est, suo hæredi frustra in vulgarem casum substitui, cum vulgaris substitutio adita hæreditate expiret. Ad hæc cum dicamus, in substitutione vulgari verba hæc, *Si filius hæres non erit*, ex mente substituentis patris sic accipienda esse, si immiscere se paternæ hæreditatis noluerit, etiam ex contrario quæ sunt pupillari substitutionis *Si filius hæres erit*, sic accipi oportebit, si bonis patris se immiscuerit: utrobique immixtio, non nuda existentia cum aditione conferatur. Quibus etiam accedit, quod apud Julianum relatum est, si duo fuerint à patre instituti cum filio impubere, eidemque substituti, necesse esse ad tabulas patris confirmandas unum ex iis hæreditatem patris adire, *l. 11. §. 1. ad sen. Treb.* Cæterum quominus ita statuamus, impeditur textu expresso *l. 12. hoc tit.* item his locis, *l. Julianus. 42. de acq. hered. l. paterfam. 28. de reb. auct. jud. poss.* ubi disputant Jurisconsulti, an pupillo, qui abstinuit bonis patris, mortuo substituto concedi debeat separatio bonorum patris & filii, ut ex substitutione pupilli tantum hæreditatem adeat. Stultè & ineptè, si substitutus abstinente pupillo nullo modo ex substitutione venire potest. Dicendum ergo omnino est, etiam in casu præsentis, cum pupillus abstinuit, ex substitutione pupillari hæreditatem deferri substituto, nudæque sui hæredis existentie vi confirmari tabulas pupillares: quod etiam perspicuè probat *l. ex contractu. 44. de re jud. l. filius. 41. de acq. her.* Nec verò adeo absurdum videri debet, quod in substitutione pupillari vim aditionis tribuimus existentie; in vulgari au-



non nudæ existentia, sed immixtioni: non enim necesse est ut nomen hæredis aut existentia in utriusque substitutionis conditione eodem modo explicetur aut accipiat: Nam ut concedamus, etiam in pupillari substitutione patrem his verbis, *Si filius mihi hæres erit*, de hærede, qui cum effectu hæres futurus sit, cogitasse: ratio tamen juris & favor pupilli prevalant, ut sola existentia quoad effectum, de quo quærimus, pro aditione habeatur, & suffineantur tabulæ pupillares. Planè si filio datus sit cohæres extraneus, vulneratur suitas, ut loquitur Porc. *ad tit. de Attil. tut.* atque hic quia vires testamenti à cohærede quoque pro parte pendent, ad confirmationem tabularum substitutionis pupillaris non sufficit, filium sola potestate juris pro parte sua hæredem explicasse, sed si hic se abstinerit, ut tabulæ valent, necesse est, ut patris hæreditas ab extraneo adeatur, *d. l. 11. §. 1. ad sen. Treb.* Atque ita quoque explicanda *l. 2. §. 1. hoc tit.* Et enim sui hæredis nuda existentia, quæ fit in *ipso momento*, & ipso momento mortis paternæ, non potest in solidum confirmare testamentum, ubi eodem tempore adest hæres alius, qui adire potest, vid. Bart. *in l. 12. hoc tit.* & *l. 11. §. 1. ad Treb.* qui meo iudicio feliciter hoc expedit, quam vel Cujac. 26. *obs. 1.* vel Ant. Fab. *dec. 31. err. 8. add. Bachov. in Tract. vol. 2. disp. 12. thes. 3.*

*Ipsi filio fit hæres substitutus*) Et in tantum succedit, quantum filii fuit, cum is moreretur, sive à patre obvenerit, sive quaesitum aliunde. Testamentum enim pupilli hic est, in quo testator non suis bonis, sed impuberis hæredem substituit *l. sed si 10. §. ad substitutionem 5. hoc tit.* Excipitur substitutus adrogatus, ad quem nihil amplius ex substitutione pertinere potest, quam quod ad impuberem peruenit ex bonis aut beneficio adrogatoris, *d. l. 10. §. in adrogato 6.* Quia verò ex notissima ratione juris quamdiu ex testamento defertur hæreditas, aut saltem spes est fore, ut defertur, hæredes ab intestato succedere non possunt, certum est, legitimos pupilli hæredes, id est, eos omnes, qui circa substitutionem pupillo ab intestato successuri fuissent, à substituto hæreditatem admittente excludi, & consequenter etiam matrem pupilli: quamquam de ea ratio est, cur dubitetur. Nam mater præ reliquis legitimis hæredibus hanc prærogativam habet, quod à liberis præterita testamentum eorum inofficiosum dicere possit, aut *Nov. 115.* ipso jure evertere, utique si vera est communis opinio; quod nunc non disputo. Cum igitur mater hoc jus habeat, cum

liberi per se testamentum faciunt, videri potest idem jus etiam tunc matri competere, cum non liberi ipsi sibi, sed pater eis testamentum faciat: nam quod quis ex persona & nomine alieno faciat, majorem vim habere non potest, quam haberet, si ille ipse id fecisset, cujus nomine factum proponitur, *l. minor. 51. §. 1. de proc. l. 13. §. pen. de damn. inf. l. 10. C. de her. inf. c. quod per alium de reg. jur. in 6. cum similib.* Contrarium tamen disertè ab Ulpiano responsum *l. 8. §. 5. de inoffic. test.* est, nempe matrem impuberis non posse testamentum inofficiosum dicere adjecta hac ratione, quia pater hoc ei fecit: quibus verbis hoc significare voluit Jurisconsultus, querelam inofficiosi testamenti hoc colore instituendam, quasi non sanæ mentis fuerit, qui testamentum ordinavit: cujus autem rei pupillum argui non posse, quia ipse testamentum non fecit, uxori verò contra mariti testamentum querelam non competere: quæ ratio etiam admittit communi DD. opinione accommodari potest ad jus novum. Quidquid enim novi juris à Justiniano constitutum est, ideo tantum pertinet, sicut ipse testatur ut præteritionis & exhæredationis amoveatur injuria, quæ nulla matri à pupillo illata. Neque verò pater, cum liberis suis testamentum facit, testatur ex persona & nudo nomine liberorum, sed jure proprio atque ex persona sua, vi scilicet potestate juris patrii. Hoc ipsum manifestè quoque confirmat *l. 9. C. hoc 1.* quo loco Justinianus prohibet admitti querelam contra substitutionem mente capti, idque ait se constituere ad exemplum substitutionis pupillaris. Negata querela consequens omnino est, matrem à substituto pupillari excludi etiam quoad legitimam: idque constitutione Bonifacii VIII. nominatim expressum est *cap. 1. in fin. de testam. in 6. Licet filius*, inquit Pontifex, *testamento suo matrem portione jure natura debita privare non possit: pater tamen in testamento, quod filio impuberi facit, potest. Bocerius comment. ad hunc §. putat, matrem, etsi per querelam rescindere testamentum non potest, alia tamen via legitimam consequi posse, nimirum conditione ex lege; quoniam generaliter cautum est, ex bonis liberorum matri legitimam esse relinquendam, l. omnimodo 30. l. quoniam 32. C. de inoff. test. Nov. 1. in pr.* Sed jam probavimus, id verum esse, quando liberi ipsi testantur, non cum pater pro suo jure iis testamentum facit. Neque assentiri possum Menochio, qui *lib. 4. præsumpt. 38.* existimat excludi quidem matrem à legitima, quantum ad bona patris attinet, non autem quoad



quoad bona filii : siquidem pater in testamento, quod filio impuberi facit, non tam de suis, quam impuberis bonis disponit, & ex hæredato quoque dat substitutum. Atque illud omnino fixum esse debet, qui suo jure queri de inofficioso non potest, quamvis ex testamento nihil consecutus sit, eum nec petere posse legitimam, ut bene disputat Fachin. lib. 4. contr. 42. & est communis hæc opinio, Gomez 1. ref. 4. n. 7. Valq. lib. 2. de succ. prog. §. 11. n. 24. Grass. §. substitutio, quæst. 12. n. 5.

12 Porro si hoc obtinemus in substitutione pupillari expressa, nulla ratio est, cur non idem statuamus in tacita, quæ vulgari expressa continetur. Nam cum ex constitutione Imp. Marci & Veri hic non minus testamentum atque ex eo hæredem pupillus habeat, quam si expressè in casum quoque pupillarem substitutum accepisset, ratio juris efficit, ut nemo, sive mater sit, sive quis alius, ad legitimam pupilli successione venire possit, aut per querelam testamentum evertere. Quæ sententia, etsi à DD. comm. improbata est, tamen apertè satis confirmatur à sensu contrario in l. 2. C. hoc tit. in qua Imp. respondent, ideo in specie illic proposita matrem admitti, quia testator, filio impubere, & aliis quibusdam personis non ejusdem conditionis hæredibus institutis & invicem substitutis, non intelligitur sensisse de alio casu, quam qui in omnium persona locum habere potest, id est, de vulgari tantum: de quo non obscurè significatur, si personis omnium uterque casus conveniret, aliud respondendum esse: quo etiam faciunt l. Lucius 45. hoc tit. l. 4. C. eod. Sed duo loci hic nobis obijciuntur l. precibus 8. C. hoc tit. l. ult. C. de inst. & subst. Ad priorem expedita responsio est, constitutionem D. Marci non pertinere ad testamentum militis, de quo loquitur d. l. 8. quippe militum testamentum non reguntur legibus aut constitutionibus; sed ex nuda, simplici, ac prout verbis expressa est, voluntate æstimantur, l. 6. C. de test. mil. ut proinde in horum testamentis vulgari expressa non contineat tacitam pupillarem: idemque esset, etsi non mater in specie illic proposita & decisã, sed frater aut alius pupilli legitimus hæres fuisset. In l. ult. C. de inst. & subst. hic casus proponitur: Testator posthumus & uxorem hæredes scripsit, & si posthumus natus non esset, Mævium sibi hæredem esse voluit. Natus est posthumus, & impubes superstitè matre decessit. Papinianus & Ulpianus putaverunt, voluntatis esse quæstionem, & matrem potius quam substitutum ad successione impuberis admittendam: & se-

cundum eos Justinianus quæstionem sic decidit, ut nolit substitutionem istam vim tacite pupillaris habere adversus matrem, id est, si posthumus natus impubes viva matre decesserit: sin illa prior mortua sit, valere adversus cæteros. Quis verò non videt hujus constitutionis speciem & rationem singularem esse, ac proinde non facile ad alios casus porrigendam? Ostendunt hoc verba, in hac specie, bujusmodi casu, & quo colore alioqui Pap. & Ulp. post constitutionem D. Marci voluntatis hic esse quæstionem respondissent? Credibile autem est, Jurisconsultos & Imp. in casu ut propositus est, considerasse primum, quomodo mater ex parte hæreditatis & ipsa instituta fuit, posthumoque cohæres data, etsi posthumus nasci non contingeret. Hinc enim non levis conjectura pro matre oritur, quod scilicet testator uxorem suam, quam ita dilexit, ut eam sibi quoque cum filio hæredem esse voluerit, minime credendus sit voluisse excludere à luctuosa hæreditate filii. Deinde quomodo substitutio facta proponitur, non in casum illum generalem & germanum substitutionis vulgari, si filius posthumus hæres non erit, sed in casum speciale, & nominatim in hunc, si posthumus natus non erit. Unde iterum non conjectura pro matre, nimirum non temere ubi mater in medio est, & præsertim cohæres posthumo data, hunc casum, si posthumus natus non erit trahendum esse ad oppositum, si posthumus natus fuerit, & impubes decesserit: fiat contra voluntatem testatoris, qui non videtur, eum, quem posthumus substituit, sibi hæredem designat nominatim in eum casum, quo posthumus natus non fuerit, & quæ existente nec mater, nec filius, nec hæreditas filii intelligi potest, etiam in contrariis casum, si natus fuerit posthumus, & viva matre decesserit, ipsi posthumo hæredem esse voluisse, exclusã matre à luctuosa filii hæreditate. Proinde concludimus, pro substituto sententiam per respondendum esse, etiam cum mater in medio est, sive de expressa, sive de tacita pupillari quærat, quoties ex certis aut probabilibus conjecturis colligi non potest, voluntatem testatoris refragari: ita & Vigl. hic. Don. ad l. 8. C. hoc tit. Vaud. 1. quæst. 44. Ant. Fab. 15. conj. 9. & seq. & dec. 33. err. 5. latè Val. de succ. prog. §. 55. & seqq. Diff. Gloss. & DD. comm. in d. l. 9. Gomez. 1. ref. 4. n. 8. Covar. in cap. Raynutius. x. de test. §. 4. n. 6. Fachin. 4. contr. 40. & 41. D. Tulden. comm. hic cap. 3. & ad C. hoc tit. Perez. ibid. nu. 26. & Christin. vol. 4. decis. 15. n. 5. Ubi etiam fert, Supremum Senatam Mechliniensem quando



quando censuisse, per substitutionem in pupillo factam, ne expressam quidem, matrem hodie legitima privari posse. Sed hoc opinor ex eo est, quia in Belgio utique in plerisque Belgii provinciis, substitutioni pupillari plane non est locus; de quo pluscula sub §. ult. inf. eod.

*Moribus institutum*) Vulgaris substitutio confirmatur lege 12. tabb. his verbis: *Uti quisque legasset super pecunia sua*. Pupillaris ad eam legem non pertinet: quippe in qua pater non de sua pecunia suisve bonis, sed alienis, id est, liberorum, disponit, l. 10. §. ad substitutionem. 5. hoc tit. sed substitutio hæc moribus introducta est, l. 2. in pr. hoc tit. & quo patri lege 12. tabb. permittum erat in tutela, ut liberis impuberibus in potestate constitutis testamento tutorem daret, hoc consuetudine paularim tractum ad pecuniam quoque & fortunas liberorum, ut in his patri liceret liberis in ea ætate, qua ipsi testamentum facere non possint, testamento hæredem dare, continuata vi patris potestatis, etiam quantum ad bona liberorum attinet, post mortem patris usque in eam ætatem, qua jam ipsi liberi sibi testamentum facere possent, id est, usque ad eorum pubertatem, qua adveniente substitutio expiraret. Atque hoc ipsum in gratiam ipsorum impuberum introductum est, quibus non solum honorificum, sed etiam utile visum, hæredem testamentarium, & eum, qui patris iudicio datus esset, habere, l. 42. de accq. her. Ob id autem potissimum utile, quod ea ratione fiat, ut agnatorum infidiis minus exposita sit vita pupilli, quamdiu ignoratur, quis ei successor futurus sit, propter quam causam cavere olim patres solebant, ne pupillares tabulæ, vivo adhuc & impubere filio, aperirentur, §. *sin autem*. 3. inf. eod. VINN. Vulgo quidem negant pupillarem substitutionem esse ex XII. tabulis propter l. 2. pr. ff. de vulg. & pupill. substitutionem. ubi ejus origo MORIUS adscribitur, quam contra vulgaris dicitur ex XII. Tabulis manasse dicatur in l. 10. §. 1. ff. eod. Sed non pugnant illa, moribus aliquid introductam, & tamen ex XII. tabulis esse, quum in illas migrasse *πάτας τὸς πάτας* ἰδιουμὸς vel ἀρχαῖος ἰδιουμὸς, testetur Dionys. Hal. lib. 2. p. 96. & lib. 10. p. 676. Cæxerant Decemviri; Paterfamilias uti legasset super pecunia tutelave sua rei, ita jus esto. RES ratione patris erant & liberi, qui & mancipari poterant Caji Instit. lib. 1. tit. 6. §. 3. & vindicari l. 1. §. 1. ff. de rei vind. quin iis surreptis locum habeat actio furti. l. 38. §. 1. ff. de furt. Quemadmodum itaque tutela testa-

mentaria est ex XII. tabulis quia paterfamilias potest legare de tutela sua rei ita ejusdem originis erit pupillaris substitutio, quia Decemviri patrisfamilias concesserant legare super pecunia sua rei. HEIN.

## TEXTUS.

## De substitutione mente capti.

1. *Qua ratione excitati, etiam constitutionem posuimus in nostro Codice, qua prospectum est, ut si qui mente captor habeant filios, vel nepotes, vel pronepotes, cujuscumque sexus, vel gradus, liceat eis, etsi puberes sint, ad exemplum pupillaris substitutionis certas personas substituere: sin autem respuerint, eandem substitutionem infirmari sancimus: & hoc ad exemplum pupillaris substitutionis; qua, postquam pupillus adoleverit, infirmatur.*

## NOTÆ.

1. *Constitutione*) L. 9. Cod. de impub. & al. subst. olim opus erat speciali privilegio, l. 43. hoc tit.

*Ut si qui habeant filios.*) Licet non habeant in potestate, d. l. 9. ibi, qui vel que testatori vel testatrici.

## COMMENTARIUS.

- 1 *Qua ratione & consilio exemplaris substitutio introducta?*
- 2 *Utroque parente superstite & exemplaris substituente; patris pot. us quam matris substitutionem ratam esse.*
- 3 *Substitutionem exemplarem etiam ad furiosos & prodigos, adeoque ad mutos & surdos quoque posse porrigi.*
- 4 *Etiam impuberibus mente captis & à patre, in cujus potestate sunt, exemplariter rectè substitui.*
- 5 *Eum quoque, qui exemplariter vult substituere, debere sibi prius testamentum facere.*
- 6 *Si plures sint mente capti liberi vel fratres, posse vel unum ex his substitui.*
- 7 *An etiam exhereditatis exemplariter substitui possit?*
- 8 *An substitutio exemplaris per respicientiam infirmata vires recipiat redeunte morbo?*

**H**OC §. agitur de substitutione mente capti, quæ pupillari substitutioni finitima est, atque ejus specie quædam imperfecta: unde à nonnullis quasi pupillaris dicitur. Veterum



res interpp. exemplarem vocant, eo quod ad exemplum pupillaris introducta est. Sciendum verò, ante tempora Justiniani neque lege, neque moribus licuisse parentibus liberis suis puberibus testamentum facere sive substituere prætextu vitii alicujus, sive animi sive corporis, ob quod ipsi testamentum facere non poterant, nisi, ut id sibi licere, specialiter à Principe impetrassent, *l. ex facto. 43. hoc tit.* quod quia vel non semper impetrari, aut non sine magna molestia poterat, humanum tamen videbatur. Justinianus jus regulare fecit, atque ex privilegiario commune, data parentibus potestate, quantumvis non impetrata à Principe licentia, liberis suis mente captis, licet puberes sint, ad eum modum substituendi, quo jam antea ex more recepto parens filio impuberi substituere poterat, nimirum in eum casum, quo hæredes existerent, & in eadem constitutione mentis decederent, *l. humanitatis. 9. C. hoc tit.* Utriusque hujus substitutionis similitudo & dissimilitudo ostenditur in progressu.

2 *Qua ratione*) Nimirum eadem illa, quam modo dixit causam fuisse comparandæ atque in moreis inducendæ substitutionis pupillaris. Hoc enim significat, eadem ratione, qua antea receptum fuit, ut parentes liberis impuberibus testamentum facerent, quia sc. liberi ipsi propter ætatem sibi facere non poterant, se excitatum permisisse parentibus substituere liberis etiam puberibus, qui non sanæ mentis sunt, & ob eam causam ipsi testari non possunt. VINN. At non planè eandem est substitutionis ratio. Pupillaris enim à *μικρός* nititur patria potestate; *exemplaris* ἑρπὴν illa parentum naturali. Quare illa fit à solo patre; hæc ab utroque parente. HEIN.

*Ut si qui*) Sine distinctione sexus aut gradus aut potestatis parentum: ne quis ex similitudine substitutionis pupillaris hoc ad eos parentes tantum referat, qui liberos habent in potestate. Etenim substitutio hæc non ex ratione aliqua juris civilis; sed ex sola humanitate, affectione, pietate & cura parentum erga liberos introducta est, quæ eadem est in omnibus parentibus, *d. l. 9.* quod tamen timidius diceremus, nisi ipsius legis verbis parentibus omnibus eadem potestas tribueretur: *parenti, qui vel qua testatur, testatori vel testatrici.* Poterit igitur & mater hoc modo substituere, & avia, & pater, filio emancipato. Quod si mente capto uterque parens superstes sit, rationi juris consentaneum est, ut patris portius, quam matris substitutio rata sit, ut rectè Vasq. *lib. 2. de succ. prog. §. 17. n. 39.*

*Et seq. Don. 6. comm. 27.* Quamvis receptum magis, ut cujusque substitutio valeat in bonis ab eo profectis, teste Sichardo in *d. l. 9. n. 8.* quod etiam probant D. Perez. in *Cod. hoc tit. n. 31* & D. Tuld. in *comm. hic c. 10.* Sed hoc neque naturæ hujus substitutionis communi cum pupillari videtur convenire; nam utraque fit bonis liberorum omnibus: & insolens est, aliquem cum duobus testamentis decedere; quamquam fortassis subtilitatem istam mores hodierni non usque adeo curent. Atque hæc est prima hujus substitutionis & pupillaris differentia.

*Mente captos*) Furiosum quoque mente captum esse, id est, lumine mentis carere, certum est. Sed usum veterum mente captus à furioso distingui solet, & furiosus dici, qui rabie quadam agitur; mente captus, qui in quiete magis est, nulla fere signa ostendens extrinsecus: & dementia plerumque vitium naturale est ac perpetuum; furor sæpe remissionem ac intervalla morbi & sanitatis habet. Hinc dubitatum aliquando, an quæ de mente capto constituta sunt, ad furiosum per interpretationem sint producenda: quæ dubitatio circa hunc quoque *§. d. l. 9.* incidit, propterea quod utrobique mente capti tantum Justinianus meminit. Et verò potest aliquando justa esse causa dubitandi, veluti cum D. Marcus permisset filio mente capto uxorem ducere, exorta apud veteres dubitatio fuit, an id quoque ad furiosi filium porrigendum esset; quoniam in mente captis nullæ sunt morbi induciæ, furiosi autem plerumque intervallis quibusdam sensu saniore sunt, quod tempus expectandum videri poterat: quam tamen dubitationem substulit Justinianus, producta D. Marci constitutione ad furiosi quoque filium, *l. si furiosi. 25. C. de nupt.* Cæterum in proposito non video, quæ possit esse dubitandi causa, cum omnino hic eadem ratio sit utriusque; & furore intermissio, liberis ipsis, si in potestate non sint, testari permittitur, ac testamentum paternum abolere. *Fac. l. ex facto. 43. in pr. vers. nam et si hoc. tit. l. 2. C. de cur. furios.* ubi furiosus & mente captus pro eodem ponuntur. Et rectè igitur Theoph. vertit *μηνίτας ἢ γυν παραφρονας.* Quinimmo putem, constitutionem Justiniani ad prodigos, atque adeo ad surdos & mutos quoque liberos porrigendam: quo casu ipsi testari non possunt: quæ & communis sententia est, fundata in constitutionis humanitate & ratione, quæ his omnibus convenit, nimirum ut qui ipsi sibi testamentum facere non possunt, parentes eis faciant, quodque olim non licebat.



bat nisi ex privilegio, nunc liceat jure communi, Gomez. 1. *resol.* 6. n. 3. & 4. Covar. in c. *Raynut.* §. 6. n. 1. Grass. §. *substitution.* *quest.* 44. n. 4. & 6. quamvis aliud visum Viglio hic. Govean. in d. l. *ex facto* 43. *hoc tit.* D. Tuld. in *comm. hic.* c. 10. Perez. in C. *eod.* n. 30. *arg. l. quod vero.* 14. *de legib.* cui occurri potest ex D. *Præside loco* 79. n. 18. & *seqq.* Planè ad phræneticos constitutionem non pertinere tradunt comm. DD. & probat Vasq. d. §. 17. num. 108. per verb. *constitutionis perperuo.* Grass. d. *quest.* 44. n. 3.

*Vel nepotes*) Eadem autem conditio hic exigitur, quæ in substitutione impuberum, ut nepotes, quibus exemplariter substituitur, post mortem testatoris non sint recasuri in potestatem patris sui, l. 2. *hoc tit.* Nam & hæc substitutio testamentum liberorum est. Qui autem sunt in potestate, nec testamentum nec hæredem ex testamento habere possunt, l. *pen.* & *ult. C. qui test. fac.* Quare & si mater substituit, mortua ea, superstitite patre mente capto, evanescet substitutio secundum plerisque: ego arbitrarer, quamdiu pater vivit, ne concedendum quidem matri esse, ut substituat, de quo latè Vasq. 2. *de success. prog.* §. 17. n. 53. & *seqq.*

*Et si puberes sint*) Secunda differentia, quæ principalis est inter hanc substitutionem & pupillarem. Ait, *Et si puberes.* Licetne ergo etiam impuberibus exemplariter substitui? De patre, qui emancipavit, non queritur, nec de matre substitui volente, quoniam in his terminis sola exemplaris locum habet: sed de patre, in cujus potestate est impubes mente captus. Ratio dubitandi orta à simili. Quem admodum enim curatio agnatorum, in qua ex 12. tabb. jubet esse furiosos, ad impuberes non pertinet, qui ex jure ordinario in tutela sunt, l. 3. *de tutel.* ita videri potest, nec pertinere ad eos hæc extraordinaria substitutio, cum pater jure ordinario his substitui possit pupillariter. Sed non sunt hæc similia: nam finita tutela succedit, & administrationem bonorum puberis suscipit curator, quem ex aut Magistratus tutoris subrogat, ut in omnem eventum hic furioso prospectum significata autem substitutione pupillari, & durante adhuc mentis alienatione, non succedit exemplaris substitutio, neque quisquam est, qui hæredem mente capto dare queat. Quamobrem magis est ut dicamus posse matrem etiam exemplariter filio substitui, ut duret hæc substitutio etiam post pubertatem, quamvis manet eadem mentis constitutio, ita & *Quar. in tit. de vulg. & pup. c. 19. & DD.*

comm. Vasq. d. §. 17. n. 68. Grass. d. §. 9. 41. Dissent. D. Pacius in *not. marg.*

*Ad exemplum pupillaris substit.*) His verbis significatur, licere patri filio mente capto substitui in casum secundum, *Si filius hæres erit,* ut receptum est in pupillari. Deinde etiam debere patrem, qui exemplariter substituit, sibi prius testamentum facere, sibi que in eo hæredem institui, quàm filio substituat, perinde ut in substitutione pupillari, §. *liberis.* 5. *infr. eod.*

*Certas personas*) Differentia tertia. In substitutione pupillari licet impuberi filio quosvis substitui, etiam fratribus ejus præteritis: in substitutione mente capti non licet: sed in hac primum liberi, si quos habet, dein his non extantibus, fratres mente capti substitui sunt: demum si nec fratres erunt, permissum substitui quemlibet, d. l. 9. C. *hoc tit.* Et notandum, quod in constitutione adjectur, non esse necesse, si plures sint mente capto liberi aut fratres, ut substituantur omnes, sed satis esse, vel unum ex iis substitui, ut valeat substitutio, licet reliqui non sint ex hæredati: nihil enim de cæteris ex hæredandis exprimitur. Sed & impune posse præteriti, ex eo licet intelligere, quod adversus substitutionem denegatur querela inofficiosi: quod tamen in liberis mente captis vix est ut ab iniquitate defendi possit, vid. Vasq. d. §. 17. n. 55. & *seqq.* Sed de parentum erga liberos affectione benignius præsumamus, avumque testatorem nepotibus præteritis tantumdem de propriis bonis in compensationem relictorum. Inducitur vulgo ex verbis d. constitutionis & alia dissimilitudo. Nam impuberibus pupillariter substitui potest, etsi nihil eis relinquatur, dummodo ex hæredentur: mente captis non aliter substitui conceditur substitutio, quàm si legitima eis relicta fuerit: & cum igitur hodie legitima liberis relinquenda sit titulo institutionis, *Nov. 115.* non aliter testamentum paternum consistere, aut querelam inofficiosi evadere plerique existimant, quàm si liberi in eo hæredes instituti fuerint, saltem in parte aut ex re aliqua; quo casu si minus legitima relicta sit, id quod deest, eos consecuturos conditione, ex l. 30. C. *de inoff.* nimis enim superstitiosos esse, qui negant subsistere testamentum, nisi tota legitima relicta sit. Concludunt igitur, ex hæredato non rectè exemplariter substitui, neque rationem humanitatis pati, ut afflictio addatur afflictio. Bart. in l. 43. nu. 18. *hoc tit.* DD. comm. in l. 9. C. *eod.* Grass. d. §. 9. 44. n. 5. Quibus assentiri non possum. Nam cum etiam liberi



furiosi à patre exhæredari possint, l. 27. C. de Episc. aud. l. ult. §. 5. C. de cur. fur. quod sic accipiendum est, ut possint etiam efficaciter, quamvis nihil eis relictum sit, modo exhæredentur ex causa ingratitudeis ante furorẽ commissæ, quod Bart. quoque d. loc. n. 19. & DD. comm. concedunt: Vasq. de succ. creat. §. 21. n. 256. non ideo, cur non & his exhæredatis possit exemplariter substitui. Sanè verba constitutionis non refragantur. Nam quod legitima relinquenda adjicit Justin. id non eo pertinet, ut si illa relicta non sit, testamentum ipso jure sit nullum, sed quod alias per querelam inoff. posset everti: cujus querelæ ne hodie quidem vis ulla, ubi ob justam causam ingratitudeis testamento insertam hæres docere potest, exhæredationem factam esse: & quod novissimè Imp. voluit, legitimam relinquunt tit. institutionis, id non hunc habet sensum, si ita relicta non sit, utrumque rite facta sit exhæredatio, testamentum ipso jure non subsistere, sed tunc per querelam posse subverti: de quo uberius infr. tit. 18. Duar. ad hunc tit. c. 20. Covar in c. Raynutius. §. 6. n. 2. & 3. Bocer. hic n. 21.

Si autem respuerint, infirmari) Deficiente nimirum conditione hujus substitutionis: ut enim pupillaris substitutionis hæc propria est, Si filius impubes decesserit; ita exemplaris hæc propria, Si mente captus in eadem constitutione mentis decesserit: ac proinde ut illa pubertate, ita hæc finitur respicientia: quomodo veteres quoque principalia rescripta interpretati sunt, quibus specialiter aliquibus concessum erat, liberis puberibus ob infirmitatem aliquam, propter quam ipsi testari non poterant, testamentum facere: iniquum enim esset, testamenti factionem adimere homini sani sensus & mentis, l. ex falso. 45. hoc tit. ubi indicatur alius quoque modus, quo hæc substitutio infirmatur, sui hæredis agnatio. Quid autem si filius in eandem mentis abalienationem reciderit? Zasius tract. subst. exempl. post Baldum & Salicet. in d. l. 9. C. hoc tit. distinguit inter modicum & longum intervallum, ut illo casu duret, hoc evanescat substitutio, quod & Covar. in d. c. Raynutius. §. 6. n. 11. probat. Perezio ad eund. tit. C. n. 33. indistinctè negat umquam convalescere. Vasquius contra convalescere ait, sed ita, quasi interim non extinctam, idque etiam si filius tempore mortis paternæ adhuc sit sanæ mentis, lib. 2. de success. progress. §. 17. n. 48. & seqq. quæ etiam est communis opinio secundum Jason. & alios à Vasq. & Covar. allegatos. Ratio juris suadet, ut dicamus, cum

Donel. 6. comm. 27. siquidem filius vivo adhuc patre in eundem morbum reciderit, magis esse, ut substitutio duret, arg. l. 6. §. 2. de her. inst. §. 4. inf. de her. qual. nisi forte per id tempus, quo sanæ mentis fuit, ipse testamentum fecerit, per §. 1. sup. quib. non est perm. fac. test. Quod si tempore mortis testatoris sanæ mentis fuerit, evanescere substitutionem, arg. l. cohæredi. 41. §. 2. hoc tit. Quæ etiam sententia videtur D. Viglii. hic n. 19. male in contrarium allegati à D. Perezio. Add. Mantic. de conj. ult. vol. lib. 5. c. 16. n. 24. & seq.

## TEXTUS.

## Proprium pupillaris substitutionis.

2. Igitur in pupillari substitutione secundum præfatum modum ordinata duo quodammodo sunt testamenta, alterum patris, alterum filii, tanquam si ipse filius sibi hæredem instituisset: aut certe unum testamentum est duarum causarum, id est, duarum hæreditatum.

## COMMENTARIUS.

Redit Imp. ad institutam initio disputationem de substitutione pupillari, Ait, in ea substitutione duo quodammodo esse testamenta; quæ verba captanda non sunt. Etenim non hic eorum sensus est, in pupillari substitutione, quatenus sola & per se spectatur, duo esse testamenta; quæ oratio implicaret contradictionem: quippe in pupillari substitutione soli pupillo hæres datur, cujus idcirco etiam testamentum dicitur, licet patrem auctorem habeat, l. 20. hoc tit. & passim. ea verò pars, qua impubes ipse aut alius hæres instituitur, patris testamentum constituit, nullo modo appellari potest substitutio pupillaris. Sed ita accipienda sunt, ut simul comprehendatur ipsa impuberis institutio secundum formulam in pr. traditam: quod ostendunt verba secundum præfatum modum ordinata. Hoc sensu rectè dicitur, duo hic quodammodo testamenta esse, alterum patris, alterum filii. Hinc enim est, quod utrisque mortis expectanda, quod duæ aditiones necessariæ, l. 2. §. 1. hoc tit. l. 11. §. 1. ad Trebell. duplex item apertura tabularum, si pupillares seorsum ob signatæ, l. 8. test. quem. aper. quod pater una hora sibi, altera filio hæredem facere potest, l. 16. §. 1. hoc tit. sibi per scripturam, filio per nuncupationem, & contra, d. l. patrii. 20. eod. l. 8. in fin. sec. tab. quod filio substitutus, eo abstinate, non cogitur paternis cre-



dicoribus respondere, l. Julianus. 42. de acq. hered. & apparet hoc luculentius in substitutione exheredati.

Unum testamentum duarum causarum) Rectè quoque, sed sensu universo, unum hic esse testamentum dicitur, l. 2. §. prius 4. d. l. patrii 20. hoc tit. l. patremfam. 28. de reb. aut. iud. poss. nimirum, tum ratione causæ efficientis, quia unum dumtaxat auctorem habet: tum formalis, quia unica solemnitate contentum, veluti unis septem testium signaculis, d. l. 20. tum ratione subsistentiæ, quia pupillare testamentum per se non subsistit, sed paterni accessio est, quo rupto, rescisso, aut irrito facto, simul concidit, d. l. 2. §. 1. l. 10. §. 3. l. 16. §. 1. eod. l. 11. test. quemad. ap. §. 5. inf. hoc tit. Arque hinc est, quod in tabulis patris & filii una Falcidia servatur, l. 11. §. quod vulgo 5. ad leg. Falc. quod juri accrescendi locus est inter re conjunctos, l. planè 34. §. sed si 10. de legat. 1. & si quæ sunt alia generis ejusdem. Consulatur D. Hotomannus, qui singula accuratè persecutus est.

## TEXTUS.

Alia forma substituendi pupillariter.

3. Sin autem quis ita formidolosus sit, ut timeat, ne filius suus pupillus adhuc ex eo quod palam substitutum acceperit post obitum ejus periculo insidiarum subiaceat, vulgarem quidem substitutionem palam facere, & in primis testamenti partibus ordinare debet, illam autem substitutionem, per quam, si hæres extiterit pupillus, & intra pubertatem decesserit, substitutus vocatur, separatim in inferioribus partibus scribere debet, eamque partem proprio lino proprietateque cera consignare: & in priore parte testamenti cavere, ne inferiores tabula vivo filio & adhuc impubere aperiantur. Illud palam est, non ideo minus valere substitutionem impuberis filii, quod in iisdem tabulis scripta sit, quibus sibi quisque heredem instituisse: quamvis pupillo hoc periculosum sit.

## NOTÆ.

3. Proprio lino) Vide comment. infra. Exempla substitutionis pupillaris factæ in ima cera, sive ultima parte tab. habes in l. ult. de fideic. libert. l. 8. §. ult. sec. tab.

In priore parte cavere) Etsi non cavet, voluisse tamen intelligitur, qui separatim obligaavit tabullas pupilli, l. 8. test. quem ap.

Quia substitutio hæc pupillo periculosa videtur, consilium hoc loco parentibus datus, ut eam in ima parte tabularum scribant, linoque proprio trajecto constrictam obsignent, caveantque, ne vivo & adhuc impubere filio aperiantur.

Periculo insidiarum subiaceat) Vulgaris substitutio rarius periculum liberis impuberibus creat, quia adita hæreditate spes omnis successioneis substituto præciditur. Potest tamen & ipsa causam præbere insidiis. Apud Ciceronem in orat. pro Cluent. cap. xi. legimus, mulierem quamdam Milesiam, accepta à secundis hæredibus pecunia partum sibi medicamentis abegisse: cujus rei meminit Triphon. l. Cicero 39. de pæn. Citius autem periculum metuitur à substituto pupillariter, si is mortuo patre pueri custode, se esse substitutum cognoscat: hic enim majorem occasionem habet vitæ pupilli struendi insidias, eumque, antequam pubescat, è medio tollendi. In cujusmodi scelus impulsus hac occasione fuit tutor ille, quem Sergius Galba ob id cruce affectus: nimirum quod pupillum, cui substitutus hæres erat, veneno necasset. Sueton. in Galb. cap. 9. Scilicet ea vulgo est hominum improbitas, ut spe luculentæ hæreditatis aut similis lucri, quod post obitum alicujus se percepturos certo sciunt, facile impellantur ad affectandam illius mortem. Notum est illud Persianum satyr. 2. v. 12. de improbo insidiatore pupilli, cui hæres substitutus erat:

— Pupillumve stinam, quem proximus hæres  
Impello, expungam.

Eodemque pertinent illa Horatii l. 2. satyr. 5. v. 48.

Arrepe officiosus, & ut scribare secundus  
Hæres, ut si quis casus puerum egerit Orco,  
In vacuum venias.

Primis testamenti partibus) Tabulæ testamenti in plures partes dividi possunt, singulæque partes seorsum obsignari, ita ut priores sine posterioribus commodè aperiri & resignari queant. Primam testamenti partem Horatius d. satyr. 5. v. 53. sequ. primam ceram vocat, sicut Tranquillus in Julio c. 83. partes inferiores, imam ceram. Cicero Varr. 3. extremam ceram codicis. Quod intelligendum est è consuetudine veterum Romanorum, qui in tabulis ceratis scribere solebant. Quamvis interdum etiam chartis & membranis uterentur, §. nihil autem 12. sup. de testam. ord. consule D. Salmas. lib. de mod. usur. c. 11.

Sepa-



*Separatim in inferioribus partibus*) Exempla substitutionis pupillaris factæ in infima sive novissima parte testamenti habemus apud Marcell. l. ult. de fideic. lib. Paul. l. ult. ad sen. Treb. Ulp. l. 8. test. quem. ap. quo loco etiam hoc scribit Jurisconsultus, prætorem non pati sine causæ cognitione aperiri tabulas pupillares, quæ separatim ignotas testator relinquit, quamvis expressè non caverit, ne aperiantur: quia sc. prætor existimat, id nullo modo è re pupilli futurum esse.

*Proprio lino*) Significat, testamenti tabulas diverso lino ita ligandas esse & complicandas, ut lino inciso singula per se commodè aperiri possint. Lini, quo tabulæ ligantur, mentio fit plerisque locis, l. Aurelius 28. §. 1. de lib. leg. l. 1. §. pen. & ult. de bon. possess. sec. tab. l. pen. C. de testam. apud Lucian. in Timone, Sueton. in Neron. cap. 17. Adversus falsarios tunc primum repertum, ne tabulæ nisi pertusæ, ac ter lino per foramina trajecto obsignarentur. Add. Alciat. 4. parad. 6. Cajus 2. inst. 4. §. 3. de hac cautela sic scribit: Sed pupillaris substitutio ita secreta esse debet, ut ad notitiam substituti pervenire non possit, ne vitæ pupilli substitutus aliquas insidias moliat. Nam in extrema pagina testamenti fieri debet, ut pars illa, in qua pupillaris substitutio scripta est, quamdiu pupillus annos pubertatis egrediatur, obsignata permaneat, & prior pars testamenti, in qua hæres scriptus est, referatur.

*Cavere, ne inferiores tabulæ aperiantur*) Pupillares tabulas aperiri plerumque vetabat parens, l. 3. C. quemadm. testam. ap. aut vetuisse intelligebatur, si seorsum eas signatas reliquisset, l. 8. ff. eod. Quæsieris, quid juvet, hanc adhibuisse cautionem, cum qui in vulgarem casum impuberi à patre substitutus est; etiam in casum pupillarem substitutus esse intelligatur ex constitutione D. Marci l. 4. hoc tit. Nam facta palam substitutione vulgari, etiam si altera celetur, in idem incommodum incidit; quia substitutus ignorare non potest, mortuo impubere, se ei hæredem fore ex tacita pupillari. Sed facilis est responsio, nimirum ex conjectura voluntatis hoc introductum, ut substitutioni vulgari expressè, pupillaris insit: in voluntate testatoris manifestè contraria secus esse, d. leg. 4. §. 2. & l. 4. C. eod. Neque enim unquam in re manifesta, aut ubi de voluntate constat, præsumptionibus aut conjecturis locus est, l. continuus 137. §. 1. in fin. de verb. obl. Quamobrem cum in casu præsentis ex prioris testamenti parte constet, testatorem expressè aliquem filio substituisse in imis tabulis, quas filio vivo & adhuc im-

pubere aperire vetuit, nihil certi sibi promittere substitutus potest de successione pupilli, cum scire non possit, ipsūne an alium testator in secundum casum substituerit.

*Non ideo minus valere*) Igitur Justinianus hic non imperat, sed suadet. Consilium est, non præceptum, & ut Græci & νόμος, ἀνά παραίρεσις; neque enim eo minus valet pupillaris substitutio, quod scripta est in iisdem tabulis, quibus testator sibi hæredem instituit. Quin etiam sibi in tabulis testamentum facere pater potest: filio impuberi per nuncupationem substituere, l. 8. in fin. sec. tab. l. patris 20. §. 1. hoc tit.

## TEXTUS.

### Quibus substituitur.

4. Non solum tamen hæredibus institutis impuberibus liberis ita substituere parentes possunt, ut si hæredes eis extiterint, & ante pubertatem mortui fuerint, sit eis hæres is, quem ipsi voluerint sed etiam exheredatis. Itaque eo casu, si quid exheredato pupillo ex hereditatibus, legatissive aut donationibus propinquorum atque amicorum acquisitum fuerit, id omne ad substitutum pertinebit. Quæcumque diximus de substitutione impuberum liberorum, vel heredum institutorum, vel exheredatorum, eadem etiam de posthumis intelligimus.

## NOTÆ.

4. Sed etiam exheredatis) L. 2. §. 2. l. 10. §. 5. hoc tit. Ulpian. tit. 23. §. 7. quia pater non suis bonis substituit, sed impuberis, videlicet jure potestatis, d. l. 10. §. 5. quo & tutorem dat, l. 4. de test. tut. Formula: Titius hæres esto: filius exhæres. Si filius impubes moriatur, Sempronius ei hæres esto.

Ex hereditatibus legatissive, &c.) D. l. 10. §. 5. Non tamen potest pater ab exheredato legatum relinquere, l. 41. §. 1. hoc tit. neque à substituto exheredati, l. 41. §. 3. de test. milit. Legatum onus est: hæredem habere non est.

Etiam de posthumis) L. 2. eod. exempl. in l. 46. hoc tit. l. ult. C. de instit. & subst.

## COMMENTARIUS.

- 1 Formula substitutionis pupillaris exheredato facta.
- 2 Male in vulgatis codicibus interpungi, l. miles 41. §. 4. de test. milit.
- 3 Patrem ab exheredato filio ejusve substituto legare non posse.



*An exhereditatio extinguat jus suisatis? Quaestio subtilissima.*

**S**ed etiam exhereditatis) Non ait, præteritis, quia sic testamentum patris ipso jure nullum esset, l. 1. de injust. rupt. l. inter recte substituitur, l. 1. §. 2. l. 10. §. ad substituitur 5. hoc tit. nimirum jus hoc substituendi, & tutores dandi, non ab institutione hæredis; sed à potestate patris pendet; quippe non suis bonis, sed impuberis substituitur, quo argumento utitur Ulp. d. l. 10. §. 5. Quamobrem etsi hodie bonorum adventitiorum proprietates patri non quæritur, non eo tamen minus substituere filio exhereditato poterit. Neque in eo injuria fit exhereditato, quod pater hæredem dat: quin potius ad utilitatem pupilli hoc spectare creditur, l. Julian. 42. de leg. ber. fac. l. 6. in pr. de interrog. in jur. Sed quibus verbis hæc substitutio concipienda est? Non enim potest concipi eadem formula, qua utimur in substitutione filii hæredis instituti: *si hæres erit, & intra pubertatem decedat*. Nimirum posterior tantum hujus conditionis pars exprimenda. Formula hæc sit: *Titius hæres esto; si filius exheres. Si filius impubes moriatur, Sempronius ei hæres esto*. Ex quo apparet, veram esse substitutionem nullam esse, ac ne vix quidem coloratam, ut monui initio hujus tituli. Sed hoc ipso confirmatur sententia nostra, quod hæc testamenti factio sit ex XII. tabulis. Quamvis enim substitutio hæc nec vulgaris dici possit, nec pupillaris: eam tamen admittendam putarunt Romani, quia sic quoque paterfamilias testatur de pecunia sua. HEIN.

*Pupillo ex hereditatibus legatise*) Nam uti modo dictum est, non suis, sed impuberis bonis substituit testator. Turbavit hic multos obscura lectio l. miles 41. §. 4. de test. mil. Sic enim is locus in vulgatis codicibus legitur: *exhereditato miles & emancipato filio substituere legat. Verum hoc jus in his exercebitur, quæ ab eo ad eum, cui substituitur, pervenerunt, non in his, quæ habuerit, vel postea acquisiverit*. Quod exhereditato filio à milite substituta tantum accipit, quæ à testatore propositæ sunt, nihil amplius ei tribuendum, si substitutus sit à pagano. Cæterum alia omnia juris efflagitat: nec responsum utud, si legas, defendi potest à summa absurditate. Quod cum animadverteret D. Viglius, is est, quamquam nullius fretus codicis auctoritate, locum aliter interpungere, dicens: *exhereditato, in calcem præc. §. trans-*

posita, novum sic inchoare, *Miles & emancipato filio, &c.* quam viri doctissimi & prudentissimi interpunctionem postea comperitum est *Pisani codicis auctoritate confirmari*.

*Ad substitutum pertinebit*) Hoc igitur certo constitutum est, licere patri substituere filio impuberi etiam exhereditato, atque ex hac substitutione ad substitutum pertinere adventitia exhereditati emolumenta. Sed hac occasione duo quæritur sunt; primum, an quemadmodum pater exhereditato recte substituit, ita etiam ab eo legatum aut fideicommissum recte relinquat: alterum, an à substituto exhereditati legatum aut fideicommissum dare valeat. Primum quod attinet, placet, patrem à filio, quem exhereditavit, legare aut fideicommissum relinquere non posse, l. coheredi 41. §. 3. hoc tit. Alia enim ratio est substitutionis, alia legatorum sive fideicommissorum. Legata & fideicommissa onera sunt: ac proinde aliis imponi non possunt, quam iis, quos defunctus honoravit; & tantum pro modo relicti, d. l. coheredi, §. 3. l. 1. §. sciendum 6. de legat. 3. l. 9. C. de fideic. Substitutio verò onus nullum continet, (neque enim onus est hæredem habere,) sed est provisio pertinens ad commodum ipsius pupilli. Atque hinc quoque judicandum de altero. Nam si ab exhereditato legari non potest, nec poterit à substituto ejus. Ratio enim non patitur, ut plus juris habeat testator circa personam substituti, quam habet in eo, cui substituit, l. qui fundum 87. §. qui filios 7. vers. dicit aliquis, ad leg. Falc. l. ab exhereditati 126. de legat. 1. Planè quemadmodum filius exhereditatus, si legatum vel fideicommissum à patre accepit, fideicommissum itidem à patre gravari potest, d. l. coheredi, §. 3. ita & eo casu poterit substitutus, si jurisdictionem spectes, l. 5. §. 1. de legat. 3. Contrarium tamen in odium exheredationis constituit Justinianus, l. cum quidam 24. C. de legat. ut bene observavit D. Viglius. Ne olim quidem, ut hoc obiter addam, legari à substituto exhereditari poterat, quantumvis legatum etiam amplum à patre accepisset, l. miles 41. §. 3. de test. mil. nimirum quia ex ratione juris veteris legata ex legatario ejusve hæredem non recte relinquebantur, ac bene fideicommissa. *Inf. de sing. reb. per fideic. rel. in pr. d. l. 5. §. 1. de legat. 3.*

*Eadem etiam de posthumis intelligimus*) Quæstionem, an hodie post Nov. 115. c. 3. posthumus exhereditari, & consequenter, an ei exhereditato substitui possit, alio loco reservamus. Illud pro coronide hic indagare lubet, verumae sit, quod nonnullis visum est, per



exhæredationem tolli jus sunitatis. Nam si hoc verum est, incidit in totum doctrina hujus §. quandoquidem suis tantum hæredibus substitui potest. *l. 2. in pr. hoc tit.* Verum autem esse, hisce argumentis probari videtur. Primum, si exhæredati ne hæredes quidem sunt, nec sui hæredes dici possunt: cum non entis nulla sit qualitas, atque ut in scholis ratiocinantur, *ab est secundi adjecti, ad est tertii adjecti valeat consequentia negando.* Hæredes autem non esse, testatur Jurisconsultus *l. 1. §. pen. de suis & legit.* Ratio enim juris manifesta est, quia nec ex testamento nec lege eis defertur hæreditas, ut plenius ostendimus in §. *cum autem 7. inf. de her. que ab int.* Secundo inter suos hæredes mutari non potest, qui pro mortuo habetur; at exhæredatus habetur pro mortuo, *l. 1. §. sed & si 5. de conjug. cum emanc. lib.* Postremo sui hæredis jus per exhæredationem dicitur abscissum esse, *l. 9. §. 2. de lib. & post.* Ex contrario verò non tolli per exhæredationem jus sunitatis, duobus argumentis perspicue evincitur. Unum petitum est à definitione. Nam si sui hæredes sunt liberi omnes defuncti, qui eo tempore, quo moritur, in potestate illius sunt, & primum in familia locum obtinent: non potest non filius exhæredatus eo tempore inter suos hæredes numerari, nisi dicamus, quod inauditum est, exhæredatione solum fuisse jus patriæ potestatis. Nec mihi objeceris, jus sunitatis non ex eo solum æstimari, quod quis in potestate sit, & primum gradum in familia teneat; verum etiam, & maxime ex causa successione: exhæredatum autem à successione excludi. Etenim quamdiu pater vivit; exhæredationis nulla vis est, eoque etiam numero, adhuc in irritum redigi potest, destituito vel rescisso per querelam inofficiosi patris testamento, *l. filium 20. in pr. cont. tab.* ut proinde jus filii sui hæredis per exhæredationem sublatum fuisse dici non possit. Alterum argumentum sumitur ab effectis sunitatis propriis. Primum ex eo, quod, ut hoc §. docetur, filio exhæredato rectè pater pupillariter substituit. Suum autem hæredem esse oportet, cui ita substituitur, *l. 2. hoc tit.* Secundo, quod cum tutor testamento dari non possit nisi ei, quem quis in suis hæredibus, cum moritur, habuit, *l. quo tutela 73. §. 1. de reg. jur.* rectè nihilominus detur exhæredato, *l. 4. de test. tut.* Tertio, quod exhæredati filii persona obstat nepoti, quominus suus hæres fiat avo, & præteritus quasi agnascendo rumpat avi testamentum, *l. 6. pr. de injust. rupt. test. l. 7. unde lib.* Si enim per exhæredationem perimeretur

jus sunitatis, nepos protinus occuparet locum patris, atque in sui hæredis locum succedendo avi testamentum rumpere, non secus ac is rumpit, cujus pater mortuus aut emancipatus est, §. 2. *sup. de exher. lib. l. 13. de injust. rupt.* Postremo à jure quoque sunitatis procedit, quod filio, qui in potestate est, exhæredato, ad transmittendam querelam nec bonorum possessio, nec aditio hæreditatis necessaria est. Cur enim alioqui contra filium emancipatum nisi ista fecerit, non videtur licet præparasse? *l. 7. de inoff. test.* Neque verò adeo difficilis responsio est ad argumenta duo posteriora, quibus diximus probari videri, exhæredatione jus sui hæredis planè extingui. Etenim quod Ulpian. ait *d. l. 1. §. sed & si 5. de conjug. cum emanc. lib.* patrem exhæredatum pro mortuo haberi, verum quidem est, non autem simpliciter, sed quod ad illud edictum de quo agitur, attinet; ne scilicet pater emancipatus ex hæres factus impediat, quominus nepos in potestate retentus & præteritus bonorum possessionem contra tabulas solus petat, aut si concurrat patruus, partem bonorum dimidiam consequatur; cum si pater exhæredatus non fuisset, ex edicto filio jungeretur. Eodem modo responderi potest ad *d. l. 9. §. 2. de lib. & post.* jus filii eo loco abscissum dici comparative, respectu sc. ejus qui apud hostes est; cujus jura omnia in suspensio retinentur propter spem postliminii. Aut si magis placet emendatio Ant. Fabri *conj. 12.* pro illis verbis, *filii jus*, lege, *illius jus*: ut hoc referatur ad nepotem, cujus sane jus per exhæredationem patris penitus abscissum est in tantum, ut nec defuncto ante aditam hæreditatem pater ad successionem avi admittatur, *d. l. 9. §. 2. d. l. 6. de injust. rupt. test. l. 7. unde lib.* quæ emendatio eo probabilior est, quia & sententiæ Jurisconsulti locum sic restitutus melius convenit, & lectio locum mirè variat, ut videre est apud Accurs. Bart. Alciat. & in editione Robert. Stephani. Majorem difficultatem habet argumentum, quod primo propositum fuit: utriusque enim cum verum sit, exhæredatum morienti patri hæredem non existere, consequens est, nec suum esse, quo tempore pater moriatur: alioqui necessario potestate juris statim hæres existeret, & obstarè hæredi instituto, quominus ipse directo hæres esse & jure civili hæreditatem tenere posset, *arg. l. ult. de acq. her.* quod falsum esse patet ex *d. l. 6. in pr. de injust. rupt. test. l. filium 20. de bon. poss. cont. tab.* Quamobrem sic omnino statuendum arbitror, vivum adhuc patre, cui testamentum mutare licet



exheredationem non impedire, quominus filius exheredatus adhuc inter suos hæredes habeatur: atque ideo nepotibus ex se natis oblatæ, quominus in locum ipsius & gradum ascendant. Sed & post mortem patris, quamdiu adhuc ab intestato succedere potest, pro suo interim haberi, quoniam rescisso aut deserto patris testamento suus heres nihilominus patri existit, perinde ac si nulla exheredatio intervenisset, *d. l. filium 20. cont. tab. l. 8. §. pen. de inoff. testam.* Verum enim verò exheredatio confirmata fuerit adita ex testamento hæreditate, hac consideratione exheredatus amplius pro suo haberi non potest, cum verum sit, eum patri suum hæredem non existisse, nec existere posse, *d. l. 1. §. pen. de suis & legit. add. Gomez 1. ref. 11. n. 9. Honorum. 9. obs. 10. Ant. Fab. 9. conj. ult. Christian. vol. 4. decis. 16. n. 4. Bachov. hic, add. Val. Reimer. decis. 6. disp. 1. thes. 4.*

- 3 *Cur rescisso per querelam testamento patris substitutio pupillaris concidat, petita cont. tab. honorum possessione non item?*  
 4 *Jure novissimo etiam expugnato per querelam testamento patris, salvam manere substitutionem pupillarem.*

**P**ermissum quidem patri est, suo testamento perfecto, alio tempore filio testamentum facere, *l. 16. §. 1. hoc tit.* aut sibi per scripturam, filio per emancipationem, vel contra, *l. patris 20. eod.* & vel instituto filio vel exheredato. Cæterum necessarium omnino est, ut sibi quoque hæredem faciat, qui filio vult facere, *l. 2. §. 1. eod.* Incongruens enim visum est, eum, qui ipse intestatus decedere cupit, filio suo hæredem testamentum dare: tantumque concessum patri sibi testamentum facienti, simul filio impuberi prospicere. Ex quo efficitur, testamentum patris principale esse, filii accessorium & paterni appendicem, ac proinde hoc sine illo non consistere, ex tritissima juris regula, *l. nihil dolo 129. §. 1. de reg. jur. c. accessorium 42. eod. tit.* Cæterum hoc in paganis obtinet: militi enim ex privilegio indultum, ut soli filio hæredem facere possit, tamen sibi non fecerit, *d. l. 2. §. 1. l. in fraudem 15. §. pen. de test. mil.*

## T E X T U S.

Pupillare testamentum sequela paterni.

§. *Liberis autem suis testamentum nemo facere potest, nisi & sibi faciat; nam pupillare testamentum pars & sequela est paterni testamenti: adeo ut si patris testamentum non valeat, nec filii quidem valebit.*

## N O T Æ.

§. *Nisi & sibi faciat*) *D. l. 2. §. 1.* Immo nisi sibi prius faciat, deinde filio, nec converso modo à filii testamento incipiat, *d. l. 2. §. 4. & ult.* utique si ex intervallo diversisque tabulis sibi pater hæredem scribat, & filio substituatur, quod facere potest, *l. 16. §. 1. l. 20. §. 1. eod.* Cæterum si conjunctim, eodem tempore, ac contextu utrumque fiat, licet ordinem convertere, veluti si ita scribat, *Si filius meus intra pubertatem decesserit, Sejus hæres esto: filius hæres esto, d. l. 3. §. 5.*

*Nec si.ii valebit*) *Fac. ratio in l. 129. §. 2. l. 178. de reg. jur. c. accessorium 42. in 6.* Pupillari tamen hodie tabulas pupillares non infirmari, quamvis exheredatus querelam novi testamenti obtinuerit per *Nov. 115. c. 3. in fin.*

## C O M M E N T A R I U S.

1 *Patrem prius sibi debere testamentum facere, deinde filio, nec converso modo à filii testamento incipere; nisi conjunctim unoque textu utrumque fiat.*

2 *Patris testamento non subsistente & filii nullum esse, aut corrucere.*

Tom. I.

*Nisi & sibi faciat*) Immo nisi sibi prius faciat, deinde filio: nec converso modo à filii testamento incipiat, *d. l. 2. §. prius 4. & §. ult.* Quippe hic ordo naturæ est, ut sit & præcedat aliquid principale, cui quid accedere volumus, quod per se solum subsistere nequit. Filii autem testamentum sequela est & accessio paterni, ita ex paternis tabulis pendens, ut sine illis non subsistat. Merito itaque Juliani sententia rescripto Imperiali comprobata est, patrem prius sibi debere, deinde filio hæredem scribere, neque hunc ordinem convertendum esse, incipiendumve à testamento filii, *d. l. 2. §. 4.* Minimèque audiendus est Goveanus, qui *lib. 1. var. lect. 8. in d. §. 4. pro comprobata reponit improbata*, motus ratione, qua Ulpianus mox utitur, quia constat, unum esse testamentum. Nam ista ratio non evertit Juliani sententiam, ut Goveano videtur, sed confirmat. Objici quippe poterat, duo hic testamenta esse, unum patris, alterum filii, *§. 2. sup. eod.* ac proinde parum referre, ab utro incipiatur. Cui objectioni occurrit Ulpianus tacite significans, si revera duo diversa hic essent testamenta, facile se concessurum, nihil interesse, utrum prius posteriusve factum sit: sed quia unum dumtaxat revera testamentum est, quod duas quidem par-



tes habebat, sed quarum illa, qua hæres instituitur filio, pendeat ex altera, qua hæres instituitur patri, rationem exigere, ut ea pars præcedat, quæ principalis est, sequatur altera, quæ ex priori dependet, & sine ea consistere non potest. Atque hæc ita obtinent, si ex intervallo diversisque tabulis pater sibi hæredem scribat, & filio substituatur. Si verò conjunctim eodem tempore ac contextu utrumque fiat, placet substitutionem valere, licet conversa scriptura filii testamentum factum fuerit. Veluti si quis ita scripserit, *Si filius meus intra pubertatem decesserit, Sejus hæres esto. Filius hæres est, d. l. 2. §. sed & si 5.* & merito, quia in conjunctionibus nullus ordo est, nec quicquam interest, utrum prius, utrum posterius dicatur scribaturve, teste Alseno, *l. cum quidem 14. de pecul. leg. fac. l. si ita 28. de her. test.* Ad hunc modum hæc explicant *Zaf. ad d. l. 2. §. 4. num. 8. Duar. in comm. ad hunc tit. c. 14. Vigl. hic*, citans *Jafon. & DD. ultramontanos*. Angelus etiam communem hanc esse sententiam testatur.

*Nec filii quidem valebit*) Nam, ut dictum est, cum principalis causa non subsistit, ne ea quidem, quæ sequelæ & accessio vicem obtinent, consistere possunt, *l. nihil dolo 129. §. 1. l. cum principales 178. de reg. jur. c. accessorium 42. eod. in 6.* Hinc fit, ut non tantum ab initio pupillares tabulæ non subsistant, si patris testamentum ab initio nullum sit; verum etiam corruant, si patris testamentum, quod rectè factum erat, postea infirmetur, puta aut rumpatur agnatione vel quasi agnatione sui hæredis, *l. 2. in pr. hoc tit.* aut inofficiosum in totum pronuntietur, *l. 8. sed nec 5. in fin. de inoff. test.* aut irritum fiat testatore capite minuto, aut non adita ex testamento hæreditate, *d. l. 2. §. 1. l. 10. §. 4. eod.* Planè si suus hæres testamento patris sit institutus, puta pupillus ipse, nihil amplius ad confirmationem testamenti desideratur, quàm ut is mortuo patri sit superstes, licet se absteineat: nam vel nudæ sui hæredis existentia hæc vis est, ut confirmet tabulas pupillares, *l. 12. hoc tit. de quo plenè scripsimus ad pr. hujus tit.* Illud alii cui mirum videatur, quod cum, rescisso per querelam testamento, substitutio pupillaris concidat, eam tamen placet valere, cum præterito filio contra tabulas bonorum possessio petita est, *l. ex duob. 34. in fin. & l. seq. eod.* non enim minus sic testamentum rescinditur, reditque res ad causam intestati, quàm ex causa inofficiosi, *l. ut liberis 17. C. de collat.* Ergo hoc ex eo esse puro, quod querelæ inofficiosi hic color prætextitur, quasi testator sanæ men-

tis non fuerit, cum testamentum ordinaret, *l. 2. l. 13. de inoff. test.* ut proinde, eo rescisso perinde omnia haberi debeant, ac si testamentum nullum factum esset, aut ab eo factum, qui testamenti factionem non habuit, nihil ut ex eo testamento valeat, *l. 8. §. pen. l. cum mater 28. d. tit.* Hoc autem prætextu non petitur aut conceditur contra tabulas bonorum possessio. Occurrit etiam, quod prætoriana remedia non ultra operantur, quàm prætor voluit, *l. in conventional. 52. de verb. obl.* Cumque prætori hoc curæ sit, ut beneficii sui fines sic regat, ut quam potest minimum detrahat juri civili, & omnino ne cui noceat, credibile est, ob hanc causam noluisse eum vim auxilii sui porrigi ad tabulas pupillares, ne, dum aliis opitulatur, utilitatem impugnet pupilli. Ad hæc nec prætor ipse omnino pro nullo habet testamentum, contra quod bonorum possessionem pollicetur: nam si hoc septem testium signis signatum sit, etiam scriptis in eo hæredibus, dat bonorum possessionem secundum tabulas, scilicet si liberi præteriti, quorum causa potior est, non petant, *l. 2. in pr. secund. tab.* Ut adeo nihil mirum sit, substitutionem pupillarem, quæ edictum prætoris non offendit, salvam manere. Quæ de re vide quæ superius disputavimus sub *tit. de exher. lib.* Hodie ex novella Justiniani lege, etiam si per querelam inofficiosi testamentum patris expugnatum fuerit, pupillaris substitutio salva manebit, quemadmodum & legata cæteraque capita firma manent præter institutionem, *Nov. 115. c. 3. in fin.* unde *auth. ex causa, C. de lib. præter. & ibi comm. DD.* Equidem scio, *Dynum & Petrum à Bellapert.* contendisse, ea tantum ex novella ista lege rescisso testamento salva manere, quæ institutionem hæredis non desiderant, veluti legata, fideicommissa, libertates, tutorum donationes, secus adhuc esse in iis, quæ hæredis institutionem requirunt, ut pupillaris substitutio, idque & *Covarruvia* probati *in cap. Raynut. §. 6. num. 3.* Cæterum mihi verba illa *Novella, & alia capitula*, non ob aliam causam videtur addidisse Justinianus, quàm ut omnia capita comprehenderet extra institutionem, ac licet pupillaris substitutio & ipsa sit institutio, parlam tamen est, illic per institutionem, quæ irrita esse jubetur, intelligi institutionem primam, quæ scilicet pater sibi hæredem scripsit, non qua filio, quæ tantum pars est & sequela paterni testamenti: pertinet denique etiam ad utilitatem pupilli, ut salva maneat substitutio, ob quam causam & olim reverso per bonorum possessionem cont. tab. testam-



TEXTUS.

Quot liberis substituitur.

6. Vel singulis autem liberis, vel ei, qui eorum novissimus impubes morietur, substitui potest. Singulis quidem, si neminem eorum intestatum decedere voluerit: novissimo, si jus legitimarum hereditatum integrum inter eos custodiri velit.

COMMENTARIUS.

1. An postquam mater una cum fratribus defuncti ad legitimam hereditatem vocata est, adhuc locus sit dispositionis hujus §. ?

2. An non saltem, quo mater excludatur, dici possit, fratres per fideicommissum mutuo substitutos esse ?

Qui plures liberos impuberes habet, si neminem eorum intestatum decedere velit, potest singulis, quos voluerit substituere, aut ipsos invicem & reciprocè, eique, qui novissimè impubes mortuus fuerit, substituere alium aliquem, l. si pater 25. hoc tit. Quod si uni tantum substituit, hic solus testatus decedet: cæteri intestati. Unde si postremo morituro tantum substituerit, jus legitimarum hereditatum inter fratres conservare voluisse intelligitur; l. vel singulis 37. eod. unde hic locus sumptus est.

Intestatum decedere) Nota, impuberes etiam dici intestatos decedere, etsi ipsi testamentum facere non possunt; sicut vice versâ testati decessisse dicuntur, cum pater eis testamentum fecit. Porro an propriè vox intestatus impuberibus, furiosis & similibus personis attribuatur, ita ut statuta de successione intestatorum loquentia ad eas quoque personas intelligi debeant pertinere, tractamus inf. tit. 1. lib. 3. in pr.

Jus legitimarum hereditatum) Nam cum cæteris, nec pater testamentum fecerit, nec ipsi sibi in ætate pupillari facere possint, necessario evenit, ut præmorientium fratrum impuberum hereditates ex lege 12. tabb. ad superstites perveniant: quorum tandem omnium bona in ultimi defuncti hereditate reperta substitutus ejus consequetur. Unde queritur, cum hodie ex Nov. 118. cap. 2. mater defuncti una cum fratribus ad legitimam hereditatem vocetur, adeoque fratres consanguineos tantum, sive ἑμπατριὰς excludat, utrum nihilominus

adhuc in casu proposito novissimo morienti substitutus bona etiam cæterorum integra consequatur, an mater partem eorum auferat, easque dumtaxat partes ferat substitutus, quæ morte fratrum ad impuberes pervenisset, nulla facta substitutione? Prius illud dicere non possumus, nisi fingamus, substitutionem novissimo factam ad omnes pertinere, singulorumque invicem tacitè substitutos, & postremum morientem prædefuncto. At hoc vetat hic ipse locus. Ait enim Imp. cum novissimo tantum substituitur, jus legitimarum hereditatum inter fratres integrum custodiri. Si verò mutua hic fingatur substitutio, priorum morientium superstites non legitimi hæredes, sed ex testamento essent, omnesque decederent testati. Proinde dicendum, ut olim in casu proposito inter fratres, quippe qui soli à lege vocabantur, legitima hereditates salvæ manebant, ita hodie etiam matri, postquam ea una cum defuncti fratribus admissa est, jus legitimæ successione integrum manere, atque ad substitutum eas dumtaxat partes pertinere, quæ in hereditate ultimi defuncti reperiuntur. Sed dixerit adhuc aliquis, quidni hic fideicommissum inducimus, ut ipsi fratres, si non directo, saltem per fideicommissum invicem substituti videantur? Ita enim Paulum in specie non dissimili respondisse. l. Titia 87. §. 2. de legat. 2. Species hujusmodi est, de qua consultitur; Testator certum fundum legavit Titio & Mævio, fideique eorum ita commisit, ut qui ex eis ultimus decessisset, eum fundum, cum moreretur, restitueret Sempronio. Respondet Jurisconsultus, in eo fideicommissio testatorem duos videri gradus substitutionum fecisse, unum, ut is, qui ex duobus prior moreretur, alteri restitueret, quod colligit ex verbis, qui ultimus decesserit; alterum, ut novissimus restitueret Sempronio. Sed non est hæc species similis nostræ. Rectè Jurisconsultus in d. l. Titia 87. §. 2. ex eo, quod testator proponitur eum, qui ex duobus, quibus fundum legaverat, posterior moreretur, rogasse, ut eum fundum alii restitueret, colligit alterum fideicommissum: non enim rogatus proponitur de restituenda dumtaxat parte sua, sed de toto fundo, ac proinde etiam de parte collegatarii præmortui. Jam verò, quia hoc facere non potest, nec implere fideicommissum expressum, nisi collegatarii quoque pars ad eum pervenerit, apparet, eam defuncti fuisse voluntatem, ut qui ex collegatarii prior moreretur, superstiti partem suam restitueret. In casu verò nostro nihil est, quamobrem præter substitutionem novissimi aliam aut fi-



deicommissum inducamus; non enim in universa hereditate, sed ultimi morientis tantum bonis substitutio facta proponitur.

### TEXTUS.

#### De substitutione nominatim aut generaliter facta.

7. *Substituitur autem impuberi aut nominatim, veluti, Titius hæres esto: aut generaliter, ut Quisquis mihi hæres erit. Quibus verbis vocantur ex substitutione, impubere mortuo filio, illi, qui scripti sunt hæredes, & extiterunt, & pro qua parte hæredes facti sunt.*

### COMMENTARIUS.

1. *Generali formula substitutionis sollos illos vocatos intelligi, qui hæredes nominatim scripti sunt.*
2. *Ex eadem formula solos venire, qui patri hæredes extiterunt.*
3. *Ejusdem formula hunc esse effectum, ut substituti easdem ex institutione partes consequantur, quas in patri hereditate habuerunt.*

**S**ubstitutio pupillaris vel specialiter & nominatim concipitur, puta hoc modo, *Eilius meus hæres esto. Si filius impubes decefferit. Titius hæres esto.* Vel generaliter, veluti, si pluribus hæredibus institutis, testator his verbis filio substituat: *Quisquis mihi hæres erit, idem filio meo impuberi hæres esto, l. 3. l. 38. l. 10. hoc tit. l. ult. C. eod.* Ad quem modum vulgaris substitutio non rectè conciperetur; nam hæc formula, *Quisquis mihi hæres non erit, &c.* in infinitum producit. Non est verò eadem vis generalis & specialis substitutionis, ut in calce exegeleos hujus §. ostendemus, cum cognita nobis erit potestas clausulæ generalis sive horum verborum, *Quisquis mihi hæres erit, &c.* quam solam hic explicat Justinianus.

*Qui & scripti sunt hæredes & extiterunt, & pro qua parte*) Paucissimis verbis triplicem comprehendit effectum horum verborum, *Quisquis mihi hæres erit.* Primus hic est, quod his verbis vocati intelligantur illi soli, qui hæredes nominatim scripti sunt, non alii, qui forte per eos, qui scripti sunt, hæredes extiterunt. Itaque nec dominus, qui per servum, nec pater, qui per filium hæres extitit, ex hac clausula ad hereditatem impuberis admittitur: quippe quibus non iudicio defuncti, sed vi potestatis vel dominicæ vel patriæ hereditas obvenit, l. 3. l. 8. §. 1. eod. Eadem-

que ratione nec hæredis hæres admittetur, d. l. 8. §. 1. licet alias hæredis appellatione etiam hæres hæredis contineatur, l. hæredis 65. l. sciendum 70. de verb. sign. l. qui per successionem 194. de reg. jur. l. ult. C. de her. inst. nec is, cui ex fideicommissò hereditas restituta est, ut rectè docet D. Vigl. hic. Cæterum quod diximus, dominum non admitti, id intelligendum est, si hoc solo obtentu hereditatem pupilli ex substitutione ad se pertinere contendat, quod patris bona jam apud se per servum quaesita habeat. Non enim inspicitur, apud quem patris hereditas sit, sed quis à patre expressè & immediatè ad hereditatem vocatus. Ideoque, si servus quaesita domino ex institutione hereditate, antequam ex substitutione adiret, à potestate ejus exierit, non poterit dominus ex substitutione impuberi hæres effici: sed servus vel ipse sibi hereditatem impuberis acquireret, si forte manumissus fuerit; vel sit alienatus, novo domino, cujus jussu adierit. At verò, si existente conditione pupillaribus substitutionis adhuc in ejusdem domini potestate sit, nihil prohibet, quominus jussu ejus nunc item ex substitutione pupilli hereditatem adeat, eamque novo hoc suo factò acquirat domino; ut post Jo. Fab. hic, & DD. comm. in l. filiosfam. 11. de legat. 1. docent Vigl. & Bachov. hic, Duar. in comm. ad hunc tit. cap. 15. & fac. l. 3. hoc tit. junct. §. 1. sup. de her. inst. Simili igitur modo, si filiosfam. emancipatus fuerit, ipse ex substitutione hæres fiet: si in potestate manserit, patrem hæredem faciet. Alter effectus substitutionis generaliter factæ est, quod ex ea soli veniant illi, qui patri hæredes extiterunt: proinde si hæres scriptus paternam hereditatem repudiaverit, nihil ei proderit ad hereditatem pupilli consequendam, quod testamento patris hæres scriptus est: nam alias horum verborum, *Quisquis mihi hæres erit, &c.* nullus vis esset, cum à testatore jam ante hæredes scripti sint, qui ea conditione substituuntur, d. l. 8. in fin. pr. hoc tit. Tertius effectus est, quod generali formula substituti easdem ex substitutione partes consequantur in bonis pupilli, quas in ipsius patrisfam. hereditate habuerunt, d. l. 8. §. 1. in fin. Ut hic quoque locus sit regulæ traditæ in §. 2. præc. tit. testatorem eas videri in substitutione partes cuique dedisse, quas in institutione expressit. In substitutione nominatim facta, sive speciali, converso ferè modo hæc se habent. Nam primo necesse non est, ut is, qui nominatim substitutus pupilli hereditatem vindicat, hæres à patre scriptus sit. Deinde etsi hæres ex parte scrip-



scriptus est, non eo tamen minus ex substitutione admittitur, quod patris hæreditatem repudiavit, modo utramque nunc amplectatur, nisi sub ea conditione substitutus sit: *Si hæres erit, d. l. 8. in pr. junct. l. 10. §. 3. eod.* Postremo nominatim substituti, non hæreditatis partes, id est, quæ singulis adscriptæ sunt in institutione, sed viriles sive æquales habebunt, per ea, quæ tradidimus *sub. §. 2. tit. præc.*

## TEXTUS.

## Quomodo substitutio pupillaris finitur?

8. *Masculo igitur usque ad quatuordecim annos substitui potest: femine usque ad duodecim annos. Et si hoc tempus excefferint, substitutio evanescit.*

## NOTÆ.

8. *Evanescit substitutio*) Quamvis longius tempus comprehensum fuerit, *l. 4. eod.* quod autem evanescit, nec ad causam fideicommissi proficit.

## COMMENTARIUS.

- 1 *Pupillarem substitutionem extinguere anno quatuordecimo, aut duodecimo completo, licet non superato.*
- 2 *Si longius tempus comprehensum fuerit, an post pubertatem substitutio valeat jure fideicommissi?*
- 3 *An ad causam fideicommissi trahatur, si demum à pubertate substitutio incipiat?*

**D**ictum supra est, pupillarem substitutionem introductam esse ex hac causa, quod cum liberi in ea ætate essent, ut ipsi sibi testamentum facere non possent, utile atque ex re ipso rum visum fuerit, ut parentes eis facerent, Quamobrem cum ad eam ætatem pervenerunt, qua jam ipsi testari possunt, cessante fine substitutionis, merito placuit, eam extinguere: alias, quod iniquissimum est, civi Romano puberi testamenti factio auferretur, *l. ex facto. 43. hoc tit.*

*Usque ad quatuordecim annos, &c.*) Masculi enim anno quatuordecimo, tæninæ duobus annis maturius puberes fiunt, *sup. quib. mod. tur. fin.* à qua ætate jam ipsi testamentum facere possunt, *l. 5. qui test. fac.* At, usque ad quatuordecim annos, quibus verbis significat, omne spatium, quod est intra pubertatem, liberum esse patri ad substituendum filio, finem autem hujus arbitrii esse pubertatem. Quapropter si quis verbi causa ita substituit: *Si filius meus*

*intra decimum annum decefferit, &c.* pupillusque ad eos annos pervenerit, expirat substitutio, licet postea decefferit intra annum decimum quartum, *leg. si ita. 21. d. l. ex facto. 43. §. 1. eod.* At si in substituendo annos pubertatis egressus sit, finietur nihilominus substitutio pubertate, *l. in pupillari. 14. eod.*

*Si hoc tempus excefferint*) Liberi nimirum, quibus facta est substitutio, masculi annos quatuordecim, feminae duodecim: neque enim patitur contextus, ut ad parentes, qui substituerunt, hæc referantur. Quod verò ait *excefferint*, id verbum non puto præcisè hic accipiendum esse, quasi non satis sit annum quartumdecimum aut duodecimum complexisse, eoque non completo, sed superato demum extingui substitutionem: sed potius explicandum ex iis locis, ubi ex professo agitur de ætate, qua cives testamentum facere possunt. Atqui ex quo quis incipit testamentum facere posse, finem capere debet hæc substitutio, utpote quæ hoc uno fundamento nititur, quod ii, quibus fit, sibi non possint hæredem facere. Aliud tamen D. Viglio visum.

*Evanescit*) Etiam si longius tempus comprehensum fuerit, *d. l. 14. hoc tit.* Sed longiore tempore comprehenso, an non saltem post pubertatem substitutio valebit jure fideicommissi? Finge ita factam, *Si filius intra annum vicesimum decefferit, Titius hæres esto.* Ex hac substitutione constat, filio intra pubertatem defuncto, directo jure succedi, post id tempus non item. Sed quæritur, an non saltem post pubertatem proficiat ad causam fideicommissi, ut perinde ex eo tempore haberi debeat, ac si filius post pubertatem intra annum vicesimum moriens rogatus esset hæreditatem patris substituto restituere? Communis sententia est testibus *Zaf. c. 5. de substit. compend. Covar. in c. Raynut. de testam. §. 9. n. 29. Jac. in l. precibus. 8. C. hoc tit. n. 11.* ejusmodi substitutionem pubertate ita finiri, ut nulla ejus vis amplius supersit. Quæ sententia mihi verissima videtur. Etenim inconveniens omnino est, ut una substitutio diverso jure pro diversitate temporis censetur, scilicet ut valeat intra pubertatem directo, & bona tam patris quam filii, ex quibus una facta est hæreditas, complectatur, post pubertatem jure fideicommissi, & sola patris bona contineat. Nec Jurisconsultus in *d. l. 14.* scribit, substitutionem impuberis, in qua longius pubertate tempus comprehensum est, post pubertatem ad fideicommissum trahi; sed pubertate finiri: quod Justinianus hic expressit verbo significantissimo *evanescere.* Quod si ne illa quidem substitutio,



tio, quæ demum à pubertate incipit, jure fideicommissi valet, multo minus ullo jure valere poterit, qua etiam ætas pupillaris comprehenditur: nam ut bene disputant Mantic. 7. de conj. ult. vol. tit. 3. n. 9. Gomez. 1. res. 7. n. 2. Christin. vol. 4. decis. 16. n. 5. facilius ad fideicommissum trahi potest post pubertatem facta verbis directis in secundum casum substitutio, quam ea, quæ annos pupillares simul complexa pubertatem certis annis excedit. Sed quoniam iidem DD. & cum his comm. interpretes non concedunt, quod nos pro vero & certo assumimus, nimirum, ne illam quidem substitutionem, quæ à pubertate incipit hoc modo, *Si filius meus post quartumdecimum annum decesserit*; ad casum fideicommissi proficere, id nobis prius quam hinc abeamus probandum est. Non valere quasi fideicommissum, argumento sit *l. si servus legat. 108. §. si servus alienus. 9. de legat. l. 9. C. de test. man. quibus in locis servo alieno directâ libertas frustra dari dicitur. Quod si favor libertatis verbum directum ad fideicommissum non trahit, nulla res omnino trahet. Et cur testatoris voluntatem, quæ contra leges est, adjuvamus, ut benigna interpretatione inducamus fideicommissum, de quo non apparet testatorem cogitasse? Neque enim, ut quid valeat jure fideicommissi, sufficit, tale esse, quod jure fideicommissi valere posset, si testator voluisset, nisi & voluerit, *l. 1. l. 13. §. 1. de jur. eod. l. ex ea scriptura. 29. qui test. fac. l. quæritur. 19. de test. mil. l. cohæredi. 41. §. 3. hoc tit.* Sed quid opus est argumentis? Papinianus *l. 17. eod.* omnem dubitationem tollit, cum sic scribit, *Verbis civilibus substitutionem post quartumdecimum annum frustra fieri convenit, neque enim frustra fieri diceret, aut rectè diceret, si post id tempus quasi fideicommissum valeret, & verba directâ inflecterentur. Non obstat huic sententiæ l. Scævole. 76. ad Trebel.* quoniam quod Scævola ibi responderet, id in casu illic proposito favore pupilli benignè receptum est, ut ipse significat, & tamen simul ex conjectura voluntatis paternæ. Proponitur enim substitutio facta in codicillis: qui locus est obliquarum non directarum dispositionum. Proponitur pupillus, cui ita substitutio facta, in ætate pupillari decessisse: atque in hac specie respondet Jurisconsultus, benigna interpretatione placere, ut quod valere non potest; ut testamentum pupilli, valeat saltem quasi codicillus ab intestato; cumque ratio juris non patiat, ut ex hac substitutione hæredem habeat directo, ut habeat saltem ex fideicommissio, postquam patri concessum, le-*

gitimum filii hæredem fideicommissio obstringere. Cæterum sustinebitur hoc fideicommissum usque ad tempus pubertatis: cum verò pupillus adoleverit, evanesceat, ne, quod propter utilitatem impuberis introductum est, puberi jam facto obstit in libertate testandi, *arg. l. si fundum. 92. §. 2. junct. l. quod fideicommissi. 93. de leg. 1. l. cohæredi. 41. §. 3. hoc tit. l. ex facto. 43. §. 1. eod. junct. d. l. Scævola. 76. ita ferme & plerique recentiores Cujac. 11. obs. 25. Govean. ad. d. l. 7. Paul. Buf. ad l. centurio. 15. eod. Duar. comm. in hunc tit. c. 16. Valq. l. 1. de succ. progr. §. 1. n. 118. Ant. Fab. 15. comm. 12. & 24. Fachin. 4. contr. 44. add. Menoch. de præsumpt. part. 2. lib. 4. tom. 1. præf. 34. & 55. & quæ nos sub §. seqq. VINN. Nec ramen omnes. Nam sunt, quibus contraria sententia videtur probabilior: quia quicquid in fideicommissum legitime flecti potest, facile flecti solet, §. 3. Inst. quib. mod. test. inf. l. 2. C. comm. de leg. l. 69. pr. ff. de leg. 2. l. 15. C. de testam. Quæ attulit Vinnius, ad jus vetus pertinent, quem nondum tantum auctoritatis tribueretur fideicommissis tacitis. Vinnii principia in foro vix admittuntur. HEIN.*

## TEXTUS.

## Quibus pupillariter non substituitur.

9. Extraneo verò, vel filio puberi hæredi instituto ita substituere nemo potest, ut si hæres extiterit, & intra aliquod tempus decesserit, alius ei sit hæres: sed hoc solum permissum est, ut eum per fideicommissum testator obliget alii hæreditatem ejus vel totam, vel pro parte restituere: quod jus quale sit, suo loco trademus.

## NOTÆ.

9. Vel filio puberi ) *L. 7. eod.* ubi Papinian. scribit, verbis civilibus substitutionem post quartumdecimum annum frustra fieri: ac proinde talis substitutio ne jure quidem fideicommissi valebit; nam quod frustra fit, nullo genere valere intelligitur.

Nemo potest ) Nemo scilicet paganus: nam militi hæc concessa sunt, *l. 5. l. 41. §. 4. de test. mil. l. 15. b. t. l. 8. C. eod.* ut & alia, quæ in paganis non obtinent, *l. 2. §. 1. b. t. l. 15. §. pen. de test. mil.*

Suo loco trademus ) In fin. hujus lib. tit. 23.

## COMMENTARIUS.

1. Militum privilegia circa directam substitutionem



*nem in casum pupillarem.*

Apud Batavos & plerosque alios Belgii populos pupillarem substitutionem locum non habere ; & an locus sit exemplari.

Uæ hoc §. traduntur, omnia consequentia sunt iis, quæ relata sunt initio hujus tit. Nam si parentibus tantum permiffum est, liberis impuberibus, & iis dumtaxat, quos in potestate habent, ita substituere, ut si hæredes extiterint, & intra pubertatem moriantur, alius sit eis hæres ; ex eo omnino efficitur, neque parentes posse ita substituere liberis, quos in potestate non habent, nec si in potestate habeant, & puberes sint. Postremo nec omnino quemquam alium posse vel impuberi extraneo, vel puberi hoc modo substituere, ut si hæres extiterit, & intra aliquod tempus vita decefferit, alius ei hæres sit : in tantum, ut nec jure fideicommissi talis substitutio valeat, ut modo probavimus, & hic locus insuper confirmat, cum dicat Justinianus, neminem posse extraneo aut filio puberi, in casum, quo hæredes futuri sunt, substituere: sed tantum permiffum esse testatori, ut hæredem institutum per fideicommissum obliget, &c. Cur enim requireret expressum fideicommissum, si ipse directa substitutio in proposito jure fideicommissi defendatur, quod totidem verbis indicare poterat? ut bene disputat D. Viglius hic, & Ant. Fab. 15. conj. 12. contra DD. vulgo: quos sequuntur Gomez. & Mantica ubi supra. Solis militibus concessum est, ut etiam liberis emancipatis, aliiſve extraneis, qui hæredes extiterunt, directo substituunt: sed hoc jus in his exercetur, quæ milite ad eum, cui substituit, pervenerunt, non quæ aliunde, l. 5. l. miles ita. 41. §. 4. de testam. milit. Ejusdem privilegii est, quod miles liberis suis etiam post pubertatem directo substituere potest, sive compendio sive expressa certa post pubertatem ætate; ut utraque substitutio intra pubertatem valeat jure communi sive directo, l. centurio. 15. b. 1. post eam ætatem ex privilegio militis jure fideicommissi, l. precibus. 8. C. eod. & bona dumtaxat patris contineat cum fructibus in hereditate, d. l. 15. id est, ut recte Govean. & Buf. ibid. Perez. ad tit. C. de imp. & al. subst. n. 27. & 28. cum fructibus pendebus, & maturis tempore mortis ipsius militis. Nam hi fructus augent hereditatem, l. 9. ad l. Falc. ac per consequens in fideicommissariam hereditatis restitutionem venire possunt: neque ad hos fructus pertinet l. in fideicommissaria. 18. in pr. ad sen. Treb. idque etiam

crebrius placuit; licet Ant. Fab. d. loc. Duar. d. comm. c. 23. Hotom. 1. amicab. 17. Don. in d. l. precibus. 8. contendat, hujusmodi substitutiones à milite factas etiam post pubertatem valere jure directo. VINN. Nec male hi interpretes, ex mea quidem sententia. Favent enim illis l. 5. ff. de testam. milit. & l. 15. ff. b. 1. Ubi substitutus dicitur capere bona patris. Capi autem dicuntur ea, quæ jure directo valent, uti legata per vindicationem. Ulpian. tit. 24. §. 2. seq. Ita fere Merill. Obs. lib. 6. cap. 5. ubi & argumenta ab aliis in contrarium adlata eleganter diluit. HEIN. Porro de fideicommissaria substitutione tractatur in fin. hujus lib. 1. 23. Apud Batavos & Zelendos substitutioni pupillari locum non esse, utpote quæ originem trahit à singulari illa Romanorum in liberos potestate, quæ nobis incognita, tradit D. Grot. lib. 1. manud. ad Batav. Jur. c. 6. & lib. 2. c. 19. in fin. & secundum eum judicatum est. De cætero quoque Belgio (excipienda tamen Frisia) item refert D. Gudelin. lib. 2. de jur. noviss. c. 5. sub. fin. Nam etsi nos quoque potestatem in liberos nostros habemus, non talem tamen habemus, qualem Romani, quæ etiam ad bona liberorum propria se extendat: atque inauditum est, tantam esse patriam potestatem, ut pater filio hæredem dare queat, qui succedit in universa filii bona, non solum quæ à patre ipso, sed etiam quæ aliunde accepit, atque adeo dare etiam exhæredato: sed utimur substitutione fideicommissaria. Iidem quoque tradunt, pari ratione mores hodiernos nec quasi pupillarem substitutionem agnoscere, inauditumque esse, patrem filio mente capto ea substitutione, quam ad exemplum pupillaris Justinianus induxit, testamentum facere; eique dare hæredem, Grot. & Gudelin. ubi sup. Groenevv. de leg. abr. hic. Cæterum hoc non obstante nuper Curia Hollandiæ hujusmodi testamentum rescindere noluit, eo quod, ut allegabatur, exemplaris substitutio neque libera sit, nec avi patriæ potestatis, ut superius illa pendeat, sed in sola humanitate fundata sit: idemque matri & avo materno hic concessum, quod patri, nec patri minus circa liberos emancipatos, quàm in potestate constitutos, vid. sup. §. 1. eod. Quamquam mores nostri totum hoc aversari videntur, dare alii, quantumvis filio, hæredem: & admiffa exemplari substitutione in liberis mente captis, ex ratione constitutioni Justiniani eadem porrigenda erit etiam ad liberos impuberes, etiam si sanæ mentis sint, per ea, quæ d. §. 1. num. 3. Curiam tamen pro testamento pronuntiasse, pos-



tea intellexi, Sed & gentis nostræ simplicitati conveniens esse multi existimant, ut substitutiones directis verbis in secundum casum factæ, puta si hæredi instituto, & in casum, si hæres erit, & intra certum tempus decesserit, alius directo substituatur, valeant jure fidei-

commissi, quasi factæ in codicillis, arg. l. Scævola. 76. ad Sen. Trebell. & exemplo substitutionum militarium, l. centurio. 25. ff. junct. l. precibus. 8. C. hoc tit. Gudelin. lib. 2. de jur. noviss. cap. 5. Cyprian. cens. Belg. hic. Groenew. tract. de legib. abrog. eod.

TITULUS DECIMUSSEPTIMUS.

QUIBUS MODIS TESTAMENTA INFIRMANTUR.

Dig. Lib. 28. Tit. 3.

Ratio ordinis.

**E**xposita sunt ea omnia, quæ ad constitutionem testamenti necessaria diximus initio tractatus de testamentis ordinandis. Sunt autem hæc tria: ut persona testantis talis sit, quæ testamentum facionem habeat; ut testamentum fiat adhibitis solemnitatibus tum communibus, & externis, videlicet præsentibus septem testibus idoneis, &c. tum internis & quorundam testatorum propriis, scilicet ut pater testaturus liberos, quos in potestate habet, hæredes instituat, aut nominatim exhæredet. His rebus aut una earum deficientibus, testamentum ab initio nullum est, l. 1. de injust. rupt. irr. fact. test. Ubi autem hæc omnia concurrunt, habemus id, quod hactenus quæsitum est, justum sive jure factum testamentum, l. 4. qui test. fac. Quia verò non satis est ad deferendam ex testamento hæreditatem, id ab initio justum esse, nisi & tale ad extremum perseveret, rectè atque ordine Imperator facit, quod prius nobis proponat modos, quibus testamenta rite facta infirmantur, quàm progrediatur ad disputationem de acquirenda vel omittenda hæreditate.

TEXTUS.

Quibus modis Testamenta infirmantur.

*Testamentum jure factum usque eo valet, donec rumpatur irritumve fiat.*

NOTÆ.

Donec rumpatur irritumve fiat) Rumpi & irritum fieri privationem significant, & ideo proprie non nisi de iis, quæ jure subsistunt, prædicantur, l. 5. hoc tit. de injust. rupto, &c. privatio enim, ut in scholis dicitur, præsupponit habitum. Quæ verò testamenta non jure facta

sunt, injusta & nulla dicuntur, veluti ubi solemnia defunt, aut filius in potestate præteritus est, l. 1. l. 3. §. 4. l. 6. §. 1. eod.

COMMENTARIUS.

**D**onec rumpatur irritumve fiat) Ratio infirmandi testamenti non una est: nam & sententia judicis rescinditur, si querela instituta inofficiosum pronuntiatum fuerit, de quo tit. seq. & à prætore data bonorum possessione contra tabulas, tit. de bon. poss. cont. tab. & citra factum judicis aut prætoris infirmatur sola potestate juris: idque iterum duobus, iisque discretis modis, quorum altero rumpi dicitur, altero irritum fieri. De testamento rupto disputatur usque ad §. 4. inde de irritato, adjectis in calce aliquot declarationibus. Quia verò Justinianus rem totam non plenè explicat, non operam dabimus, ut quicquid hujus rei est, penitus percipi possit ex nostra in singulos hujus tit. §§. explicatione. De bonorum possessione contra tabulas, quæ & ipsa jure prætorio testamentum rescinditur, demum dicemus in secunda specie acquisitionis per universitatem, infr. lib. 3. tit. 19.

TEXTUS.

Quando testamentum dicatur rumpi. Primum de adoptione.

1. Rumpitur autem testamentum, cum in eodem statu manente testatore ipsius testamenti jura vitiat. Si quis enim post factum testamentum adoptaverit sibi filium per Imperatorem eum, qui est sui juris aut per prætorem, secundum nostram constitutionem, eum, qui in potestate parentis fuerit, testamentum ejus rumpitur quasi agnationis sui hæredis.

COM-



COMMENTARIUS.

**C**um in eodem statu manente testatore) Toties rumpi testamentum dicitur, quoties evertitur manente testatore in eodem statu: cum verò statum mutat, id est capite minuitur, non rumpi, sed irritum fieri testamentum proprie dicitur, §. 4. *inf. eod.* Apparet igitur, in eodem statu hic dici oppositivè respectu ejus modi, quo testamentum infirmatur ob id, quod testator in eodem statu non mansit: quare expungenda est à paraphrasi Theophili negatio, & pro *ὡς μὴ μαναντος*, legendum *μαναντος ἐπὶ τῆς αὐτῆς καταστάσεως* quomodo & in duobus regiis codicibus legi testatur Fabrotus. Porro ut testatoris statu non mutato testamentum infirmetur, uno verbo ut rumpatur, bifariam contingit, agnatione sui hæredis, & mutatione voluntatis: ille modus hoc §. alter sequenti, uno uterque exemplo declaratur.

*Adoptavit sibi filium per Imperatorem*) Id est adrogaverit; est enim periphrasis adrogationis, quæ species adoptionis est, per quam interveniente Principis auctoritate cum in filium adsciscimus, qui sui juris est. Stante repub. populum auctorem fieri necesse erat, ut annotatum est, *lib. 1. tit. de adop.*

*Secundum nostram constitutionem*) *L. pen. C. de adop. vide sup. §. 2. eod.* qua disponit, ut si filius extraneæ personæ in adoptionem daretur, jura patris naturalis integra servarentur, si verò persona non extranea, puta avus, nepotem ex filia aut filio emancipato in adoptionem acciperet, solvi jus patris naturalis, & transire adoptatum in potestatem & familiam hujus patris adoptivi. Significat igitur, hoc casu per adoptionem testamentum rumpi, quasi agnatione sui hæredis, illo non item; cum olim distinctè quavis adoptione, sicuti adrogatione, rumperetur; *l. 8. de injust. rupt.* Cæterum hi ita rumpunt, si præteriti sint: nam si qui hæres antea institutus erat, postea à testatore adrogetur, vel adoptetur, potest dici, ei satisfactum esse, *l. si quis 18. eod. t. l. filia 23. §. 1. de lib. & posthum.* Quid si exheredatus sit? Et Ulpianus Marcelli & Papijani sententiam probat, ut exhereditatio extraneo scripta ei postea adoptato non noceat, noceat autem filio emancipato, qui postea adrogatus sit, *l. 8. §. si quis 7. & seq. cont. tab. l. 1. 23. in pr. de lib. & posth.* credo, quia in persona extranei exhereditatio inepta & nulla est, de quo consule Vigl.

*Quasi agnatione sui hæredis*) *L. verum 8. de Tom. I.*

*injust. rupt.* multoque certius sui hæredis agnatione vera & naturali, cum scilicet post testamentum factum testatori filius ex uxore nascitur, *l. 3. §. 1. de injust. rupt.* Similiter si nepos, qui tempore testamenti facti suus hæres avo non erat, patre remoto, in locum sui hæredis vivo avo successerit, quasi agnascendo testamentum avi, quo præteritus est, rumpit, *l. posthumorum 13. d. tit. quæ species forte hic ideo non repetitur, quia alibi propositæ sunt, §. 1. & 2. sup. de exher. lib.* Huc etiam pertinent liberi naturales suscepti ex concubina, & post factum testamentum legitimati, sive in sequenti matrimonio, sive curiæ oblatione, sive per rescriptum Principis. Nam cum hi etiam jura suorum hæredum consequantur, §. 2. *inf. de her. quæ ab int. Nov. 89. c. 8. & 9.* necesse est, ut & ipsi à patre præteriti testamentum rumpant quasi agnatione.

TEXTUS.

De posteriori testamento.

2. *Posteriore quoque testamento, quod jure perfectum est, superius rumpitur: nec interest, extiterit aliquis hæres ex eo, an non. Hoc enim solum spectatur, an aliquo casu existere potuerit. Ideoque si quis aut noluerit hæres esse, aut vivo testatore, aut post mortem ejus, antequam hereditatem adiret, decesserit, aut conditione, sub qua hæres institutus est, defectus sit; in his casibus testamento non valet ruptum à posteriore; & posterius æquè nullas vires habet, cum ex eo nemo hæres extiterit.*

NOTÆ.

2. *Superius rumpitur*) Etiam si nominatim non revocetur, *l. 1. l. 2. eod. l. 27. C. de testam.* Ea quippe voluntas rata esse debet, quæ novissima, *l. 4. de adim. legi.* sic etiam leges posteriores & pacta novissima derogant prioribus. Rumpitur quoque testamentum corruptis tabulis, pura deletis, incisis, cancellatis, &c. *l. ult. b. t. l. 1. §. pen. l. pen. §. 2. sec. tab. Aut conditione defectus*) Etenim tam solemnè riteque per omnia factum testamentum habetur, quo hæres institutus est sub conditione, quam quo purè, §. 9. *sup. de her. inst.*

COMMENTARIUS.

1 *Vis & effectus incisionis testamenti, deletionis scripture, cancellationis, &c.*



- 2 *Inciso, deleto, cancellato, &c. testamento, utrum hæreditas fisco applicetur, an deseratur hæredibus legitimis?*
- 3 *An jura de incisione, inductione, &c. agentia accommodari debeant ad testamenta nuncupativa, de quibus instrumentum consicitur, ut nunc moris est?*
- 4 *Cur prius testamentum etiam tabulis manentibus integris semper rumpatur à posteriore?*
- 5 *Ad infirmandum prius testamentum necesse non esse, ut id in posteriore nominatim revocetur.*
- 6 *Error Bachovii notatur & corrigitur.*
- 7 *Quid si prius testamentum contineat clausulam derogatoriam posterioris voluntatis?*
- 8 *Prius testamentum per posterius tolli, etiamsi ex posteriore nemo hæres extiterit.*
- 9 *Quibus modis fiat, ut hæres deficiat, & testamentum destituetur?*

SECUNDUS modus, quo testamentum initio rite factum postea rumpitur, est mutatio voluntatis testatoris. Hic modus iterum duplex est; nam & corruptis tabulis ita rumpitur, & integris manentibus. Corruptis, si testator testamentum incidit, laceraverit, scripturam induxerit, deleverit, cancellaverit, signa amoverit, aut turbaverit, *tit. de his quæ in testam. delent. l. ult. de injust. rupt. test. l. ad testam. 22. §. 3. qui test. fac. l. 1. §. pen. l. pen. §. 2. de bon. poss. sec. tab. l. 12. l. pen. C. de testam. nisi forte non consulto, sed incautè quid horum fecerit, aut ignorante eo contigerit: nam tunc si legi adhuc quod scriptum est utcumque poterit, ratum manebit testamentum, l. 1. de his quæ in test. del. d. l. pen. C. de test. Planè inductio aut cancellatio non ultra operabitur, quàm scriptura inducta aut cancellata est, l. 2. & 3. d. tit. de his quæ in test. del. Neque ex pluribus testamentis codicibus uno deleto aut inciso, testamentum sublatum esse intelligitur, nisi hi, qui ab intestato venire desiderant, probaverint, id ideo à patrefam. factum esse, ut intestatus moreretur, l. ult. eod. tit. His autem modis testamento rupto, hæreditas non applicabitur fisco, sed deferretur hæredibus ab intestato, d. l. pen. C. de testam. l. 1. §. pen. nude liberi, l. ult. de his quæ in test. del. nisi speciali odio hæredum inductio facta probetur, quo in casu tamquam ab indignis hæreditatem fisco auferit, l. 3. d. tit. l. cum tabulis 16. §. 2. de his quæ ut indign. Clar. §. Testamentum, q. 93. num. 2. Mantic. de consuet. ult. vol. lib. 12. tit. 1. n. 31. Paul. Buf. ad l. 1. & seqq. de his quæ ut indign. Quæ de incisione aut cancellatione testamenti dicuntur, ea constat ad testamenta nuncupativa, qua ta-*

lia sunt, applicari non posse. Sed an his modis item rumpantur, quæ, uti hodie moris est, per nuncupationem quidem fiunt, sed ita ut voluntas suprema jussu testatoris scripto comprehendatur à Notario in scheda, unde mox diligentius exscribatur & in formam redigatur instrumenti, quæsitum est. Julius Clarus d. loc. existimat, incisionem aut cancellationem instrumenti ad cassationem & annulationem talis testamenti non sufficere, si protocolium Notarii integrum relictum sit; quod & Viglio placere videtur, in §. pen. hoc tit. cum ait, non minus talia testamenta ex verbis & voce substantiam capere, quàm quæ scripta non sunt, & ideo discriptis scripturis nihilominus permanere: cujus auctoritatem Senatus hujus provinciæ in judicando aliquando secutus est, *decis. Cur. Holl. 1. eamdemque sententiam & Peckius probat lib. 1. de test. conjug. cap. 4.* Sed videamus, an non & hæc testamenta in hoc, de quo quærimus, jure scriptorum censenda sint, cum Paul. Castrenf. in l. pen. C. de testam. n. 7. Vasq. lib. 1. de success. creat. requis. 8. n. 62. & requis. 17. n. 63. Grass. §. testamentum, quæst. 85. num. 2. Bachov. in Treutl. vol. 2. disput. 10. ibes. 7. Utique enim ex incisione aut deletionem certo colligitur, testatorem noluisse testamentum amplius valere: neque ratio patitur, ut destructo delectove instrumento, in quo tota vis probationis consistit, dicamus, testamentum nihilominus robur suum retinere. Sciendum namque est, postquam ex voluntate testatoris quæ scheda continebantur, in instrumentum collata sunt, simul omnem illius vim in instrumentum collatam censerit: ac proinde, cessante jam officio schedulæ, totam vim depositionis à solo instrumento dependere, adeo ut mortuo testatore nihil amplius ad probationem ultimæ voluntatis desideretur, uti post Gloss. & Bart. in l. hæredes 21. de testam. plerique tradiderunt. Sichard. in l. hac consultissima 21. §. per nuncupationem, n. 1. C. eod. Mantic. de conj. ult. vol. lib. 1. tit. 6. n. 6. Afflic. decis. 166. n. 2. Neque obstat huic sententiæ l. ult. de his quæ in testam. del. quoniam textus ille procedit, quando ex pluribus unius testamenti instrumentis æquè principalibus unum forte testator deleverit aut incidit, non omnia, uti species proponitur, & in terminis respondet Castr. ubi sup. Et si autem protocolium Notarii integrum relictum sit, ex eo tamen voluntas ultima conservata intelligi non debet: quoniam protocolium nihil ad testatorem, sed Notarius ex officio illud conficere tenetur fidei & collationis gratia, & quia instrumentum amitti potest.



test. Cæterum priorem sententiam & Senatus Sabaudia probavit. Ant. Fab. *C. suo de testam. decis. ult.* Integris tabulis manentibus testamentum rumpitur ob mutationem voluntatis, si testator aliud testamentum fecerit; qui modus proponitur hoc §. & hanc rationem habet, quod unumquodque testamentum plenam universi juris successionem continet; ac proinde quicumque testamentum facit, censetur de omnibus bonis disponere, ut non magis duo testamenta simul consistere possit, quam duo domini ejusdem rei in solidum constituti. Igitur cum ex pluribus testamentis unum tantum consistere possit, id valere debet ex voluntate ipsius defuncti, quod novissimè factum est, per vulgata. Non obstat, quod sententia judicis prima, non postrema, rata habetur. Non enim ut testantis voluntas ambulatoria est, ita & judicis: sed iudex simul ac sententiam dixit, officio suo functus est; & ideo iterum de eadem re pronuntiandi potestatem non habet, *l. iudex § 5. de re jud.* Planè ut priores tabulæ jure factæ tollantur, oportet sequentes quoque jure ordinatas & perfectas esse, de quo plenius *sub. §. pen. inf. eod.*

*Superius rumpitur*) *L. 1. l. 2. de injust. rupt. inf.* & quidem ob hoc solum, quod aliud testamentum postea factum est, quod Justinianus significat, *l. sancimus 27. C. de testam.* cum tunc, secundo testamento perfecto, prius tolli ipso jure. Non est igitur necesse, ut posteriore testamento mentio fiat prioris, nominatimve id revocetur, quod ipsius etiam rei natura satis demonstrat: ac proinde supervacua est notariorum clausula, quam posterioribus tabulis inserere solent, nimirum testatorem revocare, cassare, & annullare testamenta antea à se facta. His autem consequens est, & codicillos, si qui facti fuerint, per posterius testamentum everti, quamvis expressè revocari non sint: cum enim testamento facto codicilli jus ejus sequantur, eo infirmato, simul concidunt necesse est, *l. 3. §. ult. l. ab intestat. 16. de jur. eod. l. 1. C. eod. tit.* VINN. Hujus juris elegans ratio reddi potest ex ipsa natura testamenti. Testamentum olim erat lex. Hinc condebatur in comitiis calatis: hinc utendum erat verbis directis & legislatoriis; *hæres esto, damnas esto, capito, finito, &c.* hinc ipsum vocabulum XII. tab. LEGARE, quasi *legem dicere* *romus detur.* Quemadmodum itaque lex posterior tollit priorem: *l. ult. ff. de const. princ.* consequens videbatur: ut & testamentum posterius sine nova revocatione rumperet prius. Et id principium, uti alia retinere veteres Jcti, quum jam obsolevisset ritus te-

standi in comitiis, & testamenta jam formam mancipationis per æs & libram induissent. HEIN. Quamobrem non rectè Bachovius scribit, generalem clausulam, qua revocatur omnis præcedens dispositio, supervacua quidem esse, quod attinet ad infirmationem prioris testamenti: cum id hoc ipso, quod aliud conditum est, evertatur; non autem quoad codicillos antea factos, quippe qui alias cum testamento consistere. Hoc enim falsum esse, & sublato priore testamento per consequentiam etiam codicillos corruiere, etiamsi nulla revocatio prioris voluntatis facta sit, ex locis modo allegatis perspicuè patet. Planè si nullum testamentum, sed codicilli tantum antea facti proponantur, testamentum postea factum, hujuscemodi clausula otiosa non erit, postquam placuit, codicillos, qui testamentum præcedunt, factum postea testamento vim suam non amittere, nisi appareat, testatorem à voluntate, quam in codicillis expresserat, recessisse, §. 1. *inf. de codicill.* Et fortassis hoc etiam sensit Bachovius. Sed quid si prius testamentum contineat clausulam derogatoriam posterioris voluntatis? Interpretes commun.

Interpretes commun. Quæ sequuntur, continent ampliationem 8 quam-



quamdam regulam initio positam, nimirum, prius testamentum tolli per posterius, non tantum cum ex posteriore hæres extiterit, sed etiam eo destituto, l. 1. l. 16. de injust. rupt. test. l. 9. de lib. & postb. Quod hanc rationem habet, quod aditio hæreditatis ad substantiam aut perfectionem testamenti, quæ sola hic requiritur, non pertinet; nec prioris testamenti sublatio pendet ab eventu aliquo, aut casu contingente post mortem testatoris, sed illud statim vivo adhuc testatore, ipso jure per posterius rumpitur, ut proinde si posteriores tabulæ jure ordinatæ sint, ut ex iis hæreditas adiri poterit, etiam si contingat, ex iis hæreditatem non adiri, priores tamen tabulæ utpote semel ruptæ non restituantur. Pari ratione, si posthumus priori testamento institutus, vel exhæredatus sit, posteriore præteritus, & nato posthumo posterius rumpatur, nihilo magis restituetur prius: quod exemplum hic profert Bachovius.

Si quis aut noluerit, &c.) Enumeratio modorum, quibus sit, ut hæres deficiat, & testamentum destituatur: Id sit in summa dupliciter, vel quia hæres scriptus non vult hæres esse, repudiatque hæreditatem: vel quia hæres esse non potest; quod contingit, si vel decesserit vivo adhuc testatore, aut post mortem ejus, antequam hæreditatem adiret, (neque enim hæreditas non adita ad instituti hæredes transmittitur, exceptis personis comprehensis, l. un. C. de his qui ant. ap. tab. l. un. §. in novissimo §. C. de cad. toll.) vel quia conditio, sub qua hæres institutus erat, defecit. Hinc autem apparet, prius testamentum non eo minus rumpi per posterius, quod in prioris hæres purè, in posteriore sub conditione scriptus est, quamvis in uno eodemque testamento subjecta puræ institutioni conditio nihil operetur, l. si te 27. §. 1. de her. inst. Etenim tam solemne riteque per omnia factum habetur testamentum, quo hæres institutus est sub conditione, quam quo purè, §. hæres 9. sup. de her. inst. pendetque hoc totum à sola voluntate testatoris. Contractus verò purus per conditionales non resolvitur, mirum non est, veluti si id, quod purè emi, rursus emam sub conditione: nam posteriore emptione ideo nihil agitur, quia jam mihi quæsitæ est actio ex emptione prioris, l. 7. in pr. de resc. vendit.

His casibus paterfam. intestatus moritur) Id est, exitum intestati facit, res redit ad causam intestati: nemine enim hæreditatem adente vis omnis testamenti solvitur, adeo ut nihil intersit, utrum aliquis testatus non sit, an hæ-

rede destituatur, l. si nempe 181. de reg. jur. Sed de hoc ex professo inf. tit. de her. quæ ab int. def. in pr.

## TEXTUS.

### De posteriore, in quo hæres certæ rei institutus.

3. Sed & si priore testamento jure perfecto posterius æquè jure fecerit; etiam si ex certis rebus in eo hæredem instituerit; superius testamentum sublatum esse, divi Severus & Antoninus Augusti rescripserunt: cujus constitutionis verba & hic inseri jussimus, quum aliud quoque præterea in ea constitutione expressum sit. Imperatores Severus & Antoninus Augusti Coccejo Campano. Testamentum secundo loco factum, licet in eo certarum rerum hæres scriptus sit, perinde jure valere, ac si rerum mentio facta non esset: sed & teneri hæredem scriptum, ut contentus rebus sibi datis, aut suppleta quarta ex lege Falcidia, hæreditatem restituat his, qui in prioris testamento scripti fuerant, propter inserta fideicommissi verba, quibus ut valeret prius testamentum expressum est, dubitari non oportet. Et ruptum quidem testamentum hoc modo efficitur.

## NOTÆ.

Ex certis rebus) Nam non minus rectè instituitur hæres ex re certa, puta ex fundo, quam ex parte hæreditatis, l. 1. §. 4. l. 9. §. 13. l. 10. de her. inst.

Ac si rerum mentio facta non esset) Rei enim mentio potestate juris detrahitur, ad. ll. quia contradictionem implicat, hæredem esse rei singularis. Itaque universa bona obtinebit, nisi cohæredem simpliciter aut ex parte scriptum acceperit: tunc enim legatarii loco est, l. 41. in fin. de vulg. & pup. l. 23. C. de her. inst.

Ut valeret prius testamentum) Hæc clausula cum hoc efficere nequeat, ut prius testamentum in suo robore duret, & ita duo sint unius testatoris testamenta, si accepta est, quasi vim prioris testamenti in causam fideicommissi & codicillorum convertere testator voluerit, l. 18. de testam. milit.

## COMMENTARIUS.

- 1 Appellatione quarta Falcidia veteres passim & quartam Senatusconsulti intelligere.
- 2 Fideicommissa quandoque induci & sine verbis fideicommissorum propriis ex voluntate testatoris.



Doctrinam hujus §. ad testamenta militum non pertinere, uti nec superioris.

**E**tiam si ex certis rebus ) Alia amplatio præcedentis doctrinæ ex Mæciano, l. si quis. 29. ad sen. Treb. descripta, qua docemur, testamentum prius rumpi per id, quod secundo loco factum est, etiam tunc, cum in posterioribus tabulis hæres ex certis rebus, aut una aliqua re singulari, veluti fundo, institutus est: idque efficitur certissima juris ratione. Nam non minus rectè instituitur hæres ex re certa, quàm simpliciter, aut ex parte hæreditatis; placetque hujusmodi institutionem valere perinde ac si rei mentio facta non esset, ut si quis solus ita institutus sit; is omnium bonorum hæreditatem consequatur, l. 1. §. 4. de her. instit. l. cohæredi. 41. in fin. de vulg. & pup. Cum igitur tale testamentum jure consistat, necesse est, ut si secundo testamento hæres certæ rei scriptus fuerit, prius rumpatur juxta regulam.

Ac si rerum mentio facta non esset ) Si quis ex re certa hæres institutus sit, valet institutio, non ut ea re hæres fiat; (nam hæredem esse rei singularis contradictionem implicat, cum hæres sine universitate bonorum intelligi non possit): sed ut rei mentione potestate juris detracta perinde habeatur, quasi simpliciter hæres scriptus esset; l. 1. §. si ex fundo. 4. l. 6. §. si duo. 13. l. 10. de her. inst. & proinde nihil cohæredem habeat, universam hæreditatem obtinebit, l. cohæredi. 41. in fine de vulg. & pup. Vide, quæ scripsimus sub. §. hæreditas. 5. §. & si plures. 8. supr. de her. inst.

Suppleta quarta ex lege Falcidia ) Id est, ex Senatusconsulto Pegasiano, quo quartæ ex fideicommissis hæreditatis retentio aut supplemento, si minus relictum est, qui casus hic proponitur, permixta est: aut potius juxta mentem Justiniani, ex Senatusconsulto Trebelliani; postquam Pegasianum abolitum, & vis omnis in Trebelliano translata est, §. sed Falcidia. 7. inf. de fideicom. her. Familiare autem & perpetuum veteribus est, ut etiam eam quartam, quæ ex Senatusconsulto deducitur, quartam Falcidiæ appellent, uti videre est in ratione. 30. §. tametsi. 7. l. Titia. 86. l. accipis. 93. ad leg. Falc. l. mulier. 22. §. 2. l. de Falc. 58. §. 3. ad sen. Treb. l. 2. in fin. de jur. l. 1. 10. C. ad l. Falc. cum similibus. Quamobrem nescio quid sibi velit Pacius, in margine lectorem monens, ne quartam Falcidiæ hoc loco pro quarta Trebelliani positam somniet. Quin illa potius somniculosi hominum monitio est. In analysi sua cautior fuit. Ideo autem quarta hæc vocari ali-

quando videtur Falcidia, quia ScTa sæpe legum nomine veniunt earum, ad quas facta sunt. ScTum autem Pegasianum videtur factum ad L. Falcidiam, & quartam quam illo à legatariis detrahi concesserat, ad fideicommissa protulisse. Rectè Jac. Gothofredus ad l. Pap. Popp. c. 17. p. 332. Quæ ScTa ad leges sequuta, ea ScTi ipsis legibus tribuere solent. Exemplum est in l. 27. C. de nupt. ubi legi Julia & Papie tribuitur; quod est ex ScTis Persiciano, Claudiano, & Calvisiano, ad illam legem factis, teste Ulpiano Fragm. tit. 16. §. 3. HEIN.

Quibus ut valeret prius testamentum ) Propter hanc clausulam potissimum verba constitutionis Severi & Antonini jussu Justiniani hic inserta sunt. Certi juris est, posse testatorem ab eo, quem hæredem instituit, fideicommissum relinquere, eumque rogare, ut hæreditatem alteri restituat; proinde etsi quis in re certa institutus est, quia valet institutio, etiam fideicommissum hæreditatis utiliter ab eo relinquatur. Ut autem fideicommissum utiliter relictum intelligatur, non præcisè requirimus expressionem verborum, quæ fideicommissorum propria sunt, ut, peto, volo, rogo, fidei tuæ committo: sed plerumque etiam sine his verbis, admittitur ex sententia, & voluntate testatoris, l. ubi. 19. §. 1. ad sen. Trebell. Quod etiam accidit in proposito, cum testator posteriore testamento cavet, ut prius quoque testamentum valeat: desunt enim hic verba fideicommissi, sed optima ratione ex eo, quod cautum est, colligitur. Voluit testator, cum secundum testamentum ordinaret, prius nihilominus valere. Id inutiliter hætenus cavetur, ut ad hæredes priore testamento scriptos directo hæreditas perveniat, ne duo sint testamenta ejusdem testatoris: sed ut manifesta voluntas defuncti, quod per jus licet, conservaretur, verba directæ istius clausulæ ad causam fideicommissi tracta sunt, & benignè sic accepta, quasi hæres posteriore testamento scriptus rogatus esset hæreditatem restituere his, qui scripti sunt in priore. Doctrina hujus & superioris §. ut hoc in transitu moneam, ad testamenta militum non pertinet. Nam militi licet plura testamenta facere, sive simul, sive separatim: nec prius per posterius rumpitur, si hoc animo miles fuerit, ut utrumque valeret. Quamobrem si in posteriore testamento expressè caverit, ut prius quoque valeat; per hoc efficitur, ut duo sint testamenta, & tam prior, quàm posterior voluntas valeat jure directæ institutionis. Sed si posteriore testamento verbis precariis usus fidei hæredis commiserit, ut priores tabulæ valerent; in causam



ſam fideicommiſi & codicillorum vim prioris teſtamenti intelligitur convertiſſe, l. *quereretur* 19. *de eſt. mil.*

## T E X T U S.

## De teſtamento irrito ; &amp; quibus modis ſit irritum ?

4. *Alio autem modo teſtamenta jure facta infirmantur, veluti cum is, qui fecit teſtamentum, capite diminutus ſit : quod quibus modis accidat, primo libero retulimus.*

## C O M M E N T A R I U S.

**H**Actenus de primo modo infirmandi teſtamenti ipſo jure, quo ſcilicet infirmatur ſalvo ſtatu teſtatoris, & *rumpi* in ſpecie dicitur. Sequitur alter, quo infirmatur ſtatu teſtatoris mutato : qua mutatione ſuperveniēte in uſu juris propriè dicitur irritum fieri, l. 6. §. *irritum*. §. l. 12. in *fin. pr. de injuſt. rupt. teſt.*

Capite diminutus) Nec intereſt, qualis capitis diminutio intervenerit : omnibus enim modis, capitis diminutionis ſtatus hominis mutatur, *ſup. de ca. dem. lib. 1.* & teſtamentum non eſt, niſi hominis liberi, civis Romani, & patriſam. quæ tria duobus temporibus in teſtatore requiruntur, teſtamenti facti & mortis, §. *non tamen*. 6. *inf. eod.* Si verò quid poſtea ſupervenerit, quod ſtatum & conditionem perſonæ teſtatoris non mutet, veluti ſi poſt teſtamentum factum in furorem incidere, aut bonis ei interdictum fuerit, aliud juris eſt, & teſtamentum ratum manet. De quo actum *ſup. tit. quib. non eſt perm. fac. teſt.* Et primum igitur irritum ſit teſtamentum capitis diminutione maxima, quia per eam teſtator in ſervitutem redigitur, d. l. 6. §. *irritum*. §. Excipitur tamen quod factum eſt ab eo, qui ab hoſtibus captus eſt ante captivitatem: quippe quod juris poſtliminii aut legis Cornelie commento ſuſtinetur, d. l. 6. *pen. l. 12. qui teſt. fac. §. ult. ſup. quib. non eſt perm. fac. teſt.* ubi latius hoc explicatur. Secundo capitis diminutione media ; puta ſi teſtator in iſulam deportatus ſit : quoniam hoc modo à numero civium Romanorum tollitur, & ea omnia, quæ juris civilis ſunt, amittit, §. 1. *ſup. quib. mod. jus pat. pot. ſolv. l. ſunt. quidam*. 17. §. 1. *de pæn.* Quod autem Jurisconſultus d. l. 6. §. *ejus*. 7. ait, teſtamentum ejus, qui deportatur, non ſtatim irritum fieri, ſed tunc demum, cum factum princeps comprobavit, id explicandum ex l. 2. §. 1. *de pæn. l. 6. §. 1. de interd. & releg.* atque ad præſidem

referendum eſt, qui jus deportandi non habere proconſul enim & præfectus urbi habent, *dd. ll.* Poſtremo & minima capitis diminutione teſtatoris teſtamentum ejus irritum ſit, puta ſi ſe adrogandum dederit, l. *pen. §. 2. de bon. poſſ. ſec. tab. §. non tamen*. 6. *inf. hoc tit.* quoniam filiuſam. nec facere teſtamentum, nec cum teſtamento decedere poteſt. An autem emancipatione filiſam. veterani teſtamentum de bonis caſtrenſibus factum irritum fiat, quod negat Jurisconſultus, d. l. 6. §. *ult.* alibi tractatum eſt, §. *denique*. 5. *ſup. de mil. teſt.* Atque hic caſus à teſtatore venit. Eſt & alius, qui venit ab hærede, quo & ipſo ſuperveniēte teſtamentum irritum fieri dicitur, ſcilicet ſi ex teſtamento nemo hæres extiterit : defectum enim hæredis etiam irritum dicitur fieri teſtamentum, l. 1. *de injuſt. rupt. irrit. fact. teſt. l. filium*. 29. *de bon. poſſ. cont. tab. & in fragm. Ulp. tit. 23. §. 3.* & rectè quidem : nam in hæredis additione atque exiſtentia conſiſtit vis omnis atque effectus teſtamenti. Cæterum ſæpius hoc caſu teſtamentum dicitur deſtitui, aut deſeri, §. *cum autem*. 7. & *ſeqq. de hæ. que ab int. l. 9. §. de lib. & poſt. l. ult. de cond. inſt.* Nonnunquam etiam diſtinguitur hic caſus à teſtamento irritato, reſtricto ſcilicet irriti vocabulo ad ea teſtamenta, quæ infirmantur ſtatu teſtatoris mutato l. 1. in *pr. de ſuſ. & legit. hæ. infr. de hæ. que ab int. in pr.* Nec videtur hic modus proprius eſſe hujus loci, in quo id ſolum quæritur, an idoneum ſit teſtamentum ad deferendam hæreditatem. Raro etiam hodie contingit, ut teſtamentum deſtituatur, poſtquam Juſtinianus aliis etiam perſonis poteſtatem adeundi fecit, *Nov. 1. ca. 1. de quo D. Grot. lib. 2. manuſc. cap. 24. verſ. 200. Vvann. er. VINN.* Accedit & alia ratio, quod ejus novum invexerit beneficii inventarii. l. *ult. §. 4. C. de jur. delib.* Quia enim inventarii rite conſecti is ſit effectus ut hæres non teneatur ultra vires hæreditatis. §. 11. *Inſt. de hæ. qual. & differ.* non temere quis repudiabit hæreditatem, ſine periculo ſe adeundam. HEIN.

## T E X T U S.

## Cur dicatur irritum.

5. *Hoc autem caſu irrita fieri teſtamenta dicuntur, quum alioqui & que rumpuntur irrita ſunt, & ea, que ſtatim ab initio non jure ſunt, irrita ſunt. Sed & ea, que jure facta ſunt, & poſtea per capitis diminutionem irrita ſunt, poſſemus nihilominus rupta dicere. Sed quia ſane com-*



modus erat, singulas causas singulis appellationibus distingui; ideo quedam non jure facta ducuntur, quedam jure facta rumpi vel irrita fieri.

NOTÆ.

5. *Hoc casu irrita*) Etiam irritum fieri testamentum dicitur, si ex eo nemo hæres extiterit: l. 1. hoc tit. l. 20. cont. tab. Ulp. d. loc.

COMMENTARIUS.

Non est novum in artibus & præsertim in hac nostra disciplina, ut verba, quæ vi sua generalia sunt, doctrinæ & distinctionis causa contrahantur ad significandum certam speciem, quo magis singulæ res singulis verbis ad certam speciem traductis intelligantur; ut hic ostenditur exemplo rupti & irriti facti testamenti. Sic adoptio, cognatio, pactio, contractus, actio, &c. nomina sunt, quæ per se generalem significationem habent; sæpe tamen his certa species ex instituto loquentis denotatur; quod tunc maximè fit, cum junguntur nominibus cognatæ significationis.

*Et quæ rumpuntur, irrita fiant*) Rarissimè hæc à nostris confunduntur, quamquam tamen aliquando. Ita non attenda hæc distinctione usuve speciali horum verborum, irritum testamentum fieri dicitur, cujus tabule incisæ aut inductæ sunt, l. 3. circa fin. l. ult. de his quæ in test. del. l. in fraudem. 15. §. 1. de off. mil. quo tamen casu testamentum propriè rumpi dicitur, si specialem verborum significationem spectamus.

*Quæ ab initio non jure fiunt, irrita fiunt*) Testamentum, quod ab initio non jure factum est, injustum nostri appellant, ut apparet ex inscriptione & l. 1. tit. de injust. rup. irrit fact. ff. Hoc rectè quidem & irritum dici potest, si ruptum nequaquam. Et notandum quoque quod ait, quæ ab initio non jure fiunt, irrita esse, non irrita fieri: nam irrita esse ea rectè dicimus, quæ numquam constiterunt; irrita fieri, ut & rumpi, ea demum, quæ cum antea constarent, eversa sunt. Privationem enim significat: privatio autem, ut in scholis loquuntur, præsupponit habitum. Allegatur à nostris in eam l. 5. de injust. rup.

*Singulas causas.*) ἄλλας ἢ κατὰ μέρος singula videtur, ut hæc appellant juris auctores, l. 1. §. de tab. exhib. l. 2. C. de edict. D. Hadr. toll. l. 1. C. de probat.

TEXTUS.

Quibus modis convalescit.

6. *Non tamen per omnia inutilia sunt ea testa-*

menta, quæ ab initio jure facta, per capitis diminutionem irrita facta sunt. Nam si septem testium signis signata sunt, potest scriptus hæres secundum tabulas testamenti bonorum possessionem agnoscere: si modo defunctus, & civis Romanus, & suæ potestatis mortis tempore fuerit. Nam si ideo irritum sit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit, non potest scriptus hæres secundum tabulas bonorum possessionem petere.

NOTÆ.

6. *Irrita facta sunt*) Sed neque in causa testamenti rupti semper obstat vitium, quo minus ex eo bonorum possessio peti possit, veluti si posthumus præteritus vivo testatore decesserit, l. 12. de lib. & post. item si testator supremas tabulas incidit, ut priores supremas relinqueret, l. pen. §. 2. sec. tab. Sed & si filius præteritus abstineat, voluntas ex æquo & bono sustinetur, l. 17. hoc tit. Non idem est, si testamentum non consistat propter inhabilitatem personæ testatoris aut defectum solemnium, l. 1. §. 8. sec. tab. l. 12. C. de testam.

*Et suæ potestatis*) In eo qui testamento facto se adrogandum dedit, non satis est ad obtinendam ex eo bonorum possessionem, quod postea sui juris effectus decesserit, sed requiritur etiam nova aliqua voluntatis, à qua in alienam familiam transeundo recessisse videtur, confirmatio, d. l. pen. §. 2. sec. tab.

COMMENTARIUS.

- 1 Notatur Tribonianus negligentia.
- 2 Testamentum ruptum natiuitate postumi præteriti, eodem ante patrem mortuo, vires recipere.
- 3 Cancellatione, incisioneve posterioris testamenti restitui prius, cujus tabula integra manserint.
- 4 Testamentum irritum factum maxima & media capitis diminutione testatoris, eo restituto convalescere etiam absque nova voluntatis declaratione: secus si testator se adrogandum dederit, & postea, sui juris factus, decesserit.

Hic locus declarationem continet §. quarti. Meretur autem Tribonianus duplici nomine hic reprehendi: primum quod quæ rupti & irriti facti testamenti communia sunt, ita tradit, quasi unius & nimirum irriti facti essent propria: deinde quia simpliciter scribit, testamenta per capitis diminutionem irrita facta



Et a jure prætorio convalescere, si testator civis Rom. & sui juris decesserit; cum in quibusdam tantum hoc solum sufficiat, in quibusdam nova præterea declaratione voluntatis opus sit, uti mox demonstrabitur.

*Per capitis diminutionem irrita facta*) Quæ testamenta ab initio propter inhabilitatem personæ testantis non consistunt, ea ex postfacto vires nullo jure capiunt, veluti si impubes, aut furiosus, aut filiusfam. testamentum fecerint, & deinde testamenti factionem habentes decesserint; hoc testamentum ne jure quidem prætorio subsistet, ut ex eo bonorum possessio secundum tabulas peti possit, *l. 1. §. exigit. 8. sec. tab.* Idemque est, si testamentum nullum sit ob defectum solemnium juris; puta quia pauciores quam septem testes adhibiti, aut ex septem adhibitis quidam non signaverint, *l. 12. C. de testam.* De testamento autem in quo filius, qui fuit in potestate, præteritus est, non convenit, an quemadmodum id jure civili nullius momenti, ita quoque omnino nullum sit & maneat jure prætorio. Sed verius est, tale testamentum jure prætorio omnino nullum non esse, scriptosque in eo hæredes, si præteritus se bonis paternis abstinuit, posse accipere bonorum possessionem secundum tabulas, *arg. l. posthumus. 12. in fin. pr. l. filio. 17. de injust. rupt. l. si duobus. 12. §. 1. cont. tab. l. 2. in pr. sec. tab.* quod prolixè contra communem defendimus *sub. tit. de exber. lib.* Hæc autem non sunt propria hujus loci: quippe in quo agitur de testamentis, quæ ab initio rectè facta deinde infirmata sunt; quæriturque, an postea, sublata causa infirmationis, jure aliquo convalescant. Imperator quidem hoc in una tantum specie proponit, quando testamentum irritum factum est, si ve infirmatum ob id, quod testator capite minutus sit; attamen ad aliam quoque speciem eadem quæstio pertinet, cum scilicet ruptum est, seu eversum, testatoris statu non mutato. Videamus ergo de rupto, & de eo prius: postea cognituri de altera specie, de qua hic agitur. Didicimus, testamentum rumpi duobus modis, agnatione sui hæredis, & mutatione voluntatis. Fingamus igitur, posthumum præteritum vivo patre decessisse; quæritur; an testamentum ruptum natiuitate posthumi, eo vita deinde ante patrem functo, vires recipiat? Et responsum est, si testamentum signatum fuerit, posse hæredem scriptum bonorum possessionem secundum tabulas accipere eo effectu, ut rem obtineat, licet scrupulositas juris refragetur, *l. posthumus. 12. de injust. rupt.* Unde intelligimus, jure quidem

civili testamentum non restitui, sed tamen prætorem ex bono & æquo voluntatem testatoris tueri. Additur in responso, hoc ipsum etiam confirmatum esse rescriptis Imperatorum: quæ confirmatio ideo fortassis accessit, quia potestatem prætoris excedere videri poterat, quod ex testamento intrinsecus vitioso defenderet hæredi scripto bonorum possessionem cum re contra eos, qui alioqui rem ab intestato auferrent. Planè si posthumus præteritus nascitur post mortem testatoris, licet illico decedat, testamentum non restituitur, nec omnino cum decedit patre jam mortuo: nam cum suus hæres sit patri, statim patri ipso jure hæres existit, & moriens hæreditatem sub jure quæsitum transmittit ad quosvis hæredes legitimos; ad cujusmodi speciem pertinet *l. 2. C. de post. hæ. test.* Cujac. *ad l. 7. de lib. & postb.* Fingamus rursus, testatorem testamentum, quod secundo loco fecerat, ac proinde quo prius ruptum erat, incidisse aut cancellasse; quæritur, an restitutum prius, cujus tabulæ integræ manserunt? Papinianus respondit, si id hoc animo à testatore factum sit, ut priores tabulas supremas relinqueret; voluntatem quæ defecerat recenti judicio redisse, & posse secundum tabulas priores bonorum possessionem peti, *l. pen. §. 2. sec. tab. At iniquis*, an non sic testamentum citra ullam solemnitatem nuda voluntate constituitur? Negat hoc Jurisconsultus *d. loc.* atque hanc objectionem sic removet, ut dicat, non quæritur hic de jure testamenti, sed de viribus exceptionis. Quo significat, recenti isto judicio & simplici voluntate testatoris non constitui novum testamentum; sed si scriptus priore testamento hæres agat & hæreditatem vindicet, etque objiciatur exceptio mutatae voluntatis, posse eum hanc exceptionem elidere replicatione voluntatis reversæ, si constet, testatorem hoc animo posterius testamentum incidisse, ut prius iterum valere veller. Utrique enim hic animus ab hærede scripto omnino probandus est, per codicillos puta, aut alias litteras, quibus testator palam declaraverit, se velle priores tabulas valere, alioqui eum, tamquam quem utriusque voluntatis præterierit, intestatum potius decedere voluisse interpretabimur, *d. l. pen. §. 2.* Unum tamen adhuc obstat, quod prius testamentum dicitur rumpi ipso jure, *l. sancimus. 27. C. de testam.* Quomodo ergo agi poterit ex eo, quod ipso jure ruptum est? Resp. quod ipso jure prius rumpi dicitur, id dici certo respectu, quoniam rumpitur hoc solo quod aliud factum est, etiam si testator prius non revocaverit. Et



licet quatenus posterius testamentum consideratur ut adhuc consistens & validum, prius ita sublatum intelligatur, ut nihil in eo scriptum valeat, ne quisquam ipso jure agere, aut quid petere ex eo possit; non ideo tamen absurdum videri debet, quod posteriore inciso aut deleto ea mente, ut prius iterum valeat, prius quoque vires recipiat: quippe cujus tabulæ integræ relictæ sunt, & utique jam postremæ: nam quod jus extinctum reviviscere negatur, id non obtinet, cum à re, quæ, ut DD. nostri loquuntur, essentiam suam formalem & materialem retinuit, removetur impedimentum. D. Menoch. *conf.* 176. *lib.* 2. *Fachin.* 5. *const.* 93. D. Tulden. *comm. bic.* cap. 5. Jo. Decker. 2. *diff.* 3. *num.* 30. Ac proinde putarem, testamentum hoc casu valere etiam jure civili. Jam tempus est, ut ad textum §. nostri accedamus, in quo tractat de convalescentia testamentorum, quæ per capitis diminutionem testatoris infirmata sunt, uno verbo irrita facta.

*Si septem testium signis signata*) Hoc enim solum, semper tamen in danda bonorum possessione juxta tabulas prætor spectat, an testamentum septem testium civium Romanorum signis signatum sit, *l. posthumus* 12. *in pr. de injust. rupt.* Ulp. *tit.* 23. §. 3. & *tit.* 28. §. 5. Ita enim obsignatum esse oportet, ut jure prætorio valeat, seu eo jure, quo obsignatio introducta est, §. 2. *sup. de test. ord.*

*Si modo civis Romanus & suæ potestatis mortis tempore*) Nihil amplius exigit ad petendam bonorum possessionem ex eo testamento, quod per capitis diminutionem irritum factum erat, quam ut testator mortis tempore civis Romanus & sui juris fuerit, ommissa eleganti distinctione, quam nobis suppeditat Papinianus *l. pen.* §. 2. *sec. tab.* Etenim interest, an ei, de cujus integri capitis postea mortui testamento queritur, maxima mediave, an minima contigerit capitis diminutio. Si maxima aut media, verbi gratia si capite damnatus sit, & Princeps damnatum in integrum restituerit, quia nullum hic factum intervenit, ex quo colligi possit mutatio voluntatis testatoris, nihil causæ est, cur ad convalescentiam testamenti plus desideremus, quam ut testator pristinum statum receperit, *l. 6. §. pen. de injust. rupt.* Putarem etiam, testamentum damnati capitis indulgentia Principis postea restituti ita convalescere, ut non solum jure prætorio valeat, sed jure etiam civili propter comparationem horum testamentorum cum eorum testamentis, qui capti ab hostibus postliminio redeunt, aut ibi decedunt, quorum

testamenta jure civili vires recipere beneficio postliminii aut confirmatione legis Cornelie constat, *d. l. 6. §. pen.* nisi quis putet, comparationem illam pertinere dumtaxat ad ipsam convalescentiam, non ad modum convalescendi. At verò si minima capitis diminutio intervenerit, puta si quis testamento facto se adrogandum dederit, non satis est ad restitutionem testamenti, obtinendamque ex eo bonorum possessionem quod postea sui juris effectus decesserit: sed præterea requiritur, ut recenti aliqua voluntate testamentum confirmatum sit. Et merito: quoniam qui se dat in adrogationem, non obscure à priori voluntate recedit, cum sciat, se una cum capite fortunas quoque suas in alienam familiam transferre, ut disputat Papin. *d. l. pen.* §. 2. *sec. tab.* ex quo hoc explicandum quoque, & supplendum est, quod simpliciter item Paulus scripsit, testamentum valere, *l. 8. §. 3. de jur. eod.* ita ferme & Bart. *in d. l. 6. §. pen.* Myns. & Schneid. *bic.* Connan. 9. *comm.* 7.

*Et tempore mortis in adoptivi patris familia*) Supple, aut in servitute, aut in conditione peregrinantis. Omnino enim prætor exigit, ut is, cujus bonorum possessio datur, utroque tempore jus testamenti faciendi habuerit, & cum facit testamentum, & cum moritur: intermedium autem tempus non curat, *l. 1. §. exigit.* 8. *de bon. poss. sec. tab.* Ulp. *in fragm. tit.* 23. §. 5.

TEXTUS.

De nuda voluntate.

7. *Ex eo autem solo non potest infirmari testamentum, quod postea testator id noluerit valere: usque adeo, ut & si quis post factum prius testamentum, posterius facere cœperit, & aut mortalitate præventus, aut quia eum ejus rei pœnituit, id non perfecerit, divi Pertinacis oratione cautum sit, ne alias tabulæ priores jure factæ irritæ fiant, nisi sequentes jure ordinatæ & perfectæ fuerint: nam imperfectum testamentum sine dubio nullum est.*

NOTÆ.

7. *Id noluerit valere*) Nisi post lapsum decennii à condito testamento voluntatem revocaverit, ad minimum coram tribus testibus, *l. 27. C. de testam.*

*Usque adeo*) *L. 2. hoc tit. l. 18. de leg. 3. l. 12. §. 2. c. de testam.* Excipe imperfecta testamenta militum parentum inter liberos item nisi in posteriore testamento imperfecto scripti, qui ab intestato veniunt, *d. l. 2. hoc tit. d. l. 2. §. 1. cum auth. sequ. & §. 2. C. de testam.*



## COMMENTARIUS.

- 1 Nuda contraria voluntate testamentum rite factum non infirmari, quantumvis coram septem testibus declarata.
- 2 Redditur hujus juris ratio.
- 3 An plus hic operetur revocatio causata, quam simplex?
- 4 Cur ne novi, quidem testamenti inceptio vim prioris corrumpendi habeat?
- 5 Temperantia superioris doctrina?

**H**ic §. rectius in continenti subjectus fuisset §. secundo aut tertio, quorum continet declarationem. Docuit ibi Imp. prius testamentum rumpi per posterius, quod jure perfectum est. Unde etsi per se satis intelligitur, neque nudam revocantis voluntatem ad infirmationem testamenti sufficere, neque adeo prius rumpi, etiamsi secundum fieri coeptum sit, nec absolutum; latius tamen utrumque explicare voluit, & omnino latius adhuc à nobis explicandum est.

*Quod testator id noluerit valere*) Si quem prioris voluntatis poeniteat, malitque nunc intestatus decedere; parata ei est expeditissima ratio, tabulas incidat, deleat, cancellet, signa revellat, l. 1. §. pen. unde lib. majorem enim vim facta habent, quam verba, integrisque tabulis relictis nuda contraria voluntatis declaratio testamentum solemniter factum non infirmat, l. militis 36. §. 3. de testam. mil. l. sancimus 27. C. de testam. In tantum, ut etiamsi testator coram septem testibus dixerit, nolle se testamentum, quod fecit, valere, nullo tamen magis illud infirmetur, ut ex recepta sententia tradunt Clar. §. testamentum, quest. 91. Grass. §. testamentum, quest. 84. num. 2. Jac. Vervvey. art. test. cap. 13. Angl. Vigil. Myns. Schneid. bic. Et rectè. Nam si ne tunc quidem testamentum antea factum infirmatur, eum id aliud faciendum testator processit, quod tantum non consummavit; quanto minus infirmabitur sola revocatione verbalis? utique enim factum accedens ad voluntatem potentius operari debet simplici voluntatis declaratione. Hoc ipsum quoque manifestè probat l. sancimus 27. C. de testam. ubi Justinianus sancit, ut demum post lapsum decenni, seu cum à condito testamento decem anni effluerint, revocatione voluntatis testamentum infirmetur. Neque hic mihi quis dixerit pertinere istam constitutionem ad eum casum, quo tribus tantum testibus revocatio munita est: nam ex hoc ipso quod Justinianus exigit, ut

non pauciores, quam tres testes ad revocationem adhibeantur, ut valida sit ad infirmationem testamenti post fluxum decenni, satis intelligitur, non aliud eum esse voluisse, si forte plures testes intervenerint, sive quinque, sive septem: quo enim plures adhibentur, eo verius est non esse pauciores tribus adhibitos. Et sciendum est, Imperatorem illic abrogare constitutionem Honorii & Theodosii, quæ extat in l. 6. C. Theod. de testam. qua cautum erat, ut solo lapsu decenni testamentum revocatum intelligeretur, hoc est, si testator post conditum testamentum integros decem annos supervivisset, quamvis nulla secuta esset contraria voluntas. Hoc eam Justinianus hæcenus mutavit, ut noluerit ex solo lapsu decenni testamentum evanescere, sed tunc, cum ad lapsum tanti temporis expressa accederet revocatio: quam etiam revocationem non paucioribus, quam tribus testibus muniri voluit, cum alias ad probationem voluntatis, quæ testamentum non est, ordinarius testium numerus sufficiat. Quotquot igitur testes intervenerint, adhuc cursus decenni necessarius est ad sustinendam verbalem testamenti solemnem revocationem. Quæritur autem hujus juris ratio. Nam iniquum videtur, eum bona defuncti obtinere, quem ea habere noluit: ac proinde etsi concedamus, ex summi juris ratione hæredes scriptos bona vindicare posse, cur tamen non dicimus, eos repelli posse exceptione finitæ defuncti voluntatis? Resp. Periculosum est, æquitatem prætexere contra expressam juris auctoritatem; quod haud dubiè hac ratione nititur, quod non videatur factis serio improbasse voluntatem solemnem testamento comprehensam, qui nudè eam revocavit, tabulis testamenti integris servatis. Si enim testamentum omnino valere noluisse, poterat tabulas incidere, delere, poterat aliud testamentum condere: quod cum non fecerit, præsumere licet, eum revocationis poenituisse; ut non sine ratione defendatur, majorem oportere vim esse testamenti, quod integrum & in suo statu testator reliquit, quam nudè illius declarationis contrariæ, fac. l. militis 36. §. 3. de test. mil. Ex quo loco simul discimus, ita jus esse, cum quæritur de institutione hæredum, legatarios autem revocata voluntate exceptione doli mali removeri. De cujus loci sententia vid. Ant. Fab. dec. 39. err. 8. Hæc ita constitutis, videamus, an non falsa sit opinio Bartoli in l. si jure 18. de legat. & DD. quos allegant & sequuntur Clarus §. testament. qu. 92. Vigil. Mynsig. Schneid. bic. qui interesse putant, quæ formula testator in revocando



do testamento usus est, utrum simpliciter dixerit, *nolo testamentum à me factum valere*: an causam adjecerit & hæc verba, *quia volo decedere intestatus*. Nam etsi simplicem revocationem non sufficere fatentur, causatam tamen valere volunt, modo facta sit coram septem testibus. Quo jure etiam nos uti refert Grot. lib. 2. introd. cap. 24. Verùm nihil interesse, hac an illa formula testator utatur, aperte evincit d. l. militis 36. §. 3. de test. mil. Et verò si hoc ipso quod quis testamentum revocat, tacite & per quamdam necessariam consequentiam intelligitur velle decedere intestatus, causa illa adjectio (quippe quæ non impedit, quoniam aliud testamentum postea condatur) facere non potest, ut majorem vim revocationi habeat, quàm si causa adjecta non esset. Et restitè Mantic. lib. 2. de conj. ult. vol. tit. 15. n. 19. ex Socino refert, distinctionem istam Bartoli captiosam esse vulgaribus testatoribus, qui causam nesciunt dicere, *quia intestatus decedere volo*, arbitraturque, id necessario ex hoc ipso sequi, quod testamentum revocant. Sed non debebat vir alias incomparabilis hoc argumento moveri, ut statueret cum eod. Socino, Bald. Salic. in d. l. sancimus 27. C. de testam. & aliis, quos allegat, ad revocandum testamentum sufficere quamlibet simplicem voluntatis contrariæ declarationem factam coram septem testibus; quam sententiam abundè jam confutavimus. Unicum supradictæ distinctionis firmamentum assertur l. 1. §. pen. si tab. test. null. ext. ex verbis, *Vel quia alia ratione voluntatem testator mutavit, voluitque intestato decedere*. Sed nemo opinor, tam infans est, qui non videat, Jurisconsultum ibi loqui non de simplici mutatione voluntatis, sed quæ declarata sit facto aliquo simili illis, quæ antea expresserat, incisioni, aut cancellationi, puta si testamentum induxerit, laceraverit, resignaverit, &c. Habemus hujus sententiæ defensores Ant. Fab. dec. 93. err. 6. Bachov. in Treutl. vol. 2. disp. 10. thes. 7. Ant. Merend. 3. contr. 45. Planè ad infirmationem testamenti nuncupativi patrem sufficere simplicem voluntatis revocationem factam coram legitimo testium numero, arg. l. nihil 35. de reg. jur. cum Connan. 9. comm. 7. Wesemb. in hunc §. Groenev. de legib. abrog. hic.

Usque adeo) Amplificatio. Dixerat modo, nuda voluntate testamentum infirmari non posse, id nunc usque adeo verum esse pronuntiat, ut nec cum voluntate revocandi concurrens novi testamenti incæptio vim corrumpendi prioris habeat: sed ita demum superius testamentum rite factum tollatur, si inferius

æquè jure perfectum fuerit. Hic verò itidem ut in casu præcedenti æquum esse videri potest, ut saltem hæredibus ab intestato detur exceptio adversus priore testamento scriptos hæredes, quos utique voluntate testatoris aliud testamentum facere aggressi mortuique antequam illud perficere, destitui constat, per l. pen. §. 2. sec. tab. Verùm obstat hic quoque legum auctoritas, l. 2. l. 11. de injust. rupt. l. si jure 18. de legat. 3. l. hac consultissima 21. §. 3. C. de testam. & hic text. Qui quod in proposito nec voluntatem defuncti ab intestato venientes habent? Ponimus enim in secundo testamento, quod imperfectum est, scriptos esse extraneos. Quamobrem cum illis, quos postremo testator voluit, hæreditatem ex imperfecto testamento obtinere non possint, nec convellantur jura omnia, quæ de ordinandis testamentis tam diligenter constituta sunt, & quævis voluntas vim testamenti habeat, quos aliquando hæredibus ab intestato prætulit, eos etiam adhuc iisdem præferri voluisse existimandus est? atque in hunc eventum tabulas priores integras reliquisse, ut si posteriores non consisterent, ex prioribus hæreditas adiri possit. Atque hoc est, quod scribit Pomponius, d. l. si jure 18. de legat. 3. credibile esse, testatorem ita demum à priore testamento velle recedi, si posterioris viliturum sit.

Mortalitate præventus) Hujusmodi testamentum imperfectum dicitur ratione voluntatis. Quippe duplex est imperfectio testamenti; una ratione solemnium, puta si pauciores quàm septem testes intervenerint, aut si testes non signaverint, subscriperintve, vel quid aliud, quod ad solemnitatem ordinationis pertinet, omissum sit: altera, ratione voluntatis, velut si cum plura ordinare testator vellet, morte interceptus fuerit, aut in ipso actu testandi furore correptus, l. si is qui 25. qui test. fac. l. 9. C. eod. Bald. in l. hac consultissima 21. §. 1. n. 1. 2. 3. C. de testam. Sichard. ibid. n. 2. Quo loco uterque etiam notat, testamentum, quod ratione voluntatis & dispositionis imperfectum est, nec inter liberos valere. Quod & Cujac. in d. l. 25. notavit ex Accursio: estque communis hæc & recepta sententia. Vasq. lib. 3. de succ. creat. §. 2. num. 62.

Divi Pertinacis oratione) Solebant olim Principes orationes in Senatu habere, aut scriptas ad Senatum mittere, in quarum sententiam Senatusconsulta concipiebatur; l. oratione 16. de rit. nupt. Tacit. lib. 11. Annal. c. 25. Oratione Principis secuto patrum consulto, primi Adui senatorum in urbe jus adepti sunt. Atque hæc Principum orationes etiam Senatusconsulta



nominantur, quandoque etiam leges. Sic oratio Divi Hadriani de petitione hæreditatis, *l. si rem. 22. de her. pet.* Senatusconsultum passim appellatur, *l. item veniat. 20. §. præterea. 6. & multis seqq. eod. tit.* Jul. Capitol. hanc ipsam orationem Pertinacis legem, mox etiam Senatusconsultum nominat in Pertinace, *cap. 7. Legem sanè tulit*, inquit, *ut testamenta priora non prius essent irrita, quam alia perfecta essent, neve ob hoc fiscus aliquando succederet.* Et paulo post: *Addiditque Senatusconsulto, &c.*

*Jure ordinata & perfecta fuerint*) Quæ legitimo modo fiunt, legitime quoque solvi debent, *l. 35. de reg. jur.* Hac ratione utitur etiam Harm. *5. tit. 5. §. 17.* Ab hac tamen regula excipienda sunt ea testamenta, quæ quamvis imperfecta, jure tamen singulari valent, ut testamenta militum & parentum inter liberos. Testamentum factum jure militiae inter imperfecta numeratur, *l. 2. de injust. rupt.* atque ideo etiam imperfectum quovis posteriore solvitur, *l. ejus. 34. §. 1. de test. mil.* & tamen per id, quod jure militari secundo loco factum est rumpitur præcedens perfectum, hoc est, factum jure communi, *d. l. 2. & d. l. 34. §. ult.* Sed nimirum hoc ex eo est, quod testamentum militis jure privilegio pro perfecto est, aut vim perfecti testamenti habet: quod autem rumpitur posteriore jure communi non rite factò, mirum videri non debet, quia etiam post missionis annum irritum constituitur. Testamentum imperfectum factum à parente inter liberos & ipsum non minus ex privilegio valet, quam militis, *l. hac consultissima. 21. §. 1. C. de testam.* Quare si pater, qui testamentum prius jure fecerat, postea aliud fecerit inter liberos, quamvis posterius hoc imperfectum fuerit, tamen rumpitur prius. Illud enim favore liberorum Justinianus constituitur, ut tale testamentum non aliter rumpatur posteriore, quam si posterius modis omnibus perfectum fuerit, & prius nominatim revocatum, *Nov. 117. auth. hoc. inter C. de testam.* Præterea si cum in priore testamento perfecto scripti essent extranei, in posteriore autem imperfecto instituti sint, qui ab intestato venire possunt, dummodo non minus quam quinque testes intervenerint, placet, infirmato priore testamento, posteriorem hanc scripturam valere, non tamen tanquam testamentum, sed tanquam voluntatem ultimam intestati, *d. l. hac consultissima. 21. §. 3.* cujus voluntatis hic erit effectus, ut nulla quarta deducta ab hæredibus, priore testamento, quod infirmatum

est, scriptis, ad hæreditatem admittantur scripti posteriore, easque portiones per arbitrium familiæ eriscundæ singuli consequantur, quæ cuique adscriptæ sunt. Sed quid est, quod Jurisconsultus in *d. l. 2. de injust. rupt.* simpliciter scribit, prius testamentum per posterius imperfectum rumpi, si in eo scriptus est, qui ab intestato venire potest? Nimirum in posteriore imperfecto, in quo scripti, qui ab intestato rem habere possunt, ommissa sit aliqua solemnitas, quæ tantum jure civili præcisè requiritur, non item jure prætorio, veluti si testes non subscriperint, si filius institutus aut exhæredatus non sit: nam etiam hac ratione testamentum imperfectum rectè dicitur. Atque ita appellatur in *l. 12. §. 1. cont. tab.* quoniam inter cætera, quæ testamentum jure civili perficiunt, etiam hæc requiruntur. Rumpi igitur eo casu testamentum prius dicimus, non jure civili, sed honorario, data secundum tabulas posteriores, quæ modo septem testium signis signatæ sunt, cum re & effectu bonorum possessione, *arg. d. l. 12. §. 1. cont. tab.* quem locum diligenter & accuratè hic interpretatus est D. Bachovius.

#### T E X T U S .

Si Princeps litis causa, vel in Testamento imperfecto institutus fuerit.

8. *Eadem ratione expressit, non admissurum se hæreditatem ejus, qui litis causa Principem reliquerit hæredem: neque tabulas non legitime factas, in quibus ipse ob eam causam hæres institutus erat, probaturum, neque ex nuda voce hæredis nomen admissurum: neque ex nulla scriptura, cui juris auctoritas desit, aliquid adepturum. Secundum hoc divi Severus & Antoninus sapissime rescripserunt.* Licet enim, inquit, legibus soluti sumus, actamen legibus vivimus.

#### N O T Æ .

8. *Litis causa Principem, &c.*) Capitol. ubi sup. hoc enim invidiosum est, *l. pen. de her. inst. Plin. Paneg. cap. 43.* Non tu falsis, non tu iniquis tabulis advocaris.

*Ob eam causam*) Quod tabulæ non essent legitime factæ, ut rectè Cujac. & Fabrot. quod non percepit Th. nec Accurs. nam Princeps nec legitime factus probat, in quibus ipse litis causa hæres scriptus est.

*Legibus soluti*) Princeps legibus civilibus solutus est, *l. 31. de legib. l. 3. C. de testam. Dio. lib. 53.*



*Attamen legibus vivimus* ) Impp. l. 2. C. Tb. cond. & proc. dom. Aug. Scribimus quidem legibus, sed sequimur. Plin. Paneg. cap. 65. ipse te legibus subiecisti. Vid. & l. 23. de leg. 3. l. 4. C. de legib. d. l. 3. C. de testam.

COMMENTARIUS.

An Principes Romani legibus soluti fuerint? & in universum, an & quatenus sint Principes, qui absoluta jura majestatis habent?

**E**Adem oratione expressit) Ipseque, inquit de Pertinace loquens Capitolinus d. loc. cap. 7. professus est, nullius se adituum hereditatem, quæ aut adulatione alicujus delata esset, aut lite perplexa, ut legitimi hæredes & necessarii privarentur. Addiditque Senatusconsulto hæc verba. Sanctius est, P. C. inopem tempus obtinere, quam ad divitiarum cumulum per discriminum atque dedecorum vestigia pervenire. Procul dubio hac oratione sanctissimus senex senatui declarare voluit, se longe alia ratione temp. temperaturum, quam antecessor ejus Commodus Princeps flagitiosissimus fecerat: quem credibile est exemplum secutum fuisse sui simillimi Imperatoris Domitiani de quo Sueton. cap. 12. sic scribit: *Confiscabantur alienissima hereditates, vel existente*

*na, qui diceret, audivisse se ex defuncto, cum viveret, hæredem sibi esse Casarem.* Extat adversus hujusmodi improbitatem editum Honorii & Theodosii in l. nolumus. 20. C. de test. WINN. Meretur hujus juris historia paulo accuratius tractari. Primus Augustus flagitare solebat ab amicis hoc benevolentia testimonium, & eorum suprema judicia morosissima pensabat, neque dolore dissimulato, si parcius, aut citra honorem verborum; neque gaudio, si gratè pieque quis se prosequutus fuisset. Suet. Aug. cap. 66. Hinc idem Suetonius cap. 101. refert, viginti proximis ante obitum annis eum quatuordecies millies ex testamentis percepisse. Ne tamen captare videretur hereditates, aut parum honesta institutionis causa subesset: nec ab ignotis admittebat hereditates, nec à parentibus, sed eas cum incremento liberis restituebat. Suet. cap. 66. Idem fere exemplum sectatus Tiberius. Tacit. Annal. II. 48. Primus Caligula hereditates avidissimè captavit, testamenta, in quibus nulla sui mentio, rescidit, testatores paulo fortius superstites interemit, & testes, qui se Casarem hæredem dictum, audivisse adseverarent, subornavit. Suet. cap. 38. Hinc imitatus Nero, Tacit. lib. 16. Ann. cap. 43. Vitel-

lius, Suet. cap. 14. Domitianus, Suet. cap. 12. Trajanus exactè Augustum imitabatur, Plin. paneg. cap. 43. nec non Hadrian. Spartian. cap. 18. & Antoninus Prius, Jul. Capit. cap. 8. Postea quum Commodus malum denuo principem egerat, huic malo non tantum exemplo, sed & lege lata repugnavit Pertinax. Jul. Capit. Pertin. cap. 7. Ad quam legem respicere videtur Alexander. l. 3. C. de test. Immo quum nec id sufficere refrænandæ principium aviditati: Theodosius M. l. 2. C. Tb. de test. & codicill. omnes hereditates planè respuit. Conf. Symmach. lib. 2. Epist. 13. idemque edicto monuit Theodosius junior, l. 5. C. Theod. eod. Rem omnem accuratissima diligentia exposuit V. illustris Nic. Hier. Gundlingius. Diss. de principe hærede, cap. 4. HEIN.

*Quin litis causa Principem* ) Lex est, non debere cujusquam conditionem deteriorem fieri factò alieno, nec cuiquam obijci duriozem aut potentiozem adversarium, tot. titul. de alien. jud. mut. ca. & tit. C. ne lic. patens. Huic legi se submisit Imp. Pertinax, professus hoc amplius, se non admitturum hereditatem, quæ litis causa Principi delata esset, minus hic sibi permitens, quam cuiquam privato, l. 8. §. 3. de alien. jud. mut. ca. Quippe invidiosum esse existimavit, Principem litis causa, hoc est, in re controversa & perplexa hæredem institui, quo alii, nomine principis terrius jus suum indefensum relinquant, ac nefas esse, calumniam facultatem ex Principali majestate capere, l. pen. de her. inst. Paul. 5. sent. 12. Plin. Panegy. cap. 43. *Non tu falsis, non tu iniquis tabulis advocaris.*

*Neque tabulas non legitime factas* ) Lex est, hæredem justo testamento instituendum esse, neminemque posse ex tabulis non legitime factis hereditatem obtinere. Hanc legem etiam adversus se valere optimus Princeps voluit, atque in sua etiam persona tabulas non legitime factas improbavit. Secundum quod sæpissime constitutum est, ex imperfecto testamento nec Imperatorem hereditatem vindicare posse, l. 3. C. de test. Ait, in quibus ipse, ob eam causam. Nempe quod tabulæ non essent legitime factæ, ut rectè Cujac. Quod non percepit Theoph. nec Accurs. nam Princeps nec legitime factas probat, in quibus ipse litis causa scriptus est. Ait, *neque ex nuda voce.* Non quasi Princeps hæres nuncupari non possit, aut hæres esse ex rñs ἀπάφω διαδοχῆς, ut somniat Theoph. sed ex nuda voce, id est, ex nuda voluntate sine juris solemnibus.

*Neque ex nulla scriptura, cui juris auctoritas desit* ) Clausula generalis, legata quoque & fidei-



deicommissa non legitimo testamento relicta complectens. Ex imperfecto testamento, ait Paulus *l. 23. de legat. 3.* legata vel fideicommissa Imperatorem vindicare inverecundum est. Huc etiam referendum, quod idem Paul. *4. sent. 5.* & Ulp. *l. 8. §. 2. de inoff. testam.* scribunt, testamentum, in quo Imperator hæres scriptus est, inofficiosum argui posse.

*Licet legibus soluti simus*) Principes Romanos legibus solutos esse, scribit Dio. *lib. 53.* atque id ipse sic interpretatur, ut dicat, eos liberos esse ab omni legum coactione, nec ulla scripta lege teneri. Apparetque ex eodem loco, quemadmodum temporibus liberæ reipub. aliquando usurpatum, ut populus aut senatus civem aliquem ob heroicam indolem ac singularem virtutem una aliqua lege solveret, puta, ut ante ætatem legitimam magistratum gerere, aut intra tempora constituta eundem repetere liceret, sicut de Pompejo, Africano, Octavio, aliisque permultis factum legimus, ita Principem postea, cum civibus omnibus excellentior haberetur, legibus omnibus solum fuisse, lege in eam rem semel expressè lata, quæ lex regia in *l. 1. de const. Princ.* lex imperii in *l. 3. C. de testam.* appellantur. Quod etiam significare arbitror Ulp. in *l. Princeps. 31. de legib.* Quamquam necesse non erat, hoc caput legi regæ inferere: quando quidem ex hoc ipso quod alio capite ejusdem legis populus jura majestatis omnia abdicativè in Principem transfudit, *d. l. 1. de const. Princ.* necessario sequitur, Principem legibus non obligari. Etenim Princeps, qui absoluta jura majestatis habet, nihil supra se cernere potest, neque hominem neque legem, ut ait Alber. Gentilis in quætionibus regiis. *Deus*, inquit Justinianus, *leges ipsas Principi subjicit, eumque legem animatam misit hominibus.* Nov. 105. c. 2. in fin. Jam verò qui supra leges est, cui leges subjectæ sunt, is necessario legibus est solutus, id est, legibus non tenetur; alioqui non illi leges, sed ille legibus subjicitur, & qui ipse lex est, in eum lex ferri non potest. Unde Plinius in *panegy. cap. 65.* *Leges*, inquit, *Principi nemo scripsit.* Neque cum hoc dicimus, intelligimus solum cum D. Thoma *q. 96. art. 5. par. 1.* quem multi sequuntur, Principem legibus solum esse quod vim coactivam, sed etiam quoad vim directivam. Quin ad hanc solam quæstio pertinet: cum si neget, secun-

dum vim dirigentem Principem legibus solum esse, statuas, Principem legibus obstringi, tamquam quæ ipsi quoque latæ sint. Alia autem quæstio est de modo coercendi & puniendi non obedientes. Cæterum totum hoc pertinet ad leges civiles dumtaxat, non ad leges naturæ aut divinis, quibus cum omnes homines subjiciantur, quatenus homines nascuntur, omnino efficitur, aut Reges homines non esse, aut illos etiam his legibus teneri. Non pertinet etiam hoc axioma ad leges imperii fundamentales, maximè cum in eas quoque ipsi Principes regnum ineuntes jurare soleant. De quibus legibus Bodinus *lib. 1. de repub. c. 8.* sic scribit: *Quantum ad leges imperii attinet, cum sint cum ipsa majestate conjunctæ, Principi nec eas abrogare, nec iis abrogare potest. Cujusmodi inquit, lex Salica regni hujus firmissimum fundamentum.*

*Atamen legibus vivimus*) Etsi hoc jus Principis est, si dignitatem spectes & imperii potestatem, ut legibus omnibus civilibus sit solutus; tamen officium imperantis est, legibus vivere, iisque parendo suo exemplo prætere illis, quibus solis latæ sunt. Quod significat Paulus *l. ex imperfecto. 20. de legat. 3.* his verbis: *Decet enim tanta majestati, eas servare leges, quibus ipse solutus esse videtur.* Et Imp. Alexander *l. 3. C. de testam.* cum ait, *nihil tam proprium imperii esse, quam legibus vivere:* eodemque modo explicanda, *l. digno vox. 4. C. de legib.* & illud Plinii in *Panegy. ad Trajan. cap. 65.* *Legibus te subjecisti, quas nemo Principi scripsit.* Item illa, *Non esse Principem supra leges, sed leges supra Principem.* Nimirum Princeps imperio maximus, major est exemplo, ut ait Paterculus. *lib. 11. cap. 126.* & Plin. *ibid. cap. 45.* *Vita Principis*, inquit, *perpetua censura est ad hanc dirigimus; nec tam imperio nobis opus est, quam exemplo.* Τις γὰρ αἱ ἰδέσεις ἀπειθείν ἕρῳ τὸν βασιλεῖα κειδέμενον: inquit Xenophon in *laudib. Agesilai, cap. 7. §. 2.* Claudianus in *Panegy. v. 307. de quarto consulatu Honorii.* his versibus Principem hujus officii commonefacit:

*In commune jubes si quid, censeſſe tenendum  
Primus jussa ſubi: tunc obſervatio æqui  
Fit populus, nec ſerre negat, cùm viderit ipſum  
Auctorem parere ſibi. Componitur orbis  
Regis ad exemplum: nec ſic inſteſſere ſenſus  
Humanos ediſſa valent, ut vita regentiſſi.*



TITULUS DECIMUS OCTAVUS.  
DE INOFFICIOSO TESTAMENTO

Dig. Lib. 5. Tit. 2. G. Lib. 3. Tit. 28.

Continuatio, & argumentum tituli. Unde nomen inofficiosi: tum, quarum  
de hac questione cognitio.

**E**xplicatur hic altera ratio infirmandi testamenti, cum scilicet non ipso jure, sed per sententiam judicis rescinditur, ex causa de inofficioso contra testamentum pronuntiantis: quod est illud administratum, quod superius dixi paulo post nobis manifestum fore, in calce tit. de exheredat. lib. Locum hic late patet, quamquam constitutus est Justinianus, ut passim in hoc libello. Initio indicat ille causam introducendam de inofficioso querelæ, & quo colore proponatur: mox quibus ea competat, aut non competat, ostendit: sequuntur postremo nonnulla, quibus intervenientibus testamentum inofficiosum argui; atque ex ea causa rescindi non potest. Nobis, quibus propositum est rem totam planam facere, licebit in explicando esse prolixiores. Memini etiam, nonnulla me recepisse interpretantem, §. ult. d. tit. de exheredat. lib. quæ in hoc tempus dilata, nunc exolvenda sunt. De nomine inofficiosi hoc primum monendi sumus, quamvis omne testamentum inofficiosum rectè dicatur, in quo testator contra officium, quod alteri debebat, facit, quemadmodum scimus, hominem inofficiosum dici, qui officium prætermittit, aut contra officium, quod alter debet facit; & adeo si, verbi causa, testator, cognatis suis, aut personis de se bene merentibus, quibus ob id remunerationem debet, nihil in testamento suo reliquerit, huic etiam testamento appellatio ista conveniat: tamen per excellentiam ea demum testamenta inofficiosa dicta sunt, quibus officium in liberos, parentes, & fratres neglectum est, seu in quibus liberi, aut parentes, aut fratres, vel exheredati sunt immerito, vel immerito præteriti. Quocirca his etiam solis potestas permittitur de inofficioso querendi, postulandique, ut si officium violatum esse constituerit, testamentum rescindatur. Cognitionem hujus questionis ad centum viros pertinuisse constat ex Cic. lib. 1. cap. 38. de orat. Val. Max. lib. 7. cap. 7. §. 8. l. Titia. 13. l. qui repudiantis. 17. hoc t. titi & simplicis petitionis hæreditatis, l. ult. pr. C. de pet. her. quod tamen non usque adeo perpetuum fuit, quin partes aliquando,

negotio ita ferente, à prætore remissa fuerint ad judicem pedaneum, ut liquet ex l. 8. §. pen. hoc tit. l. 3. §. si emancip. 5. de bon. poss. cont. tab. VINN. Quæ hic de nomine inofficiosi monet Auctor, plenius poterant exponi. Dicitur hæc Actio QUERELA, quia propinqui non accusare & litigare, sed inter se conquiri dicebantur. Voss. Inst. Orat. lib. 1. cap. 6. §. 2. Inofficiosum autem opponitur officioso, quod vocabulum ita accurate exponit Seneca de Benef. lib. 3. c. 18. quod ut beneficia sint alienorum; ita officia eorum, quos necessitudo suscipiet, & opem ferre jubeat. HEIN.

T E X T U S.

Ratio hujus querelæ.

Quia plerumque parentes sine causa liberos suos exheredant, vel omittunt, inductum est, ut de inofficioso testamento agere possint liberi, qui queruntur, aut iniquè se exheredatos, aut iniquè præteritos; hoc colore, quasi non sanæ mentis fuerint, cum testamentum ordinarent. Sed hoc dicitur, non quasi verè furiosus sit, sed rectè quidem testamentum fecerit, non autem ex officio pietatis. Nam si verè furiosus sit, nullum testamentum est.

N O T A E.

Sine causa) Ex justis causis permittitur exhereditatio, l. 7. de bon. damn. quas causas ex arbitrariis certas fecit & nominatim ad 14. complexus est Justin. Nov. 115. cap. 3. voluit autem unam saltem ex his inferi testamento, eamque ab hærede probari; secus ac jure veteri, l. 5. 1. hoc tit. l. 28. C. eod.

Exheredant vel omittunt) Illud ad parentes omnes & propriè ad patrem pertinet, hoc ad matrem, cujus silentium pro exheredatione est, §. ult. sup. de exheredat. lib. & ita intellige l. 3. b. r. d. Nov. 115. c. 3. Exhereditatis igitur omnibus, à matre etiam præteritis hoc remedium necessarium. Ex privilegio autem est, quod de inofficilis testamento nemo queri potest, l. 8. §. 4. l. 27. 2. hoc tit. l. 6. l. 24. C. eod.

Quasi non sanæ mentis) L. 2. l. 5. §. 1. eod. ac pro-



proinde quasi testamentum facere non potuerint l. 17. § 1. eod. Hoc colore seu titulo quaesito tegitur iniquitas exhæredationis : & quidem ob hanc causam olim rescisso per querelam testamento nihil ex eo valebat, l. 8. §. pen. l. 28. eod. hodie autem quantum ad institutionis solummodo evertitur : legata & cætera capita salva manent, Nov. 115. cap. 3. in fin. aub. ex causa. C. de lib. prat.

## COMMENTARIUS.

- 1 Quibus liberis & quando querela necessaria?
- 2 Etiam ob causas non nominatim expressas, Nov. 115. c. 3. dummodo æque graves aut graviore, exhæredationem rectè fieri.
- 3 Quamvis exhæredatio facta sit sine elogio, tamen testamentum adhuc ipso jure bodieque subsistere, atque ad id rescindendum opus esse querela, contra comm.
- 4 Præteritionem matris & avi materni etiam jure novissimo vim exhæredationis habere.
- 5 Contrario obiter repulsa, addito jure patrio.
- 6 Utrum querela ipsa sit actio sive petitio, an remedium aliquod ab actione separatum?
- 7 An liberis à patre præteritis, legata, cætera capita, præter institutionem, beneficio nova legis conserventur?
- 8 Cur querela inofficiosi colorem dementiae veteres prætexerint : & num idem adhuc hodie?

**Q**uia plerumque) Rectè monet D. Pacius in margine, particulam plerumque non afficere verbum exhæredant, sed verbum sine causa; ut hic sit sensus; cum parentes liberos suos exhæredant vel omittunt, id eos plerumque facere sine causa: puta falsos instimulatos, novercalibus delinimentis, instigationibusque corruptos, l. 3. & 4. hoc tit.

Sine causa liberos suos exhæredant vel omittunt) Ait, sine causa, nam ex justis & meritis causis exhæredatio semper permessa fuit, l. 7. de bon. damn. Ait, exhæredant vel omittunt, illud ad parentes omnes & propriè ad patrem avumque paternum, hoc ad matrem & avum maternum pertinet: nec super acuo hic expressum, ut censet D. Vvesemb. etsi enim matris præteritio vim & effectum exhæredationis habet; non est tamen revera exhæredatio. §. ult. sup. de exhar. lib. In patre exhæredatio necessaria est, ut querelæ locus sit; si enim pater filium, quem in potestate habet, præterierit, testamentum ipso jure nullum est; si emancipatum, datur præteritio bonorum possessio contra tabulas, sup. d. tit. in pr. & §. 3. & 5. Quin nec quævis exhæredatio querelæ locum

facit; sed ea demum, quæ rite facta est: quæ secus facta, id est, non nominatim, non purè, non à tota hæreditate, pro præteritione censetur, l. 8. §. non quevis. 2. de bon. poss. cont. tab. Matre autem sive præterunte sive quovis modo exhæredante, semper ad infringendum testamentum querela opus est, cum & jure civili firmum sit, nec à prætere infringatur; quippe qui exhæredatione, cujus vim etiam præteritio matris obtinet, notari non putavit ad contra tabulas bonorum possessionem admittendo, d. l. 8. in pr. cont. tab. d. §. ult. sup. de exhar. lib. Et igitur exhæredationis omnibus, à matre etiam præteritis, hoc remedium necessarium est. Causæ exhæredationis jure antiquo certæ legibus definitæ non erant, sed ab arbitrio pendebant judicum, qui de inofficioso cognoscebant, quorum erant merita exhæredati perpendere, l. 3. §. si emancipatus. §. cont. tab. Val. Max. lib. 7. c. 8. Justinianus ex arbitrariis eas certas fecit, & nominatim Nov. 115. c. 3. complexus est ad quatuordecim: cumque antea etiam, simpliciter exhæredatione facta, permittum esset hæred. instituto allegare & docere ingratitudinem, idem Imp. primum hæc tenent mutavit, ut non aliter liceret hæredi ingratitudinis quæstionem movere, quam si testator expressè addisset, h. ideo filium exhæredare, quia fuerit ingratus l. omnimodo. 30. in pr. C. hoc tit. Postea ne hoc quidem satis ei visum, sed insuper voluit, testatorem justam aliquam ingratitudinis causam, & saltem unam ex illis, quas ipse recenset, testamento exprimere, imposito quoque hæredi onere elogium probandi, cum olim ita jus esset, ut nisi hæres ultro probationem suscepisset, causam aliquam certam allegando, (quo refert l. 22. & d. l. 30. C. eod.) ipsi liberi docere tenerentur, se morteros atque obsequentes semper fuisse, l. 1. §. 1. eod. l. liberi. 28. C. eod. Hinc duplex exorta quæstio 1. An nullas ob causas, quantumvis pares aut majores, quam quæ d. Nov. 115. c. 3. expressè sunt, exhæredatio permittenda? 2. Utrum si exhæredatio facta sit sine elogio, id est, sine causæ expressione, testamentum ex d. constitutione ipso jure nullum sit, & jure adhuc subsistat, atque ad illud rescindendum querela etiamnum sit opus? Primam quæstionem quod attinet, quamvis sententia Connani lib. 9. comm. 10. Viglii ad §. ult. sup. de exhar. lib. aliorumque, qui eos sequuntur, negantium, ob alias causas, licet æquè graves aut graviore, exhæredationem fieri posse, verbis d. Nov. convenire videatur? tamen mihi persuadere non possum, eam fuisse mentem



rem Justiniani, quam illi esse censent; & summa ratio suadet, ut contra sentiam. Etenim si, verbi gratia, manus parenti filius ipse non intulerit, secundum d. Nov. cap. 3. §. 1. sed inferre passus sit, cum facile prohibere posset; idemque finge de injuria, §. 2. Patrem ipse non accusaverit, juxta §. 3. sed accusationem instruxerit, juverit pretio, consilio, probationibus. Infidiatu ipse patri non sit, §. 4. infidias autem, cum posset, non detegerit. Falsum testimonium ipse non dixerit, sec. §. 8. at qui dicerent, subornarit. Quid si chorum fratris violare ausus sit? Quid si leprocinio palam quæstum faciat? &c. Quis hæc aut atrociora filium patræntem dignum neget, qui fulmine feriatur exheredationis? At, inquis, odiosa est exheredatio, ac proinde interpretatione non est adjuvanda, l. cum quidam. 19. de lib. & post. cap. odia. 15. de reg. jur. in 6. Immo contra vel magis odiosum patrem cogi, ut impio & indigno filio bona sua relinquat. Equidem concedo, ubi de hypothesi queritur, de scriptura testamenti, de facto exheredati, de voluntate exheredantis, cum similibus, exheredationem adjuvandam non esse: cæterum ubi dæmonis de legis vi atque interpretatione disputatur, hoc semper legibus inesse ex mente conditorum credi oportet, ut quia omnes casus, qui quandoque incidere possunt, comprehendere nequeunt, ad eas quoque res & causas pertineant, quæ quandoque similes erunt, l. 10. cum 3. seqq. l. ideo. 27. de legib. Neque hinc excipiuntur leges poenales: nam & illæ utique leges sunt; & obvia passim responsa Jurisconsultorum, etiam leges publicorum iudiciorum ad hunc, quem diximus modum, interpretantium, l. 11. de pen. l. 13. de testib. l. 7. §. 2. de jurisd. l. 7. ad leg. Jul. maj. §. 3. Tuld. 2. jurispr. extemp. cap. 5. pag. 202. ubi distinguit, utrum par & eadem sit ratio, an similis tantum, l. 3. de leg. Pomp. l. 2. §. 28. & seqq. ad Tertull. junct. l. ult. §. ult. qui pet. tut. l. 8. de sepulcr. viol. l. 1. de aleat. Dixeris, hoc admissio, Imperatorem non assequi scopum suum, sed causas adhuc incertas manere, nec quatuordecim tantum, sed infinitas esse. Respondeo, ex his constitutionis verbis, ut præter ipsas nulli liceat ex alia lege ingrætitudinis causas opponere, nisi quæ in hujus constitutionis serie continentur, satis patet, quis Justiniano scopus propositus fuerit. Horum enim verborum non alius sensus, quam quod non liceat ex legibus antiquis causas opponere, quæ in d. constitutione non continentur. At tales causæ non sunt, quæ vel majores sunt, vel pares expressis, sed leviores

Tom. I.

dumtaxat, aut dispares: quippe cum de similibus semper ut de expressis habendum: facit huc c. 1. §. 2. vers. sed quia natura. l. 2. feud. tit. 24. que fuit prim. ca. bon. amitt. Atque hæc sententia etiam communis est, usque apud omnes recepta DD. in autb. non licet. C. de lib. præst. Clar. §. testamentum. quæst. 41. n. 2. Gomez. 1. ref. 11. Schneid. bic n. 15. Gudelin. lib. 2. de jur. noviss. cap. 8. Christin. vol. 4. dec. 19. n. 15. Grot. lib. 2. manud. cap. 18. ubi notat, in his regionibus illud quoque semper obtinuisse, ut filia minor 20. annis nubens citra consensum patris aut matris ab eodem patre aut matre ob hanc causam exheredari possit: convenit art. 25. cap. 2. statut. Zeland. In altera quæstione numero vincunt qui ad validitatem testamenti negant sufficere exheredationem simplicem seu factam sine causæ insertione, & ad hoc omnino requirunt qualificatam: quod si verum est, nullus usus querelæ relinquatur in linea recta, præterquam unico casu, cum exheredationi aut præteritioni additum est elogium: quæ sententia fuit Joannis, relata à Glossa in l. 5. hoc tit. probata plerisque interpp. in autb. ex causa. C. de lib. præst. Clar. d. §. testam. quæst. 40. Gomez. d. c. 11. Covar. inc. Raynutius. p. 1. n. 7. c. 16. Wesemb. par. hoc tit. n. 7. & novissimè latè defensa à D. Bachovio bic. Cæterum ut pluribus hæc sententia placeat, non desunt tamen, qui eam taxent, ut constitutioni Justiniani minimè consentaneam: & sanè non immerito, meo quidem iudicio. Nam qui diligenter eam constitutionem volet, comperiet ex tenore, Imperatorem non agere de iis, quæ ad internam testamenti solemnitatem ritumque exheredationis pertinent, sed de causis, ob quas facta exheredatio justè vel injustè facta intelligatur: at injustitia exheredationis non vitiat testamentum ipso jure. Et vide quæso, quæ isti sententiæ sint consequentia. Efficitur ex ea, ut testamentum nullum sit, etiamsi præteriti sint liberi emancipati; etiamsi præteriti sint liberi sine elogio, qui numquam in potestate fuerunt, ut posthumi exheredati natiuitate rumpatur testamentum, & infantium atque adeo imuberum fere omnium exheredatio nullius momenti sit: denique ut tantum non liberi matribus, parentes liberis sui hæredes fiant. Atque ita deletur bonorum possessio contra tabulas: deletur §. in emancipatos. 3. item §. sed hæc quidem. 5. & §. ult. sup. de exher. lib. delentur maxima ex patre tit. Pand. C. & Instis. de inoff. test. item l. ult. C. de lib. præst. Quis verò credat, tot capita juris veteris à Justiniano tacitè abrogata, qui

Q99

num-



numquam solet quicquam ex jure veteri mutare, nisi cum expressa mentione ejus juris, quod abrogare constituit, & commendatione novi? Refragantur enim verba *d. constitutio- nis. c. 3. citra fin. & cap. 4.* ubi cum jussisset Imperator, si exhæredatio aut præteritio facta esset cum elogio, idque elogium probassent hæredes, firmum manere testamentum, sive, ut est in authentico, *ἢ τῷ ἰδίῳ ἰσχύϊ διαμύσει, τὴν ἰδίαν ἔχει ἰσχύϊ*, subjicit, si hoc observatum non fuerit, testamentum irritum reddi atque everti: utitur enim verbis *ἀλυτῶσθαι & ἀνατρέπεσθαι*, quæ de iis tantum prædicari constat, quæ ab initio constituerunt; & quod notandum, everti non in totum, sed quoad institutionem dumtaxat, cætera capita firma manere. Ergo in totum ab initio subsistit. At quo remedio evertetur? Non alio haud dubie, quam querela inofficiosi, quæ una exhæredatis supererat. Arguit hoc accurata illa causarum ingratitudinis, de quibus in querelæ judicio agitur, definitio, quæ causam novæ constitutioni dedit. Ad hæc si dicimus, liberis omnibus sine eloquio exhæredatis aut præteritis, testamentum potestate d. constitutionis nullum esse, non liberis tantum consulumus, sed extraneis etiam defuncti legitimis hæredibus: quippe apud quos tum, liberis aut repudiantibus, aut ante parentem, aut priusquam hæreditatem adierint, mortuis, hæreditas defuncti ab intestato perventura sit, exclusis scriptis hæredibus, qui alioqui ex testamento iisdem rebus intervenientibus venturi essent. Justinianus autem liberis dumtaxat prospicere voluit, ne his noceret exhæredatio, non consulere aliis contra scriptos testamento hæredes. Postremo, ut ex dictis liquet, non fuit ei propositum tollere inofficiosi querelam, sed proniorem atque expeditiorem ei viam facere: utique potissimum rei afferre remedium, ne scilicet liberi exhæredati aut præteriti ob difficultatem probandi semper officiosos fuisset, parentum hæreditate exciderent. Cum ergo duplicem effectum exhæredatio jure veteri habeat: unum hunc, ut absolvat internam testamenti paterni solemnitatem, ut nullum sit ob præteritionem, ad quod sufficit ritè factam esse, etiamsi injusta sit: alterum ut exhæredatum submoveat ab hæreditate, ad quod insuper exigitur, ut facta sit justis de causis: posterioriorem effectum tantum Justinianus restringere voluit, priori in suo statu relicto. Sive igitur nulla causa à testatore expressa sit, sive aliqua, quæ tamem non sit ex iis, quæ *d. Nov. 115. c. 3.* continentur, aut ex iis quidem, sed in cujus probatione hæres deficiat, utili-

ter & cum effectu exhæredatus de inofficioso hodieque aget, & postulabit, ut testamentum rescindatur, resque redigatur ad causam intestati. Idemque erit, si liberi præteriti sint ab iis scilicet parentibus, quorum præteritio pro exhæredatione est, ut matris & avi materni, licet causa adjecta non sit: & falsum est, quod plerique pro vero nobis obtrudunt, præteritionem maternam pro exhæredatione amplius non haberi, sed ex hac causa æquè nullum esse testamentum, ac si pater præterissset, nisi præteritioni addita sit causa ingratitudinis: necessitatem quodammodo exhæredandi contrarationem juris illic introducentes, ubi non est sultas, *l. 11. de lib. & posth. l. 4. §. 2. cont. tab.* Ita concludimus cum Fulgos. & Don. *in d. auth. ex causa.* Vigl. *ad rubr. bic.* Duar. *c. 3. ad hunc tit.* Cujac. *ad Nov. 18.* Fachin. *4. cont. 6.* Valq. *lib. 2. de succ. creat. §. 20. n. 162. & seqq.* Perez. *ad Cod. de lib. præter. n. 13.* Gudel. *lib. 2. de jur. nov. c. 4.* Atque ita in utraque Curia Hollandiæ judicatum refert Neostad. *dec. sup. sen. 99.* contra quam Curia Frisicæ apud Sand. *lib. 4. tit. 2. def. 2.* Argumentis, quæ pro contraria sententia afferuntur, ex his, quæ dicta sunt, nullo negotio occurrere potest: & sunt pleraque ex eorum genere, quæ Græci *ἀντιρροποντα* vocant, id est, quæ in ipsos auctores retorqueri possunt. Postremo minimi pretii sunt, quæ illi putant esse maximi, quale est, quod sexto loco adducit Bachovius, frustraneam ajens esse eam actionem: in qua auctor non potest succumbere, &c. Ergo frustra est, quod posthumus aut infantibus exhæredatis, §. 2. *inf. l. si quis 33. §. 1. C. hoc tit.* item ex constitutione Justiniani *l. omnimodo. 30. C. eod.* liberis omnibus exhæredatis, non addito, quia ingrati fuerunt, actio de inofficioso datur: quoniam numquam non possunt vincere? Considerare debuerant, non frustra esse, quod leges testamentum consistere volunt, ut saltem iis casibus, quos modo commemoravi, incidentibus, voluntas defuncti exitum habeat. Ejusdem ponderis est argumentum, quod Bachovius producit vice corollarii, nempe legitimam relinquendam esse liberis titulo institutionis. Ne sit relicta isto titulo, an propterea sequitur testamentum ipso jure nullum esse? Sed de eo supra inferius. In hisce regionibus passim necessitatem exhæredandorum liberorum, si hæredes non instituantur, non agnoscimus: utpote quæ suorum tantum hæredum propria est, quales hæredes nos non habemus, sed præterito non matris tantum, verum etiam patris pro exhæredatione habetur, exemplo militarium testamentorum,



rum, §. sed si. 6. sup. de exb. lib. Intelligo, ut ipso jure valeat testamentum, non quia tanquam inofficiosum rescindi possit, & res ad causam intestati pronuntiatione judicis redigi. Nam querelam inofficiosi modis omnibus etiam nos retinemus, si iniquè & contra officium pietatis exhæredatio facta proponatur, vide Gudelin. l. 2. de jur. noviss. cap. 5. Grot. l. 2. manud. ad jurispr. Bar. c. 18. Christian. vol. 4. dec. 20. n. 8. Groen. de ll. abrog. hic.

*Inductum est*) Verbum inducere plurimum refertur ad jus non scriptum, aut ad id jus, quod ex interpretatione prudentum profluxit, l. 2. §. 5. de orig. jur. l. de quibus 32. de legib. l. Gallus 29. de lib. & post. l. 2. de vulg. & pup. Unde existimare licet, querelam inofficiosi testamenti non lege aliqua scripta introductam esse, sed moribus, aut, quod probabilius est, interpretatione consultorum. D. Cujacius lib. 2. obs. 21. ex lege Glicia eam deducit: sed hoc ideo probabile non est, quoniam nullis certis personis nominatim potestas experiendi hoc judicio concessa fuit, l. 1. hoc tit. à lege autem si foret, certæ personæ expressæ essent, quibus hæc actio competeret. Ad hæc si lex aliqua de hoc judicio lata esset, nihil opus fuerat, colorem aliunde querere, cujus prætextu testamentum quasi ab homine non sanæ mentis factum everteretur: quippe quod tunc vigore, & auctoritate solius legis rescindi oportuerat. Color autem iste dubium non est quin inventus atque excogitatus sit ab iis, à quibus alia id genus commenta & fictiones omnes manarunt, hoc est, à Jurisconsultis. Denique si lege aliqua hoc judicium constitutum esset: procul dubio mentionem illius legis fecisset Valer. Max. lib. 7. cap. 7. VINN. Adde, quæ eam in rem disputavimus in Antiq. Rom. lib. 2. b. t. §. 5. p. 560. edit. nov. Nam in priore sequuti eramus sententiam summi Cujacii. HEIN.

*Ut de inofficioso agere possint*) Pro eodem Jurisconsulti dicunt, agere, queri de inofficio, arguere, accusare, dicere inofficiosum; quæ legentibus passim in tit. hujus argumentis occurrunt, ut & nomina querelæ, actionis, accusationis: nullo tamen nomine frequentius hoc judicium designatur, quàm querelæ. Estne ergo querela & ipsa actio, an remedium aliquod ab actione separatum, sive exploratio tantum officii judicis nobilis, ut loquuntur, eo pertinens, ut testamentum rescindatur, quo rescisso demum agi & hæreditas peti possit? Non est, quod dubitemus affirmare, quot tot locis manifestè traditum est, querelam ipsam actionem & petitionem, per-

que eam sic impugnari testamentum, ut simul vindicetur hæreditas. Qui dicit inofficiosum, eum Papinianus ait hæreditatem petere, l. 8. §. quoniam 8. hoc tit. Scævola petitionem hæreditatis exercere, l. qui de 20. eod. Paulus l. eum qui 22. §. ult. eod. ait, per querelam inofficiosi evinci hæreditatem. Ulpianus vindicari facultates, l. si instituta 27. §. 3. eod. Triphonius l. pen. in fin. cont. tab. filium exhæredatum ex causa querelæ inofficioso movendæ admitti ad petitionem hæreditatis. Justinianus, hæreditatis petitionem ex nomine de inofficioso constitui, l. si quis 34. C. eod. Unde quoque est, quod is, qui querelam moturus est, agnoscere debet bonorum possessionem litis ordinandæ gratia, l. 6. §. ult. l. 7. l. 8. in pr. eod. l. 2. C. eod. Hoc enim non alio pertinet, quàm ut is, qui ex causa inofficiosi hæreditatem petit, hæres esse videatur: quamquam in suis hæc possessio non est necessaria, d. l. 7. uti nec aditio, l. 14. de suis & legit. de quo consule Vigl. in rubr. §. 2. hoc tit. Duar. cap. 8. ad hunc tit. Govean. 1. var. lect. c. 5. Vasq. lib. 3. de succ. resol. ad l. 2. C. eod. Vaud. 2. quæst. 24. Don. 19. com. cap. 3. Interpretes comm. & cum his Sichard. in rubr. C. hoc tit. num. 3. existimant, querelam esse judicium præparatorium, quo aditus patefiat ad judicium universale seu petitionem hæreditatis, sicut actio ad exhibendum præparatoria est rei vindicationis: atque ita duo hæc esse judicia, quorum alterum, scilicet querela, præcedebat, alterum, petitio hæreditatis, sequatur: quod falsum est? Nam ipse titulus inofficiosi causa est, ex qua vindicatur hæreditas, l. 3. C. de pet. her. neque duo hæc judicia sunt, sed unum, quo & testamentum impugnatur, & simul petitur hæreditas; sicut per actionem usucapionis rescissoriam & usucapio rescindi petitur, & simul res vindicatur: de quo sub §. 5. inf. de actionib. Planè etsi querela quoque petitio hæreditatis est, in multis tamen differt à petitione hæreditatis simplici, de qua post tit. de inoff. test. in Pand. & C. generalis titulus datur, quæ hæc congerere nimis longum foret. Duo solùm argumenta refellam, quibus effici videtur, querelam inofficiosi hæreditatis petitionem non esse. Primum tale est. Petitio hæreditatis datur solùm adversus eum, qui cum hæres non sit, pro hærede prove possessore possidet, nunquam adversus hæredem, eumve, qui pro hærede sit, bonorum scilicet possessionem aut fideicommissarium, l. 9. cum seqq. de her. At querela datur adversus hæredem scriptum contra fideicommissarium, l. 1. C. hoc tit. contra præteritum, qui



accipit bonorum possessionem contra tabb. l. pen. *cont. tab.* Respondeo, scriptum testamento inofficioso hæredem, hæredem non esse, utique cum eo agi, tamquam qui hæres non sit, utpote scriptus ab eo, qui testamenti factionem non habuisse judicatur, l. qui *reputantis* 17. §. 1. *hoc tit.* & proinde eum tene-ri, qui pro hærede aut pro possessore possideret, ut disertè rescriptum est de eo, cui ex testamento inofficioso restituta est hæreditas, l. 1. *C. eod.* Alterum est hujusmodi. Omnis petitio hæreditatis aut ex testamento sit oportet, aut ab intestato, l. 2. & 3. *de her. pet.* querela autem inofficiosi ex neutra causa est: non ex testamento, quia datur iis, qui testamento exclusi sunt: non ab intestato, quia quamdiu testamentum extat, causæ intestati non est locus, l. *quamdiu* 39. *de acq. her.* Sed patet ex responsione ad objectionem præcedentem, querelam inofficiosi esse petitionem quamdam hæreditatis ab intestato, quia præ-tenditur color dementiæ testatoris; uti & re-vera si iudex contra testamentum pronuntia-verit, res ad causam intestati redit, retroque versus perinde omnia habentur, ac si hæredi-tas numquam adita fuisset, l. 6. §. 1. l. *eum qui* 21. §. 2. *hoc tit.* Stet igitur hæc sententia, querelam etiam ipsam esse actionem, & nimi-rum speciem quamdam petitionis hæreditatis, qua vindicatur hæreditas tamquam ab intesta-to deleta ex causa inofficiosi testamenti; cum qua sententia fere vi ipsa convenit, quod Jo. Fab. & alii hic notant, posse querelam cum petitione hæreditatis cumulari. Obiter addo, & per modum contradictionis seu exceptionis querelam induci posse, veluti si exhæredatus sit in possessione hæreditatis, & hæres scrip-tus hæreditatem petat, l. 8. §. *si filius* 13. *eod.* adeoque liberum etiam esse exhæredato, sim-plici petitione hæreditatis experiri, deque ti-tulo excipienti reponere, se queri de inoffi-cioso, atque ita querelam inducere per mo-dum explicationis. Paul. 4. *sent.* 5.

*Aut iniquè se exhæredatos, aut iniquè præteri-tos* Rursus hæc duo conjungit, exhæredare & præterire, ut paulo ante & Marcell. l. 3. *eod.* nimirum quia non exhæredatis solum, sed etiam præteritis de inofficioso agere licet; præ-teritis scilicet ab iis parentibus, quorum præ-teritio vim exhæredationis habet. Et igitur horum alterum, *exhæredatos*, nemo est, qui non videat ad patrem referri, alterum, *præ-teritos*, ad matrem & avum maternum. Quod ideo iterum hic moneo, ut appareat, nullam esse causam, cur interpp. vulgo ex eo, quo *auth. ex causa, C. de lib. præ.* generaliter &

indefinitè ab Irnerio concepta est hoc modo, *Ex causa exhæredationis vel præteritionis irritum est testamentum, quantum ad institutionem; cæte-ra namque firma manent*, collegerint, id jus ad præteritionem quoque paternam pertinere, ut quamvis tale testamentum ab initio nullum sit, etiam jure novo, tamen hoc jure dum-taxat nullum esse quoad institutionem, non quoad cætera capita, puta legata, libertates, dationem tutorum: atque hæcenus etiam in proposito jus vetus mutatum, l. 1. l. *filio* 17. *de injust. rupt. cum similib.* Etenim animadvertere debuerant, Justinianum in *Nov. 115. c. 3.* unde dicta *auth.* sumpta est, non aliter loqui, quàm hoc ipso loco. Sancit enim, non licere patri vel matri liberos suos exhæredes facere aut præterire, nisi forsan probabuntur ingra-ti, &c. quæ prædicata propriis subjectis attri-buenda sunt, ut exhæredes facere non liceat patri, matri non liceat præterire; quemad-modum hoc loco alterum propriè ad patrem, alterum ad matrem referri constat. Liqueat hoc ex eo, quod d. *Nov. c. 5.* aperte profertur, hoc solum sibi propositum esse, ut injuriam exhæredationis & præteritionis à liberis aver-tat. Jam verò injuria ea propriè est, quæ vel exhæredatione vel ea præteritione infligitur, quæ vim exhæredationis habet, l. 8. *in pr. her. tit. l. 4. vers. quod si fuisset, circa med. C. de lib. & præ.* Præteritis à patre cum effectu non inferebatur injuria; quippe qui testamentum nullum dicebant: exhæredatis & à ma-tre præteritis inferebatur: quæ etsi vindicaba-tur iudicio de inofficioso, tamen si legitima portio quovis titulo relicta fuerat, quantumvis liberis obsequentissimis, injuria illa ma-nebat. Cui rei occurrere voluit Justinianus, atque ea de causa constituit, ut non suffice-ret in posterum ad excludendam querelam, leg-itimam quolibet titulo relictam esse: sed ne-cesse esset, liberis vel hæredes institui vel ex-hæredari. Cæterum quia illata per exhæreda-tionem aut præteritionem injuria satis tolli-tur rescissa institutione, sufficere etiam ei vi-sum fuit, institutionem solam rescindi, sal-vis cæteris capitibus, cum olim querela om-nia rescinderet. Nihil hoc pertinet ad præ-teritionem paternam, ex qua causa testamen-tum aut ab initio nullum est, aut rumpitur agnatione sui hæredis, aut per bonorum pos-sessionem contra tabulas evertitur; neque ad eam produci sine insigne liberorum læsione potest. Atque hanc sententiam Azoni & ple-risque veterum probatam fuisse, testatur Jass. in d. *auth. ex causa, num. 1.* sequitur Cujac. in l. *filio* 17. *de injust. rupt.* Govean. in l. 1. *de*



vulg. & pup. num. 27. Vvesemb. ad §. 5. sup. de exher. lib. diff. vulgo DD. & ex recentioribus Duar. in tit. de injust. rupt. cap. 3. Don. in d. auth. num. 6. & 7. Connan. 9. comm. 8. Sunt, qui interesse existimant, utrum præteritio ignoranter à patre facta sit, an scienter: illo casu tamen testamentum corrumpere, nisi adjecta sit clausula codicillaris; hoc autem si ve posteriore casu legata & fideicommissa firma manere: quæ sententia à præjudiciis curiarum supremæ jurisdictionis robor accepit, Ant. Fab. C. suo de lib. & post. defin. 1. Christin. vol. 4. dec. 9. & probatur D. Tuldano in comm. hic, c. 1. Cæterum vide, quæ sup. n. 5.

*Hoc colore quasi non sana mentis fuerint* L. 2. l. 5. §. 1. l. Titia 13. eod. ac proinde quasi testamenti factionem non habuerint, l. qui repudiantis 17. §. 1. eod. Unde etiam est, quod cum contra testamentum pronuntiatum esset, nihil ex eo testamento valebat, l. 8. §. pen. d. l. Titia 13. l. cum mater 28. eod. Quæsitus autem hic color fuit, ne sani hominis testamentum impugnari videretur contra auctoritatem legis duodecim tabb. quæ liberam undequaque potestatem testandi patrifam. concedit, l. verbis 120. de verb. sign. Maximè autem liberis hoc colore iniquitatem exhæredationis tegere convenit ob verecundiam. Bartolus in d. l. Titia 13. putat, colorem istum dementiæ jam non amplius prætexi posse, quia demens videri non potest, qui filium ex justa causa exhæredat: præsupponit enim, non aliter querelæ locum esse. Sed ut ita sit, quid si falsum sit elogium? quod præsumitur, si ab hærede non probetur. Numquid falsam causam obicere filio immerenti contra officium pietatis prope furiosi hominis esse videtur? Planè dicendum hodie est, colorem istum furoris tantum prætendi ad rescindendam institutionem, quod testamenti principale est, cum cætera capita tamquam à sano homine facta beneficio novæ legis conserventur, d. auth. ex causa. Ita contr. Bart. Viglius & Myns. hic disputant. VINN. Quum ipse Vinnius fateatur, quæsitum fuisse hunc colorem, ne sani hominis testamentum contra auctoritatem legis XII. Tab. impugnari videretur: consequens omnino esse videtur, ut is color hodie cesset. Olim licebat parentibus impune liberos & præterire, & exhæredes scribere: nullaque prodita erat actio, qua liberi testamenta paterna impugnarent, quamvis iniquissimè essent hæreditate exclusi. Id quum durum videretur JCtis, callidè reperere modum juvandi injustè exhæredatos. Quum enim furiosorum testamenta non valerent, impugnabant tabulas

tam inhumani parentis, tanquam ab homine emotæ mentis factas: eam autem dementiam colligi posse existimabant ex filii morigeri exhæredatione vel præteritione. Si itaque colore illo opus fuit, quia nulla actio legibus prodita erat: hodie sanè eo non erit opus, postquam hæc querela legibus probata est. HEIN.

*Non quasi verè furiosus sit*) Cujus testamentum inofficiosum arguitur, quasi demens, non verè demens dicitur, l. 2. l. 5. §. 1. hoc tit. nam qui filium immerentem exhæredat, patrem qui præterit, prope à furioso abesse fingitur, eo quod non sentiat, sibi se esse injuriam, cum liberis aut parentibus injuriam facit. Quod verò testamentum à verè demente factum est, id inofficiosum accusari non potest, quia nullum est, factum quippe ab eo, qui testamenti factionem non habet: ac proinde hoc non attento, re facta succeditur ab intestato.

*Non ex officio pietatis*) Καὶ αὐτῆς τῆς φύσεως σχεδὸν ἐξελθὼν ἀπώλεσε τοὺς πατέρας, τὸ φιλοσοφῶν, τὸ ἡμέρον, &c. Ipsorumque deserens naturam exuit nomen patris, &c. quod prope à furore abest.

## TEXTUS.

## Qui de inofficioso agunt.

1. *Non autem liberis tantum permittitur, testamentum parentum inofficiosum accusare, verum etiam liberorum parentibus. Soror autem & frater turpibus personis scriptis hæredibus, ex sacris constitutionibus prelati sunt. Non ergo contra omnes hæredes agere possunt. Ultra fratres igitur & sorores cognati nullo modo aut agere possunt, aut agentes vincere.*

## NOTÆ.

1. *Inofficiosum accusare*) Pro eodem dicunt nostri, agere, queri de inofficioso, arguere, accusare, dicere inofficiosum. Una autem eademque actione & rescindi testamentum petitur, & vindicatur hæreditas tamquam ab intestato, l. 8. §. 8. l. 20. l. 21. §. ult. l. 27. §. 3. eod. Cujac. par. C. eod.

*Etiam parentibus*) L. 3. eod. quippe quibus turbato ordine mortalitatis, non minus, quàm liberis piè relinqui debet, l. 25. eod. l. 7. §. 1. si tab. test. Datur autem querela non patri solum, sed etiam matri, d. l. 3. l. 14. & seq. eod. nec interest, exhæredati sint, an præteriti, dummodo injustè. Nam ex justa causa, una illarum octo, quæ enumerantur Nov. 115. cap. 4. cum effectu exhæredari possunt, modo exhæredationi addatur elogium.



Soror & frater) Hebræorum jure uterini pro fratribus non habebantur. Mos. Maimonid.

Aut agentes vincere) Si tamen egerint, & nemine eos repellente obtinuerint, prodest eorum victoria proximis ab intestato, l. 6. §. 1. eod.

COMMENTARIUS.

- 1 Qui liberi de inofficioso agere possint?
- 2 Cur placeat etiam parentibus querelam dari, & quibus quando detur?
- 3 Contra rationem juris tam veteris, quam novi, esse videri, quod statim post liberos ad querelam admittantur parentes; quam difficultatem pauci cernant.
- 4 An jure novissimo fratres una cum parentibus ad querelam admittendi, aut illis saltem profici horum victoria?
- 5 An fratres uterini hodie cum consanguineis concurrere debeant, aut his vincantibus illi quoque ad successionem ab intestato venire?
- 6 An spurii in questione proposita pro turpibus personis habendi?

**N**on autem liberis tantum) Querela inofficiosi testamento primo competit liberis: & merito, quoniam prima eorum causa est in successione ab intestato: utpote quibus ratio naturalis, quasi lex quædam tacita, parentum hæreditatem addicit, velut ad debitam successionem eos vocandos l. 7. de bon. damn. daturque liberis omnibus emancipatis, quædam sexus aut gradus sint, & tam emancipatis, quàm in potestate constitutis, l. 7. hoc tit. l. 8. in pr. cont. tab. item qui numquam in potestate fuerunt, §. ult. sup. de exher. lib. tam adoptivis, quàm ex nuptiis questis: servata tamen distinctione, l. pen. C. de adopt. In impubere arrogato speciale est, quod queri non potest, quia quartam habet ex constitutione D. Pii l. 8. §. si quis 14. hoc tit. Datur & legitimatis per §. 2. inf. de hæ. quæ ab int. Nov. 89. Datur non tantum liberis jam natis, verum etiam posthumis, & tam alienis, quàm suis, l. 6. in pr. eod. §. seq. in fin. ubi plura. Illud pene supervacuum monere, querelam competere iis liberis dumtaxat, qui jus succedendi habent: nam qui non habent, cum iis neque legitima debeat, de inofficioso queri non possunt. Proinde liberi illegitimi, sive vulgo questis, sive nati ex concubina patris, testamentum inofficiosum non dicunt: de matris autem agere possunt, l. si suspecta 29. §. 1. eod. vid. Bart. Salic. Castr. in l. pen. C. ad sen. Orfic. Ex privilegio est, quod de inofficioso testamento militis nemo queri po-

test, l. Papinianus §. si quis 4. l. si instituta 27. §. 2. eod. l. 9. l. testamentum 24. C. eod. DD. plerique in d. l. 9. tradunt, hodie etiam militum testamenta querelæ esse obnoxia, & ita usu servari. Autumn. ibid.

Liberorum parentibus) Post liberos secundo loco querela datur parentibus. Nam etsi parentibus non debetur filiorum hæreditas propter votum parentum & naturalem erga filios charitatem; turbato tamen ordine mortalitatis non minus parentibus, quàm liberis piè relinqui debet: ut benè & piè Papinianus in l. nam etsi 15. hoc tit. Id autem hanc habet sententiam: etsi naturæ ordo parentumque affectio & votum hoc sit, ut liberi supervivant & succedant parentibus, atque idcirco non sic parentibus, quos sola ratio miserationis admittit, liberorum debeat hæreditas, uti liberis parentum, quos admittit naturæ simul & commune parentum votum, ut idem Papinianus scribit in l. 7. §. 1. unde lib. tamen turbato ordine mortalitatis, id est, si contingat liberos prius ex hac vita evocari, & præpostera atque immatura morte abripi, vivis adhuc parentibus, rationem pietatis seu miserationis exigere, ut ne parentes à luctuosa liberorum suorum hæreditate excludantur. Ex quo porro intelligimus, contra officium pietatis facere liberos, qui parentes suos sine causa exhæredant aut prætereunt; atque ob eam causam parentibus quoque actionem, de inofficioso dari. Datur autem parentibus itidem omnibus sive masculis sive foeminis, l. 1. l. 14. & seq. eod. l. cum filium 17. C. eod. qui modo ad successionem liberorum vel legitimo jure vel honorario ventu i fuissent; de quo statuendum ex iis, quæ de liberis dicta sunt. Exhæredati sunt parentes, an præteriti, nihil interest: nam hæc in linea ascendentium & collateralium non differunt. Cæterum ut effectum habeat exhæredatio aut præteritio, tutumque sit testamentum ab expugnatione, cum elogio hic quoque faciendum est, & vel una saltem ex causis, ob quas parentes exhæredati aut præteriti permittit Justinianus, testamento inferenda, Nov. 115. c. 4. Causæ autem hujusmodi admixtæ octo tantum, quæ ordine enumerantur d. c. 4. §. 1. & seqq. Nimirum pauciores hic causæ sunt, quàm in liberis, propterea quod parentibus multa conceduntur in liberos, quæ à liberis in parentes commissæ pœnam merentur. Illud difficultate non caret quod parentes statim post liberos ad querelam admittimus, sive veteris juris rationem consideramus, sive novi Justiniani. Nam ante novellam Justiniani legem fratrum prior



atque potior in querela, quàm parentum causa fuisse videtur, *arg. l. 4. C. de bon. que lib. l. 2. C. ad Tertull. l. ult. C. comm. de succ. pr. sup. quib. non est perm. fac. testam. vers. si vero.* quibus locis ad successiorem ab intestato demum post fratrem vocari legimus. Jam verò ratio juris postulat omnino, ut quo quisque ordine ad successiorem à lege vocatur, eodem ordine admittatur ad querelam, per quam res ad causam intestati redigitur; quo enim quisque potiore jure est in causa successiõnis, eo majorem hæreditatem aut præteritum patitur injuriam. Fac ergo, verbi causa, Titium, cum patrem & fratrem haberet, utroque præterito hæredem instituisse in bonis castrensis: quid tam absurdum est, quàm si dicamus, patrem solum queri de inofficioso posse, exclusoque fratris hæreditatem consequi, ad quam testamento non factò solus frater venisset excluso patre? *d. pr. vers. si vero. sup. quib. non est perm. fac. testam.* Ego non dubito, quin à posterioribus Principibus istud constitutum sit, non animadvertendus, quæ inde consequutura esset veteris juris perturbatio. Nam si de jure, quod in Pand. relatum est, quaratur, filiusfam. hæredem ab intestato habere non poterat, sed pater jure peculii bona, quæ filii fuerant, (alia autem quàm castrensia & quasi castrensia non erant) occupabat, *l. 2. l. de castr. pec.* Quod si filius de his bonis, quod ipsi permissum erat, testamentum fecisset, id testamentum querelæ non erat obnoxium; atque id jus etiam Justinianus confirmavit, *l. ult. C. hoc tit.* Cæterum sustulit *Nov. 115. cap. 4. in pr.* ut verba illa, in quibus habent testandi præsentiam, manifestè ostendunt. In successione autem filii emancipati pater manumissor præferebatur defuncti fratribus, & omnino jure patris potior erat, ut mirum non sit, in querela quoque fratribus prælatum fuisse: quæ omnia à me copiosius tracta sunt sub §. ult. *vers. de leg. agn. success.* Mater ex Senatusconsulto Tertulliano ad legitimam hæreditatem liberorum vocata fuit, ita tamen, ut fratres consanguinei matrem excluderent, §. 3. *inf. de sen. Tertull.* Unde sequi videtur, eos etiam ad querelam ante matrem admissos fuisse. Nil tamen definit. Novissimo jure, postquam admitti ad hæreditatem, *Nov. 118. cap. 2.* dendum videtur, etiam simul eos cum parentibus admitti ad querelam: aut si hoc minus placet, dicam, fratres saltem admittendos parente repudiante, utique si turpis persona instituta sit: quippe cum tunc ex sua persona pater querelam movere possit. Utur, illud

extra controversiam positum esse debet, victoriam parentum fratribus quoque prodesse, cum nulla sit ratio, cur rescisso testamento, & re ad causam intestati deducta, fratres excludantur. Et ita quoque sentiunt Joan. Fabian. Ang. Baro & Mynsig. *hic*, licet aliud Viglio & D. Tuldeno ad *tit. de hæred. que ab int. cap. 8.* videatur, putantibus, hoc pacto fraudem legi fieri: sed falso, cum maximè sit ex sententia legis ut fratres una cum parentibus ab intestato succedant, *d. Nov. 118. cap. 2.* Neque novum est, ut quis aliquid commodi propter tertium percipiat, quod per se ipse non habuisset, *l. cum hæreditate 55. de acq. hæred. l. 10. §. ult. cont. tab. l. 3. in fin. que res pign. dar. l. 10. quemadm. serv. am. l. 5. §. 2. ad SC. Tertull.* Apud nos iis demum in locis parentes ad querelam admittuntur, ubi vocantur ad successiorem: de quo sub *d. tit. de hæ. que ab int. add. D. Coren. observ. 10. n. 8. & seqq.*

*Soror autem & frater) L. 1. hoc tit. l. fratris 21. C. eod.* Fratres autem & sorores hic intelliguntur germani aut consanguinei sive *δμοπάτριοι*; nam uterini ab actione de inofficioso contra testamentum fratris aut sororis penitus arcentur, *l. fratres 27. C. eod.* Hodie verò cum fratres uterini in successione concurrant cum fratribus consanguineis, consequens est, ut etiam in querela cum iisdem concurrant, aut saltem vincantibus illis, simul ad successiorem intestati veniant.

*Turpibus personis) D. l. fratres 27. C. hoc tit. l. 3. C. Theod. eod.* Itaque fratribus querela datur, non simpliciter ut præteritis, se ut postpositis turpi personæ; atque adeo odio scripti hæredis. Cum autem turpis persona definiatur à Constantino, *que vel turpitudinis, vel infamis, vel levis notæ macula aspergitur, d. l. fratres*, quæsitum est de spuriiis; num & illi talium personarum numero habendi? Spurio- rum causam cum DD. comm. defendunt Gabriel Palæot. *tract. de notis spuriiisq. lib. c. 55. & seqq.* Hartm. Pistor. *lib. 1. quest. 30. n. 26. & seq.* D. Tulden. *hic, c. 3.* quia, ajunt, neque jure infames sunt, neque ipsi quicquam admiserunt, quod existimationem eorum lædat apud nos viros: *Crimen autem paternum nullam maculam filio insigere posse, l. crimen 26. de pœn. nativitatem, qua vitio aut culpæ verti nemini potest, pœnæ esse non debere: undecumque homines nascuntur, si parentum vitia non sententur, bonos esse.* Augustin. *cap. undecumque, dist. 56.* Cæterum ut hæc vera sint, negari tamen non potest, quin labes aliqua & macula spuriiis adhæreat, non quidem ex factò sic nascentium,



tium, ceu poena iniusta: sed ex vitio ac defectu natalium contracta: unde eos opprobria per omnem vitam comitantur, quæ nullo modo elui possunt, ut scribit Plutarch. *lib. de educ. lib.* vixque est, ut defendi possit, eum, qui ex vulgiva Venere & improbatâ gentibus omnibus conjunctione natus est, qui nec gentem, nec familiam, nec patrem habet, pro integra & legali persona, ut loquuntur, habendum esse. Qua de re eleganter differit vir doctissimus Arnifæus *lib. 2. de repub. c. 2. sect. 13.* Illud equidem minimè concedo, quod Covar. 2. *de spons. 8. n. 11.* Card. Tusc. *concl. 454. n. 17.* statuunt, meretricem, quæ postea nupsit, pro persona infami habendam non esse, propterea quod præcedens dedecus purgetur matrimonio. Non enim aboletur turpitudine, quæ postea intermittitur, *l. 43. §. 4. de rit. nupt.* utique manet adhuc litura prostituta quondam pudicitia; & at excluduntur à fratre, qui vel levis notæ macula adsparguntur. Pœnitentia quidem & vitæ emendatio abolent delicti notam eorum Deo: at non in hujus sæculi tribunalibus, *l. 65. de furt. l. 5. vi bon. rapt.* Ut autem turpis persona instituta sit; non tamen statim frater ad querelam admittitur. Quid enim si ipse eadem turpitudine, qua hæres scriptus, laboret? Nihil hic habet frater, quod hæredi objiciat, *arg. l. 11. C. hoc tit. l. cum mulier 47. sol. matr.* Removet præterea fratrem & ingratitudo ex tribus causis expressis *Nov. 22. c. 47.* easque causas opponi ab hærede & probari sufficit, etiamsi à testatore objectæ non fuerint. Nihil enim juri veteri in hoc derogatum est. Gudelin. *de jur. nov. lib. 2. c. 8.* VINN. Ast Spurius tamen haud intelligi in *l. 27. C. hoc tit.* singulari disfertatione *de levis notæ macula* demonstrari à nobis meminimus. HEIN.

*Ultra fratres & sorores, &c.*) Cognatos, qui sunt ultra fratrem, Ulpianus in *l. 1. hoc tit.* hortatur, ne se sumptibus inanibus vexent, eo quod in lite de inofficioso obtinere spem non habeant. Ex quo explicandum est, quod Justinianus hic simpliciter ait, eos nullo modo agere posse aut agentes vincere: item quod Dioclet. & Maxim. rescribunt, in *l. fratris 21. C. eod.* neminem eorum qui ex transversa linea veniunt, exceptis fratre & sorore, ad inofficiosi querelam admitti: nimirum non admitti, agere aut agentes vincere, suoque jure testamentum evertere non posse, si exceptio iis objiciatur non competentis querelæ. Planè enim si egerint, & nemine forte eos repellente obtinuerint, testamentum jure rescissum manet, remque proximi ab intestato

auferunt, *l. 6. §. 1. eod.* Similem superioribus quæstionem peperit constitutio Justiniani, *Nov. 118. c. 3.* ubi cum fratribus defuncti ad successiorem admittit fratrum demortuorum filios: de hac autem quæstione idem quod de præcedentibus judicium esto. VINN. Est hoc ex jure novo, investo, ut videtur, postquam portio legitima investa est. Jure enim antiquo & alios agnatos cognatosque remotiores, immo & amicos extraneos inofficiosi querelam instituisse, clarissimè patet ex Valer. Max. *lib. 7. cap. 6. Conf. Antiqu. nostr. Rom. hoc tit. §. 7. HEIN.*

## TEXTUS.

Qui alio jure veniunt, de inofficioso non agunt.

2. *Tam autem naturales liberi, quàm secundum nostræ constitutionis divisionem adoptati, ita demum de inofficioso testamento agere possunt, si nullo alio jure ad defuncti bona venire possint. Nam qui ad hæreditatem totam vel partem ejus alio jure veniunt, de inofficioso agere non possunt. Posthumi quoque, qui nullo alio jure venire possunt, de inofficioso agere possunt.*

## NOTÆ.

2. *Naturales liberi*) Id est, justis nuptiis quæfici: *v. sup. de adopt. in pr.* quibus exæquati & qui postea facti legitimi. *Nov. 89.* Matris autem testamentum etiam spurii inofficiosum dicunt, *l. 29. §. 1. eod.*

*Nostræ constitutionis divisionem*) Adoptati ab ascendente queri possunt, ab extranea persona non possunt. Constitutio est *l. pen. C. de adopt.*

*Alio jure veniunt*) Igitur impuberes adoptati queri non possunt, quia quartam habent ex constitutione D. Pii, *l. 8. §. 15. hoc tit. nec sui nec emancipati præteriti à patre, quia illorum præteritio patrem intestatum facit, h. habent contra tabb. sup. de ex. lib. quam ob causam querela dicitur ultimum adiutorium. l. ult. C. de lib. prat. ἐσχάτη βοηθία. Theoph.*

*Posthumi, qui nullo alio jure*) Ac proinde non aliter quàm si sint exheredati: nam & posthumi sui & quasi posthumi præteriti, agnascendo aut quasi agnascendo testamentum rumpunt: ex filio concepti post emancipationem bonorum possessores efficiuntur, *l. 1. §. 1. l. 3. pr. cont. tab. §. 1. 2. & 5. sup. de exhib. lib.* Cæteri posthumi alieni aliud remedium non habent, *l. 6. hoc tit.*



## COMMENTARIUS.

1. *Quam rationem habeat, quod qui alio jure venire possunt, ad querelam non admittantur?*
2. *Cur parenti manumissori querela datur, cum contra tabulas petere possit?*
3. *Quando posthumis querela necessaria: & num idem adhuc hodie?*

**S**ecundum nostræ constitutionis divisionem) Intelligit constitutionem, quæ extat in l. pen. C. de adopt. cujus crebra in hisce libris mentio, §. 2. sup. de adop. §. 5. sup. de exher. lib. §. 1. tit. prac. §. sed ea. 14. inf. de her. quæ ab int. Significat autem, ex sua constitutione eos dumtaxat liberos à patre naturali in adoptionem datos queri de inofficioso patris testamento posse, qui dati sunt personæ non extraneæ, puta avo aut proavo materno. Illud sæpe monuimus, perpetuum esse in jure nostrò, ut cum liberi naturales opponuntur liberis adoptivis, per eos significantur liberi ex justis nuptiis procreati, l. 1. §. liberor. 6. unde lib. l. 1. §. 2. de suis & legit. sup. de adopt. in pr. §. 2. inf. de her. quæ ab int. quamquam matris testamentum etiam naturales illegitimi, adeoque spurii, inofficiosum dicunt. l. si suspecta. 29. §. 1. hoc tit.

Quia ad hæreditatem, &c. alio jure veniunt, de inofficioso agere non possunt) Hoc, credibile est, introductum esse, ut quoad fieri posset, salvo jure exhæredati ut præteriti existimatione testantium parceretur, quos querela, dum quæsito colore cæcitatem mentis obtendit, revera nec humanè, nec piè fecisse arguit. Estque querela remedium extraordinarium ac subsidiarium; cujusmodi concedi non solet ei, qui communi & ordinario auxilio munitus est, l. in causa. 16. de minorib. Proinde qui testamentum nullum, ruptum aut irritum dicere potest, inofficiosum non dicit; nisi forte justa causa sit dubitandi, an alio remedio æquè cautum sit agenti; tunc enim eligere licet, l. 8. §. si quis. 12. hoc tit. fac. l. 7. §. 3. de dolo. & si quis, exempli gratia, nullum dixerit, nec obtinuerit, non prohibetur postea de inofficioso queri, l. contra. 16. & ibi Sichard. C. eod. Pari ratione liberi emancipati præteriti, quia jure honorario ad bonorum possessionem contra tabulas admittuntur, de inofficioso agere non possunt, l. si ponas. 23. eod. In summa de inofficioso agere non potest, nisi qui omni alio auxilio tum civili tum prætorio destitutus est: quam ob causam querela inofficiosi ultimum dicitur adju-

torium, l. ult. vers. nam cum ultimum. C. de lib. præ. ἐσχάτην ἐκδοῦσα. Theoph. Sed hic jam quæret aliquis, cur igitur patri à filio emancipato præterito querela datur inofficiosi, cum bonorum filii possessionem contra tabulas petere possit: tit. si à patr. quis man. In promptu responsio est, hanc bonorum possessionem non dari patri tamquam patri, sed tamquam manumissori & patrono: nam emancipatus à parente in ea causa est, ut in contra tabulas bonorum possessione liberti exitum patiat, l. 1. in pr. d. tit. Ut patronus igitur contra tabulas agit; ut pater, querela inofficiosi. Et longè diversa est ista bonorum contra tabulas possessio ab ea, à qua excluduntur exhæredati, & similes exhæredatis, præteriti, l. 8. in pr. cont. tab. quæ ad parentes non pertinet, sed tantum ad liberos à patre præteritos & maxime emancipatos, l. 1. & pass. d. tit. Considerandum quoque est, bonorum possessionem, quæ ad exemplum patroni patri datur, non esse remedium ejusdem potestatis, nec æquè plenum, ac querela: cum querela totum testamentum rescindat, bonorum autem ista possessio constitutæ tantum partis plerumque datur, l. 3. si à par. quis man. Nocere autem parenti non debet, quod jura patronatus habeat, cum sit pater, uti disputat Jurisconsultus d. l. 1. §. ult. eod. & translatitium apud nostros est, posse cum ordinario remedio concurrere extraordinarium, quoties hoc plenius est, atque expeditius. Planè qui de inofficioso acturi erant, accipiebant quidem etiam bonorum possessionem, sed eam, quæ litis ordinandæ gratia querentibus erat necessaria, ut justo titulo niti, & hæreditatem petere viderentur, l. 6. §. ult. l. 7. l. 8. in pr. hoc tit. Cæterum ea bonorum possessio sine re & effectu erat: nequeenim ideo scriptis hæredibus bonorum possessionem auferebatur, l. 2. C. eod. cujus rei etiam supra meminimus ad §. pr. hujus tit.

Posthumi quoque, qui nullo alio jure) Constat, jure veteri liberos omnes exhæredatos pari hac in re conditione fuisse, ut nec jure civili, nec prætorio testamenta parentum turbarent, unamque tantum illis superfuisset querelam inofficiosi testamenti, l. 8. in pr. cont. tab. Idque ita erat, sive causæ ingratitudeinis testamento adscriptæ essent, sive non essent: sive constaret liberos ingratos non fuisse, sive constaret ne ingratos quidem esse potuisset: ideoque in infante quoque exhæredato valebat testamentum, necessariaque erat exhæredato inofficiosi querela: quod jus à Justiniano quoque confirmatum, l. si quis. 33. §. 1. C. hoc tit. Posthumus non tantum exhæredato, verum



etiam præterito valebat ab initio testamentum: sed præteritus alio jure veniebat, quia natiuitate ejus rumpebatur testamentum: exhæredatus non rumpebat, sed ad rescidendum testamentum non ei minus quam cæteris liberis exhæredatis querela opus erat. Hoc itidem jus confirmavit Justinianus *l. omnimodo. 30. §. 1. C. eod. & hoc nostro §.* Pro exhæredatione reputamus etiam eam præteritionem, quæ à matre aut avo materno facta est, *§. ult. sup. de exhæred. lib.* Cæterum non prestitisse in eo jure Imperatorem, totumque hoc abrogasse, *Nov. 115. c. 3.* plerisque interpretum nostrorum visum fuit: qui sic ratiocinantur: si ex *diff. Nov.* testamentum ipso jure nullum est; cum liberi, in quos cadere potest ingratitudo, exhæredati sunt sine expressione justæ causæ ingratitudinis, multo magis ubi nulla esse potest exhæredationis causa, ut in infante & posthumo, testamentum his exhæredatis nullum erit, aut agnatione posthumi rumpeatur: ac proinde cum alio jure ex *d. Nov.* veniat, ad querelam, non debent admitti. Mihi verò contra videtur sententia ista constitutioni Justiniani planè adversari. Jubet quidem Justinianus, liberos exhæredari justis de causis, easque adscribi; cæterum non ut testamentum ab initio constet, sed ut si contra factum sit, rescindatur, ne exhæredatio noceat; caveatque nominatim, ne noceat solis liberis, non ut aliis ea profic: quod futurum est, si testamentum non rescindi, sed nullum esse dicimus. Quamobrem statuimus etiam post *d. Nov.* dummodo liberi, quicumque erunt, rite sint exhæredati secundum formam juris veteris, quantumvis nulla sit causa exhæredationis, aut non sit adscripta, jus antiquum manere, & querelam solam exhæredatis dari, etiam posthumis & infantibus. Pluribus argumentis, quibus hæc sententia stabilitur, usus sum *ad pr. bujus tit.*

### TEXTUS.

De eo, cui testator aliquid reliquit.

3. Sed hæc ita accipienda sunt, si nihil eis penitus à testatoribus testamento relictum est. Quod nostra constitutio ad verecundiam naturæ introduxit. Sin verò quantacumque pars hæreditatis, vel res, eis fuerit relicta, de inofficioso querela quiescente, id quod eis deest usque ad quartam legitimæ partis repleatur; licet non fuerit adjectum, boni viri arbitrato debere eam compleri.

### NOTÆ.

3. *Nostri constitutio ad verecundiam naturæ )*

Ipforum parentum gratia: nam cujus testamentum inofficiosum dicitur ejus opinio læditur & pudor sugillatur, dum insimulatur dementiæ. *Plin. 5. Epist. 1. constitutio est, l. 30. C. hoc tit.*

*Quod deest repleatur*) Conditione ex *d. l. 30.* quæ actio diversa est ab illa de inofficioso. Condicio illa perpetua est, atque ad hæredes transmittitur; querela finitur quinquennio, *l. 8. §. ult. & l. seq. eod. l. 34. C. eod.* nec transmittitur, nisi præparata, *l. 6. §. ult. cum 2. ll. seqq. eod.* illam excludit agnitio relictæ, hanc non item.

*Licet non fuerit adjectum*) Quod adjici olim ad excludendam querelam necessarium, *l. 25. eod. l. 4. C. Th. eod.* Alioqui etiam hæres in minore parte institutus queri poterat, *l. 3. C. eod.* excepto quod fratribus cohæredibus adjectis quartæ petebat supplementationem. *Paul. 4. tit. 5.*

### COMMENTARIUS.

- 1 *Jus vetus, & quatenus ab eo paulatim recessum constitutionibus Justiniani?*
- 2 *Auctio portionis legitima, & an ea quoque ad parentes & fratres pertineat.*
- 3 *An ut augetur & minui legitima potest, ita & in totum tolli?*
- 4 *Si minus legitima relictum, qua actione quod deest, petatur? & quibus rebus ea actio deferat à querela inofficiosi.*

**I**N hoc loco explicando multum operæ Wesembecius posuit: alii, ut Vig. Mynf. Hot. leviter tantum eum perstrinxerunt. Difficilem sane reddit crebra juris mutatio. Veteres juris auctores putaverunt, testamentum, in quo debita legibus portio iis, qui queri possunt, relicta esset, pro inofficioso aut contra pietatem factio habendum non esse. Cæterum ut id ab expugnatione immune esset, totam legitimam, id est, quartam integram debitæ portionis ab intestato, ex judicio defuncti, eos habere voluerunt, sive in hæreditate, sive in legato aut fideicommissio, *l. 8. §. si quis. 6. & §. 8. b. t.* Si minus relictum esset, querela iis non denegabatur, nisi judicium defuncti agnatione relictæ aut quavis ratione comprobassent, *d. l. 8. §. conditioni. 10. l. si pars. 10. §. ult. l. nihil. 12. filius. 22. l. pen. §. 3. & 4. l. ult. eod.* Planè si expressè in hoc aliquid datum fuisset, ut in quartam haberetur, neque id quartam æquaret, boni viri arbitrato repleari poterat, *l. si non mortis. 25. eod.* Paulus quoque *lib. 4. sent. 5.* scribit, filium ex minore parte institutum, cui fratres cohæredes da-



dati sint, jure desiderare, ut portio debita suppleatur citra inofficiosi querelam, unde simul apparet, adjectis extraneis secus fuisse. *fac. l. 3. C. hoc. tit.* Illud omnino certum est, quando testator nominatim cavisset, ut si minus relictum esset, suppletio ad modum quartæ fieret, tunc cessante querela id ipsum boni viri arbitrato hæredem supplere debuisset, *l. 4. C. Theod. eod.* Illud igitur hic apprimè notandum, olim ita jus fuisse, ut non tam ipsa exhæredatio aut præteritio querelæ faceret locum, quàm quartæ sive legitimæ portionis per exhæredationem aut præteritionem ademptio: atque hinc evenisse, ut & is, cui exhæredato pars legitima relicta esset, a querela repellatur, & is, qui ex minore parte, quàm quæ legitimam conficeret, hæres institutus esset, datis cohæredibus, admitteretur ad querelam, ut perspicuè probat d. locus Pauli & Ulpiani quoque in *d. l. 8. §. quarta. 9.* quod quia in principio ommissum est, hic annotare libuit. Videamus nunc, quatenus Justinianus ab hoc jure recesserit ea constitutione, cujus hic meminit, & quæ extat in *l. omnimodo. 30. C. hoc. tit.* Is vetera jura intacta servari expressè voluit, id est, querelam inofficiosi locum habere, cum nihil exhæredatis aut præteritis testamento relictum est, *§. 1. d. l. omnimodo. & l. seq.* At si ei, qui queri poterat, aliquid relictum sit, vel in hæreditate, vel in legato aut fideicommissio, id satis Imperatori visum est ad excludendam querelam confirmandumque testamentum; jubetque hoc casu id, quod deest, usque ad portionem legitimam suppleti, licet testamento adjectum non fuerit, ut boni viri arbitratus suppleretur, *d. l. omnimodo. in pr. quod etiam repetit l. que nuper. 31. & aliquot seqq. C. eod.* & exprimit hoc *§.* Loquitur generaliter, proficiturque, se hoc constituisse, ut amputaret innumerabiles occasiones subvertendi ultimas hominum dispositiones, atque in eo respexisse ad verecundiam naturæ. Ac proinde Wesembecio assentendum non est, qui arbitratur, in una tantum specie, cum scilicet nominatim aliquid in quartam seu pro legitima relictum est, correctioni constitutionis & suppletioni locum esse: si autem simpliciter quid relictum sit, queri etiamnum exhæredatis licere, nec d. constitutionem refragari. Alia constitutione Imperator sancivit, ut etsi quis relictum aut inter vivos sibi donatum, ut id ei in quartam imputaretur, post obitum defuncti agnoverit, aut retinuerit, non idcirco tamen impediretur actione expletoria id quod legitimæ deest, persequi; nisi agnoscens adjecerit, nullam sibi

superesse de repletione questionem, *l. si quando. 35. §. 2. & 3. C. eod.* Novissimo jure non tam debita portionis per exhæredationem ademptio, quàm ipsa exhæredatio per se querelam inducit: adeo ut quamvis quartam liberi aut parentes habeant, sitamen immerenter reperiantur exhæredati, conquiri non prohibeantur. *Nov. 115. c. 3. 4. & 5.* De quo accuratius sub. *§. ult. inf. eod.*

*Ad verecundiam naturæ*) Ne scilicet temere atque irreverenter liberi profiliant ad impugnanda ac rescindenda testamenta parentum, quorum ut persona, ita & voluntas sancta iis esse debet: & in universum, ut aliorum quoque pudori consulatur, nec tam crebra sit occasio suprema hominum judicia evertendi, tamquam impia atque inhumana, quæsito colore ac prætextu futuri, *d. l. omnimodo. in pr. C. hoc. tit.* Nam is, cujus testamentum inofficiosum dicitur, dementiæ videtur insimulari: ejus certè opinio læditur, & pudor suggillatur. *Plin. 5. ep. 1.* Igitur post introductam actionem ad supplementum, neque institutis in parte aliqua hæreditatis, neque iis quibus exhæredatis per legatum aut fideicommissum aliquid relictum esset, quantumvis minùs legitima portione, querela amplius competit: sed iis solum, quibus nihil omnino relictum erat neque in hæreditate, neque in re alia, *d. l. omnimodo. & l. seq. C. eod.* Nemo verò putet, si testator filio, quem in potestate habet aut habuit, præterito, quartam partem, verbi causa, legaverit, prohiberi constitutione Justiniani testamentum nullum dicere, aut bonorum possessionem contra tabulas accipere: nam ad ea tantum patrum testamenta constituto pertinet, quibus filii in potestate constituti aut emancipati legitimè exhæredati sunt, ut alio remedio attentari aut infirmari non possint, quàm subsidiario querelæ *§. 2. præc.*

*Ad quartam legitimæ partis*) Legitimam partem hic vocat totam illam portionem, quæ jure legitimæ successione ex bonis defuncti liberis, parentibus, fratribus debetur. Plerumque tamen ipsa quarta, ad quam in proposito repletionem fieri vult, legitima dicitur, item debita portio & debitum bonorum subsidium, *l. 8. §. unde. tit. hoc. tit. l. 5. C. de inoff. don.* Græcis τὸ νομιμὸν μέρος. Atque adhuc hodie quarta passim appellatur, nimirum quia jure antiquo quarta pars fuit ejus, quam dixi, portionis, scilicet quæ ad eum, qui quæritur, perventura fuisset, si paterfam. intestatus decessisset, *l. 8. §. si quis mortis. 6. eod.* Quo primum tempore aut qua lege modus hujus portionis sic definitus sit, non liquet. Jus-



Justinianus quantitatem auxit in liberis, proque quarta substituit <sup>legitimam</sup>, in liberis pluribus quatuor etiam semissem, *Nov. 18.* quod augmentum etiam ad parentum legitimam ratione trientis pertinere statuunt comm. DD. hic & in *auth. novissima. C. hoc tit. Grass. §. legitima. quæst. 9.* & Magister apud Hermen. *lib. 5. tit. 9. §. 14.* Nonnulli etiam ad fratres totum incrementum proportionaliter porrigunt; quos sequitur Fachin. *4. contr. 28.* quamquam neutrum horum aut inscriptioni tituli, aut præfationi constitutionis, aut rationi constituentis mentive convenit; neque temere admittenda videtur extensio, cum utique major sit ratio liberorum. Neque verò verbis generalibus, quibus clauditur *cap. 1. dist. Nov. 18.* comprehenduntur parentes & fratres, sed diversæ liberorum personæ designantur, videlicet filii, nepotes, pronepotes, posthumi omnes, tum in paterna, tum in materna linea, adeoque in hac etiam liberi naturales, uti titulus aperte significat, & bene observavit Vaudus *lib. 1. var. quæst. 50.* Usus tamen augmentum admittit in parentibus. Porro hæc constitutio Justiniani occasionem DD. dedit quærendi, utrum quemadmodum legitima augeri & minui lege civili potest, ita possit & in totum tolli? Vulgo sic censent, liberorum & parentum legitimam mutari tantum posse, tolli non item; fratrum posse & tolli: utunturque hoc argumento, quod liberis & parentibus legitima debeatur jure naturæ, fratribus ex sola dispositione juris civilis. *Mynf. obs. 43. §. 6. observ. 44. Gail. 2. obs. 122. Covar. in 4. decretal. p. 2. cap. 2. §. 6. num. 5. Grass §. legitima. quæst. 2. Chifflet. de port. leg. cap. 3. Schneid. hic, num. 10.* Sed primum insubtile est, quod quæstionem proponunt de ipsa legitima: siquidem quod legitima propriè & formaliter dicitur, nempe certa illa & definita quantitas, cum sit ex jure civili, eodem jure quoque tolli potest, id est, sanciri, ut nomine legitimæ non amplius talis portio, sed alia veniat: ideoque potius de jure succedendi in universum quærendum fuerat. Quod etiam ipsos sensisse existimo, sive, quod res ipsa ostendit, cum legitimam ajunt humanis legibus tolli non posse, id sic capiendum est, quatenus in legitima insunt alimenta necessaria. Nam utique quod supra est, tolli potest, non repugnante natura. Deinde male in proposito parentes liberis exæquant. Tota igitur disputatio & quæstio huc redit, an lege civili effici possit, ut ne liberi parentibus, parentes liberis, fratres fratribus succedant; idque duobus modis intelligi potest:

primo, an effici possit, ut non succedant omnino? id est, etsi quis ex his personis intestatus decesserit: secundo, an posito, quod ab intestato succedant, à successione ista excludi possint per exhæredationem, aut præteritionem? In utroque autem alia liberorum, alia parentum & fratrum ratio est. Et ad primum quod attinet, perspicuè palam est, liberis naturæ lege parentum deberi hæreditatem. *Ratio naturalis*, inquit Paulus Jurisconsultus, *quasi lex quadam tacita liberis parentum hæreditatem addicit, velut ad debitam successionem eos vocando, l. 7. de bon. damnat.* Cui simile est, quod Plutarchus in libello elegantissimo de prolis amore scriptum reliquit, liberis hæreditatem ut sibi debitam, *ἀσ ὀφειλόμενῃ*, expectare. *Sanguini honorem reliquit*, ait Val. Maximus de Q. Hortensio, qui filiam sibi minus probatam hæredem scripserat, *l. 5. c. 9.* Papi-nianus in *l. 7. in fin. unde lib.* scribit, liberis parentum hæreditatem deberi *propter naturam simul & parentum commune votum*; id est, liberos sequi hæreditatem partim ob præcisum debitum naturale, partim ex conjectura naturale, qua parentes creduntur id velle, ut liberis quam optimè prospectum sit: nimirum creduntur parentes liberis, ut corporis sui partibus, non tantum de necessariis, sed & de his, quæ ad vitam suavius honestiusque transigendam pertinent, quam uberrimè voluisse prospectum. Quæ cum ita sint, lex civilis efficiere non potest, ut liberi in totum & simpliciter à successione parentum excludantur. Cæterum non est iniquum, ut hic tribuatur aliquid rationi civili & studio familiarum conservandarum, ac propterea alii aliis potiore conditione in successione censeantur, & masculi foeminis, agnati liberis emancipatis, & liberis in successione matris anteponantur, dum ne liberi fraudentur necessariis alimentis, quæ præcisè natura debentur. Parentes verò, quos ad bona liberorum non naturæ & liberorum commune votum, sed sola ratio miserationis admittit, *d. l. 7. in fin. unde lib. l. 15. in pr. de inoff. test.* facilius excludi possunt. Nam & ante Senatusconsultum Tertullianum mater non admittebatur, & post id Senatusconsultum eam excludebant fratres consanguinei, & parentibus omnibus aliquando fratres prælati, non consanguinei tantum, verum etiam uterini, *l. 4. C. de bon. quæ lib. l. 2. C. ad Senatusc. Tertull.* Et apud nos in parte Hollandiæ australi, altero parente mortuo, parens superstes excluditur à successione liberorum à cognatis per defunctum parentem, juxta illud, quod vulgo dici solet, *Pa-*



terna paternis, materna maternis. Similiter & fratres removeri à successione possunt, admittis aliis, sicut pater olim non tantum ut maritimus, sed etiam ut pater, in successione filii emancipati fratribus prælati fuit, quod de re uberius agemus *inf. lib. 3. tit. 1. §. 3. seqq.* De altero sic censeo, posse tale jus constitui, ut parentes & fratres, quamvis ad successiorem ab intestato vocentur, impune præteriri aut summoveri possint, neque necesse esse, his aliquid pro legitima aut in alimenta relinquere, nisi lex aliqua humana id jubeat: quippe cum hæc non sic parentibus, & fratribus uti liberis, debeat; sed tantum ratione officii & commendatione pietatis. Neque verum est, quod post DD. vulg. *Mynf. 6. observ. 44.* asserit, parentum legitimam ita causam habere radicatam in jure naturali, ut lege humana tolli nequeat. Liberos verò legitima civili lege in totum tolli nequit, hoc est, jus civile efficere non potest, ut liceat parentibus liberos suos sine justa causa à tota sua successione repellere, ad quam lex naturalis quasi debitam, & quidem præcisè ratione alimentorum, eos vocat, *arg. d. l. 7. de bon. damn. junct. l. 6. de injust. & jur. add. Olvvald. Hilig. in lib. 19. comm. Don. cap. 4. & ibi alleg. Paul. Buf. ad l. 8. §. si quis mortis. num. 11. & seqq. hoc tit. Grot. 2. de jur. bell. & cap. 7. num. 4. & seqq.*

Repleatur) Qua verò actione repletio ejus quod deest petetur, utrum actione ex testamento, an qua alia, puta petitione hæreditatis aut judicio familiæ erciscundæ, aut potius conditione ex lege Justiniani? Et siquidem filium ponimus exhæredatum, adscripto legato, certum est actionem familiæ erciscundæ aut petitionem hæreditatis hic competere non posse. Probabiliter autem defendi potest, agi posse ex testamento, & quod deest tamquam legatum peti, maximè si testator id suppleri iusserit: quamquam, etsi nihil dixerit, idem probari potest; quasi id potius voluerit, quam testamentum rescindi. At si institutus sit filius, quod ad excludendam querelam hodie necessarium esse docebimus, *§. ultim. inf. eod.* hic si ex parte aliqua hæreditatis institutus sit, poterit & petitione hæreditatis & judicio familiæ erciscundæ nomine supplementi experiri, quia scilicet pro parte hæres est: si institutus sit in re certa, quod eodem loco ostendemus nunc sufficere ad excludendam querelam, hic non videtur locus esse judicio petitionis hæreditatis aut familiæ erciscundæ, sed tantum actioni ex testamento: quoniam qui certæ rei hæres scriptus est, dato cohærede, legatarii

loco habetur, *l. 13. Cod. de hæ. inst.* Ceterum dubitationis omnis tollendæ causâ, tutius fortassis erit admittere conditionem ex lege. Quod etiam crebrius placuit. Vulgo conditionem hanc actionem ad supplementum vocant, notantque triplicem inter eam & querelam de inofficioso differentiam. Prima est, quod querela taciturnitate quinquennii ab adita hæreditate computandi extinguitur, *l. 8. §. ult. & l. seq. hoc tit. l. 16. l. si quis. 34. l. pen. §. 2. C. eod.* Hæc actio sive conditio ex lege, ut favorabilis, perpetua est, id est, durat annos triginta; qui terminus est actionum omnium in personam, *l. 3. C. de præsc. 30. ann. dec. 3. Cur. Holland.* Altera quod querela (quippe quæ instat est actionis injuriarum, *l. 8. in princ. hoc tit.*) excepto casu *d. l. si quis. 34. C. eod.* in hæredem non transmittitur nisi præparata; actio hæc etiam non præparata transeat. Tertia, quod qui agnoscit, quod sibi testamentum relictum est, querelæ renuntiasse intelligitur, *l. 10. §. 12. l. 1. in princ. eod.* non autem huic actioni ad supplementum, *l. si quando. 35. §. 2. C. eod.* Primam differentiam non admittit Bartolus, sed reliqui omnes admiserunt, testibus *Vigl. Mynf. & Wesemb. vic. Gail. lib. 2. obs. 120.*

## TEXTUS.

Si tutor, cui nihil à patre relictum pupilli nomine legatum acceperit.

4. Si tutor nomine pupilli, cujus tutelam gerebat, ex testamento patris sui legatum acceperit, cum nihil erat ipsi tutori relictum à patre suos nihilominus poterit nomine suo de inofficioso patris testamento agere.

## NOTÆ.

4. Si tutor, &c. legatum acceperit) Repellitur ab inofficioso querela, qui exhæredatus legatum ex testamento percepit, aut petenti advocacy præbuit. Agnovisse enim judicium defuncti videtur, *l. 8. §. 10. l. 10. §. 1. l. 12. l. ult. eod. l. 8. §. 1. C. eod.* Tutorem autem necessitas officii excusare debet, qui id totum alii administravit, *d. l. 10. §. 1. l. 22. de bis quæ ut indign.*

## TEXTUS.

Si de inofficioso nomine pupilli agens succubuerit.

5. Sed si è contrario, pupilli nomine, cui nihil relictum fuerat, de inofficioso agerit





peratus est; ipse tutor, quod sibi in testamento eodem legatum relictum est, non amittit.

## NOTÆ.

5. Sed si è contrario) Qui voluntatem defuncti sive suo sive alieno nomine dicit inofficiosam, legatum sibi relictum perdit: impugnavit enim iudicium defuncti, l. 8. §. 14. b. t. Sed necessitas officii & fides tutoris hic etiam excusat l. 30. §. 1. eod. Qui negat testamentum patris jure factum esse, non intelligitur iudicium impugnare, & ideo retinet defuncti voluntatem, l. 24. de his que ut ind.

## COMMENTARIUS.

- 1 Effecta agnationis & oppugnationis iudicii defuncti.
- 2 Hæc effecta ad eos non pertinent, qui ex necessitate officii alieno nomine agnoscunt aut impugnant.
- 3 Collatio juris veteris & novi, atque in hac parte differentia.

Qui iudicium defuncti agnoscit, puta, quod sibi datum est, percipiendo, hoc ipso testamentum comprobare intelligitur, & querela renuntiare, l. 8. §. si conditioni 10. l. 10. §. 1. l. 12. l. si ponat 23. §. 1. l. pen. §. 3. & 4. l. ut. hoc tit. l. 8. §. 1. C. eod. l. 5. in princ. de his que ut indigna. Atque ex contrario, qui voluntatem defuncti impugnat ut inofficiosam, is legatum sibi relictum perdit, & id sibi vindicatur, quasi indigno ablatum, d. l. 8. §. meminisse 14. Nec interest, utrum quis nomine proprio iudicium agnoverit, inofficiosumve dixerit, an alieno, dummodo id fecerit sponte, nec ulla necessitate officii cogente, veluti si advocationem præbuerit, d. l. ult. in princ. Cui non obstat, quod filius patroni, qui advocationem accusatori liberti præstitit, non repellitur à bonorum possessione liberti; l. qui cum 14. §. si patroni 9. de bon. libert. Nam jus bonorum possessionis liberti, quod patrono & liberis ejus ex edicto competit, non aliter patronus aut liberi ejus amittunt, quam si ipsi libertum accusaverint. Quod intelligitur ex ratione, qua Jurisconsultus dicto loco utitur; neque enim, inquit, advocatus accusat. Legatum verò amittit advocatus exhæredati, non quia accusare testamentum intelligitur, sed quia accusationem opera juvando intelligitur improbare iudicium defuncti; quod satis esse visum est ad amissionem legati advocato relicti ab eo quem furoris arguit. Cur verò non

similiter placeat, eum, qui legatum accepit, non admitti ad arguendum testamentum factum, aut non jure factum, & qui non jure factum contendit, nec obtinuit, non repellatur ab eo quod meruit? l. 5. in pr. & §. 1. de his que ut indign. Hanc rationem reddidit Papin. l. si testamentum 24. eod. tit. quoniam qui testamentum jure factum negat, de jure disputat, non impugnat aut accusat iudicium VIV. Sed hæc rectè intelligenda. Qui testamentum jure factum negat, de jure disputat, an scilicet ea sint observata solemnia, quæ jure exigunt? non autem impugnat iudicium, eo colore, quod testator fuerit emoræ mentis, adeoque nec ulla injuria adficii defunctum, quem admodum ille, qui inofficiosi instituit querelam. HEIN. Quod si quis ex necessitate officii, ea quæ diximus, fecerit nomine alieno, excusatus est. Exemplum hoc §. proponitur in tutore: sed ad omnes hoc pertinet, qui ex officio alios defendere, aut agentes consilio & opera sua juvare tenentur; ac proinde etiam ad advocatum, qui clientis causam agere publicè impositum, arg. d. l. 5. §. advocatum 23. de his que ut indign. Sive igitur tutor, cum ipse exhæredatus esset à patre, legatum petierit aut perceperit ex testamento nomine pupilli, cujus tutelam gerit, sive è contrario pupilli exhæredati nomine de inofficioso egerit, & victus sit, neque hoc casu, quod ad se attinet testamentum improbasse, neque illo probasse intelligitur, sed hæc fecisse ex necessitate officii & fide, quæ excusata esse debet: ac proinde illo casu non prohiberi suo nomine de inofficioso agere hoc casu legatum sibi relictum petere, l. adversus 30. §. 1. b. t. l. tutorem 22. de his que ut indign. Similis priori casus est in l. quædam 36. C. de adm. tut. Porro autem quod ante diximus, agnitionis iudicii defuncti hanc vim esse, ut querela amittatur, hoc etiam pertinet ad petitionem reliqui, Sed tenor juris antiqui novis subinde constitutionibus mutatus est. Quod miror neminem interpretum hoc loco annotasse. Olim quæcumque in re iudicio defuncti agnito & querela amittebatur, & jus petendi reliqui, non solum in hæredis institutione, sed etiam in legato, sive id tamquam sibi legatum exhæredatus peteret, sive relictum alii, illius nomine, peteret defenderetve, sibi relictum à legatario acciperet, aut etiam aliquid caperet mortis causa: nec referebat, per se caperet, an per alium, per textus supra allegat. Constitutionibus Justiniani nihil quidem mutatum in institutione hæredis, sed si is, qui queri potest, hæredem scriptum pro hærede agnove-



puta res hæreditarias ab hærede emendo, conducedove, aut solvendo quod defuncto debuit: cujus generis item est, si quid conditionis implendæ causa ab hærede acceperis (quibus omnibus factis hæres scriptus pro hærede agnoscitur, l. 8. §. si conditioni 10. l. si penas 23. §. 1. hoc tit.) querelam & jus petendi, quod sibi relictum, aut quod reliquum est, perinde amittit, ut jure antiquo. In legato verò prioribus Justiniani constitutionibus jus petus hætenus immutatum, ut quicumque alias queri potuissent, hoc ipso excludantur, quod legatum illis relictum sit, quamvis illud non agnoverint: cæterum accepto eo, quod relictum est, ad supplementum ejus, quod legitimæ deest, agere possunt, l. omnimodo 30. tam seqq. C. eod. Itaque jam non agnitio legati, sed ipsum legatum querelam excluderat. Novissimo autem jure ad excludendos à querela liberos & parentes iterum agnitio legati desiderari coepit, si nihil iis titulo institutionis relictum esset, salva tamen, si quid debite portioni deesset, actione ad supplementum, Nov. 115. cap. 5. D. Tulden. hic, cap. 6. Ut igitur semel complectar omnem juris veteris & novi in hac parte differentiam, triplex discrimen observetur. Primum hoc est. Olim si minus legitimæ relictum esset, licebat repudiato legato agere de inofficioso: hodie non licet, sed legato admisso, agitur ad supplementationem. Secundum est. Olim agnitio legati etiam rei minimæ exludebat non tantum querelam, sed omnem etiam petitionem reliqui: hodie ita querelam excludit, ut salva teneat ejus, quod legitimæ deest, petitio: nisi agnoscens profiteatur, se relicto contentum, de reliquo quæstionem remittere, l. si quando 5. §. pen. & ult. C. eod. Postremum est. Olim qui rogatus erat legatum alteri restituere, non prohibebatur eo agnito & restitutum de inofficioso queri: hodie quiescente querela, id onus subducitur, proinde quasi ad modum legitimæ nec restituere jussus sit, l. 10. in fin. hoc tit. junct. l. quoniam 32. C. eod. Quod si quis in eo, quod alteri relictum erat, voluntatem defuncti approbasset, pura advocacy præstando aut aliis modis, placebat illi cessare querelam, quasi judicio defuncti etiam in institutione comprobato: quippe quæ ablata, ut tunc jus erat, cætera quoque corripiebant, l. pen. §. 3. l. ult. in pr. & §. 1. hoc tit. junct. l. 9. de test. tut. l. eam quam 14. C. de fideicom. Verùm commutata est ratio juris, posteaquam placuit, rescisso quoad institutionem testamento, legata posse consistere. l. 1. ex caus. C. de lib. præ. Hoc enim jure

posito, dicendum omnino videtur, sola legati, quod alii relictum est, agnitione non comprobati institutionem hæredis, arg. l. 10. C. de prob. ac proinde non prohiberi eum, qui in alieno legato judicium agnovit de inofficioso suo nomine queri, ut bene disputat Don. 19. comm. 6.

## TEXTUS.

## De quarta legitimæ partis.

6. Igitur quartam quis debet habere, ut de inofficioso agere non possit, sive jure hæreditario, sive jure legati vel fideicommissi, vel si mortis causa ei quarta donata fuerit, vel inter vivos in iis tantummodo casibus, quorum mentionem nostra facit constitutio, vel aliis modis, qui in nostris constitutionibus continentur. Quod autem de quarta diximus, ita intelligendum est, ut sive unus fuerit, sive plures, quibus agere de inofficioso testamento permittitur, una quarta eis dari possit, ut ea pro rata eis distribuatur, id est, pro virili portione quarta.

## NOTÆ.

6. Quartam quis debet habere) Id est, portionem legitimam, quæ olim erat quarta debite ab intestato portionis, l. 8. §. 8. cod. Justinianus quantitatem auxit, substituto pro quarta triente; in liberis pluribus, quàm quatuor, semisse, Nov. 18. qua constitutione & parentum quoque legitimam ad trientem auctam ceniet Magister apud Harmen. lib. 5. tit. 9. §. 14. Theodorus Diaconus auctam καὶ ἐπι ἀδελφῶν, argum. cap. 2. d. Nov. 18.

Sive jure legati, &c.) Novissimo autem jure, ut testamentum ab omni impugnatione tutum sit necesse est, ut boni liberi & parentes honorentur titulo hæredis, Novell. 115. c. 3. 4. 5. Unde vulgo ajunt, legitimam titulo institutionis esse relinquendam, in qua sententia & Græci ad l. 8. b. t. Sufficit autem vel in particula aliqua assis vel etiam in re certa institutos esse, & si quid ad portionem legitimam deerit, id querela cessante condicetur actione suppletoria, d. §. 5.

Iis tantummodo casibus) Cujac. huc trahit duos casus, l. pen. §. 1. C. de collat. sed ex vitiosa, ut Bachovio videtur, collectione. Constitutio est l. 30. C. hoc tit.

In nostris constitutionibus) Non extant. Et forte nostris irreptitium est, fac. l. 17. C. de collat. junct. l. 9. C. hoc tit. quarum altera Leonis, altera Zenonis est.

Pro virili portione quarta) Hodie tertia, aut dimidia pro numero liberorum, Nov. 18. Igi-



tur si verbi causa duo sint liberi, singulorum portio legitima erunt duæ uncia: si sex, uncia.

COMMENTARIUS.

1. Refellitur insignis quorundam error.
2. Jure Digest. & C. querela locum non patuisse, legitima quocumque titulo relicta.
3. Jus novum à veteri discrepare in casu, quo quid inter vivos donatum est ea contemplatione, ut in quartam habeatur.
4. Jure novissimo legitimam titulo institutionis relinquentiam: & quomodo hoc accipiendum?
5. Quid intersit, titulo institutionis legitima relinquantur, an quo alio?

**I**ntolerabilis eorum error est, qui ex hoc §. colligunt, filium etiam non legitime exheredatum, modo ei quocumque titulo legitima relicta esset, jure antiquo queri debuisse de inofficioso, nec alio jure ad bona patris venire potuisse. Quid enim certius, quam præterito filio, qui erat in potestate, testamentum ipso jure nullum fuisse; emancipato præterito datam bonorum possessionem contra tabulas? Nec eo minus pro præterito habebatur, testamentumve nullum erat, aut per bonorum possessionem everti poterat, quod quartæ debitæ portionis, aut etiam multo amplius, præterito legatum fuerat. Nam utrum filius præteritus esset, necne, non ex legati datione, sed ex institutione aut exheredatione æstimabatur, omnesque præteriti censebantur, qui neque hæredes instituti erant, neque ut oportet, exheredati, §. eadem 12. inf. de her. quæ int. Itaque quod Ulp. ait, in l. 8. §. si quis 6. hoc tit. securè eum testari, qui mortis causa filio quartam donavit, non sic accipiendum est, posse patrem isto casu securè filium præterire, sed posse securè exheredare, hoc effectu, ut & testamentum jure consistat, nec per querelam rescindatur. Atque ex hoc jure nihil mutavit Justinianus: tota enim hæc disputatio, ut apparet, pertinet ad liberos, quibus jure civili & prætorio à patris hæreditate exclusis unicum remedium superest, querela inofficiosi; ac proinde non ad alios, respectu patris, quam qui legitimè exheredati sunt: matris enim & per matrem ascendentium præterito pro exheredatione reputatur, ut sæpe dictum est.

*Sive jure hereditario, sive jure legati, &c.*) In explicatione hujus tituli excusata esse debet ejusdem rei inculcatio. Jure veteri, liberis exheredatis aut præteritis, non tam ideo querela dabatur, quia exheredati aut præteri-

ti erant, quam quod per præteritionem aut exheredationem privati quarta seu legitima portione. Ea autem relicta, ut nulla amplius censebatur iniquitas, ita cessabat querela, manebat efficax exhereditatio & firmum testamentum. Cui erat consequens, ut querela excluderetur, non tantum si quarta relicta foret titulo hereditario, sed etiam si titulo legati aut fideicommissi. Et quia mortis causa donationes legatorum instar obtinent, l. §. si 17. in fin. de mort. caus. don. supr. de donat. §. 1. placebat etiam, si quis ei, qui queri poterat, quartam mortis causa dedisset, eum securè testari, d. l. 8. §. si quis 6. quod jus in codice suo, item Nov. 18. c. 1. unde aut. novissima, C. hoc tit. Justinianus integrum reliquit novissimè verò ab eo recessit Nov. 115. c. 1. & 4. Cæterum de eo plura inferius.

*Vel inter vivos iis tantummodo casibus, &c.*) Si quid inter vivos simpliciter donatum fuerat, etiam si quartam adæquaret, per hoc non excluderetur querela: contra verò si hac contemplatione datum erat, ut in quartam haberetur, l. si non mortis 25. hoc tit. Hoc abrogavit Justinian. ea constitutione, cujus hic meminuit, nimirum l. si quando 35. §. 1. C. cod. Sanxit enim, ut si quid liberis à patre inter vivos donatum sit, etsi ea lege ut hoc in quartam reputent, atque adeo ut renuntient querelæ, & renuntiaverint, nisi tamen patris iudicium post mortem ejus agnoverint, aut cum scriptis hæredibus transegerint, manere nihilominus jus integrum testamentum patris accipiendi, nec pactum cum patre factum nocere liberis, qui ex sententia Papiniani meritis magis ad obsequia paterna provocandi, quam pactionibus adstringendi sunt. D. Cujacius putat intelligi, l. pen. §. 1. C. de collat. Abi Justinianus sancit, ut duobus casibus donatio simplex in collationem veniat, si ea lege à patre facta sit, ut conferatur; si facta sit in compensationem dotis aut donationis propter nuptias, quam unus è liberis accepit: ex quo colligit Cujacius, donationem inter vivos duobus istis casibus in quartam imputari. Sed vitiosa omnino est hæc collectio, atque è diametro pugnat cum d. l. si quando 35. §. 1. C. hoc tit. Ac tamen verum est, omnia, quæ in quartam imputantur, in collationem venire non idcirco tamen è converso quæcumque veniunt in collationem, computantur in quartam: quod perspicuè ostendit d. l. pen. in pr. C. de coly. ut adeo ead. l. quam Cujacius adducit, refellatur ipsius collectio. Et nimirum collatio facilius admissa est, ut æqualitas inter liberos in successione ab intestato servaretur quam



quàm filii exhæredati exclusi à querela: quem ob casum Justiniani expressè noluit per donationem inter vivos, licet ea conditione factam ut in quartam computaretur, filium à querela excludi, nisi iudicium patris post obitum ejus agnovisset, *d. l. si quando 35. §. 1. & 2. C. hoc tit.*

*Vel aliis modis, qui in nostris constitutionibus)* Hæ constitutiones fortassis priori Codici insertæ fuerunt: in posteriore enim, quem solum habemus, nulla Justiniani reperitur constitutio, quæ huc pertineat: nisi dicimus, verbum *nostris* irreptitum esse & delendum. Sane Cujac. & Hotom. id non agnoscunt, & à plurimis libris abesse testatur Pacius. Fac igitur hic ita scriptum esse, *aliis modis qui constitutionibus continentur*. Quinam ergo isti modi sunt præter legatum, fideicommissum, & donationem mortis causa, quibus liberi quarta à parentibus accepta constitutionibus à querela repelluntur: Dos & donatio propter nuptias, quam utramque cum Leo conferri à liberis jussisset, *l. ut liberis 17. C. de collat.* utramque etiam in quartam imputari præcepit Zeno, *l. quoniam 29. C. hoc tit.* Novissimum jure, ut supra memini, tota hæc ratio mutata est. Nam ex *Nov. 115. c. 3. & 4.* non sufficit ad excludendos à querela liberos & parentes legitimam eis quovis titulo relictam esse; sed ut testamentum ab omni oppugnatione tutum sit, necesse est, ut boni liberi & parentes honorentur titulo hæredis, ut jam non tam queratur, an legitimam habeant, quam an instituti sint, aut justè à successione sumpti. Patet hoc primum ex *d. Nov. c. 3.* ubi Justinianus expressissimis verbis sancit, non licere penitus parentibus liberos suos præterite vel exhæredes facere, nec si quovis titulo particulari eis reliquerint legibus debitam portionem. Deinde ex *cap. 5. ejusdem Novell.* ubi testatur, hanc suæ serenitatis intentionem esse, ut à liberis & parentibus injuriam exhæredationis & præteritionis auferat. Atqui non auferitur ista injuria, sed manet adhuc, si adhuc liceat immerentes liberos & parentes exhæredare aut præterire, etiam si eis legitima titulo aliquo particulari relinquatur. Tunc solum nulla injuria manet, si aut instituantur aut meritis de causis exhæredentur: unde DD. vulgo ajunt, legitimam hodie titulo institutionis esse relinquendam, *Clar. §. testamentum, q. 18. Grassi. §. legitima, q. 32.* At enim verò necesse non est, ut institutio fiat in universa legitima, sed sufficit vel in particula aliqua ahsis, vel etiam ex rebus certis hæredes nuncupatos esse, aut institutos simpliciter,

jussosque certis rebus esse contentos: quibus casibus, etsi minus relictum portione legitima, cessat tamen querela, & competit actio ad supplementum: quod si quid aliud insuper relictum, id in legitimam imputatur secundum priores Justiniani constitutiones: *d. cap. 5. l. omnimodo 30. cum seqq. C. hoc tit.* cum contra jure veteri etiam institutus queri non prohiberetur, si ex institutione totam legitimam non obtineret, ut sup. notatum ad §. 3. At, inquires, hoc posito aberravit Justinianus à scopo suo. Nam ex vera ratione juris atque ipsius etiam constitutione Justiniani, qui certæ rei hæres institutus est, dat aliis cohæredibus, aut qui simpliciter institutus jussus est, certis rebus deductis, hæreditatem restituere, non hæredis, sed legatarii loco habetur, nullasque actiones hæreditarias aut exercet, aut excipit, *l. 13. C. de hæ. inst. §. si quis 9. inf. de fideic. hæ.* Jam verò si nihil refert, legatum alicui detur, an in re certa hæres instituat addito vero hærede, nec magis hoc, quam illo modo fiat, ut hæres sit, falsus Justinianus fuit existimans, injuriam præteritionis aut exhæredationis tolli, si modo hæres quis nuncupetur vel ex re certa, vel simpliciter & certis rebus deductis, rogetur hæreditatem restituere. Nam si hæres non sit, si nihil amplius ea res efficit, quam si legatum accepisset, certè pro præterito habendus erit, quomodo ratiocinatur & Glossa in *l. si quis priore 29. ad Trebell.* Ex quo etiam sequitur, inane esse, sine re atque effectu, quod jaçtatur de honorifico titulo institutionis. Et fatendum est, hoc poscere rationem juris, atque oportuisse, si revera splendidiore ac lautiore titulo officiosos liberos ac parentes decorari volumus, constitui, ut saltem in parte aliqua ahsis hæreditarii licet minima, vel utique in ipsa legitima, quam pro triente, semisse, aut quadrante nihil accipi vetat, hæredes instituantur. Sed tamen Justinianus hoc non exigit, cui visum est, satis tolli injuriam præteritionis per solum hæredis nuncupationem, cumque, qui vel in re certa institutus esset, justam causam non habere conquerendi se esse præteritum: quod ne videatur sine ullo juris effectu constitutum, defendi potest cum Sichard. post Bart. Jaf. & DD. in *l. 13. C. de hæ. inst.* cum, qui in re certa institutus est, mixtæ cujusdam conditionis & naturæ esse, mediæque inter hæredem & legatarium: unde & hæredis nomen retineat, & rem, in qua institutus est, propria auctoritate apprehendere possit; quodque præcipuum est, jus etiam accrescendi habeat, hoc est, deficiente cohærede simpliciter insti-



tuto: ipse universam hæreditatem solas consequatur, perinde ac si ab initio solus ex re certa institutus esset: licet aliud videatur Ant. Fab. dec. 15. err. 5. D. Corn. Svanemb. tract. de jur. accr. c. 8. Bartolus d. loc. ait, in re certa institutum, rei istius respectu, pro legatario censeretur, respectu personæ ipsius, pro hærede; quod satis Justiniano visum ad eum excludendum à querela. Vid. Sichard. d. loc. n. 3. Güdel. lib. 2. de jur. noviss. c. 7. d. dec. 7. cur Holland. Grass. §. hæreditas, q. 8. n. 3. Decker. lib. 1. diff. 8. n. 21. Christ. vol. 4. dec. 11. n. 5. & vol. 2. dec. 170. Bachov. vol. 2. disp. 12. thes. 1.

Ut ea pro rata distribuatur) Itaque si unus sit filius, is habere debet quartam partem totius

substantiæ, id est, tres uncias: si duo, singuli seiscunciam, & sic porro, ut virilis singulorum portio sit quarta ejus partis, quam ab intestato habituri essent, l. 8. §. si quis 6. & §. quoniam 8. hoc tit. Jure autem novissimo ex Nov. 18. cap. 1. si unus sit filius, is tertiam totorum bonorum partem habere debet, id est, uncias quatuor: si duo, singuli uncias duas: & sic ita deinceps ut virilis singulorum portio sit triens illius partis, quam ab intestato latu-ri fuerant. Si verò plures sint liberi, quam quatuor, semis omnibus relinquendus, id est, dimidia ejus partis, quæ jure legitimæ successio- nis debetur. Quare si verbi causa sex erunt liberi, legitima singulorum erit uncia.

## TITULUS DECIMUS NONUS.

### DE HÆREDUM QUALITATE ET DIFFERENTIA.

Dig. Lib. 29. Tit. 11. C. Lib. 6. Tit. 31.

Continuatio, & argumentum tituli.

**S**I testamentum ab initio rectè factum fuerit, neque postea infirmatum, secundum ea, quæ superioribus titulis expo- sita sunt, incipit post mortem testato- ris deferri testamento hæreditas, ut jam ad acquisitionem ejus nihil super sit præter suscep- tionem; quæ ex duabus partibus, quibus ac- quisitionem hæreditatis constare diximus, sub §. ultim. sup. per quas pers. cui acq. altera est. Quamvis autem eadem sit ratio acquirendæ hæreditatis ab intestato delatæ, atque ex tes- tamento: tamen cum differuisset Imperator de deferenda hæreditate ex testamento, par- tem alteram, quæ est de delata acquirenda, divellere noluit, licetque hinc petere, quod illo pertinet. Sunt autem duo hujus tituli ca- pita, quorum alterum inscriptio indicat; al- terum est de acquirenda vel omittenda hære- ditate. Posterioris cognitio à priori depen- det. Nam cum varia sit hæreditatis acquisitio, eam varietatem efficit diversa qualitas & con- ditio hæredum. Quamobrem rectè primum indicantur genera & differentia hæredum, de- inde demum disputatur de acquirenda vel omittenda hæreditate.

#### TEXTUS.

##### Divisio hæredum.

Hæredes autem aut necessarii dicuntur, aut sui & necessarii, aut extranei.

#### COMMENTARIUS.

1 In his regionibus hæredes omnes esse voluntarios.

**T**Rimembris hæc hæredum divisio ex dua- bus bimembris constata est, more no- stris usitato. Sic autem revocabitur, ut dica- mus, hæredum alios esse necessarios, alios vol- untarios; & illorum alios necessarios simpli- citer, alios necessarios & suos. Rectius verò necessariis hæredibus opponimus voluntarios, quàm extraneos; arg. l. 12. de cond. inst. l. 15. & seq. de acq. her. l. 3. §. 3. de her. inst. quippe extranei ad distinctionem suorum magis dicun- tur, non considerata in eis necessitate, l. si alienum. 46. §. 1. de her. inst. l. 6. in pr. de injust. rupt. l. 6. de vent. in poss. mitt. §. cum autem 7. inf. de her. quæ ab int. §. posthum. 26. tit. seq. Est autem hæc distributio ex jure civili: nam prætor suos hæredes ex necessariis vi ipsa fecit voluntarios, dato beneficio abstinendi, §. 2. inf. in fin. In hisce regionibus præter volunta- rios hæredes alios nullos agnoscimus: non ne- cessarios, quia neque servos habemus, nec habemus filios cum servili illi qualitate: quip- pe quæ effectus est veteris illius juris patris do- minico similis, apud nos, ut sæpe dictum est, incogniti. Non suos: quia sine fictione domi- nii rerum paternarum, ejusque post mortem patris continuatione in persona filii, suitas in- telli-



telligi non potest; cuiusmodi Romani juris subtilitates nostræ gentis simplicitas respuit.

## T E X T U S .

## De hæredibus necessariis.

*1* *Necessarius hæres est servus hæres institutus: ideoque sic appellatur, quia sive velit, sive nolit, omnino post mortem testatoris protinus liber & necessarius hæres fit. Unde qui facultates suas suspectas habent, solent servum suum primo aut secundo, aut etiam ulteriore gradu hæredem institvere: ut si creditoribus satis non fiat, potius ejus hæredis bona, quam ipsius testatoris, à creditoribus possideantur, vel distrabantur, vel inter eos dividantur. Pro hoc tamen incommodo illud ei commodum præstatur, ut ea, que post mortem patroni sui sibi acquisierit, ipsi reserventur. Et quamvis bona defuncti non sufficiant creditoribus, iterum tamen ex ea causa res ejus, quas sibi acquisierit, non veniunt.*

## N O T Æ .

*Pro hoc tamen incommodo*) Pro aspersione hujus notæ, quod bona ipsius nomine à creditoribus possideant, vel distrahantur.

*Illud ei commodum præstatur*) Μισὸς τῆς τιμῆς ὑβριστῶν, merces hujus injuriæ. Theoph.

*Ex ea causa res ejus*) Cujac. Fabrot. *ex alia causa quas sibi res acquisierit, & ita quoque Theophil, VINN.* Sed nihil tamen mutandum, Ostendit enim Justinianus servum factum hæredem necessarium, melioris esse conditionis quam eum, qui bonis celsit; *non posse enim ex ea causa res ejus, quas sibi postea aliunde adquisivit, venire, quod fieri potest, si quis bonis celsit, ad meliorem fortunam pervenerit, salvo licet beneficio competentis. l. 4. l. 6. l. 7. ff. de cess. bon.* HEIN.

## C O M M E N T A R I U S .

**N***ecessarius hæres est servus, &c.)* Necessitatis hujus causa est dominica potestas.

Cur enim non liceret hæredem necessarium facere, quem licebat occidere? *arg. l. in suis. l. l. de lib. & postb.* Non ait, institutus cum libertate; quod olim ex plurium sententia necessarium erat, ut valeret institutio: sed simpliciter, institutus: quia etiam omiſsa datione libertatis à domino institutum, liberum & hæredem necessarium esse voluit, *l. pen. C. de nec. serv. her. inst. §. 2. sup. qui & ex quib. ca. man. & sup. de her. inst. in pr.* Absolutè igitur necessarius hæres est servus à domino

hæres institutus, sed scilicet, si in eadem causa manserit. Nam si vivo testatore manumissus fuerit, sua voluntate hæres fit, si alienatus, novum dominum adeundo hæredem facit, §. 1. *sup. de her. inst.*

*Sive velit, sive nolit, omnino post mortem testatoris protinus*) Hæc verba textus evidentissimè ostendunt, non idem servum hæredem dici necessarium, quod nolenti imponitur necessitas adeundi: sed quia protinus, id est, statim à morte testatoris, hæres fit, solaque juris potestate citra ullam aditionem creditoribus hæreditariis obligatur, perinde ac sui hæredes & necessarii. Unde & si furiosus sit, necessarius domino hæres existit, *l. furiosus. 63. de acq. her.* Et vel hoc solum, quod abstinendi facultas ei denegatur, *l. necessariis. 57. in fin. d. tit.* certum argumentum est, ipso jure eum hæredem fieri. Cui jam consequens, statim quoque eum & simul liberum fieri: quod significat Jurisconsultus in *l. 6. §. ult. de her. inst.* cum ait, servum hæredem institutum à semetipso libertatem accipere; idemque traditur in *l. ex parte. 58. de acq. her.* Perspicuus ergo Giphanii error est, qui scribit, ante aditionem neque liberum fieri, neque hæredem. Et verò hoc ita constitui necesse fuit, ut invitus obligaretur creditoribus hæreditariis: siquidem ut quis præcisè adeat hæreditatem, cogi non potest, ne servus quidem à domino, *l. 3. C. de her. inst.* Observandum autem est, eum demum servum necessarium hæredem fieri, cui non aliunde debetur libertas. Nam si quis eum, quem ex fide commissio manumittere debebat, testamento suo liberum & hæredem esse jussit, placet, hunc necessarium hæredem non esse: quia libertatem non tam beneficio testatoris, quam alieno & debitam sibi accepit, *l. si servo. 84. de her. inst.*

*Unde qui facultates suas suspectas*) Indicat præcipuam utilitatem, eamque securam consuetudinem instituendorum servorum. Utilitas in eo consistit, ut bona dominorum, qui solvendo non sunt, post eorum mortem, non ipsorum, sed servi hæredis necessarii nomine à creditoribus possideantur vel distrahantur. Hinc orta consuetudo, ut qui facultates suas suspectas habent, infamiam auctoris metuentes, eam hoc pacto in servos derivarent; quos pro honore delatæ sibi hæreditatis conjuncto cum beneficio manumissionis æquo animo aspersorem hujus notæ ferre convenit, uti supra quoque notatum est sub §. 1. *qui & ex quibus. ca. man.*

*Hoc commodum præstatur*) Μισὸς τῆς τιμῆς ὑβριστῶν ὑβριστῶν, Theoh. Duriusculum enim fuisse,



ut si quid post mortem testatoris non ex causa hæreditaria, sed vel sua industria, vel ex aliorum liberalitate acquisivisset, ejus quoque distrahendi potestas creditoribus fieret. Cæterum prius quam bonis testatoris se immisceat, eave attingat, petere debet à prætorè horum bonorum separationem, quam & hoc casu impetrat, l. 1. §. ult. de separ. bon. Quo loco, quod notandum est, separari etiam id dicitur, quod servo à testatore debetur, quasi hoc etiam dici possit à patrono non perfectum: quæ singularis est humanitas.

## TEXTUS.

## De suis hæredibus.

2. Si autem & necessarii hæredes sunt, veluti filius, filia, nepos neptisve ex filio, & deinceps ceteri liberi, qui in potestate morientis modo fuerint. Sed ut nepos neptisve sui hæredes sint, non sufficit, eum eamve in potestate avi mortis tempore fuisse: sed opus est, ut pater ejus, vivo patre suo, deserit suos hæres esse, aut morte interceptus, aut qualibet alia ratione liberatus à patria potestate: tunc enim nepos neptisve in locum patris sui succedit. Sed sui quidem hæredes ideo appellantur, quia domestici hæredes sunt, & vivo quoque patre quodammodo domini existimantur. Unde etiam si quis intestatus moriatur, prima causa est in successione liberorum. Necessarii verò ideo dicuntur, quia omnino, sive velint, sive nolint, tam ab intestato, quam ex testamento, ex lege duodecim tabularum, hæredes fiunt. Sed his prætor permittit volentibus abstinere hæreditate, ut potius parentis quam ipsorum bona similiter à creditoribus possideantur.

## NOTÆ.

2. *Qui in potestate morientis* Εἰ τῷ κατὰ τὴν τελευτῆς. Th. atque hoc in liberis primi gradus perpetuum est: nam filius, qui in potestate est, non potest non esse suus hæres: in cæteris non item, ut mox sequitur.

*Non sufficit in potestate, &c.*) Ex his, qui in familia defuncti sunt, suus hæres propriè est, quem nemo in suo ordine antecedit, l. 33. §. de testam. mil. l. 6. de injust. rupt. §. 2. sup. de exb. lib.

*Aut qualibet*) Est tamen casus, quo nepos, qui tempus mortis avi suus hæres non erat, propter præcedentem personam patris destituito avi testamento suus hæres avo ab intestato existit, v. §. 7. & seq. inf. de hæ. quæ ab int.

*Prima causa liberorum*) Suorum scilicet hæredum. §. 2. inf. de hæ. quæ ab int. Hodie au-

tem liberorum omnium, Nov. 118. c. 1.

*Sive velint, sive nolint*) Necessitas hæc à jure patriæ potestatis, l. 4. de cond. & dem. quæ & ipsa est ex lege decemvirali. Dion. Halicarn. l. 2. pag. 96.

*Prætor permittit volentibus abstinere*) Quo beneficio utentes hoc consequuntur, ut quamvis creditoribus hæreditariis jure civili teneantur, tamen in eos actio non detur, l. 57. de acq. hæ. Itaque vi ipsa prætor ex necessariis voluntarios fecit, non tamen extraneos, quia, quod ipsis commodum, sui adhuc manent, §. 3. inf. de hæred. quæ ab int.

## COMMENTARIUS.

- 1 Plenus & planius, quam vulgo, sui hæredes describuntur.
- 2 Verbum hoc suus hæres non esse popolare & oratorium, sed forense & disciplinæ juris proprium: deque eo nonnulla non passim obvia.
- 3 Exponitur latissimè hujus nominis ratio.
- 4 Unde altera horum hæredum qualitas, nempe necessitas: & quid ea operetur?
- 5 Prætorè dato beneficio abstinendi necessitatem sustulisse, sed salvo jure suitatis, & quem effectum ea res habeat?

**V**eluti filius, filia, nepos, &c.) Qui sint & dicantur sui hæredes, licet non definitione aliqua, sed exemplis hæc declaretur, facile tamen ex his, quæ traduntur, quivis per se brevem & explicandæ rei idoneam definitionem extruxerit. Nam si non alii sui hæredes sunt quam liberi defuncti, & è liberis soli illi, qui in potestate morientis fuerunt, atque ex his, qui in potestate fuerunt, soli, quos tempore mortis nemo in familia antecedeat, hæc inductio nos quasi manu ducit ad hanc definitionem: Sui hæredes sunt liberi defuncti, qui, quo tempore is moritur, in potestate ejus sunt, primumque ab eo locum in familia obtinent. Non est tamen hæc definitio modis omnibus absoluta. Nihil in ea desiderarem, si idem semper mortis tempus & delatæ hæreditatis esset: ad hæc tempora non semper concurrunt; ex quo aliquando fit, ut qui, moriente eo, de cujus successione queritur, suus hæres non erat, postea tamen ei suus hæres existat. Planè neque ex testamento quisquam suus hæres existere potest, nisi qui tempore mortis in familia testatoris proximus est neque ab intestato, si aut nullum testamentum factum proponatur, aut quod factum erat, vivo testatore ruptum, aut vitiatum; quippe in his



casibus aliud tempus, quo deferatur hæreditas, nullum est, quam tempus mortis. At si proponas, patremfam. factò jure testamento, quod eo vivo infirmatum non sit, decessisse, hic evenire potest, ut qui tempore mortis suus hæres non erat, postea suus hæres existat, non utique ex isto testamento, sed eo destituto ab intestato; ut ecce; pater filio exhæredato extraneum hæredem instituit; deliberante hærede scripto filius moritur; mox scriptus omittit hæreditatem: nepos ex illo filio susceptus avo suus hæres erit ab intestato, & hic tamen tempore mortis avi suus esse non potuit propter præcedentem personam patris, l. 7. unde lib. §. cum autem. 7. & seq. inf. de hæ. que ab int. ubi hoc pluribus illustratur. Ut igitur perfecta sit definitio, pro tempore mortis ponatur tempus delatæ hæreditatis, hoc modo suus hæres est, quia in potestate morientis fuit, & tempore delatæ hæreditatis in familia proximus est.

*Aut qualibet alia ratione*) Puta emancipatione aut deportatione. Nam si quis ex suis hæredibus qualibet ratione suus hæres esse deserit; statim liberi ejus gradum occupant, & succedendo in sui hæredis locum quasi agnascendo sunt avo aut proavo sui hæredes, §. 2. supr. de exher. lib. §. 2. inf. de hæ. que ab int. l. Gallus. 29. §. & videtur. 12. cum seq. de lib. & posth. Enim verò hodie occupatio loci paterni atque in sui hæredis locum successio ex causa emancipationis nihil operatur quod effectum succedendi ab intestato, postquam placuit, etiam filios emancipatos jure civili ad successionem ab intestato admitti, atque in ea successione præferri nepotibus ex se natis, licet retentis in potestate avi, Nov. 118. c. 1. Ex quo etiam intelligimus, hodie edictum de conjug. cum emancip. lib. inutile esse.

*Sed sui quidem hæredes*) Nomen suorum hæredum ex jure civili descendit, l. ult. de bon. damnat. hoc est, ex lege duodecim tabularum, l. liberorum. 220. de verb. sign. Ulp. tit. 26. estque verbum forense ac proprium Jurisconsultorum, non populare aut oratorium, de quo Horom. 9. obs. 10. Quod ut intelligatur, sciendum est relativum suus non eodem modo ac sensu in proposito apud nostros usurpari, quo apud grammaticos & in sermone populi. Popularis locutio est, cum ea dictione ut relativa & reciproca sic utimur, ut referatur & redeat ad eam personam, quæ præcessit; veluti cum nostri dicunt, *Mulier suus filius in potestate non habet*, l. 5. C. de adopt. *Pater agnovit suum partum, aut filium suum*, l. 1. §. Julian. 22. cum seqq. de agn. & al. lib. Cæjus,

*Sejus testamento uxorem suam hæredem instituit*, l. Titia. 34. §. 3. l. ult. de legat. 2. In his enim locutionibus vox suus ad præcedentem personam refertur, scilicet ad matrem, ad Cajum Sejum. Atque hic usus hujus vocis, quem pueri docentur in scholis: citato vulgato illo, *Rogat te Cæsar, ut suas partes sequaris*. Ex eadem consuetudine & more vulgari nostri quoque loquantur, cum utramque vocem, hæres & suus, conjungunt: sed ita, ut suus sequatur veluti in his: *Testator à Titio hærede suo centum legavit*. *Titia ita fidei commisit hæredis sui*. *Stipulatus est sibi hæredique suo, ire agere licere*; l. 2. §. ult. de verb. obl. *Si quis uti frui licere sibi hæredique suo stipulatus sit*. l. stipulatio. 38. §. sed si. 12. d. tit. Quintil. lib. 5. cap. 16. *Quem quis hæredem suum esse voluit, charum habuit*. At cum ex usu juris peculiari loquantur, verbum suus refertur ad eum ipsum, qui hæres est, & quod diligenter observandum, tunc perpetuo id verbum præcedit; ut in his, *Mulier suum hæredem paritura est*, l. 31. §. 1. de acquir. hæred. *Fœmina suum hæredem non habet*, l. 4. §. 2. contr. tab. *Spes est, suum hæredem defuncto existere* l. pen. §. 1. unde legit. *Filius patri suus hæres est*, l. 45. §. 1. de neg. gest. *Mortuo filio nepos ex eo fit avo suus hæres*, l. 13. de injust. rupt. cum sexcentis similibus. Et igitur cum dico, *Mulier suum hæredem non habet*, intelligitur loqui de usu juris peculiari: cum ajo, *Sempronia hæredem suum rogavit, ut partem hæreditatis restituat Titio*, ex usu communi. Rati onem nominis mox audiemus.

*Quia domestici hæredes sunt*) Theoph. οἰκετικοί, eadem fere significatione, qua domesticum testimonium §. in testib. 9. sup. de test. ordin. aut quasi οἰκοδοεὶ καὶ ἀφ' εαυτῶν ἔχοντες, το ἀλλοπροσμεῖν. Οἰκογενεῖς, vernæ hæredes, qui non aliunde acciti, sed dominiati sunt. Ita & Plin. Paneg. yr. cap. 37. domesticos hæredes opponit extraneis, eosque ait bona non ut aliena & speranda, sed ut sua semperque possessa capere.

*Et vivo patre quodammodo domini*) Sui hæredes ideo dicuntur, quia non alienam, sed jam quodammodo suam hæreditatem accipiunt, & non magis alteri, quam sibimet ipsi hæredes sunt: unde Græcis dicuntur αὐτοκλαρομοι, quod eleganter ad Phœnicem suum Latantius accommodat hoc versu:

*Ipsa sibi proles, suus est pater, & suus hæres.*

Atque hoc nomine non magis post mortem patris appellatur, quam eo adhuc vivo & supersistente κατὰ περιλήψιν, & quod singulariter notandum, etiam vivo adhuc patre, dicuntur designare sui hæredes esse, puta si capite minuti sue-



fuerint, l. 1. §. 4. l. 11. de suis, & legit. l. 13. de injust. l. 29. §. 12. & seq. de lib. & postb. nimirum ideo, quia vivente adhuc patre, jam quasi quodammodo domini, patrique socii, participes, & cohæredes sunt, testimonio non solum nostrorum, Pauli l. 11. de lib. & postb. Justiniani hoc text. & §. 3. inf. de her. quæ ab int. verum aliorum etiam scriptorum. Terent. Heaut. act. 1. sc. 1. Donec salvus redierit meus particeps. Aufon. Idyll. 3.

*Iusta quidem series patri succedere: verum esse simul dominos, gratior ordo piis.*

Unde passim in comœdiis lervi filios dominorum, heros minores, νεοτίποις δεσποτας, vocant. Telemachi subulcus dicitur, qui erat Ulyssis. Odyss. l. Servus Abrahami Isaacum vocat dominum suum, Gen. 24. num. 65. Atque hinc est, quod patre mortuo, non tam novam & alienam hæreditatem percipere existimantur, quàm pleniorẽ & liberiorẽ veterum bonorum administrationem, statimque à morte parentis quasi continuatur dominium, d. l. 11. de lib. & postb. quo fit, ut ubi suus hæres est, numquam jacere hæreditas dicitur: nimirum quia nullum inter defuncti mortem & existentiam sui hæredis intervallum est, l. 1. §. qui sunt 7. si quis omiff. ca. test. Ex eo item est, quod sui hæredes ipso jure hæredes existant, citrà ullum vel suum vel alterius factum, sine aditione, sine cretione, sine gestione pro hærede, d. §. 3. inf. de her. quæ ab int. l. in suis 14. de suis & leg. adeoque ance apertas tabulas, l. 3. C. de jur. del. tametsi ignorent patrem decessisse: ac proinde etiam furiosi sint, aut alias voluntate careant, d. §. 3. l. furiosi 63. de acq. her. Cujus rei hic effectus, ut paternam hæreditatem tamquam jam sibi quæsitam ad quoscumque hæredes transmittant, d. l. 3. C. de jur. delib. Hinc denique est, quod cum extranei dicantur acquirere, adire, repudiare hæreditatem, sui dicuntur hæredes existere, (quod Græci interpretantur ἀναπαίσειν τῆν) retinere, immiscere, abstinere: quasi qui rebus jam olim suis, ut domini utantur, easve retineant aut derelinquant. Postremo ex his etiam liquet cur sui hæredes, si non instituantur, exhæredandi sint, atque in his solis exhæredationem propriè dici, l. quidam 13. v. 1. de verb. obl. add. Hotom. 9. obs. 10. VINN. Similia fere sunt apud Oisfel. ad Caj. Inst. lib. 11. tit. 3. §. 6. Sed incommodior tamen videtur ratio, filios esse hæredes vivo patre, quum viventis nulla sit hæreditas. Hinc verosimilius videtur, filios dici suos hæredes, quasi proprios, & in patris potestate dominioque Quiritario constitutos. Ita Jan. à Co-

sta ad pr. Inst. hoc tit. & V. C. Schulting. ad Caj. l. c. p. 166. HEIN.

*Si quis intestatus*) De hac re agimus infr. §. 2. de her. quæ ab int. Disertè autem ait intestatus: nam lex duodecim tabularum liberam civibus Romanis testandi facultatem concessit; cujus vi legis patri licuit, filium quem in potestate habebat, exhæredare, aliumque sibi hæredem facere. Sed & hoc ipsum, quod hic refert, ex jure civili est, & illo antiquo: quippe jure honorario postea etiam liberorum emancipatorum ratio haberi coepta est, perindeque hi liberi ad bonorum possessionem & vi ipsa ad hæreditatem a prætorè admiffi, ac si capite minuti non fuissent, l. 6. §. 1. de bon. poss. §. emancipati 9. infr. de her. quæ ab int. Hodie autem liberi emancipati non minus, quàm sui, etiam jure civili ab intestato succedunt, Nov. 118. c. 11. quamquam in modo acquirendæ hæreditatis diversitas mansit: de quo alibi.

*Necessarii ideo dicuntur, quia sive velint, sive nolint*) Necessitas hæc à jure patriæ potestatis est, l. 5. de cond. & dem. quæ similis dominica fuit, ut ostendimus in §. 2. sup. de pat. pot. liberosque hac in causa redigebat ad instar servorum: unde & commune iis servis hæredibus à domini institutis nomen necessariorum hæredum, l. 12. de cond. inst. l. necessariis. §. 7. de acq. her. & passim. Licet autem sicuti cohereditate necessitas; est tamen diversa qualitas à sultate. Ex eo quod qui suus est, ipso jure hæres fit, bonaque paterna penes eum remanent, ex eo quod necessarius, ea retinere cogitur, creditoribusque paternis, velit nolit, respondere, d. l. necessariis. quamquam hic etiam suum confert sultas. In sultate jus liberorum magis in necessitate solius patris vertitur; cui ob id liberum fuit necessitatem hanc remittere, atque ex necessario hærede facere voluntarium, d. l. 22. de cond. inst. l. jam dubitari. 86. de her. inst. Neque unquam pater dicitur suum hæredem facere, sed bene necessarium: & cum impuberi filio fratrem necessarium hæredem facit, suum tamen hæredem non facit, ut rectè Govean. d. l. 2. §. 5. num. 33. & in l. 10. §. 1. num. 2. de vulg. & pupil. contra Bart.

*Prætor permittit volentibus abstinere hæreditate*) Cum quæsitæ hæreditatis hæc vis fit, ut nos obliget æri alieno, licet solvendo non sit, l. 8. de acq. her. suisque hæredibus ipso jure acquiratur hæreditas, consequens quidem est, ut creditoribus hæreditariis respondere teneantur, quamvis bona paterna non sufficiant, usque se bonis abstinere parati sint: humanitas tamen hic postulare videbatur, ut eo on-



re, qui id non sponte suscepissent, liberarentur. Verum tantum abest, ut jus civile iis subvenerit, ut eodem jure etiam necessitas ista comparata sit & annexa sinitati. Et quid mirum, si lex, quem occidere patri permittebat eundem necessarium hæredem patri fecerit, aut permisit patrem sibi facere? Cæterum acerbitate juris civilis prætor mitigavit data suis & necessariis hæredibus potestate abstinendi: quo beneficio qui ex his uti volunt, hoc consequuntur, ut necessitate subeundorum onerum hæreditariorum non stringantur, *d. l. necessariis 57. de acq. hæ.* Ex eo autem quod prætor hic dicitur liberis necessariis hæredibus volentibus potestatem facere abstinendi hæreditate, & alibi eos liberare oneribus hæreditariis, si velint derelinquere hæreditatem, *d. l. necessariis*, rectè colligitur, prætorem ex necessariis vi ipsa fecisse voluntarios, quamquam non extraneos: necessitatem tantum à prætore sublata, non sinitatem: quippe cujus maxima pars ad utilitatem liberorum pertinet, quibus prodesse, non nocere prætori propositum fuit, *l. 12. de vulg. & pup.* Quamobrem etiamnum & ipso jure & ignorantes hæredes fiunt, & obligantur creditoribus hæreditariis, §. 3. *inf. de hæ. que ab int. l. 22. de cond. furt. dist. l. necessariis 57.* quamvis respectu beneficii prætorii, non fit, ut in eos actio non detur, idem jus habere dicuntur, quod futurum esset, si liberum arbitrium adeundæ hæreditatis haberent, *nam nec 89. de legat. 1.* Manebit igitur adhuc eadem sinitatis effectus, quem supra indicavi, ut si filius deceaserit, cum vel ignoraret patrem mortuum esse, vel sciret & quidem, sed non tantum declarata voluntate de retinenda aut derelinquenda patris hæreditate, eam hæreditatem, utpote ipso jure sibi jam quæsitam, ad hæredes quoslibet transmittat. Rectène dicitur, jus sinitatis tolli per exhæredationem; aut vulgarem substitutionem; alibi disputavimus. Clarius verò adhuc apparet, sinitatem non esse sublata à prætore ex eo, quod etiam post abstentionem nudum illud nomen hæredis non est sine effectû; nam & sola sui hæredis existentia confirmat tabulas pupillares, ut docuimus supra sub *pr. de pup. subst.* & libertates sustinet, *l. cum quasi. 30. §. sed etsi 10. de fid. lib.* quo loco disertè pro oratione hoc dicit Jurisconsultus, *quod non sit sine hærede, sua suum hæredem, licet se abstinentem, habet: operatur confirmationem fideicommissi, ut sinituta hæreditate ex Senatusconsulto Trebell. transeant actiones, l. ita tamen. 27. §. 3. Sen. Treb.* Postremo inde est, quod hæredi-

tas pupilli, quantumvis abstinentis, potestate juris civilis cum hæreditate patris confusa censetur, *l. paterfam. 28. de reb. aut. jud. poss.* licet hoc casu substitutus pupilli separationem bonorum patris & filii petere possit ex sententia Marcelli probata ab Ulpiano *l. Julianus. 42. de acq. hæ.*

Ut potius parentis, quàm ipsorum bona) Species ignominia est, bona alicujus à creditoribus præter æs alienum possideri aut publicè distrahi. Itaque ne id fiat, etiam mortuorum interest; atque ob eam causam placuit, non minus ignominiam istam, quàm hæreditatem servis relinqui posse: nec causam prætor habuit, cur servo necessario hæredi potestatem daret abstinendi, *d. l. necessariis 57 §. ult. de acq. hæ.* qui tamen liberorum pudori ac famæ parcendum existimavit, *l. paterfam. 28. de reb. aut. jud. poss.* hoc est, satius putavit, ut ex duobus, qui pari conditione sunt, potius patris defuncti nomine quàm filii viventis non sentientis, quàm sentientis se hac affici injuria, bona possideantur aut divendantur.

## TEXTUS.

## De Extraneis.

3. Ceteri, qui testatoris juri subjecti non sunt, extranei hæredes appellantur. Itaque liberi nostri, qui in potestate nostra non sunt, hæredes à nobis instituti extranei hæredes nobis videntur. Qua de causa & qui hæredes à matre instituuntur, eodem numero sunt: quia fœminæ in potestate liberos non habent. Servus quoque hæres à domino institutus, & post factum testamentum ab eo manumissus, eodem numero habetur.

## NOTÆ.

3. Hæredes à matre) Sicut fœmina liberos in potestate non habet, ita nec suos hæredes habere potest, *l. 4. §. 2. cont. tab.* Multo magis huc pertinent parentes, fratres, &c. Et sic quidem ad discretionem suorum hæredum. Nam alias omnes legitimi & honorarii successores ab extraneis rectè secernuntur.

Eodem numero) Extraneorum videlicet: quoniam utrumque ex defuncti testamento consecutus non est, libertatem scilicet & hæreditatem, §. 1. *sup. de hæ. inst.*

## COMMENTARIUS.

1. Extranei hæredes quotuplici sensu dicuntur. Sequitur tertium genus hæredum, extranei, qui iidem & voluntarii hæredes dicuntur, propterea quod his hæreditas voluntate acqui-



ritur, ut si velint, liceat suscipere, §. *ult. inf. eod.* si nolint, non cogantur, *l. nec emere 16. C. de jur. del.* eaque appellatione commodius in distributione necessariis oppositi fuissent, ut initio monuimus. Sunt autem extranei seu voluntarii hæredes in liberis hominibus omnes, qui non sunt sui & domestici; ac proinde qui ad hæreditatem sive ex testamento sive ab intestato vocati in potestate morientis non fuerunt, aut non proximo in familia gradu: ex servis, qui utrumque ex domini testamento non consequuntur, libertatem scilicet & hæreditatem, §. 1. *supr. de her. inst. & hoc textu in fin.*

*Qui in potestate nostra non sunt*) Liberos intelligit emancipatos; quos constat per emancipationem à familia exire, & extraneos nobis fieri, *l. quin etiam 55. §. 1. de rit. nupt.* Itaque sive hæredes à patre instituti sint, sive ab intestato ad bonorum possessionem à prætoribus vocentur, non efficiuntur ipso jure hæredes aut bonorum possessores: sed sua voluntate aut hæreditatem adeundo, aut bonorum possessionem agnoscendo. Sed & hodie, etsi jure civili quoque ab intestato succedunt, *Nov. 118. c. 1.* non aliter tamen, quam si voluerint, & adierint hæreditatem, hæredes fiunt, ut ex communi sententia hic notat Wesemb. & suo tempore à nobis confirmabitur.

*Qui hæredes à matre instituantur*) Quemadmodum foemina liberis in potestate non habet, ita nec suos hæredes habere potest, *l. 4. §. 2. cont. tab.* Huc igitur multo magis pertinent parentes & fratres. Illud singulare est, quod frater impuberi fratri à patre substitutus necessarius fratri hæres sit. Etenim patri concessum est, quos sibi facit necessarios, eosdem & filio facere, *l. 2. §. prius 4. in fin. l. 10. §. 1. de vulg. & pup. l. Julian. 42. de acq. her.* Suum tamen hæredem hunc fratri non fieri, contra Bart. probat Govean. *in d. l. 2. §. 4. & 5.* Omittendum verò hic non est, verbo extraneorum hæredum non semper intelligi omnes, qui sunt voluntarii, aut omnes designari, qui non sunt sui. Nam & filius emancipatus ab extraneis discernitur, *l. filiusfam. 114. §. sed & si 16. de legat. 1. l. peto 69. §. pen. & ult. de legat. 2.* atque in *l. unic. C. de impon. lucrat. descript.* appellatione extraneorum significatur soli, qui in numero descendendum non sunt: & patrono legitimo hæredi extraneus opponi videtur in *l. libertus 36. de bon. lib.* Sane cum de jure succedendi ab intestato queritur, pro extraneis simpliciter habendi non sunt, qui præteriti aut exhæredati jure civili aut prætorio testamentum rescindere possunt.

Quo in genere sunt liberi emancipati, quibus & exhæredatis querela de inofficioso, & præteritis bonorum possessio contra tabulas datur, ac jure novissimo etiam successio ab intestato una cum suis hæredibus defertur. Item liberi, qui numquam in potestate fuerunt; qui & ipsi exhæredati matris aut avi materni testamentum inofficiosum dicere possunt. Quibus accedit, quod ex constitutione Theodosii liberi omnes à parentibus instituti hæreditatem etiam non aditam, & ante apertas tabulas morientes, transmittant ad eos, qui ex se descendunt, *l. un. C. de his qui ante ap. tab.* qui effectus quidam est fuitatis: & sui hoc amplius tantum habent, quod hæreditatem ignorantes transmittunt ad hæredes quosvis. Sed neque parentes prorsus extranei hæredes habendi, cum in ipsis præteritis querela inofficiosi competat. Quin etiam omnes, qui ab intestato sive à lege sive à prætoribus ad successionem vocantur, suo sensu possunt dici non extranei, nimirum ad differentiam eorum, qui ab intestato venire non possunt: eoque sensu Cælius *lib. 2. rit. 3. in fin.* extraneos hæredes designat, qui nullo propinquitatis gradu testatori junguntur: quamvis incitè eo loco, ubi extraneos & suos invicem in dividendo opponit. Ex his verò intelligi potest, quid sibi velit Baldus in *l. 9. col. 12. 3. opp. C. de collat.* cum ait, extraneum dici tripliciter, à fuitate, à filiatione, & à cognatione.

## TEXTUS.

### De testamenti factioe.

4 In extraneis hæredibus illud observatur, ut sit cum eis testamenti factio, sive hæredes ipsi instituantur, sive ii, qui in potestate eorum sunt. Et id duobus temporibus inspicitur: testamenti quidem facti tempore, ut constituitur institutio: mortis verò testatoris, ut effectum habeat. Hoc amplius & cum adit hæreditatem, esse debet cum eo testamenti factio; sive purè, sive sub conditione hæres institutus sit. Nam jus hæredis eo maxime tempore inspicendum est, quo acquirit hæreditatem. Medio autem tempore inter factum testamentum & mortem testatoris, vel conditionem institutionis existentem, mutatio juris non nocet heredi: quia, ut diximus, tria tempora inspicere debent. Testamenti autem factioe non solum habere videtur, qui testamentum facere potest: sed etiam qui ex alieno testamento vel ipse capere potest, vel alii acquirere, licet non possit facere testamentum. Et ideo, furiosus, & mutus, & puer, & infans, & filiusfamilias, & servus alie-



*alienus, testamenti factionem habere dicuntur. Licet enim testamentum facere non possint; attamen ex testamento vel sibi, vel alii acquirere possunt.*

## NOTÆ.

4. In extraneis ) Ex Florent. l. 49. §. 1. de hæred. inst. ait in extraneis, quia in suis hæredibus vix est, ut locus sit quæstioni de capacitate.

Qui in potestate eorum ) Ratio est, quoniam institutio servorum, qui per se sunt incapaces, substatitur ex persona domini, quocum testamenti factio est, l. 31. d. tit.

Ut effectum habeat ) Id est, ut dies ejus utiliter cedat: quod fit, si quis sit mortis tempore cui hæreditas utiliter deferatur, & qui eum adeundo possit consequi, l. 52. de leg. 2.

Et cum adit hæreditatem ) Ita & Flor. d. l. 49. §. 1. Cæterum non sufficit hoc tempore capacem esse, si mutatio juris hæredi contigerit post mortem testatoris aut conditionis eventum.

## COMMENTARIUS.

1 In successione ab intestato de capacitate hæredum diversis temporibus spectanda quæri non posse; de qualitate posse.

2 Quid in successione ex testamento circa suos hæredes.

3 Notatur & refellitur insignis error Wesembecii.

4 Cum de capacitate inspicienda queritur, nihil interesse, domini an eorum servi instituti sint.

5 Non satis subtiliter tempus adeundæ hæreditatis in consideranda capacitate hæredis constitui terminum distinctum à tempore mortis.

6 Probatur invidiis rationibus, tempus adeundæ hæreditatis neque in pura institutione tertium, neque in conditionali quartum terminum constituisse.

7 In pura institutione ut duo sunt extrema, ita unum tantum esse medium tempus, quod non noceat; in conditionali uti extrema tria, ita duo tantum media.

EXpositis generibus & differentiis hæredum, pergat ad id, cujus cognoscenda causa differentiarum iste præcipue tradita fuerunt, videlicet ad ipsam hæreditatis jure delatæ acquisitionem: & quia in extraneis hæredibus (in aliis enim, ut mox ostendemus, disputatio proposita inepta est) ad acquirendam hæreditatem necessario requiritur, ut sint hæreditatis capaces; merito primum docet, quibus temporibus capacitas illa inspicienda sit, ut hæreditatem sibi delatam obtinere possint. Qua de re ut habeamus quod certo statuere li-

ceat, primum distinguendum est inter successionem ab intestato, & successionem ex testamento: deinde inter qualitatem hæredis, & ejusdem capacitem. In successione ab intestato de capacitate hæredum diversis temporibus spectanda disputari non potest; cum nemo ad successionem ab intestato vocetur, qui non sit capax tempore mortis ejus, de cujus hæreditate agitur. De qualitate autem quæri potest, puta quo tempore spectandum, an quis suus sit, aut proximus agnatus. Placuit autem, in eo inspicere tempus delatæ hæreditatis; quod tempus plerumque quidem idem est cum tempore mortis, sed tamen non semper, §. cum autem. 7. infr. de hæred. que ab int. §. proximus. 6. infr. de leg. agnat. succ. quibus locis diligenter hoc à nobis exponitur. In successione ex testamento in suis hæredibus vix est, ut locus sit quæstioni de capacitate, cum non possit non esse cum suo hærede testamenti factio. Cæterum quod ad qualitatem, hoc est, suitatem pertinet, quæri potest, utrum necesse sit eos utroque tempore suos esse & testamenti facti & mortis testatoris; an satis sit, tales fuisse saltem altero, id est, tempore mortis. Sed verius est, sufficere, tales esse tempore mortis, etsi tempore testamenti non fuerint, per l. si quis. 18. de injust. rupt. l. 23. §. 1. de lib. & postb. ut tamen & testamenti tempore capaces fuerint, omnino necesse est: alioqui Catoniana regula impediatur institutio. Notandum autem hic est insignis error Wesembecii, qui scribit, non fuisse necesse, ut de suis & necessariis eadem moneremur, propterea quod ex persona testatoris testamenti factionem habeant. Quis enim umquam fando audivit, quemquam habere testamenti factionem ex persona testatoris? cum servo testamenti factio est ex persona domini, & substatitur servi alieni institutio, si cum domino testamenti factio est, quasi ipse dominus mediate per servum institutus esset, l. non minus. 31. de hæred. inst. l. 10. §. 1. de acquir. rer. dom. Sed hoc ad servum necessarium hæredem qui applicari potest? aut qui potest domini persona accommodari servo, ubi idem dominus est & testator? Sed valet hic institutio ex persona ipsius hæredis, quatenus consideratur ut jam liber & civis Romanus, quo tempore testamento deferri incipit hæreditas. Dicere verò, filiumfamil. hæredem institutum aliunde personam mutuari, sive ab extero hæres institutus sit, sive à patre, intolerabile est. Ut ad rem redeam, tota fere quæstio de inspicienda diversis temporibus capacitate, ad extraneos hæredes, eosque testamento institutos pertinet; quemad-



modum etiam hic de extraneis hæredibus proposita est ex Florentino, *l. si alienum*, 49. §. 1. *de her. inst.* Quàm rectè dicatur, & quam rationem habeat, quod tria tempora hic observentur, tempus facti testamenti, mortis testatoris, & hæreditatis adeundæ, ex progressu liquabit.

*Sive ii qui in potestate eorum sunt*) Cùm extranei hæredes alias capaces sint, alias incapaces, & eorum qui sunt capaces, non minus servi, quàm illi ipsi hæredes institui possint, quæri poterat, an quibus temporibus capacitas eorum spectatur, cùm ipsi hæredes instituti sunt, iisdem etiam eadem spectetur, cùm instituti sunt eorum servi? Ait autem Imp. hic post Florent, *d. l. si alienum*, 49. §. 1. nihil in proposito interesse, utrum ipsi domini hæredes instituti sint, an servi eorum. Et rectè: nam cùm servorum, qui ipsi per se incapaces sunt, institutio sustineatur ex persona domini, quorum testamenti factio est, *l. non minus*, 31. *de hæred. instit.* l. 12. §. 2. *de legat.* 1. consequens omnino est, testamenti factionem iisdem temporibus cum domino esse oportere, servo ejus hæredes instituto, quibus oportere, si ipse hæres institutus esset: proinde & facti testamenti tempore & mortis testatoris. Huic tamen patri contradicere videtur Terentius Clemens, *l. servus*, 82. *de acq. her.* Ait enim, servum ejus, qui capere non potest, & hæredem institui posse, & eum ipsum, si, antequam jussu domini valeat, manumissus sit, ad hæreditatem admitti. Verùm ut totus iste locus & loci inscriptio ostendunt, non loquitur Clemens de servo ejus, qui omnino non est capax, aut eum quo simpliciter non est testamenti factio, qualis est peregrinus aut deportatus: (nam & hunc nihil prohibet servum habere, *l. 7. de legat.* 3.) sed de servo ejus, cum quo quidem ut cive Romano testamenti factio est, sed qui capere non potest ex ejus testamento, qui servum instituisse proponebatur. Erant enim inter cives, qui ex quorundam testamentis aut nihil aut partem tantùm capere poterant, ut cœlibes, orbi, vid. *supr. pr. de her. inst.* Aliter respondet Cujac. *ad d. l. si alienum*, 49. §. 1. *de her. inst.*

*Duobus temporibus, testamenti facti, & mortis testatoris*) Mox tamen adjicit & tertium tempus, scilicet quo adeunda hæreditas, uti & Jurisconsultus *d. l. si alienum*, §. 1. De duobus temporibus testamenti & mortis testatoris, res expedita est. Nam testamenti tempus ideo necessario inspiciendum est, ut consistat institutio, nimirum propter regulam Catonianam, qui initium spectari vult, nec patitur, insti-

tionem, quæ ab initio non valuit, ex postfacto convalescere, *tot. tit. de reg. Caton.* Mortis verò ideo, ut effectum habeat institutio; hoc est, ut dies ejus utiliter cedat. Quod fit, si quis sit eo tempore, cui hæreditas utiliter deferatur, quique eam adeundo sibi acquirere possit, *l. non oportet*, 52. *de legat.* 52. Quod verò duobus istis temporibus Imp. & Jurisconsult. *d. l. si alienum*, §. 1. tertium adjungunt, tempus scilicet adeundæ hæreditatis, eoque tempore non minus quàm superioribus, atque ut distinctio à tempore mortis capacitatem hæredis inspiciendam ajunt, idque sive sub conditione institutus sit, satisne subtiliter aut consideratè ab iis dicatur, merito dubitaveris. Mihi enim, ut dicam quod sentio, Jurisconsultus, cujus verba descripsit Tribonianus, non satis cautè eo loco locutus videtur: neque id temere à me dictum mox fatebere.

*Hoc amplius & cum adit hæreditatem, &c. sive purè, sive sub conditione institutus sit*) Ita quoque Jurisconsultus in *d. l. si alienum*, §. 1. nimirum ergo Imp. & Jurisconsultus hoc ajunt, præter priora duo tempora, testamenti sc. & mortis testatoris, etiam adeundæ hæreditatis tempus circa capacitatem hæredis spectari, sive purè, sive sub conditione instituti. Mihi verò hoc inconsideratius dictum videtur, & sive pura sit institutio, sive conditionalis, tempus adeundæ hæreditatis in consideranda capacitate hæredis non bene constitui terminum distinctum à tempore mortis aut conditionis existentis. Primum enim ubi pura institutio est, nego plura tempora in proposito spectari, quàm duo illa, testamenti facti, & mortis testatoris: tempus autem adeundæ hæreditatis à tempore mortis ajo distingui non oportere. Quod sic demonstro. Hæres purè institutus aut incapax tempore mortis invenitur, aut capax. Si incapax, frustrat quæritur de ejus capacitate tempore aditionis hæreditatis, cùm qui capax non est tempore mortis, & si postea capax fiat, hæreditatem acquirere non possit: quod ipsum etiam hoc loco & *d. l. si alienum*, 49. §. 1. apertè significatur, cùm ad hoc ut effectum habeat institutio, requiritur, ut institutus capax sit tempore mortis; neque ratio juris aliud patitur, secundum quam constitat, tempus aditionis cum tempore mortis conjungi, *l. hæres*, 54. *de acq. hæred.* l. omnia, 193. *de reg. jur.* Si est capax, & deinde hæreditate nondum adita incapax factus, post aliquando in pristinam causam restitutus sit, hic quidem temporis adeundæ hæreditatis tamquam tertii extremi ratio aliqua haberi poterat; cæterum non haberi, ac ne sic quidem hæ-



hæreditatem institutio acquiri posse, ex eo evincitur, quod in pura institutione unum tantum tempus intermedium est, quo hæredi mutatio juris non nocet, tempus scilicet, quod intercedit inter factum testamentum & mortem testatoris; ex quo porro hoc sequitur, in pura institutione duo tantum esse extrema, quæ circa capacitatem hæredis considerentur, tempus testamenti conditi, & mortis testatoris: per hunc *text. vers. modio autem, & d. l. si alienum, §. 1. vers. eod.* Denique certum est, non tantum mortuo hærede institutio, sed etiam eo deportato aut servo facto ante aditam hæreditatem, statim locum fieri substitutis aut hæredibus ab intestato, *l. Gallus, 29. §. & quid. 5. de l. & post. l. 3. §. 1. de his quæ pro non script.* Sed nec in conditionali institutione rectè dicitur, circa capacitatem hæredis inspicere tempus aditionis; sed præter duo priora inspicitur etiam tempus existentis conditionis, ita ut tria quidem hæc sint extrema, sed præter tempus testamenti & mortis, tum inspicitur existentia conditionis, non etiam tempus adeundæ hæreditatis; alioqui enim dicendum foret, quod inauditum est, in conditionali institutione quatuor tempora distinctè consideranda esse, testamenti, mortis, conditionis existentis, & quo aditur hæreditas: si quidem conditio existens hæredem scriptum jure hæredem non facit; sed tantum institutionem purificat, ut ad acquirendam extraneo hæreditatem nihilominus adhuc opus sit aditione. Quid quod nec Imperator ipse aut Jurisconsultus *dist. loc.* plura tempora in conditionali institutione agnoscunt, quam tria ista, quæ diximus? Ajunt enim, medio tempore inter factum testamentum & mortem testatoris, vel conditionem institutionis existentem, mutationem juris non nocere hæredi. Quod si tempus adeundæ hæreditatis quoque eodem modo spectaretur addere debebant, æquè medio tempore inter conditionem existentem & aditionem hæreditatis mutationem juris hæredi non obesse. Effectum igitur est, tempus aditionis hæreditatis neque in pura institutione constituere terminum tertium, neque in conditionali quartum; ac proinde parum consideratè tempus illud hoc loco cõfertur cum prioribus. Et omnino existimo, eo quod hic traditur de inspicienda capacitate hæredis etiam quo tempore de adeunda hæreditate agitur, nihil aliud significari, quam eum, qui isto tempore capax non est, licet cæteris temporibus capax fuerit, hæreditatem adeundo acquirere non posse: & quamvis nec monitio pene inepta videatur, cum contradictoria sint, incapacem

esse, & posse acquirere hæreditatem, tamen non alium illorum verborum sensum esse patet ex eo, quod cum de extremis agitur & intermediis, quæ non nocent, temporibus, tempus adeundæ hæreditatis inter ea extrema non agnoscitur, utpote quo capacem esse hæredi nihil profit, si aliquando aut post mortem testatoris aut post conditionis existentiam incapax fuerit.

*Medio tempore inter factum testamentum & mortem testatoris, vel conditionem*) Hic expressa habemus tempora omnia, & quæ considerantur ut extrema, & quæ insuper habentur ut intermedia. In pura institutione extrema duo sunt, testamenti, & mortis testatoris; medium unum, quod inter duo ista interjectum est. In institutione conditionali extrema tria; nam tertium in ea facit existentia conditionis: media, quæ non nocent, duo. Quippe secundum medium in ea est, quod intercedit inter mortem testatoris & conditionem institutionis existentem. Præter hæc neque aliud extremum, neque intermedium numeratur. Unde apparet, verba, quæ sequuntur, *quia, ut diximus, tria tempora inspicere debent*, eadem, quæ supra, inconsiderantia prolata esse, & vel non attento tempore conditionis existentis, vel duobus temporibus, mortis, & existentis conditionis, pro uno computatis, forte quod posterius retrahitur, & conjungitur cum priorè. Illud nullam rationem habet, quod Jo. Faber contendit, in conditionali institutione non esse necesse, ut hæres capax sit tempore mortis testatoris. Nam si tempore testamenti facti id exigitur, fortiori ratione idem exigetur tempore mortis, quod, quoniam morte testamentum confirmatur, magis principale habendum est; & jam dictum est, tempus conditionis existentis retrahi ad tempus mortis & cum eo conjungi, uti & tempus aditæ hæreditatis; atqui hoc fieri non potest, si tempore mortis cum hærede non fuerit testamenti factio. Itaque nullius momenti est argumentum Fabri, quod tantum facit in conditionali institutione tempus existentis conditionis, quantum in pura tempus mortis. Nam etsi ex conditionali institutione non defertur hæreditas tempore mortis, sed deum existente conditione; quam ob causam etiam in capacitate hæredis inspicienda illius temporis ratio habetur: nihilominus tamen & tempus mortis in eodem negotio spectandum est; quia existente conditione ad id tempus statim recurritur, & perinde habetur, ac si purè institutio facta esset: nec verò ob aliam causam institutio conditionalis sustinetur, quam



quàm quod, conditione quandoque existente, eventus ejus ad tempus mortis retrotrahitur, & pro eo res habetur, ac si purè hæreditas relicta sit. De quo ex professo *sup.* §. hæres 9. *de hæ. inst.* Sed & apertè satis hoc ipsum significat Justinianus, cum ait, tria tempora inspicì debere: hoc enim tam de conditionali, quàm pura institutione dici palam est. At ex tribus istis temporibus unum est tempus mortis: refert enim se ad tria illa, quæ antea enumeraverat; ut verò extrema habilia sint necesse est. Hæc plerisque aut ignota, aut intracta, ut Viglio, Mynf. Hotoman. Wefembec. &c.

*Ex alieno testamento capere*) Testamenti facitione duplex jus continetur, faciendi testamentum, & ex testamento capiendi. Hinc vulgo DD. testamenti facitionem dividunt in activam & passivam. Quamvis enim propriè is solus testamentum facitionem habere dicatur, cui testamenti faciendi jus est; videmus tamen nostros aliquando pinguius ita loqui, ut eos quoque dicant testamenti facitionem habere, qui tantum capere ex testamento possunt, *l. filiusfam. 16. qui test. fac. l. ult. pro hæred. cum quibus esse testamenti factio rectius dicitur & usitatus, ut alibi ostendimus.*

*Furiosus*) Marcellus *d. l. filiusfam. 16. §. 1. qui test. fac.* scribit, furiosum ideo testamenti facitionem habere, quia potest sibi acquirere legatum vel fideicommissum. Non addit, hæreditatem; quoniam eam hæres scriptus, donec respiscat, nec sibi nec alii acquirere potest, extra quam si patri necessarius hæres existat, *l. furiosus 63. de acq. hæ. Planè curator furiosi bonorum possessionem ejus nomine agnoscere potest, l. ult. §. si autem 3. C. de cur. fur. l. 1. de bon. poss. fur. infant. &c.*

## TEXTUS.

### De jure deliberandi, & de beneficio inventarii.

5. *Extraneis autem hæredibus deliberandi potestas est de adeunda hereditate, vel non adeunda. Sed si ve is, cui abstinenti potestas est, immiscuerit se bonis hereditatis; si ve extraneus, cui de adeunda hereditate deliberare licet, adierit, postea relinquentis hereditatis facultatem non habet, nisi minor sit XXV. annis. Nam hujusmodi ætatis hominibus, sicut in cæteris omnibus causis, deceptis, ita & si temere damnosam hereditatem susceperint, prætor succurrit. Sciendum est tamen, divum Hadrianum etiam majori XXV. annis veniam dedisse, cum post aditam hereditatem grande et*

*alienum, quod adita hereditatis tempore latebat, emerisset. Sed hoc quidem divus Hadrianus cuidam speciali beneficio præstitit. Divus autem Gordianus postea militibus tantummodo hoc concessit. Sed nostra benevolentia commune omnibus subjectis imperio nostro hoc beneficium præstitit; & constitutionem tam acquisitam, quàm nobilissimam scripsit, cujus tenorem si observaverint homines, licet eis adire hereditatem, & in tantum teneri, quantum valere bona hereditatis contingit: ut ex hac causa neque deliberationis auxilium sit eis necessarium, nisi omissa observatione nostræ constitutionis & deliberandum existimaverint, & sese veteri gravamini aditionis supponere maluerint.*

## NOTÆ.

5. *Extraneis hæredibus*) Ex Florent. *l. 49. §. 1. de hæ. inst.* Ait, extraneis, quia deliberatio extraneorum hæredum propria est. Cæterum postquam suis hæredibus à prætorè concessa facultas abstinenti, etiam deliberandi eis data, *l. 8. & seq. de jur. del. l. 19. C. eod.*

*Deliberandi potestas*) Si creditores legatarii, &c. non urgeant, potest hæres vel intra 30. annos adire: si insent, aut statim adire debet, aut tempus ad deliberandum petere, *l. 9. C. eod.* ut interim instrumenta hæreditaria & rationes defuncti inspiciat, *l. 5. D. eod. l. 28. de acq. hæ. à Principe annus conceditur, à iudicibus novem menses, l. ult. §. 13. C. d. tit. olim id fuit arbitrarium, l. 1. §. 2. D. eod.*

*Immiscuerit se*) Sui non dicuntur adire, pro ve hærede gerere, aut repudiare, quæ iis solis conveniunt, quibus hæreditas tantum oblata est; sed immiscere, aut abstinere, quæ propriè dicuntur de rebus partis & jam nostris, *l. 14. §. 1. de relig. l. 31. l. 57. l. 71. §. 1. l. 87. de acq. hæ. quamquam interdum hæc accuratio negligitur, l. 7. §. 10. de minor. l. 6. C. de leg. hæ.*

*Nisi minor 25. annis*) *L. 7. §. 5. de minor. et generali nimirum illo edicto, propter inconsultam hujus ætatis facilitatem.*

*Damnosa hereditatem*) Et ex contrario, si lucrosam tempore repudiaverint, *l. 2. C. si ut omn. hæ.*

## COMMENTARIUS.

- 1 Heredem tam in onera, quàm in commoda hereditaria succedere.
- 2 Jus deliberandi quorum causa & cujus rei gratia comparatum; quis ejus effectus, & quibus hic de suo contulerit Justinianus.
- 3 Etiam suis hæredibus jure prætorio deliberandi facultatem esse.

Post



- 4 *Post aditionem aut immixtionem hæreditatem derelinqui non posse, nisi à minore 25. annis per restitutionem in integrum.*  
 5 *Majoribus ex clausula generali vix esse ut hic succurratur.*  
 6 *Beneficium inventarii.*  
 7 *Quæ neglecti hujus beneficij pœna.*  
 8 *Jus hodiernum circa adeundam sub beneficio inventarii hæreditatem.*

**H**Æres suscepta hæreditate in jus & locum defuncti succedit, eumque in omnibus, quæ personæ non coherent, repræsentat, *l. heres. 37. de acq. her. l. nihil. 24. de verb. sig. l. hæreditas. 62. de reg. jur. junct. l. 8. §. 3. de lib. leg.* Hoc autem cum dicimus, intelligimus, hæredem succedere non tantum in jus, quod defunctus habuit adversus alios; verum etiam in id jus, quo defunctus aliis tenebatur: in summa, hæredem tam onerum & incommodorum successorem esse, quam commodorum hæreditarium; ac proinde obligari eum etiam æri alieno defuncti, eoque nomine à creditoribus hæreditariis conveniri posse, conventum iis respondere, eorumque actiones, quæ ex contractibus defuncti descendunt, suscipere cogi, etiamsi hæreditas solvendo non sit, *l. 8. de acq. her. l. 2. C. de her. vel act. vend. l. ult. C. de her. act. §. 1. infr. de perp. & temp. act.* Quæ cum ita sint, periculosum sanè atque anceps est, hæreditatem aut adire statim, aut statim repudiare; illud, ob periculum æris alieni, quod initio latere potest; hoc, ne temere repudiando lucrosam hæreditatem amittamus. Cæterum adversus hujusmodi periculum duo remedia hæredibus cunctantibus comparata sunt, sive ex testamento sive ab intestato ad hæreditatem vocatis; ac proposita non extraneis tantum de adeundo aut repudiando, sed etiam suis hæredibus de immiscendo aut abstinendo cogitantibus. Unum vetus est, jus deliberandi, de quo in pr. hujus §. alterum novum à Justiniano primum introductum, beneficium scilicet inventarii, quod indicatur vers. *Sed nostra.* Quod attinet ad jus deliberandi, sciendum est, id non tantum hæredis gratia comparatum esse: sed eorum quoque, quorum interest hæreditatem statim aut adiri aut repudiari, puta creditorum, substitutorum, eorumque, qui ab intestato venire possunt. Quin etiam hoc remedio, si nemo isorum sit, qui urgeat, non admodum hæredi opus est: quippe cui liberum, tamdiu hæreditatem amplecti, quamdiu eam non recusaverit, *l. 9. C. de jur. del.* neque enim tempus ullum adeundæ hæreditati legibus præstitutum

est; & si aliquo tempore, solum longissimo, id est, præscriptione 30. annorum, jus hæredis excluditur, *DD. comm. per l. 3. C. de præscript. 30. ann. Jas. in l. 8. C. de jur. del. Coraf. 6. misc. 21.* Cæterum si sint qui urgeant, hic prædictum remedium hæredi necessarium est, nisi paratus sit statim aut hæreditatem suscipere, aut possessionem bonorum pati, aut aliorum successorem, *l. si quis 23. §. 2. de her. inst. l. quamdiu 69. de acq. her.* Hæc enim tunc ei optio datur, ut aut statim respondeat, hæres necne esse velit, aut tempus ad deliberandum petat, *l. 9. C. de jur. del.* Tempus hoc olim positum erat in potestate jus dicentis, qui pro arbitrio suo deliberationem petenti diem præstituebat, *l. 1. in fin. d. tit.* non utique ex libidine sua id faceret, sed ut pro prudentia sua statueret tempus moderatum, *d. l. 9. C. eod.* quantum scilicet sufficere videretur ad cognoscendas facultates defuncti: nec pauciores daret, quam centum dies, *l. 2. eod. tit.* Justinianus summum tempus, si à Principe deliberatio petatur, annum esse voluit, si à iudicibus, novem menses, *l. ult. §. & si quidem 13. C. eod.* Impetrato tempore ad deliberandum, licet hæredi interea explorare vires patrimonii defuncti, petere ut rationum defuncti & instrumentorum hæreditarium inspiciendorum sibi copia fiat; ut instruere se possit, atque apud se constituere, expediat nec ne agnoscere hæreditatem, *l. 5. eod. l. Aristot. 28. de acq. her.* Quod si intra diem præstitutum hæreditatem non agnoverit, respectu substituti aut hæredis legitimi hæreditas pro repudiata habeatur, *l. quamdiu 69. de acq. her.* Creditoribus autem obligat perinde ac si adiisset, *d. l. ult. §. pen. C. de jur. del.* nimirum prout utile ei est, ad cujus instantiam tempus est præfixum, ita silentium deliberantis pro aditione aut repudiatione haberi debuit. A Justiniano hoc etiam hæredibus tributum, ut intra annum ex quo hæreditatem sibi delatam esse cognoverint, decedentes, cum ipsi eam nec addiissent nec repudiassent, jus deliberandi atque adeundi intra tempus quod ex eo anno reliquum est, in quosvis hæredes transmittant, *l. cum in antiquioribus 19. C. d. tit.* eoque jure etiam nunc utimur, *Grot. lib. 2. manuduct. c. 22.*

*Extraneis hæredibus*) Jus deliberandi de adeunda vel repudianda hæreditate extraneorum & voluntariorum hæredum proprium est. Nam in suis hæredibus, si jus civile spectamus, quo etiam sunt necessarii, locus esse deliberationi non potest: quippe cum sine ullo suo facto, ipso jure statim hæredes existant, nec



nec potestatem habeant hæreditatem ita quæ-  
 sitam derelinquendi. Cæterum postquam præ-  
 tor suos ad instar voluntariorum redegit; da-  
 to beneficio abstinendi, consequens fuit, ut  
 etiam jus deliberandi ei daret exemplo extra-  
 neorum hæredum voluntariorum: ut quemad-  
 modum extraneis jus est deliberandi, utrum  
 adeant, an repudient, ita suis deliberandi jus  
 sit, utrum immiscere se paternæ hæreditati,  
 an ea abstinere, consultius putent, l. 8. & l.  
 seq. de jur. delib. l. cum in antiquioribus 19. C.  
 eodem.

Postea relinquendæ hæreditatis facultatem non  
 habet, nisi minor sit) Tempus deliberandi ab  
 hærede prius petendum est, quàm hæredita-  
 tem adeat, aut se immisceat. Regula enim  
 juris est, neminem posse hæreditatem semel  
 sibi quæsitam, sive per aditionem sive per im-  
 mixtionem, relinquere aut repudiare, l. 4.  
 C. de repud. hæ. l. 10. C. de jur. delib. Neque  
 prætor cuiquam post aditionem aut immixtio-  
 nem subvenit per in integrum restitutionem,  
 nisi minor sit 25. annis, qui temere & incon-  
 sulta facilitate lapsus damnosam hæreditatem  
 addidit aut appetivisse propohatur: quippe cu-  
 jus ætatis hominibus prætor ex generali edic-  
 to, quod est de minoribus, succurrit, ut etiam  
 post agnitam hæreditatem se possint abstinere,  
 l. 7. §. sed & si 5. de minoribus. l. necessa-  
 riis 57. §. 1. de acq. hæ. quemadmodum ex  
 contrario quoque, si quis juvenili levitate du-  
 ctus omiserit aut repudiaverit hæreditatem aut  
 bonorum possessionem, aliquando à prætore  
 restituitur, ut eandem agnoscere liceat, vi-  
 delicet si omnia sint in integro, l. quod si mi-  
 nor 24. §. 2. de minorib. l. 1. & 2. C. si ut omiff.  
 hæ. Liberis impuberibus hoc amplius concess-  
 sum, ut omnimodo se abstinere possint, id  
 est nec adito prætore, sive se immiscuerint  
 sive non immiscuerint, l. 11. d. l. necessariis de  
 acq. hæ.

Veniam dedisse) Quod jus cum singulare fue-  
 rit, uni ex singulari gratia à Principe concess-  
 sum, ut mox sequitur, ad consequentias pro-  
 duci non debuit. Et ideo existimo, contra quam  
 Wesemb. & Bachov. nec prætorem in propo-  
 sito majoribus 25. annis subvenire solitum ex  
 clausula generali edicti, Item si qua alia mihi  
 justa causa esse videbitur. Merito namque his  
 objicietur, quod cum possent, spatium ad  
 deliberandum non petierint. Aut enim com-  
 templerunt beneficium juris, & indigni sunt  
 auxilio, aut stultè omiserunt, id est, in jure  
 errantes, quibus succurri non solere constat,  
 l. pen. in pr. & §. ult. de jur. & fact. ign. Pla-  
 nè si nihil sit, quod hæredi imputari queat,

non negaverim, causa cognita audiendum:  
 veluti si emerferit postea æs alienum, quod  
 toto tempore deliberationis latuerat, nec sci-  
 ri ab hærede, quamvis omnia diligenter ex-  
 plorante, potuit, per d. l. 8. de jur. del. Ne-  
 que enim simplex facti ignorantia cuiquam no-  
 cere debet.

Gordianus postea militibus) De jure, quod  
 Gordianus militibus concessisse dicitur, sic  
 scribit Justinianus l. ult. C. de jur. delib. Sed &  
 veterum constitutionem non ignoramus, quam D.  
 Gordianus ad Platonem scripsit de militibus, qui  
 per ignorantiam hæreditatem adierunt, quatenus  
 pro his tantummodo rebus conveniantur, quas in  
 hæreditate defuncti invenerint; ipsorum autem  
 bona à creditoribus hæreditariis non inquietentur.  
 Et hoc jus constitutionemque Gordiani postea  
 §. ult. ejusd. l. confirmat, hoc addito, pro-  
 pterea à se introductum, ut etsi milites inven-  
 tarium non fecerint, non ampliore tamen  
 summa teneantur, quàm in hæreditate inve-  
 nerint.

Sed nostra benevolentia commune omnibus hoc  
 beneficium, &c.) Poterat tam paucis verbis,  
 quàm quibus benevolentiam suam commen-  
 dat, ipsum beneficium explicare. Est autem  
 illud, quod vulgo appellatur beneficium in-  
 ventarii; propterea quod confecto solemnium  
 rerum hæreditarium inventario hæres hoc  
 beneficium consequitur. Summa fere consti-  
 tutionis Justiniani, quæ extat in l. ult. C. de  
 jur. del. hæc est, ut hæres intra 90. dies, ex  
 quo sibi delatam esse hæreditatem sciet, si res  
 propinquæ sint: intra annum, si longius ab-  
 sint, inventarium rerum omnium hæreditariarum,  
 præsentibus tabulariis ac testibus non  
 minus tribus, cæterisque, qui ad hujusmodi  
 confectioem necessarij sunt, puta credito-  
 ribus, legatariis, eorumve procuratoribus,  
 Nov. 1. cap. 2. conficiat, ipse sua manu id  
 subscribat, aut à tabulario testibus præsentibus  
 subscribendum curet. Quo ita legitime  
 confectio, consequitur beneficium Justiniani,  
 ut ne ultra vires hæreditarias teneatur, neve  
 actiones, quas ipse contra defunctum habuit,  
 aditione confundantur; sed ut possit non mi-  
 nus quod sibi debebatur retinere, quàm cre-  
 ditores extranei juris exigere: quorum neu-  
 trum hæredi tribuebatur jure veteri, l. 8. de  
 acq. hæ. l. sicut 75. de solut. l. 7. de pact. Con-  
 fectum ab hærede fiduciario inventarium rectè  
 hæredi fideicommissario cedi, cessumque esse  
 prodesse; aut si hæres non fecerit, ipsum sibi  
 fideicommissarium rectè facere, post Bart.  
 qua ratione 11. §. quod vulgo 5. numer. 9. & 10.  
 ad leg. Falc. tradit Jas. in additione ad Port.  
 §. sed



6. *sed quia* 7. *infr. de fideicommiss. hered.*  
*Nisi omnia observatione nostræ const. deliberandum existimaverint*) Et si Justiniano visum est, post introductum à se beneficium inventarii antiquum jus deliberandi penitus esse supervacuum; tamen, ut ipse testatur, motus plerumque supplicationibus, veteri remedio adhuc uti cupientium, jus illud liberum reliquit, *d. l. ult. §. & hæc quidem 13. Cod. de jur. del.* Et verò cur relinqueret, magna causa fuit. Habet enim confectio inventarii hoc incommodum, quod necesse est deregi defuncti facultates; quod plerique omnes, si liceat, minime volunt. Deliberationem autem ita admisit, ut eam petentibus, & intra præfinitum tempus hæreditatem adeuntibus, hæc duo onera imposuerit, tamquam pœnam contempti beneficii sui: primum, ut creditoribus in solidum tenerentur, quamvis inventarium cum omni subtilitate, ut ipse loquitur, fecerint: alterum, ut si non fecerint inventarium, etiam beneficio Falcidiæ privarentur, *d. l. ultim. §. pen.* Novissimè hoc insuper cavit, ut hæres inventarium non conficiens solida legata præstet, etsi vires patrimonii excedant, *Nov. 1. cap. 2.* Plura ad inventarium pertinentia qui nosse desiderat, adeat DD. in *d. l. ult. Clar. §. testamentum, quest. 46. Grass. lib. 2. art. inventarium, per tot.* Apud Burgundiones, & in universa Gallia, item in hisce regionibus invaluit, ut jus pro hærede gerendo cum beneficio inventarii pro speciali gratia habeatur, ac propterea id à Principe impetrandum sit, aut à Curiis ultimæ jurisdictionis, quemadmodum apud nos, *art. instr. cur. sup. 23.* Impetrato autem beneficio tenetur hæres per apparitorem aliove ad hoc publicè constitutos, præsentibus duobus testibus, intra dies 40. inventarium omnium bonorum hæreditariorum conficere; dein curare, ut res mobiles æstimentur, ac tunc demum præstita cautione reddendarum rationum, possessio administratioque bonorum ei permittitur, uti cautum uberius constitutione Caroli Quinti, edita anno 1544. *Sande lib. 4. tit. 12. defin. 1.* Sed & ita demum hoc beneficium conceditur, si non alius de cognatione defuncti purè & simpliciter omissoque beneficio hæreditatem adire paratus sit: quod & diplomati sive mandato inferi solet. Hoc autem procul dubio institutum est, partim propter utilitatem creditorum, ut ab eo, qui simpliciter adit, solidum consequantur, partim ut honori defuncti consulatur; qui si nemo sine cautione inventarii bona ejus suscipere velit, vulgo creditur solvendo non fuisse. *Qua de re adeundi Chaff.*

*ad consuet. Burg. tit. 7. §. 13. Baro ad hunc §. Peck. lib. 1. de test. conjug. cap. 35. Gudelin. de jur. nov. lib. 2. cap. 18. Grot. 2. manud. cap. 21. Christin. vol. 4. decis. 22. Planè extranei idem offerentes non audiuntur, ac ne maritus quidem aut uxor, dec. supremi apud nos Senatus 7. Peck. d. cap. 35. Zypæ not. jur. Belg. C. de jur. delib.*

## TEXTUS.

## De acquirenda vel omittenda hæreditate.

6. *Item extraneus hæres testamento instituitur, aut ab intestato ad legitimam hæreditatem vocatus, potest aut pro hærede gerendo, aut etiam nuda voluntate suscipienda hæreditatis, hæres fieri. Pro hærede autem gerere quis videtur, si rebus hæreditariis tamquam hæres utatur, vel vendendo res hæreditarias, vel prædia colendo, locandove: & quoquo modo voluntatem suam declaret, vel re, vel verbo, de adeunda hæreditate: dummodo sciat, cum, in cujus bonis pro hærede gerit, testatum intestatumve obiisse, & se ei hæredem esse. Pro hærede enim gerere est pro domino gerere. Veteres enim hæredes pro dominis appellabant. Sicut autem nuda voluntas extraneus hæres fit: ita contraria destinatione statim ab hæreditate repellitur. Eum, qui surdus vel mutus natus, vel postea factus est, nihil prohibet pro hærede gerere, & acquirere sibi hæreditatem; si tamen intelligit quod agit.*

## NOTÆ.

6. *Tamquam hæres utatur*) Potest enim quis res attingere hæreditarias, ut tamen id non faciat quasi hæres: puta si quid pietatis aut custodiæ causa fecerit, aut si suum putavit, *l. 20. pr. & §. 1. de acq. her.*

*Vendendo res hæreditarias, &c.*) Nisi contra doceat, se nihil horum quasi hæredem fecisse, *d. l. 20. §. 1. l. 1. C. de rep. her. l. 1. C. de jur. del.* Quædam etiam sunt, quæ citra nomen & jus hæredis nemo facere potest. Exemplum in *d. l. 20. §. 4. l. 42. §. 2. eod.*

*Dummodo sciat*) *Vid. l. 19. l. 22. l. 32. §. ult. eod.*

*In cujus bonis pro hærede gerit*) Hic verbum *pro hærede gerere* latius videtur accipi, quam in *pr. §.* Nam horum verborum *pro hærede gerere, & adire*, etiam generalis significatio est, alterumque pro altero, & unum pro utroque interdum usurpatur, *l. 12. de inter. in jur. l. 88. de acq. her.*

*Contraria destinatione*) Sic tamen, ut declarat se hæredem esse nolle vel verbis, vel scrip-



to nutive, l. 95. eod. aut re aliqua & facto, unde ea voluntas colligatur. Exempl. in l. 17. §. 1. l. 77. eod. l. 23. §. 1. de inoff. test.

## COMMENTARIUS.

- 1 *Doctrinam hujus §. propriè pertinere ad hæredes extraneos.*
- 2 *Duo dumtaxat esse, distincta tamen inter se, genera acquirendæ hereditatis, aditionem, & pro hærede geritionem.*
- 3 *Qui plura genera statuunt, eos egregiè imponere studiosis discipline juris.*
- 4 *Cretionem nihil aliud fuisse, quàm solemnem quamdã aditionem, contra quam Joseph. Scalliger; & cur nulla hic cretionis mentio.*
- 5 *Quibus ex rebus in eo, quod geritur, animus pro hærede gerendi deprehendatur.*
- 6 *Porci, & Bachovii opinio de nuda animi destinatione notata.*
- 7 *Ut quis adeundo aut pro hærede gerendo hæres fiat, quarum rerum eum gnarum esse oporteat.*
- 8 *Variè circa etymologiam hæredis opiniones.*
- 9 *In repudiante hereditatem eadem ex contrario, quæ in admittente requiri.*
- 10 *Etiã surdos & mutos pro hærede gerere posse.*
- 11 *Quid si hereditas delata sit furioso, impuberi, infanti.*

**H**ic §. ad suos hæredes non pertinet, sed ad extraneos dumtaxat. Explicatur enim hic rationes proximæ seu modi, quibus hæreditas acquiritur, aut ejus acquirendæ jus amittitur: quorum neutrum in suis hæredibus locum habet, quippe cum in hos dominium rerum paternarum quod jam ante habebant, morte patris continetur, dici non possunt aut acquirere hæreditatem, aut jure acquirendi excidere. Sanè postquam prætor his abstinendi facultatem dedit, desierunt quidem jure honorario esse necessarii; sui tamen hæredes patri esse non desierunt, & ipso momento mortis paternæ hæredes apparere, ut superius demonstravimus, & arguunt nomina, quibus in proposito prætor & prudentes utuntur. Sui enim non dicuntur adire, cernere hæreditatem, aut pro hærede gerere, hæreditatemve repudiare; quæ iis solis conveniunt, quibus res sine hæreditas tantum oblata est: sed hæreditatem retinere, immiscere se, aut abstinere, derelinquere; quæ non dicuntur nisi de rebus partis & jam nostris, l. 14. §. plerique. 8. de relig. l. 7. de jur. del. l. 12. §. ult. de bon. libert. l. 11. l. necessarias. 57. l. si servum. 71. §. si quis. l. eum bonis. 87. de acq. hæ. & passim eod. tit. Nam cum hæc, quod rarò fit, nostri

confundunt, ut in l. ult. de success. dist. l. 4. §. 1. de fideic. lib. l. 21. §. ult. de jur. patron. in fin. l. 1. §. 10. ad Tertul. l. 6. C. de legit. hæ. minus accuratè loquuntur. Non plures autem modi, quibus extraneis acquiritur hæreditas, hic proponuntur quàm duo, aditio, & pro hærede gestio sive geritio: sic enim appellatur à Jurisconsulto in d. l. 14. §. plerique. 8. de relig. Utrum autem hi modi, ut nominibus, ita & re ipsa inter se distincti sint, necne: item an non plures sint, quàm hi duo, videmus in exegefi textus.

*Aut pro hærede gerendo, aut etiã nuda voluntate.*) Omnis hæreditas, sive testamento delata, sive ab intestato, hæredi extraneo acquiritur sola voluntate & animo, ut quisque hanc voluntatem de suscipienda hæreditate declaraverit. Declaratur autem hæc voluntas vel verbis, vel re aliqua, & facto: quorum prius qui facit, adire, qui posterius, pro hærede gerere in usu juris dicitur. Unde duo genera acquirendæ hereditatis, aditio & pro hærede gestio, l. si quis mihi. 25. §. sed quid. 7. l. quomdiu. 69. de acq. hæ. d. l. 14. §. 8. de relig. l. 19. C. de jur. del. Quibus in locis observare licet, genera hæc sic appellationibus distingui, ut neque qui adit dicatur pro hærede gerere; neque qui pro hærede gerit dicatur adire: quemadmodum etiã hoc loco ut diversa aperte distinguuntur, pro hærede gerere, & nuda voluntate hæreditatem suscipere: ut proinde minimè assentiendum sit Wesembecio asserenti, nihil inter hæc duo interesse. Equidem factor nihil ob stare verborum significationem, quominus qui pro hærede gerit dicatur adire, & qui adit pro hærede se gerere: ut hæc etiã postea confundere videtur Justinianus, & Jurisconsultus in l. 12. de interr. in jur. Sed distinctionis causa usus veterum hæc ita trivit, ut in diverso genere ponerentur, & adire diceretur qui nuda testatione hæredem se profiteretur; pro hærede gerere, qui facto aliquam eandem voluntatem declararet. Neque hoc negat Ulp. l. pro hærede. 20. de acq. hæ. cum ait, pro hærede gerere non tam facti esse, quàm animi. Hoc enim solùm significat, ut quis pro hærede gessisse videatur in eo non tam qui factum sit, quàm quo animo factum sit, spectandum esse, ut locus ipse ostendit. Magnè Paulus id negare videri potest, l. gerit. 88. de acq. hæ. ubi definit, eum pro hærede gerere qui animo agnoscit successionem, licet nihil attingat hæreditarium. Sed apparet Jurisconsultum verbum attingendi strictus eo loco usurpare, negareque eum attingere, qui retinet domum pignori obligatam, ut hæreditariam,



riam; quem tamen revera attingere constet; eoque tamquam facto aliquo, non nudis verbis, voluntatem declarari. Hoc ita constituto, videamus an non plura sint genera acquirendæ hæreditatis quam duo illa, de quibus diximus, & quæ sola hic ab Imperatore proponuntur. Et plura non esse omnino statuendum est, cavendumque ab iis, qui scribunt hæreditatem acquiri quinque modis, cretione, aditione, pro hærede geritione, immixtione, & agnitione, egregiè studiosis hujus disciplinæ imponentes. Nam primum immixtio tota hinc aliena est: quoniam sui hæredes, quorum propria est, hoc facto nihil novi acquirunt, quod antea non habuerint, sed acquisitum jam ab inito attingentes id se retinere velle declarant, ut supra abunde probatum est. Agnitionem verò statuere modum acquirendæ hæreditatis diversum ab aditione, magnæ inficitæ est. Quid enim est aliud agnoscere hæreditatem, quam declarare, se velle hæredem esse? & hoc quid aliud, quam adire? Quod si tot species acquirendæ hæreditatis facere licet, quot diversis verbis in hac re veteres utuntur, jam non modo quinque, sed vel octo aut plures etiam erunt. Non enim tantum agnoscere hæreditatem à veteribus dici legimus, sed etiam hæreditatem amplecti, suscipere, admittere, l. 6. §. 1. *quæsitum*. 40. in *fin. l. cum* *in*. 87. de *acq. hæred.* Sed plura scilicet hæc verba sunt, res ubique una & eadem. Cretio quoque olim nihil aliud fuit, quam solemnibus quædam aditio; idque ostendit formula cretionis relata apud Ulpian. *tit. 22. §. cretio*. 23. his verbis: *Cum me Lucius Titius hæredem instituerit, eam hæreditatem adeo cernoque.* Et Festus, *Crevo*, inquit, modo significat hæreditatem adii, in quem locum quod Josephus Scaliger notat, *Crevo non propriè significare hæreditatem adii, errorem esse convincit prædicta formula, & quod Festus dicit, crevo, hæreditatem adii, id Ulpianus d. t. §. 21. & §. 16. sic exprimit, cernendo se hæres.* Varro *lib. 5. de ling. Lat. Cernito in testamento, id est, facito videant te esse hæredem.* *id. Pet. Fab. 2. semestr.* 22. Hic autem consulto mentio cretionis ommissa, quia sublata solemnitate, quam olim desiderabat, l. *cretio* *em.* 17. *C. de jur. del. hæreditas etiam cum cretione delata acquiri posse cœpit, aut aditione simplici, id est, quavis aperta testatione voluntatis de suscipienda hæreditate, aut etiam pro hærede geritione: quod olim secutus erat, Ulp. d. loc. Atque hoc illud est, quod paulo post Justinianus ait, Et quoquo modo voluntatem suam declarat, vel re, vel verbo. Sed quid laboramus? non tantum loci omnes, in qui-*

Tom. I.

bus ex professo de modis acquirendæ hæreditatis agitur, uti in l. *quandiu*. 59. de *acq. her.* l. 14. §. *plerique*. 8. de *relig. l. cum in antiquioribus*. 19. *C. de jur. del.* ostendunt, pluribus quam duobus distinctis modis hæreditatem non acquiri; sed etiam res ipsa evincit, non posse pluribus modis acquiri. Illud enim palam est, voluntatem suscipiendæ hæreditatis hic totum facere; tantum relinquere, ut illa declaratur. Atqui pluribus modis declarari non potest, quam his duobus, aperta testatione, aut aliquo facto: illud autem veteres aditionem, hoc pro hærede geritionem sive geritionem appellant. De cretionibus antiquitatis amantes plura invenient apud Briffon. l. 7. de *formul. Røvard. de aut. prud. c. 8. Gregor. Tholof. 46. syntagm. 2. n. 6.*

*Si rebus hæreditariis tamquam hæres utatur*) Diximus, hæreditatem extraneis hæredibus non acquiri, nisi voluntate & destinatione animi: eum autem animum qui aperta testatione declarat, dici adire; qui facto aliquo, dici pro hærede gerere. Adire cum sit aperta testationis, nemo dubitare potest, quid hac testatione hæres voluerit. At si quid hæres voluerit, ambigi potest, quo gesserit animo: quoniam facta non loquuntur, & exerceri possunt alio animo, quam pro hærede gerendi. Potest enim quis attingere res hæreditatis, ut tamen id non faciat quasi hæres, l. *pro hærede* 20. in *pr. §. 1. de acq. her.* Quibus igitur ex rebus in eo, quod ab hærede geritur, animus pro hærede gerendiprehenditur? Ex multis sanè. Finge, hæredem quid fecisse, quod citra nomen & jus hæredis facere non potuit, veluti si conditionis implendæ causa quid accepit ex judicio testatoris, d. l. *pro hærede*. 20. §. *Papinianus*. 4. aut gessisse aliquid, quod non nisi hæres utiliter & cum effectu gerere potuit, puta servos hæreditarios manumississe, l. *Julianus*. 42. §. 2. *ead. tit.* eum qui hæc facit, perspicuum est quasi hæredem facere, eoque & pro hærede gerere videri. Quid si rebus hæreditariis usus sit, ædes inhabitaverit, agros coluerit, aut locaverit, servis cibaria præbuerit, pecora, jumenta paverit, æs alienum solverit, res quasdam hæreditarias distraxerit? Creditur, suo potius nomine, quam alieno hæc fecisse, & in his omnibus gessisse pro hærede, nisi contra doceat, se nihil horum quasi hæredem fecisse; sed vel ut custodiat, aut quia sua putavit, aut quia quid fecit, dum deliberaret, ut res salvæ essent: ideoque in hujusmodi factis consultum est, initio hæredem testari, se quod hæcenus est, non facturum ut hæres esse velit, d. l. *pro hærede*. §. 1. l. 1. *C.*

V V V

de



*de repud. hæ. l. 2. C. de jur. del.* Planè si defunctum funeravit, ex eo solo non videbitur pro hærede gefississe: quia id officiosum humanitatis jure cuius præstari potest. Majoris tamen cautionis est, si hic quoque protestetur, *l. 14. §. plerique. 8. de relig.*

*Et quoquo modo voluntatem declaret, vel re, vel verbo*) Aut pro oratione disjunctiva hæc accipienda sunt, in qua repeti intelligitur quod prius dictum est, hæreditatem acquiri vel pro hærede gerendo, quod nunc dicatur re voluntatem declarando: vel nuda voluntate, quod nunc dicatur verbo voluntatem declarando: aut fatendum est quod supra dixi, Justinianum verbum pro hærede gerere hic laicius accipere, quàm in pr. §. eoque comprehendere utrumque acquirendi modum, tam verbis, quàm re. Utrumque fit voluntas amplectendæ hæreditatis aut factò aliquo, aut aperte verbis declaranda est: siquidem, ut vulgo dicitur, propositum in mente retentum nihil operatur. Ideoque quod Accursius in *l. 2. de interr. in jur. ait*, hæreditatis aditionem consistere in occulta voluntate, non sic accipiendum est, eum, qui nudè destinaverit & apud se constituit hæreditatem adire, hac destinatione hæreditati obligari: sed ita neminem obligari ut hæredem, nisi qui ea mente quid gefississe aut prorulisse probetur, ut hæres fieret. Id autem in occulto positum esse, ac proinde probatu difficillimum. Neque verò etiam Porcio & Angelo assentior, qui existimant, nuda animi destinatione hæredem aliquem fieri & obligari in foro conscientiar, quo etiam inclinare videtur D. Bachovius: nam, ut rectè Bartolus in *l. gerit. 88. de acq. hæ.* nemo velle videri debet, quod non aliquo modo declaraverit; & prudentissimus simul ac doctissimus Viglius hic, *Variæ*, inquit, *sunt humana mentis inclinationes, ut nunc ad adeundum, nunc ad repudiandum propendeant: & tunc demum velle aliquid videmur, cum animum nostrum exteriore aliquo signo confirmavimus. Alioqui quid est humanis cogitationibus vel inconstantiis vel mutabilibus? Nec Deum*, inquit, *velle arbitror, ut hujusmodi indiscrèta voluntate illaqueemur.* Illud in transitu moneo, purè hæreditatem adeundam esse, non sub conditione: nam si quis, verbi causa, dixerit; *Si solvendo hæreditas est, eam adeo*, nulla aditio est, *l. eum qui. § 1. §. ult. de acq. hæ.* quo jure etiam hodie utimur.

*Dummodo sciat, testatum intestatumve obiisse, & se ei hæredem esse*) Duo requirit Imp. ut quis  
7 adeundo aut pro hærede gerendo hæres fiat: unum est, ut sciat, defunctum aut testatum aut intestatum decessisse. Et prius igitur est,

ut certus sit, tum decessisse: neque enim viventi ulla est hæreditas, *l. qui hæreditatem. 19. l. neminem. 27. l. hæres. 32. l. qui superstitis. 94. de acq. hæ.* Ponamus ergo, agnatum proximum, cum ignoraret, se hæredem scriptum, hæreditatem tanquam lege sibi delatam esse, prove domino bona administrasse, hæres non erit: nam ut pro hærede gerendo se quis obstringat hæreditati, scire debet, qua ex causa hæreditas ad eum pertineat, auctore Paulo *l. si is. 22. eod.* Alterum est, ut sciat, se hæredem esse, id est, hæreditatem aut testamento aut ab intestato sibi delatam: & proinde etiam certus esse debet de conditione testatoris, patris. aut filiusfam. sit, & generaliter, testamenti factionem habuerit, necne *l. hæres. 32. §. ult. eod.* Ad hæc etsi sciat, se hæredem institutum, sed utrum purè, an sub conditione, ignoret, non poterit adire hæreditatem, *d. l. hæres. 32. §. 1.*

*Veteres hæredes pro dominis appellabant*) Sic etiam Festus, *Hæres*, inquit, *apud antiquos pro domino ponebatur*, quod & Plauti confirmat auctoritas, apud quem Menæchmus peregrinus de palla sic loquitur, *Menæch. act. 3. sce. 2. v. 11.*

*Prandi, potavi, scortum accubui, abstuli*  
*Hanc, cujus hæres numquam erit post hunc diem.*  
Atque hinc est, quod pro hærede gerere & pro domino gerere, hæreditas & dominium à nostris promiscuè usurpetur, *l. si is. 22. de acq. hæ. l. 2. §. ult. de bon. poss. sec. tab.* Quæ res eos juvare videtur, qui hæredem à verbo *herus* dictum existimant; licet ratio prioris syllabæ repugnare videatur, quæ in *heres* corripitur, in *heres* producta est: quam ob causam Viglius & Hotomannus potius ab *heres* deduci putant, ut *heres* dicatur, quasi *herens*, eo quod proximus defuncto in bonorum dominio hæreat. Sed hic obstat, quod *herus* & *hæreditas* sine diphthongo scribi in M. Tullii libris annotavit P. Victor, & in Pandectis Florentinis Cujacius. Atque ideo Hotomannum existimo maluisse derivare hanc vocem ab *hera*, quod terram significat, unde fit *heredium*, Varroni agellus, qui hæredem sequebatur. Cæterum non sunt hæc magni momenti: nec quantitas syllabæ semper in derivatis retinetur, quod vel pueri in scholis sciunt, & docet Gellius *lib. 12. c. 3.* quamquam ille exemplis ad id demonstrandum parum aptis utitur.

*Contraria destinatione statim ab hæreditate repellitur*) Eadem autem omnia in repudiante requiruntur, quæ in hæreditatem admittentes ut voluntatem declaret aut apertè verbis, puta  
ut



ut dicat, se hæredem esse nolle; scriptove autem id testetur, *l. recusari 95. de acq. her.* aut re aliqua & facto, unde ea voluntas colligatur: cuiusmodi est, si hæres institutus idemque legitimus de testamentaria hæreditate nihil aperte statuens legitimam aut adierit aut repudiaverit: creditur enim, qui hoc fecit, eodem momento testamentariam repudiasse, *l. ne is qui. 17. §. 1. l. illud 77. eod. tit.* Item si præteritus aut exhæredatus ab hærede instituto, cum sciret eum hæredem esse, emit aliquid, aut prædia conduxit, vel ei solvit quod testatori debeat. His enim factis & iudicium defuncti agnoscere intelligitur, & jus suum repudiare, *l. si ponat. 23. §. 1. de inoff. test.* Scire item debet qui repudiat, vivat is, de cuius hæreditate agitur, nec ne; testatus an intestatus decesserit; hæres necne ei sit; purè an sub conditione sit hæres institutus. Postremo de sua quoque & defuncti conditione certus esse debet: alioqui uti adeundo ita repudiando nihil agitur, *l. 13. l. 15. & 4. ll. seqq. l. heres. 12. l. qui superstitis. 94. de acq. her.*

*Qui surdus vel mutus natus vel postea factus*) Mutus, necnon surdus, etiam ita nati, pro hæred. gerere & obligari hæreditati possunt, *l. 5. l. pater. 93. in fin. d. tit.* Diserte autem dicitur, pro hærede gerere; quia hi voluntatem verbis declarare nequeunt. Et pertinet hoc utique etiam ad surdos, qui natura tales sunt, quos loqui non posse constat. Enim vero si quis casu aliquo surdus factus sit, quin, ut loquendo, ita & verbis voluntatem decla-

rando, hæres fieri possit, non est ambigendum. Sed & qui mutus non natus, sed factus est, licet verbis voluntatem declarare non possit, poterit tamen vel scripto, vel alio indicio eam significare, *arg. l. recusari. 95. eod.* Quod si hæreditas delata sit ei, cuius nulla voluntas est, qualis est furiosus, curatori tradetur hæreditas administranda ea lege, ut si furiosus postea ad se redierit, ipse de ea suscipienda aut omittenda statuat: & omissa ad eos reverteretur, ad quos remoto furioso perventura fuisset, uti etiam si in furore decesserit, *l. ult. §. 3. & seqq. C. de cur. fur.* Quid si impubes sit, cui delata hæreditas? Quod huius iudicio deest, supplebit tutoris auctoritas, *l. pupillum. 49. de acq. her. l. 9. §. 3. de auct. tut. l. 5. C. de jur. del.* In infante novum jus à Theodosio constitutum est, ut ipse tutor nomine infantis hæreditatem adire possit, *l. si infanti. 18. C. d. tit.* Quod si impubes in potestate sit, hic auctore patre rectè adibit, *l. 8. §. ult. de acq. her.* neque obstat quod impubes, qui in potestate parentis est, ne auctore quidem patre obligatur, *§. pupillus. 9. in fin. inf. de inar. stip. l. ult. §. 2. de verb. oblig.* quia in proposito non obligatur ipse impubes, sed pater, cui hæreditatem acquisit. Cæterum in adventitia hæreditate dicendum est, ab illa regula recessum esse juniorum Principum constitutionibus, *d. l. si infanti. 18. §. ult. C. de jur. del. l. ult. §. ubi autem 6. C. de bon. que lib. Don. ad d. l. ult. §. 2. n. 7. de verb. oblig.*

## TITULUS VIGESIMUS.

## DE LEGATIS.

Dig. Lib. 30. 31. 32. C. Lib. 6. 37.

*Ratio ordinis cum summa eorum, que hic explicatur.*

Cognita ratione deferendæ hæreditatis ex testamento, recta procedendum videbatur ad partem alteram, quæ docet, quomodo deferatur hæreditas ab instituto, ac sine flexu iter institutum continuandum, donec omnes per universitatem acquisitiones percursæ forent. Eo enim nos ipse rerum ordo & dispositio partium deinceps tractandarum, facta *§. ult. super quas pers. cuiq.* quasi manu ducit. Sed Imp. hic aliquantum à cœpto deflectit propter legata & fideicommissa; neque absque ratione. Nam cum legata & fideicommissa non minus testamento

relinquantur, quàm hæreditas, & vix ullum testamentum condatur, in quo non aliquis legato aut fideicommissò honoretur: hæc causæ communitio, simul quod legata sunt partes, hoc est, accessiones & appendices testamenti, exigit, ut hoc loco maximè de his disputetur, atque ob hanc etiam causam in hunc locum collatum est, *d. §. ult.* cum alioqui legata & fideicommissa sint modi, in quibus non universitas, sed res singulæ acquiruntur. Hoc titulo disputatur de legatis; atque ordine hæc docentur, quid sit legatum, quotuplex olim fuerit, & quæ nunc natura atque effectus omnium,



nium; quibus rebus olim legata distabant à fideicommissis, & quæ postea secuta exæquatio; quæ res dari, legari possint, vel non possint, quibus rectè legetur aut contra; postremo quædam, quæ ad veterem formam legandi pertinebant, mutantur.

## TEXTUS.

## Continuatio.

Post hæc videamus de legatis, quæ pars juris extra propositam quidem materiam videtur: nam loquimur de iis juris figuris, quibus per universitatem res nobis acquiruntur: sed cum omnino de testamentis, & de hæredibus, qui in testamento instituuntur, loquuti simus, non sine causa sequenti loco potest hæc juris materia tractari.

## COMMENTARIUS.

**D**E iis figuris, quibus per universitatem) Figuris, id est, causis, modis, rationibus.

Docemus, quibus modis res universæ acquiruntur: legatis autem acquiruntur res singulæ; quorum idcirco tractatio hinc aliena videatur. Repetenda verò est memoria ejus, quod notavimus in expositione, §. ult. sup. per quas pers. cuiq. acq. in hac distinctione acquisitionum non solus objecti rationem haberi, verum etiam ipsorum modorum & causarum acquirendi: legatum esse modum & titulum acquirendi singularem, hoc est comparatum ad acquirendum res singulas, non universas: & ideo licet universitas, pars bonorum aut hæreditatis alicui legata sit, quod fieri posse constat, l. si quis. 23. l. non amplius. 26. §. 2. de legat. 1. l. cum pater. 39. de vulg. & pup. Ulp. tit. de legat. §. sicut. 23. tamen hunc legatarium non fieri juris successorem, d. l. non amplius. 26. §. 2. proinde nec ullas actiones hæreditarias aut activæ aut passivæ in eum transire: ob quam causam olim factum, ut stipulationes partis & pro parte inter hujusmodi legatarium & hæredem interponerentur, §. sed quia. 5. inf. de fid. hæ. Quod autem parte hæreditatis legata non deducuntur impensæ, puta pretia servorum manumissorum, aut sumptus funeris, l. 8. §. ult. de legat. 2. hoc non tribuit legatario successorem juris; sed tantum dicitur ad differentiam ejus, quod observatur, cum pars bonorum, quæ tempore mortis fuit, legatur, quo casu impensas deduci placet, l. 9. d. tit. Sic cum in specie l. cum filius. 76. §. 1. d. tit. de legat. 2. Lucio Sempronius legata proponitur hæreditas Pu-

blii Mævii, eam Sempronius non suscipit ut hæreditatem, sed ut bona, quæ à Mævio ad testatorem pervenerunt.

## TEXTUS.

## Definitio.

1. Legatum itaque est donatio quædam à defuncto relicta, ab hærede præstanda.

## NOTÆ.

1. Donatio quædam) Quædam συγκαταστήσις generi additum, quia legatum propriè donatio non est; in omni enim donatione res inter duos agit, nec ulla est donatio sine acceptione, v. sup. de don. Florent. delibatio hæreditatis, l. 116. de legat. 1. μὲν πρὸς κληρονομίας, Basil. 44. tit. 1. c. 1.

A defuncto relicta) Modest. l. 36. de leg. 2. testamento relicta. Sed Tribonianus videtur verbo generaliore usus, servitè constitutioni Justiniani de exæquatione legatorum & fideic. l. 2. C. comm. de legat.

Ab hærede præstanda) Defunt hæc apud Modestini. nec Theoph. Cujac. Hoc agnoscunt, neque ad definitionem sunt necessaria. Sæpe tamen nostri definitionibus aliquid adjiciunt, plenioris explicationis gratia.

## COMMENTARIUS.

- 1 Legatum unde dictum.
- 2 Cur particula quædam donationi in definitione adjecta?
- 3 Consulto pro testamento relicta, ut est in definitione Modestini, hic positum pro à defuncto relicta.
- 4 Verba ab hærede præstanda, non videri otiosa, ut quidam censent.

**L**egatum inquit Ulpianus in fragm. hoc tit. est quod legis modo, id est, imperativè testamento relinquuntur; quæ notatio quædam est & ratio nominis: cæterum quia hoc longinquè petitum videtur, aliis potius legere dictum putant à legendo, quatenus hoc verbum diligere & decerpere significat, quod & Florentium existimasse credibili est, ac proinde legatum definitivè delibationem hæreditatis, l. legatum 116. in pr. de leg. 1. Nam delibare decerpere est. Cic. in orat. pro Sext. cap. 56. omnes undique foscules carpere atque delibare. Quæ autem decerpuntur, leguntur. Virg. Eclog. 3. vers. 92.



*Qui legitis flores & humi nascentia fraga.* Nec dissimili admodum ratione Varro lib. 4. de ling. Lat. legatos à legendo appellatos tradit, quia scilicet publice lecti sint, ut mittantur. Cæterum etymologia Ulpiani convenientior videtur latitudini significationis verbi *legare*, in qua usurpantur in illo legis duodecim tabularum, *mi quisque legassit*, &c. ubi hoc verbo *legassit* continentur etiam hæredum institutiones, denique quicquid verbis directis paterfam. in testamento caverit, confirmatur, l. *verbis legis* 120. de verb. sign. VINN. Immo etymologia Ulpiani nihil est verius. Legare enim prima producta non significat delibare, vel decerpere, sed mandare, jubere, legem dicere. Unde & legare dicitur paterfamilias etiam quando hæredem ex asse instituit. Placuit verò hoc vocabulum veteribus, quia, ut supra monuimus, testamenta legis modo condebantur in comitiis calatis. Quare nec legata aliter relinqui poterant, quam verbis directis & ut ita dicamus, legillatoriis, e. g. *habeto, hæres damnas esto, finito*, &c. Plura eam in rem diximus in *Antiquit. Rom. hoc tit.*

*Donatio quedam*) Particulam *quedam* Modestinus in sua legati definitione non addidit, l. *legatum* 36. de legat. 2. Non est tamen omnino supervacua, ut quidam putant. Quippe legatum propriè donatio non est: in omni enim donatione res inter duos agitur, nec ulla est donatio sine acceptione, nec mortis quidem causa, ut supra demonstravimus sub §. 1. & 2. de donat. Legatum autem sola testatoris voluntate constat, atque ita tamen, ut suspendatur, & post mortem testatoris adhuc pendeat ab additione hæreditatis: quod iterum secus in donationibus etiam iis, quæ mortis causa fiunt, l. 5. §. *qui mortis* 17. de his que ut indign. Quapropter nec inter genera donationum, ubi de his ex professo agitur, legatum numeratur. Est verò nihilominus peculiaris quedam & quasi proprii generis donatio: proficiscitur enim totum à liberalitate testatoris, estque titulus merè lucrativus: quam ob causam etiam separatur ab hæreditate, quæ onera quoque continet, & interdum damnosa est, l. *si hæreditatem* 32. mandar. l. *hæreditatis* 119. de verb. sign. Additum igitur generi est *συλλαγγισμα* quedam, ut sciamus, genus hoc non simpliciter, sed quadantenus & ratione analogica speciei definitæ convenire. Neque quicquam hæctenus contra legem aut modum definiendi. Vid. Goclen. de trop. defin. can. 9. except. 1.

*A defuncto relicta*) Directo scilicet & proximè à defuncto, non per interpositam mediam

personam; ut excludatur fideicommissum; quod quidem etiam relinquitur à defuncto, sed *ἐπιμέρας* atque ita, ut relictum prius alteri quærat, atque in hujus persona consistat. Videtur autem Tribonianus pro eo, quod est in definitione Modestini, *testamento relicta*, consulto usus verbo generaliore, à defuncto relicta, ut serviret constitutioni Justiniani de exæquatione legatorum & fideicommissorum, quæ est l. 2. C. comm. de leg. & fid. Post hanc enim exæquationem non minus legata, quàm fideicommissa, non testamento tantum, sed etiam ab intestato relinqui posse cæperunt, aut codicillis testamento non confirmatis: quod secus fuit jure veteri, quo legata tantum ex testamento valebant, §. *præterea* 10. inf. de fid. hæ. Id quod Modestinus indicare voluit, & Florentinus significat, cum legatum sic describit: ut sit *delibatio hæreditatis*, (*μειωσις κληρονομίας*, Basil. 44. tit. 1. c. 1.) *qua testator ex eo, quod universum hæredis foret, alicui quid collatum velit*, l. *legatum* 116. in pr. de legat. 1. Eadem differentia indicatur ab Ulpiano in *fragm. tit. de fideicom.* §. 3. & 6.

*Ab hærede præstanda*) Hæc verba non agnoscunt Theoph. Cujac. Hotom. Wesemb. Baro à sciolo aliquo adjecta, ac proinde inducenda putat. Et fatendum sanè est, non esse hæc verba ad definitionem legati necessaria; quippe in qua quæritur, quid legatum sit: non à quo relinquatur, aut præstandum sit; quod pertinet ad executionem. Cæterum causam nullam admodum video, cur cum extent in vulgatis codicibus, deleri atque ex iis expungi debeant. Sæpe enim nostri latioris explanationis gratia quædam definitionibus adjiciunt, quæ ad essentiam rei definitæ non pertinent; ut videre est in definitione tutelæ l. 1. de tut. item furti, l. 1. §. 3. de furt. quod & hic factum videtur. Sed dixeris, vel ideo delenda esse, quia post exæquationem legatorum & fideicommissorum non tantum ab hærede, sed etiam à legatario legari potest. Ego verò nego, quod ita relictum est propriè legatum esse, licet concedam jure legati censeri: de quo nonnihil iterum infra de *fideic. hæ.* in pr. Illa autem leviuscula sunt, ob quæ nonnulli clausulam hanc inducendam putant, primum quia legatum ab ipso testatore nonnumquam præstetur, l. *Lucius* 22. de legat. 2. deinde quod quæ legantur, recta dicuntur transire ad legatarium, l. à *Titio* 64. de furt. Nam ad primum quod attinet, constat, legatum omne sic relinqui, ut præstetur post mortem testatoris, & proinde ab hærede. Quod si testator antevertat, & ipse præstet, dum vivit, mutatur voluntate te-



statoris, quod legatum erat, in donationem inter vivos, per *l. hujusmodi* 84. §. *si Titio* 11. de legat. 1. Quod verò legatum recta à defuncto transire dicitur in legatarium, id tantummodo pertinet ad rei legatæ dominium: nam possessio nihilominus ab hærede petenda & præstanda est. Neque enim potest quisquam sibi jus in rem dicere, aut legatarius privata auctoritate occupare potest: alioqui hæredi potestas est invocandi interdicto quod legatorum, l. 1. §. 2. quod legat. de quo vid. Clar. §. *testamentum*, quest. 68. Peck. 1. de testam. conjug. 48. Christin. vol. 4. dec. 36. Sed & translatio illa domini ficta potius est, quam vera, & ideo introducta maximè, ut legatarius post diem legatarii cedentem decedens ad hæredem legatum transmittat, l. 3. l. 5. *quand. dies leg.* Porro notanda obiter triplex legati significatio. Nam & actum ipsum legandi denotat, ut hic & in definitionibus Modestini & Florentini; & nonnumquam titulum seu causam, ut *tit. pro legat.* Frequentissimè autem designat rem ipsam legatam.

## T E X T U S.

De antiquis generibus legatorum  
sublatis.

2. Sed olim quidem erant legatorum genera quatuor: per vindicationem, per damnationem, sinendi modo, per præceptionem: & certa quedam verba cuique generi legatorum assignata erant, per quæ singula genera legatorum significabantur. Sed ex constitutionibus divorum Principum solemnitas hujusmodi verborum sublata est. Nostra autem constitutio, quam cum magna fecimus lucubratione, defunctorum voluntates validiores esse cupientes, & non verbis, sed voluntatibus eorum faventes, disposuit, ut omnibus una sit natura: & quibuscumque verbis aliquid relictum sit, liceat legatariis id persequi, non solum per actiones personales, sed etiam per in rem, & per hypothecariam. Cujus constitutionis perpensum modum ex ipsius tenore perfectissimè accipere possibile est.

## N O T A E.

2. Certa quedam verba) Vid. Ulp. *tit. 24. Cajum lib. 2. tit. 1.* Notæ juris, D. D. E. *Dare damnas esto.* Per præceptionem solummodo legatur uni ex hæredibus. Cajus *d. lib. & tit. §. ult.* Th. hic. Formula: *Lucius Titius mihi ex parte hæres rem illam præcipito.* Hæc capiendi figura præceptio dicitur, prælegatum, & præcipuum, Græc. ἐξουσίη δόσις.

- 1 Pro formularum diversitate olim quatuor genera legatorum fuisse, non solum nominibus distincta, sed etiam natura & jure.
- 2 Primum Justinianum effecisse, ut omnium eadem vis esset, salva tamen manifesta voluntate defuncti.
- 3 Explicatur vetus differentia circa potestatem agendi inter legatum vindicationis & damnationis, sublata constitutione Justiniani.
- 4 Hypothecariam beneficio Justiniani accepto ferendam: qua de re, adversus quos ea competit; aliaque nonnulla eodem pertinentia.

**P**er vindicationem, per damnationem, sinendi modo, per præceptionem) His nominibus sic genera hæc distincta atque appellata fuerunt à verborum formulis cujusque generis propriis, aut earum una aliqua. Per vindicationem his verbis legebatur, *Do, lego, capito, sumito; tibi habeto, vindicato.* Per damnationem ita, *Heres meus damnas esto dare, dato, facito, hæredem meum dare jubeo.* Sinendi modo sic, *Heres meus damnas esto sinere L. Titium sumere illam rem sibi que habere.* Per præceptionem uni ex hæredibus legabatur hac formula, *L. Titius mihi ex parte hæres illam rem præcipito, aut præcipuam habeto.* In formula legandi per vindicationem & præceptionem verba testatoris ad legatarium diriguntur: in legato damnationis ad hæredem; in sinendi modo formula mixta videtur. Non tantum autem hæc genera verborum formulis, sed natura quoque & jure distincta fuerunt. Per vindicationem & præceptionem legari solum poterat res testatoris propria; sinendi modo etiam hæredis, per damnationem etiam aliena. In duobus prioribus, genere legato, aut duabus rebus disjunctim, electio erat legatarii: idque puto etiam obtinuisse in relicto sinendi modo: quia in hoc quoque genere verba executiva, ut loquuntur, diriguntur ad legatarium. In damnationis autem legato hoc casu electio erat hæredis. Quod per vindicationem relictum erat, petebatur actione in rem: quamquam eo nomine & in personam ex testamento agi poterat, quod per damnationem, id actione in personam ex testamento persequendum erat. Nomine quoque ejus quod sinendi modo relictum erat, non aliam actionem quam ex testamento competiisse, post Theoph. Bachovius scribit: Cajus etiam vindicari potuisse, *lib. 2. hoc tit. §. pen.* quod ego locum habuisse puto, cum res testatoris propria hoc genere legati relicta esset. Quod per præceptionem



nem cohæredi datum erat, eo nomine familiaræ circicundæ agebatur in cohæredes. Hæc ferre, & quædam alia hujusmodi reperiuntur apud Ulp. *tit. 24. Cajum lib. 2. t. 5. Paul. 3. sent. 3. Theophil. bic.* Si cui vacat, etiam per me licet, adeat Ant. Fab. 6. *conject. 1.* cautè tamen. VINN. Rectè Cajum interpretatur Vinnius. Si enim res propria hæredis vel testatoris alicui sinendi modo fuerat relicta, & legatarius eam vindicabat; tunc hæres non contra vindicare, nec dicere poterat: *Et ego ajo illam rem meam esse*: quia jussus erat sinere, ut legatarius rem sibi haberet. Præclare hoc observavit V. C. Schulting. *ad Cajum lib. 11. tit. 6. §. 6. p. 120.* Caterum septemdecim horum legatorum differentias ex jure antiquo eruditè erutas habuit Merill. *Obs. lib. 6. cap. 12. p. 175. HEIN.*

*Constitutionibus DD. Principum verborum solemnitas sublata*) Significatur *l. in legatis 21. C. hoc tit.* qua una quidem constitutio est, sed trium Imp. Constantini, Constantii & Constantis, quos si singulos spectes, totidem dici possunt Imperatorum constitutiones. Hi iidem Imp. etiam verborum solemnitatem & observantiam sustulerunt in institutionibus hæredum, & in amplectenda bonorum possessione, *l. quoniam 15. C. de testam. l. ult. C. qui admitt. ad bon. poss.*

*Nostra autem constitutio*) Est *l. 1. C. comm. de legat.* Sublata in legatis verborum solemnitate, etsi licebat aliis verbis, idem quod typica significantibus, in unoquoque genere uti; nec latino tantum, sed etiam Græco, aut Gallico, aut cujuscumque alterius generis sermone legatum relinquere, quod antea non licuisse pacta formularum verba arguunt, & testator Ulp. *tit. 25. §. 7.* manebat tamen adhuc vetus naturæ & effectorum in singulis generibus diversitas: verbi causa, nihilo magis res aliena per verba vindicationis legari poterat quam ante: aut legatum per damnationem relicta in rem actione peti. Hanc generum differentiam primus sustulit Justinianus, omniumque legatorum unam voluit esse naturam, hoc est, unam omnium vim atque effectum, *l. 1. C. comm. de leg.* Quod si qua adhuc veteris discriminis vestigia in libris nostris tibi occurrent, scito, Tribonianum hæc per incuriam reliquisse, qui dum responsa Jurisconsultorum ad constitutionem Justiniani accommodare studuit, verba quidem hæc, *per vindicationem*, aut *per damnationem*, ubique sustulit: rem autem ipsam & effectum reliquit. VINN. Id negari vix potest. Nam sic e. g. in legato per vindicationem portio deficiens

conjuncto accrescere dicitur, *l. 16. §. ult. & l. 34. ff. de legat. 1. l. 31. §. 1. ff. de statu lib.* Contra in legato per damnationem illa deficiens portio non accrescit conjuncto, *l. 16. pr. ff. de legat. 1. l. 16. de legat. 2.* Non itaque dicendum cum Cujacio in *Paratitl. C. ad l. un. de cad. tollend. sub fin.* hanc differentiam non esse sublatam, sed Pandectarum compositores festinantius agentes vestigia omnia juris antiqui, quod Justinianus immutavit, non delevisse. Vid. Merill. *Variant. Cujac. lib. 11. cap. 10. p. 241. HEIN.*

*Non verbis, sed voluntatibus*) Ætimologia hujus exæquationis: quæ talis tamen est, ut quisvis facile intelligat, Imperatorem noluisse quicquam statuere, aut exæquationem istam valere contra manifestam voluntatem testatoris. Quamobrem si testator, verbi causa, generaliter quid legaverit, aut hoc vel illud distinctim, verbis executivis ad hæredem directis, non dubitare respondere, in hujusmodi legato electionem tribuendam esse hæredi, cum DD. *comm. & Zas. in l. legat. 37. n. 22. de legat. 1.*

*Non solum per actiones personales*) In *d. l. 1. C. comm. de legat.* Utitur numero singulari. Intelligit autem actionem, quæ veteribus dicitur actio ex testamento, *l. servo 69. §. ult. l. non quocumque 82. in pr. l. quæsitum 91. §. ult. de legat. 1. l. qui concubina 29. §. 3. de legat. 3. l. 6. de in lit. jur. §. si res aliena 6. inf. eod.* Hæc actio in personam est ex obligatione. Nam cui legatum datum est, is de eo præstando obligatum habet hæredem, à quo relicta est. Obligatio est quasi ex contractu: quippe cum hæres adit aut agnoscit hæreditatem, intelligitur eam agnoscere cum sua conditione atque onere; scilicet ut præset, quod testator injunxit; atque hoc factò quodammodo cum legatariis contrahere videtur, *§. hæres 5. inf. de obl. quæ quas. ex contr.* Ex quo apparet, tertium possessorem hac actione convenire non posse, hæredem posse, etsi non possideat, *per actionem, 25. de obl. & act.*

*Sed etiam per in rem*) Etiam olim legati obtinendi causa actio in rem prodita legatariis fuit, sed non omni legato; ut ecce, de eo, quod per vindicationem legatum erat, præter actionem in personam competebat etiam in rem seu rei vindicatio: de re per formulam damnandi legata una erat actio in personam, in rem non erat: quæ juris diversitas ex alio diverso inter hæc jure nascebatur; ex eo nimirum, quod rei per vindicationem legata dominium recta à testatore in legatarium transibat, *l. legatum 80. de legat. 2. l. à Titio 64.*



de furt. Quod autem per damnationem relinquatur, ejus rei dominium transibat ad hæredem, & in hoc tale legatum simile erat fideicommissio, quod ipsa formula evidenter ostendit, & quod etiam res aliena per hanc formulam recte legabatur. Jam verò certum est, actionem in rem omni domino competere, & soli, *l. in rem 23. in pr. de rei vind.* fierique consequens ut in qua specie ad obligationem hæredis accedit dominium legatarii, ibi legatario non tantum personalis, sed etiam in rem actio detur; ubi autem sola hæredis obligatio locum actioni facit, ibi non alia quam in personam actio competere possit. Ex constitutione verò Justiniani etiam pro legato damnationis consequendo actio in rem legatario datur: quippe jure legatorum omnium exæquato, tam ex legato damnationis, quam vindicationis dominium rei legatæ recta ad legatarium transit. Illud forte aliquem turbabit, quod eidem ejusdem rei nomine duæ contrariæ actiones conceduntur, quarum altera intendat sibi dari oportere, altera se dominum esse intendat, contra *§. sic itaque 14. inf. de act.* Respondent nonnulli, speciale hoc esse in legatario, propterea quod tantum jure civili dominus factus sit, non etiam jure gentium, quod non placet. Nihil enim retent, quo jure dominium agenti quaesitum sit, *d. l. in rem 23. de rei vind.* & in promptu alia responsio est, descendere nimirum hæc actiones ex diversis causis; in personam ex obligatione hæredis; in rem ex jure domini, quod statim à morte testatoris in legatarium transfertur; quamobrem agentem legatarium actione personali ex testamento, petentemque ut res sibi detur, non considerari ut dominum, sed tantum ut creditorem, qui hæredem quasi ex contractu sibi obligatum habet. Rursum agentem in rem non considerari ut creditorem, sed ut dominum rem suam ab hærede, non ut obligato, sed ut possessore vindicantem: nam & contra alios possessores sic in rem ageret. Concursus autem duarum harum actionum non cumulativus est, sed electivus, hoc est, non ita simul competunt, ut liceat experiri utraque, sed ut una, utra legatarius velit: una autem electa, altera consumitur, *l. cum filius 76. §. variis 8. de legat. 2. l. hujusmodi 84. §. ult. l. si servus 108. §. 2. de legat. 1.* Porro ut legati nomine etiam in rem actioni locus sit, ponendi sunt termini habiles: primam, ut legata sit certa species aut corpus; neque enim quantitate, aut nomine legato, vindicatio locum habere potest: deinde ut res, quæ legata est, propria testatoris fuerit: nam quod testa-

toris non est, id ab eo non potest recta transire ad legatarium, *l. nemo plus juris 54. de reg. juris.*

Et per hypothecariam) Priores duæ actiones, etiam veteribus, secundum ea quæ diximus, in usu fuerunt. Hypothecaria, de qua hoc loco, tota beneficio Justiniani accepto ferenda est. Nam quod legitimus apud Papinianum, legatarios causam pignoris habere, *l. 4. §. 1. de separ.* id, ut locus ipse indicat, junct. *l. 1. §. sciendum 3. eod. tit.* accipiendum est de specie pignoris prætorii, quod jure separationis creditores hæreditarii in bonis defuncti habent, & post hos in eo quod superest legatarii, qui separationem impetnaverunt. Agi potest hac actione hypothecaria in quascumque res à defuncto relictas, adversus quosvis earum rerum possessores. Ajo, à defuncto relictas; siquidem non res hæredis propriæ, sed hæreditariæ ex hac causa pignoris sunt legatariis ex d. constitutione Justiniani. Neque tamen in his rebus numeranda videtur res testatoris, quæ legata sit: quippe quæ statim fit legatarii; rei autem nostræ pignus non consistit, *l. neque pignus 45. de reg. jur.* Actionem hypothecariam cum personali cumulari posse, receptum est, *Myns. 1. observ. 58. Charond. 4. respons. 52.* cum vindicatione autem adversus eundem cumulari non posse tradit Bald. *in auth. contra, n. 11. C. ad sen. Treb.* sed Cyn. *in d. l. 1. n. 10. C. comm. de legat.* etiam harum cumulationem admittit: quem sequitur Bachov. *in Treutl. vol. 2. disp. 13. thes. 7.* Ut sit, certi juris est, actiones, quæ se invicem non consumunt, successivè intentari posse, nimirum ut etiam post sententiam in una latam altera in judicium deducatur: ratio autem non patitur, ut per hypothecariam aut actio in personam consumatur, aut rei vindicatio: ut proinde simpliciter verum esse non possit, quod nonnulli simpliciter tradunt, tres hæc actiones electivè concurrere, non cumulativè: sed nec pignus liberari debitore ad solvendum condemnato responsum est, *l. quamvis 8. C. de pign.* Illud pene supervacuum monere, actionibus hæc locum non esse, nisi adita ex testamento hæreditate. Nam si hæreditas adita non fuerit, nihil eorum, quæ testamento scripta sunt, valet, *l. si nemo. 9. de test. tut. l. eam. 14. C. de fideicom.* nisi forte testator voluerit scripturam testamenti etiam pro codicillis valere, sive quod testamento relinquatur etiam ab hæredibus legitimis præstari, *l. ex ea scriptura. 29. §. 1. qui test. fac. l. ex testamento. 29. de fideic. l. ult. §. 1. C. de codicill.* de quo plura *Jas. d. l. 14. & post eum Sichar. n. 6. 1.*



§ 9. Don. num. 9. & seqq. Illud in transitu monere non inutile visum, actionem hypothecariam, quam Justinianus pro legatis aut fideicommissis concessit, ex constitutione ipsius inter plures hæredes ipso jure divisam esse, *d. l. 2. in fin. C. comm. de legat.* quod speciale est, & contra ordinariam naturam actionis hypothecariæ, quæ alias semper individua est, *l. rem hereditariam. 65. de vielt. introductum.* Ac proinde hoc non obtinebit in hypotheca aut pignore expresso, quod testator legati aut fideicommissi nomine constituit, *l. non est mirum. 26. de pign. act. cum in dubio credendum sit, testatorem se conformare voluisse ad jus commune, l. ult. C. de verb. sign.* Atque hinc intelligimus, etiam post hanc constitutionem Justiniani adhuc utiliter pignus testamento constitui, add. *Christin. vol. 4. de cis. 47. n. 3. & 4.* Donellus tamen nihil in hoc putat esse singulare, *in d. l. 1. num. 12. VINN.* Atqui de cumulatione actionum frustra quaeritur, si ex principiis juris Romani decidenda sit quaestio. Nam id jus cumulationem ignorare, & ad ea planè abhorreere videtur, *l. 6. ff. de except. rer. jud.* Nec contrarium liquet ex *l. 1. §. 4. de edendo. & l. 12. §. 1. ff. de adqu. vel amitt. poss.* quarum altera ad primam editionem, altera ad mutationem actionis pertinet. Poterat itaque actor duas edere actiones, protestatus, ex altera se velle consequi, quod se contingat: potest & relicta actione petitoria ad possessoriã confugere, sed non duas actiones cumulare. Totum id jus ex jure canonico videtur proficisci, quod praxis sequitur. Cæterum hæc docet, frequenter cumulari actionem personalem ex testamento & hypothecariam, (modo non agatur adversus tertium possessorem, contra quem ex testamento agi nequit,) non autem rei vindicationem & hypothecariam, quum alterutra sufficiat.

## TEXTUS.

## Collatio legatorum &amp; fideicommissorum.

3. Sed non usque ad eam constitutionem standum esse existimavimus. Cum enim antiquitatem invenimus legata quidem strictè concludentem; fideicommissis autem, quæ ex voluntate magis descendebant defunctorum, pinguiorem naturam indulgentem: necessarium esse duximus, omnia legata fideicommissis exæquare, ut nulla sit inter ea differentia: sed quod deest legatis, hoc repleatur ex natura fideicommissorum: & si quid amplius est in legatis, per hoc crescat fideicommissorum natura.

Tom. I.

ra. Sed ne in primis legum cunabulis permixtum de his exponendo studiosis adolescentibus quamdam introducamus difficultatem, operæ pretium esse duximus, interim separatim prius de legatis, & postea de fideicommissis tractare: ut natura utriusque juris cognita, facile possint permixtionem eorum eruditi subtilioribus auribus accipere.

## NOTÆ.

3. Pinguiolem naturam indulgentem ) Vid. Ulp. *d. tit. 25. Caj. lib. 2. tit. 7. Theoph. hic. Necessarium esse duximus* ) *l. 2. comm. de legat. Nulla sit inter ea differentia* ) Scil. in ipsa re. Ait enim, se non verbis, sed rebus leges imponere, *d. l. 2.* Itaque essentialis differentia legati & fideicommissi sublata non est: sed quod verbis directis & imperativis legis modo est relictum, adhuc legatum; & quod precariis, fideicommissum est. Sed neque ea differentia sublata, quam facit manifesta voluntas testatoris: cujus rei exemplum habemus §. *pen. inf. de sing. reb. per fid. rel.*

## COMMENTARIUS.

- 1 Auctorem exæquationis legatorum & fideicommissorum itidem esse Justinianum.
- 2 Cur stricta legatorum natura, & quibus cancellis circumscripta fuerit?
- 3 Cur pinguior ac laxior fideicommissorum, & quibus in rebus?
- 4 Exæquatione hac non esse sublatam utriusque relicti differentiam essentialem.
- 5 Quando amplius fuerit in legato, quàm in fideicommissis?

Superiore §. didicimus, legata omnia inter se exæquata esse, hic docetur ea etiam omnia & in omnibus exæquata esse fideicommissis, hoc est, communicatam ac confusam invicem etiam legatorum omnium & fideicommissorum naturam. Auctor hujus exæquationis itidem Justinianus est, *l. 2. C. comm. de legat.* quod hoc loco expressè profitetur. Et verum esse vel ex eo liquet, quod veteres inter legata & fideicommissa differentiam, quas Ulpianus in *fragm.* & *Cajus lib. 2. commemorant*, certè maxima earum pars usque ad tempora Justiniani permanserunt. Quamobrem dubitandum non est, quin illud, quod apud Ulpianum *l. 1. de legat. 1. legimus, per omnia exæquata esse legata fideicommissis*, Triboniano acceptum ferri debeat, qui verba Ulpiani interpolando ea traxerit ad constitutionem Justiniani, jam triennio fere ante editionem Pan-



dectarum evulgatam. Etenim concessu Principis hanc potestatem compilatores Pandectarum habuerunt, ut pro arbitrato suo & adjicere quædam & detrahere scriptis veterum possent, l. 1. C. de vet. jur. enuel. Idque in plurimis locis ab iis factum esse animadvertere licet. Vid. Govean. 1. var. lect. 29. Duar. 2. disp. 9. Don. 8. comm. 2. Baron. Hotom. Wefemb. hic Covar in c. Raynaldus, §. 1. n. 3. x. de testam. Aliter & diversimodè hoc expediunt Cujac. 8. obs. 4. Rævard. 3. var. 4. Robert. 2. sent. 23. quorum explanationes etsi non probo, confutare tamen nolo, quia res non meretur ullam operam. Illud autem monendi sumus, hanc legatorum & fideicommissorum exæquationem pertinere tantum ad fideicommissa specialia, quibus scilicet res singulari relinquuntur; ad universalis autem hæreditates fideicommissarias non pertinere. Is enim, cui ex fideicommissis restituitur hæreditas, hæredis loco habetur. De quo uberius *infr. de fideic. her.*

*Strictè concludentem*) Id est, strictam legatis naturam tribuentem, eaque cogentem intra verborum ac formularum angustias, & voluntates testantis juris subtilitati subjicientem. Quippe in legatis, utpote quæ ex legibus & jure civili ortum ducebant, certis quibusdam & solemnibus ac præscriptis verbis utendum erat, sicut & in hæredis institutione, nec aliis verbis relicta valebant: quæ verba idcirco legitima & civilia dicebantur, l. 7. de vulg. & pup. l. ult. C. de testam. qualia sunt: do, lego, capito, sumito, habeto, hæres meus damnas esto dare, hæredem meum dare jubeo. Atque ad hæc verba, quoniam fere imperativa sunt & legislationis propria, respexit Ulp. in *fragm. hoc tit.* legatum definiens, quod legis modo relinquitur. Cæterum prisca illa & præcisa verborum observantia jam ante Justinianum sublata fuit, ut intelleximus in §. præc. Voluntas quoque testantis cancellis quibusdam in legando circumscripta erat. Siquidem legatum relinqui non poterat nisi in testamento aut codicillis testamento confirmatis, §. præterea. 10. *infr. de fideic. her.* Cajus lib. 2. tit. 7. Præterea legatum relinqui non poterat ante hæredis institutionem, nec post mortem hæredis, nec à legatario aut fideicommissario, sed à solo hærede, §. ante. 34. & *seq. infr. eod. & tit. de sing. reb. per fideic. rel. in pr.* Ulp. *boc tit.* §. post mortem. 16. & §. à legatario. 20. Cajus *diff. tit.* 7. Denique verba legatorum strictè accipiebantur, neque in his, si perpicua erant & minimè ambigua, facile admittebantur conjecturæ, aut questio voluntatis, l. ille. 25. §. 1. de legat. 3.

*Ex voluntate magis descendunt*) Quàm ex lege aut certo jure. Quod significat Ulpianus in *fragm. tit. de fideic.* cum ait, *fideicommissum non ex rigore juris civilis proficisci, sed ex voluntate dari relinquebat.* Proinde in fideicommissis parum referebat, quibus verbis relicta essent, modo certa esset testatoris voluntas, l. cum virum. 16. C. de fideic. adeo ut fideicommissum non minus Græco, quam Latino sermone rectè relinqueretur, l. 11. in pr. de legat. 3. Ulp. d. tit. §. item Græce. 9. Hoc amplius etiam nutu fideicommissa posse relinqui placebat, l. nutu. 21. d. tit. Denique in interpretatione verborum fideicommissi, etsi ea minimè obscura essent, magis tamen voluntas, quàm verba, spectabatur, & conjecturis nihilominus erat locus, d. l. 16. C. de fideic. l. quisquis. 95. de legat. 3.

*Pinguiorum naturam indulgentem*) Non ea adstringentem verborum formulis, nec voluntatem relinquentis coercentem intra rigorem juris civilis, laxiorem longè & benigniorem interpretationem in fideicommissis, quàm in legatis admittentem. Unde nihil eorum quæ legatum vitiasse diximus, oberat fideicommissis. Poterat & ab intestato relinqui, & codicillis testamento non confirmatis. Poterat relinqui & ante hæredis institutionem & post mortem hæredis. Poterat & à legatario & à fideicommissario, ut supra allegata simul docent. Erant & alia quædam inter legata & fideicommissa differentia, quarum Ulp. *tit.* 25. & Caj. *lib.* 2. *tit.* 7. meminerunt. Nobis hic omnes referri curæ non fuit. VINN. In his præcipua videtur, quod quibus legari non poterat, iis fideicommissi possent. §. 1. *Inst. de fideic. hered.* Hinc deportatis, orbis, in calibatu viventibus legari non poterat, quum posset fideicommissum relinqui, immo & Latinis, quum hic legatum non caperent, nisi intra centum dies jura Quiritium impetrarent. Ulp. *tit.* 17. §. 1. & *tit.* 25. §. 7. Unde omnino apud Ulp. *tit.* 25. §. 6. legendum videtur: *Fideicommissa dari possunt his, quibus legari non potest.* Hoc jus enim ante Ulpianum mutatum esse, nondum constat. HEIN.

*Ut nulla sit inter ea differentia*) Hoc est, ut una sit eorum natura, ut jam non amplius sicut olim diversa eorum vis sit ac potestas. Hoc enim exæquare est, alterius vim ac naturam alteri communicare; quemadmodum hoc Imperator ipse mox explicare & in d. l. 2. C. *comm. de leg.* Itaque nunc legata æquè ac fideicommissa & ab intestato, & nutu, & à legatario, &c. relinqui poterunt, ac fideicommissa, & voluntas legantis servabitur. Quod ideo



monendum putavi, ne quis putet hac exæquatione essentialem harum rerum differentiam sublata esse, & quod verbis directis ac imperativis relictum est, etiam fideicommissum factum; & contra quod precariis, legatum: quod esset absurdum. Nam voluntas testatoris legatum aut fideicommissum facit & discernit. Ac proinde etiam adhuc fieri potest, ut aliquo casu dissimilem hæc necessario effectum habeant, ne quid fiat contra voluntatem defuncti: quam non evertere, sed conservare Justiniano propositum fuit. Cujus rei exemplum habemus in legato & fideicommissio libertatis, §. pen. inf. de sing. reb. per fideic. rei. Quinque alias differentias refert Giphanius, quas existimat post exæquationem nostram adhuc relictas: sed perspicuo errore, nec digno qui confutetur.

*Si quid amplius est in legatis*) Mutua igitur est hæc exæquatio. In legatis hoc amplius erat, quam in fideicommissis, quod aliquando, & scilicet legata re testatoris propria, dominium recta in legatarium transibat, ex fideicommissio numquam: item quod pro obtinendo legato comparata erat legatario ordinaria actio ex testamento, aut quo casu dominium transferarum erat, etiam rei vindicatio: de fideicommissis una tantum competeat extraordinaria persecutio. De quo dicendum amplius inf. de fideic. her. §. 1. Cæterum etiam hanc differentiam sustulit Justinianus & fideicommissa vice mutua in his rebus exæquavit legatis, ut jam iisdem quoque actionibus, quibus legata, peti possint, l. 1. & 2. C. comm. de leg.

*Separatim prius de legatis, & postea de fid.*) Hinc est, quod Justinianus in progressu aliquando ita differit, tamquam inter legata & fideicommissa quædam adhuc differentia obtinerent, quas tamen certum est eum una cum cæteris sublatas voluisse. Veluti in §. præterea. 10. inf. de fideic. her. ubi ait, legata nisi ex testamento non valere. Et in pr. t. de sing. reb. per fid. vel. sic loquitur, quasi à legatario etiamnum legari non liceret.

## TEXTUS.

De re legata. Et primum de re Testatoris, hæredis, aliena, cujus non est commercium.

4. Non solum autem testatoris vel hæredis res, sed etiam aliena legari potest, ita, ut hæres cogatur, redimere eam, & præstare; vel si eam non potest redimere, æstimationem ejus dare. Sed si talis sit res, cujus commercium non est, vel adipisci

non potest, nec æstimatio ejus debetur; veluti si quis campum Martium, vel basilicas, vel templa, vel quæ publico usui destinata sunt, legaverit. Nam nullius nomen tale legatum est. Quod autem diximus, alienam rem posse legari, ita intelligendum est, si defunctus sciebat, alienam rem esse, non si ignorabat. Forsitan enim si scivisset, alienam rem esse, non legasset, & ita divus Pius rescripsit. Et verius est, ipsum, qui agit, id est, legatarium, probare oportere, scivisse alienam rem legare defunctum; non heredem probare oportere ignorasse alienam. Quia semper necessitas probandi incumbit illi, qui agit.

## NOTÆ.

4. Cujus commercium non est) Ejus rei, quæ absolute commercio exempta, legatum prorsus inutile est: cujusmodi sunt, quæ hic & in l. 39. §. 8. & seqq. eod. 1. memorantur. Sed nec earum rerum legatum regulariter consistit, quæ ædibus juncta sunt, l. 41. cum 2. seqq. eod. Quid si vel testator, vel hæres commercium rei non habeant? Resp. Si legatarius habeat, utile esse legatum, l. 49. §. 3. eod. 2. fac. l. 34. de verb. obl. sin minus, non valere, d. l. 49. §. 2. d. l. 34. Non obstat. l. 114. §. 5. eod. 1. neque l. 11. §. 16. eod. 3. illa tibi quod respondeas ipsa subministrat; in hac agitur de legato militiæ, cujus natura æstimatio continetur, d. l. 49. §. 1. in l. 40. eod. delenda videtur secunda negatio: alioqui illa abundant, cujus commercium legatarius non habeat. Cujac.

*Legatarium probare*) Hoc iidem iisdem verbis Marcian. tradit l. 21. de prob. fac. l. 23. C. eod.

## COMMENTARIUS.

- 1 Quorum rerum legatum consistat, aut non consistat.
- 2 Legem 12. Tab. non impedire, quominus res aliena legari possit. Et num jus Canonicum?
- 3 Quid juris sit in legato rei communis? Quæstio subtilis & elegans.
- 4 Effectus legati rei alienæ.
- 5 Legatum rei simpliciter exemptæ commercio, aut usibus Principis deservientis, prorsus inutile esse. Ut & regulariter earum rerum, quæ adibus junctæ.
- 6 Rei exemptæ commercio certæ personæ legatum valere, si legatarius commercium habeat; sin minus, secus: subjecta plenissima solutione omnium quæ obstat videantur.
- 7 Quid juris, si feudum legatum sit?
- 8 Legatum rei alienæ, nisi singulari conjectura adju-



*adjuvetur, cur demum valere placeat, si testator sciverit, alienam esse; & cur legatorij eius rei probatio incumbat?*

**I**nchoatur hic tractatio de rebus, quæ legari possunt, aut non possunt: qui locus maximam hujus tit. partem occupat; nec est sine multiplici distinctione prævius. Primum hoc in genere teneamus, non solum res speciatim sic dictas, sed etiam facta legari posse, ut qui iussus est facere, parere debeat: nec solum res corporales, sed etiam incorporales, puta usufructum, servitutem, nomen. Deinde posse legari non modo res, quæ actu sunt in rerum natura, verum etiam quæ futuræ sperantur: quæ non sunt, nec esse possunt, earum legatum inutile esse. De quibus omnibus accuratius agemus suis locis. Porro interest, utrum res legata sit in commercio, an non sit: & si extra commercium, utrum simpliciter atque in totum, ut sunt res publicæ, sacræ, sanctæ, religiøsæ, liber homo; quarum rerum legatum nullius momenti est: an verò res talis sit certo respectu, & vel ob specialem circumstantiam commercio exempta, cum alioqui per se & conditione sua sint in commercio, cuiusmodi sunt marmora, columnæ, tigna ædificijs juncta, quæ inutiliter itidem uno atque altero casu excepto legantur: vel exempta commercio, quorundam, non omnium ut mancipium Christianum, cuius commercium non habent hæreticus, Judæus, paganus, *tit. C. ne mancip. Christ.* item militia, hoc est, officium alicujus eorum, qui in aliqua schola seu ordine inter statutos relati sunt, ex quo salaria à Principe consequuntur: cuiusmodi officiorum constat quoque non omnes jure capaces esse. Vid. Cujac. in l. 3. §. si quid minori. 7. de minorib. Sic prædij provincialis cum aliis commercium est, cum præside non item. Atque hujus generis res aliquando utiliter, aliquando inutiliter legantur: de quo uberius paulo post. Quæ res legata in commercio est, ea vel est testatoris propria, vel non est: & hæc iterum vel hæredis, vel legatarii, vel tertii alicujus, vel in hoc argumento specialiter dici solet res aliena. De re hæredis scriptum hic est, eam non minus quàm rem testatoris legari posse: neque ullam hoc dubitationem habet; adeo ut hujusmodi legatum valeat, etiam si testator existimaverit rem suam se legare, l. unum 67. §. si rem 8. de legat. 2. De re legatarii legata distinctè dicitur *inf. sub §. sed si rem* 10. De re aliena hic itidem traditum est, eam utiliter legari: cum ea tamen distinctione, quam legatum rei testatoris aut

hæredis propriæ non recipit. Postremo illud quoque generaliter tenendum est, nullius esse momenti legatum earum rerum, quæ legata nihil emolumenti aut commodi legatario afferunt, quamvis sint in commercio: de quo etiam inferius præcipietur diligentius *sub §. ex contrario*. 14.

*Sed etiam aliena*) Etiam res alienas legari posse, semper constitit, & posse, etiam si difficilis earum paratio sit, ut ait Jurisconsultus l. cum servus. 39. §. constat. 7. de legat. 1. Nec obstat lex duodecim tabularum, quæ tantum de suo legandi potestatem facit, l. verbis. 120. de verb. sign. Nam qui legat rem alienam, de suo legare intelligitur. Onerat enim hæredem, ut rem redimat, & redemptam præstet. Olim hoc proprium fuit legatorum, quæ per damnationem relinquebantur: sicut indicat l. qui quatuor. 30. §. ult. de legat. 3. & expressè testatur Ulpian. in fragm. sub. tit. de legat. Hodie autem licebit in hac re etiam verbis legati vindicationis propriis uti, ut puta, *do, lego, aut similibus*. Sed & rem hostium legari posse placuit, si modo in ea causa sit, ut aliquo casu emi possit, & jure commercii comparari, l. ab omnibus. 104. §. 2. de legat. 1. Ejus rei, quæ apud hostes est, bello scilicet capta, legatum omnimodo consistit jure postliminii, l. 9. l. si servus. 98. cod. An autem jure quoque Canonico legatum rei alienæ valeat, dubitatur propter *cap. filius. x. de testam.* ubi videtur ejusmodi dispositio improbari. Covarruvias putat, speciem d. c. esse singularem, quod res alterius Ecclesiæ legata proponeretur sepulturæ causa: & ideo extra speciem illie propositam etiam jure Pontificio alienæ rei legatum consistere: & ita quoque Mant. 9. de conj. ultimam. vol. 10. Fachin. 5. contr. 38. At enim negari non potest, quin Pontifex in d. c. ostenderit, sibi displicere rei alienæ legatum, cum id magis *saeculi legibus* quàm *legi Dei* convenire significet. Quamobrem D. Tulden. hic. c. 5. fatetur quidem, improbari à Pontifice hanc juris civilis dispositionem: cæterum cum eam expressè non abroget, merito eam adhuc obtinere debere contendit: maximè cum probabili nitatur ratione, prolixius indulgenti supremis hominum desiderijs, & eo tantum pertineat, ut hæres rem à domino redemptam, ut eo nolente vendere, justam rei estimationem legatario præstet. Crediderat Pontifex rei alienæ legatum legibus sæculi ita sustineri, ut eam rem velit, nolit, Dominus suo pretio vendere teneatur: nam ut hæres aut redemptione rei alienæ, aut pretii illius præstatione oneretur, constat; legi divinæ minime repugnare.



re. Quæsitum est, quid juris sit in legato rei communis? Finge testatorem fundum Sejanum, quem cum Titio communem habebat, legasse Sempronio non adjecta portione. Res dubitationem non habet, si testator sic dixerit *fundum meum*. Hic enim portione tantum debere, id est, partem, quæ testatoris fuit, non alienam, disertè respondet Paul. l. 5. §. ult. de legat. 1. & addit, hoc constare, ut ostendat, certi juris esse, non controversi. Quippe & verba & mens testatoris hic pro hærede faciunt. Verba, quia *fundum meum* rectè interpretatur, quatenus mens est: nam meum rectè dicitur, quod pro parte meum est, l. in re communi. 26. de serv. præd. urb. l. si quis. 74. de legat. 3. l. 2. de cond. inst. quamvis totum meum esse non rectè dicatur, l. rectè. 25. de verb. sign. Mens testatoris, quia etiam si res dubia esset, non facile crederetur testator onerare hæredem suum voluisse necessitate redimendi, l. unum. 67. §. si rem. 8. de legat. 2. Sed dubitatur, si testator non dixerit, *fundum meum*, aut *qui meus est*, sed simpliciter fundum sibi cum alio communem legaverit, utrum totus debeatur, an ea tantum portio, quæ testatoris fuit? Accursius existimavit, totum deberi, quoniam legatum rei alienæ, quam testator scivit alienam esse, valet, & in proposito fundus, si in totum esset alienus, totus deberetur. Quod & Donello visum in l. 10. Cod. de legat. num. 2. Sed contrariam sententiam, quam probant Bartol. Bald. Jaf. Ang. Zaf. Duar. in d. l. 5. §. ult. de legat. 1. Mant. 9. de conj. ult. vol. tit. 1. num. 12. veram esse existimo, partem tantum deberi. Quippe longe diversa ratio est in casu proposito rei in totum alienæ & pro parte meæ. Si res legata tota aliena est, non potest videri testator revocasse modum legati ad partem aliquam suam, quam nullam in ea re habet; nullaque alia conjectura capi potest, quam voluisse legare totam. At cum pars tantum testatoris fuit, omnino credibile est, eum potius de sua illa parte cogitasse, quam voluisse hæredem suum ita onerare, ut partem alienam redimat; quæ conjectura efficacissima est, l. unum. 67. §. si rem. 8. de legat. 2. l. Stichus. 36. in fin. de usufruct. legat. Eandem rationem habet, quod in specie fundi vestigialis legati responsum est, non videri proprietatem legatam, sed jus, quod in eo testator habuit, l. si domus. 71. §. ultim. de legat. 1. fac. l. 24. de instruct. vel instr. leg. l. 30. §. 4. de legat. 3. Planè si testator nominatim dixerit, se legare fundum Sejanum totum vel omnem, responderem, utramque partem & tam alienam, quam

testatoris deberi, argum. l. Juliano. 68. in pr. de legat. 3. Fufius hanc quæstionem tractamus lib. 2. select. quæst. cap. 26.

Si eam non potest redimere æstimationem ejus dare) Effectus legati rei alienæ hic est, ut hæres eam rem teneatur redimere & præstare, aut si redimere non possit, quod dominus eam vel nolit vendere, vel non nisi immodico pretio vendere velit, justam æstimationem inferre, l. si domus. 71. §. 3. de legat. 1. l. non dubium. 14. §. ult. l. qui quatuor. 30. §. ult. de legat. 3. & competit legatario eo nomine actio personalis ex testamento. In rem hoc casu competere non potest, quoniam fieri nequit, ut re aliena legata, dominium ejus rei recta à morte testatoris ad legatarium transeat. Hæc verò ita obtinent, si testator rem alienam legavit sciens; secus est si ignorans, ut paulo post audiemus.

Si talis sit res cujus commercium non est, nec æstimatio debetur) Ejus rei, quæ simpliciter atque absolute extra commercium est, legatum inutile proflus atque inane est, ut nec æstimatio debeatur. Cujus generis sunt res sacræ, sanctæ, religiosæ, usibus publicis destinatæ, l. cum servus. 39. §. pen. de legat. 1. Idem est, si legata sit res, quæ usibus Principis deservit, velut horti Salustianiani, fundus Albanus, aut prædia, quæ in patrimonio Cæsarum sunt: quippe quarum rerum commercium non est sine jussu Principis, & furiosi est, talia legata adscribere, d. l. cum servus, §. antepen. & ultim. Sed neque earum rerum legatum regulariter consistit, quæ ædibus junctæ sunt, ut puta columnæ, marmora, tegulæ, aut alia id genus: quamobrem nec his rebus legatis æstimatio debetur, l. cetera 41. cum 2. ll. seqq. d. tit. Excipiuntur duæ causæ, in quibus harum etiam rerum legatum valere placet: quarum una est in d. l. cetera §. sed si placet, §. altera in l. 11. §. si quis illicite. 14. de legat. 3. nimirum quia in utraque ea specie cessat ratio, ob quam hæres legari, aut negotiandi causa eximi prohibentur, quæ hæc est, ne ruinas deformetur aspectus publicus; l. 2. C. de ædific. priv. Hæc omnia liquida sunt & cunctis probata. Quod si certæ alicujus personæ commercio res exempta est, refert, testator is, aut hæres sit, an legatarius. Si testator, utile nihilominus est legatum, si legatarius commercium habeat: nam & utilis est stipulatio, si rei in stipulatum deductæ commercium habeat stipulator, licet promissor non habeat l. multum 34. de verb. obl. Idemque est, si hæres non habeat, legatarius habeat: neque enim hic persona hæredis, utpote à quo res mox abitura est, confi-



derari debet. Textus est in *l. mortuo bove* 49. §. *sed Proculus* 3. *de legat.* 2. Hæc quoque extra dabitationem posita sunt, & usu, uti & superiora, recepta. Grot. 2. *manuduct.* 22. *vers. pen.* Quod si legatarius commercium non habeat, traditum est, legatum non valere, *diſt.* *l. mortuo bove*, §. 2. cui simile est, quod is, qui rei commercium non habet, eam inutiliter stipulatur, *diſt.* *l.* 34. *de verb. obl.* & quod donari non potest, quod donatario acquiri non potest, *l.* 9. §. *ult. de donat.* *οἱς χριστιανος ἀδελφάποδοι ἀίπερικῶ πρόσωπα*, ut ibi Græci. Cæterum non est hoc æquè expeditum ac præcedentia. Nam primum obſtare videtur, quod responſum est, militia ſervo alieno legata, domino æſtimationem deberi modo teſtator ſciens eam ſervo legaverit, *l.* 11. §. *ſi ſerv.* 16. *de legat.* 3. Atqui ſervus militia capax non eſt. Reſpondeo, ſervis ademptam eſſe totius juris civilis factionem. Sed ſciendum, teſtamenti factionem cum ſervis ex perſona dominorum introductam, ut proinde ſi domino militia relinqui potuit, & ſervo poſſit, atque in perſona ſervi ipſi domino relicta videatur, *l.* non minus 31. *de her. inſt.* Eo ſit, ut ſi teſtator ſervo alieno militia legaverit, legatum utile ſit, & æſtimatio quæ natura legati militia continentur, *d.* 1. 49. §. 1. *de legat.* 2. debeatur domino, qui militia commercium habuit. Utique ſi teſtator non ignoraverit ſervum eſſe: nam ſi liberum putavit, ſcriptum eſt in *d.* 1. 11. §. *ſi ſerv.* 26. denegari fidei- commiſſi petitionem, addita hæc ratione, quia ſi ſciſſet ſervum non reliquiſſet. Itaque nec dominium quicquam iſto caſu ex legato aut fidei- commiſſo redire voluit, reperiturque res relicta ei ſolum, qui commercium ejus non habet. Quod diſtinctionem noſtram confirmat. Secundo refragari putatur *l.* *ſi filiusfam.* 114. §. *ſi quid alicui.* 5. *de legat.* 1. Sed hic locus ipſe tibi quod reſpondeas ſubminiſtrat. Ait Jurisconſultus, *ſi quid alicui licitè fuerit relictum, quod ipſe quidem propter corporis ſui vitium, vel propter qualitatem relicti, aliamve probabilem cauſam, habere non poteſt, alius tamen habere potuit æſtimationem deberi.* Proponitur legatum licitè relictum: ergo relictum capaci, non ei, cui commercium rei relicte interdictum eſt. Nemo enim dicit, prædium provinciale licitè legari præſidi, aut mancipium Chriſtianum Judæo. Proponitur relictum ei, qui caſu aliquo & probabili ex cauſa rem habere non poteſt, non ei, qui jure capere prohibetur. Finge, ſurdo, muto; aut cæco militia legatam aut per fidei- commiſſum relictam, hoc caſu æſtimatio deberetur: at non

deberetur, ſi ea res relicta erat incapaci, *arg.* *d.* 1. 11. §. *ſi ſerv.* 16. *de legat.* 3. Poſtremo hic objicitur *l.* *ſed ſi res* 40. *de legat.* 1. qui locus plus difficultatis habet: ſcriptum enim illic expreſſè eſt, utile eſſe fidei- commiſſum, & æſtimationem deberi etiam eo caſu, quo fidei- commiſſarius jus poſſidendi non habet. Donnellus in *d.* *leg. multum.* 34. *de verb. obl.* diſtinguit inter impedimentum poſſidendi & incapacitatem legatarii, vultque, aliud eſſe non habere jus poſſidendi, aliud non habere rei commercium. Verùm iſta diſtinctio locum habet, ubi quæſtio eſt de conditione perſonæ legatarii, non de capacitate ejus aut incapacitate, ut jam intellectum eſt. Robertus 3. *animadverſ.* 11. & alii, intereſſe putant, ſci- verit teſtator legatarium, ſive fidei- commiſſarium incapacem eſſe an ignoraverit: priore caſu æſtimationem deberi, poſtérieure non item. Non diſplicet, quod Cujacius in *d.* 1. *multum.* 34 contendit redundare in *d.* 1. *ſed ſi res.* 40. ſecundam negationem, eamque demendam, ut hic ſit ſenſus, æſtimationem deberi, ſi res, cujus commercium legatarius non habet, ab eo per fidei- commiſſum relinquatur ei, qui commercium ejus rei habet. Quæ ſententia veriſſima eſt. Nam perſona legatarii in hujusmodi ſpecie quaſi ſubducitur, perinde- que habetur, ac ſi fidei- commiſſum recta ab hærede relictum eſſet: eſtque caſus hic ſimillimus ei, qui proponitur in *d.* *l. mortuo bove.* 46. §. *pen. de legat.* 2. Secunda autem negatione retenta ſit ſcriptura inepta, & illa abundant, *cujus commercium legatarius non habet.* Quid enim refert, legatarius, à quo res per fidei- commiſſum relicta eſt, commercium ejus rei habeat, nec ne, ſi fidei- commiſſarius non habeat; aut non habeat jus poſſidendi? Non placet hæc confidentia Cujacii Duareno in *d.* 1. *ſed ſi res* 40. Sed cui placere poterit Duareni explicatio, verba illa, *cui jus poſſidendi non eſt*, referentis ad legatarium, qui Duareno idem eſt ac ille, cui per fidei- commiſſum relinquitur dicitur? Quis non videt, tunc totum illud, *cui poſſidendi jus non eſt*, abundare? Exiſtimat autem Duareno, in quæſtione propoſita diſtinguendum eſſe ex ratione juris veteris inter legatum & fidei- commiſſum. Legatum rei, cujus legatarius commercium non habet, eo jure inutile eſſe: fidei- commiſſum, in quo benignior admittebatur interpretatio, utile, atque ex eo æſtimationem fidei- commiſſario deberi. Argumento eſſe, quod in iis locis, ubi negatur deberi æſtimatio, agatur de legato, ut in *diſt.* *l. mortuo bove.* 49. *de legat.* 2. §. *pen.* contra ubi æſtimatio dicitur deberi, de fidei- com-



commisso, ut in *d. l. 11. §. si seruo. 16. de legat. 3. & d. l. si filiusfam. 114. si quid alicui. §. de legat. 1.* Bachovius etiam, qui idem in hac re quod Duaren. sentit, non ineleganter sibi hujus differentie rationem reddere videtur, nimirum quia legatum recta transit in legatarium, fideicommissum primo consistit in persona ejus, à quo relinquitur. Ego verò non magni hæc æstimo. Nam si tam insignis hoc in casu differentia fuisset inter legata & fideicommissa, utique ejus meminisset Ulpian. & Cajus *sub. tit. de fideicommiss. ubi harum rerum differentias, si non omnes, saltem pletrasque & præcipuas recensent.* Quin contra ex Ulpiano didici, legatum damnationis de quo fere hic quaritur, & fideicommissum ejusdem esse hæctenus naturæ, ut eadem res, quæ per unum reliqui possunt, possit & per alterum, *d. tit. de fideicommiss. §. 4.* Sed nec magis ex legato damnationis dominium recta in legatarium transit, quàm ex fideicommissio: ex quo apparet, rationem illam differentie, quam Bachovius profert, non esse usque adeo elegantem. Quid si feudum legatum sit? Hic æstimationem deberi negant Gail. 2. *obs. 154. num. 13.* Fachin. 5. *contr. 37.* Vult. 1. *de feud. cap. 9. num. 72.* Petr. Greg. 42. *syntagm. 32.* Ajunt Peregrin. *de fideic. art. 11. num. 103. & seq. Matheac lib. 2. epit. legat. cap. 19. num. 4.* Quorum sententia probabilior videtur Bachov. in *Treutl. vol. 2. disput. 13. thes. 5.* Sed prior apud nos obrinet, si testator de suo feudo disposuerit non interveniente domini consensu, D. Grot. 2. *manuduct. 42. sive de alieno, nisi aliunde liquido constet, testatorem & æstimationem præstari voluisse, ubi supremam apud Mechlinienses Curiam censuisse refert D. Christin. vol. 6. dec. 28.*

*Si sciebat alienam rem esse*) Non semper res aliena legata debetur: sed ut superius diximus, interest, utrum quis rem alienam legans sciverit rem alienam esse, au ignoraverit: si scivit, debebitur, si ignoraverit, non item, *l. cum alienam. 10. C. b. t. l. unum 67. §. si rem l. eod. 2.* quod etiam nunc docet Imperator, addita hujus rei ratione, *forsitam enim, inquit, si scivisset alienam rem esse, non legasset.* Sed unde illud colligimus, testatorem legaturum non fuisse? Ex eo nimirum, quod nemo facile credendus sit, hæredem suum onerare voluisse redemptione rei alienæ, *d. l. unum 67. §. si rem 8. l. Stichus 36. in fin. de usufr. leg.* Atque hinc intelligere licet, distinctionem illam ad rem hæredis legatam non pertinere, sed eam omnino deberi, etiam si testator eam suam existimans legaverit: nempe cui rei legatæ do-

minium apud hæredem est, tam facile eam hæres præstare potest, quàm rem quæ defuncti fuit, *d. l. si unum §. si rem.* Planè aliquando conjectura voluntatis efficit, ut etiam res aliena legata indistinctè debeatur; veluti si relicta sit personæ proximæ, puta parenti, uxori, alicui ex cognatis, aut amico singulari, alii-ve tali personæ, cui verisimile est testatorem quovis modo legatum fuisse, *d. l. 10. C. eod. quod ad legata in piam causam relicta traducunt Tiraq. priv. piæ caus. 66. Vafq. lib. 3. de succ. progr. §. 27. n. 41.*

*Legatarium probare oportere*) Quia fere in casu legati rei alienæ quæstio inter hæredem & legatarium nasci solet, dum ille contendit ignorasse defunctum rem alienam esse, hic contra scivisse; quod porro aliud dubium parit, utri scilicet necessitas incumbit probandi, hæredine ignorasse defunctum, an legatario scivisse: ideo Imperator, quid in hac re juris esset simul definire voluit. Ait autem ab hærede nullam in proposito probationem exigi, sed legatarium probare oportere, scivisse defunctum rem alienam esse adjuncta hac ratione ex novissima juris regula, *l. actor 23. C. de prob. l. 4. C. de edend.* quia necessitas probandi incumbit ei, qui agit: qui hic legatarius est, non hæres. Hoc idem iisdem verbis & Marcianus tradidit *l. verius 21. de prob.* Accedit tamen huc etiam alia ratio, eaque fortior, quod hæres præsumptione juris adjuvatur, quæ, etsi actoris partes hæres sustineret, onus tamen probandi rejiceret in legatarium, *l. 8. & 6. eod. tit.* Planè potest hoc jus ex circumstantiis variari: nam si apud alium rei legatæ possessio sit, neque in ea defunctus quicquam juris habuit, aut sibi asseruit, magna causa est præsumendi pro legatario, scivisse defunctum rem alienam esse, add. Gomez. 1. *ref. 12. num. 13.* Christin. *vol. 4. dec. 32. n. 5. & seqq.*

## TEXTUS.

## De re pignorata.

5. *Sed & si rem obligatam creditori aliquis legaverit, necesse habet hæres eam luere. Et in hoc quoque casu idem placet quod in re aliena, ut ita demum luere necesse habeat hæres, si sciebat defunctus rem obligatam esse: & ita divi Severus & Antoninus rescripserunt. Si tamen defunctus voluerit legatarium luere, & hoc expresserit, non debet hæres eam luere.*

## NOTÆ.

5. *Si rem obligatam*) Fac. l. 57. *de legat. 1. l. 15.*



l. 15. de dot. præl. l. 6. C. de fideic.

*Heres eam luere*) In d. leg. 15. liberare. Lucere est pignus solutione vel satisfactione liberare.

*Et hoc expresse*) In testatoris certa & expressa voluntate conjecturis non est locus, l. 33. eod.

COMMENTARIUS.

- 1 *Doctrina hujus §. non ob stare quod alibi traditur, si res certa legata sit, talem dari debere, qualis est.*
- 2 *Interdum etiam tunc cum testator nescivit rem obligatam esse, heredem eam luere debere, & quibus casibus.*
- 3 *Quid juris sit pignore distracto*

**R**es pignori obligata quodammodo aliena est, utpote cujus pretium nobis absit, quod pro ea liberanda præstare cogimur, arg. l. Labeo 14. de verb. sign. unde & pignoris obligatio species quædam alienationis habetur, l. ult. C. de reb. al. non alien. Atque hinc est, quod in re pignori obligata idem placet quod in re aliena, ut quemadmodum hæres rem alienam legatam cogitur redimere, ita & rem pignori obligatam quæ legata sit, luere, id est, nexu pignoris liberare, soluta liberare pecunia, hoc text. l. si res 57. de legat. 1. l. licet 15. de dot. præl. l. prædia 6. C. de fideic. Non obstat, quod alibi traditur, si res certa legata est, talem dari debere, qualis est; verbi causa, si fundus, qui legatus est, servitutem debet, eum cum servitute rectè præstari, l. seruo 69. §. 3. de legat. 1. si servus statu liber legatus est, statu liberum rectè dari, l. servum 44. §. pen. & l. seq. §. ult. eod. Nam hoc quod de re testatoris legata dicitur, ad rem alienam aut ex parte alienam non pertinet, qualis merito habetur res opposita pignori quoad quantitatem æris alieni. Eadem ratione responsum est fundo legato, cujus usufructus alienus est, heredem hunc usumfructum redimere debere: quoniam scilicet & in usufructu res aliena legata videtur: nam etsi usufructus non in parte, sed in jure consistit, emolumentum tamen rei continere, & ideo instar obtinere portionis, l. Mævius 66. §. pen. l. cum filius 76. §. dominus 2. de legat. 2. Planè si quis prædium legavit obligatum pro annuo reditu, hoc casu non esse cogendum heredem prædium liberare, post Joan. Fab. D. Tuldenus hic, cap. 11. annotavit, & ita observari ait: quoniam ejusmodi opera plerumque perpetua sunt, instar servitutis rei inhærentia, ut proinde non sit præsumendum, testatorem

cogitasse de liberatione. Decis. Cur. Holland. 11. in fin.

*Ita demum, si sciebat defunctus*) Si ignorabat, valet quidem adhuc legatum: cæterum tunc res à legatario luenda est, dd. loc. Duo sunt casus, quibus placet, etiam tunc cum ignoravit defunctus rem obligatam esse, heredem pignus luere debere. Unus est, si testator eam rem vel aliam non minoris pretii æquè legatum fuisse, si scisset, obligatam, d. l. si res 57. de legat. 1. d. l. prædia 6. C. de fideic. de quo constare poterit, si vel testator id aliquando apertè professus sit, aut si rem conjunctæ personæ legaverit, ut supra in re aliena, arg. l. cum alienam 10. C. de legat. Alter casus est, cum debitum exæquat aut superat pretium rei pro eo obligatæ: quoniam hoc casu legatarius ipse rem liberans nihil reliqui habiturus esset, atque inani legato, quod verisimile non est defunctum voluisse, ludificaretur, d. l. si res. 57. in pr. ubi ita legendum est, *vel nisi non potest aliquid esse superfluum exsoluto ære alieno*: ut editiones Roberti Stephani, Petri Baudozæ, & nonnullæ aliæ habent, & in sua notat Jul. Pacius: non ut vulgo legitur, *vel potest aliquid esse superfluum*, &c.

Nam hac lectione retenta, hic Jurisconsulti sensus fuerit, ut rectè Fachin. lib. 12 cont. 41. quotiescumque plus est in re legata, quam in debito, pro quo obligata est, heredem eam luere debere, etiam ubi nescivit testator obligatam esse: quod & verum esse existimat Fachin. d. l. & Tulden. hic c. 11. Atqui tunc regula convertenda erit: quoniam rarissime fit, ut creditores pignus accipiant, cujus æstimatione non superet quantitatem crediti. Donnellus 8. num. 19. alium sensum vulgaræ lectioni affingit, nimirum cum debitum excedit pretium rei legatæ, quàm testator obligatam nesciebat, pro ea quidem quantitate, quæ rei pretio respondeat, legatarium luiturum: cæterum quod restat adhuc exsolvendum, ut pignus in totum liberetur, id ab hærede præstandum: quam interpretationem verba ista, *si potest esse aliquid superfluum exsoluto ære alieno*, minime ferunt. Illud hic monendi sumus, tunc solum heredem posse pignus luere, cum id nondum à creditore legitime distractum est. Distracto pignore res in priorem speciem rei alienæ legatæ incidit, utpote dominio pignoris jure in alium translato, l. non post novum. 46. de acq. rer. dom. l. ult. C. si vend. pign. agat. Proinde hoc casu id superest, ut hæres aut redimat, aut si redimere non possit, æstimationem ejus præstet; nisi contraria defuncti voluntas ab hærede ostendatur, d. l. prædia. 6. C.



*C. de fideic. VINN.* Quam vexatissima sit l. 57. ff. de leg. 1. Stephani autem & Baudoze lectio etsi violenta videtur, nec præsidium in veteris Codicis MSS. reperiat; omninò videtur Donelli sententia liquidissima. Ponit primo Ulpianus regulam bimembrem. Si testator scivit, rem obligatam, tum hæres luit, nisi alio animo fuerit. Sin nescivit testator, tunc luit fideicommissarius. Jam sequuntur exceptiones aliquot ad posterius membrum pertinentes: (1) nisi si vel hanc vel aliam rem relicturus fuisset, si scisset. (2) vel potest aliquid esse superfluum ex soluto ære alieno, id est, nisi ex soluto ære alieno nihilominus aliquid superfluum manet, quod solvendum, e. g. usuræ diu non solutæ; tunc id quod solvendum superest, ab hærede solvendum. Ad hunc casum etiam pertinent verba sequentia, in quibus frustra Ant. Fab. lib. 11. Conj. cap. 10. & Donell. lib. 8. cap. 19. pro noluerit legunt voluerit. Qua emendatione non opus esse, si verisimile ille ad hunc casum referatur, jam ostendit Osyv. Hillig. Donell. Enucl. ib. lit. Q. HEIN.

Voluerit legatarium luere, & hoc expresserit) Ratio manifesta est, quia in certa voluntate testatoris conjecturis non est locus; sed simpliciter standum est voluntati defuncti, l. si pluribus. 33. de legat. 1.

## TEXTUS.

## De re aliena post testamentum à legatario acquisita.

6. Si res aliena legata fuerit, & ejus rei vivo testatore legatarius dominus factus fuerit, siquidem ex causa emptionis, ex testamento actione pretium consequi potest; si verò ex causa lucrativa, veluti ex donatione, vel ex alia simili causa, agere non potest. Nam traditum est, duas lucrativas causas in eundem hominem & eandem rem concurrere non posse. Hac ratione si ex duobus testamentis eadem res ei debetur, interest, utrum rem an æstimationem ex testamento consequatur sit. Nam si rem habet, agere non potest, quia habet eam ex causa lucrativa: si æstimationem agere potest.

## NOTÆ.

6. Traditum est duas lucrativas, &c.) Omnes debitores, qui speciem ex causa lucrativa debent, liberantur, cum ea species ex causa lucrativa ad creditores pervenit, l. 17. de obl. & aff. fac. l. 108. §. 4. de legat. 66. §. 1. cod. 2. l. 83. §. 6. de verb. obl. l. 61. de solut. Ratio est, quia cum creditoris jam res esse cœperit, in

Tom. I.

eum casum devenit obligatio, à quo incipere non potuit, §. 10. infr. eod. §. 2. inf. de inut. stip. §. 4. inf. de aff. Diversa ratio est causæ onerosæ: quia cui pretium abest rei, adhuc res ipsa abesse videtur, l. 44. de verb. sign.

## COMMENTARIUS.

- 1 Distinctionem hoc §. traditam locum habere etiam cum res legata mortuo testatore ad legatarium pervenerit.
- 2 Duarum causarum lucrativarum in eandem rem & personam concursum esse speciem liberationis, & quo ea pertineat?
- 3 Quid si eadem res eidem sæpius legata sit eodem testamento?
- 4 Quid si eadem quantitas eidem legata, vel unius testamento vel duorum?
- 5 Si duorum testamentis eadem res relicta sit, eum, qui rem nactus est, posse ex altero adhuc æstimationem petere: non contra, & cur tam variè?

SI res legata tempore facti testamenti legatarii fuit, legatum inutile est, ut docetur inf. §. sed si rem. 10. Quod si eo tempore aliena est, & legatarius postea ex alia causa dominium ejus nactus sit, placet, inspiciendum esse, quali ex causa nactus sit, ex onerosa, an lucrativa: Si ex causa onerosa, actione ex testamento eum agere posse, & pretium consequi: contra si ex lucrativa, non posse, propter regulam, quæ diffinit, duas causas lucrativas in eandem rem & personam concurrere non posse: quam statim explicabimus. Causa onerosa est, ex qua rem ita accipimus, ut pro ea aliquid vicissim præstemus: quod accidit in emptionibus & permutationibus. Dotis etiam causa onerosa intelligitur, l. ex promissione. 19. de obl. & aff. Lucrativa causa est, propter quam accipienti nihil abest, quales sunt legatum, fideicommissum, donatio, l. 4. §. si qui. 29. de dol. mal. exc. l. inter. 93. §. si rem. 6. de verb. obl. l. in perpetuum. 61. de solut. l. nu. §. lucrativus. C. de imp. lucrat. descript.

Si res aliena legata fuerit) Ab eo scilicet, qui sciebat, rem alienam esse: alioqui legatum inutile est, nisi singulari conjectura voluntatis sustineatur, ut ostensum supra in explicacione §. 4.

Vivo testatore) Exempli causa hoc dictum purant Gloss. & DD. Idemque obtinere, quamvis id contigerit testatore mortuo; quibus assentior. Nam etsi hæreditatem aditam ponamus ex quo hæres debitor efficitur; idem tamen dicendum esset, nempe hæredem libera-

Yyy

ri,



ri, si antequam rem redimere & præstare posset, ea ex alia causa lucrativa ad legatarium pervenerit, juxta regulam generalem traditam in *l. omnes. 17. de obl. & act.* Proinde frivolum est, quod objicit Bachov. diem legati cedere à morte testatoris. Sed quid si legatarius eandem rem iterum vivo testatore alienaverit, an legatum convalescet? Negant comm. DD. Sed ego subsisto propter *l. non quocumque. 82. in pr. de legat. 1.* qui locus arguere videtur, cum effectu obligationem in proposito non extingui, nisi die legati cedente, dominium rei adhuc apud legatarium existat.

*Ex causa emptionis &c. pretium consequi potest*) *L. planè. 34. §. quod si. 7. de legat. 1. add. l. si à substituto. 45. l. hujusmodi. 84. §. qui servum. 5. eod. tit. & quidem si rem totam emit, aliove oneroso titulo acquisivit, pretium totius; si non totam sed partem, pretium partis, quam emit, consequetur, d. l. non quocumque. 82. §. 3.*

*Duas causas lucrativas in eundem hominem & eandem rem*) Definitio generalis, cui locus est non tantum, si ex causa legati aut fideicommissi res debeatur, *l. si servus. 108. §. Stichum. 4. de legat. 1. l. Mævius. 66. §. 1. de legat. 2. l. nutu. 21. §. 1. de legat. 3.* sed etiam si ex aliis causis similiter lucratis, *d. l. omnes. 17. de obl. & act. l. inter stipulantem. 83. §. si rem. 6. de verb. obl. l. in perpetuum. 61. de solut.* Est enim duarum lucratarum causarum circa eandem rem & personam concursus species liberationis, *d. l. omnes. 17. de obl. & act.* quæ ut ego existimo, referenda est ad eas causas, in quibus res incidit in eum casum, unde incipere non potuit, *§. 2. inf. de inut. stip.* Cum enim res, quæ ex lucrativa causa debetur, ad creditorem pervenit ex alia causa lucrativa, cœpit res ejus esse, ut jam amplius ejus fieri non possit, *§. sic itaque. 24. inf. de act.* Dices, idem contingere, si res ad creditorem pervenit ex causa onerosa: cur igitur pariter hoc casu non accidit, ut alius liberetur, qui eandem rem ex causa lucrativa debet? Nimirum quia cum ex causa onerosa creditor rem nactus est, licet domini jure non minus quam si ex causa lucrativa nactus esset, rem habeat; emolumento tamen non videtur habere, eoque nec ad eum pervenisse secundum veterum doctrinam, qui sic definiunt, rem abesse videri ei, cui pretium abest, *l. Laheo. 14. de verb. sign.* Porro locus est propositæ regulæ, si certa res sit aut species, quæ debeatur: nam si certa quantitas aut summa bis, verbi causa, legata sit, non potest dici eandem rem deberi, *l. planè. 34. §. 3. de legat. 1.*

*l. Titia. 87. de legat. 2.* quamvis, si ab eodem, multiplicatio legati non præsumatur, *d. l. si planè. 34. §. 3.* Exigit regula, ut ea species ad creditorem pervenerit, *d. l. omnes. 17. de obl. & act.* quæ verba cum effectu accipienda sunt, si sic pervenerit, ut sit mansura: alioqui si in ea causa sit, ut avocari possit, aut ea lege legata, ut alteri restituatur, definitio locum non habet, *l. non quocumque. 82. in pr. & §. 1. de legat. 1. l. in perpetuum. 61. de solut. fac. l. aliud. 71. de verb. sign.*

*Si ex duobus testamentis eadem res*) Ait duobus, id est, duorum testamentis. Nam si eadem res eidem sæpius legetur eodem testamento, amplius quam semel peti non potest, sufficientique, vel rem consequi vel rei æstimationem, *l. planè. 34. §. 1. de legat. 1.* Quippe sæpius idem legando non ampliatur testator legatum, *l. si alii. 42. de usufr.* nec tam legasse sæpius, quam sæpius locutus creditur, *l. Mævius. 66. §. cum. 5. de legat. 2. l. si tibi. 86. §. 1. de legat. 1.* nisi manifestè constet ampliandi legati causa sæpius legasse; ut in hac specie: Duos quis scripsit hæredes, & damnavit unumquemque solidum legatario præstare; hic idem esse responsum est, atque si duobus testamentis legatum esset, *l. quid ergo. 53. §. 2. de legat. 1.* Ait eadem res, id est eadem species, idem corpus; nam si eadem quantitas eidem duorum testamentis relicta sit, puta centum aurei, solidum legatum est utriusque testamento peti potest: quamvis si in eodem testamento non aliter placeat legatum sæpius præstandum, quam si legatarius doceat testatorem multiplicare summam voluisse; præsumitur enim potius repetisse legatum, quam voluisse multiplicare, *d. l. planè. 34. §. 3.* nisi forte diversis scripturis legaverit, puta testamento & codicillis: tunc enim nisi hæres contrarium ostendat, legatum duplicatum præsumitur, *l. 12. de probat. & ibi Gloss. & comm. DD.* Duar. *ad d. l. planè.*, ubi occurrit argumentis Zafii hanc distinctionem impugnantis: aut si variaverit testator modum legandi in quantitate vel qualitate, conditione, tempore, loco, vel causa: nam & tunc ampliasset legatum creditur, nisi contrarium doceatur, per *l. cum centum. 9. de adm. leg. Bald. Castr. Raphael. Jas. in d. l. planè. §. 1. Gomez. 1. resol. 12. n. 38.*

*Utrum rem, an æstimationem*) Igitur quod scriptum est in *d. l. planè. 34. §. 2.* Si duorum testamentis mihi eadem res legata sit, bis petere me posse, ut ex altero testamento rem consequar, ex altero æstimationem, id cum distinctione accipiendum est, ut si prius æstimationem ex altero consecutus sim, ex altero rem



rem adhuc petere possim : non autem , ut possim de æstimatione agere , si rem antea consecutus fuero : eoque jure utimur , Grot. 2. *manuduct.* 22. Non obstat huic distinctioni l. *hujusmodi.* 84. §. 2. de *legat.* 1. ubi per exceptionem repelli dicitur , qui pretium rei legatæ accepit. Nam in specie d. l. hæres Titius id dumtaxat legasse intelligitur , quod ipse in re legata habuit , videlicet jus per biennium retinendi , ut eo legato nihil præter commodum repræsentationis contineatur. Rationem propositæ distinctionis suppeditat l. *tantum.* 88. de *verb. sign.* ubi docet Jurisconsultus , eum , qui rem habet , & æstimationem habere intelligi : contra qui æstimationem habet , non videri habere rem ipsam : re enim æstimationem contineri , æstimatione rem non contineri : ut proinde si is , qui rem habet , æstimationem petat , id petere intelligatur , quod jam habet : qui æstimationem adeptus est , si rem petat , id petere , quod non habet. Ad hæc etiam affectio ad rem esse potest supra æstimationem , l. *si in emptionem.* 35. de *minorib.*

## TEXTUS.

De his quæ non sunt in rerum natura.

7. *Ea quoque res , quæ in rerum natura non est , rectè legatur , veluti fructus , qui in illo fundo nati erunt ; aut quod ex illa ancilla natum erit.*

## COMMENTARIUS.

1. *Purumne sit legatum , de quo hic agitur , an conditionale ? Et plenius num. 2.*

Quæ in rerum natura non sunt , nec actu nec potentia , frustra & inutiliter legantur , veluti si hippocentaurus legatur , aut homo , qui mortuus sit ; quemadmodum & stipulatio harum rerum inutilis est , §. 1. *inf. de inut. stip. fac. l. servus* 108. §. *qui quinque.* 10. de *legat.* 1. Quod verò in rerum natura nunc quidem non est , sed futurum est , aut futuram speratur , legari potest , licet fieri possit , ut actu in rerum natura nunquam existat : veluti si fructus legentur , qui in fundo Tusculano nascentur , vel quod ex Arescusa natum erit , aut insula in flumine nascitura , l. *quod in rerum.* 24. in *pr. de legat.* 1. §. *ult. de cond. Et dem.* Cujusmodi tamen rerum legatum olim per damnationem tantum relinqui potuisse docet Cajus lib. 2. *inf. de legat.* §. 3. De eo quaeritur , purumne sit hujusmodi legatum , an conditionale ? Dicendum

est pro puro haberi , quoad transmissionem ; pro conditionali , quoad obligationem : cum Gloss. & DD. comm. ad l. *cum illud.* 25. §. 1. *quand. dies legat. eod. ced.* Gomez 1. *ref.* 12. n. 24. quoad mox perfectius intelligitur.

*Fructus , qui in illo fundo* ) Ille casus huc non pertinet , quando quis simpliciter legat certam quantitatem frumenti , vini , aut olei ; quæ omnino præstanda est : sed quando legantur fructus aut certa quantitas fructuum , qui nati erunt in hoc vel illo fundo , puta hoc modo , *fructus qui nascentur in fundo Tusculano , hæres dato* , vel sic expressa certa quantitate , *centum amphoras vini ex eo , quod natum erit in fundo Semproniano , heredem meum dare jubeo* , d. l. *quod in rerum.* 24. de *legat.* 1. l. 5. de *tritic. vin. leg.* Ex his autem legatis , si nihil natum sit , nihil debetur ; si non tantum , quantum legatum , non amplius debetur , quam quantum natum est , proinde quasi testator per modum taxationis legasset. *si hoc vel tantum natum fuerit* , d. l. 5. de *tritic. leg.* l. 8. §. 2. de *legat.* 2. Et hoc est , quod Pomponius significat , cum ait inesse hujusmodi legatis conditionem , l. 1. §. *ult. de cond. Et dem.* ex natura nimirum ipsius rei , l. *interdum.* 73. in *pr. de verb. obl.* extrinsecus , non ex testamento , venientem. Hujusmodi autem generis conditiones , cum non impediunt , quominus dies legati à morte testatoris cedat , mortuoque , licet nondum natis fructibus , legatario , spes legati transmittatur ad hæredem , l. *cum illud.* 25. §. *ult. junct. l. 6. §. 1. quand. dies leg.* inde dictum est , tales conditiones non facere legata conditionalia , l. *conditiones.* 99. de *cond. Et dem.* quia nimirum præcipuus hic est legatorum conditionalium effectus , ut non transmittantur pendente conditione , l. 4. l. 5. §. 2. *quand. dies leg.* Non obstat l. *cum ita.* 16. *eod. tit.* loquitur enim de legato alternativo & tali specie , in qua duplex est dubium , & quid nasciturum , & quid hæres electurus sit , nondum autem edito partu , electioni locus non est. Utique verò legatum futurorum fructuum , earumque rerum , quæ postea nascentur , pro conditionali hæctenus habentur , ut nulla eo nomine obligatio aut actio esse intelligatur , antequam res natae sint , & tunc demum actio incipiat , cum per rerum naturam præstari possunt , d. l. *interdum.* 73. de *verb. obl.* Obiter & illud hic monendum est , non pertinere huic legatum certæ quantitatis fructuum , etiamsi fundus adjectus sit , non taxationis , sed demonstrationis causa , eoque casu integrum legatum deberi , etsi ex fundo adjecto tantum percipi non possit , l. *Lucius.* 12.



de alim. leg. 1. l. Paula 27. §. ult. de legat. 3.

TEXTUS.

De eadem re duobus legata.

8. Si eadem res duobus legata sit, siue conjunctim, siue disjunctim, si ambo perveniunt ad legatum, scinditur inter eos legatum, si alter deficiat, quia aut spreverit legatum, aut vivo testatore decesserit, vel alio quoquo modo defecerit, totum ad collegatarium pertinet. Conjunctim autem legatur, veluti si quis dicat, Titio & Sejo hominem Stichum do, lego. Disjunctim ita, Titio hominem Stichum do, lego: Sejo hominem Stichum do, lego. Sed & si expresserit eundem hominem Stichum, aequè disjunctim legatum intelligitur.

NOTÆ.

8. Si alter deficiat, totum ad collegatarium) Si plures sint vel conjuncti vel disjuncti, pars deficiens omnibus accrescit ex æquo. Si permixti conjuncti & disjuncti, conjuncti in parte conjunctorum cæteris anteferuntur, disjunctorum partes accrescunt omnibus, sic tamen, ut conjuncti unius personæ potestate fungantur, l. 34. eod. 1. l. 89. eod. 3. l. un. §. 10. C. de ead. toll. Conjunctis autem accrescit cum onere, disjunctis sine onere: illis non nisi violentibus, his etiam invitis, d. l. unic. §. 11.

Titio & Sejo hominem Stichum do, lego) Hi re & verbis conjuncti dicuntur, l. 142. de verb. signif. Quod si testator adjecerit, æquis partibus, tum verbis conjuncti erunt dumtaxat, d. l. 142. d. l. 89. inter quos tamen & ipsos juri accrescendi datur locus, ut evincit d. l. 89. nam jus prælationis, quod illic eis tribuitur, necessario præsupponit jus accrescendi.

Disjunctim) Separatim, pluribus orationibus. Sunt tamen & hi conjuncti respectu rei, ad quam vocantur: unde & re conjuncti dicuntur: triplex enim conjunctio est, d. l. 142. d. l. 89.

COMMENTARIUS.

- 1 Quid sit jus accrescendi?
- 2 In hæreditatibus id jus valere ex necessitate: unde ea necessitas, & quis ejus effectus?
- 3 Deficientium hæredum portiones quibus pro qua parte accrescant?
- 4 Valere idem jus & in legatis, sed ex sola præsumpta voluntate testatoris: unde dissimilia effecta, & quæ?
- 5 Vetus inter genera legatorum circa jus accrescendi differentia.
- 6 Juri accrescendi locum non esse, nisi inter con-

junctos: & genera conjunctorum exposita.

- 7 Qui hic & passim disjuncti dicuntur, eos & ipsos verè conjunctos esse, & n. 10.
- 8 Quibus pro quarta parte defecta pars collegatarii accrescat?
- 9 Inter legatarios diversarum rerum jus accrescendi non esse.
- 10 Singulos tam conjunctorum, quàm disjunctorum diversa consideratione, rectè & totum habere dici & partes.
- 11 Quid sit partes ab initio facere, notato Gotbafredo & Goveano?
- 12 Locus Ulpiani in l. planè 34. §. si conjunctim 9. de legat. 1. expositus, rejecta interpretatione Ant. Fabri.
- 13 An partem faciat, qui è conjunctis tempore testamenti mortuus est, aut incapax?
- 14 An conjuncti post obitum testatoris mortui portio conjuncto accrescat?
- 15 An inter verbis conjunctos jus accrescendi locum habeat?
- 16 Quibus argumentis probari videtur, verbis conjunctos re conjunctos non esse: quibus item contra?
- 17 Communis sententia, quod etiam inter verbis conjunctos jus accrescendi valeat, plenissima defensio.
- 18 Quid hic juris apud nos, & quid in legato alimentorum?

**T**Angitur hic disputatio de jure accrescendi, qua nulla in toto jure nostro creditur esse, vel subtilior, vel perplexior. Jus accrescendi est, quo deficientium hæredum ejusdem hæreditatis, aut collegatariorum ejusdem rei portiones adjiciuntur iis, qui suam portionem agnoverunt. Appellatione hæredum & bonorum possessores intelligimus, l. 3. §. ult. de bon. poss. junct. l. hæreditatis 38. de verb. sign. & l. 2. d. tit. de bon. poss. & res quoque, quibus ex fideicommissio restituta est hæreditas, l. Papin. 43. cum l. seq. §. 1. l. antepen. ad Trebell. l. si totam 83. de acq. hæ. Gomez 1. res. sol. 1. num. 19. Appellatione legatariorum etiam fideicommissarios singulares & donatarios mortis causa, l. ult. §. un. C. de cad. toll. Vallet hoc jus in hæreditatibus ex necessitate. Necessitas nascitur ex duobus juris principiis: unum hoc est, Neminem hæreditatis sibi delatæ partem semel quæstam repudiare posse, l. 4. C. de rep. hæ. Alterum, Neminem ejusdem hæreditatis, quæ alium hæredem non habet, partem habere posse, partem repudiare, l. 1. & l. 2. de acq. hæ. l. quidam 20. C. de jur. del. l. un. §. his ita 10. C. de cad. toll. Quin nec ipsum testatorem hoc jus in hæredibus prohibere posse, demonstra-



vimus sup. in §. *hereditas* 15. de *her. inst.* Si verò non prohibuerit, interpretatione juris etiam quasi ex voluntate ejus inducitur tamquam ex tacita substitutione, l. *si Titio* 61. §. 1. de *legat.* 2. Vid. Olvv. Hill. in *not. ad Don. lib. 7. cap. 12. & 26.* Ergo qui ex aliqua parte hæres extitit, sive ex testamento sive ab intestato, ei invito etiam & ignoranti deficientium portiones accrescit, l. *hæredi* 31. l. *qui ex duobus* 53. §. 1. de *acq. hered.* l. 9. de *suis & legit. her.* & accrescunt semper cum suo onere, æris scilicet alieni & legatorum, d. l. un. §. *his ita* 10. C. de *cad. toll.* Si plures sint, qui portionem suam agnoverunt, defectæ partes accrescunt omnibus, qui agnoverint, si omnes conjuncti aut disjuncti sint: si promiscuè conjunctim disjunctimque instituti, aut ab intestato vocati, deficientis disjunctis portio omnibus, conjuncti solis conjunctis accrescit ex tacita voluntate testatoris aut legis. Accrescit verò singularis non ex æquo, sed pro portionibus hæreditariis: & in distributione, si permixtim instituti sint disjuncti & conjuncti, placeat, conjunctos unius potestate personæ iungi, ut non plus universi auferant, quam singuli disjuncti, l. *planè* 34. in *pr. de legat.* 1. d. l. un. §. *his ita* 10. Eademque ratio est hæredum legitimorum, cum alii conjunctim seu nomine collectivo, alii separatim vocantur: quod fit, cum quidam in stirpes, alii in capita veniunt, ut filii & nepotes, §. *cum filiis* 6. *inf. de her. que ab int. fratres & fratrum filii*, Nov. 118. §. 3. Valet idem jus & in legatis inter collegatarios ejusdem rei; verum effectu nonnihili dissimili: namque in legatis locum habet non ex necessitate aliqua aut dispositione juris, sed ex sola præsumpta voluntate testatoris eandem rem pluribus legantis: quippe quos singulos partem quidem habere velle intelligitur, & legatum scindi, si concurrant: si verò non concurrant, solidum, postposito hærede. Proinde & inter collegatarios ejusdem rei prohiberi accretio potest, & si singulis res singulæ relictae sunt, uno deficiente, portio ejus non accrescit collegatariis, sed in hereditate manet, augetque jus hæredis, cui & ab initio relinqui potuisset, l. *hujusmodi* 84. §. *pen. de legat.* 1. Deinde cum deficientis hæredis portionem cohæres etiam invitus & cum onere semper accipit, collegatarius ut plurimum nec invitus, nec semper cum onere partem accipit deficientis collegatarii. In quo hæc distinctio Justiniano probata videtur, ut siquidem conjunctim eadem res duobus legata est, portio deficiens volenti tantum, sed cum onere accrescat, si separatim, invito quidem,

sed sine onere, l. un. §. *ubi* 11. C. de *cad. toll.* Ratio est, quia cum conjuncto ex persona deficientis portio defecta deseratur, potest eam non admittere, quoniam deficiens potuit: ea autem admessa, etiam onus ei adjunctum subire debet, arg. l. *qui in jus* 117. de *reg. jur.* Utrumque contra in disjuncto, quia ex sua ipsius persona solidum habet, suumque magis non diminutum retinet, quam consequitur alienum, ut huic potius non decrescere, quam portio deficientis accrescere videatur: sic enim Justinianus disputat in d. l. un. §. *ubi* 11. *vers. fin vero*, & facit l. 4. de *legat.* add. Gomez. 1. *resol.* 10. n. 42. Bart. & comm. DD. in d. l. un. & in l. *re conjuncti* 89. de *legat.* 3. Duar. de *jur.* 5 *accresc.* 11. Jure veteri fuit in hac questione nonnulla in legatis ipsis differentia: nam si conjunctim eadem res per vindicationem legata fuerat, pars deficiens accrescebat; si per damnationem, manebat penes hæredem: at utroque casu post legem Juliam Papiam fiebat caduca. Si disjunctim, singulis solidum debebatur, sed in legato vindicationis concursu partes fiebant, & altero non concurrente totum collegatarius aufererat, sive jure accrescendi sive non decrescendi: in legato damnationis unus rem, alter pretium rei ab hærede percipiebat, ut in hoc genere legati nullo casu locus pateret juri accrescendi: testes Ulp. *tit.* 24. *Cajus lib. 2. tit. 5.* atque ex parte Justinianus d. l. un. §. *ubi* 11. Hæc differentia etsi novo jure una cum caducis sublata est, & jus accrescendi admissum inter omnes, quibus eadem res quocumque genere legati & quocumque modo relicta; ideo tamen notanda fuit, quia passim vestigia ejus adhuc apparent in responsis veterum, quæ non satis accuratè ad normam novi juris à Compilatoribus descripta sunt: quod est maximè, quod hanc questionem tam perplexam facit. VINN. Nec tamen in universum per legem Papiam sublatum jus accrescendi, quod visum Em. Merill. *Var. Cujac. lib. 1. cap. 39.* Noluit enim, si post apertas tabulas aliquid deficeret: valuit si collegatarius haberet liberos: valuit in usufructu, aliisque casibus, de quibus Jan. à Costa ad §. *ult. Inst. de Scro Orphit* & Jac. Gothofr. ad L. *Jul. & Pap. Caduc. c. 19.* HEIN. Porro autem cum non nisi inter conjunctos (nam & disjuncti qui dicuntur, ratione rei conjuncti sunt) locus sit juri accrescendi, nec olim etiam fuerit, inde nata quæstio de conjunctis eorumque differentia, quem locum tractat Paul. l. *triplici.* 142. de *verb. sign.* & l. *re conjuncti.* 89. de *legat.* 3. ex cujus disputatione discimus, conjunctos generaliter dici omnes,



nes, qui ad eandem hæreditatem aut rem vocantur, sive uno sermone sive diversis; & in proposito quibus eadem res ab eodem testatore legata est. Cæterum hos solos, non alios, ac proinde nec eos, quibus rei diversæ, quamvis una ratione, *l. hujusmodi. 84. §. pen. de legat. 1.* nec quibus res eadem à diversis testatoribus, *l. si sub conditione. 16. quib. mod. usufr. am.* nec quibus separatim partes ejusdem rei legatæ sunt, *l. 1. in fin. pr. de usufr. accresc. jus conjunctionis aut accrescendi habere.* Cæterum licet conjuncti omnes conjuncti sint in eandem rem, ex verborum tamen forma & conceptione dividuntur, *d. l. triplici. 142. & d. l. re conjuncti. 89.* in tres species, ut alii dicantur re conjuncti tantum, quorum scilicet singuli separatim, seu diversis orationibus ad eandem hæreditatem aut rem vocantur, *Titius hæres esto. Sejus hæres esto. Titio fundum Tusculanum do, lego: Sejo fundum Tusculanum, aut eundem fundum do lego;* alii re & verbis simul, quos scilicet & nominum & rei complexus jungit, ut, *Titius & Sejus hæres sunt. Titio & Sejo fundum Tuscularum do lego;* alii denique verbis tantum, qui eadem oratione ad eandem successorem aut rem vocantur, additis his verbis, *æquis partibus;* veluti, *Titius & Sejus hæres sunt æquis partibus. Titio Sejo fundum illum æquis partibus do lego.* Hæc divisio primum eo comparata est, ut intelligamus in omni specie harum conjunctionum jus accrescendi valere; nam ubi jus conjunctionis, ibi jus est accrescendi, & contra, *l. si sub conditione. 16. quib. mod. uf. am.* nec disputatio de conjunctis ob alium finem instituta est, quam ut sciremus, inter eos, qui conjuncti sunt jus accrescendi esse, inter alios non esse; quamvis sint, qui verbis conjunctos excludant, de quo plenius postea. Deinde ex ea quoque discimus, omnes conjunctos non æque conjunctos esse, sed alios alius conjunctiores: & nimirum eos, quos etiam oratio conjungit, magis conjunctos, quam quos conjungit res tantum, oratio separat: unde est, quod hi cum illis comparati disjuncti passim appellantur; illi soli conjuncti, *l. planè. 34. in pr. de legat. 1. l. hæres. 63. de her. inst. l. un. §. 10. & seq. C. de cad. toll. & apud Ulp. & Cai.* Estque arctioris hujus conjunctionis effectus insignis in eo, quod utroque modo conjuncti in portione deficientis potiores habeantur & oratione separatos excludant, *d. l. re conjuncti. 89. de legat. 3. d. l. hæres. 63. de her. inst. d. l. un. §. bis ita. 10. vers. fin. verò.* ubi etiam hujus rei ratio asseritur. Planè si testator plures una oratione comprehenderit, non eo animo,

ut eos conjungeret, quod plerumque fit, sed brevitatibus studio celerius loquens, deque eo constet, tum si quis ex his defecerit, cæteri non plus in hujus portione juris habebunt, quam alii, qui apertè oratione sejuncti sunt, *l. si quis. 66. de her. inst.* Quicquid autem & hic accrescit, nulli accrescit, nisi qui portionem suam agnovit; si plures agnoverint, singulis accrescit pro virilibus & æquis portionibus, quemadmodum & ab initio omnibus in eam concursus æquæ & viriles partes datæ intelliguntur, *d. l. un. §. ubi autem. 11. l. legata. 19. §. ult. l. servum. 67. §. 1. de legat. 1.* Si conjuncti & disjuncti commixti sunt, conjuncti in divisione unius personæ vicem sustinent, nihilo plus ut accipiant omnes, quam unus ex disjunctis, *l. planè. 34. in pr. d. tit. d. l. un. §. bis ita. 10.* Exempla jam sibi quisque sine negotio formare poterit. In accretione usufructus quædam sunt peculiariora, quæ à nobis notata sunt sub §. ult. sup. de usufr. Attigi strictim pleraque omnia, quæ in hac materia visa sunt cognitu maximè necessaria, quibusque perceptis res tota utcumque intelligi, & de plerisque controversiis judicari poterit, nonnulla etiam latius declarabo inferius.

*Eadem res* Quod obiter antea tetigimus, hic prolixius explicandum est, nimirum non esse jus accrescendi, nisi ad eandem rem plures vocati sint, aut, quemadmodum hic dicitur, nisi eadem res pluribus legata sit; inter diversarum rerum legatarios non esse, sive singulis legetur separatim, puta hoc modo, *Titio Stichum do lego: Mævio Pamphilum do lego,* sive etiam una ratione conjunctim, ut, *Titio, & Mævio singulos servos do lego,* *l. hujusmodi 84. §. pen. de legat. 1.* Sed et si singulis partes ejusdem rei legatas proponas hoc pacto: *Mævio fundi illius partem dimidiam, Sejo partem dimidiam do lego,* non intelligitur res eadem legata, sed altera atque altera, & diversæ singulis; ac proinde cessat jus accrescendi, unoque deficiente pars ejus non ad collegatarium, sed ad hæredem pertinet, *l. in fin. pr. de usufr. accr.* Non enim quia partes istæ indivisæ sunt & inter se confusæ, eo minus sunt divisæ, quarum una sit unius, altera alterius, *l. 5. de stip. serv.* Neque obstat, quod ex duobus hæredibus, quorum unus institutus sit ex parte dimidia, alter ex altera dimidia, uno deficiente pars ejus accrescit alteri, qui ex sua parte hæres extitit: quoniam conditio hæreditatis non patitur, ut qui solus sit hæres, ejusdem hæreditatis partem habere possit, partem non habere, *l. 1. l. 3. de acq. her. l. un. §. bis ita. 10. C. de cad. tol.* At nihil prohibet, ejusdem fundi partem di-



dimidiam alicui legari , ut altera dimidia remaneat apud hæredem . Illud frustra objicitur , quod nemini concessum est ejusdem rei sibi legatæ partem velle , partem nolle , l. 4. de legat. 2. Nam in proposito cum pars tantum singulis legata sit , qui partem suam agnoscit , totum quod sibi legatum est , agnoscit : quod si partem tantum partis suæ amplecti vellet , & reliquum repudiare , hic ei obstarè juris ista ratio . Sed etsi duobus res eadem & solida conjunctim legata sit , potest nihilominus deficientis portio repudiari , d. l. un. §. ubi autem 11. Hoc igitur ratum sit , necesse esse , ut iis , inter quos jus accrescendi esse volumus , una atque eadem res legata sit , & quidem solida singulis ; hoc enim est , quod Ulpianus ex Celsi sententia refert , toties jus esse accrescendi , quoties ex duobus , qui in solidum habuerunt , concursu res diversa est , l. 3. in pr. de usuf. accr.

*Sive conjunctim sive disjunctim* ) Conjunctim legari dicitur , quando una oratione una eademque res pluribus legatur : disjunctim seu separatum , quando singulis orationibus singuli ad eandem rem vocantur : ut hic sunt plures enuntiationes , illic una copulata , d. l. un. §. his ita . 10. & §. seq. l. 1. §. 3. de usuf. accr. l. si pluribus . 33. de legat. 1. indeque est , quod alii conjuncti , alii disjuncti passim dicuntur . Cæterum conjunctio hæc & disjunctio ex verbis potius quam ex re æstimatur , cujus respectu omnes conjuncti sunt , quibus res eadem legata , licet disjunctim : & hisunt , qui in specie re conjuncti appellantur , l. triplici . 142. de verb. l. re conjuncti . 89. de legat. 3. quod & supra notatum est , & simul observatæ nonnullæ inter hæc genera differentiæ , cum de onere partis accrescentis quæritur , itemque de prærogativa & partibus faciendis , cum permixti sunt .

*Scinditur inter eos legatum* ) Hoc alibi sic dicitur , concursu partes faciunt , aut concursu partes habent , l. 3. de usuf. accr. l. planè . 34. §. sed si . 10. de legat. 1. l. conjunctim . 80. de legat. 3. l. 7. C. de legat. Estque hoc certissimum argumentum , in utroque hoc genere legati , hoc est , sive conjunctim , sive disjunctim eadem res duobus legata sit , non partes ab initio factas , sed solidum singulis relictum intelligi . Quod tamen cum dicimus , non hoc significamus , singulos simpliciter habere solidum , aut unumquemque solidum petere posse , non expectato casu , quo alter deficiat ; aut alterum rem , alterum æstimationem consequi ; quod olim in una specie legati per damnationem inter disjunctos obtinebat , hodie non obtinet , nisi manifestissimum sit ex scriptura , testatorem solidum

ad utrumque pervenire voluisse , l. un. §. ubi autem . 11. C. de cad. tol. l. si pluribus . 33. de legat. 1. quo in loco valde conspicua sunt emblemata Triboniani : sed habere solidum , considerato eventu alterius deficientis : idque ex voluntate testatoris . Omnino enim credibile est , testatorem ad hunc eventum respexisse , atque ideo re conjunxisse singulos , seu singulis eandem rem legasse , ut altero deficiente alter in solidum eam haberet , cum absque eo foret , ut pars deficientis rediret ad hæredem . Contrario autem respectu , si nimirum consideramus casum utriusque concurrentis , partes habere rectè dicuntur : easque etiam in hunc eventum habent ex voluntate testatoris , quæ hic manifesta est , cum utroque concurrente , quod utriusque futurum speravit testator , totum singuli habere non possint . Licet autem diversa consideratione & totum & partes singuli habere videantur , non totum habere passim dicuntur ad differentiam eorum , qui simpliciter & omnimodo partes habent , nec eas demum concursu faciunt ; quales sunt , quibus partes tantum ab initio assignatæ . Cæterum quod tam conjunctos , quam disjunctos solidum ab initio habere dicimus , id non caret omni scrupulo . Nam contra Ulpianus d. l. planè . 34. si conjunctim . 9. de legat. 1. expressè scribit , si conjunctim res legetur , partes ab initio fieri : nec solum partem facere eos , in quorum persona consistit legatum , verum eos quoque , quorum in persona non constitit . Hunc locum obstarè non putant , qui non intelligunt quid sit partem ab initio facere . Quod tamen minimè obscurum est . D. Gothofredus in notis ad d. §. si conjunctim . 9. scribit , partem facere , non quorum persona in divisione partem accipiunt ; sed cum ejus , qui deficiat , aut incapax est , pars conjuncto accrescit , contra manifestam d. §. sententiam & perpetuum usum juris auctorum , quibus partem facere est facere , ut quis partem tantum habeat in eo , quod totum habiturus esset ; si solus esset , aut impedire , ne totum ad alterum pertineat , ut constat ex l. 8. §. quoniam . 8. l. qui repudiantis . 77. de inoff. test. l. 7. de reb. dub. l. hujusmodi . 84. §. si Titio . 8. de legat. 1. eam simil. Et igitur perspicuè etiam errat Goveanus , qui lib. de jur. accr. n. 6. & 7. scribit , eos qui partes faciunt ab initio , partes non habere . Ut autem jus accrescendi excludatur , necesse esse partes ab initio habere legatarios . Facere autem ab initio partes eos dici , non quia pro parte ab utroque legatum vindicetur , sed quia utroque solidum vindicante res inter eos scinditur . Tot errores , & errores conspicui , quot



pene dixerim verba. Nam primo qui partes ab initio non habent, in his dici non potest, partes ab initio fieri, sed tantum concursus; quæ perpetuo inter se opponuntur. Deinde quid aliud est partes habere ab initio, quam partes ab initio fieri? Utroque enim significatur, alterum hoc casu solidum habere nunquam posse, seu quod idem est, juri accrescendi non esse locum; & quamvis qui partem facere dicitur, non concurrat, aut concurrere non possit, certissimo tamen jure perinde habetur, ac si concurrisset, suamque partem abstulisset. Confundit Goveanus & pro iisdem habet, siue dicas partes ab initio fieri, siue partes fieri concursu: quod in tanto viro vix ferre possum. Postremo illud quoque falsum est, posse in concursu vel singulos conjunctos solidum vindicare, vel unum eorum, quamdiu alter adhuc concurrere potest. Non enim amplius vindicare licet, quam delatum est: at in eventum, quo uterque concurrat singulis non solidum, sed partes relicta intelliguntur, quod pluribus confirmat Ant, Faber. *decad. 49. err. 9.* Quamobrem miror, D. Svanenburgium locum hunc Goveani notatu tam dignum existimasse ut eum integrum verbis Goveani descriperit *cap. 8. tract. de jur. accrescend.* Quid ergo respondemus ad d. locum Ulpiani in *l. planè. 34. §. si conjunctim. 9. de legat. 1.* ubi tam disertè Jurisconsultus ait *conjunctis partes ab initio fieri?* Ant Faber id, quod generaliter Jurisconsultus definit de conjunctis, restringit ad verbis conjunctos tantum, qui effectu ne conjuncti quidem, si Fabro credimus, in hac disputatione habeantur. Sed perperam, meo quidem judicio. Rectius autem locus ille refertur ad legata per damnationem, aut potius ad legem Juliam Papiam & jus caducorum: ut adeo dicamus, de iis ibi agi, qui vel ante mortem testatoris vel ante apertas tabulas defecerunt, quibus quod adscriptum erat, caducum fiebat, ut in favorem fisci hi partes facerent, quæ alioqui vel in hæreditate mansissent; vel accrevissent conjuncto; nam ex lege Julia Papia conjunctis nihil accrescebat nisi post diem legati cedente (cedebant autem demum ab apertura tabularum) legatarius defecisset, aut tempore facti testamenti non fuisset in rerum natura, cui quod relictum erat, pro non scripto habebatur, *l. unic. §. 1. & seqq. C. de cad. toll.* Eodem referendum, atque eodem modo explicandum, quod est in *l. hujusmodi. 84. §. si à Titio. 8. de legat. 1.* Planè illud concedo, disjunctis apertius atque expressius solidum ab initio assignari, quam conjunctis, utpote quibus ipsa conjun-

ctione quodammodo partes attribui videantur; quod considera vit Justinianus *d. l. unic. §. ubi autem. 11.* sed tamen nec disjunctis solidum simpliciter datum dici potest; alioqui non concursu res divideretur; sed alter rem, alter affirmationem consequi deberet.

*Si alter deficiat*) Non potest dici deficere, in cuius persona legatum numquam constitit: veluti si quid ei datum sit, qui quo tempore testamentum condebatur, in rebus humanis non erat pura diem suum functus, cum id testator ignoraret: aut ei, quicum testamenti factio non est, siue incapaci, puta deportato aut peregrino. An igitur si alter è conjunctis aut testamenti tempore jam mortuus sit, aut capere ex testamento nequeat, partem alteri faciet, an totum ad alterum pertinebit? Et eum quidem, qui tempore testamenti non fuit in rerum natura, partem nec olim fecisse, testatur Justinianus *d. l. un. §. 3. C. de cad. toll.* Porro autem, & quod ei, qui capere non poterat, conjunctim cum alio relictum erat, in eadem causa fuisse, ut & hoc conjuncto totum cederet, quoniam æquè quàm illud pro non scripto habebatur, *arg. l. 1. C. de her. inst.* quod tamen non aliter processisse, quàm si alter simpliciter & omnino incapax fuerat, evincitur ex verbis *d. l. planè. 34. §. si conjunctim. 9. de legat. 1.* ubi Jurisconsultus ait, etiam servum proprium, cui sine libertate quid legatum est, quamvis id in persona servi non consistit, conjuncto partem facere, innuens, ut paulo ante hoc interpretati sumus, in fisci favorem partem ejus ex lege Julia Papia caducam fieri.

*Aut spreverit legatum*) Post legem Juliam Papiam si eadem res duobus conjunctim legata erat, etiam partem repudiantis caducam factam colligitur ex loco Ulpiani in *fragm. tit. 24. §. 11. & seq.* ubi scribit, partem non concurrentis conjuncti, quæ in legato vindicationis jure civili accrescebat, in legato damnationis in hæreditate remanebat, ex lege Papia caducam fieri: nunc autem certum est, in utroque genere legati accrescere, atque hæcenus etiam conjunctos & disjunctos esse pares.

*Vivo testatore decesserit, vel alio quoquo modo*) Ad illius quoque partem lex Papia pertinebat, qui è conjunctis vivo testatore decesserat, vel quolibet alio modo defecerat, puta damnatione in metallum, aut deportatione, ut ex d. loco Ulpiani manifestum est: idque quod huic relictum erat, dicebatur esse in causa caduci, *d. l. un. §. 2. C. de cad. toll.* sed nunc certo jure conjunctis in eandem rem accrescit sine discrimine generis legati aut modi legandi, *d. l. un. §. 4. §. 10. & seq.* Verum quid



quid si unus decefferit testatore jam mortuo? Ego existimo, hoc casu nihil conjuncto accrescere; sive legem Papiam spectes, sive jus novum Justiniani. Nam aut ante apertas tabulas deceffit, & pars ejus ex lege fit caduca; aut post aperturam tabularum, ex quo legati dies ex lege cedit; & hic quidem, quod ei adscriptum est, non fit caducum; jam enim ei debere coepit: cæterum nec accrescit collegatario, sed ad hæredem deficientis transmittitur, qui effectus est cessionis diei in legatis & fideicommissis, l. 5. & poss. quand di. leg. ced. & textus est in l. 4. in fin. pr. de alim. leg. Ex constitutione autem Justiniani, cui placuit diem legatorum statim cedere a morte testatoris, effectum est, ut idem juris nunc sit etiam in parte decedentis ante aperturam tabularum, ut scilicet nec ea caduca fiat, nec tamen accrescat collegatario, sed ad hæredem similiter transmittatur, quemadmodum, si solus esset, totum transmitteret, per d. l. un. §. in novissimo. 5. Non frustra igitur dixit, vivo testatore.

Totum ad collegatarium pertinet) Si plures sint, omnes autem vel conjuncti tantum, vel tantum disjuncti, pars deficientis accrescit omnibus ex æquo: si permixti conjuncti, & disjuncti, conjuncti in parte conjunctorum cæteris anteferuntur; disjunctorum partes accrescunt omnibus sic ut in divisionem omnes conjuncti pro una persona habeantur, d. l. planè 34. in pr. de legat. 1. l. re conjuncti. 89. de legat. 3. d. l. un. §. his ita. 10. C. de cad. toll. Quod autem conjunctis accrescit, accrescit cum onere, quod disjunctis, sine onere, d. l. un. §. ubi autem. 11. sub fin. de quibus etiam dictum superius.

Titio & Sejo hominem Stichum do, lego) Quod in his, quibus quid conjunctim legatur, Justinianus solum utitur exemplo re & verbis conjunctorum, id inter alia multos movet, ut negent verbis tantum conjunctos esse jus accrescendi; quo in numero sunt Govean. n. 29. Hotom. 6. obs. 12. Ant. Fab. 6. conj. 1. & dec. 49. err. 4. D. Svanemb. de jur. accresc. cap. 8. Sed sanè hoc argumentum perexiguum ad illud probandum pondus habet. Nam ut taceam, quo nihil certius & notius est, exemplis neminem uti solere ad restringendam regulam, nulla hoc loco est conjunctorum inter se oppositio; sed conjunctorum, id est, eorum omnium, quibus res eadem legatur una oratione, & disjunctorum, quibus quid legatur orationibus diversis, ut licet in exemplo proposito Titius & Sejus sine re & verbis conjuncti, tamen ut tales hic non considerentur, sed ut conjuncti simpliciter: ac proinde

Tom. I.

hic locus potius contrariam sententiam juvat, quæ etiam in sola verbali conjunctione juri accrescendi locum tribuit. Sed tamen utra sententia verior sit, operæ pretium est inventus inquirere. Illud pro confesso habendum, atque omnino retinendum est, nullos esse conjunctos, ad quos quidem jus accrescendi pertineat, nisi qui re sint conjuncti, sive quibus relicta eadem res. Proinde neque ii, quibus res diversæ relictae sunt, quamvis una oratione pro conjunctis hic habentur, veluti si ita dixerit testator, Titio & Mævio singulos servos do, lego: ut ut verbis jungantur, l. hujusmodi. 84. §. pen. de legat. 1. neque ulla, id est, ne rei quidem conjunctio esse intelligitur, ubi partes tantum ejusdem rei singulis simpliciter datae: ut proinde hoc etiam casu sine dubio jus accrescendi esset, l. 1. in fin. pr. l. pen. de usu accresc. Hinc jam de quaestione proposita judicandum est. Nam si verbis tantum conjuncti, qui dicuntur in distinctione generum conjunctorum, non sint simul re conjuncti, ex superiore definitione jus accrescendi ad eos non pertinebit: contra pertinebit, si iidem re quoque conjuncti sunt, ut ecce in hoc exemplo, Titio & Sejo fundum Tusculanum aequis partibus do, lego, constat, Titium & Sejum verbis conjunctos esse & appellari: sed jus accrescendi inter eos verborum conjunctio parere non potest, si non etiam accedat conjunctio ipsius rei. Non esse re conjunctos; ipsa appellatio statim à principio indicare videtur. Dicuntur enim verbis tantum conjuncti, l. triplici. 142. de verb. sign. item verbis conjuncti, non etiam re, l. re conjuncti. 89. de legat. 3. Idem videtur ostendere expressio partium singulis attributarum: nam ut hæ partes indivisæ sint; sunt tamen diversæ, ut dici non possint re conjuncti, aut singulis relicta eadem res. Denique non est realis conjunctio, nisi inter eos, qui solidum ex judicio defuncti habent: verbis autem conjuncti non solidum, sed partes habent, easque expressas verbis testatoris, ut proinde & partes ab initio facere, l. planè. 34. §. si conjunctim. 9. §. de legat. 1. & semper partes habere dicantur, l. re conjuncti. 89. de legat. 3. Sed his non obstantibus verius existimo, verbis conjunctos, quos hic vocamus, etiam re conjunctos esse. Etenim qui sic legat, Titio & Sejo fundum Tusculanum do, lego ex aequis partibus, is utique utrumque conjungit in eandem rem, dum simul & semel eundem fundum ambobus legat. Nec mutat hanc conjunctionem partium æqualium expressio: nam etsi hæ partes non exprimuntur, tacite tamen significantur enumeratione personarum,

Zzz

rum,



rum, *l. cui fundus. 56. de cond. & dem.* Quæ autem non expressa intelliguntur, tamen si exprimentur, pro supervacuis habentur, *l. Cornelius. 69. de her. inst.* ut omnino verum sit, quod Baro ait, non aliter differre verbis conjunctos à conjunctis re & verbis, quam quod in illis partes æquæ exprimentur, in his non item: judicio autem defuncti pari jure cense-ri, *arg. l. 16. in fin. de legat. 1.* Sed cur igitur dicuntur verbis tantum conjuncti, conjuncti verbis, non re? Non quia verè verbis tantum conjuncti sint, re planè disjuncti: sed quia tales videntur in comparationem re & verbis conjunctorum, inspecta forma & conceptione verborum, quæ sola hæc genera separat, & adscriptis æquis partibus in verbis conjunctis, qui dicuntur, res diversas facere videtur; quod tamen non ita est, si rem ipsam spectamus & sententiam testatoris, cujus judicio cum pariter ad eandem rem vocentur, pariter pro re & verbis conjuncti habendi sunt. Ex quo porro sequitur, si re & verbis conjuncti solidum ab initio ex voluntate testatoris habere intelliguntur, & solidum habere eodem modo intelligi singulos verbis conjunctorum: idque adeo verissimum esse ostendit *l. conjunctim. 80. de legat. 3.* ubi Celsus scribit, conjunctim legare, esse tota legata singulis dare, partes autem concursu fieri. Quæ definitio, cum generalis sit, dubitandum non est, eam ad verbis quoque conjunctos pertinere, & quod expressè partium in hac conjunctione testator meminit, id ex mente ejus à sic prudentibus acceptum, non quod duobus, verbis gratia, ita conjunctis, simpliciter velit singulas partes adscriptas atque in omnem eventum habere, etiam si non concurrant; sed quod cum sciret, si concurrerent ambo, quod & futurum speravit, singulos totum habere non posse, istis verbis demonstrare voluerit, quid in hunc eventum singuli habituri essent. At si unus deficiat, etiam in verbali conjunctione sic mentem testatoris acceptam, quasi in hunc casum alterum solidum habere voluerit, nec ob aliam causam ad eandem rem utrumque vocaverit, quam quod eam rem vel alterum eorum magis habere voluit, quam hæredem suum. Sed inquis, verbis conjuncti dicuntur semper partes habere, *d. l. re conjuncti. 89.* Ergo omni casu habent, & ab initio & ex postfacto. Respondeo, id quoque dici ex comparatione re & verbis conjunctorum. Nimirum Jurisconsultus eo loco, docendi gratia, distinguit verbis conjunctos à conjunctis & verbis simul, non ex eo, quod re ipsa est, sed ex eo, quod videtur: quia verbis conjuncti partes habent externa

forma verborum; re & verbis conjuncti non habent. Neque alia ratione hæc genera secer- ni possunt. Quod verò apud Ulpianum scrip- tum est, si conjunctim res legetur, partes ab initio fieri, *d. l. planè. 34. §. si conjunctim. 9. de legat. 1.* id tam ad verbis re simul conjunctos per- tinet, quam ad conjunctos verbis tantum: ac proinde locus iste vel ad legatum damnationis referendus est, vel ad legem Juliam Pa- piam & jus caducarium; uti & *l. hujusmodi. 84. §. si à Titio. 8. eod.* In *l. 7. de legat. 2.* aperte Jurisconsultus loquitur de legato damnationis: eodemque pertinere principium *l. 16. de legat. 1.* arguit ejusdem *l. §. ult.* Concludendum igitur est, etiam inter verbis conjunctos jus accrescendi locum habere; quippe cui toties locus est, quoties res eadem duobus in solidum legata est, sic ut partes concursu habent, sive eas habeant ex voluntate testatoris expressa, sive ex tacita, *l. 4. de usufr. accr.* Atque hæc communis est sententia, probata quoque Du- areno *lib. 1. de jur. accr. c. 10.* Baroni in *comm. ad hunc §. Donello. 7. comm. 13. & 8. comm. 21.* Gœd. *ad l. triplici. 142. de verb. sign. num. 12.* Confirmatur hæc sententia primum aperto tex- tu *l. 16. §. ult. de legat. 1.* ubi non solum qui re & verbis conjunctus est, sed etiam cui viri- lis portio data, id est, conjunctis verbis tan- tum; *arg. d. l. triplici. 142.* non concurrente altero, totum vindicare dicitur. Deinde ex eo, quod verbis conjunctus etiam potior dicitur esse in hoc jure quam is, qui re tantum con- junctus est, *d. l. re conjuncti. 89. de legat. 3.* siquidem jus prælationis necessario præsupponit jus accrescendi & conjunctionem realem: & præposterum est, quod Ant. Fab. *dec. 86. err. 89.* respondet verbis conjunctos, licet per se re disjuncti sint, ex accidenti tamen & post- facto etiam re conjunctos fieri, concurrente tertio aliquo, qui illis re jungatur. Nam conjunctionem non concursus efficit, sed dis- positio testatoris ad eandem rem plures vocan- tis, ut necesse sit, eos, quos in parte deficientis concurrere, aut aliis præferri volumus, con- siderari ut ab initio sententia testatoris con- junctos. Nihil pro sententia Fabri facit, quod à Javoleno responsum est, in hac specie; si testator Mævio fundi partem dimidiam, Sejo partem dimidiam, & eundem fundum Titio legaverit, Sejo deficiente, partem ejus pro- portione legati non Mævio solum, sed etiam Titio accrescere, *l. Mævio. 41. in pr. de legat. 2.* Nam Mævius & Sejus in hac specie verbis conjuncti non sunt, sed conjuncti re tantum, verbis inter se separati: quod ipse Juriscon- sultus expressè testatur. Ait enim, separatum &



& partes fundi & totum legatum esse: apparetque, legatum hoc sic à Jurisconsulto acceptum ex sententia testatoris, quasi Mævius & Sejus sint in unam dimidiam inter se conjuncti: Titius autem cum his in eandem dimidiam, quia cui totus fundus legatus est, utique & eadem dimidia legata intelligitur, cum verbo totius ambæ dimidiæ ei legatæ sint: similiter ut in usufructu conjunctos esse dicimus, quorum uni fundus, alter usufructus ejusdem fundi legatus, *l. si alii 19. de usuf. leg.* quod plenius & eleganter explicat Don. in *epist. ad Albert. Gent.* insertæ opusculis Donelli posthumis. Postremo cum nullus alius conjunctionis in hac quæstione sit effectus, quam ut jus accrescendi conjunctus habeat, cur si verbis conjuncti ab hoc jure removendi sunt, conjunctos tamen eos, non disjunctos, appellamus? Non obstat communi sententiæ, quod Celsus *l. 1. Proculo 20. de legat. 2.* respondit, servo communi quod legatum est, id si alter dominorum omitteret, alteri non accrescere. Nulla enim omnino in tali legato conjunctio est, ut ipsa textus verba evincunt, & ratio est, quia partes dominicæ semper pro inæqualibus habentur, fortuitumque est, quod æquales singuli habeant. At verò non est jus conjunctionis nisi inter eos, quos testator in eandem rem conjunxit æqualiter. Magis obstat videtur *l. pen. de usuf. accr.* ubi minimè obstat Papinianus pronuntiat, re separatos videri, quibus eadem res æquis portionibus relicta est. Loquitur quidem de usufructu ejusdem rei æquis portionibus legato; sed vel magis idem obtinere debet in simili casu legata proprietate; utpote quæ difficilior accrescit, quam usufructus, *l. 1. §. 3. d. tit.* Sed bene mihi videtur respondere Donellus, id quod in *d. l. pen.* dicitur de æquis portionibus, accipiendum esse non de portionibus rei, cujus usufructus relictus est, sed de portionibus singulorum hæredum à quibus relictus est: quam interpretationem & initium *d. l. pen.* juvat, quæ planè confirmat ratio reddita ab Ulpiano in fragmento sequenti in hæc verba, *cum alius ab alio hærede usufructum vindicet.* Bene autem Papinian. negat, in hujusmodi specie legatarios in eandem rem conjungi, cum partes hæreditariæ prius divisæ sint. Bachovius *d. l. pen.* accipit de eo casu, quo dimidia singulis separatim seu diversis orationibus relicta est, sed hoc verbis Papiniani minimè convenit. In hæreditate huic quæstioni non est locus: quippe in qua, ut initio monuimus, jus accrescendi ex dispositione juris proficiscitur, quod neminem ejusdem hæreditatis, quæ alium

hæredem non habeat, partem habere, partem repudiare permittit: & ideo portio occupata necessario vacantem ad se trahit: quamquam illud etiam in hæreditate quæri potest, ex pluribus diversi generis conjunctis quis cui præferatur. Reliqua per se quisque nunc facile expediet: plura tamen qui desiderabit, adire poterit DD. in *d. l. re conjuncti 89.* Gomez *1. ref. 10. Grass. §. jus accrescendi. Ant. Fab. dec. 49. & 50. Christin. vol. 1. dec. 312. & 2. seq.* & qui propriis tractatibus hanc materiam explicarunt, Duar. Govean. Ant. Fumæum, Jo. Suev. Corn. Svanemb. D. Grotius *lib. 2. manuduct. 23.* scribit, apud nos in toto hoc argumento non usque adeo subtilitatem juris civilis attendi, sed ejus præcipuè rationem haberi, quod propriis abesse videtur à sententia & mente testatoris: idque æstimari non ex verbis tantum & rei pretio, verum etiam ex conditione & qualitate personæ tum testatoris, tum legatariorum. In legatis alimentorum, ut hoc obiter addam, juri accrescendi non est locus, *l. 57. §. ult. de usuf. l. 16. §. 2. de alim. leg.* nimirum quemadmodum in agris limitatis cessat jus alluvionis, *l. 16. de acq. rer. dom.* quod comparatur cum jure accrescendi, *l. 33. in fin. de usuf.* ita & in usufructu limitato ad finem alimentorum jus accrescendi cessare placuit, ut rectè Cujac.

## TEXTUS.

Si legatarius proprietate fundi alieni sibi legati emerit, & usufructus ad eum pervenerit.

9. Si cui fundus alienus legatus sit, & emerit proprietatem deducto usufructu, & usufructus ad eum pervenerit, & postea ex testamento agat, rectè eum agere & fundum petere, Julianus ait: quia usufructus in petitione servitutis locum obtinet; sed officio judicis continetur, ut deducto usufructu jubeat æstimationem præstari.

## NOTÆ.

9. Quia usufruct. servitutis locum) Poterat objici, appellatione fundi plenam proprietatem contineri, *l. 10. l. 19. de usuf. leg. l. 58. de verb. obl. R.* in casu proposito eo verbo nudam dumtaxat proprietatem significari, ut usufr. intellectu à fundo separaretur, & tamquam servitus consideretur: quoniam proprietas, quæ adest ex causa onerosa adhuc abesse intelligitur, *l. 14. de verb. sign. fac. l. 25. eod. junct. l. 66. de judic.*

Jubeat æstimationem præstari) Judex tanti rem æstimabit, quantum actori aberit, *d. l. 82. §.*



2. Itaque habemus hîc casum, quo condemnatio fit in rei petitiæ æstimationem: quod interdum necessarium aut humanum.

COMMENTARIUS.

1. Speciem hoc loco propositam pertinere ad doctrinam traditam §. 6. sup.
2. Quæ sit hujus loci sententia, & quo colore defendatur?
3. Interpretum error circa ejus explicationem notatus.
4. Ant. Fabri opinio confutata.
5. Non esse novum, ut interdum condemnatio fiat in rei petitiæ æstimationem.

**H**ic locus, ut ex argumento intelligitur, subjungendus potius fuerat §. si res aliena 6. ubi dictum est, si res aliena legata ex alia causa ad legatarium pervenerit, interesse, utrum pervenerit ex causa onerosa, an ex causa itidem lucrativa: illo casu legatum non extinguï, sed posse legatarium nihilominus actione ex testamento pretium consequi; hoc casu contra, legatum penitus evanescere, eo quod dux causæ lucrativæ in eandem rem & personam concurrere non possunt. Quod autem de toto ibi traditum est, id etiam valet in partibus, ut, si quis rei sibi legatæ partem unam ex causa onerosa, alteram ex causa lucrativa nactus sit, legatum pro ea parte extinguatur, quam adeptus est ex causa lucrosa, pro altera consistat, & pretium ejus consequi possit, l. non quocumque 82. §. 3. de legat. 1. Unde etiam si quis fundi sibi legati proprietatem emit, detracto usufructu, & usufructus postea ad eum pervenit, puta mortuo fructuario aut capite minuto, atque ita ex causa lucrativa, perinde hoc habendum, ac si pars rei ex causa onerosa, pars sine onere ad eum pervenisset. Nam etsi usufructus non in parte, sed in jure consistit; tamen quia emolumentum rei continet, merito vicem partis obtinere placet, l. Mævius 66. §. pen. l. cum filius 76. §. dominus 2. de leg. 2. l. qui usufructum 58. de verb. oblig. Caterum in hac specie nihilominus fundum rectè peti, nec plus quàm oportet, ea petitione contineri intelligi, tradit hîc Justinianus post Julianum in d. l. non quocumque 82. §. 2. de legat. 1.

Rectè eum agere & fundum petere) Rectè, id est, impune, sine metu cadendi causa; quæ poena est eorum, qui plus petendo perperam agunt, §. si quis agens 33. inf. de act. Sentus igitur horum verborum est, posse legatarium agentem ex testamento cum hærede simpliciter

intendere, fundum sibi dari oportere, etiam si nudam dumtaxat proprietatem emerit, usufructum adeptus sit gratis; neque hac intentione sua plus eum complexum videri debere, quàm oporteat. Fundum, inquam, ipsum, non *diarionem*, æstimationem, ut male Theophil. & Pac. quod arguunt sequentia.

Quia usufr. in petitione servitutis locum obtinet) Poterat objici, immo perperam in casu proposito agere legatarium, ac re ipsa atque apertè plus petere, si simpliciter fundum petat; quippe appellatione fundi plenam proprietatem significari, l. 10. l. si alii 19. de usufr. leg. l. qui usufructum 58. de verb. obligat. ac proinde tanto plus, quàm oportet, eam petitionem complecti, quanto pluri æstimari constat plenam proprietatem, quàm nudam, pro qua sola pretium numeravit. Huic objectioni occurrens Justinianus ait, usufructum in proposta petitione servitutis locum obtinere. Quod paulo obscurius dictum hanc sententiam habet, eum qui fundum petit, etsi regulariter plenam proprietatem petere intelligitur, tamen in casu præsentis fundi verbum sic accipi oportere, ut eo nuda tantum proprietas designata intelligatur, seu fundus, quatenus petenti emolumento abest, ut usufructus intellectu ab eo separatur, & ob id tamquam servitus in hac petitione considerari debeat, hoc est, ut nec petitus censetur; cùm & alias, cùm usufructus separatus est, appellatione fundi nudam proprietatem significari constat, l. rectè 25. de verb. sign. Hæc interpretatio cùm petitori necessaria sit, ne alioqui formula excidat, si eum plus debito intentione sua complexum dicamus, omnino hîc recipienda est: quoniam in ambigua intentione id semper accipere jubemur, quod petitori utile est, l. si quis 66. de judic. Scio, longè aliter hunc locum ab aliis explicari: sic enim fere cæteri existimant, quod Justinianus hîc ait, legatarium rectè agere & fundum petere, id hanc habere sententiam, legatarium rectè, id est, strictæ rationi juris convenienter, ac proinde sine periculo amissionis causæ, fundum petere, ut ea petitione & proprietatem & usufructum comprehendat, aut posse eum ipso jure petere solidi fundi æstimationem; & quod mox pro ratione Justinianus assert, usufructum in ea petitione locum servitutis obtinere, id sic accipiunt, quasi dixisset, quia usufructus non jure partis, sed servitutis in petitionem deducitur. Sed ego fateor, me hæc capere non posse. Neque enim intelligo, quo colore defendi possit, legatarium in proposito rationi juris con-



venienter agere hoc modo: Ajo, te mihi fundum Sempronii, legatum mihi à Titio, dare oportere; ut hæc sit formulæ illius intentio, Ajo, te mihi dare oportere & proprietatem fundi & usumfructum aut solidi fundi æstimationem. Sive in ea intentione consideretur ususfructus ut consolidatus & conjunctus cum proprietate, sive ut à proprietate separatus & tamquam servitus. Nam si illo modo accipias, manifestum est, petitione id contineri, quod jam habet ex causa lucrativa, & ita obflare regulam juris, quæ non patitur, duas causas lucrativas circa eandem rem & personam concurrere: si hoc modo, adhuc dico, id ipsum eum petere, quod sine onere habet, licet habeat sub alia qualitate: aut si tu neges, fatendum tibi erit, peti quod legatum non est. Immo verò nego, unquam eum, qui fundum petit, posse intelligi usumfructum jure servitutis petere. Quicumque enim fundum petit, eum necesse aut solidam proprietatem intelligere, l. 5. in pr. si usufr. pet. aut nudam, l. rectè dicimus 25. de verb. sign. Denique non rectè in specie proposita solidum fundum aut solidi æstimationem peti, satis apertè, ut mihi videtur, probat, quod apud Julianum in d. l. non quocumque 82. §. 3. de legat. 1. notat Marcellus; ait enim, si partem fundi alieni mihi legati redemero, pars mihi legata sit, aut donata, idem esse, quod in specie proposita à Juliano, & ideo me partem dumtaxat petere debere. Quibus verbis non obscure innuit, nec in præcedenti specie Juliani solidum rectè peti: alioqui species, quam proponit Marcellus, ut similem Juliani, longè esset dissimilis. Ant. Faber 6. conj. 8. nec hoc quidem concedit, in casu proposito simpliciter fundum rectè peti, utut ea intentione nuda proprietatem petita esse intelligatur; quoniam ait, nec apud Julianum, nec alibi hoc traditum, & quod meum est, amplius meum fieri non potest. Sed ut supra in §. 6. ostendimus, quod ex causa onerosa ad creditorem pervenerit, interpretatione juris perinde habetur, ac si non pervenisset, propter pretium, quod ei abest, l. 14. de verb. sign. & refellit Fabrum l. ex promissione 19. de obl. & act. ubi disertè Julianus scribit, eum, qui non ex causa lucrativa rem habere cœpit, non prohiberi eandem ex causa lucrativa petere: tum etiam manifestè locus Marcelli modo citatus. Nam si partem fundi, quam ex causa onerosa consecutus sum, rectè peto, cur prohiberi proprietatem petere, quæ ex tali itidem causa apud me est? Cætera, quæ eodem loco Faber adversus hanc sententiam & adversus ip-

sum adeo Tribonianum disputat, assis non æstimo.

Sed officio judicis continetur, &c.) Quamvis ratio judicii hoc exigit, ac proinde regulare sit, ut condemnatio fiat in rem ipsam, quæ petita & in judicium deducta est, l. ut fundus 18. com. div. evenit tamen nonnunquam, ut necesse sit, aut æquum & humanum, condemnationem fieri in rei petite æstimationem: veluti si res petita culpa debitoris aut post moram perempta sit, l. si ex legati 23. de verb. obl. item si res aliena, quæ petitur, domino venalis non sit, aut venalis quidem, sed immenso pretio, l. 14. §. ult. de legat. 3. vel si ea ex causa onerosa ad creditorem pervenerit, l. ex promissione 19. de obl. & act. l. hujusmodi 84. §. qui servum 5. de legat. 1. §. si res 6. sup. eod. Idemque est, si creditor partem, quam ex simili causa nactus est, petat, l. non quocumque 82. §. 3. de legat. 1. in casu proposito, ubi fundo alieno legato fundi proprietatem, quæ ex causa onerosa apud legatarium est, petitur, d. l. non quocumque 82. §. 2. Hic igitur judicis officio incumbit, ut reum condemnet, non in rem petitam, puta ut fundum præstet deducto usufructu; nam proprietatem fundi jam revera petitor habet: sed ut præstet fundi deducto usufructu æstimationem; hoc est, ut tantam pecuniam legatario det, quantum ille venditori pro fundi nuda proprietate persolvit. Julianus hoc sic expressit, *Judex tantam litem æstimabit, quantum auctori aberit, d. l. non quocumque 82. §. 2.*

## TEXTUS.

## De re legatarii.

10. Sed si rem legatarii quis ei legaverit, inutile est legatum; quia quod proprium est ipsius, amplius ejus fieri non potest. Et licet alienaverit eam, non debetur nec ipsa res, nec æstimatio ejus.

## NOTÆ.

10. Licet alienaverit eam) Propter definitionem regulæ Catonianæ, d. l. 41. §. 2. cui obstat, l. 1. §. 2. de reg. Cat. nisi dicamus verbis illis, si cum vivo testare alienaveris, conditionem significari, ad cujusmodi legatum regula non pertineat, l. 3. & 4. eod. l. 98. de cond. & dem.

## COMMENTARIUS.

1 Celsum videri à cæteris dissensisse circa casum, quo legatarius rem suam sibi legatam vivo



*testatore alienaverit : tentatur tamen conciliatio.*

2. *Quomodo temperandum quod dicitur rem suam nemini rectè legari.*

**S**ed si) Particula hæc videtur arguere, hunc §. esse appendicem disputationis habitæ in §. *præc.* & §. *si res aliena.* 6. *eod.* Nam ut illic tractatur de re, quæ post testamentum conditum legatarii propria facta est; ita hic de ea, quæ jam ejus est tempore scribendi testamenti. Quid servari placeat, si res, quæ legatarii propria est, non ipsi legatario, sed alteri legata aut potius per fideicommissum relicta sit, docebitur *inf.* §. 1. *de sing. reb. per fideic. relicta.* Hic illud quæritur, an utile sit legatum, si quis legatario ipsi rem, quæ jam ejus est, legaverit. Ait autem Justinianus, tale legatum inutile esse, propterea quod fieri non potest, ut quis duabus ex causis dominum acquirat, l. 3. §. *ex pluribus.* 22. *de acq. poss.* quia ratione nec stipulatio rei suæ, nec emptio valet, l. *nemo.* 82. *de verb. obl.* l. 16. *de contr. empt.* Idem rescriptum est in l. *propriis.* 13. *C. de legat.* & responsum ab Ulpiano l. *cætera.* 41. §. *de legat.* 1. Quamobrem nec res nec æstimatio rei in proposito peti poterit, ut est in *fin.* hujus §.

*Et licet alienaverit eam*) Ampliatio superioris definitionis. Etsi is, cui res sua legata est, eam post testamentum factum & vivo etiamnum testatore alienaverit, nihilo tamen magis legatum convalescit. Quod sumpsum ex definitione regulæ Catonianæ, quæ non patitur, legatum ex postfacto convalescere, quod initio vires non habuit, l. 1. *in pr. de reg. Caton.* quæ ratio etiam in terminis redditur ab Ulp. d. l. *cætera.* 41. §. 2. Aliud tamen Celsi judicium fuisse, eumque in hac quæstione dissentisse à cæteris, existimant Cujac. Hotom. Bachov. per d. l. 1. §. 2. ubi sic Celsus scribit: *Item si tibi legatus est fundus, qui scribendi testamenti tempore tuus est, si eum vivo testatore alienaveris, legatum tibi debetur. Quod non deberetur si testator statim decessisset.* Et sanè locus ita scriptus est, ut parum absit, quin idem sentiam. Sed tamen videamus, quid obstat, quominus verba illa, *Si eum vivo testatore alienaveris, dicamus esse testatoris, non Jurisconsulti, & posita conditionaliter.* An quia tum diverso charactere scribenda fuerant, uti mos est Jurisconsultorum, quoties verba testamenti aut stipulationum recitant? At hoc negligi potuit à librario: nec perpetuo observatur, l. *si stipulatus.* 76. *in pr.* & §. 1. *de verb. obl.* l. 1. §. *in honorariis.* 10. *de extraord. cognit.* An

quia regula Catoniana ad conditionalia non pertinet? l. 4. *de reg. Cat. d. l. cætera.* 41. §. 2. *de legat.* 1. ut propterea non debuerit exemplum conditionalis legati à Celfo proponi tamquam exceptio regulæ, in quo definitio Catonis falsa sit. Atqui etiam præcedens species in §. 1. d. l. 1. *eod.* exemplum continet legati conditionalis, quod tamen & ipsum ab eadem regula Celsus excipit. Denique difficalter adduci possum, ut credam, in diversis Jurisconsultorum sententiis aut Ulpianum aut Celsum suam simpliciter prompturos fuisse, quasi in re certa minimèque dubia. Sed tamen inquires, fatendum tunc erit, ineptè Celsum facere, quod excipit de regula, quod ad regulam non pertinet. Fatere igitur & tu, æquè ineptè & prius exemplum à Celfo excipi. Verùm ego puto, quod nescio, an quisquam alius animadvertit, Celsum peculiari quadam ratione duas illas species, quas proponit, quasi hæc etiam verbis regulæ contineantur, excipere: quia cum conditio in utraque specie adscripta talis sit, ut deficiat, si statim testator decedat, si longiusculè vivat, impleri possit, fieri utroque casu potest, ut contra quam regula definit, legatum, quod non valuisset, si statim decessisset testator, valeat, si diutius vixerit. Ad cætera autem legata conditionalia nec verba regulæ pertinent. Cæterum meminimus quod initio dictum est, rem suam nemini rectè legari, sic accipiendum esse, primum si ea res perfectè legatarii sit; hoc est, ita ut avocari nequeat. Nam si rem ex bonis ejus, qui reipub. causâ aberat, usu acquisierim, & ea antequam evinceretur, mihi legata sit, postea evincatur, rectè ex testamento peram, eam mihi dari oportere, l. *non quocumque.* 82. §. 1. *de legat.* 1. Deinde si res legata legatarii sit pleno jure: nam si quid juris in ea re aut testator aut alius habet, placet valere legatum, & utile esse in eo, quod juri legatarii deest. Pone, emphyteusim, superficiem, aut pignus testatori aut alii in re legatarii constitutum; rectè ea legatur, & proficit legatario legatum in eo, quod juris alieni fuit, l. *senatus.* 43. §. *ult. l. si domu.* 71. §. *pen. l. si tibi.* 86. *in pr.* & §. *ult. de legat.* 1. l. 1. §. 1. *de lib. leg.* Nec dubito, quin idem dicendum sit, si alius in ea re usumfructum habeat, *arg. l. cum filius.* 76. §. 2. *de legat.* 2. licet dissentiat Accurs. propter textum in l. *Mevius.* 66. §. *pen. in fin. de legat.* 2. Quo in loco vitiosè legitur propter istas causas, cum legendum sit præter, ut bene Cujac. lib. 5. *ad Afric. in l. est.* 25. *de vulg. & pup. subst.* observavit. Et nonnullis in exemplaribus legi



testis est Donell. 8. *comm.* 11. In quibusdam editionibus præter in margine adscriptum videtur. Postremo si nec ea res testatori debita sit; nam debitori quod debet, rectè legatur, licet dominus ejus rei sit, l. 1. *in. pr. de lib. leg. vid. inf. §. si quis debitori.* 13. VINN. Sed in dubio facile vincit lectio Florentina. Videtur hic sensus esse. Dixerat Papinianus, fundo legato etiam usufructum rectè peti, itemque utendum fundum, si oppignoratus sit, præstandam possessionem, si alius possideat. Ne quis autem existmaret, idem etiam locum habere, si res nostra nobis legata sit, addit; *Sin autem res mea legetur mihi, legatum propter istas causas non valebit.* Id est, uti rectè interpretatur Osvv. Hilliger. Donell. *Enucl. Lib. 8. cap. 2.* non licebit ex superioribus argumentum ducere. Et hinc assentiri non dubito Accursio. Inter pignus enim & usufructum multum interest. Rem meam oppignoratam recipere non possum, nisi soluto ære alieno: usufructus ad me redit, mortuo usufructuario, vel ex aliis causis. HEIN.

## TEXTUS.

Si quis rem suam quasi non suam legaverit.

11. Si quis rem suam quasi alienam legaverit, valet legatum: nam plus valet quod in veritate est, quam quod in opinione. Sed & si legatarii esse putavit, valere constat: quia exitum voluntas defuncti habere potest.

## NOTÆ.

11. Plus valet, quod in veritate) Ratio hæc potius ad casum sequentem pertinet: nam hoc priore casu etsi verum esset, alienam rem legatam esse, tamen legatum valeret: quoniam si suam esse testator scivit, multo facilius eam legasset, per ea, quæ *sup. §. 4. eod.*

## COMMENTARIUS.

- 1 Male ad priorem speciem hujus §. accommodari regulam, Plus valere, quod in veritate, &c. & qua ratione isto casu sustineatur legatum.  
2 Prædictam regulam pertinere ad casum posteriorem, atque eos actum tantum, in quibus error gerenti non obstat, quominus velit & possit, in quo errat. In aliis contrariam regulam probari.

Supra §. 4. audivimus, si testator rem alienam suam eam esse putans, legaverit, le-

gatum non valere, nisi singulari conjectura voluntatis adjuvetur. Quæ exceptio in exegefi posita & declarata. Quod si quis rem hæredis legaverit, quam existimabat suam esse, Papinianus docet utile esse legatum, l. unum. 67. §. si rem. 8. de legat. 2. Hic ex converso docemur; quid juris sit, si testator rem suam legavit quasi alienam: item quid si legavit suam, cum crederet eam esse legatarii, placere autem, utroque casu valere legatum. Et valebit igitur vel magis, si suam rem legaverit quasi hæredis, arg. d. l. unum. 67. §. si rem. 8.

Nam plus valet, quod in veritate, &c.) Puto rationem hanc, quod præter Bachovium nemo animadvertit, male accommodari ad hunc priorem hujus §. casum, & omnino pertinere ad sequentem, cum quis rem suam quasi legatarii legavit. Nam non rectè hic dixeris, ideo valere legatum, quia contra quam opinabuntur, verum est, testatorem rem suam legasse, quoniam etsi opinionem attendas; aut quod opinabatur verum esset, rem scilicet alienam esse, legatum tamen valeret. Et verò in promptu alia ratio, ob quam in proposito falsa testatoris opinio non obstat legato; mirum quoniam, si alienam rem credens, eam nihilominus legavit, hæredem que suum onerare voluit alienæ rei redemptione, multo magis eam legaturus fuisse præsumitur, si scivisset suam esse d. l. unum. 67. §. si rem. 8. de legat. 2.

Sed & si legatarii esse putavit, valere constat) Ad hunc casum rectè accommodabimus regulam; Plus valere, quod in re & veritate est, quam quod in opinione. Nam si hic opinionem spectari placeret, nullum esset legatum, quia quod legatarii est, inutiliter ei legatur, §. præc. Est autem regula ista ex earum genere, quæ ad certos dumtaxat casus & actus pertinent: locum enim tantum in iis habet, in quibus error gerenti non obstat, quominus velit & possit id, in quo errat. Ut ecce, in casu proposito falsa testatoris opinio non impedit, quominus rem suam legare potuerit: neque etiam quominus velle eam legatum existimari debeat; nisi quis dicat, quotiescumque res sua legatario legatur, ideo legatum non valere, quia animus legendi desit: quod verum non est. Neque enim ideo tale legatum inutile, quia voluntatem legendi testator non habuit: sed quia voluntas ejus effectum sortiri non potest, cum quod alicujus jam est, id ejus amplius fieri non possit, §. præc. Hæc verò ratio cum cesset, si non legatarii, quod testator falso existimabat, sed ipsius testatoris res esse deprehen-



hendatur, cessare quoque debet ista dispositio. Quod & ipsum Justinianus non obscure significat, cum ita infert, *quia exitum voluntas defuncti habere potest*. Eiusdem generis exempla, atque ad ea eandem hanc regulam applicatam videmus in *l. 4. §. 1. de man. vind. l. pen. §. qui ignoravit 4. de jur. & facti ign.* In iis verò actibus, qui ab animo aestimantur & pendunt, certumque propositum generis requirunt, cujusmodi sunt aditio & repudiatio hæreditatis, contraria regula probata est, placeatque, plus valere, quod est in opinione, quam quod in veritate, *l. is qui 15. §. l. seq. junct. l. qui hereditatem 19. de acq. her.* nimirum quia in his error impedit quominus fiat, quod fieri verè poterat, si quis sciret, quod in re est; ac proinde quod verum est, procedere non sinit. D. Hotomannus sic generaliter definit, *in errore facti prevalere veritatem; in errore juris plus posse opinionem*. Quod ego falsum esse puto. Nam etsi testator rem suam tamquam legatarii in jure errans legaverit, valebit haud dubiè legatum: è contra si in facto errans rem legatarii legaverit tamquam suam, non valebit: ut proinde & in errore juris plus interdum valeat veritas, & in errore facti plus opinio.

## TEXTUS.

## De alienatione &amp; oppignoratione rei legatæ.

12. Si rem suam legaverit testator, posteaque eam alienaverit, Celsus putat, si non adimendi animo vendidit, nihilominus deberi: idemque divi Severus & Antoninus rescripserunt. Iidem rescripserunt, eum, qui post testamentum factum prædia, quæ legata erant, pignori dedit, ademisse legatum non videri; & ideo legatarium cum herede ejus agere posse, ut prædia à creditore luan- tur. Si verò quis partem rei legatæ alienaverit, pars, que non est alienata, omnino debetur: pars autem alienata ita debetur, si non adimendi animo alienata sit.

## NOTÆ.

12. Si non adimendi animo) Quod colligitur ex causa alienandi: nam si ea necessaria fuit, puta ex causa æris alieni, non creditur animo adimendi facta alienatio, *l. 11. §. 12. eod. 3. si libera fuit, contra*. Quomodo accipiendi textus in *l. 8. eod. 1. l. 15. de adim. leg. l. 1. §. 3. de pecul. leg. &c.* aut si donaverit, nam in donationem non cadit istiusmodi dis-

tinctio, *l. 18. de adim. leg. l. 34. in fin. de aur. arg. leg.*

## COMMENTARIUS.

- 1 Quibus ex rebus conjiciatur, utrum res legata adimendi legati causa alienata sit, necne?
- 2 Responsum quoddam Scævola cum aliis locis conciliatum.
- 3 Oppignoratione rei legatæ non videri legatum ademptum.

Pertinet hic locus ad *tit. seq. de ademp. leg.* est enim rei legatæ alienatio species tacitæ ademptionis: quoniam hoc ipso quod testator rem in alium transfert, recedere à priorè voluntate videtur. Cæterum quia etiam legatum rei alienæ consistit, potest hic oriri voluntatis quæstio, an res adimendi legati animo alienata sit, necne, ut si non sit, legatum adhuc peti possit. Quod hic docet Justinianus.

Si non adimendi animo) Sed unde hunc animum aut contrarium colligimus? Ex causa nimirum alienandi, quæ si libera planè fuit, id est, si testator nulla necessitate compulsus rem alienaverit, puta donaverit, aut cum necesse non erat vendiderit eam, animo adimendi id eum fecisse creditur, *l. rem legatam 18. legatum 24. §. 1. de adim. leg.* ac de hoc casu accipiendi textus in *l. 8. pr. de legat. 1. l. cum servus 15. de adim. leg. l. 1. §. 3. seqq. de pec. legat. §. si quis ancillas 17. inf. item l. 6. de legat. 1.* Falluntur enim, qui putant, hac in re quicquam interesse inter legatum purum & conditionale. In quo errore etiam Mynfingerus est. Quod si causa alienandi necessaria fuit, id est, si testator rem legatam vendiderit urgente rei familiaris necessitate, hic contra creditur id animo adimendi legati ab eo factum non esse: & ideo legatum peti potest, nisi probetur, etiam in hac necessitate adimere ei testatorem voluisse. Probatio autem mutatæ voluntatis hic ab hæredibus quamvis reis, exigitur, *l. 11. §. si rem. 12. de legat. 3.* quoniam præsumptio pro legatario eodemque actore facit, quasi non videatur extinguendi legati causa alienare, qui etiam si maximè legatum valere velit, tamen alienare cogitur. Cæterum distinctioni propositæ non parum obstare videtur responsum Scævola in *l. prædia. 27. §. liberto. 3. de instr. legat.* Patronus liberto, quem ex parte hæredem scripserat, per præceptionem fundum legavit cum instrumento, & his, quæ in eo fundo repertum, quod vivus testator vendiderat, Jurisconsultus sine dif-



distinctione etiam vinum in eo fundo reper-  
tum, quod vivus testator vendiderat, & cujus  
pretii partem tertiam acceperat, ad libertum  
ex causa præceptionis pertinere, nisi contra-  
riam voluntatem hæredes approbant. At vero  
si alienatio extra causam necessitatis facta argu-  
mentum est mutatæ voluntatis, dicendum  
erat, id vinum pertinere ad cohæredes, nisi  
de contraria voluntate doceat libertus. Res-  
pondent nonnulli, in ea specie Scævola vendi-  
tionem vini factam ante factum testamen-  
tum. Ego magis Ant. Fabro assentior, qui  
*lib. 1. conj. 6.* respondet, non debere videri  
adhuc alienatum vinum, quoad effectum  
ademptionis legati, quod nondum traditum  
est; & maximè cujus nomine venditori pre-  
tium nondum numeratum, aut eo nomine ei  
satisfactum est, *arg. l. quod vendidi 19. de cont.  
empt. §. vendita 41. sup. de rer. div.* Planè pro  
qua parte pretium testator accepit, difficile  
dictu est, eam quoque partem legato præcep-  
tionis contineri: & ego dixerim, petentem  
pro ea parte exceptione summovendum esse.

*Divi Severus & Antoninus rescripserunt*) Ne-  
que responsum Celsi extat, neque hoc Imp-  
Severi & Antonini rescriptum. Fuisse tamen  
quod hic traditur, recepti juris, patet ex *l. rem  
legatam 18. de adim. leg. junct. l. fideicommissa  
11. §. si rem 12. de legat. 3.*

*Qui prædia pignori dedit, ademisse legatum non  
videri*) Pignoris datio etsi propriè alienatio  
non est, quippe cum res pignori data in do-  
minio debitoris manet, eique soluto debito  
restituenda sit, tamen pro specie alienationis  
habetur, *l. ult. C. de reb. al. non al.* Cæterum  
ipsum nomen pignoris satis indicat alienatio-  
nis necessitatem: neque enim pignus dari so-  
let nisi ab eo, qui necessitate adductus est. Ut  
proinde rectè & superiori sententiæ conve-  
nienter Imp- Severus & Antoninus rescrip-  
serint, eum, qui rem legatam oppignorat,  
adimendi animo hoc facere non videri; sive  
ut ipsi loquuntur, *non videri voluntatem suam  
circa legatarii personam mutare.* Extat rescrip-  
tum in *l. 3. C. de legat.* Enimverò audiendum  
nihilominus hæredem existimem, si paratus  
sit ostendere, animo adimendi rem à testato-  
re pignori datam.

*Cum herede agere, ut prædia luan-  
tur*) Hoc est, ut hæres de suo tantam pecuniam credi-  
tori solvat, in quantam prædia obligata sunt,  
atque ita ea prædia obligatione liberata ac re-  
dempta legatario præstet, *d. l. 3. C. hoc tit.*  
quod tamen accipiendum est secundum distin-  
ctionem traditam sub *§. sed & si §. eod.*

*Si verò quis partem rei alienaverit, &c.*) Hoc

Tom. I.

omnino præcedentibus est consequens: nam  
quod juris est in toto quoad totum, idem etiam  
valere debet in parte quoad partem, *l. que de  
tota 76. de rei vind. l. 82. §. 3. eod.* Et ideo si  
pars tantum rei legatæ alienata sit, pars, quæ  
non est alienata, semper debetur, *l. 6. l.  
8. in pr. de legat. 1.* quæ alienata est, debe-  
tur, aut non debetur, prout eam animo adi-  
mendi aut non adimendi alienatam esse con-  
stabit.

## TEXTUS.

## De liberatione legata.

*13. Si quis debitori suo liberationem legaverit,  
legatum utile est: & neque ab ipso debitore, neque  
ab herede ejus potest hæres petere, neque ab alio,  
qui heredis loco sit. Sed & potest à debitore con-  
veniri, ut liberet eum. Potest etiam quis vel ad  
tempus jubere, ne hæres petat.*

## NOTA.

*13. Neque ab herede*) Nisi legatum personæ  
debitoris cohæreat, *l. 8. §. 3. de lib. leg.*

*Petere*) Cum effectu scilicet quia petens excep-  
tione doli repelli potest: ipso enim jure le-  
gato liberationis non dissolvitur obligatio, *d. l. 3.  
§. 3.*

*Ut liberet eum*) Nempe per acceptilationem,  
*d. l. 3. §. 3. l. 22. eod.*

*Ad tempus*) Cujus legati quæ sit vis, disce  
ex Pomp. *l. 8. §. 1. eod.*

## COMMENTARIUS.

*1 Liberationem debitori jam certo jure rectè le-  
gari.*

*2 Quis liberationis legate effectus?*

*3 Quis ejus legati, quo damnatur hæres ad tem-  
pus non petere?*

Quod Titius mihi debet, id & Sempronio  
rectè lego, & ipsi Titio debitori meo.  
Illud legatum est, quod dicitur nomi-  
nis, de quo plura *inf. sub §. tam autem 21. eod.*  
hoc, quod appellatur liberationis, deque hu-  
jus legati effectu agitur in præsentis §. Respon-  
det tit. *Pand. de lib. lege.* ubi varix hujus lega-  
ti formulæ occurrunt. Is quoque qui chiro-  
graphum debitori legat, liberationem legare  
videtur, *l. 3. §. 1. d. tit. fac. l. qui chirogra-  
phum 50. de legat. 3. l. si servum 44. §. eum 5.  
de legat. 1.*

*Legatum utile est*) Liberationem debitori  
posse legari, jam certum est, ait Jurisconsultus

A a a a

tus



tus in l. 3. *pr. de lib. leg.* quæ verba arguunt, id aliquando controversum fuisse. Cur verò fuerit, significare videtur idem Jurisconsultus l. 1. *pr. eod.* ubi ait, debitoribus ea quæ debent, rectè legari, licet domini eorum sint. Quippe nostrum propriè non est, quod est in credito, l. 27. §. 3. l. 34. *de aur. arg. leg.* Bohet. in *Top. Pecunia, quæ est in nominibus, non est nostra.* Ex eo enim suspicari licet, fuisse antea, qui negarent ipsi debitori, quod debet, rectè legari: quia scilicet nemini res suas legari potest. Sed eorum opinio merito explosa est: nihil enim quod debitoris sit, hoc legato contineri intelligitur, sed jus tantum quod creditor habet, seu obligationem debitumve remissum.

2 *Neque ab ipso debitore*) Legato liberationis non dissolvitur ipso jure obligatio, aut protinus ipso jure debitori liberatur: sed potest liberationis sibi legatæ fructum duplici ratione consequi, excipiendo, si debitum hæres petat; si non petat, ultro ex testamento agendo, ut liberetur, l. 3. §. nunc 3. l. quod mihi 22. *de l. legavi* 25. in *pr. eod.* Quamobrem quod alibi dicitur, hæredem petere non posse, l. 2. §. 1. l. si quis 15. *eod.* & hoc ipso in textu, id sic accipiendum est, non posse eum petere efficaciter: nam petentem exceptione doli mali repelli.

*Neque ab hærede ejus, neque ab alio, qui hæredis loco*) Qualis est bonorum possessor, & is, cui ex fideicommissio hæreditas restituta est. Interdum tamen effectus hujus legati intra personam solius debitoris consistit, veluti si quis ita dixerit, *Hæres meus à solo Lucio Titio ne petito*: vel, *A Lucio Titio, quamdiu vivit, hæredem meum petere nolo.* Quoties enim legatum cohæret personæ legatarii, ad hæredem ejus non transit; sicut nec ullum aliud jus personale ad hæredem transmittitur, l. 8. §. 3. l. Aurelius 20. *eod. tit.*

3 *Ad tempus jubere, ne hæres petat*) Potest hæres damnari, ut ad certum tempus non petat. Cujus legati hic effectus est, ut hæres intra id tempus petens à debitore hæredeve ejus exceptione summoveatur. Cæterum debitor agere non potest, ut liberetur, d. l. 8. §. 1. nec per acceptilationem, quoniam acceptilatio in perpetuum obligationem tollit; nec pacto quod exceptionem perpetuam parit, cum temporalem tantum ex testamento habeat. Ut autem hæres paciscatur cum debitore, ne intra id tempus petat, intra quod testator peti vetuit, ne hoc quidem requirendum est, quia debitori inutile, nihil amplius in eum conferens, quam jam habet, exceptionem scilicet

temporalem. VINN. Quin & is præcipuus hujus legati effectus est, quod interea usuræ promissæ non debentur, l. 88. *ff. de R. J. l. 117. ff. de V. O.* HEIN.

## TEXTUS.

## De debito legato creditori.

14. *Ex contrario si debitor creditori suo quod debet, legaverit, inutile est legatum: si nihil plus est in legato, quam in debito: quia nihil amplius per legatum habet. Quod si in diem, vel sub conditione debitum ei purè legaverit, utile est legatum propter representationem. Quod si vivo testatore dies venerit, vel conditio extiterit, Papinianus scripsit, utile esse nihilominus legatum, quia semel constitit, quod & verum est. Non enim placuit sententia existimantium, extinctum esse legatum, quia in eam causam pervenerit, à quo incipere non potest.*

## NOTÆ.

14. *Si nihil plus in legato*) Nam ut legatum consistat, necesse est in eo aliquid utilitatis ab initio versari, l. 29. *de leg. 1. l. 1. §. 10. ad leg. Falc.* Alias non ex testamento agitur, sed ex pristina obligatione, *ὡς χρεὶς ἀπαταται*, Schol. Theophil.

*In diem, &c.*) Vel si alio quocumque modo accidat, ut plus sit in legato, quam in debito, v. l. 28. & *seq. de leg. 1.* aut creditoris interfit, ex testamento potius agere, quam ex pristina obligatione, l. 11. *de lib. leg.*

*Quia in eam causam pervenerit*) In hac sententia videtur & Paulus fuisse, l. 82. *eod. 2.* qui tamen alibi fatetur, novum non esse, ut quod semel utiliter gestum est, duret, licet ille casus extiterit, à quo initium capere non potuisset, l. 85. §. 1. *de reg. jur.*

## COMMENTARIUS.

- 1 *Quot modis accidat, ut plus sit in legato re debita, quam in debito?*
- 2 *Taxatur Ant. Fabri nimia confidentia.*
- 3 *Quando locus sit regulæ. Quod semel utiliter constitutum est, durare, licet ille casus extiterit unde incipere non potuisset? & quando locus regulæ contrariæ?*
- 4 *Pauli à Papiniano dissentientis sententiam à Justiniano improbari.*
- 5 *Jure C. & Inst. vix esse, ut non sit plus in legato, quam in debito.*

UT consistat legatum, necesse est in eo aliquid utilitatis aut commodi ab initio versari, quemadmodum sub §. 4. generaliter de-



definivimus, ex quo judicandum de legato, quod hic proponitur, si quis creditori suo quod debet legaverit; ut scilicet, si nihil utilitatis aut commodi ex eo legatarius capere possit, uti non potest; si nihil amplius est in legato, quam in debito; legatum non valeat: sin verò emolumentum quid contineat, aut quantumque ratione plus in legato sit, quam in debito, utile sit legatum, *l. si creditori. 28. cum l. seq. de legat. 1. l. Mevius. 66. de legat. 2. l. legavi. 25. sub fin. de lib. leg. 1. 1. §. si quis. 10. ad leg. Falcid.*

*In diem vel sub conditione debitum purè legetur)*

Hæc exempli tantum causa proferuntur: nam longè pluribus modis, quam his duobus accidit, ut plus sit in legato rei debitæ, quam in debito; & toridem modis fit, ut legatum sit utile. Videamus ergo, quot modis id fiat. Ut plus in legato sit, quam in debito, primum efficitur debiti repræsentatione, puta si modo sub conditione aut in diem debetur, purè legetur: sic enim fit ut in legato plus sit tempore, *l. fin autem. 29. de legat. 1. & hoc text.* Secundo si quod loco longinquiore aut minus commodo debebatur, legetur loco citiore aut commodiore: hoc enim loco plus est in legato, quam in debito, *d. l. 29.* Tertio ut plus sit in legato; sæpe efficit nova actio ex testamento; nempe si ea vel efficacior sit veteri, vel plenior. Efficacior est, si vetus removere poterat, exceptione: quæ exceptio legato debito remissa creditori intelligitur, *d. l. 28. de legat. 1.* Plenior est, si vel diuturnior, ut si vetus actio est honoraria; ubi ideo legatum valet, quia honoraria actio sæpe temporaria, ex testamento civilis est & perpetua, *d. l. 28.* vel alias uberior; ut est actio ex testamento, quamvis alia actione stricti juris, propter incrementum usurarum & fructuum, *l. 3. l. usuræ. 34. junct. l. videmus. 38. §. si actio nem. 7. de usur. l. 3. C. eod.* proinde si id, quod ex sti pulatu debebatur, legatum fuerit creditori, legatum utile est, *d. l. 28. §. 1.* Et generaliter toties valet hoc legatum, quoties creditoris interest, ex testamento potius agere, quam ex pristina obligatione. *l. 11. de lib. leg.* Erratque adeo perspicuè Vvesemb. cum negat, ex eo solo videri plus esse in legato quam in credito, quod nomine legati pinguior actio sit. Sed & in eo nonnihil commodi est, quod specie à debitore eodemque domino legata dominum statim in creditorem transeat, & pro sola actione personali etiam in rem habere incipiat, *l. 3. §. 2. de legat. 3.* Cæterum etsi hæc legata ob commoditatem novæ actionis sustinentur; quia tamen hære-

ditatem non minuunt, neque ipsa minuuntur lege Falcidia, nec in his creditoris legatarii fideicommissi potest, *d. l. 28. §. 1. d. l. 3. §. 2.* Ubi verò commodum est repræsentationis, pro modo istius commodi Falcidia inducitur, & fideicommissum valet, *l. 1. §. si quis 10. ad leg. Falcid. 2. de dot. præleg.* Si exceptio metuebatur creditoris, fideicommissi potest, *l. 7. §. ult. de legat 3.* VINN. Potest & eatenus pinguius videri legatum, quam debitum quod quum ex hoc actio dumtaxat personalis competat, ex legato etiam nascitur actio hypothecaria, ob hypothecam legatario competentem in rebus defuncti, *l. 1. C. comm. de legat.* HEIN.

*Propter repræsentationem*) Id est, quia ex testamento præsentanti die debetur. Repræsentare est ante diem aliud præstare aut solvere, vel antequam aliquid debeatur solvere. Sueton. *August. c. ult. l. 1. §. 2. de dot. præleg. l. Publius. 36. §. 1. de cond. & dem. Cicero epist. ad fam. lib. 16. ep. 14. Dies promissorum adest quem etiam repræsentabo, si adveneris. Seneca epist. ad Lucil. 95. Petis à me, ut id, quod in diem suum dixeram debere referri, repræsentem.* Gloss. *ver. repræsentare in παρρησία ποιειν repræsentatio, ἐμπαρρησιασµις.* Theoph. omnemque accelerationem significat; ut in illis Ciceronis: *repræsentare improbitatem, lib. 16. ad Attic. epist. 2. repræsentare libertatem, 2. Philipp. cap. 46.* Sic Curtius *lib. 6. cap. 11. repræsentare consilium dixit pro ante diem exequi.*

*Papinianus scripsit, utile esse nihilominus legatum*) Scilicet ut nihilominus id totum, quod debetur, jure legati peti possit: non ut in eo Falcidiæ adhuc locus sit, aut fideicommissum creditori impositum exigere liceat; utpote sublata jam utilitate repræsentationis, quæ sola legi & oneri locum facit. *l. 1. §. si quis. 10. ad l. Falcid. l. 7. §. ult. de legat. 3. l. 2. de dot. præleg.* Quod visum monere propter confidentiam Anton. Fabri, qui *lib. 4. conj. 12.* contra manifestam & auctoritatem juris & rationem affirmare ausus est, etiam in hoc nostro casu, cum dies venit, aut conditio extitit, & Falcidiæ locum dari, & fideicommissum deberi. Falso nimirum ille contendit, cum dies aut conditio legatum facit. Falcidiam non in commodo repræsentationis dumtaxat, sed in toto legato locum habere, legatariumque ratione totius legati fideicommissio gravari posse, temere id colligens ex verbis Papiniani in *l. 5. ad leg. Falcid.* eumque cum Paulo in *d. l. 1. §. si quis. 10. eod. & Ulp. in d. l. 7. §. ult. de legat. 3. l. 2. de dot. præleg.* qui id disertè negant, nulla necessitate committens. Utique



nec rationi convenit, ut Falcidiam pariatur legatarius creditor, aut fideicommissum prætet, qui ex legato præter commoditatem novæ actionis nihil consequitur, nullumque omnino commodum in re sentit, *fac. l. si creditori* 28. §. 1. *de legat. l. 1. §. 2. de legat. 3. Extat responsum Papiniani l. 5. ad leg. Falc.*

*Existimantium extinctum esse legatum, quia in eam causam &c.*) Hic iterum, ut *sup. §. 11. occurrunt duæ regulæ contrariæ, quarum una definit, Quod semel utiliter gestum est, durare, etiam si ille casus extiterit, à quo initium capere non potuisset. Altera contra, Negotium extinguere, cum is casus postea incipit, unde incipere non poterat. Hæ duæ propositiones, ut constat, non possunt simul esse veræ simpliciter & in universum. Immo neutra earum perpetua est, aut vera in omnibus causis, l. in ambiguis. 85. §. 1. *de reg. jur. l. pen. §. ult. de verb. obl.* In negotiis omni ex parte perfectis, id est, quæ nihil futuri ad consummationem desiderant, sine exceptione valet prior definitio, nunquam ea, quæ utiliter sic gesta & consummata sunt, infirmari ob eam causam, quod ille casus evenerit, à quo consistere non poterant. Idque & apud omnes nunc in confessio est, & semper constitit; exempla suppetunt l. 8. *de his qui sui vel al. jur. l. oratione. 16. §. ult. de rit. nupt. l. donationes. 31. in pr. de don. l. pen. §. ult. de verb. obl.* Quod si negotii gesti jus adhuc pendeat, & ad plenam perfectionem ejus adhuc aliquid amplius desideretur, hic aliud atque aliud pro conditione casus postea incidentis placet. Nam si quod postea intervenit, tale sit, ut impediat, quominus negotium rectè cœptum ad finem perducatur, placet, quod ante gestum est, resolvi: si non impedit, durare quod bene gestum est, exitumque suum sortiri. Ut ecce, testamentum, legata, fideicommissa, etiam si ab initio utiliter constituta sint, non statim tamen ita plenè perficiuntur, ut nihil amplius ad consummationem voluntatis desideretur: reliquum enim adhuc est, ut hæres ex testamento existat, ut legatarius legatum consequatur. Finge nunc, eum, qui testamentum jure fecerat, capite postea minutum esse, servum scilicet factum, aut deportatum, aut ademptum. Dicimus, irritum fieri testamentum; nempe quia superveniente servitute, deportatione, adrogatione, conditio personæ testatoris sic mutatur, ut testamentum habere non possit, ac ne heredem quidem omnino, §. 4. *sup. quib. mod. test. inf. l. 6. §. irritum. 5. & seqq. de injust. rupt. l. 8. §. 1. & seqq. qui test. fac. l. pen. §. 2. de bon. poss. sec. tab.* Finge, servo alieno quid legatum esse, cum-*

que servum postea à testatore redemptum; dicimus similiter, legatum extinguere, quia id quod accidit, impedit ne legatum exitum habere possit, l. 3. §. ult. *de his quæ pro non script.* Eiusdem generis exempla occurrunt, l. inter. 83. §. sacram. 5. *de verb. obl. §. 2. inf. de inut. stip. §. pen. inf. de noxal. act. l. falsus. 43. §. ult. de furt. l. pro parte. 11. de servit. l. si à me. 11. de judic. l. huic scripturæ. 15. in fin. junct. l. seq. ad leg. Aquil.* Sed finge, testatorem post testamentum factum incidisse in furorē aliamve mentis abalienationem, aut amississe facultatem audiendi, loquendive, aut bonis ei interdictum. Hic contra dicimus, testamentum, quod antea rectè factum erat, nullo horum casuum infirmari; quippe quia nec furor interveniens, nec auditus sermonisve amissio, nec bonorum adempta administratio impedit, quominus testamentum exitum habeat, atque ex eo hæreditas cæteraque relicta obtineantur, utpote statum & fortunas suas testatore retinente, §. 1. & 2. *seqq. sup. quib. non est perm. fac. test. l. 6. §. 1. l. si cui. 18. qui test. fac. fusc. Don. post. DD. vulg. in d. l. pen. §. ult. de verb. obl.* Cæterum non idem omnes in omni ejusmodi specie sensisse apparet ex l. existimo. 98. *de verb. obl.* Atque in casu hic proposito, cum quis quod in diem aut sub conditione debebat, creditori suo purè legavit, & vivente testatore dies supervenit aut conditio exitit. Paulus in l. debitor. 82. *de legat. 2. aperte dissentit à Papiniano in l. 5. ad leg. Falc.* Si demum jam mortuo testatore dies venerit, aut impleta sit conditio, concedit Paulus durare petitionem legati; si vivo adhuc eo, ait legatum inutile effici, quamvis ab initio confiterit. Contra Papinianus etiam si vivo testatore dies venerit, &c. utile esse hujusmodi legatum scribit, quia semel constitit. Paulus igitur ad jus hujus legati requirit, ut etiam antequam dies aut conditio existat, testator mortuus sit: Papinianus unum tantum hic tempus testamenti spectandum, atque ex eo de vi & jure relicti statuendum, existimat, quod consentaneum videtur regulæ Catonianæ. Papiniani sententiam rejecta Pauli Justinianus hic amplexus est. Totà disputatio hujus §. 1. quod Compositores ipsi non animadverterunt, hodie inutilis pæne & supervacua videtur: vix enim est, ut legatum debiti jam non sit utile creditori, postquam Justinianus etiam actionem hypothecariam legatariis dedit, & jus taciti pignoris in bonis defuncti, l. 1. C. *comm. de legat.* ut proinde uno tantum casu nunc accidere possit, ut legatum rei debite nihil utilitatis contineat, videlicet quando le-



gatarius creditor etiam extra causam legati jus pignoris habet, constitutum sibi jam ante vel à debitore, vel à lege, ut in specie §. proxime sequentis. VINN. Nemo hanc rem accuratius tractasse videtur Viro eximio, Jac. Gothofredo in *Comment. ad l. 85. §. 1. ff. de R. f. p. 391.* ubi regulas has ita conciliat: 1. *Quæ ex præsentì vires capiunt, quæque non tantum ab initio semel consistierunt, verùm etiam utiliter constituta sunt, quorumque DIES utiliter ante casum existentem CESSIT, ea durant, etsi casus extiterit, à quo initium capere non possent, nisi rei aut personæ statu essentialis ita mutatus fuerit, ut jam adimpleri res nequeat.* 2. *Quæ ex præsentì vires non ceperunt, vel quamvis consistant, non tamen CONSTITUTA sunt ante casum existentem, denique quorum DIES nondum CESSIT, ea evanescent, emergente casu, à quo initium capere non potuerint.* Ex his duabus regulis egregie solvi quæstiones singulares, idem Gothofredus per indictionem ostendit, simulque docuit, dissensum veterum, quem jam Cujacius observavit, inde esse, quod non satis distinxerint illa, *negotium consistit & negotium utiliter constitutum est*: quæ diversa admodum esse, nemo non videt. HEIN.

## T E X T U S.

## De dote uxori legata.

15. *Sed si uxori maritus dotem legaverit, valet legatum: quia plenius est legatum, quam de dote actio. Sed si, quam non accepit, dotem legaverit, divi Severus & Antoninus rescripserunt, si quidem simpliciter legaverit, inutile esse legatum: si verò certa pecunia, vel certum corpus, aut instrumenta dotis in prælegando demonstrata sunt, valere legatum.*

## N O T A.

15. *Plenius est legatum*) Propter repræsentationem in dote pecuniaria, quæ annua, bima, trima die, *ἐνιαυτῶ, διετία, τριετία*, id est, tribus annuis pensionibus reddebatur. Ulp. *tit. 6. §. 5.* Hodie autem dos rerum mobilium annua die præstatur, *l. un. §. 7. C. de rei ux. act.* In legato immobilium etsi non est repræsentatio, Ulp. *d. loc. & d. l. un.* valet tamen legatum propter commoditatem novæ actionis. *vid. in comment.*

## C O M M E N T A R I U S.

1 *Jure antiquo in relegatione dotis semper plus fuisse, quam in obligatione.*

2 *An novo jure adhuc aliquid in ejusmodi legato commodi?*

3 *Quid juris, si, quæ non accepta est, dos, aut simpliciter legata sit, aut demonstrata certa quantitate vel corpore?*

**S**I uxori maritus dotem legaverit) Exemplum legati rei debita; proinde quid hic statuendum sit, discamus ex superiori regula, ut si plus sit in legato, quàm in debito, legatum valeat; si nihil amplius, legatum sit inutile.

*Quia plenius est legatum, quàm de dote actio*) Hæc verba arguunt, veteres semper existimavisse, plus esse in legato quàm in obligatione dotis, ut proinde relegatio dotis non potuerit non jure veteri valere, *fac. tit. de dot. præleg.* Ut autem legatum plenius esset, faciebat aut utilitas repræsentationis in dote pecuniaria, cujus repetitio dilationem habebat, ut annua, bima, trima die, *ἐνιαυτῶ, διετία, τριετία*, id est, tribus annuis pensionibus redderetur, legatum autem statim peti poterat, *l. 1. §. 2. l. 2. d. tit. Ulpian. tit. 6. §. 5.* aut commoditas novæ actionis: nam etsi cæteræ dotes statim reddebantur, teste Ulpian. *d. loc.* tamen dote prælegata hoc commodum sentiebat uxor, quod dominum rei dotalis statim ad eam redibat, actionemque in rem consequebatur, cum pro dote repetenda personalem tantum actionem rei uxoriæ haberet, *arg. l. 3. §. 2. de leg. 3.* aut si dotem sibi reddi stipulata fuerat, quod pro actione ex stipulatu consequebatur actionem ex testamento, imitantem in plerisque naturam actionum bonæ fidei: per *l. si creditori. 28. §. 1. de legat. 1.* Ad hæc variæ olim actioni de dote objiciebantur exceptiones & retentiones; sæpe etiam dos lucro mariti cedebat, *vid. Ulp. d. t. 6. l. 15. §. 1. sol. matr. l. un. §. taceat. 5. & seq. C. de rei ux. act.* quibus locus non erat dote relegata. Justinianus verò jus & petitionem mulieris sic auxit *d. l. un. & l. in rebus. 20. C. de jur. dot.* ut non videam, quid commodi nunc ex relegatione dotis capi possit; nisi quod jure legati etiam res dotales mobiles statim reddendæ sunt, quarum alioqui præstatio animi dilationem ex constitutione Justiniani habet, *dist. leg. unic. §. cum autem. 7. vers. exactio.* Tentari tamen potest cum plerisque interpretibus, etiam post constitutiones Justiniani relegationem in universum utilem centeri debere, propterea quod agenti ex testamento non potest objici exceptio, quam vocant competentia. Tamen enim non omnibus hæredibus mariti conventis actione de dote hoc beneficium competit, *l. sciens-*



sciendum. 25. de re jud. sufficit tamen, communi filio, qui patri hæres extitit, competere, l. etiam filius. 18. solut. matr. atque ita aliquando legatum utile esse posse, & solidum obtineri, ubi alias in id tantum fieret condemnatio, quod reus facere posset. VINN. Sed hæc commoda legati non adeo magni momenti sunt. Actionem enim realem uxor soluto matrimonio habet tamquam domina dotis. Actio ex stipulatu de dote æquè bonæ fidei & pinguis est, ac actio ex testamento, excepta repræsentatione. Denique merito dubites an liberi beneficium competentæ ob legatum hoc amittant. vid. l. 12. l. 13. l. 18. ff. sol. matr. l. 25. de re jud. junct. l. 67. §. 8. de legat. 2. observavit id contra Lauterbachium celeberrimus Pagenstech. in Admonit. ad ff. Part. §. 116. HEIN.

Si quidem simpliciter, inutile est legatum ) Si dos uxori prælegata sit non designata certa quantitate aut certo corpore demonstrato, & dos nulla data sit, legatum inutile est: quia apparere non potest, quid aut quantum fuerit legatum. Neque hoc tantum in dote non accepta & simpliciter legata obtinet; sed etiam in omni simili legato incertæ rei aut quantitatis. l. si sic legatum. 75. §. 1. de legat. 1. l. legavi. 25. sub. fin. de lib. legat. fac. l. cum post. 69. §. gener. 4. de jur. dot.

Si verò certa pecunia, vel certum corpus, aut instrumenta ) Veluti, Centum que in dotem accepi: aut, Fundum Tusculanum, mihi in dotem datum, uxori do lego, aut, Centum, quæ instrumento dotali conscripta sunt, l. 3. l. ult. C. de fals. ca. adi. leg.

Valere legatum ) D. l. legativi. 25. in fin. de lib. leg. d. l. 3. §. ult. C. de fals. ca. adi. leg. d. l. si sic legatum. 75. §. 1. in fin. de legat. 1. Ratio aperta est, & expressa dictis locis; quia falsa demonstratio legatum non vitiat; de quo plura inf. §. huic proxima. 30. eod. Eadem ratione si major quantitas legato comprehensa sit, quam in dotem accepta, valebit legatum etiam in id, quod acceptam excedit, l. 6. de dot. præl. Obstat tamen his, quæ diximus, videtur, quod Ulpianus scribit, l. 1. §. sed §. si. 7. eod. tit. si quis ita legaverit, Centum, quæ in arca habeo, aut, quæ ille apud me deposuit, & nihil in arca sit, aut depositum fuerit, nihil deberi; accommodans hoc ipsum ad casum dotis non acceptæ & prælegatæ. Sed rectè respondet Jo. Faber, referre, utrum legetur certa quantitas ut quantitas, an ut certum corpus aut species, veluti Centum, quæ in arca habeo, l. planè. 34. §. sed hoc 4. l. sed §. 1. de legat. 1. Priore casu falsam demon-

strationem non nocere legato: posteriore idem juris esse, quod certo corpore, quod non extat, demonstrato, ut si quidem extet quantitas sic designata, legatum valeat, si non extet, inutile sit, l. si servus. 108. §. qui quinque 10. de legat. 1. l. omnia. 32. §. specie. 5. de legat. 2.

## TEXTUS.

## De interitu &amp; mutatione rei legatæ.

16. Si res legata sine factò hæredis perierit, legatario decedit. Et si servus alienus legatus sine factò hæredis manumissus fuerit, non tenetur hæres. Si verò hæredis servus legatus sit, & ipse eum manumiserit, teneri eum, Julianus scripsit: nec interest sciverit, an ignoraverit, à se eum legatum esse. Sed & si alii donaverit servum, & is, cui donatus est, eum manumiserit, tenetur hæres: quamvis ignoraverit, à se eum legatum esse.

## NOTÆ.

16. Sine factò hæredis ) Sive naturali interitu, v. c. si servus legatus ἰδίῳ δατάτω, sua morte, ut Suet. in Jul. c. ult. defunctus sit, sine factò alieno, nisi mora hæredis intervenerit, l. 36. §. ult. l. 47. §. ult. de legat. 1. l. 23. de verb. obl. Vide in comment.

Legatario decedit ) Et hæres liberatur, ut & cæteri debitores, qui certam speciem debent, d. l. 23.

Sine factò hæredis manumissus ) L. 35. de leg. 1. hæc enim manumissio morti proxima est, l. 92. de solut.

Nec interest sciverit, &c. ) l. 112. §. 1. eod. l. l. 28. qui §. à quib. man. l. 91. §. 2. de verb. obl. Ratio est in l. 25. §. 2. in fin. ad Treb.

## COMMENTARIUS.

1 Servi alieni qui legatus sit, manumissione hæredem ita liberari, ut nec æstimationem debeat, & quid si res legata evicta sit?

2 Hæredem, qui servum proprium à se legatum vel ignorans manumisit, obligatum à se remanere: & cur nominatim hoc pronuntietur de servo hæredis proprio?

HUJUS §. doctrina pertinet ad locum communem de liberatione debitorum, quæ contingit interitu rei debitæ. Sic enim in universum jus est, ut rei debitæ interitu, qui sine factò aut culpa debitoris contingit, obligatio extinguatur ita ut nec ulla æstimationis petitio superfit, l. si ex legati. 23. de verb. obl. l. in



ratione. 30. §. res tamen. 6. ad leg. Falc. l. cum res. 47. §. ult. de legat. 1.

Si res ) Id est, res certa, species, seu certum corpus, l. non amplius. 26. §. 1. de legat. 1. d. l. si ex legati 23. de verb. obl. d. l. in ratione. 30. §. certis. 4. ad leg. Falc. idque ex prædicato, perierit, satis intelligitur, quod in res certas seu species solum cadit. Nam cum res incerta, puta homo generatim, aut centum aurei, legata aut in obligationem deducta est, numquam dici potest res legata aut alias debita periiisse: quoniam omnes homines vocabulo hominis, & quicumque aurei generaliter & infinitè centum legato aut obligatione continentur: eoque fit, ut in his nullo rerum casu five hæres five quis alius debitor liberetur, d. l. in ratione. 30. §. incerta. 5. ad leg. Falc. l. incendium. 11. C. si cert. pet. Utrum autem certa species legata sit, an quantitas instar certæ speciei, veluti centum aurei, qui in arca sunt, nihil interest d. l. in ratione. 30. §. certis. 4. l. si certos. 37. de verb. obl.

Sine factò hæredis perierit ) Sive naturali interitu, five factò alieno, puta si servum legatum alius occiderit, l. arbitrio. 18. §. ult. de dol. Nam si ipsius hæredis factò res perit, non magis id legatario nocere debet, quam cæteris creditoribus, quæ factò debitorum contigerunt. Sed & si res naturali factò perierit, cæterum post moram ab hæredè factam, hæredis id detrimentum erit, l. cum servus. 39. §. 1. de legat. 1. Certa enim est juris regula, mora interveniente, perpetuari obligationem, ut post moram re perempta nihilo secius teneatur debitor, quam si res adhuc extaret, d. l. si ex legati. 23. de verb. obl. l. nemo. 82. §. 1. l. si servum. 91. §. sequitur. 3. eod. l. 5. de reb. cred. de quo commodius infra in materia obligationum. Ait, perierit. Periiisse non tantum res intelligitur, cum in rerum natura esse desit: verum etiam cum commercio exempta est, §. 1. & 2. inf. de inut. stip. l. inter. 83. §. sacram. 5. de verb. obl. l. si mihi. 92. de solut.

Legatario decedit ) Hoc locis compluribus traditum, l. non amplius. 26. §. 1. l. Titia. 36. §. ul. l. cum res. 47. §. ult. l. si quis inquilinos. 112. §. 1. de legat. 1. d. l. si ex legati. 23. de verb. obl. atque, ut superius diximus, jus est commune omnium debitorum, qui certam speciem debent.

Sine factò hæredis manumissus ) Etiam servi alieni legati manumissione hæres liberatur, si nulla ejus culpa argui potest, l. si hæres. 35. de legat. 1. l. si servum 91. §. 1. verj. fin. autem de verb. obl. l. si mihi. 92. de solut. ubi Paulus hanc manumissionem ait morti similem esse; scilicet quia manumissione servus commercio

eximitur. Quare nec æstimationem præstare hæres tenetur, quam præstare cogitur, cum res adhuc extat, eamque dominus non vult vendere, §. 4. sup. Quid si res legata non perempta, sed legatario evicta sit? Et si quidem ex causâ pignoris evicta sit à creditore, hæres obligatus manet: nec interest, generaliter res legata sit, an una aliqua specialiter & certa; nam nec illo casu sufficit rem talem dare qualis est; sed ita dare oportet; ut eam habere liceat, l. qui concubinam. 29. §. pen. de legat. 3. l. si à substituto. 45. §. 1. eod. 1. & hoc casu tenetur hæres rem obligatam nexu pignoris liberare, §. 5. sup. Sin autem evicta fuerit à domino ut res aliena, hic interest, in genere res legata sit, an in specie: nam si in genere, & hæres rem unam aliquam ex eo genere dederit, quæ postea à domino evincatur, non liberabitur, ob eandem scilicet causam, quam modo dixi: si verò in specie, puta Stichus aut Pamphilus, sic distinguendum est; ut si testator eam rem tamquam alienam legaverit, teneatur hæres eam redimere, aut æstimationem ejus dare; §. 4. sup. si tamquam suam, placet hæredem liberari, modo præstet rem talem, qualis apud testatorem fuit, l. cum pater. 77. §. evictis. 8. de legat. 2.

Hæredis servus legatus, & ipse eum manumiserit ) Si hæres servum proprium à se legatum manumiserit, obligatus remanet, & tenetur in ejus æstimationem, perinde quasi occidisset; nec refert, sciverit, an ignoraverit à se legatum esse, l. si quis inquilinos. 112. §. 1. de legat. 1. l. hæres. 28. qui & à quib. man. quippe etiam manumissione res interire intelligitur, quia definit esse in commercio, & nemo suo se factò obligatione liberare, alterique damnum asserre potest, l. quidam. 25. §. 2. in fin. ad sen. Trebell. l. si servum 91. de verb. obl. Quod ergo dicitur in d. l. hæres. 28. qui & à quib. man. hæredem servum proprium quem testator legaverat, manumittendo nihil agere, ad effectum liberationis, non ad effectum libertatis referendum: ut nihil agere dicatur, quia manumittendo non efficit, quominus obligatus maneat, quod etiam Accurs. observavit. Non obstat huic sententiæ, quod excusatur ignorantia ejus, qui servum indebitum sibi datum manumisit, l. in summa. 65. §. pen. de cond. ind. Nam indebiti conditio, utpote quæ ex bono & æquo introducta est, nihil revocare consuevit, præter iniquum lucrum, l. pen. eod. tit. Cur verò Justinianus hoc loco, & Jurisconsulti d. l. si quis inquilinos. 112. §. 1. & d. l. hæres. 28. nominatim loquuntur de servo hæredis proprio? Nimirum quia hæres servum



testatoris à se legatum aut per fideicommissum alteri relictum ne manumittere quidem potest, sicut nec quamvis aliam rem, quam restituere iussus est, alienandi potestatem habet, l. ult. §. 2. C. comm. de legat. Quin etsi sub conditione servus testatoris legatus fuerit, licet pendente conditione pleno jure hæredis sit, placet tamen, libertatem ab hærede consequi non posse, l. generaliter. 19. §. 1. qui & à quib. man. Sed quid est igitur, quod Paulus in l. si servum. 91. §. 2. de verb. obl. scribit, Julianum putasse, teneri hæredem, qui, cum nesciret, à se petitum codicillis ut restitueret, manumisit? Nam libertate non procedente, non potest dici manumisisse. Responsum ipsum Juliani, quod extat in l. quidam. 25. §. 2. ad sen. Treb. rem expedit. Non ait Julianus servum hæreditarium ab hærede legatum, aut quem nominatim hæres restituere rogatus est, posse manumissione hæredis liberum fieri: sed posse hæredem, qui hæreditatem restituere iussus est, servum, qui ex ea hæreditate sit, manumittere, ut tamen obligatus maneat, pretiumque servi fideicommissario præstet. Inter quæ multum interest. Nam cum servus hæreditarius certus specialiter legatus est, manifestum est, testatorem velle hunc ipsum servum præstari, non æstimationem ejus. At in fideicommissio hæreditatis potest favore alicujus rei, quæ in ea hæreditate sit, alia interpretatio voluntatis recipi, quasi ad sensum testatoris nihil intersit, utrum res ipsa, an æstimatio præstetur.

Sed & si alii donaverit, & is eum manumisit, &c.) Hæres, qui servum proprium à se legatum alteri donavit, quamvis eum à se legatum ignoret, tamen si is, cui donatus est, eum manumisit, tenetur in servi æstimationem, d. l. si quis inquilinos. 112. §. 1. de legat. 1. Ratio eadem, quæ in specie præcedente; qui factò hæredis accidit, ut servus commercio sit exemptus; quod alteri damnum afferre non debet. Tantum hic non proxima, sed remota causa hæres est.

### TEXTUS.

#### De interitu quarumdam ex pluribus rebus legatis.

17. Si quis ancillas cum suis natis legaverit, etiamsi ancille mortuæ fuerint, partus legato cedunt. Idem est & si ordinarii servi cum vicariis legati fuerint: quia licet mortui sint ordinarii, tamen vicarii legato cedunt. Sed si servus fuerit cum peculio legatus, mortuo servo, vel manumisso,

vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

### NOTÆ.

17. Idem est, si ordinarii cum vicariis) Nam vicarii hic non considerantur, ut pars peculii ordinariorum, sed ut eorum confervi, ut & revera sunt, l. 9. d. tit. itaque etiam in hac specie duo sunt legata separata, l. 4. d. tit.

Sed si servus cum peculio, &c.) L. 1. d. tit. Ratio est, quia peculium accessions locum obtinet, cujusmodi, preempta re principali, & ipsa extingui solent, l. 2. d. t. l. 178. de reg. jur.

Idem est, si fundus instructus) Quia nec hic duo sunt separata & principalia legata, sed unum rei principalis, alterum accessions: spectanda tamen mens testatoris, l. 1. §. 1. l. 5. de instr. vel instrum. leg.

### COMMENTARIUS.

- 1 Si ancilla cum suis natis legata sit, duo intelligi legata separata & aequè principalia.
- 2 Idem esse, si servus cum vicariis suis legatus sit.
- 3 Secus, si servus cum peculio, aut penus cum vasis.
- 4 Aut si fundus instructus, vel cum instrumento.
- 5 Paulus cum Justiniano conciliatus.

Hoc. §. & 3. seqq. docetur, quid juris sit, si rei legatæ vivo testatore vel decesserit, ita jus est, ut neque legatum extingatur, nisi quod decesserit, sit principale, reliquum accessorium; neque hæres teneatur supplere, quod decessit, sed præstatione ejus quod superest, liberetur. Hæc res quatuor exemplis declaratur; legati ancillæ cum suis natis; servorum ordinariorum cum vicariis, hoc §. legati gregis, §. seq. legati peculii, §. 20. Cæterum, ut dixi, ita quod superest, legato cedit, si id quoque principaliter legatum sit, non si ut accessio ejus, quod decessit: nam preempta re principali etiam legatum accessions extinguitur; quod ostenditur hoc §. exemplo legati servi cum peculio; item fundi cum instrumento legati. Si quid accesserit, placet etiam illud legato cedere: cujus rei tria exempla proferuntur, legati gregis, cui postea adjecta plura capita §. seq. legati ædium, quibus adjectæ columnæ & marmora, §. 19. legati peculii, cui deinde aliquid accessit, d. §. 20. Latè autem hic locus patet. Nam huc etiam per-



pertinent fructus, usuræ, pensiones prædiorum, partus, foetus, alluvio, insula inconfinio nata, & plura alia, quæ hîc non tangit Justinianus, l. 8. l. quod in rerum. 24. §. 2. & 3. l. cum servus. 39. §. 1. de legat. 1. l. 10. l. si arca. 39. de legat. 2. l. sepe. 16. eod. 3.

*Partus legato cedunt*) L. si ancilla 62. cum l. seq. de legat. 1. Poterat videri unum hîc esse legatum principale, alterum, natorum scilicet, accessorium: quod etiam Servio visum fuit, qui ob id, mortua ancilla, negabat partum deberi. Sed vera liberi matris accessio non sunt; statim enim ut sunt editi, separatam planè habent existèntiam & ideo rectè Paulus scribit, duo hîc esse legata separata, hoc est, æquè principalia, l. 3. de pec. leg. & Celsus in l. si ancilla. 63. de legat. 1. sententiam Servii ut falsam nec voluntati defuncti accommodatam rejicit. Ego quoque sententiam Jo. Fabri & Aretini falsam esse puto, & voluntati testatoris minimè consentaneam, qui existimat, si pecudes cum foetu legatæ fuerint, morte pecudum legatum foetus tamquam accessorium extingui. VINN. Genuina ratio, cur nec ancillæ partus, nec foetus animalis hîc pro accessione ancillæ, vel animalis haberentur, hac esse videtur, quia post partum non pertinent ad ancillam vel animal, sed ad dominium, adeoque hujus respectu utraque res erat separata, utraque principalis, nullaque remanebat inter matrem & foetum connexio. HEIN.

*Idem est, si ordinarii cum vicariis*) Hic eadem dubitatio occurrit, quæ in casu præcedenti: nam ut peculium servi accessio est, ita & servi vicarii, qui sunt in peculio ordinariorum, l. 17. de pecul. etiam horum accessio videtur, ac proinde, his mortuis, illos ex legato non deberi. Illud utique certum est, mortuo servo ordinario, qui cum peculio legatus est, peculii legatum ita extingui, ut nec vicarii, qui in ejus peculio sunt, debeantur. Et sanè fatendum est, servos vicarios accessions locum obtinere, quatenus considerantur, ut pars peculii ordinariorum: cæterum ex se non sunt, sed revera ordinariorum conservi, l. 9. de pec. leg. Atque ut tales considerantur in casu proposito, cum disertè cum ordinariis & ipsi legantur, ut hîc quoque sint duo legata separata, & vicarii æquè principaliter ut ordinarii legati intelligantur, l. 4. d. tit.

*Sed si servus cum peculio*) Servo legato cum peculio, & alienato vel manumisso, aut mortuo legatum etiam peculii extinguitur l. 1. de pec. leg. Cur tam variè? quia peculium accessions locum obtinet: cujus conditionis quæ sunt, extingui solent, cum principales res per-

emptæ fuerint: ratio reddita à Cajo in l. 2. d. tit. Eadem ratione placet, & penu certa cum vasis legata, consumpta, ne vasa quidem deberi, l. 2. l. 4. in pr. de pen. leg. Hoc tamen inter peculium & vasa penuria interest, quod peculium non est simplex & mera accessio, quæ necessario servum sequatur: quippe si simpliciter servus legatus sit, peculium legato non cedit, l. si legatus. 24. de pec. leg. Sed vasa penuria pura puta sunt accessio; & ideo penu simpliciter legata, vasa quoque, sine quibus rectè penus haberi non potest, legato continentur, l. 3. §. ult. d. l. 4. pr. de pen. legat.

*Si fundus instructus, vel cum instrumento*) Exemplum simile proximè præcedenti: ideo enim fundo cum instrumento legato & alienato etiam legatum instrumenti extinguitur; quia hîc non sunt duo diversa & separata legata, sed unum rei principalis, alterum accessions & sequelæ. Nam instrumentum fundi accessio est. Et si quidem sic aliquis legaverit fundum cum instrumento, alienato fundo instrumentum peti non posse semper constitit, l. 1. §. 1. l. 5. de instr. vel instrum. leg. Cæterum an idem sit, si sic legaverit, fundum & instrumentum, aut, fundum instructum, non satis convenit. Labeo lib. 1. pithan. putat, inter omnes hæc scripturas nihil interesse, l. 5. de instrum. leg. Justinianus quoque hoc loco idem prædicat de legato fundi instructi & legato fundi cum instrumento. Denique & Paulus eadem duo ut eandem vim habentia conjungit, d. l. 1. in pr. eod. tit. Verùm idem Paulus in notis ad Labeonem d. l. 5. hanc scripturam, fundum cum instrumento, à cæteris disertè separat sic ut dicat, ex illa scriptura, fundo alienato, nihil deberi: ex duabus reliquis posse instrumentum esse legatum. Eguinarius Baro existimat, Paulum cum Justiniano nullo modo conciliari posse. Hotomanus etiam secum pugnare, atque ex insita sibi cum Labeone similitate solo Labeonis redarguendi studio contrarium respondisse. Verùm ego, ut fatear, Paulum eo genere morbi laborasse, eoque correptum aliquando non satis bona fide cum Labeone agere, ut videre est in l. pen. §. 1. & 2. de acq. rer. dom. l. ult. de usuc. & fortassis sic etiam Labeonem ab eo tractari in d. l. 5. non arbitror tamen aut secum cum pugnare, aut cum Justiniano. Labeo dixerat, inter superiores scripturas omnes nihil interesse. Paulus ait, interesse: nam ex hac scriptura, fundum cum instrumento, alienato fundo, nihil deberi: ex his fundum & instrumentum, vel fundum instructum, posse instru-



strumentum esse legatum. Quasi dicat, in hac specie, cum fundus cum instrumento legatus est; tam perspicuum est, testatorem instrumentum accessionis loco habuisse, ut alienato postea fundo, frustra de mente testatoris, quod ad legatum instrumenti attinet, disparetur: quod ipse *d. l. 1. §. de instrum. leg.* sic expressit, *fundo cum instrumento legato & alienato, instrumento non vindicabitur ex sententia defuncti.* Cum autem fundus & instrumentum, aut fundus instructus legatus est, licet regulariter etiam utroque hoc casu legatum instrumenti pro accessorio habeatur, eoque alienato fundo legatum instrumenti evanescat; tamen quia mens testatoris hic non tam plana ac perspicua est, quam in specie superiore, ideo admitti posse questionem voluntatis, & tentari fundo alienato nihilominus instrumentum, tamquam separatim atque æquè principaliter legatum, ex sententia testatoris deberi, eoque probato, legatarium vincere, non pugnat igitur secum Paulus, cum in *d. l. 1. in pr.* ait, sive cum instrumento fundus legatus sit, sive instructus, duo legata intelligi: nam in illa specie alterum semper accessorium est, in hac potest utrumque esse principale. Sed nec cum Justiniano, quippe qui quod regulare est, hic tantum proposuit: quod & fecit Labeo *d. l. 5.* quem idcirco explicari potius à Paulo, quam taxari oportuit. Ad hunc ferme modum hæc quoque componunt Cujac. Wesemb. post Bart. *d. l. 5.* aliter *l. 30. ibid.* Myns. Balduin. *bic.* Quanto plenius si legatum fundi instructi, quam fundi cum instrumento, docet Ulpian. *l. quæsitum. 12. §. si suppellex. 15. & §. sed si fundus. 27. cum seqq. de instrum. vel instrum. legat.*

### TEXTUS.

#### De grege Legato.

18. Si grex legatus fuerit, & postea ad unam ovem pervenerit, quod superfuerit vindicari potest. Grege autem legato etiam eas oves, quæ post testamentum factum gregi adjiciuntur, legato cedere. Julianus ait. Est autem gregis unum corpus ex distantibus capitibus; sicut adium unum corpus est ex sobarentibus lapidibus.

### NOTÆ.

18. Si grex legatus, &c. quod superfuerit vindicari) Quamvis grex esse desierit, quæ ratio est dubitandi, *l. 22. de legat. 1.* Sed nimirum qui gregem legat, etiam singula capita, quæ in eo grege sunt, ut partes totius legare intel-

ligitur, per *l. 113. de reg. jur.* Aliud juris est in legato usufructus gregis, *l. ult. quib. mod. usufructus. am.* quia usufructus rei mutatione extinguitur, *v. sup. §. pen. de usufructu.*

Unum corpus) De generibus corporum vid. *l. 30. de usurp. & usufructu.*

### COMMENTARIUS.

- 1 Ratio dubitandi circa priorem speciem hujus §. & cur non idem in legato usufructu gregis remissivè.
- 2 Ratio exempli posterioris.

GREGE legato, si numerus ovium decreverit, tamen quæ superfuerint capita debentur, etiamsi unica tantum ovis reliqua sit, *l. si grege. 22. de legat. 1.* Quo loco Pomponius etiam dubitandi causam significat: quæ hæc esse poterat, quod rei legatæ interitu legatum extinguitur, §. *si res. 16. sup. eod.* Etenim grex etsi neque accretione neque decrectione mutetur, sed idem maneat, *l. si cum. 21. §. 1. de exc. rei jud.* tamen ubi decrevit usque ad numerum minorem decem, interiisse censetur, quia iste numerus gregem non constituit, *l. ult. de abig. l. ult. quib. mod. usufructus. am. vid. l. 65. §. 1. de leg. 2.* Fabrot. *ad Tb. b. l. 79. de leg. 3.* Gregem autem legavit testator, non separatim singula capita, quæ aliud sunt, quam grex, *l. 1. in fin. de rei vind.* Dicendum est, eum, qui gregem legat, omnia capita, quæ in eo grege sunt, legare intelligi, atque ideo quicquid ex grege superest, die legati cedente, legatario deberi. Licet enim capita, quæ superfuerint, pauciora sint, quam ut per se gregem constituent, tamen quotquot superfuerint, pars sunt aut fuerunt illius gregis, qui legatus est; ac proinde etiam legato continentur, *l. in toto. 113. de reg. jur.* Nam nec area insula est: & tamen si insula legata combusta sit, responsum est, aream adhuc vindicari posse, *d. l. si grege. 22.* Nimirum quia area pars est aut fuit rei legatæ, id est, insulæ, *l. qui res. 98. §. aream. 5. vers. non est. de solut.* Nec est contrarium, quod traditur in *l. ult. quib. mod. usufructus. am.* usufructum gregis legatum, si in eum numerum pecus reciderit, quod grex constare non potest, perire. Aliud enim longè juris est in legato gregis, aliud in legato usufructu gregis. Diversitatis rationem alibi diligenter exposui sub §. *pen. sup. de usufructu.*

Ad unam ovem) Quamvis unica hæc ovis gregem non constituat, id est, universalitatem multorum capitum; est tamen unum ex capitibus illis, quæ gregem constituebant, ac proinde pars



pars rei legatæ. Vide & l. *peculium*. 63. §. 1. de leg. 2. l. *si cborus*. 79. de leg. 3. Fabrot. ad Theoph. hic

Post testamentum gregi adjiciuntur ) Exemplum contrarium, cum rei legatæ vivo testatore aliquid accessit. Cui grex legatus est, ad eum etiam omnia capita pertinent, quæ postea gregi adjecta sunt, l. *gregis*. 21. de legat. 1. Ratio est, quia testator non illum gregem, quantum tunc erat, sed planè quantumcumque erit, cum dies legati cederet, legasse intelligitur. In summa grex legatario crescit & decrescit. Eademque ratio legati armenti & equitii.

Unum corpus ex distantibus capitibus ) Ut ædium, sic etiam gregis unum corpus est: verum illud *συνμερον*, id est, connexum, atque ex pluribus partibus inter se cohærentibus constans; hoc *διασπασ*, disjunctum, constans ex pluribus corporibus distantibus, ut populus, legio, collegium, l. *in rem*. 23. §. *item quæcumque* 5. de rei vind. l. *rerum*. 30. de usuf.

## TEXTUS.

## De ædibus legatis.

19. *Ædibus denique legatis, columnas & marmora, quæ post testamentum factum adjecta sunt, legato dicimus cedere.*

## COMMENTARIUS.

1. Si *aræ legatæ domus imposita sit, superficiem simul cum solo deberi. Et quid si res legatæ in aliam speciem mutata sit?*

**A**liud exemplum argumenti rei legatæ. Per columnas autem & marmora quælibet additamenta intelligenda sunt, l. *cetera* 41. §. *item*. 9. & *seqq.* de legat. 1. Sed & si aræ legatæ domus imposita sit, placet domum, hoc est, & solum & superficiem deberi, ut disertè traditum est in l. *si aræ*. 39. de legat. 1. & l. *si servum*. 44. §. *si aræ* 4. de legat. 1. ubi hæc quidem additur exceptio, nisi testator mutavit voluntatem: sed exceptio illa confirmat, solo eo factò testatorem voluntatem mutasse non videri; ac proinde in dubio aram cum superficie deberi. Quippe cui superficies etiam alias jure accessions cedit; ut res aucta potius, quam mutata videatur, §. *cum in suo*. 29. & *seqq.* sup. de rer. div. l. *qui res*. 98. §. *ult.* de solut. Non est contrarium, quod apud Cajum scriptum est, si domo, quæ legatæ erat, destructa, aliam eodem loco testator ædificaverit, legatum eodem deberi, l. *si ita legatum*

65. §. *ult.* de legat. 1. quia destructione rei legatæ legatum interit, veluti si domum legatam testator diruat, navem legatam dissolvat, l. *lana* 88. §. 2. de legat. 3. Nova autem domus non debetur, quia non intelligitur legatæ; nisi aliud testatorem sensisse fuerit approbatum. Magis obstat locus Celsi in l. *si cborus*. 79. §. *pen.* de legat. 3. & omnino adversatur, nisi hæc Celsi verba *quamquam tunc peti non poterat*, per concessionem accipiantur: ut sit hic sensus, quamvis ponatur is casus, quo tunc, id est, stante ædificio, legatum peti non potuit, uti non potest, cum constat testatorem sic ædificasse, ut nollet domum deberi; quæ exceptio est d. l. *servum* 44. §. *si aræ*. 4. de legat. 1. tamen nunc, id est, ædificio destructo, posse aram peti: quia mutatio voluntatis tantum in eo fuit, ne domus deberetur: ita Duar. ad l. 8. de leg. 1. Don. 8. *comm.* 17. Quod si res legatæ in aliam speciem mutata fuerit, si quidem ea species ad pristinam materiam redire non potest, veluti si ex marmore statua, ex lana legatæ vestis, ex materia legatæ navis facta sit, legatum intercidit, l. *quæsitum* 78. §. *illud* 4. d. l. *lana* 88. pr. & §. 1. de legat. 3. Si verò species, in quam res translata est, in suum initium redigi potest, veluti si massa legatæ, scyphi ex ea facti sint, placet consistere legatum, atque in hujusmodi materiam prævalere, d. l. *quæsitum* 78. §. *illud*. 4. d. l. *lana* 88. §. *ult.* fac. §. *cum ex aliena*. 25. sup. de rer. div. nisi tamen aut hîc hæres probet, testatorem à legato recessisse, aut illic legatarius probet, non recessisse: quomodo accipi debet Ulp. in d. l. *servum* 44. §. *si pocula*. 2. de legat. 1. ad Don. d. cap. 17. Cujac. 5. ad *Africanum* in l. *qui usumfructum* 36. de usuf. & 23. obs. 22.

## TEXTUS.

## De peculio.

20. *Si peculium legatum fuerit, sine dubio quicquid peculio accedit, vel decedit vivo testatore, legatarii lucro vel damno est. Quod si post mortem testatoris ante aditam hereditatem aliquid servus acqviserit. Julianus ait, siquidem ipsi manumisso peculium legatum fuerit, omne quod ante aditam hereditatem acquisitum est, legatario cedere; quia hujusmodi legati dies ab adita hereditate cedit: sed si extraneo peculium legatum fuerit, non cedere ea legato, nisi ex rebus peculiariibus auctum fuerit peculium. Peculium autem, nisi legatum fuerit, manumisso non debetur: quamvis si vivus manumiserit, sufficit, si non adimatur,*



tur, & ita divi Severus & Antoninus rescripserunt. Idem rescripserunt, peculio legato, non videri id relictum; ut petitionem habeat pecunie, quam in rationes dominicas impenderit. Idem rescripserunt, peculium videri legatum, cum rationibus redditis liber esse jussus est, & ex eo reliqua inferre.

## NOTÆ.

20. Sufficit, si non adimatur) Hoc enim ipso, quod dominus peculium apud jam liberum factum manere patitur, non obscure id ei donat, l. 53. de pecul. l. un. C. de pec. ejus, qui lib. mer.

Quam in rationes dominicas) Hoc ideo, quia quod dominus servo debet, verum debitum non est, quamvis peculium augeat, l. 6. §. 4. de pec. leg. l. 7. §. pen. de pecul.

## COMMENTARIUS.

- 1 Cujus lucro vel damno fit, quod peculio legato, vivo testatore accedit aut decedit?
- 2 Cur placet, si servo manumisso peculium legatum sit, etiam quod post mortem testatoris ante aditam hæreditatem extrinsecus accesserit, legato cedere: si extraneo, non item?
- 3 Explicatur l. 8. §. ult. de pecul. legat.
- 4 Cur servo testamento manumisso peculium non debeatur, nisi legatum sit: inter vivos manumissum sequatur, nisi ademptum fuerit?
- 5 Legato peculii non contineri, quod servus domino expensum tulit.
- 6 Peculium legatum videri ei, qui rationibus reliquisque redditis liber esse jussus est.

MULTA ex hoc §. discimus. Primum, cujus lucro vel damno cedat augmentum vel deminutio peculii legati: deinde servo, qui peculium habet, manumisso, quem peculium sequatur: tum legato peculii an contineatur, quod expensum in rationes dominicas: postremo, qui rationibus reliquisque redditis liber esse jussus est, an peculium ei legatum intelligatur.

Accedit vel decedit vivo testatore) Peculium est instar universi alicujus patrimonii, in quo sunt corpora & nomina ac jura, seu credita & debita. Falsim tit. de pecul. unde fit, ut facile & deminutionem & incrementum recipiat, l. peculium 65. pr. de legat. 2. Papyrius Fronto dicebat peculium simile esse homini: quippe nasci, crescere, decrescere, mori, l. peculium 40. de pecul. Ait, vivo testatore. Neque hic distinguitur, utrum ipsi servo manumisso peculium legatum sit, an extraneo: ne-

que etiam, utrum ex rebus peculiaribus auctum sit peculium, an extrinsecus. Ratio est, quia quamdiu testator vivit, nullo casu dies legati cedit, id est, nihil dum deberi intelligitur.

Quod si post mortem testatoris, &c.) Si post mortem testatoris ante aditam hæreditatem auctum fuerit peculium, hic interest, ipsi servo manumisso peculium legatum sit, an extraneo: deinde si extraneo, utrum auctum sit peculium ex rebus ipsis peculiaribus, puta ex partu ancillarum, vel foetu pecorum; an quid aliunde peculio accesserit, puta ex operis aut quæstu servi, ex donationibus aut legatis. Si ipsi servo manumisso peculium legatum sit, placet, omne argumentum legato cedere: si extraneo, incrementa ex rebus peculiaribus dumtaxat; cætera non deberi, sed ad hæredem pertinere, l. 8. §. ult. de pec. leg. & hoc nostro text. Rationem diversi juris mox audiemus.

Quia hujusmodi legati dies ab adita hæreditate cedit) Ratio cur placeat in casu, quod ipsi servo peculium legatum est, etiam id, quod jacente hæreditate ex operis ejus vel ex alia re non peculiari accedit, ipsius lucro esse. Unde quoque simul intelligimus, cur in casu opposito penes hæredem illud maneat. Nimirum sic in universum jus est, ut cum quæritur, quantum sit in legato, id tempus inspiciatur, quo dies legati cedit, l. 8. §. ult. de pec. leg. id est, cum res legata deberi incipit, l. cedere. 213. de verb. sign. neque enim ante ad legatarium quicquam pertinere potest. Proinde si ante diem legati cedentem quovis modo auctum fuerit legatum, etiam augmentum illud legatario debetur: si post diem cedentem; id solum, quod res ipsa ex se producit. Jam verò quando ipsi servo manumisso peculium legatum est, tam peculii legati, quam libertatis dies ab adita demum hæreditate cedit, l. 7. in fin. cum l. seq. quand. dies legat. quando autem extraneo, cedit statim à morte testatoris, sicut in cæteris omnibus legatis, exceptis conditionalibus, & quæ ad hæredem non transeunt, l. 2. cum 3. seqq. d. tit. l. un. §. in novissimo. 5. & §. seq. C. de cad. toll. Consentaneum igitur omnino est, ut peculium legatum servo crescat, eamque sequatur cum omni argumento usque ad aditam hæreditatem: extraneo augeatur quovis quidem modo usque ad tempus mortis testatoris; ceterum quod jacente hæreditate extrinsecus accedit, hæredis lucro sit. Quod tamen diximus, peculii legati diem extraneo cedere ex mortis testatoris tempore, ei aperte adversatur, quod ex Juliani sententia Ulpianus in l. denique 8. §. ult. de pe-



cul. legat. scribit, si ipsi servo peculium legatur, tempus spectandum quo dies legati cedit: si verò extraneo, mortis tempus. Ergo in extraneo mortis tempus non est illud, quo dies legati peculii cedit. Paucissimi sunt interpretes, qui hoc animadverterunt: & tamen locus iste cum aliis omnibus, quibus pro certo jure traditur, diem legati cedere à tempore mortis testatoris, tam manifestè pugnat, ut sine inculpatione Compilatorum pugna hæc sedari non possit. Quid ergo dicimus? Nimirum Ulpianum cum Juliano respondisse secundum jus suorum temporum & senatusconsulta, quæ circa legem Papiam facta sunt, ex quibus dies legatorum non à morte testatoris, sed ab apertura tabularum cedebat, d. l. un. §. 1. C. de cad. toll. Quam ob causam etiam aliam hujus differentie rationem asserunt petitam à conjectura voluntatis testatoris. Id verò antiqui juris vestigium oculos ac manus confarcinatorum fugisse. VINN. Id & alibi factum, veluti in l. 104. §. 1. 31. ff. de constit. & demonstr. l. fin. ff. de donat. mort. caus. l. 3. §. ult. §. l. 42. ff. de hæred. inst. Quæ loca jam notavit Cujac. ad Ulpian. Fragn. tit. 24. §. 31. HEIN.

Nisi ex rebus peculiaribus) Puta ex partu peculiarium ancillarum foetive pecorum, d. l. 8. §. ult. de pecul. leg. Hoc enim cum accedit, ipsum peculium ex se augetur atque amplificatur: ut hujusmodi augmentum etiam post diem legati cedentem contingens merito legatarium sequatur, arg. §. item ea. 19. sup. de rer. div. l. 6. de acq. rer. dom.

Peculium autem, nisi legatum, &c. quamvis sit inter vivos) Servo testamento manumisso-peculium, nisi nominatim ei legatum fuerit, non debetur, l. si legatus. 24. de pec. leg. At eum, qui inter vivos manumittitur, placet peculium sequi, si non adimatur, l. si Stichus. 53. de pecul. l. un. C. de pecul. ejus qui lib. mer. Quæritur ratio differentie. Glossa ex Joanne hanc affert, quod inter vivos manumissus operas patrono debeat, in quorum compensationem peculium ei relictum credendum sit: libertus autem Orcinus neque hæredi neque ulli alii operas præstare teneatur. Schneidvvinus ex Jo. Fabro hanc, quod dominus servum, quem inter vivos manumittit, majori affectione prosequatur, quam quem testamento, ac proinde etiam majorem erga illum exercere intelligatur liberalitatem, quam erga hunc, cui libertatem in id tempus confert, quo rebus suis amplius uti non potest. Hinc esse, quod plus mereri dicatur, qui vivens dat eleemosynam, quam qui moriens, &c. Sed quid nodum in scirpo quærimus? Peculium servo vindicta,

verbi causa, manumisso relictum, eum neque ut compensatio operarum sequitur; quippe quas etiam adempto peculio præstaret, neque quia major putatur esse affectio domini erga servum, quem vindicta, quam quem testamento manumittit: licet enim hoc verum sit, tamen, cum morientes longè simus liberaliores, quam viventes & adhuc valentes, liberalior quoque ac prolixior interpretatio convenit voluntati morientium, quam viventium, l. in testamentis. 12. de reg. jur. Denique & cum testamento & cum vindicta servus manumittitur, missio ipsa præter libertatem nihil ei tribuit: est enim manumissio non peculii datio, sed libertatis. Sed quod vindicta manumissum peculium sequi placet, si id ei non adimatur, hanc rationem habet, quod duplex in tali casu donatio est; una expressa, libertatis; altera tacita, minimè tamen obscura, peculii. Etenim cum dominus manumisso peculium non adimit, sed id eum jam liberum sibi habere permittit, hoc ipso non obscure id ei donat ac concedit, cum si donatum nollet, posset adimere. Hoc verò in manumissum testamento quadrare non potest, qui non nisi post mortem testatoris libertatem consequitur, hoc est, eo tempore, quo qui libertatem dedit, peculium liberto relinquere non potest: & quia cum poterat, nominatim non reliquit, ideo id apud hæredem suum cum cætero jure manere voluisse censetur. fac. d. l. si Stichus. 53. de pecul. d. l. de pecul. ejus qui lib.

Petitionem pecunia, quam in res dominicas) 5 Quamvis, quod servus domino expressum tulit, id est, quod ei dominus debet, peculium servi augeat, veniatque in actionem de peculio, l. 7. §. pen. de pecul. tamen quia verum debitum non est, nec ex ea causa actio servo competere potest, placet peculio legato id non contineri, l. 6. §. ficut. 4. de pecul. leg. Quin etiam responsum est, si servo inter vivos manumisso peculium ademptum non sit, ac proinde concessum, tamen eum debitores peculiare convenire non posse, nisi mandatis sibi actionibus, d. l. si Stichus. 53. de pecul. adeoque verum videtur, quod Theophilus scribit, peculio legato, τὰ ἐν προχωρῶν ἔντα καὶ ἐν ἐταίμῳ, que in promptu & in parato sunt, dum taxat dominum legasse censeri.

Et ex eo reliqua inferre) Ex eo solo quod quis servum suum liberum esse jussit, si rationes reddidisset, peculium ei legatum defendi non potest: nam nec si vetuisset testator rationes ab eo exigere, peculium ei legatum censere-tur, l. dominus 23. §. 2. de pec. leg. Cæterum & si rationibus redditis, reliqua, id est, quæ



puratis rationibus domino eum debere competentum fuerit, de peculio solvere, aut certam summam hæredibus inferre iussus sit, ei quod in peculio superest, legatum intelligitur, l. 8. §. *interdum* 7. d. *tit.* Nam qui servum ex peculio, quod debet, aut partem peculii inferre iussit, non potest non videri de cætero aliter sensitse, per l. *quæsitum* 12. §. *idem respondit* 43. *vers.* denique Neratius, de *instru.* vel *instrum.* legat.

## TEXTUS.

## De rebus corporalibus, &amp; incorporalibus.

21. Tam autem corporales res legari possunt quam incorporales: & ideo quod defuncto debetur, potest alicui legari, ut actiones suas hæres legatario præstet; nisi exegerit vivus testator pecuniam. Nam hoc casu legatum extinguitur. Sed & tale legatum valet: Damnas esto hæres meus domum illius reficere: vel, illum ære alieno liberare.

## NOTÆ.

Actiones legatario præstet) D. l. 43. §. 9. d. l. 75. §. 2. eod. 1. Sed & non expectata cessione actionum directarum utilibus suo nomine experiri potest, l. 18. C. eod.

## COMMENTARIUS.

- 1 Legato nominis quid contineatur?
- 2 Extingui hoc legatum, si dum vivit testator, debitum exactum fuerit, aut etiam ultro solutum; & quare?
- 3 Admitti tamen hic probationem non mutata voluntatis ex facti circumstantiis.
- 4 Quid juris, si cum debitum peti ceptum esset, testator inter moras iudicii, aut nondum facta solutione decesserit?
- 5 Etiam facta legari posse, ut qui iussus est facere, parere debeat; & quibus conditionibus?

Concludi hic videtur locus de rebus, quæ rectè legentur. Duo autem sunt, quæ hoc §. docemur. Unum est, posse legari tam res incorporales, quam corporales. In textu tractatio est. Alterum, non solum res, quæ propriè & specialiter dicuntur, legari posse, sed etiam facta.

Quam incorporales) Non modo res corporales, ut fundus, ædes, homo, vestis, aurum, argentum, pecunia numerata, &c. legari possunt: sed etiam incorporales, ut usus, usufructus,

fructus, servitutes prædiorum, pars hæreditatis, aut bonorum liberatio, actio, seu nomen debitoris. Et hoc est, quod Jurisconsultus ait, & corpora omnia & jura & servitutes legari posse, l. *cætera* 41. in *pr.* de *legat.* 1. Quid usu, usufructu, quid servitute legata legato contineatur, explicatur propriis *tit.* in  $\pi$  quid legata parte hæreditatis, l. 8. §. *ult.* de *legat.* 2. l. *mulier* 22. §. *ult.* ad *sen. Treb.* quid parte bonorum, l. 9. de *legat.* 2. l. *non amplius* 26. §. 2. l. *si quis* 23. de *legat.* 1. De liberatione legata, & quid eo legato contineatur, diximus sup. §. *si quis debitori* 13. agiturque de eo item *tit.* proprio in  $\pi$ . Hic de legato nominis agendum est.

Quod defuncto debetur potest alicui legari) Quod mihi debetur, & debitori meo rectè lego, legatum dicitur liberationis, & tertio alicui. Veluti, *Centum, quæ mihi Sejus ex causa mutui debet, Tertio do, lego, l. si sit legatum* 75. §. 1. & 2. l. *non quocumque* 82. §. *pen.* de *legat.* 1. estque id legatum, quod passim nominis appellatur, l. *servum* 44. sed et si 6. de *legat.* 1. l. 11. §. *ergo* 13. l. *nomen* 34. l. *qui chirographum* 59. de *legat.* 3. l. *ex legato* 18. C. de *legat.* Qui chirographum legat, debitum quoque seu nomen aut actionem legare intelligitur, non tabulas solum, d. l. *servum* 44. §. *eum* 5. de *legat.* 1. d. l. *qui chirographum* 59. eod. 3.

Ut actiones legatario præstet) Legato nominis nihil amplius continetur, quam ut actiones suas hæres præstet, d. l. *servum* 44. §. *sed* & si 6. d. l. *si sic legatum* 75. §. 2. l. *legatum* 105. de *legat.* 1. Ex quo intelligere possumus, nomine legato neque pecuniam ab hærede posse exigi, neque periculo ejus nomen esse; sed cessione actionum, licet inanium, si forte debitor solvendo non sit, hæredem defungi: tum etiam nullum esse tale legatum, si nihil debetur, & vel eo etiam casu, quo certam quantitatem testator expressit, veluti si dixerit, *Decem, quæ mihi Sejus debet, Titio lego, d. l. si sit legatum* 75. §. 2. Atque olim quidem sive nomen legatum fuerat, sive venditum aut donatum, nulla actio legatario venditori, aut donatario prodita erat, qua suo nomine cum debitore experirentur; sed expectandum iis erat, donec hæres aut creditor actiones suas mandaret: quibus mandatis, non suo, sed mandantis nomine & procuratores in rem suam experiebantur. Postea verò his utiles actiones adversus debitores tribui cœperunt, quas suo nomine, non expectata cessione directarum, exercerent, l. *ex legato* 18. C. *hoc tit.* l. 5. & l. 7. C. de *her. vel act. vend.* l. *cum* 16. in *pr.* de *act.* Quod ideo videtur constitutum esse, quia



quia celsio actionum sæpe protrahebatur, & inter dum nec cedi actio potest, ut in specie l. 1. C. de obl. & act.

Nisi exegerit testator pecuniam ) Nominis legatum ita demum effectum habet, si debitum à vivo testatore exactum non fuerit; cæterum si testator post factum testamentum pecuniam à debitore exegerit, legatum extinguitur, teste Ulp. d. l. si sic legatum 75. §. 2. de legat. 1. Quod hic confirmat Justinianus. Ratio hujus rei est, quia testator exacto debito, quod legaverat, ademisse legatum videtur: quemadmodum & ille, qui rem legatam postea alienavit, l. fideicommissa 11. §. si rem 12. & seqq. de legat. 3. Quin alia etiam ratione, eaque fortiore id hic efficitur, quam ubi res legata postea alienatur. Nam res tamen alienata est, durat, legatumque consistere potest, licet res aliena facta sit: at cum nomen exactum est, extinguitur ipsa substantia debiti, ἢ οὐσίας τῆς χρεῦς, hoc est, illud ipsum, quod legatum est, perimitur, ut frustra desideraturus sit legatarius, actiones sibi ab hærede præstari, quæ nullæ supersunt. Hæc differentie ratio indicatur d. l. fideicommissa 11. §. ergo 13. & d. l. si sic legatum 75. §. 2. nec absimile est, quod traditur in l. 7. §. liberatio 4. de lib. leg. legatum liberationis evanescere, si dum vivit testator, debitum exactum fuerit. Sed & si ultro, quod debebatur, solum est, vel acceptilatione aliave qualibet ratione debitor liberatus, legatum nominis, sicut & liberationis, extinguitur, l. id 21. de lib. leg. Enimverò etiam hic admittitur probatio non mutatae voluntatis ex facti circumstantiis, l. pen. §. ult. de adm. leg. Finge, ideo nomen exactum esse, quia forte debitor ad inopiam vergebat, & pecuniam pro deposito testatorem habuisse; poterat legatum aut fideicommissum peti, quasi non hoc animo testator debitum exegerit, ut legatum adimeret, d. l. fideicommissa 11. §. ergo 15. Peretur autem hoc casu legatum recta ab hærede; nam frustra etiam hic legatarius ageret cum hærede, ut actiones sibi cedantur: quippe quæ debitore liberato nullæ supersunt. Similiter si debitore ultro pecuniam obtulit, & acceptam item pro deposito testator habuit, placet, legati aut fideicommissi petitionem superesse, quasi voluntate non mutata, d. §. ergo 13. l. fideicommissa 11. Exigi verò etiam in hoc casu videtur, ut in deposito sit habita pecunia: secus autem esse, si ut in solum data, ita simpliciter in solum accepta sit, arg. d. l. fideicommissa 11. §. ergo 13. d. l. si id 12. de lib. leg. ubi simpliciter Jurisconsultus respondet, solutione debiti extingui legatum

nominis. Glossa tamen distinguendum putat inter debitorem, qui ultro solvit, & qui à creditore conventus: quam distinctionem Schneidvino probari video. Ait, nisi exegerit. Quid ergo, si cum pecunia peti cœpta esset, testator inter moras judicii, aut etiam post sententiam nondum facta solutione decesserit? Bart. in l. nepoti 6. de instr. vel instrum. leg. eumque secuti Ang. & Myns. hic, putant, eo casu petitionem legati superesse, nec intelligi ademptum legatum quamdiu res non desit esse planè integra. Et verò si rem legatam vendidisset testator, eaque nondum tradita decessisset, legatum pro extincto non esse habendum probat textus in l. pradia 27. §. liberto 3. de instr. vel instrum. leg. Quod etiam nobis videri supra diximus in §. si rem 12. Sed non sunt hæc prorsus similia. Et alienatio rei legata non necessaria, & petitio debiti, argumenta sunt mutatae voluntatis. Cæterum nuda venditio, seu quæ traditione consummata non est, pro alienatione non habetur, quod effectum attinet ademptionis; ideo scilicet, quia traditio arbitrii venditoris ejusdem testatoris est, qui rei dominio, quod transferre poterat, retento, & maximè si nec pretium acceperit, non videtur protinus legatum ademptum voluisse. Non debet autem legatario prodesse, quod moras necit debitor, aut judex sententiam differt. Adde quod actio in judicium deducta consumitur, licet nova nascatur judicatio. Nihil sanè pro Bart. sententia facit, d. l. 6. de instr. leg. Nam in specie illic proposita vel maximè debetur quod exactum est, idque pro confesso sumitur, sed dubitatur, an si debitor condemnatus vivente testatore non satisfecit, etiam ejus petitionem legatarius habeat, quod ex sententia judicis debitum necdum solum est, propter verba legati, Quod meum erit: quibus testator usus proponitur.

Damnus esto hæres meus domum illius rescire ) 5  
Etiam facta, ut diximus, rectè legantur, aut in fideicommissum deducuntur. Id est, damnari potest hæres, aliufve, qui testamento obligari potest, rogari, ut aliquid in gratiam alterius faciat, vel non faciat; & qui jussus aut rogatus est, parere debet, modo ne quod fieri scriptum est, contra jus vel bonos mores sit, l. si quis 112. §. pen. de legat. 1. aut æstimationem non recipiat, veluti si hæres liberos suos emancipare jussus sit, aut extraneum aliquem adoptare, l. filiusfam. 114. §. sed si 8. de legat. 1. l. uxorem 41. §. ejus hæres 8. de legat. 3. Junge tamen l. si cui 92. de cond. & dem. Facere jubetur hæres & licitè in exemplis hic propo-



fitis, cùm damnatur domum alicujus rescire, vel aliquem ære alieno liberare & similibus, veluti si jubeatur alteri domum vel monumentum extruere, aut fundum vendere, *l. mortuo* 29. §. ult. de legat. 2. *l. si cui* 49. §. antepen. & seqq. eod. 1. *l. fideicommissa* 11. §. ult. eod. 3. Paul. 3. *sént.* 6. Non facere, veluti si veretur fundum aut domum aliamve rem alienare extra familiam, *d. l. filiusfam.* 114. §. cum pater 15. de legat. 1. *l. peto* 69. §. fratre eod. 2. Planè si id, quod fieri jussum est, ad nullius utilitatem pertineat, veluti si testamento quid venditionem alienari, nec causa expressa sit, & persona ignoretur, propter quam testator id fieri velit, placet scripturam, quasi nudum præceptum contineat, nullius momenti esse, *d. l. filiusfam.* 113. §. Divi 14. *l. pater* 38. §. Julius 4. *l. Lucius.* 93. in pr. de legat. 3. Ejusdem generis sunt, quæ à Papiniano dicuntur ineptæ defunctorum circa sepulturam voluntates, veluti ut vestes aut ornamenta in funus impendantur, *l. servo* 113. §. ult. de leg. 1. *l. ult.* §. 2. de aur. leg.

## TEXTUS.

## De legato generali.

22. Si generaliter servus, vel res alia legetur, electio legatarii est, nisi aliud testator dixerit.

## NOTÆ.

22. Si generaliter) Valet legatum generis, cùm corpora ei subjecta sunt uniusmodi, eadem forma interna & natura constant, veluti si homo, equus, aut bos legetur: alias inutile est, v. g. si animal legatum sit. Sed & si domus legata sit aut fundus, nec fundum ullum aut domum testator habeat, magis derisorium, quàm utile legatum est, *l. 69.* §. 4. de jur. dot. fac. *l. 18.* de leg. 1. nimirum, quia ista certam determinationem à natura non habent, & nimium quàm utilitate distant, *l. 24.* §. 2. eod. 1.

Electio legatarii est) *L. 108.* §. 2. eod. t. *l. 2.* §. 1. de opt. leg. ut & in rebus disjunctim legatis, *l. 34.* §. pen. eod. 1. *l. 23.* eod. 2. Aliud est in contractibus, §. 33. *vers.* Huic autem, *infr. de act.* *l. 10.* in fin. de jur. dot. Neque enim tam largam contractus, quàm ultimæ voluntates interpretationem recipiunt, *l. 12.* de reg. jur. Non est autem electio hæc planè libera, *d. l. 37.* de leg. 1.

Aliud testator dixerit) Aut sermonem ad hæredem direxerit, ut in formula legati damna-

tionis: nam per exæquationem legatorum nihil derogatum voluntati testatoris, §. 2. *sup. eodem.* Wefemb.

## COMMENTARIUS.

- 1 Quid prudentibus sit genus, quid species?
- 2 Definitionem hujus §. ad genera summa aut subalterna non pertinere, sed tantum ad genus infinitum: nec tamen aliter, quàm si species huic generi subjecta certam à natura habeant determinationem.
- 3 Si res generi legato subjecta natura determinata non sunt, legatum inutile esse, nisi testator res ex eo genere habeat: & num hoc etiam in fundo simpliciter legato obtineat?
- 4 Ubi utile est legatum generis, regulariter electionem esse legatarii.
- 5 Vetus & speciosa inter genera legatorum circa potestatem eligendi differentia.
- 6 An ipsius differentie ratio adhuc habenda, postquam legatorum omnium una cœpit esse natura?
- 7 Quibus casibus hæredis sit electio, etiamsi testator id non expresserit?
- 8 Electionem in casu nostro non esse usquequaque liberam, & quid hic jure patrio?

INsignis hic locus est & difficilis. Illud primo notandum, genera à nostris dici ea omnia, quæ sub appellatione communi plures res huic appellationi subjectas continent, etiam ea, quæ plerique Dialecticorum species esse ajunt, genera esse negant; cujusmodi sunt, verbi causa, homo, equus, bos; species autem nostris esse, quæ Dialectici vulgo vocant individua, & non esse species contendunt, ut Stichus, hic equus, hic bos. In quo nostri communem usum loquendi sequuntur; veluti cùm dicunt, in mutuo recipi non eandem speciem, sed genus; pro quo in scholis dicerent, non idem numero, sed idem specie. Quin etiam ex sententia quorundam philosophorum verè quæ de individuis prædicantur, genera sunt, scilicet infima, individua ipsa species, nempe specialissimæ; atque adeo ab ipso etiam Aristotele sic appellantur, ut videre est *l. 2. philos. c. 3.* & *lib. 3. c. 4.* item *lib. 1. de part. animal. cap. 4.* Deinde non omne legatum generis valere. Interpretes primum & rectè hinc remouent genera summa & subalterna, veluti si quis substantiam, corpus, aut animal simpliciter leget: quia in his ea est infinitas generis, ut rem levissimam ex eo genere & vel minimam de mundo, ut loquuntur, hæres præstando liberaretur. Dein in genere



nere infimo, quod uti diximus, in scholis est infima species, rectè distinguunt inter res huic generi subjectas, ut, si tales sint, quæ certam determinationem habeant à natura, ut homo, equus, bos, earum rerum generaliter relictarum legatum valeat, *l. 13. l. legato. 37. in pr. l. si servus. 108. §. 2. de legat. 1. l. hæredes. 25. §. si incerto. 17. fam. ercisc.* Si verò natura determinata non sint, ut fundus & domus, (quippe quæ non natura, sed destinatione hominis constituntur, *l. 24. §. quod si 3. de legat. 1. l. locus. 60. de verb. sign.*) in eo omnes consentiunt, ut si testator nullas ædes aut fundos habuerit, ex simplici harum rerum legato nihil debeat, magisque derisorium tale legatum sit, quàm utile, *l. si domus. 71. de legat. 1. l. cum post. 69. §. gener. 4. de jur. dot. l. ita stipulatus. 115. in pr. de verb. obl.* utpote quod à superiore nihil aut parum utilitate distet; aut, quod magis puto, quia his rebus simpliciter legatis, nullisque à testatore relictis, tanta est incertitudo, ut nullo modo definiri possit, quantum præstari debeat, ac proinde similiter habendum, ac si ignotum legatum sit, *l. cum post. 69. §. gener. 4.* Quod si testator fundos aut ædes habuerit, ædibus simpliciter legatis, omnes consentiunt, legatum esse utile, et usque ex his, quas testator reliquit, deberi: estque in eam rem textus apertus in *d. l. si domus. 71. in pr.* At si fundum in genere legaverit, alii non magis hoc casu legatum valere putant, quàm si nullos fundos testator habuisset: alii tam fundi legatum utile esse, quàm domus, unumque ex fundis, quos testator regionibus distinctos habuit, præstandum. Pro illis facit, quod generaliter traditum est, fundo non demonstrato, nec legatum ullum nec stipulationem esse, *d. l. cum post. 69. §. genera 4. d. l. ita stipulatus. 115. in pr.* pro his exemplum ædium legatarum, *d. l. si domus. 71. de legat. 1. quarum & fundi hæctenus eadem ratio videtur, arg. d. l. 24. §. pen. de legat. 1.* tum quod cum testator generaliter rem aliquam legat, dari jubet, de suis eum rebus sensisse existimandus sit, uti responsum est, si quis hæredem damnaverit, vinum, oleum, frumentum dare, non adjecta quantitate, hoc legatum sic esse accipiendum, quasi testator legasset vinum, oleum, frumentum suum, & tantum, quantum ex his generibus habuit, *l. 7. de trit. vin. ol. leg.* Cui sententiæ, quæ est petri de Bellapert. in *d. l. ita stipulatus. 115.* ego quoque accedo; quamvis contraria pluribus probata dicatur: quod tamen & ipsum incertum est, vel teste Gomezio & ipso contrariæ sententiæ assertore, *1. resol. 12. n. 32. &*

Tom. I.

*2. resol. 11. n. 9. consul. D. Don. in d. l. ita stipulatus. 115. n. 13. & seqq.* ubi simul docet, stipulationis & legati non eandem per omnia in proposito rationem esse: quod & verum esse; vel ex sola collatione, *d. l. 7. de trit. vin. leg. & l. triticum. 94. de verb. obl.* apparet. Quinimmo, etsi nullum fundum nullasve ædes testator habuerit, ex æquitate tamen juris Can. atque ex verisimili mente defuncti simplex harum rerum legatum sustinendum esse, & pro modo facultatum ejus, dignitate, ac charitate, vel necessitudine legatarii statuendum, quales præstari debeant, post Archidiac. Panorm. Felin. & Alexandrum censet idem Gomezius *d. loc. n. 10.* ac moribus quoque id receptum tradunt Autumn. confer. *du droit. au d. l. 71. Grot. 2. introd. 22.*

*Electio legatarii est*) Ubi utile est legatum generis, placet, electionem non hæredi, sed legatario dari, ut hic scriptum est, in *l. 2. §. 1. de opt. leg.* idemque est, si plures res disjunctim legatæ sint, veluti Stichus aut Pamphilus, *l. planè. 34. §. pen. de legat. 1. l. si cui. 19. l. Lucio. 23. eod. 2.* aut si ex duobus juribusve rebus nominatis una legata fuerit, puta si testator dixerit: *Ex duobus servis meis unum Titio do, lego, l. qui duos. 20. de legat. 1.* Diversi autem casus sunt, qui proponuntur in *l. si quis. 32. §. 1. l. cum servis. 39. §. scio. 6. eod.* Cæterum additur hic exceptio, nisi aliud testator dixerit. Addamus & alteram, nisi sermonem ad hæredem direxerit; nisi potius dicimus, hoc etiam verbis illis, nisi aliud dixerit, significari. Sed etsi testator aliud non dixit, magna tamen adhuc cautione, quod hic simpliciter definit Justinianus, in legato generis legatarii electionem esse, indiget. Jure veteri etiam, cum genere legato, aut duabus rebus disjunctim, de jure eligendi quæritur, differentia erat inter genera legatorum. In legato vindicationis legatario, in damnationis hæredi electio permittebatur: cujus differentia testimonia non obscura videmus in *l. planè. 34. §. pen. l. si à substituto. 45. §. 1. l. si hæres. 110. de legat. 1. d. l. si is cui. 19. d. l. Lucio. 23. l. si ita. 43. §. ult. eod. 2. l. qui concubinam. 29. §. 1. eod. 3.* Hoc autem & voluntas testatoris exigere visa est, & ratio juris. Voluntas testatoris: quippe qui in legato vindicationis sermonem confert ad legatarium, ei dans, legans, eum sumere, capere, sibi habere jubens. In legato autem damnationis hæredem alloquitur, damnans, jubensve eum dare aut facere. Ratio juris, quia is, cui per vindicationem res legata erat, non tam eam actione in personam ex testamento petere poterat, sed etiam

Cccc

jus



jus eam vindicandi habebat, & petendi actione in rem. Par autem est, ei electionem tribui, qui rem vindicare potest, quod significat African. *l. si servus* 108. §. 2. *de legat. 1.* ubi ait, ejus electionem esse oportere, cui potestas fit, qua actione uti velit. At cui per damnationem quid relictum erat, is eam rem vindicare non poterat, sed tantum in personam ex testamento agere, hæredemque ut debitorem quasi ex contractu obligatum convenire hujusmodi puta formula, *Ajo, te mihi servum dare oportere, aut hac, Ajo, te mihi Stichum aut Pamphilum dare oportere.* Itaque juris ratio postulabat, ut hic hæredi concederetur electio exen- plo cæterorum debitorum, quorum regulariter electionem esse in debito generis, aut pluribus rebus disjunctim promissis constat, §. *si quis agens.* 33. *res. huic autem inf. de act. l. plerumque.* 10. *in fin. de jur. dot. l. ubi autem* 75. §. *qui illud.* 8. *de verb. obl.* Quæritur verò, an hodie distinctionis istius ulla porro ratio habenda sit. Nam postquam Justinianus differentiam generum legatorum sustulit, legataque omnia sic exæquavit, ut etiam jus vindicandi, à quo jus eligendi pendere videtur, per *d. l. si servus* 108. §. 2. *de legat. 1.* ex omnibus concesserit, *l. 1. C. comm. de legat.* multis visum est, electionem legatarii factam perpetuam, neque ex modo legandi amplius æstimandam. Verum ego eorum sententiam veneror, qui negant, legatorum illam exæquationem ad effectum, de quo hinc agimus, trahi oportere: quippe quæ, ut supra quoque monui, sic semper accipienda sit, ut ne quid admittatur contra voluntatem testatoris. Utri autem electionem tributam testator velit, legatarione, an hæredi non potest apertius declarare, quam cum jubet, aut legatarium vindicare, aut hæredem dare. Illic enim, cum verba executiva, ut loquuntur, ad legatarium dirigit, apertissimè significat, se eligendi quoque potestatem ei facere: hic verò cum eadem verba ad hæredem refert, hoc ipso contra ostendit, se hæredis arbitrio permittere, quam rem velit dare. Et igitur si testator legaverit, *Hæres meus damnas esto hominem dare;* vel sic alternativè. *Hæredem meum Stichum aut Pamphilum dare jubeo:* in his legatis dicimus, etiam nunc hæredi electionem concedendam, non obstante supra dicta exæquatione. Nihil enim magis rationi repugnat, quam ut ibi electionem tribuamus legatario, ubi eam testator tam manifestè permittit hæredi. Quamobrem nec vindicationem legatario ante dari oportebit, cum hæres declaraverit, quid ex genere aut rebus disjunctim hoc modo legatis præstare

velit. Atque hanc sententiam post Gloss. Bart. & comm. DD. in *l. Lucio.* 23. *de legat. 2.* & *re l. legato.* 17. *eod. 1.* probat Gomez. 2. *var. ersol.* 11. *nu.* 43. nec non summi viri Covar. in *c. indicante.* *num.* 3. *x. de testam.* Ant. Faber 6. *conj. 1.* Wesemb. & Bachov. *hic.*

*Nisi aliud testator dixerit*) Aliud dixisse testator intelligi debet, non tantum si expressis verbis hæredi electionem permiserit, *l. servo.* 12. *de opt. leg. l. hujusmodi.* 84. §. *Stichum.* 9. *de legat. 1. l. 11. in fin. eod.* 2. verum etiam si verba legati executiva ad hæredem direxerit, ut fit, cum quid per damnationem ab hærede legatur, ut jam dictum & demonstratum est. Planè enim cum ex voluntate testatoris tota hæc res æstimanda sit, parum interest; verbis, an per modum legandi voluntatem suam declaraverit. Sed etsi testator aliud non dixerit, opus tamen hinc est non una cautione. Nam neque ad res omnes generaliter legatas definitio Justiniani pertinet, & ad quas pertinet, in his electio legatarii non est infinita. Sciamus igitur primum, definitionem tantum pertinere ad eas res, quas ex eo genere testator habuit: si nulla habuit, placere, hæredis arbitrio potius rem permitti, quam legatario infinitam electionem dari, de qua verisimile non est testatorem sensitse cum tam insigni onere hæredis, *arg. l. unum.* 67. §. *si rem.* 8. *de legat. 2.* Et quod de vino certa quantitatis expressè traditum est *l. 3. de trit. vin. leg.* non est dubium, quin ad cæteras quoque res pertineat, idemque dicendum sit, non solum si certa quantitas, verum etiam si corpus in genere legatum fuerit, puta servus, nec ullum servum testator reliquerit. Id quod etiam ex eo efficitur, quia rei, quæ testatoris non fuit, vindicatio legatario competere non potest: at illa cessante nulla electio, *d. l. si servus.* 108. §. 2. *de legat. 1.* Deinde nec pertinere definitionem ad res omnes, quas testator ejus generis habuit, sed ad corpora tantum, aut species, non ad quantitatem: quippe quæ undecumque sumi & solvi potest, *l. 4. de tritic. leg. l. Titia.* 35. §. 1. *de aur. arg. leg.* & qua legata, ut quantitate, nec actionis electio nec vindicatio est. Sed & cum corpora genere legato contenta certis finibus natura circumscripta non sunt, qualia sunt domus, navis, fundus, non legatarii, sed hæredis electio est, qui rem unam quam volet, ex his, quas testator habuit, legatario dabit. De domo legata hoc apertè scriptum est in *l. si domus* 71. *in pr. de leg. 1.* quapropter dubitandum non est, quin idem obtineat, si navis simpliciter legata sit, aut fundus, posito, quod



quod non putamus, fundi legatum valere, si testator fundos habuit. Ratio est non ea, quam vulgo afferunt, quod hæres præsumatur melius scire, de qua re testator senserit; nam hæc ratio in hæredibus extraneis, in impuberibus, furiosis, &c. locum non habet, & si vera esset, hæredi indistinctè tribui deberet electio: sed ne, si legatario hæc electionem concedimus, hæredem, supra quam credibile est testatorem voluisse oneremus, quæ conjectura legis est, *d. l. unum* 67. §. *si rem.* 8. *de legat.* 2. *Mantic. de conjeft. ult. vol. lib. 3. tit. 1. n. 26.* Nam inter ædes & ædes, inter navem & navem, inter fundum & fundum fieri potest ut nulla sit proportio & major distantia, quam inter Mantuam & Romam, inter viburnam & cupressos: quæ ob causam, etiam his rebus generaliter legatis, si testator nullas ejus generis habuit, legatum inutile habetur. Estque hæc etiam interpp. nostrorum communis opinio, teste Gomez. quam & ipse probat 2. *var. res.* 11. n. 9. Auctoritas Pandectarum Florentinarum, (in quibus hæc scriptura est in *pr. d. l. si domus.* 71. *Si domus alicui simpliciter legata sit, cogentur hæredes quam vellet domum ex his, quas testator habuit, legatario dare*) me aliquando movit, ut etiam domo aut re alia ejusdem conditionis indistinctè legata, putarem legatario electionem competere: sed plus apud me nunc valet consensus reliquorum omnium exemplarium, in quibus constanter legitur, *cogetur hæres, quam domum volet, &c.* ob rationem allegatam; scriptura Florentina orationem efficit duriorem. In editione Haloandri legitur, *cogentur hæredes, quam domum volent, &c.* quæ scriptura etiam certius, quam vulgata, hæredi electionem tribuit. VINN. Sed magis est, ut servetur electio Florentina. Haloander enim ex ingenio scripsit *volent*, nec consensus reliquorum exemplarium opponi potest Florentinæ reliquorum fonti. Vid. Cl. Henr. Brenckmanæ *Hist. Pandect. lib. 3. cap. 11.* Si ergo plures hujus generis res reliquit testator, omnino electio erit legatarii. Nec obstat *l. 37. §. 1. ff. de legat. 1.* quippe ubi magis species certa legata, quam genus. Denique præsumptio quidem est, testatorem voluisse; quam minimum onerare hæredem suum, *l. 67. §. 8. ff. de leg. 2.* sed & fortior militat præsumptio pro legatario, quod ei electionem concedere voluerit testator, dum speciem certam non expressit. HEIN. Postremo sciendum est, etiam tunc cum legatario electio datur, non dari infinitam & per omnia liberam, ut possit ex genere legato quodcumque velit etiam optimum eligere; puta

verbi causa, homine generaliter legato, auctorem; sed conclusum intra modum, ut ne optimum accipiatur, *l. legato. 37. de legat. 1.* Unde apparet, veteres in tota hac electione id semper egisse, ne immensum quid tribueretur legatario, neve hæres nimis oneraretur. Illud expeditum est, si de certo servo, aut re alia testator senserit, nec appareat de qua, hæredis electionem esse, *d. l. legato. 37. §. 1. fac. l. si quis. 32. §. 1. l. cum servus. 39. §. scio. 6. eod.* Secundum jus harum regionum sic in dubio, genere legato, circa electionem definiendum censet Grotius *lib. 2. manuduct. cap. 22.* Si ejus generis, quod legatum est, res sint in bonis defuncti, legatario electionem permittendam, siue res istæ naturalem determinationem habeant, ut equus, siue arbitriariam, ut domus, navis. Sin autem defunctus nullas ex eo genere res habuerit, aut si res pondere mensurave constans simpliciter legata sit; tum hæredi permittendum unde velit, hujus generis rem sumere & præstare: id enim voluntati defuncti, cujus solius apud nos ratio habetur, maxime videri consentaneum. Cæterum neque posteriore hoc casu hæredem defuncti pessimum dando: neque priore illo legatarium posse optimum vindicare, extra quam si duæ tantum species istius generis in hæreditate defuncti reperiantur.

## TEXTUS.

## De optione legata.

23. *Optionis legatum, id est, ubi testator ex servis suis vel aliis rebus optare legatarium jusserat, habebat olim in se conditionem: & ideo nisi ipse legatarius vivus optasset, ad hæredem legatum non transmittibat. Sed ex constitutione nostra & hoc in meliorem statum reformatum est, & data est licentia hæredi legatarii optare servum, licet vivus legatarius hoc non fecerit. Et diligentiore tractatu habito, & hoc in nostra constitutione additum est siue plures legatarii extiterint, quibus optio relicta est, & dissentiant in corpore eligendo: siue unius legatarii plures hæredes sint, & inter se circa optandum dissentiant, alio aliud corpus eligere cupiente, ne pereat legatum, (quod plerique prudentium contra benevolentium introducebant,) fortunam esse hujus optionis judicem, & forte hoc esse dirimendum, ut ad quem fors pervenerit, illius sententia in optione præcellat.*

## NOTÆ.

23. *Habebat in se conditionem* Σιωπηρᾶς; quod tamen



tamen à Theophilo additum non est, ut quidam falso tradunt.

*Constitutione nostra*) Extat in l. ult. C. comm. de legat.

*Sorte esse dirimendum*) Frequens admodum etiam apud veteres sortis iudicium, l. 14. de iudic. l. 5. fam. etc. l. 24. §. 14. de fideic. lib. ubi scilicet animi iudicio negotium explicari non potest: alias sorti res non committitur, l. 8. de pact. §. 1. sup. de satisd. tut. l. 47. in fin. pr. C. de episc. & cler.

### COMMENTARIUS.

- 1 Legatum electionis idem esse, quod optionis diversum autem à simplici legato generis & alternativo.
- 2 Legatum generale & alternativum, quantumvis cum iure eligendi, non esse idem cum eo, quod optionis dicitur.
- 3 Optionis legatum habuisse olim in se conditionem, eamque coherentem personæ legatarii, ita ut ad hæredes non transmitteretur.
- 4 Explicotur l. si sic. legatum. 75. §. pen. de legat. 1. rejecta interpretatione Donelli.
- 5 Notatur inconsiderantia Bachovii.
- 6 In l. ult. C. comm. de legat. nihil cautum de iure optandi transmittendo: sed temere diversos casus misceri.
- 7 Frequens fuisse apud veteres iudicium sortis; qui & micatione digitorum usi.

**Q**uidam putaverunt, aliud esse legatum optionis, aliud electionis; quod falsum esse, atque utroque vocabulo significari speciale ac solemnem electionem, manifestè apparet; ex l. 5. de legat. 1. l. 1. l. 2. in pr. & §. ult. l. 4. l. si tibi. 8. in pr. & pass. tit. de opt. vel elect. leg. Caterum legatum optionis seu electionis diversum esse à simplici legato generis aut alternativo, certum est, d. l. 2. in pr. & §. 1. l. cum ita. 9. §. 1. d. tit. Nec una inter hæc differentia est. Nam primum in legato optionis solemnis est & expressa electio; in legato autem generis & alternativo inest quidem etiam electio, sed tacita & simplex, non solemnis. Deinde optionis legatum semper relinquebatur per vindicationem: generis aut alternativum sæpe per damnationem.

2 Hinc est, quod in legato optionis electio sit essentialis, atque ea, legata optione, non possit non esse legatarii; in legato autem generali & alternativo nonnunquam hæredi electio competit; vel quia expressè ei data est, vel quia forma legandi tacitè in eum collata. Præterea generis legatum purum est, ac proin-

de si antequam vindicet, legatarius decesserit, ad hæredem transmittitur, l. nec semel. 12. §. pen. quan. dies leg. ced. ac optionis legatum habebat olim in se conditionem, scilicet si ipse legatarius optasset, ut hic ait Justinianus: eratque adeo jus hoc optandi merè personale, ut in hæredem transferri non potuerit. Ad hæc cui genus legatum est, ei optimum ex eo genere eligere non licet, l. legato. 37. de legat. 1. ei autem licet, cui legata est optio, l. si quis. 9. §. 1. de dol. mah. Grot. 2. manuduct. cap. 22. excepto casu speciali l. ult. §. 1. C. comm. de leg. Denique optio solemnis numeratur inter actus legitimos, l. actus. 77. de reg. jur. quo sanè referri non potest simplex, quæ legato generis inest, electio. Planè in d. tit. de opt. leg. occurrunt quidem etiam loci, in quibus tractatur, genere legato, cui arbitrium eligendi permittendum sit, ut in l. 2. §. 1. l. servo. 12. l. si Pamphilo. 10. sed aliter fieri non potuit propter affinitatem, quam alterum legatum cum altero habet. Et enim in utroque electio: & in eo quoque conveniunt, quod semel dumtaxat optare aut eligere licet, l. 5. de legat. 1. l. apud Ausidium. 20. de opt. leg. fac. l. huiusmodi. 84. §. Stichum. 9. de leg. 1. l. statu liberum. 11. in fin. eod. 2. Idem in his, quod in utroque legato singulæ res quodammodo sub conditione legatæ intelligantur, l. 3. qui & à quib. man. quod res omnes, quarum aut genus aut optio legata, exhibendæ, l. 4. de opt. leg. l. 3. §. item si 6. ad exhib. Quin amplius, etiam si in legato generis aut alternativo nominatim facultas eligendi legatario data sit, veluti si ita testator dixerit, Titio servum, quem voluerit, do, lego, vel; illud aut illud, utrum elegerit, puto tamen nihilo magis optionem legatum; sed pro simplici legato generis aut alternativo hoc etiam habendum, arg. l. illud aut illud. 19. de opt. leg. Propriè enim optio legata dicitur, cum ipsa electio, τὸ προαιρετικόν, legatur, veluti si dicat testator, Titio optionem servorum meorum do, lego: quo casu tres servos eligi posse rescriptum est, l. 1. eod. vel sic: Titius ex servis meis, quem volet, optato: vel, Ex scyphis meis, quem velit; eligit, sibi que habeto. Julianus in l. si Pamphilo. 10. eod. verbum optionis in generaliore significatione accepit pro quavis electione.

*Habebat in se conditionem*) Σιωπηρὸς. Veteres, ut hic commemorat Justinianus, credebant, legatum optionis in se habere hanc conditionem, si ipse legatarius optasset. Quæ quidem conditio et si tacitè inerat, cujus generis conditiones non solent facere legata conditionalia, l. conditiones. 99. de cond. & dem. tamen quia



quia ex voluntate testatoris videbatur proficisci, eandem vim atque effectum habebat, quam habent conditiones cæteræ, quæ ex testamento veniunt, scilicet ut legatum efficeret conditionale. Sed & ipsa conditio legati quasi personæ injuncta ab alio quàm à legatario ipso impleri non poterat, ut proinde jus eligendi in optionis legato personale esset, & vel ideo ad hæredem mortui ante electionem legatarii transferri non potuerit. Non obstat, *l. si sic legatum 75. §. pen. de legat. 1.* ubi sic scribit Ulp. *Si quis ita stipulatus, Stichum aut decem, utrum ergo velim, legaverit, quod ei debeatur, tenebitur hæres ejus, ut præstet legatario actionem, electionem habituro, utrum decem an Stichum persequi malit.* Nam ut superius diximus, legatum generale aut alternativum, licet cum jure eligendi, non est idem aut ejusdem prorsus naturæ cum legato, quod in specie dicitur optionis. In legato hujusmodi, *illud aut illud*, utrum elegerit legatarius, est quidem etiam electio personalis, sed hætenus ut servo aut filio cohæreat, *l. si stipulatus 76. de verb. obl.* non ut nullo electo, cedente legatario, post diem legati cedentem ad hæredem jus electionis non transmittatur: transmitti enim expressè scriptum est à Paulo in *l. illud 19. de opt. leg.* nec illa est inter tale legatum & ejusdem generis stipulationem differentia. Jam verò si stipulatus fuerim illud aut illud, quod ego voluero, mortuo me ante electionem, in hæredes obligatio transit, ut idem Paulus respondet in *d. l. si stipulatus 76. de verb. obl.* Nec est admittendum, quod Donnellus in *d. l.* existimat, obligationem transire, electionem non transire; quo nomine etiam reprehenditur à Bachovio *hic*: nam Donelli illam opinionem cum ipse locus satis refellit, tum perspicuè species paulo ante proposita ex *d. l. si sic legatum 75. §. pen. de legat. 1.* Nisi enim una cum obligatione ipsum etiam jus eligendi, quod ex stipulatione testatori quæsitum erat, in hæredem ejus translatum fuisse ponamus, hæres cedendo actionem, id jus transferre in legatarium non potuit: quippe quod nec ipse habuit. Inconsideratè autem Bachov. jus electionis ex contractu quæsitum in q. proposita distinguit ab eodem jure delato ex testam. quasi illud non immediatè conditione, quominus ad hæred. transeat, hoc contra. Nam est verum & notissimum est, legatum conditionale, mortuo pendente conditione legatario, interciderè, stipulationem autem sub conditione contractam, mortuo ante conditionem stipulatore, non extinguì, sed spem obligationis transmitti in hæredem, *§. sub con-*

*ditione 2. inf. de verb. obl. l. 4. l. 5. §. 2. quand. dies leg. l. is cui 42. de obl. & act.* hæc etiam differentia non pertinet ad conditiones, quæ personis injunguntur: qualis sit omnino necesse est in memorata stipulatione, si eam conditionem facimus, & nempe eadem, quæ in legato optionis, si ipse stipulator elegerit. Conditio omnis in personam certam collata personam non egreditur, deficietque, nisi in persona ejus impleta fuerit, *l. qui heredi 44. l. si ita 69. de cond. & dem.* Hinc jam opinor intelligimus, non temere credendum iis esse, qui pro certo tradunt, apud Paul. in *d. l. illud 19. de opt. leg.* scriptum fuisse, transmitti non placuit; Tribonianum autem responsum Pauli ad jus novum & constitutionem Justiniani in *l. ult. C. comm. de legat.* accommodasse sublata negatione.

*Ex constitutione nostra data est licentia heredi legatarii optare*) Ubi Justinianus caverit, quod hic se cavisse dicit, ut legatum optionis ad legatarii, qui non optavit, hæredem transmittatur, non invenio. Interpretes omnes intelligunt *l. ult. C. comm. de leg.* & sanè ea, quæ mox sequuntur de diffensione plurium hæredum circa electionem sorte dirimendam, arguunt, eam constitutionem hinc significari. Etenim, quod Interpretes non animadverterunt, nihil amplius ea constitutione sancitur, quàm si ut hæredes legatarii inter se de electione non conveniant, controversia sorte dirimatur: de jure verò optandi ad hæredes legatarii ante electionem mortui contra rationem juris veteris transmittendo, planè nihil ibi cavetur. Immo verò constitutio sic scripta est, ut ex ea nihil aliud colligi posse videatur, quàm quod etiam apud veteres jam olim sic obtinuerit, ut legata optione, si legatarius ipse non optasset, ad hæredes ejus jus optandi traduceretur. Memorat enim, inter veteres dubitatum fuisse, quid statuendum foret, si plures legatarii, quibus optio legata esset, vel unius legatarii plures hæredes circa electionem corporis dissentirent. Inepta profecto dubitatio, si electio in legato optionis merè personalis fuit, hoc est, ita personæ legatarii cohæsit, ut nec ad hæredes ejus transferretur. Quid dicam non habeo, nisi quod Tribonianus diversos casus temere videtur miscuisse, & casum plurium legatariorum de electione disputantium inconsideratè confudisse cum casu plurium hæredum unius legatarii: quod & Bachovius existimat. VINN. Ast tanta oscitatio cadere non videtur in Tribonianum. Ex nostro §. patet, primo conditam constitutionem, eaque cautum, ut & hæredes legatarii optare



possent, deinde diligentiore habito tractatu, ei constitutioni aliquid additum esse. Prior constitutio priori incerta Codici periit, additamentum migravit in codicem repetita prælectionis, habeturque *l. ult. C. comm. de legat. & fideic.* Nec est quod aliquem turbet, quod Tribonianus ibi speciem proponat, ubi legatarii hæredes dissenferint circa electionem. Nam hujusmodi speciei & jure veteri locus esse potuit, si testator ita legaverit, *Titio, aut eo mortuo: ejus hæredibus servum, quem optaverint, do, lego.* Itaque ex *d. l. ult. non sequitur*, ut jam ante Justinianum legatarii hæredibus jus optandi fuerit. HEIN.

*Optare servum*) Quod de servo hic dicitur, exempli id causa dictum intelligimus, atque ad rem quamlibet, cujus optio legata sit, pertinere, *d. l. ult. C. comm. de leg.* Sic passim videmus, in optionis legato tantum servorum mentionem fieri: & Papinian. in *l. actus 77. de reg. jur.* servi optionem refert inter actus legitimus, non quod non idem fuerit in aliarum rerum optione legata; sed quia plerumque servorum potius, quam aliarum rerum optio legari solita erat: unde & de eo sæpius Jurisconsulti & consulebantur & scribebant, id quod manifestè apparet ex lectione totius *tit. de opt. leg.*

*Sorte hoc esse dirimendum*) Si plures legatarii, vel unius plures hæredes in optando dissentiant, unus forte, qui optet, constitui, cujus optionem ceteri ratam habeant, expressè cautum est *d. l. ult. C. comm. de legat.* Frequens autem admodum etiam apud veteres fuisse sortis & fortunæ judicium, ex variis Jurisconsultorum responsis elucet: *l. sed cum 14. de judic. l. generaliter 24. §. quid ergo 17. de fideic. lib.* quamquam vix, ubi negotium animi judicio explicari potest: de quo nos *lib. 1. select. quest. c. 35.* Utebantur, antiqui & micatione digitorum: Varro, *Micandum erit cum Græco, utrum ego illius numerum, an ille meum sequatur.* Cicero *1. de offic.* *Sed quasi aut sorte aut micando victus, alteri cedat alter.* Suet. in *August. c. 13.* *Patrem & filium pro vita rogantes sortiri aut micare jussit.* Quando autem & quibus casibus res dubia sorti permittenda sit, ab hoc loco, alienum est querere. VINN. In loco Suetonii alii legunt *sortiri aut dimicare*: Sed *micare* habuit Codex MSC. Salmasianus. Sic res olim in foro, sic carnes de lanio micando emebantur. Quod Turcium Apronianum, V. C. Præfectum urbi, utilitate suadente sustulisse, ex marmore veteri intelligimus. Vide plura apud Casaub. in not. ad Sueton. *l. c.* HEIN.

## TEXTUS. Quibus legari potest.

24. *Legare autem illis solum potest, cum quibus testamenti factio est.*

### COMMENTARIUS.

TRANSIT hic Imperator ad partem principalem hujus tituli secundam, in qua agitur de personis, quibus legari potest. Sic autem initio definit legari illis solum posse, cum quibus testamenti factio est. Non ait, qui testamenti factionem habent; quo soli propriè significantur, qui testamenti faciendi jus habent; ut ostendimus supra in *§. testes autem 6. de test. ord.* sed cum quibus testamenti factio est: quo continentur etiam qui ipsi testamentum facere non possunt, modo jus capiendi ex alieno testamento habeant. Quinam autem isti sint, docetur *§. extraneis 4. præc. tit.* De iis, qui capere non possunt, dictum est in hæredum institutione. Olim hac in parte nonnulla inter legata & fideicommissa differentia fuit, poteratque quibusdam incapacibus fideicommissum relinqui, quibus legari non poterat, vel propter conditionem libertinitatis, vel propter leges Voconiam, Juliam, Papianam, aut similes quibus capere, aut totum capere vetabantur: qua de re forte uberius infra *sub tit. de fideic. her.* Illud nunc sciamus, legibus istis & differentis incapacium sublatis, nullum amplius hac in re discrimen inter legata & fideicommissa superesse.

### TEXTUS.

## Jus antiquum de incertis personis.

25. *Incertis verò personis neque legata neque fideicommissa olim relinqui concessum erat. Nam ne miles quidem incertæ personæ poterat relinquere, ut divus Hadrianus rescripsit. Incerta autem persona videbatur, quam incerta opinione animi suo testator subjeciebat, veluti si quis ita dicat, Quicumque filio meo filiam suam in matrimonium dederit, ei hæres meus illum fundum dato. Illud quoque, quod is relinquebatur, qui post testamentum scriptum primi consules designati essent, æquè incertæ personæ legari videbatur: & denique multa aliæ hujusmodi species sunt. Libertas quoque incertæ personæ non videbatur posse dari; quia placebat, nominatim servos liberari. Sub certa verò demonstratione, id est, ex certis personis incertæ personæ rectè legabatur: veluti, Ex cognatis meis, qui nunc sunt, si quis filiam meam uxorem duxerit, ei hæres meus illam rem dato. Incertis autem personis legata vel*



fideicommissa relicta, & per errorem soluta, repeti non posse, sacris constitutionibus cautum erat.

## NOTÆ.

25. *Incertis personis*) Receptum tamen fuit, ut pauperibus, l. 24. C. de episc. & cler. civitatibus, l. 16. ad SC. Trebell. l. 22. de leg. 1. corporibus & collegiis licitis, l. 12. C. de her. inf. l. 1. §. 15. ad Treb. relicta, rata essent.

## COMMENTARIUS.

- 1 Exponuntur aliquot loci ex quibus falso quidam colligunt, etiam jam olim hæreditatem legatumve incertis personis relinqui potuisse.
- 2 De legatis relicta civitatibus, municipiis, collegiis, pauperibus.
- 3 Cur ejus, quod incertæ personæ relictum erat, per errorem soluti non esset repetitio.

**I**ncertæ personæ olim neque hæreditas, neque legatum, aut fideicommissum relinqui poterat. Ulp. tit. 22. §. 3. & tit. 24. §. incertæ 18. Paul. 3. sent. 6. Ratio hæc erat, auctore Ulpiano d. tit. 22. §. 3. quoniam certum esse debet testantis consilium. Sic enim verba legis duodecim, *Ut quisque legasset*, veteres interpretati sunt, ut quisque certo consilio ac solido judicio statuerit, &c. At hæreditatem bonæ suæ magno sæpe labore quæsitæ relinquere incertæ personæ, tam certi consilii non est, ut potius species quædam dementiæ esse videatur. Non est contrarium, quod Marcianus scribit, tale legatum utile esse: *Illis, qui testamentum meum obsignaverint, hæres meus decem dato*, l. si quis 14. de reb. dub. Nam quod futuris signatoribus seu testibus legatur, id non incertis, sed certis personis relinqui intelligitur, Et si enim tunc incerti & testatori ignoti sunt, cum is privatam voluntatem suam scribit, tamen non possunt non esse certi eo tempore, quo propriè testamentum fieri dicitur, hoc est, cum solemnia peraguntur, quibus adhiberi testes nisi sciente testatore & rogante non possunt. Non obstat quoque l. in tempus 62. §. 1. de her. infit. agitur enim ibi expressè de institutione certæ personæ, quam & testator proprio nomine designavit: sed quia plures erant testatori eodem nomine amici, non apparebat, de quo sensisset: cujusmodi in causa audienda est probatio voluntatis; & qui probare poterit, de se sensisse defunctum, admittendus, arg. l. falsa 33. §. 1. de cond. & dem. quamvis totam exceptionem illam, nisi ex aliis apertissimis probationi-

bus fuerit revelatum pro qua personæ testator senserit; responso Jurisconsulti adjectam à Triboniano nullus dubitet, add. Anton. Fab. 5. conj. 19. Magis videtur obstare l. 5. de reb. dub. Respondet Donellus, proponi illic legatum aut fideicommissum relictum incertæ quidem personæ, sed ex certis tamen; quod etiam olim licuit, ut statim audiemus: quippe verba illa fideicommissi, *Sive quis alius restitutionem mihi impetraverit*, cum Juliano & Cajo sic interpretanda, si quis alius ex amicis quorum testator mentionem non fecit. Alii putant, etiam si quis alius curaverit testatorem restitui, non minus fideicommissum deberi, quasi pro beneficio, quod speratur, datum. Porro ex hoc jure manavit, quod nec civitates, nec municipia aut collegia hæredes institui aut legatum capere potuerint, Ulp. d. tit. 22. §. 4. Plin. lib. 5. epist. 7. ad Calvisium: *Nec hæredem inquit, institui, nec percipere posse rempub. constat*. Cæterum postea, ut hæc corpora legatum capere possent, permissum fuit, etiam tempore mediæ Jurisprudentiæ, l. si quis 37. in fin. l. si hæres 73. §. 1. l. 1. si quid 117. l. civitatibus 122. de legat. l. cum senatus 20. de reb. dub. l. omnibus 26. ad Treb. A Nerva hoc primum introductum, post deinde à senatu auctore Hadriano diligentius constitutum fuit, Ulp. tit. 24. §. civitatibus. 28. Paulus Marco id tribuit, d. l. cum senatus. 20. In propriis nominibus facilis est auctorum lapsus. Tandem etiam concessum, ut civitates & principes hæredes institui possent, l. hæreditatis. 12. C. de her. inf. quod ætate Ulpiani & Pauli nondum obtinebat, ut liquet ex fragmentis ejusdem Ulpiani tit. 22. §. 4. & d. l. omnibus 26. ad Treb. quibus locis hoc tantum traditur, fideicommissam hæreditatem municipibus restitui ex Senatufconsulto Aproniano. Eamdem denique rationem habuit, quod legatum pauperibus relictum non valebat: quod nunc firmiter ratumque omnibus modis habetur, daturque jus & nomen hæredis episcopis, oeconomis, xenodochis: nomen, ut sint hæredes: jus, ut debita exigant, creditoribus hæreditariis respondeant, pauperibus relicta dividant, l. id quod 24. l. si quis 49. §. 1. & seqq. C. de Episc. & Cler. Cyn. Bald. Salic. in d. l. id quod 24. Bart. in l. 5. de reb. dub. Tulden. ad tit. C. de incert. VINN. Hujus juris historia non satis accuratè exponi videtur à Vinnio. Quamvis enim Ulpianum sequutus, à Nerva antiquum jus primum mutatum esse existimet; id tamen non satis conciliari posse videtur loco Plinii, quia sua ætate nondum capere potuisse res publicas tradit, idque sub Trajano, ut videtur.



Nam in eadem epistola 7. lib. 5. liberalitatis ac munificentia erga Novocomenses mentionem facit, quam jam post consulatum ostendisse videtur, uti ex marmore apud Gruter. P. CCCCLIV. & MXX.VIII. adparet. Primum ergo SC. permissum videtur ut caperent civitates fideicommissa, idque sub Hadriano, consule Apronio, anno Christi 117. vel 123. Sub eodem & legata civitatibus relicta SCto. firmata. Ulp. *Fragm. tit. 24. §. 28.* Unde legati hujusmodi exemplum existat in l. 101. ff. de leg. 3. Postea D. Marcus id jus etiam ad collegia, l. 20. ff. de reb. dub. immo etiam ad vicos protulit, l. 73. §. 1. ff. de legat. 1. Denique & hæredes institui potuere civitates non demum per Constitutionem Leonis Thracis, l. 12. C. de her. inst. sed jam temporibus Pauli, id est Severi & Caracallæ, ceu ex l. 121. ff. de legat. 1. colligimus. HEIN.

*Quam incerta opinione*) Incerta persona hic dicitur, quam testator animo sue incerta & cæca opinione subjicit, id est, cum mens & cogitatio testatoris nullis certis finibus circumscripta tamquam in immenso atque infinito vagatur: nam si mens ejus certo numero personarum, quas omnes novit, terminetur, incertitudo personæ legatarii legatum non vitiat, ut exempla subjecta demonstrant.

*Qui primi consules designati*) Puto, hoc exemplum ad eum pertinere, qui vel ante candidatorum numerum constitutum, vel cum eos non nocet, incertissima opinione dixit, qui primi consules designabantur. Quod si è constituto jam candidatorum numero, quos testator novit, ei qui primus consul designatus fuerit, centum legaverit, magis est ut hoc legatum valeat, ut relictum uni ex certo personarum numero cum certa demonstratione.

*Libertas quoque incertæ personæ*) Antea dixit, ne militem quidem legatum aut fideicommissum incertæ personæ relinquere potuisse, etsi militum testamenta nullius adstringebantur juris civilis subtilitatibus: cujus tamen generis unum hoc fuit, quod incertæ personæ legari non potuit. Aliam nunc subjici ejuldem juris ampliationem, quod nec libertas, cujus summus aliqui favor semper fuit, incertæ personæ dari potuerit, addita ratione, quia placebat nominatim servos liberari, quod videtur cautum fuisse lege Fusia Caninia. Ulp. tit. 1. §. ult.

*Sub certa verò demonstratione*) Ex certo personarum ordine aut numero cum certa demonstratione legari incertæ personæ etiam olim jus fuit, veluti: *Ex collegis meis, qui nunc sunt*, aut: *Ex cognatis meis, qui primus ad*

*funus meum venerit, aut: Qui filiam meam uxorem duxerit, ei hæres meus illud dato.* Ulp. tit. 24. §. incertæ 18. Et notandum in exemplo proposito demonstrationi expressè addi hæc verba, *qui nunc sunt*: alioqui incerta adhuc foret demonstratio.

*Per errorem soluta repeti non posse*) Hic locus confirmat id, quod ante diximus, ex subtilitate quadam juris civilis hoc esse, quod incertæ personæ legari non potest. Neque enim ratio naturalis impedit, quominus verbi causa, ei, qui filiam meam aliquando uxorem ducturus est, hæredem meum aliquid dare jubeam. Proinde ex hujusmodi relicto etiam olim nascebatur debitum naturale, id est, hæres ex tali voluntate naturaliter obstringebatur, quæ causa est, quod Imperatorum constitutionibus cautum fuerit, ne ejus, quod incertæ personæ legatum erat, soluti per errorem repetitio esset: quippe naturalis obligationis hic certissimus jure quoque civili effectus est, ut impediatur ejus, quod ex ea causa solutum est, repetitionem, l. 13. l. si pœnæ 19. de cond. ind. l. 10. de obl. & act. Christian. vol. 4. dec. 50. num. 4. erratque adeo manifestè Pacius, hunc locum restringens ad legata, quæ pietatis aut religionis intuitu relinquuntur: quo in errore Mynsing. non fuit, ut falsò existimat Bachovius.

## TEXTUS.

### Jus antiquum de posthumo alieno.

26. Posthumus quoque alieno inutiliter antea legabatur. Est autem alienus posthumus, qui natus inter suos hæredes testatori futurus non est: ideoque ex emancipato filio conceptus nepos, extraneus erat posthumus avo.

## NOTÆ.

26. *Ex emancipato filio conceptus*) Alienorum posthumorum diversa sunt genera, & varii gradus: v. Cujac.

## COMMENTARIUS.

- 1 Posthumus esse similes incertis personis: cæterum non per omnia eodem jure cum his censeri.
- 2 Posthumi alieni qui? & eorum diversa genera.

QUI in utero sunt, sive posthumi, & tam alieni quàm sui, in hæreditate legitima semper pro jam natis habiti sunt, & capaces hæreditatis sibi ab intestato delatae.



*l. pen. de stat. hom. l. pen. de leg. 1.* Verum in hæreditatibus testamentariis & legatis nemo posthumus pro nato, initio habitus fuit, propter verba legis duodecim tabularum, *Uti quisque legasset*, &c. quæ sic à prudentibus, ut etiam ante diximus, accepta sunt, uti quisque certo consilio ac iudicio decreverit, &c.

Cum enim posthumi omnes incertæ sint personæ, aut incertis personis similes, contra legem fieri visum est, si aut hæredes instituerentur, aut legatum iis daretur, quasi non solido consilio id à testatore factum esset, ignorante, & an nascituri sint, & quales nascituri, & quot nascituri. Paulatim tamen disputatione fori propter utilitatem & non sine magna ratione receptum, ut posthumi sui rectè hæredes instituerentur, & legatum ex testamento caperent. In posthumis alienis interpretatione prudentum nihil mutatum; qua de re fusius disputavimus sub §. 2. *sup. de exher. lib.* Non in omnibus tamen eandem rationem posthumi alieni & cuiusvis alius incertæ personæ fuisse, ex eo apparet, quod fideicommissum posthumo alieno utiliter relinquebatur, *l. 5. in fin. de reb. dub. 2. de jur. eod.* cæteris incertis personis inutiliter. Et verò non est posthumus planè similis tali personæ, quam testator omnino incerta & cæca cogitatione animo suo subicit: sed magis & quodammodo similis iis, quos numquam vidimus qui etiam hæredes institui possunt, §. *ult. sup. de her. inst.* Cæterum quod hic Justinianus ait, posthumo alieno jure antiquo inutiliter legari, ei obstat *l. 6. de reb. dub.* nam in calce præcedentis *l. 5.* proponitur quis rogatus hæreditatem restituere posthumo suo vel alieno: & mox continenter in *l. 6. seqq.* posthumus hæres institutus, vel cui legatum relictum est. Respondeo, sunt loci isti diversorum auctorum: ac proinde necesse non est, ut quod in uno dicitur de posthumo vel suo vel alieno, cui hæreditas restitui iussus est, repetatur in altero, in quo simpliciter proponitur posthumus hæres institutus, aut legatum posthumo datum: nec illud etiam hoc loco queritur, an cum posthumo, & cum quo testamenti factio sit, sed an & quando posthumus partem faciat?

*Inter suos hæredes testatori futurus non est*) Posthumus suus & alienus sic inter se opponuntur, ut suus posthumus dicatur, qui si vivo testatore nasceretur, in potestate ejus esset, primumque ab eo gradum in familia obtineret, uno verbo, qui nasceretur testatori suus hæres: qualis est is, qui in utero uxoris testatoris est, aut uxoris filii ejus præmortui, aut emancipati, postquam uxor jam conceperat,

§. *pen. sup. de tut. §. 2. tit. præc.* Posthumi alieni omnes, qui, si vivo testatore nascantur, aut in ejus potestate familiæ non nascentur, aut non nascentur proximo ab eo gradu, uno verbo, qui sui aut inter suos non nascentur. Horum autem diversa sunt genera & varii gradus. Primum posthumus alienus avo est nepos natus ex filio, etiam quem superstitem in potestate habebat; quamdiu enim filius in familia manet, nepos ex eo suus hæres avo non agnoscitur, §. *2. sup. de exher. lib. d. §. 2. præc. tit. §. 2. de her. ab intest.* At enim quia aliquando fieri potest, ut hic nepos posthumus suus hæres testatori agnoscatur, puta si filius vivo testatore decesserit: pro suo hætenus habitus, atque ex formula Galli hæres institui potuit, *l. Gallus 29. de lib. & post.* Magis alienus posthumus est nepos, conceptus ex filio emancipato, *hoc text.* in quo etiam ob causam jam dictam hujus tantum nepotis posthumi fit mentio: item qui in utero est uxoris filii, qui in adoptiva familia est, *l. 1. §. si filius 8. de vent. in poss. mitt.* & qui nasci speratur ex testatoris filia, §. *ult. sup. de pat. pot.* Eadem porro ratione posthumus matri alienus est posthumus, puta si cæso utero extractus fuerit, *l. 6. fin. pr. de inoff. test.* & aviæ, qui in ventre est filia, aut uxoris filii: & adhuc magis alieni, qui nascituri sunt ex agnatis aut cognatis, *l. pen. de leg. 1. dict. l. 6. de inoff.* Postremo alienissimi & maximè extranei, qui neque legitimi futuri sunt, neque cognati, *l. 6. de vent. in poss. mitt.* Hos autem omnes Justiniani definitio complexa est.

## TEXTUS.

## Jus novum de personis incertis &amp; posthumo alieno.

27. *Sed nec hujusmodi species penitus est sine justa emendatione relicta; quum in nostro Codice constitutio posita sit, per quam & huic parti medemur, non solum in hæreditatibus, sed etiam in legatis & fideicommissis: quod evidenter ex ipsis constitutionis lectione clarescit. Tutor autem nec per nostram constitutionem incertus dari debet: quia certo iudicio debet quis pro tutela sue posteritati cavere.*

## NOTÆ.

27. *In nostro Codice constitutio*) Desideratur hæc Justiniani constitutio. Ex verbis autem hujus textus hoc constat Justinianum cavisse, ut incertitudo personæ, cui aliquid legatum est, non viciet legatum, si vel in præsens, vel



ex futuro eventu certitudo aliqua apparere possit.

## COMMENTARIUS.

**H**ujusmodi species sine justa emendatione) Dubium est, utrum indistinctè hoc referendum sit ad speciem de incertis personis, de quibus superius egit, an verò tantum ad speciem de alieno posthumo, cujus proximè meminit in §. *præc.* Sed rectè plerique Interpp. sentiunt, Justinianum loqui in universum de specie incertarum personarum, quas hæcenus commemoravit, atque hoc dicere; constituisse se, ut & posthumo alieno & cæteris personis incertis, quas modo eventus postea demonstrarit, legatum relictum valeat. Atque hoc ex eo satis intelligitur, quod scriptum est in §. *incertis 25.* incertis personis legari olim concessum non fuisse: quod stultè diceretur, si ne nunc quidem id concessum esset constitutione Justiniani. Habemus etiam certissima hujus rei argumenta in hoc ipso §. quo in progressu judicabimus. Hoc tamen dubii adhuc relinquitur, quatenus scilicet jus illud, quod de incertis personis recensuit, emendarit. Non enim dicit, se id jus penitus sustulisse, sed non penitus reliquisse inemendatum. Ex verbis quidem Justiniani nihil hinc colligere possumus, quàm hoc eum constitutione sua cavisse, ut incertitudo personæ, cui quid legatum est, non amplius viciet legatum, si ulla ratione vel nunc, vel ex futuro eventu certitudo aliqua apparere possit. Sed tamen non semper id admittendum videtur. Quid enim si eventus inciderit in eas personas, mortuo aut ignorante testatore, quibus verissimile non est, specialiter eum legatarum fuisse? Finge sic esse legatum, *Qui filiam suam filio meo collocaverit, ei hæres meus centum dato:* eamque collocasse ignorante testatore, qui inimicus testatori fuerit, qui pessimè de eo meritus, qui sit infamis aut vitæ flagitiosæ: non putarem, huic quicquam ex hujusmodi legato deberi, ne nunc quidem post constitutionem Justiniani. Certius verò de re tota constitui posset, si constitutio, ad quam hic referatur, extaret: sed in Codice, quo nunc utimur, desideratur. Græcam fuisse verissimile est, omissamque à Latinis descriptoribus intercidisse.

*Non solum in hæreditatibus*) Ergo olim nec hæres institui incerta persona potuit: quod etiam diserte scriptum est ab Ulp. *tit. 22. §. 3.* De posthumo tamen alieno testatur ipse Justinianus §. *seq.* potuisse eum & antea hæredem institui. Cæterum hoc quomodo accipiendum sit, ibi declarabimus.

*Et fideicommissis*) De fideicommissis cautum propter personas incertas, §. *incertis 25. sup. eod.* nam posthumo alieno etiam antea fideicommissum relinqui potuisse evincitur ex *l. 2. de jur. cod. l. 5. §. ult. de reb. dub.* Et hoc certum argumentum est, Justinianum non solum de posthumo alieno cavisse, sed de cæteris quoque personis incertis.

*Tutor autem nec per nostram constitutionem incertum dari*) Hoc iterum locus ostendit, verum esse, quod diximus, Justinianum in constitutione, cujus hic meminit, emendasse jus de personis incertis, non solum posthumis: male enim alioqui in ea tutorem incertum exciperet. Quod autem exceperit tutorem incertum, atque in eo jus vetus conservari voluerit, *l. tutor 20. de test. tut.* ad cautionem pupilli pertinet: quippe cujus interest, ne incerti aut ignoti, de quorum fide, diligentia ac moribus testatori constare non potuit, ad tutelam admittantur, maximè sine satisfactione, à qua tutores testamentarii immunes sunt. Cui adde, quod in delatione tutelæ nullum lucrum vertitur, quod ea suscepta tutor consequatur.

## TEXTUS.

De posthumo alieno hærede instituto.

28. *Posthumus autem alienus hæres institui & ante poterat, & nunc potest: nisi in utero ejus sit, quæ jure nostro uxor esse non potest.*

## COMMENTARIUS.

- 1 *Quomodo accipiendum, quod hic ait Justinianus, posthumum alienum etiam antea hæredem institui potuisse?*
- 2 *Consulantur Alciatus & Bachovius, qui putant huic loco deesse negationem.*

**E**T si, ut superius dixi, antea ita jus fuit, ut posthumo alieno inutiliter legaretur: nihilominus tamen, ut nunc hic ait, hæres institui is posthumus etiam antea potuit. Hoc autem non videtur convenire cum iis, quæ supra relata sunt de inutili institutione postumi alieni, & de emendatione juris veteris etiam hac in parte à Justiniano facta. Tum si antea posthumus alienus hæres institui potuit, quid opus fuit addere, etiam nunc eum institui posse? An quia constitutione sua jus vetus in eo confirmavit? nullo modo: profiteretur enim expressè, se antiqui juris observationem circa incertas personas & postumos alienos emendasse etiam in hæreditatibus, significans, sua de-



demum illa constitutione effectum, ut etiam posthumus alienus rectè hæres instituat. Sed sciendum est, neutrum jure civili in persona posthumi alieni valuisse; sive hæres institutus esset, sive legatum ei datum: cæterum legatum etiam jure prætorio insuper habitum, cum eo jure institutio postumi alieni, ut favorabilior, sustineretur, institutumque prætor adjuvaret dando ei bonorum possessionem secundum tabulas, *infr. de bon. possess. in pr. l. posthumus. 6. de inoff. testam. l. 1. §. si filius. 12. de vent. in poss. mitt. l. 3. de bonor. poss. sec. tab.* Quamobrem interpretes fere omnes hæc verba Justiniani, & ante poterat, & nunc potest, sic acceperant, ante poterat jure prætorio, nunc potest etiam jure civili ex constitutione scilicet Justiniani, ut cum utrumque intelligi non possit de eadem juris specie, accipiat de eodem juris effectum, cum parum referat ad vim tabularum, utrum hæreditas ex iis adiri, an bonorum possessio peti possit; quod ego verisimum esse arbitror. Neque obstat, quod Justinianus loquitur de hærede instituto, quod verbum est juris civilis: sic enim loqui eum necesse fuit, ut ostenderet differentiam institutionis & legatorum, de quibus antea egerat. Et quid prohibet, quominus dicatur jure facta institutio, quæ jure prætorio sustinetur? Sanè Ulp. in *d. l. 6. de inoff. test. l. 1. §. si filius. 12. de vent. in poss. mitt.* cum de posthumo alieno loquens eum hæredem scriptum aut hæredem institutum, natumque secundum tabulas habere scribit, nihil aliud significat, quam posthumum alienum jure prætorio rectè hæredem institui. Quin etiam Paulus simpliciter respondet, hujusmodi institutionem jure fieri, *l. Titius. 25. §. 1. de lib. & posthum.* cujus species huc quoque pertinet, ut bene contra Cujacium observavit Ant. Fab. *9. conj. 2. D. Bachovius* tamen contra omnium exemplarium & Græcarum Institutionum fidem existimat, huic loco deesse negationem, & legendum, *Posthumus autem non alienus*, id est, suus: quod jam olim etiam tentavit Alciatus *9. parerg. 1.* Sed errare eos apertè ostendit subjecta exceptio, nisi in utero ejus sit, quæ jure nostro uxor esse non potest: quæ exceptio necessario intelligenda est de posthumo alieno, sive eam accipias de posthumo, qui utero sit ejus mulieris, quicum omnino nullum connubium est, ut sunt Vestales, Sanctimonialia seu Ascetrix, quæ perpetuam voverunt castitatem; sive etiam de eo posthumo, qui ex ea muliere & testatore nasciturus est, quæ illius uxor esse prohibetur propter cognationem puta, aut affinitatem, aut quia alii nupta: quippe quod

ex his nascitur vivo testatore, in potestate ejus nasci non potest; estque turpis hujusmodi institutio, ipsoque jure non valet, *l. 9. §. 1. de lib. & posth.* Jam verò stultissimè exciperetur posthumus alienus, si id quod præcedit, ad posthumum alienum non pertinet, sed ad non alienum sive suum dumtaxat. Mirorque adeo judicium Bachovii, qui hac exceptione etiam confirmari putat suam illam & Alciati emendationem. Cæteris Bachovii argumentis quibusvis facile occurrat, qui modo hæc nostra attentè legerit.

## TEXTUS.

## De errore in nomine legatarii.

29. Siquidem in nomine, cognomine, prænomine, agnomine legatarii testator erraverit, cum de persona constat, nihilominus valet legatum. Idemque in hæredibus servatur; & rectè. Nomina enim significandorum hominum gratia reperta sunt: qui, si alio quolibet modo intelligantur, nihil interest.

## NOTÆ.

29. Cum de persona constat) Id est, dummodo certum sit demonstratione testatoris, de quo ille senserit. Et pari ratione quamvis testator erraverit in nomine proprio rei legatæ, veluti si fundum Cornelianum pro Semproniano nominaverit, utile est legatum, & debet Sempronianus *l. 4. de leg. 1.* Secus est si erraverit in nomine rei appellativo, puta si cum vestem legare vellet, suppellectilem scripserit: quia rerum vocabula naturæ consona, publica & immutabilia sunt, *d. l. 4. l. 7. §. 2. de suppel. leg.*

## COMMENTARIUS.

- 1 Subtilius ac diligentius, quam passim, explicatur differentia nominum propriorum.
- 2 Cur error in nomine legatarii non vitiet legatum, cum de persona constat? & n. 5.
- 3 Nec errorem in nomine proprio rei legatæ vitiet legatum: & cur vitiet error in nomine appellativo?
- 4 Quid si testator rem oculis subjectam alieno nomine appellerit?

TRactationi de incertis personis ea de errore nominis, item de falsa demonstratione & falsa causa ideo subjungi videtur, quia hæc quoque quodammodo personam legatarii incertam reddunt. Pertinet huc titulus *Pand. de cond. & demonstr. item tit. C. de fals. caus. adj. leg. cum. 2. seqq.* ad quos vid. *D. Tuld, & Perez. add. Christin. vol. 4. decis. 49.* Nos Dddd 2 etiam



etiam quædam subtilius atque accuratius, quam illi fecerunt, explicabimus.

In nomine, cognomine, prænomine, agnomine) Hæc quatuor nomina etiam Imp. Gordianus distinctè exprelsit, l. 4. C. de test. & Charisius Grammaticus ita scribit: *Proprio nomina in quatuor species dividuntur, prænomen, nomen, cognomen, agnomen, ut Publius, Cornelius, Scipio, Africanus. Prænomen est, quod nomini præponitur, ut Publius. Nomen, quod familiae originem declarat, ut Cornelius. Cognomen, quod nomine subjungitur, ut Scipio. Agnomen, quod extrinsecus adjici soles, ut Africanus.* Hæc ille. Plura etiam ejusmodi apud Romanos videmus, ut *Marcus Licinius Crassus Dives, Marcus Porcius Cato Sapiens, Quintus Fabius Maximus Allobrox, Lucius Cornelius Scipio Asiaticus.* Charisius autem non satis distinctè videtur rem ipsam explicasse. Prænomen erat nomen cujusque proprium; ut *Marcus, Lucius, Paulus, Publius.* Nomen totius gentis commune erat, hoc est, omnes, qui ex eadem gente erant, eodem nomine appellabantur, verbi causa, qui ex gente *Cornelia*, omnes *Cornelii*, qui ex gente *Valeria*, omnes *Valerii* nominabantur. Cognomine singulæ familiæ in quaque gente distinguebantur, idemque omnium, qui ejusdem familiæ erant, cognomen erat: ut in gente *Cornelia*, qui ex familia *Scipionum*, *Scipiones*, qui ex familia *Lentulorum*, omnes *Lentuli*, &c. Agnomen dicebant, quod ab eventu alio ducebatur, ut *Publ. Scipio ex Africa*, *Lucius ex Asia* oppressa cognomen acceperunt, quamquam ejusdem essent familiæ, teste *Cicerone pro Muræ.* quo tamen loco non agnomen illud, sed cognomen vocat. Idem lib. 2. de offic. c. 16. *Divitem Crassi & libro de amicis. c. 2. Sapientem M. Catonis cognomen fuisse scribit.* Apud nostros quoque tantum nominis, prænominis, & cognominis mentionem fieri reperio, l. 1. de lib. & post. l. hæredes. 21. §. 1. qui test. fac. l. 8. §. 2. sec. tab. Unde apparet, veteres appellatione cognominis etiam agnomen complecti, etsi hæc interdum distinguant. *Cicero lib. 1. de invent. c. 9. Nomen cum dicimus, inquit, cognomen quoque & agnomen intelligatur oportet.* Non suere autem apud Romanos agnomina aut frequentia aut necessaria, quippe quibus plerosque caruisse constat. At his tribus, prænomine, nomine, cognomine perpetuo uti consueverant: ut *L. Cornelius Sylla; C. Julius Cæsar; M. Tullius Cicero.* Theophilus hanc rem Græcis parum cognitam, ut potest, declarat, scribens, nomen esse τὸ ὀνόμα ὄνομα, prænomen, quod nomini præponitur, à majoribus vel benefactoribus

assumptum. Hodie in toto orbe Christiano præter nomen familiæ five cognomen hæditarium, à parentibus aut amicis proprium nomen mutuatur, quod nobis imponitur, cum Sacramento Baptismi initiamur, & in Ecclesiam recipimur. *Vinn.* Omnibus Romanis fuisse cognomen, haud facile demonstraveris. Aliud de *C. Mario, Q. Sertorio & L. Mumio* observavit *Plutarchus in vita Marii ab init.* Sic & fœminæ, eodem teste, nomen quidem habebant gentile, ut *Tullia, Fulvia, Livia*, immo & prænomen, ut à *Perizonio, Spanhemio*, aliisque demonstratum est, sed nullo cognomine. Sed & id observandum, genti *Sulpitia* bina semper fuisse prænomina: alterum commune *SERVIVS*: alterum proprium, ut *Cajus, Marcus*, &c. Adoptivi plerumque retento prænomine, adsumebant nomen patris adoptantis, & cognominis loco addebant nomen gentis ex qua prodierant, inflexum in *ANUS.* e. g. *M. JULIUS OCTAVIANUS.* Sed hæc tamen non semper ita se habuisse permultis exemplis ostendit vir summus *Ez. Spanhemius de usu & præst. numism.* *HEIN.*

Cum de persona constat) Sive quis hæredem instituit, sive alicui quid legat, personam hæredis & legatarii demonstrare oportet. Demonstrantur personæ citra controversiam suo nomine, cæterum & aliis rebus demonstrari possunt, & si aliis demonstrantur; valet institutio & legatum perinde, ac si proprio nomine demonstratæ essent, l. quoties. 9. §. si quis. 8. de hæred. inst. l. 8. §. 2. de bon. poss. sec. tab. l. 4. C. de testam. & generaliter in omnibus partibus juris demonstratio vice nominis fungitur, l. 6. de reb. cred. l. nominatim. 34. de cond. & dem. l. 2. de lib. & post. Cui jam & illud consequens est, ut si falsum nomen adjectum sit, errante in nomine testatore, nihilominus & institutio & legatum valet, perindeque habendum sit, quasi nomen omnino adjectum non esset: dummodo certum sit demonstratione testatoris, de quo ille senserit. Ut enim cætera omittantur, personam tamen necesse est ita demonstrari à testatore, ut certo appareat, quem ille intellexerit, d. l. quoties. 9. §. si quis. 8. Pro non dicto enim est, aut pro non scripto, quod ita dictum scriptumve est, ut non intelligatur, l. 2. de his, que pro non script. hab. Finge ergo, hoc modo vel instituisse; *Corneliae, sororis meæ, filius hæres esto*, vel legasse, *Corneliae, sororis meæ, filio fundum illum do, lego*, si soror unum tantum filium habeat, hic quia satis apparet quem testator designavit, valet institutio & legatum. Idemque est, si sic dixerit; *Corpeliu, sororis*



meæ Corneliæ filius, hæres esto: aut, Cornelio, sororis meæ Corneliæ filio, centum lego: etiam si ei non Cornelio, sed Sempronio nomen sit. Porro dum certa sit demonstratio, unde ea ducatur, nihil interest. Nam & sic rectè hæres nuncupatur indicio digiti, *Hic mihi hæres esto*, cum præsens est, qui ostenditur, *l. nemo. § 8. de hæ. inf.* Denique & sic quoque rectè demonstratur; *Cujus nomen in codicillis scripsero, ille mihi hæres esto, l. 10. de cond. inf.* cujusmodi demonstrationes in legatis vel magis valere debent. Pari ratione est testator erraverit in nomine rei legatæ, veluti si fundum Cornelianum pro Semproniano nominaverit, utile est legatum, & debetur Sempronianus, si constat hunc legatum esse, *l. de legat. 1.* Et convenienter, si quis, cum unum tantum servum haberet, dixerit; *Servum meum Stichum do, lego*, valebit legatum, licet servo Davus, non Stichus, nomen sit, *arg. §. seq.* Planè si quis cum vestem legare vellet, suppellectilem scripserit putans vestem appellatione suppellectilis contineri, placet, nec suppellectilem nec vestem deberi, quasi neutrum legatum sit, *d. l. 4. de legat. 1.* ubi Jurisconsultus differentiam hanc rationem reddit, quod rerum vocabula immutabilia sint, hominum mutabilia. Rerum vocabula vocat, quæ Grammatici appellativa; hominum, quæ illi propria, eo quod rei sive personæ tantum singularis designandæ causa reperta sunt. Hæc mutabilia esse ait, quia scilicet privata sunt, & pro arbitrio singulorum & imponuntur, & mutantur: illa immutabilia, quia publica & communia, *l. Labeo. 7. §. 2. de supell. legat.* ut proinde error in his tolerabilis sit, in illis stultus & intolerabilis. Et est sanè ingens inter hæc discrimen. Propria nomina omnia *ἑἰσὴν* constant, & ita, ut pro arbitrio cujusque privati & circa considerationem naturæ rei imponantur: unde nec rei *ἑἰσία*, sed tantum differentiam *ἑἰσισιάδη* indicant. Appellativa autem fere *φύσει* constant, id est, à natura vim suam habere videntur, faltem prima, quæ sunt *ἀρχηγὰ καὶ στοιχεῖα*, id est, principia & elementa reliquorum. Sanè Cratylus apud Platonem existimat, majorem quamdam vim, quam humanam prima rebus nomina imposuisse. Sed & flexa, est imposititia sunt, publica tamen & ipsa sunt ac communia, & sive prudenter, sive temere *ἀπὸ τῆ αὐτομάτου* imposita sunt, non sunt tamen arbitraria, ut ex singulorum opinione exaudiri debeant, sed ex communi usu. In summa eorum impositio naturæ consona habetur, nec minus hæc, quam prima, ipsam rei substantiam indicant. VINN. Sed non te-

mere hodie quisquam cum Cratylus apud Platonem existimabit, vocabula *φύσει* significare, non ex impositione hominum. Nec opus tam subtili ratione, quam prior reddi possit. Nomen proprium uni datur, appellativum pluribus commune est vel personis vel rebus. Si quis itaque per errorem suppellectilem pro veste scripserit, neutrum debetur, non vestis, quia hujus non fit mentio, non suppellex, quia de hac non sensit, vocabulo hoc pluribus rebus quam vestibus conveniente. Ast si Davum pro Stichus dixit, & unus tantum servus adfit, facile adparet de quo senserit testator, quia nomen proprium servile non nisi uni servo suo competere potest. HEIN. De illo quæsitum est, an non saltem valeat legatum, si res, cum oculis subjecta esset, à testatore demonstrata sit, ut alieno nomine eam appellaverit; veluti si, cum equus præsens esset, ita legavit, *Hunc bovem Titio lego.* DD. comm. probant sententiam Accursii in *l. quæ extrinsecus. 65. de verb. obl.* existimantis valere, atque equum deberi: quod tamen mihi minimè consentaneum videtur ei, quod scribit Paulus *l. 3. de reb. dub. eum, qui aliud dicit, quam vult, neque id dicere, quod vox significat, quia non vult, neque id, quod vult, quia id non loquitur*: convenienter planè sententiæ sive Servii sive Celsi, non videri quemquam id dixisse, *cujus non suo nomine usus sit*, aut, quod idem valet, neminem videri sensitse, quod non dixit, quamquam Tubero plus hic tribuebat voluntati, *l. 7. §. 2. de sup. leg.* Quamobrem magis est, ut tale quoque legatum inutile haberi debeat, atque æquè stultum ac derisorium, ut illa de quibus in *l. 4. de legat. 1.* quod etiam Mynsingero verius videtur. Sanè si quis chartas librorum appellatione, ac contra, complexus esse dicatur, locus esse potest quæstioni voluntatis propter rerum affinitatem, *l. librorum. 52. §. quod tamen. 4. de legat. 3.* Quin etiam generaliter id admittendum putem, si aliquo colore usive loquendi vocabulum, quo testator usus est, ad id, quod voluisse dicitur, extendi potest, *arg. l. 9. de trit. vin. ol. l.*

*Significandorum hominum gratia*) Ratio elegans, si enim nomina in hoc inventa sunt, ut per ea commodius personæ designentur profecto nec omisio nominis, nec error in nomine legatarii, si aliunde de persona ejus certo constat, legatum vitare debet: & rectè Pedius nihil referre dicebat, proprio nomine res appelleret an digito ostendatur, an vocabulis quibusdam demonstraretur: quoniam vice mutua fungantur, quæ tantumdem præstant, *l. 6. de reb. cred.*



## TEXTUS.

## De falsa demonstratione.

30. Huic proxima est illa juris regula, falsa demonstratione legatum non perimi. Veluti si quis legaverit: Stichum servum meum vernam, do, lego. Licet enim non verna sed emptus sit; si tamen de servo constat, utile est legatum. Et convenienter, si ita demonstraverit; Stichum servum, quem à Sejo emi, sitque ab alio emptus; utile est legatum, si de servo constat.

## COMMENTARIUS.

1. Regulam hoc loco traditam sic esse temperandam, nisi quid aliud legato obstat, præter falsitatem demonstrationis: quod variis exemplis demonstratur.

Quod in errore nominis personæ legatarii, aut proprii vocabuli rei legatæ custoditur, ut etsi falso hujusmodi nomine testator usus est, legatum tamen ob id non vitietur, modo de persona aut re aliunde constet: id etiam obtinet in demonstratione, hoc est, adjectione omni, quæ extra nomen personæ aut rei designandæ gratia adhiberetur, ut etsi vel in persona legatarii, vel in re legata demonstranda aliquid erratum sit, tamen perinde legatum valeat, ac si nullus error intervenisset: dummodo constet, cui legare, aut quam rem legare testator voluerit, l. demonstratio. 17. in pr. & §. 1. l. si falsa. 33. cum l. seq. de cond. & dem. Ratio est, quia nomen & demonstratio mutua vice funguntur, aut demonstratio vice nominis: l. 6. de reb. cred. l. nominatim. 34. de cond. & dem. Eoque respicit Justin. in pr. hujus. §. cum ait, proximum esse superiori hanc juris regulam, falsa demonstratione legatum non perimi. Habet autem hæc regula suas nonnullas exceptiones, & in univerfum sic temperanda est, nisi quid aliud legato obstat præter falsitatem demonstrationis. Etenim si demonstratio certam rem aut summam indicet, sed circumscriptam certo loco, eaque res illo loco non reperiatur, inutile hoc esse legatum traditum est. Ut ecce, testator ita legaverit; Centum, quæ in arca habeo, Titio lego. Si hæc in arca nulla sint, placet nihil deberi, quasi certum corpus, quod in rerum natura non est, legatum sit, l. si servus. 108. §. qui quinque 10. de legat. 1. l. 1. §. sed & si 7. de dot. præl. junct. l. planè. 34. §. 4. de legat. 1. prius enim esse debet, quod legatur, quam legatum valeat, aut dici possit fal-

sa demonstratione non perimi, l. quibus. 40. §. pen. de cond. & dem. Item si quis ita legaverit; Quod mihi Titius debet, Sempronio lego, sine adjectione corporis aut quantitatis, neque Titius quicquam debeat, placet nullum legatum esse, non propter vitium demonstrationis, sed alia evidenti ratione, quia non apparet, quid quantumve legatum sit, l. sic legatum 75. §. 1. de leg. 1. Et eadem igitur ratione inutile erit & hoc legatum: Quod Titio debeo, ei lego, si testator neque debeat, neque quantitas adjecta sit; quamvis si ita dixerit: Decem, quæ Titio debeo, ei lego, nec quicquam Titio debeatur, legatum sit utile: quia sola falsa demonstratio legatum non vitiat, d. l. si sic legatum. 70. §. 1. l. legavi. 25. sub fin. de lib. leg. Sed & amplius licet quantitas adjecta sit, tamen nec si quidem semper utile legatum in superioribus speciebus. Finge, testatorem ita legasse; Centum, quæ Titio debeo, Sempronio lego, constat, hoc legatum in utile esse, etiam si verum sit, centum Titio deberi, quoniam debitor id quod ipse debet, alii quam creditori legare non potest. Quam ob causam nec si falsum erit, legatum valebit: nam quod inutile forte legatum detracto vitio demonstrationis, id adjecta vitiosa demonstratio utile efficere non potest. Finge iterum legasse hoc modo; Titio centum, quæ mihi debet, lego, cum Titius nihil deberet, responsum est, nihil hîc item esse in legato, multumque interesse inter falsam demonstrationem & falsam conditionem sive causam, d. si sic legatum. 73. §. 2. d. l. legavi. 25. vers. quod si sic. Nimirum etsi hic centum verbo legata sunt, vera tamen nihil aliud legatum, quam liberatio: quo legato hoc continetur, ut si hæres petat, exceptione removeri, si non petat, ultro pulsari possit, ut debitorem liberet, l. 3. §. 3. de lib. leg. Neutri verò horum locus esse potest, ubi nulla est obligatio. Pari denique ratione si testator centum, quæ Titius ei debebat, legaverit Sempronio, dicendum erit, inutile esse legatum, si nihil Titius debeat, d. l. si sic legatum. 85. §. 2. quippe nec hic legantur centum, quæ hæres det, sed actio, quam præstet adversus Titium: hoc enim legato nominis continetur, ut, hæres actiones suas præstet nullas verò habere aut præstare potest adversus eum, qui nihil debet; quod Jurisconsultus in d. l. si sic legatum. 75. §. 2. breviter his verbis significat; Esse enim debitor debet.

Stichum servum meum vernam) Exemplum falsæ demonstrationis. Est autem verna servus domi ex ancilla natus, οἰκογενὴς, οἰκονορᾶφῆς. Quod nomen Festus à vere deductum putat, quod



quod id tempus duce natura factura est. Hinc vernaculus, ut vernacula lingua, vix vernacule, id est, ἑκείνου. Cicero 5. in Ver. c. 61. Vernaculum crimen pro domestico. Auctor. incert. de bello Hispan. cap. 7. Vernaculas Pompeji legiones pro propriis dixit.

Stichum servum, quam à Sejo emi) Aliud ejusdem generis exemplum ex l. demonstratio. 17. §. 1. de cond. & dem. ubi & aliud occurrit, veluti si ita servus demonstratus sit: Stichum sutorem, Stichum cocum Titio lego. Licet enim nequefutor, neque cocus sit, ad legatarium pertinere dicitur, si de eo sensisse testatorem apparet. Exempla autem hæc sunt falsæ demonstrationis adjectæ rei legatæ, idem verò etiam obtinet, si in persona legatarii designanda quid erratum sit, aut falso demonstratum, puta circa corpus, vel artificium, vel officium, vel patriam, vel necessitudinem, vel affinitatem, dummodo de persona ejus constet, cui testator legaverit, d. l. 17. §. 1. l. falsa 33. & l. seqq. eod. Quod tamen & ipsum semper sic accipiendum est, dum nihil amplius obicit legato, quàm falsa demonstratio; non etiam error, qui obstat voluntati; qualis plerumque nascitur ex errore sanguinis. Nam si quis propter hanc opinionem aliquid alicui legaverit, ut sanguine conjuncto, qui non erat, legatum non valebit, arg. l. 4. & l. 7. C. de hæ. inst.

## TEXTUS.

## De falsa causa adjecta.

31. Longè magis legato falsa causa adjecta non nocet; veluti cum quis ita dixerit: Titio, quia me absente negotia mea curavit, Stichum do, lego; vel ita; Titio, quia patrocínio ejus capitali crimine liberatus sum, Stichum do, lego. Licet enim neque negotia testatoris unquam gesserit Titius, neque patrocínio ejus liberatus sit, legatum tamen valet. Sed si conditionaliter enunciata fuerit causa; aliud juris est, veluti hoc modo, Titio, si negotia mea curaverit, fundum meum do, lego.

## NOTÆ.

31. Legato non nocet) Quia ait Papinianus: ratio legandi legato non cohæret, l. 72. §. 6. de cond. & dem. id est, quia legatum constat etiam citra rationem adjectam legato, ideo falsa causa non nocet, quia vera quoque necessaria non est. At citra nomen aut demonstrationem legari non potest.

## COMMENTARIUS.

1. Cur longè minus falsa causa legato adjecta no-

cere dicatur, quàm falsa demonstratio?

2. Causam in futurum collatam sive modum bu non pertinere?
3. Qua ratione legatum in proposito subsineatur?
4. Insigne bujus juris temperamentum.
5. Qua in re conditio & modus convenient, & discrepent?

Quod juris est, ait Cajus, in falsa demonstratione, hoc vel magis est in falsa causa, l. demonstratio. 17. §. 2. de cond. & dem. Causa nostris dicitur causa præterita, seu ratio, propter quam aliquid datur aut fit, l. damus § 2. de cond. ind. causa irritatrix, quam dialectici προκαταρκτική vocarent, alias ἀφορμή, occasio, causa impellens dicitur. Igitur, causa, id est, ratio legandi, etiam si falsa sit, legato non obest. Sed cur ait, longè minus falsam causam legato adjectam nocere, quàm falsam demonstrationem? Puto idcirco, quia nomen & demonstratio cum legato cohærent, adhibentur enim ad personam legatarii aut rem legatam designandam: causa autem legandi à legato separata est, & sine ulla causa legari & potest & solet. Hanc differentiam indicat Papinianus, l. cum tale. 72. §. falsam 6. de cond. & dem. cum ideo ait falsam causam legato non obesse, quia ratio legandi legato non cohæret. Causa, quæ in futurum confertur, modus appellatur; veluti, Centum lego ut opus extruatur, &c. d. l. 17. §. ult. de cond. & dem. tit. C. de his quæ sub. mod. leg. Ea autem huc non pertinet: quia quod sub modo legatum est perinde fere habetur, ac si sub conditione relictum esset, l. si cui 92. de cond. & dem. l. 1. C. d. tit.

Legatum tamen valet) Donare enim nihilominus testator voluit, aut saltem voluisse præsumitur. Quippe sciebat, se ob negotia sua gratis gesta aut patrocínio sibi præstitum nulla necessitate remunerandi teneri, arg. l. donari. 82. de reg. jur. l. damus § 2. l. in summa. 65. §. 2. de cond. ind. Cum igitur gratuitam merèque voluntariam exercuerit liberalitatem, non debet hanc evertere falsitas occasionis, qua primum provocatus ad legendum fuit. Nam & si quis inter vivos ob hanc causam quid dederit, quod negotia sua adjuta putabat, falsa licet persuasione, datum consistit, nec repeti potest, d. l. damus § 2. de cond. ind. redditurque hæc ratio in d. l. in summa. 65. §. 2. eod. quia qui dedit, donare voluit. Et vel magis igitur id valere debet in ultimis voluntatibus, arg. l. in testam. 12. de reg. jur. VINN. Accedit & alia ratio legatis propria. Legare, ut supra ex Ulpiano demonstravimus, est legis mo-



do aliquid relinquere. Testator itaque est instar legillatoris. Hujus autem lex obligat, tamen si falsa ratione munita: quia jam ipsa legillatoris voluntas pro ratione est. Rectè Pufendorff. de J. N. & G. lib. 1. cap. 6. §. 1. *Lex licet & ipsa suis non debeat carere rationibus, hæc tamen propriè caussa non sunt, quare ipsi obsequium præstetur, sed potestas præcipientis, qui ubi voluntatis suæ decretum significavit, obligationem subdito adfert, omnino juxta præscriptum suum faciendi, etsi fors ipsi rationes præcepti haud ita liquido adpareant.* Ita ergo & hæredi necessitas imponitur, voluntati testatoris, tanquam legillatoris adimplendi, si vel maximè hic rationem vel nullam vel falsam adjecerit legato. HEIN. Cæterum insigne hujus juris temperamentum Papinianus addit, l. cum tale 72. §. falsam 6. de cond. & dem. nisi hæres probet testatorem legaturum non fuisse, si causam, quam adjecit, falsam esse scivisset. Verba Papiniani sunt: *Sed plerumque doli exceptio locum habebit, si probetur, alias legaturum non fuisse.* Quasi dicat, etsi falsa causa adjecta legatum numquam ita vitiat, quin summo jure peti possit, propter regulam de falsa causa; tamen plerumque fieri, ut petentem legatarium hæres summoveat exceptione doli mali, docens, testatorem solius causæ, quæ adjecta est, gratia legatum reliquisse, alias non fuisse legaturum. Id verò sæpe probatu non est usque adeo difficile. Quid enim si testator aliquando apud amicos apertè dixerit, se, si verbi causa Titius negotia sua non curasset, nihil habere, cur ei quicquam relictum vellet; vel se facere non potuisse, quin egregium officium sibi à Titio præstitum legato aliquo remuneratur, aliam legandi causam non habuisse; vel hoc unum se movisse, ut Titium legato honoraret, quia restitutionem sibi à Principe impetrasset, alias nihil se illi legaturum fuisse? Denique quotiescumque probari potest, tanquam pro compensatione accepti beneficii legatum datum esse, locus erit exceptioni doli: quippe quæ omnibus obstat, qui non ex voluntate defuncti aliquid petunt, l. 3. §. ult. de adm. leg. l. 4. §. præterea 10. de dol. mal. exc. Et ideo si quis cum Titio quædam sua negotia peregre curanda commisisset, atque existimans ea diligenter curata esse, centum eidem Titio legaverit cum adjectione hujus causæ, quam falsam esse & negotia illa neglecta hæres doceat; putarem hic etiam petenti legatario obstituram doli mali exceptionem.

*Conditionaliter enuntiata*) Si causa conditionaliter hoc modo enuntiata fuerit: *Titio, si*

*negotia mea curaverit, fundum lego, causa legato ipsa conceptione cohæret, & si falsa est, fit, ut voluntas legato desit, & legatum sit inutile, l. demonstratio 17. §. pen. de cond. & dem.* nam conditiones, quæ in præsens aut præteritum tempus conferuntur, si falsæ sint, statim vi sua inanem & inutilem actum reddunt, §. pen. inf. de verb. obl. Itaque hoc casu legatum non debebitur ipso jure, eoque nec exceptio adversus petentem desiderabitur. Conditioni affinis est modus: utrumque enim futurum aliquid expectat; nam si hac legandi formula testator utatur: *Titio centum do, lego, ut mihi monumentum faciat*, legatum est sub modo, d. l. demonstratio 17. §. ult. si ita dixerit, *Do, lego, si monumentum faciat*, est conditionale. Effectus autem inter hæc multum interest: nam legatum sub modo relictum purum est, & statim peti potest, præstita scilicet cautione de re restituenda, si modus non impleatur: sub conditione autem relictum non debetur ante eventum conditionis, & si conditio defecerit, extinguitur, l. 3. l. 4. C. de cond. insert. quamquam non omnium conditionum eventus perpetuo expectatur. Nam si qua earum, quæ in non faciendo consistunt, collata sit in potestatem legatarii, desiderante eo statim repræsentatur relictum, dum si caveat, nihil se ejus facturum, quod testator vetuit: si contra fecerit, rem una cum fructibus restitutum ei, ad quem jure civili, deficiente conditione legatum pertinere potest. Quæ cautio, quod à Q. Mucio inventa est & composita, Muciana dicta: atque in hæreditatibus quoque locum habet, l. 7. l. bis qui 18. de cond. & dem. Plura de conditionibus insertis D. Tulden. & Perez. ad tit. de fals. ea. adj. & 2. seqq. Christin. vol. 4. decis. 49.

## TEXTUS.

### De servo hæredis.

32. *An servo hæredis rectè legemus, quaritur. Et constat, purè inutiliter legari, nec quicquam proficere, si vivo testatore de potestate hæredis exierit: quia quod inutile foret legatum, si statim post factum testamentum deceisset testator, hoc non debet ideo valere, quia diutius testator vixerit. Sub conditione verò rectè legatur servo, ut requiramus, an quo tempore dies legati cedit, in potestate hæredis non sit.*

## COMMENTARIUS.

**H**UJUS & sequentis §. exiguus hodie usus est servitute jam sublata. Proponuntur  
duz



dux quæstiones contrariæ, una hoc §. an ser-  
vo hæredis rectè legetur? altera §. seq. an rectè  
legetur domino servi hæredis instituti?

*Purè inutiliter legari*) Quod servo legatur,  
ipsi domino legari intelligitur, *l. non minus 31. de hæ-  
red. inst.* proinde si servo legetur, vel ipse  
hæredi à semetipso legatur: quod à juris rati-  
one alienum est, *l. & quidem 18. legatum*  
*116. §. 1. de legat. 1. Ulp. tit. 24. §. 20.* ne-  
que natura patitur, ut idem sibi & creditor sit  
& debitor; quod fieri necesse est, si servo hæ-  
redis legari volumus: nam hæres hic & cre-  
ditor sit oportet, quia dominus legatarii, &  
debitor, quia hæres testatoris. Hinc quoties-  
cumque accidit, ut creditoris & debitoris iu-  
ra in eandem personam concurrant, confun-  
ditur obligatio, & necessario extinguitur: quia  
nemo sibi obligatus esse potest, *l. sicut 75. de*  
*solut. l. 7. C. de pact.*

*Si vivo testatore de potestate*) Utrum quod  
purè relictum est, valeat, nec ne; ex tempo-  
re facti testamenti æstimandum, juxta præ-  
scriptum regulæ Catonianæ, quæ quod lega-  
tum inutile foret moriente statim testatore,  
ex postfacto convalescere non patitur, *l. 1. de*  
*reg. Cat.* Atqui in proposito, si statim testator  
decedat, vires habere legatum non potest.  
Eadem ratione supra dictum est, cum res sua  
aliqui legatur, quia hoc legatum ab initio  
non conficit, ideo non convalescere, etiamsi  
legatarius eam rem vivo testatore alienaverit,  
*§. sed si rem 10. sup. eod.*

*Sub conditione verò relicta*) Quod legatum per  
conditionem suspenditur, id in incerto est,  
aliquando valiturum sit, ut nec ne, ut dici non  
possit tempore testamenti valere aut non vale-  
re: & ideo placet, Catonis regulam ad le-  
gata conditionalia non pertinere, *l. 4. de reg.*  
*Cat.* quæ ob hoc amplius non pertinet ad le-  
gata, quorum dies non mortis tempore, sed  
post aditam hæreditatem cedit, *l. 3. eod.*

*An quo tempore dies legati cedit*) Dies legati  
sub conditione relicti ante eventum conditio-  
nis non cedit, *l. 5. §. 2. quand. dies leg.* id est  
legatum sub conditione datum non ante de-  
beri incipit, quàm conditio extiterit, *l. cede-  
re diem 213. de verb. sign.* atque ex eo demum  
tempore vires hujusmodi legatum capit; ut  
proinde etiam satis sit, cum conditio existit,  
rem in eo statu esse, ut possit vires capere,  
quemadmodum in proposito potest, si scilicet  
eo tempore servus non sit in potestate hære-  
dis. Quod si tempore conditionis existentis  
adhuc in hæredis sit potestate, proculdubio le-  
gatum nullum est. Sed iniquis, etiam in casu  
præcedenti contingere potest, ut die legati ce-

dente servus non sit in potestate hæredis; po-  
test enim ante mortem testatoris, ex quo tem-  
pore dies legati purè relicti cedit, ab hærede  
manumitti & alienari. Respondeo, quod at-  
tinet ad utilitatem legati puri, ita spectari  
tempus mortis, ut id tempus vi & potestate  
regulæ Catonianæ jungatur, cum tempore  
testamenti facti, perindeque omnino habeat-  
ur, licet diutius testatorem vivere contingat,  
ac si statim testamenti facti tempore decelsis-  
set. Ex quo est, quod nec ad ulla legata re-  
gula pertineat, quorum dies non cedit tem-  
pore mortis, *l. 3. de reg. Cat.*

## TEXTUS.

## De domino hæredis.

33. *Ex diverso, hærede instituto servo, qui  
domino rectè etiam sine conditione legetur, non  
dubitatur. Nam etsi statim post factum testamen-  
tum decefferit testator, non tamen apud eum, qui  
hæres sit, dies legati cedere intelligitur, cum hæ-  
reditas à legato separata sit, & possit per eum  
servum alius hæres effici, & si prius, quàm jussu  
domini adeat, in alterius potestatem translatus  
sit, vel manumissus, ipse hæres efficitur; quibus  
casibus utile est legatum. Quod si in eadem cau-  
sa permanferit, & jussu legatarii adierit, eva-  
nescit legatum.*

## COMMENTARIUS.

**H**Æc species superiori contraria est. Ait,  
ei, cujus servus hæres institutus est,  
etiam sine conditione rectè legari hac ratione,  
quia etiamsi statim decedat testator, tamen hoc  
casu dies legati apud eum, qui hæres sit, non  
cedit: inveniens, legatum quidem cedere do-  
mino, ac proinde eo mortuo ante aditam hæ-  
reditatem ad hæredem ejus transmitti; sed non  
cedere apud hæredem, ut in casu superiori,  
cum domino hærede instituto servo ejus lega-  
tur. Quippe dominum non recta per servum  
hæredem fieri, sed ita, si jussu ejus hæredita-  
tem adierit: posse autem fieri, ut servus in-  
stitutus, priusquam jussu domini hæreditatem  
adeat, vel manumittatur, vel alienetur, at-  
que ita vel sibi, vel alteri domino, cujus jus-  
su adierit, hæreditatem acquirat, maneatque  
sic hæreditas à legato separata. Cum itaque  
hic legatum & hæreditas decedente testatore  
statim in eandem personam non concurrant,  
neque ita necessario sequatur hæreditatis cum  
legato confusio, ut superiore casu legati cum  
hæreditate, placet, legatum interim in sus-  
pen-



penso esse, & siquidem servus, antequam jussu domini hæreditatem adierit, manumissus vel alienatus fuerit, utile esse legatum: si verò in eadem causa manserit, & jussu legatarij adierit, evanescere propter confusionem cum hæreditate, quo fit, ut in eum casum deducatur, unde incipere non poterat. Eadem ratione responsum est, à filio hærede patri etiam purè legari posse, l. à filio 25. l. quasi-tum 91. in pr. de legat. 1.

## TEXTUS.

## De modo &amp; ratione legandi. De ordine scripturæ.

34. Ante hæredis institutionem inutiliter antea legabatur, scilicet quia testamenta vim ex institutione hæredis accipiunt, & ob id veluti caput atque fundamentum intelligitur totius testamenti hæredis institutio. Pari ratione nec libertas ante hæredis institutionem dari poterat. Sed quia incivile esse putavimus, scripturæ ordinem quidem sequi, (quod & ipsi antiquitati vituperandum fuerat visum,) sperni autem testatoris voluntatem; per nostram constitutionem, & hoc vitium emendavimus, ut liceat & ante hæredis institutionem, & inter medias hæredum institutiones, legatum relinquere & multo magis libertatem, cujus usus favorabili or est.

## NOTÆ.

34. Sperni testatoris voluntatem) Quæ etiam ex veterum sententia totum in testamento facit, l. 35. §. 3. de hæred. instit. l. 12. in fin. de leg. 1.

Et ante hæredis institutionem) Nam in actu continuo & unius temporis, nihil ἕνεκα πρότερον videri debet; manetque hæredis institutio semper caput & fundamentum testamenti, sive sequatur, sive antecedit. Wesemb.

## COMMENTARIUS.

1 Veteres non satis idoneam rationem habuisse improbandi legata ante hæredis institutionem relicta; & num. 2.

Sequitur hujus tituli caput ultimum, in quo abolentur quædam juris veteris scrupulositates, quæ circa formam legandi observabantur: & nimirum hæ tres, quod ante hæredis institutionem, quod post mortem hæredis, quod pœnæ nomine legari non poterat. Ante hæredis institutionem) Olim si ab insti-

tutione hæredis initium testamenti factum non esset, legata ante institutionem hæredis relicta inutilia erant: veluti si quis in ordinando testamento ita primo loco dixisset: Titio centum do lego; deinde loco secundo: Sempronius mihi hæres esto; legatum hoc, ut præpostero ordine ante hæredis institutionem relictum non valebat. Ulp. tit. 24. §. ante 14. Paul. 3. sent. 6. §. 1. Cujus rei rationem hanc affert Ulp. quia potestas testamenti ab hæredis institutione incipit. Id est, quia per institutionem hæredis demum vires, robur, ac firmamentum testamentum accipit: ut proinde hæredis institutio veluti caput ac fundamentum totius testamenti præcedere debeat: & quod ante relictum est, tamquam extra testamentum relictum videatur ἐξ τῆς τῆς διαθήκης, ut ait Theophilus. Cæterum hæc ratio Justiniano tanti visa non est, ut propter eam ordo scripturæ necessario sequendus sit, sprete testatoris voluntate. Et merito. Sit enim institutio hæredis caput & fundamentum testamenti, ex ea testamentum vires accipiat, uti revera accipit, l. quod per manus 10. de jur. eod. non ideo tamen legatum institutioni hæredis præpositum perinde habendum, quasi extra testamentum relictum sit: quoniam cum unus continuus testandi actus sit; nihil in eo ἕνεκα πρότερον videri debet: & proinde sive antecedit legatum, sive institutionem hæredis sequatur, institutio semper manet caput ac fundamentum testamenti. Nec scio, an aliam rationem habeat, quod olim etiam ante hæredis institutionem fideicommissum dari potuit. Ulp. tit. 25. §. 6. & l. tutor. §. ad certum 3. sup. qui test. tut. dar. & quod licebat testamentum ordiri ab exhæredatione, l. 1. de hæred. inst. qua de causâ Jurisconsultus ibi non simpliciter dicit, eum, qui testatur, ab hæredis institutione debere initium facere testamenti, sed plerumque debere.

Nec libertas hæredis institutionem) Quasi dicat, quamvis libertatis magnus semper fuerit favor; tamen hac in re non plus licuisse circa libertatis dationem, quam cætera legata. Excipit Ulpian. testamentum militis, tit. 1. de libert. §. post mortem 15.

Et ipsi antiquitati) Ipsi etiam veteres in ple-risque potiore rationem ducunt voluntatis, quam ordinis scripturæ. Cujus rei exempla passim occurrunt, ut in l. 14. de pec. leg. l. cum pater 77. §. fidei 12. de legat. 2. l. 6. de solut. l. cum pater de legat. 2. Et identidem pronuntiant, voluntatem testatoris in testamento totum facere, l. ex facto 35. §. rerum 3. de hæred. inst. l. si nihil 12. in fin. de legat. 1. At enim



enim in hac specie, quæ non tam ab ordine scripturæ, quam à juris ratione dependere visa est, non sunt aucti idem definire. Quæ tamen profecto nimia fuit scrupulositas. Nam cum illud admiserint, ut fidejussor præcedere posset principalem obligationem, §. 3. *inf. de fidejuss.* nulla idonea ratio dari posse videtur, cur non etiam hoc receperint, ut legata præcedere possent institutionem hæredis. Neque enim magis fidejussio sine principali obligatione consistere potest, quam legatum sine hæredis institutione. Denique cum, ut antea diximus, actus testandi sit continuus, in eo considerari non oportet, quid prius aut posterius fiat, cum totum illud, quod fit, unus sit unius temporis actus, *l. hæredes 21. §. ult. qui test. fac.* quod & D. Wesembæcius notat.

*Per nostram constitutionem*) Non extat alia, quæ hujus rei meminit, quam illa ad Mennam Præfectum prætorio in *l. ambiguitates 24. C. de testam.* qua tamen nihil aliud cavetur, quam ut ne vitia in scribendo commissa imperitia tabellionum obsint testatoris voluntati. Unde plerique putant, & est verisimile, constitutionem, qua primum atque ex professo jus vetus abolitum est, desiderari. Cæterum quod Baro existimat, constitutione illa sic cautum fuisse, ut ordo, qui hic commemoratur, à testatore observari debeat, & tantum inversio ordinis in scribendo à tabulario facta non vitaret testamentum, falsum esse, arguunt verba hujus textus, quæ manifestè indicant, Justinianum sua illa constitutione totam hanc rem arbitrio testatoris simpliciter permisisse, ut nihil intersit, veterem ordinem servet, an à legatis initium sumat.

*Et inter medias*) Hoc etiam jure veteri licitum fuisse, testis est Paul. 3. *sent. 6. §. 1.* Nostrum notarii ineptiam suam produunt, dum semper fere à legatis & fideicommissis testamentum incipiunt quasi putent, inverti rerum ordinem, si hæres institutio, quæ tamen caput est & basis totius rei, primo loco scribatur. Gomez. 1. *var. ref. 2. num. 5.* Jac. Verwey. *artic. test. cap. 16.*

## T E X T U S.

## De legato post mortem hæredis, vel legatarii.

35. *Post mortem quoque hæredis aut legatarii simili modo inutiliter legabatur; veluti si quis ita dicat: Cum hæres meus mortuus fuerit, do, lego. Item: Pridie quam hæres aut legatarius morietur. Sed simili modo hoc correximus, fir-*

*mitatem hujusmodi legatis ad fideicommissorum similitudinem præstantes; ne in hoc casu deterior causa legatorum, quam fideicommissorum inveniat.*

## NOTÆ.

35. *Quam fideicommiss.)* Jam olim enim benignè receptum erat, ut fideicommissa post mortem hæredis relinquere liceret, *l. 5. §. 1. de legat. 3.* Ulpian. *tit. 21. §. 6.*

## COMMENTARIUS.

- 1 *Cur post mortem hæredis aut legatarii legare non licuerit?*
- 2 *Cur licuerit in tempus mortis?*
- 3 *Legatum filio emancipato post mortem patris relictum conferri; cum pater morietur, non item.*

HÆC item mera quædam subtilitas fuit, quod olim post mortem hæredis aut legatarii legare concessum non erat, testibus Ulpiano *tit. 24. §. post mortem 15.* & Paulo 3. *sent. 6. §. 4.* quam ob causam hunc quoque juris articulum emendavit Justinianus.

*Inutiliter legabatur*) Ulp. *d. loc. Post mortem hæredes*, inquit, *legari non potest, ne ab hæredis hærede legari videatur; quod juris civilis ratio non patitur:* & Paul. *similiter d. loc. Post mortem hæredis legari non potest; quia nihil ab hæredibus hæredis relinqui potest.* Credo, quia incertum est, quinam illi futuri sint; deinde quia mandare alieno hæredi non licet. In universum verò post mortem hæredis aut legatarii ideo legare non licebat, quoniam vetus erat regula juris, ut obligatio, quæ non cœperat à defuncto vel contra defunctum, in persona hæredis vel contra hæredem non inciperet, §. *post mortem 12. infr. de inut. stip.* Jam verò si quod post mortem hæredis legatur, valere volumus, necesse est obligationem, quæ contra defunctum non incepit, adversus hæredem transire: si quod post mortem legatarii, necesse est, ut, obligatio, quæ à defuncto non incepit, ad hæredem ejus transeat. Cur igitur, inquires, fideicommissum post mortem hæredis relinqui potuit? Ulp. *tit. 25. §. 6.* Resp. Benignè id receptum fuit, ut fideicommissum relinqui posset ab hæredis vel legatarii hærede, salva in cæteris superiore regula, *l. 5. de legat. 3.*

*Cum hæres meus mortuus*) Aut, Titio, cum mortuus fuerit, do lego. Enimvero quamvis post mortem legari non potuit, in tempus tamen mortis tam legatarii, quam hæredis legatum conferri poterat, puta hoc modo: *L. Titio, cum*



cum morietur, do lego, vel: Hæres meus, cum morietur, damnas esto dare. Pand. d. loc. §. 5. & Ulp. eod. l. si pecunia 12. §. 1. de legat. 2. l. hæres 79. §. 1. de cond. & dem. quemadmodum & stipulatio in mortem promissoris aut stipulatoris utiliter concipiebatur, §. ita autem 14. infr. de inut. stip. Nimirum moriendi momentum vitæ attribuitur: quoniam viventes morimur; & mors si non semel tota est, non est unde fit, ut in tempus mortis collata obligatio, ante mortem in personam morientis incipiat, & cœpta ad hæredem transmittatur. Hinc etiam illud est, quod etsi filius emancipatus non tenetur conferre legatum post mortem patris ei relictum, l. pen. de collat. l. nec emancipati 15. C. eod. conferre tamen teneatur, quod ei legatum est, cum pater morietur: quia id non post mortem patris demum acquisivisse, sed moriente patre, manenteque adhuc vita, eum habuisse interpretamur. Constat autem, emancipatum juberi ea omnia conferre fratribus, qui in potestate manserunt, quæ moriente patre habuit, l. 6. C. d. tit. Ulp. tit. de poss. dand. §. 3. add. Cujac. 3. observ. 34.

*Pridie quam hæres aut legatarius morietur*) Existimaverunt veteres, hoc legatum incidere in speciem præcedentem & eum casum, quo post mortem hæredis ante legatarii legatur. Nam cum illud *pridie* ante mortem incertum fit, & non nisi postquam jam mortuus est hæres aut legatarius, sciri possit, quis ille dies fuerit, non magis hic obligationem ante mortem incipere posse crediderunt, quam si expressè post mortem legatum esset. Quam ob causam stipulatio quoque hujusmodi: *Pridie, quam moriar, vel: Pridie, quam morieris, dare spondes?* inutilis erat, d. §. post mortem 12. infr. de inut. stip. Ecce sollicitam veterum diligentiam.

*Correximus*) Ex constitutione Justin. etiam post mortem hæredis aut legatarii legare licet uti & stipulatio in tempus post mortem stipulatoris aut promissoris concepta ex ejusdem constitutione valet, l. scrupulosam 7. C. de contr. stip. Idem alia constitutione antiqui juris regulam abrogavit, permisitque, actiones ab hæredibus & contra hæredes incipere, l. un. C. ut. act. ab hæ. Mutandi juris veteris hanc causam habuit, quod illud in pura puta subtilitate consistebat. Cur enim, cum legatum in tempus mortis conferre liceat, non liceat in tempus post mortem, aut in ante diem mortis? Merè subtilitatis est, momentum mortis vitæ in hac causa attribueri; atque hoc solo colore defendere legatum: aut propter

illud verbum *pridie*, voluntatem testatoris infirmari.

*Quam fideicommissorum*) Nam fideicommissa etiam olim post mortem hæredes rectè linquebantur, teste Ulp. tit. 25. §. 6. & in l. 5. §. de legat. 3.

### T E X T U S.

Si pœnæ nomine relinquatur, adimatur, vel transferatur.

36. Pœna quoque nomine inutiliter antea legabatur, & adimebatur, vel transferebatur. Pœnæ autem nomine legari videtur, quod coercendi hæredis causa relinquitur, quo magis aliquid faciat, aut non faciat, veluti si quis ita scripserit: Hæres meus si filiam suam in matrimonium Titio collocaverit: vel ex diverso: Si non collocaverit, dato decem aureos Sejo: aut si ita scripserit: Hæres meus si servum Stichum alienaverit, vel ex diverso: Si non alienaverit, Titio decem aureos dato. Et in tantum hæc regula observabatur, ut quamplurimis principalibus constitutionibus significaretur, nec Principem agnoscere, quod ei pœnæ nomine legatum sit: nec ex militis quidem testamento talia legata valebant, quamvis aliæ militum voluntates in ordinandis testamentis valde observabantur: quin etiam nec libertates pœnæ nomine dari posse placebat: eo amplius nec hæredem pœnæ nomine adjici posse, Sabinus existimabat, veluti si quis ita dicat: Titius hæres esto: si Titius filiam suam in matrimonium Sejo collocaverit, Sejus quoque hæres esto. Nihil enim intererat, qua ratione Titius coerceretur, utrum legati datione, an coheredis adjunctione. Sed hujusmodi scrupulositas nobis non placuit: & generaliter ea, quæ relinquuntur, licet pœnæ nomine fuerint relicta, vel adempta, vel in alium translata, nihil distare à cæteris legatis constituimus, vel in dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut aliàs probrosa. Hujusmodi enim testamentorum dispositiones valere sècunda meorum temporum non patitur.

### N O T Æ.

36. Quod coercendi hæredis causa) Addit Ulp. d. loc. non ut quid ad alium pertineat, id est, non ut legatum facilius à legatario obtineatur. Itaque tale legatum, Hæres uxori meæ penum dato: si non dederit, centum dato, l. 1. de pen. leg. & si quæ similia, non est exemplum legati pœnæ: etsi enim & hic confringitur hæres, id tamen non fit hæredis puniendi, sed legati juvandi causa. Locus Africani in l. 1. de



de his quæ pen. caus. interpolatus videtur à Triboniano.

Seffa meorum temporum ) Ratio, disciplina, justitia, l. ultim. Cod. de pass. Alex. l. 2. C. ad leg. Jul. maj. Trajan. ad Plin. 10. 56. Igitur tale legatum, Heres meus nisi mare ebiberis, aut, nisi uxorem prostitueris, centum Titio dato, nullius momenti est: quia pœnæ causa hæredi, quod impossibile aut turpe est, injungitur. At cum impossibiles imponitur legatario, puta hoc modo: Titio, si mare ebiberis, &c. centum lego, valet legatum, & conditio hujusmodi pro non scripta habetur, ut §. propen. sup. de hæ. inf. quod notandum.

## COMMENTARIUS.

- 1 Veteris juris, quod hic refertur, variæ rationes.
- 2 Quid sit pœnæ nomine legare?
- 3 Abrogatio hujus juris cum causa abrogandi.
- 4 Interpp. plerisque circa hunc articulum errasse, eo quod non satis intellexerint, quid sit, pœnæ nomine legare?
- 5 Notatur Bachovii & Sutholdi insignis error.

**T**ertia hæc species est; in qua jus vetus circa formam legandi à Justiniano mutatum. Olim quod pœnæ nomine relictum erat, in ea causa fuit, ut qualecumque hoc esset, in totum non valeret. Ulp. tit. 24. §. pœnæ 17. fac. l. 12. de cond. & dem. l. 2. de his quæ pœn. nom. Jul. Capitolinus in Anton. c. 2. Primus constituit, ne pœnæ causa legatum relictum maneret. Neque alia in hac re fideicommissorum, quàm legatorum causa fuit, Ulp. tit. 25. §. 11. Hujus autem juris duplicem rationem fuisse Theophilus memorat. Primum, quoniam in hæredis arbitrium hoc legatum confertur; sic autem juris constitutio est, ut legatum in potestate hæredis poni non possit, l. senatus 43. §. pen. de legat. 1. Deinde, quia finis legandi hujusmodi legato obstat; quippe legata ex animo & benevolentia erga legatarium proficisci debere, non puniendi, aut territandi hæredis causa relinqui: pœnæ verò causa quod legatur, non beneficentiæ erga legatarium exercendæ gratia relinqui: sed contra naturam legati odio hæredis; ut sit pœna, non præmium, non honos. Quin & tertia ejusdem juris ratio dari potest, quod scilicet per ejusmodi legata infringebatur libertas faciendi, quod jure cuique facere licet, & licere debet: quod & ipsum jus civile improbat, l. Titio 71. §. 2. de cond. & dem. atque hanc quoque rationem videtur significare Theoph. cum ait, hoc genus legati modum quemdam præscribere hæredibus, *καὶ τὸ εἶδος αὐτῶν πολιτευέσθαι.*

Adimebatur vel transferebatur ) Exemplum fit: Titio centum do lego. Titius filiam suam Sejo in matrimonium ne collocet. Si Titius filiam suam Sejo collocaverit, quod Titio legavi, non do non lego, vel: Quod Titio legavi, Sempronio do lego.

Quod coercendi hæredis causa relinquitur ) Vel etiam quod coercendi legatarii causa adimitur aut transfertur, ut in exemplo modo proposito. Plenius aliquanto definit Ulp. tit. 24. §. pœnæ 16. pœnæ, inquit, causa legatur, quod coercendi hæredis causa relinquitur, ut faciat quid, aut non faciat, non ut quid ad alium pertineat: id est, non ut legatum, quod alicui relictum est, facilius à legatario percipiatur, aut obtineatur. Quæ nos definitio docet, non omnem eum pœnæ nomine legare intelligi, qui coercendi hæredis gratia legat; sed eum solum, qui nullam aliam causam legandi habet, quàm ut hæres coerceretur: quod diligenter notandum est, ut scilicet intelligamus, legatum pœnæ nomine non relictum videri, non solum cum hæres non constringitur ullo modo, sed etiam cum constringitur aut coercetur, sed alius rei gratia, legati scilicet, quod datum est, juvandi, aut voluntatis testatoris confirmandæ.

Et in tantum hæc regula observabatur ) Amplificat veterem regulam quatuor modis. 1. quod etiam Principes in eo, quod pœnæ nomine ipsis relictum erat, huic se juri subiciebant. 2. quod nec ex testamento militis hujusmodi legata debebantur. 3. quod ne libertas quidem pœnæ causa dari poterat. 4. quod placebat, nec hæredem pœnæ causa adjici posse. Quibus & quintum adjici potest, quod nec fideicommissa, quorum longè laxior natura, quàm legatorum erat, pœnæ nomine dari poterant. Ulp. tit. 25. §. pœnæ 11.

Hujusmodi scrupulositas nobis non placuit ) Justinianus etiam in hoc articulo juris veteris observationem ut nimis scrupulosam abrogandam putavit, idque effecit constitutione ea, quæ extat in l. un. C. de his, quæ pœn. nom. ut jam, quæ pœnæ nomine relinquuntur, vel adimuntur, aut transferuntur, non minus valeant, quàm cætera, quæ jure relicta sunt. Et profecto nemini iniquum videri debet, eum, qui hæres instituitur, aut legato honoratur, pro modo relictæ à testatore gravari, aut constringi, ut aliquid faciat, quod possit facere, & honestè possit: præsertim cum voluntatem defuncti legis instar observari etiam veteres voverint, l. ex facto. 35. §. rerum. 3. de hæ. inf. Humanum tamen esse plerisque visum est, ut hæres ob justam ac probabilem causam saltem excusetur à pœna, Covar. in s. Rainaldus. §. 1.



n. 7. *Pand. de testam. Peregr. lib. 3. de jur. ffs. cap. 18. nu. 108. Sand. lib. 4. tit. 6. def. 1.* Ex his verò perspicuum est, errare interpretes, qui putant, jam tùm tempore mediæ Jurisprudentiæ pœnæ nomine legare licitum fuisse, & Justinianum hîc intelligere jus quoddam antiquius eo, quod relatum est in *Pandectas*. Causam errori præbuit, quod non intellexerunt, quid sit, pœnæ nomine legare. Putant, tale legatum: *Heres uxori meæ penum dato: si non dederit, centum dato*; quale legatum citra controversiam semper valuit, *l. 1. de pen. leg. l. 1. §. item si 18. ad leg. Falc. l. cum sine 19. quand. d. leg.* exemplum esse ejus, quod pœnæ nomine relictum est. Verùm ex definitione Ulp. paulo ante à me relata atque illustrata facile apparet, hoc exemplum ad legata pœnæ causa relictâ non pertinere; quippe in quo nihil proponitur relictum aut cautum odio hæredis, aut ob eam causam, ut hæres coerceatur: sed totum appareat relictum & cautum uxoris gratia. Manifesta igitur illa ignorantio est elenchi. Neque necesse est, ut cum Cujacio *traçt. 5. ad Afric. in l. 1. de bis. que pœn. nom.* excipiamus de regula hanc speciem, *Heres meus tale monumentum mihi adificato: si non adificaverit, centum Titio dato, l. 6. l. in testam. 27. de cond. & dem.* Nam ne hoc quidem legatum pœnæ nomine relictum dici debet ex superiore definitione, quod præcipue testatoris causa relictum est, & quo hæres provocetur ad faciendum, quod testator sibi fieri voluit. Justius movere interpretes potuit *d. l. 1. de bis, que pœn. nom.* Sed jam docti omnes vident, locum istum esse interpolatum, Tribonianumque de suo hæc verba *illicitè, vel probro* responso Africani inseruisse, atque in calce item adjecisse verbum *talem*, ut subserviret constitutioni Justiniani, quæ quidem sublato jure veteri, permittit pœnæ causa legari, sed excipit, quæ illicita, probrosa, vel impossibilia sunt. VINN. Immo id non adeo exploratum est eruditus, *leg. 1. ff. de bis, que pœn. caus.* esse à Triboniano interpolatam. Potius Vir Illustris, Corn. van Bynkersh. *de legat. pœn. nom. relict. cap. 4.* inde colligit, ea tantum legata visa olim pœnæ nomine relinquî, quibus testator hæredem ad probrosum aliquid faciendum cogere vellet. Quæ si vera sunt, non potest quidem Tribonianus argui, quod constitutioni Justiniani subserviens responsum Africani interpolavit: ast erit tamen tunc ejus culpæ reus, quod non intelligens naturam horum legatorum Justiniano auctor fuerit legata pœnæ nomine relictâ confirmandi, & excipiendi tamen legata, quibus hæres

ad turpe facinus impellatur, cum tamen hæc sola sint legata pœnæ nomine relictâ. Ita aliquid concessit Justinianus, quod semper concessum fuit, prohibuit quod semper prohibitum, id est, actum egit. Si cui & id difficile creditu videatur, quia & Ulpian. *tit. 24. §. 17.* legata pœnæ nomine relictâ fere eodem modo definit, ac hic Justinianus; is cogitet velim, an non legata pœnæ nomine fuerit omnia, quæ ab hærede ejus vexandi causa relinquebantur, quibusque sæpe adigebantur ad ridiculas conditiones. Et tale fors fuit testamentum illud Staberi apud Horat. *lib. 11. ferm. sat. 3. v. 84.*

*Heredes Staberi summam incidere sepulcro,  
Ni sic fecissent, gladiatorum dare centum  
Dammnati populo, atque epulum arbitrio Arri,*

*Frumentum, quantum metit Africa.*

Justinianus ergo has tricas sustulit, jus sitque rata esse hæc legata, dum ne quid turpe & bonis moribus adversum hæredi injungeretur. Conf. V. C. Nic. Hieronym. Gundl. *Diff. de principe hærede cap. 6. §. 32. HEIN.*

*Impossibilia, vel legibus interdicta*) Impossibilia, veluti si quis ita leget; *Heres meus, nisi digito cælum tetigerit*, aut, *nisi mare ebiberit, Titio centum dato.* Legibus interdicta & probrosa, veluti si ita leget; *Nisi amitam uxorem duxerit, dato: vel, Si parenti alimenta præstiterit, Si patrem, ab hostibus redemerit, dato, l. conditione. 9. de cond. inst.*

*Hujusmodi dispositiones valere secta meorum temporum non patitur*) Merito hujusmodi dispositiones ne nunc quidem valere patitur: quippe pœnæ locus dari non debet, ubi nullum delictum, nulla fraus aut culpa est, *l. aliud est fraus. 131. de verb. sign.* Quæ verò culpa aut fraus in eo qui non facit, quod vel natura impossibile est, vel legibus aut bonis moribus contrarium? Igitur hujusmodi legatum: *Heres, nisi mare ebiberit, nisi matrem domo expulerit, centum Titio dato*, nullius momenti est, ut bene Glossa in *d. l. un. Cod. de bis, que pœn. nom.* notat, & disertè scriptum est in *d. l. 1. Pand. eod.* Mirorque adeo judicium Bachovii in *Treutl. vol. 2. disp. 13. thes. 6.* & Sutholti, qui hoc à præceptore hausit, *diff. 11. n. 59.* contententium, in proposito non vitari legatum, sed vitari illud ipsum, & pro non adjecto haberi, quod adjectum, impossibile aut legibus interdictum est, *arg. §. impossibilis. 10. sup. de her. inst. l. ab. omnibus 104. §. 1. de legat. 1. l. 3. de cond. & dem. cum. simil.* quibus locis traditur, conditionem impossibilem aut turpem legato adjectam legatum non vitare, sed



sed ipsam vitari & pro non scripta esse. Quis enim non videt, quantum inverſit, utrum simpliciter quis centum leget ſub conditione impoſſibili aut turpi, puta hoc modo: *Titio, ſi digito cælum tetigerit, ſi uxorem ſuam proſtituerit, centum do lego*, an centum leget pœnæ cauſa, eo hæredi injuncto, quod impoſſibile aut probroſum eſt; veluti ſi ita dicat; *Hæres meus, niſi digito cælum tetigerit, niſi uxorem ſuam proſtituerit, centum dare damnas eſto?* Illic legatuma non vitatur, ſed favore ultimæ voluntaris ejuſmodi conditiones detrahuntur aut remittuntur, ne legatario, cui nihil imputari poteſt, fraudi ſit, quod non pareat conditioni, cui per rerum naturam aut leges parere non

poteſt. Hic legatum nullius momenti eſt, non quia legato adjecta impoſſibilis aut turpis conditio; ſed quia relicto eſt puniendi hæredis cauſa, ſi ipſe conditioni non pareat, ideſt; non faciat; quod natura aut jure facere non poteſt. Hic, inquam, tale legatum inutile eſſe placet, ne puniatur, qui pœnam non meretur. Atque hanc eſſe mentem Juſtiniani ex hoc ipſo loco ſatis intelligitur, cum legatis, quæ pœnæ nomine relinquuntur, confirmatis, excipit ex eo genere, quæ impoſſibilia aut turpia ſunt. Vidit tandem hoc etiam D. Bachovius; & verum eſſe confeſſus eſt in comment. ad hunc §.

## TITULUS VIGESIMUS PRIMUS.

## DE ADEPTIONE LEGATORUM ET TRANSLATIONE.

Dig. Lib. 34. Tit. 4.

*Continuatio. Quàm variis modis ademptio legatorum fiat.*

**D**ictum hæctenus eſt de iis, quæ ad conſtitutionem legati pertinent: nunc, uti mos eſt Jurisconſultorum, exponitur, quomodo rectè ab initio conſtituta inſermentur. Id ſit, cum aliis modis, tum maxime ademptione aut translatione; de quibus etiam hic Juſtinianus ſolum agit. Eſt autem hæc facultas libertina, ut quod teſtator ſemel alicui legavit, id ei adimere, aut in alium transferre poſſit, voluntasque defuncti ambulatoria eſt uſque ad ſupremum exitum, *l. 4. hoc tit.* Ademptione legati, vel ipſo jure legatum exinguitur, vel ope exceptionis enervatur. Ipſo jure legatum ademptum intelligitur, ſi teſtator declaraverit contrariam voluntatem: idque vel verbis, ſive directo contrariis, dum teſtatur ſe adimere quod dedit, ſive aliis quibuſcumque, ex quibus aperte intelligatur, pœnituiſſe eum prioris voluntatis; arg. *l. Divi. 13. eod.* vel rebus & factis: veluti ſi legatum conſulto induxerit, *l. nihil intereſt. 16. eod.* aut rem legatum deſtruxerit, *l. ſi ita 65. §. ult. de legat. 1. l. lana. 88. §. 2. de legat 3.* aut in novam ſpeciem tranſtulerit, quæ ad priſtinam materiam reduci non poſſit, *d. l. lana 88. in pr. & §. 1.* vel nulla neceſſitate adductus alienaverit; de quo actum *tit. præc. §. ſi rem. 12.* vel denique ſi quis nomen debitoris ſui alteri legatum exegerit, de quo ſub *§. tam autem 21. eod. tit.* Ope exceptionis ademptio introducitur, ſi quid intervenerit,

ex quo mutata voluntas teſtatoris colligi poſſit, cum neque verbis, neque facto aliquo palam declaraverit, ſe legatum adimere: veluti ſi graves inimicitie inter teſtatorem & legatarium interceſſerint, nec reconciliatio ſequuta ſit, hic petenti legatario obſtabit exceptio doli ex nuda eaque præſumpta contraria voluntate, *l. 3. §. ult. junct. l. ſeq. b. t.* Proinde omnino aſſentior Bartolo in *l. ſi ita. 14. de legat. 1.* Ant. Mynſ. & Schneid. hic, poſſe legatarium oppoſita exceptione doli ſubmoveri, etiamſi imperfecto teſtamento legatum ademptum eſſe proponatur: quippe cum hæc exceptio obſtet omnibus, qui voluntate teſtatoris deſtituuntur, *l. 4. §. præterea. 10. de dol. mal. exc. l. militia. 36. §. 3. de teſtam. mil.* Præter hæc, quod hic non tangit Juſtinianus, legata etiam caſu interdicunt, videlicet ſi teſtamentum, quo aliquid relicto eſt, rumpatur aut irritum fiat, *l. filio. 17. de injuſt. rupt. l. 8. §. pen. de inoff. teſtam. l. ſi nemo. 18. de reg. jur. l. 1. C. de poſt. her. inſt.* Una tamen hic exceptio eſt ex jure noviſſimo; niſi teſtamentum reſciſſum ſit ex cauſa præteritionis aut exheredationis: quod cum incidit, ſola inſtitutio irrita eſſe jubetur, cætera autem capita rata manere, *auth. ex cauſa. C. de lib. præc. vid. ſupr. tit. de inoff. teſtam.* Porro eadem libertate, qua legatum adimitur, etiam in aliam transferri poteſt, de quo in *§. 1.* ſeu parte hujus tit. altera.



## TEXTUS.

## De ademptione.

*Ademptio legatorum, sive eodem testamento adimantur, sive codicillis, firma est. Sed & sive contrariis verbis fiat ademptio; veluti si, quod ita quis legaverit; Do lego, ita adimatur; Non do, non lego, sive non contrariis, sed aliis quibuscumque verbis.*

## NOTÆ.

*Sive codicillis*) Testamento confirmatis ipso jure, Ulp. tit. 24. . 27. fac. l. 43. de man. test. d. l. 16. de vulg. & pup. non confirmatis tuitione prætoris, opposita petenti doli mali exceptione, l. 4. §. 10. de dol. mal. exa.

*Firma est*) L. 17. C. de legat. Quippe voluntas defuncti ambulatoria est usque ad vitæ supremam exitum, l. 4. b. t.

*Aliis quibuscumque verbis*) Ut in l. 3. §. 8. l. 13. eod. vel si factio aliquo contrariam voluntatem declaraverit, cujusmodi exempla habes, l. 16. eod. l. 65. §. 2. de leg. 1. l. 88. eod. 3. §. 12. sup. tit. præc. Ope etiam exceptionis ademptio introducitur ex nuda contrariæ voluntatis præsumptione, veluti si graves inimicitia inter testatorem, & legatarium exorta fuerint, nec reconciliatio secuta, l. 3. §. ult. cum l. seq. hoc tit.

## COMMENTARIUS.

**S***ive eodem testamento*) Meminit tantum ejusdem testamenti, propterea quod si aliud testamentum factum fuerit, hoc ipso legata priore testamento relicta infirmantur, unaquaque cum testamento, in quo relicta sunt, citra ullam aliam revocationem corruunt. Et igitur, quod priore scriptura testamento datum est, id posteriore adimi potest, l. Divi. 13. l. nihil prohibet. 17. hoc tit. l. si quis. 16. de vulg. & pup. Atque adeo etiam statim & continenter, ut opinor, revocari; puta hoc modo; Centum Titio do lego: immo non do, non lego. Neque obstat, quod traditur in l. ubi 188. de reg. jur. ubi pugnantium in testamento jubetur, neutrum valere; quod Græci reddiderunt τὰ ἐν διαθήκῃ ἀλλήλοις ἐναντιώμενα ἢ ἐπὶ τῶν, quoniam regula ista procedit in perplexis atque inter se collidentibus, cujusmodi speciem habemus in l. Titius 16. de cond. inst. non ubi prior scriptura per posteriorem corrigitur, commutatur, aut rescinditur, d. l. nihil prohibet 17. & ibi Gloss. & Bart. b. t.

*Sive codicillis*) Intellige testamento confir-

matis, ut bene Martin. & Placent. teste Accur. hic & in præfat. Nov. 159. vers. manifestum. Quippe cum codicillis testamento non confirmatis nihil directo dari poterit, l. libertates 43. de man. test. §. præterea 10. inf. de fideic. her. consequens est, & arguit l. si quis 16. de vulg. & pup. nec quod testamento datum erat, codicillis non confirmatis potuisse adimi, ita quidem certè, ut ademptio ipso jure valeret: nam quin petens legatarius per exceptionem doli hoc casu repelli poterit, non est dubitandum, l. 4. §. præterea 10. de dol. mal. exc. Errat igitur & Accurs. dd. loc. & Bart. in l. si ita. 14. de legat. 1. quorum ille contendit, ne confirmatis quidem codicillis ipso jure legatum etiam; hic contra, ipso jure adimi codicillis etiam non confirmatis: quod tamen novo jure defendi poterit. Quoniam autem olim legata ab intestato dari non poterant, quæri non potuit, an ita data aliis codicillis potuerint adimi? sed huic quæstioni locus erat in fideicommissis. Hodie tamen etiam in legatis est, post eorum cum fideicommissis exæquationem: cumque dari legata codicillis & ab intestato possint, consentaneum est posse etiam ipso jure similiter adimi: eoque jure utimur.

## TEXTUS.

## De Translatione.

1. *Trasferri quoque legatum ab alio ad alium potest: veluti si quis ita dixerit: Hominem Stichum, quem Titio legavi, Sejo do lego: sive in eodem testamento, sive codicillis id fecerit; quo casu simul & Titio adimi videtur, & Sejo dari.*

## COMMENTARIUS.

**A***B alio ad alium*) Ex Cajo l. 5. hoc tit. Potest verò & aliis modis translatio fieri. Paulus l. 6. eod. quatuor modus commemorat. Aut enim, inquit, à persona in personam transfertur; ad quem modum pertinet species hic proposita aut ab eo, qui dare jussus est, transfertur, ut alius det; aut cum res pro re datur, pro fundo decem aurei: aut quod purè datum est, transfertur sub conditione. Adjiaciatur & quintus, cum quod prius sub conditione datum est, deinde purè legatur, l. non ad ea. 79. de cond. & dem.

*Hominem Stichum, quem Titio legavi, Sejo do lego*) Videtur hæc formula similis esse formulæ conjunctionis, quæ re fieri dicitur, cum disjunctim eadem res duobus legatur; qualis illa: Titio hominem Stichum do lego; Sejo eundem

dem



*dem do lego* ; qua nil Titio adimi , sed Sejus in eandem rem cum Titio vocari intelligitur , §. *si eadem*. 8. *tit. prac.* nisi evidenter appareat , adimere testatorem voluisse , *l. si pluribus*. 33. *de legat.* 1. Sed diversæ omnino sunt hæ formulæ , & cum quis ita dicit ; *Quod Titio legavi* , id *Sejo do lego* ; ex ipsa conceptione perspicue apparet , Titium & Sejum non conjungi in eandem rem , sed adimi Titio , quod ei legatum erat , & Sejo dari . Quam ob causam etiam si persona legatarii non mutetur ; sed verbi gratia ita testator scripserit , licet ex continenti : *Stichum , quem Titio legavi , hæres meus illi dato , si illud aut illud factum erit* : legatum sub conditione translatum videri responsum est , eo quod commemoratione prioris legati posterius scriptum sit , *l. non ad ea*. 89. *de cond. & dem.* Obstat tamen videtur , quod ex Juliano Ulpianus & Paulus referunt in hac specie , ex qua parte *Sejum institui* , ex eadem parte *Sempronius hæres esto* : *Sejum & Sempronium conjunctim intelligi institutos* , *l. Julianus* 15.

*in pr. de hæ. inst. l. triplici*. 142. *in fin. de verb. sign.* Sunt qui in institutione hæredum sic jus esse arbitrantur , in legatis contra : quod ego falsum puto , & diversas esse formulas , *Stichum , quem Titio legavi* , *Sejo lego* ; & *Stichum , quem Titio legavi* , *eundem Sejo lego* ; illa enim aperte adimitur Titio , quod Sejo datur , hac uterque in eandem rem manifestè conjungitur , cum idem utriusque legatur . VINN. Alioquin dari solet regula : *Ex repetitione nominis primi legatarii præsumi translationem : ex non repetita legatarii commemoratione conjunctionem*. e. g. *Stichum , quem Titio legavi* , *Cajo do lego* . Titio Stichum do lego , eundem Cajò do lego , Nec obstat exemplum ex *l. 15. pr. ff. de hæ. instit.* Nam si Stichus pro eadem parte legatur Cajò & Sejo ; res ipsa docet , hic non translationem esse , sed conjunctionem . Regula autem nostra indicat , quid in dubio sit præsumendum . Conf. celeb. Pagenstech. *Admonit. ad Pand. Part. 5. §. 148. p. 581.* HEIN.

## TITULUS VIGESIMUS SECUNDUS. DE LEGE FALCIDIA.

*Dig. Lib. 35. Tit. 2. C. Lib. 6. Tit. 50. Nov. 1.*

*Ratio ordinis , & argumentum tituli.*

**I**N disputatione de legatis omitti non debuit de lege Falcidia , qua novissimè antiqua legandi licentia repressa , & modus legatorum constitutus est . Indicatur hic primum occasio hujus legis ferendæ : inde summa juris lege constituti proponitur . Tertio docetur , quo tempore visum sit spectari modum patrimonii in ponenda ratione legis . Postremo , quæ res ante rationem Falcidiæ deducantur , ostenditur , & quomodo porro in reliquo ratio legis inearur .

*testatorum gratia provisum est* , ob id quod plerumque *intestati moriebantur* , recusantibus scriptis hæredibus pro nullo aut minimo lucro hæreditates adire . Et eum super hoc tam lex Furia , quam lex Voconia latae sunt , quarum neutra sufficiens ad rei consummationem videbatur , novissime lata est lex Falcidia , qua cavetur , ne plus legare liceat , quam dodrantem totorum bonorum : id est ut sive unus hæres institutus sit , sive plures , apud eum eosve pars quarta remaneat .

### TEXTUS.

Continuatio. Ratio & summa hujus legis.

*Supereft , ut de lege Falcidia dispiciamus , qua modus novissime legatis impositus est . Cum enim olim lege duodecim tabularum libera erat legandi potestas , ut liceret vel totum patrimonium legatis erogare : quippe cum ea lege ita cautum esset , Uti quisque legasset suæ rei , ita jus esto : visum est hanc legandi licentiam coarctare : idque ipsorum*

Tom. I.

### NOTÆ.

*Ipsorum testatorum gratia* ) Non singulorum sed in genere & quasi in abstracto consideratorum . Nam singulorum potius hæredum gratia leges hæ latae , *l. 71. hoc tit.*

*Tam lex Furia , quam Voconia* ) Quarum illa cavebat , ne supra mille asses legare licet . Ulp. in *fragm. pr.* Hæc , ne quis census plus cuiquam legaret , quam ad hæredem perveniret . Cic. 1. in *Verr. cap. 43.* Theop. *bic. add. Cujac.*

*Sive unus , sive plures* ) Hoc tamen sic temperandum est , ut procedat , si legata simpliciter

Ffff

citer



citer ab omnibus relicta sint; aliud si unus gravetur nominatim, §. seq.

## COMMENTARIUS.

- 1 Occasio legis hujusmodi ferendæ.
- 2 Exponuntur verba legis duodecim Tabb. uti quisque legasset suæ rei.
- 3 Quo aspectu leges Furia, Voconia, Falcidia testatorum gratia late dicantur?
- 4 Latas esse hæc leges hæredum potissimum causa, non singulorum testatorum.
- 5 Quid à quo cautum lege Furia?
- 6 Quid à quo lege Voconia?
- 7 Quando à quo lata lex Falcidia, & quid in ea cautum?
- 8 Ad quæ vel statim, vel sensim virtus legis producta?

1 **L**ege duodecim tabularum libera erat legandi potestas) Causa seu potius occasio rogandæ hujus legis. Lege duodecim tabularum licebat testatoribus universum patrimonium suum in legata consumere, nihil ut hæredi relinqueretur, præter onus, & molestiam æris alieni. Sic enim ea lege simpliciter cautum erat, uti quisque legavisset, ita uti jus esset, l. verbis. 120. de verb. sign. Hac licentia cum testatores usi essent, eveniebat plerumque, ut suprema eorum judicia destituerentur, recusantibus scriptis hæredibus nullo suo, aut quàm minimo lucro hæreditatem adire, atque aliena dumtaxat gratia maximis sæpe oneribus minimèque necessariis se implicare. Quod cum & ipsis testatoribus inutile esset, & publicè interesse existimaretur suprema hominum voluntates conservari, l. 5. test. quem. aper. visum est ex usu esse reip. hæredes justo aliquo lucro ad adeundam hæreditatem invitari, quo suprema morientium judicia retinerentur. Id quod ita commodè fieri posse creditum est, si libertas illa legandi intra certum modum ac finem cohiberetur, ut cum non totum patrimonium legatis exhaustum foret, esset aliquid videlicet, quod hæredes ex testamento caperent. Quæ res cum primum lege Furia, deinde Voconia tentata esset, tandem lege Falcidia perfecta est.

2 Uti quisque legasset suæ rei) Ita quoque verba legis duodecim referuntur in l. verbis. 120. de verb. sign. Legasset suæ rei dictum pro super pecunia & re sua: quomodo auctor ad Heren. lib. 1. & Ulp. in fragm. tit. 11. §. testamento. 13. legis verba referunt, quasi dictum esset, pro commodo & utilitate rei suæ; ut sit datus acquisitivè positus, ut loquuntur Grammatici.

Illud enim minimè convenit, ut hæc verba rei suæ, non ad verbum legasset, sed ad illa, jus esto, referantur; atque ita legemur, Uti legasset, ita ut rei suæ jus esto; quod voluit Aciat. ad. d. l. verbis. 120. & Baro hic. Primum quia verba illa, ita jus esto, absolutè ponuntur. Deinde, quia etsi transitum in rem aliam habent; tamen nemo ita loqueretur, ita jus esto illius rei, sed de illa re. Denique non dicimus, si quis quid legaverit, ita jus esto de re sua, sed de re ejus, utentes pronomine demonstrativo, non reciproco: quia legens de se prius locutus non est. VINN. Legem hanc decemviralem, jam alio loco exposuimus uberius. Conf. & Antiq. nos. Rom. lib. 11. tit. 15. §. 2. nota p. 456. edit. nov. HEIN.

Ipforum testatorum gratia) Ait, leges Furiam, Voconiam, Falcidiam ipforum testatorum gratia latas, ne scilicet, ut subjicit, voluntas eorum destituto testamento periret. Forte etiam hæc ratio fuit, quod qui substantiam omnem legatis erogant, credibile sit, errore ductos id facere, existimantes, plus se in bonis habere, quàm habent, arg. l. in fraudem 25. qui & à quib. man. Quamquam autem etiam retenta plena legandi licentia, & secundum eam exhausto legatis patrimonio, legatarii adhuc facere possunt, ut voluntas servetur: quippe qui ne deserto testamento nihil consequantur, potius cum hærede pacifcentur, partemque remittent, §. 2. inf. in fin. cod. tamen facilius hæredem inductum iri, ut hæreditatem adeat, legumlatoris putaverunt, si jure suo & beneficio legis partem aliquam haberet, quàm si beneficio legatariorum. Licet autem hinc intelligere, leges hæc rogatas non esse singulorum testatorum gratia, sed tantum in genere & quasi in abstracto testatores à latoribus consideratos, tamquam omnes ita affecti sint, ut malint partem legatariis detrahi, quàm voluntatem suam in totum perire. Etenim singulorum testatorum favore si hæc leges introductæ essent, licuisset singulis, & verbi causa; Titio testatori huic suo favori renunciare, & testamento cavere, ne hæres aliqua harum legum uteretur: quod non licuisse certum est, sed contra etiam invito testatore, contra sententiam ejus, eoque prohibente, vim suam illas exercuisse, ut lege Falcidia expressè traditum est, l. quod bonis 15. §. 1. & ult. l. Titia 86. in fin. hoc tit. convenienter capiti secundo ejusdem legis, quo nemini plus legare permittitur, quàm dodrantem bonorum, l. 1. in pr. vers. secundo eod. Hujus rei etiam fortissimum argumentum est, quod placet, in testamento militis legi Falcidiæ locum non esse, l. 7. C. eod.



*l. 12. C. de test. mil.* Nam si ex voluntate testatoris induceretur, vel magis valere deberet in testamento militis, utpote cujus voluntati multo plus, quam cæterorum tribuitur. Illud enim planè à ratione juris nostri alienum est, quod cum Portio Mynfingerus tentat, ideo in testamento militis cessare Falcidiam, quod hoc ipso quod cautum est, ne legi Falcidiæ locus esset in testamento militis, cautum quoque intelligantur, ut hæres à milite institutus, velit, nolit, hæreditatem adeat, compellente eum, si nolit, magistratu: & adhuc magis, quod illi magis placet, dum existimat cum Corasio, eo, quem miles hæredem instituit, repudiante, proximos, qui ab intestato veniunt, legati præstatione obstringi. Et quid si illi quoque repudient? Denique ex eo quoque perspicuè apparet Falcidiam non induci ex voluntate singulorum testantium, quod laudatur hæres, qui solida legata præstat quasi pleniore officio fidei fungens, & apud quem plus valeat defuncti voluntas, quam beneficium legis, *l. 1. §. ult. Cod. hoc tit. l. 5. §. si quis 15. de don. int. vir. & ux.* Porro ex his simul intelligimus, latas esse superiores leges in hæredum potissimum gratiam, & nominatim Falcidiam, de qua sola nunc quæritur: quod etiam discretè traditum est in *l. potest. 71. hoc tit.* ac proinde toto cælo errant, qui asserunt, hæc leges principaliter & potissimum introductas esse testatoris causa; secundum autem testatorem causa hæredis, qui in numero etiam D. Hortomannus est.

*Lex Furia*) Primus C. Furius Tribunus plebis liberam illam legandi potestatem coangustavit, lege perlata, ne cui supra mille asses legare liceret, constituta quadrupli poena adversus eum, qui plus cepisset, *Ulp. tit. 1. & Theoph. hic* qui tamen non asses, sed *ρῆματα* habet, id est, aureos, seu solidos. Et forte hæc eadem lex est, quam intelligit M. Tullius pro *Corn. Balb. cap. 8. Tulit*, inquit, *apud majores nostros legem C. Furius de testamentis*, sed tamen non ausim hoc certo affirmare, quia quid ea lege, quam memorat, cautum fuerit, non exprimit: atque ex solo Ulpiano & Theophilo discere possumus, quid lege Furia testamentaria, cujus hic meminit Justinianus, cautum, tentatumque sit coercendæ licentiæ legandi gratia, videlicet, ne legare liceret ultra mille asses. Qua quidem res etsi modus aliquis legatis imponitur, finis tamen non fit legandi: & cum de singulis dumtaxat legatariis lex caveret, facile evenire poterat, ut uno atque altero itemque tertio legato, hæreditas, præsertim non opulenta, tota absu-

meretur, atque hoc modo res ad vetus incommodum recideret.

*Lex Voconia*) Cum usu omnium rerum magistro compertum esset, lege Furia superius incommodum nequaquam esse sublatum, Q. Voconius tribunus plebis aliud remedium adhibendum esse existimavit. Igitur abrogata lege Furia, ipse aliam tulit, ne quis census plus cuiquam legaret, quam ad hæredem hæredesve pervenerit, ut ex Verrina de prætura urbana intelligitur; ubi duo hujus legis capita memorantur, quorum altero coercitæ mulierum hæreditates, altero cautum (quod etiam Theophilus scribit) ne plus haberet legatarius, quam hæres. Verum ne hac quidem lege finis legandi factus, cum & ipsa de singulis tantum caveret legatariis. Quid enim si numerus legatarios rum tantus sit, ut in singulos singulis sextulie erogatis, una quoque tantum sextula & fortunus aureus hæredi relinquatur? Quis spe tantuli lucelli hæreditatem alicujus cernat? Sed & lex illa de eo tantum cavebat, qui census esset: ei verò, qui census non esset, licebat per eandem legem plus legare, quam ad hæredem perventurum erat, ut ex eodem loco Ciceronis intelligi potest.

*Lex Falcidia*) Quæ & ipsa plebiscitum est. Lata est à Pub. Falcidio tribuno plebis, temporibus Augusti, Cn. Domitio Calvino & C. Asinio Pollione Coss. anno ab urbe condita DCCXLV. teste Dione *lib. 48. p. 430.* Hac demum lege certis terminis circumscripta est legandi licentia, dum non de singulis legatariis, sed de cunctis cavet, ne ultra dodrantem in legata consumatur, *l. 1. hoc tit.* Quare, ut maximè legetur multis, semper tamen quadrans totorum bonorum post hanc legem latam hæredis lucro cedat necesse est. Superiores igitur leges, etsi modum legatis imponebant, nullum tamen faciebant legandi finem: hæc & modum & finem fecit; quam ob causam & ipsa sola superioribus antiquatis recepta, atque in hoc usque tempus retenta est.

*Ne plus legare*) Lex Falcidia nominatim de legatis locuta videtur. Cæterum & ad alia producta est, & statim quidem ut opinor, interpretatione prudentum ex legis sententia ad fideicommissa singularum rerum. Neque enim persuadere mihi possum, id primum factum Senatusconsulto Pegasiano centum demum annis post legem latam: quamvis fere omnes sic sentire videam, motus §. *sed quia. 5. seq. tit. vers. ex singulis.* Nam cum utrique hoc lex velit, & caveat, ne minus, quam quarta pars bonorum hæredibus relinquatur; ut proinde directo ea pars nec auferri, nec minui à testa-



tore potuerit, *l. quod bonis. 15. §. 1. & ult. hoc tit.* quis credat, obliquè id fieri potuisse, licitumque fuisse tam longo tempore legis sententiam circumvenire, patrimonium fideicommissis onerando aut exhauriendo? Neque in *d. vers. ex singulis*: expressè dicitur, retentionem quartæ partis ex singulis rebus per fideicommissum relictis permissam esse Senatufconsulto Pegasiano, sed simpliciter, permissam esse, non addito, quo jure permissa sit. Quamquam etiam alia istius loci interpretatio est. Quin et si Tribonianus expressè hoc affirmaret; mihi tamen id suspectum foret. Sanè in libris nostris promiscuè, quantum ad hanc rem attinet, de legatis & fideicommissis singularibus tractatur, *l. 5. l. si tacitum. 13. l. quod bonis 15. l. filiusfam. 18. & passim hoc tit. l. 2. & l. 3. C. eod.* Porro lex Falcidia producta etiam est ad donationes mortis causa, idque constitutione *l. 5. C. eod. l. 2. C. de don. mort. ca.* Quod si quis dicat, etiam per mortis causa donationes fraudem legi fieri potuisse, is cogitet, ante hanc constitutionem eandem rationem harum donationum & inter vivos fuisse: quippe sic donata placebat antea in computationem Falcidiæ non venire; propterea quod vivo testatore exhibant ex bonis ejus: siquidem etiam quod mortis causa donabatur *ἐπι τὸ πᾶσι* statim transferebatur in donatarium. Cæterum quoniam revocare hujusmodi donationem licebat, nec ante plena, ac perfecta censebatur, quàm mors infecuta fuisset, *l. non videtur. 32. de mort. caus. don.* ob hanc causam Severo vitium est, id etiam quod ita donatum est, hæcenus in patrimonio computari, ut de eo quarta Falcidiæ nomine detrahi posset. At fideicommissa omnimodo in bonis relinquuntur, ut demum post mortem ab hærede præstentur. Exemplo donationum mortis causa admissa etiam est Falcidia in donationibus inter virum & uxorem, quæ morte confirmantur, *l. in donationibus. 12. C. hoc tit.* propter fideicommissa quoque introducta est in intestatorum successioneibus. Quod à Divo Pio factum scribit Paulus in *l. filiusfam. 18. hoc tit.* Denique vis legis Senatufconsulto Pegasiano tracta est etiam ad fideicommissarias hæreditates, de quo seorsum *tit. seq. VINN.* Id addo, ex Pauli *Rec. Sent. Lib. III. tit. 8. §. 1.* constare, jam ista ætate legem Falcidiam etiam ad fideicommissa porrectam fuisse. Ait enim: *Exhausta legatis aut fideicommissis aut mortis causa donationibus hæreditate, auxilio Falcidiæ institutus hæres quadrantem retinere potest. Quumque idem Paulus, l. 8. ff. b. r. referat, jam sub D. Pio hanc le-*

gem prolatam esse ad fideicommissa ab intestato; verosimillimum sanè est clam ante eandem valuisse in fideicommissis testamento relictis. An autem jam ante SC. Pegasianum, non magis liquet, quàm illam interpretationem hoc SCto fuisse investam. HEIN.

*Sive unus, sive plures*) Interest verò, utrum legata simpliciter ab omnibus hæredibus relictæ sint, an ex pluribus hæredibus ex certis partibus institutis aliqui nominatim gravati. Illo enim casu sufficit, ut solida legata præstentur, dodrantem hæreditatis ea non excedere: hoc casu non item; quia suæ quisque partis, ex qua institutus est, quadrantem habere debet. De quo *§. seq.*

*Pars quarta remaneat*) Nec solùm hæres, si possidet, quartam partem retinere potest, aut errore facti non retentam repetere, *l. 1. §. si legatarius 81. hoc tit. l. 9. C. eod.* sed etiam si non possidet, portionem suam à quovis possessore vindicare, *l. lineam. 26. eod.* Putat D. Cujacius, à Justiniano id primum constitutum esse, *l. pen. C. eod.* verùm hoc vel ex eo refellitur, quod placet, legata pro rata portione ipso jure per legem Falcidiam minui, *l. in quantitate 73. §. ult. eod. vid. Ant. Fab. lib. 4. conject. 1. & lib. 6. c. 2.*

## TEXTUS.

### De pluribus hæredibus.

1. *Et cum quæsitum esset, duobus hæredibus institutis, (veluti Titio & Sejo) si Titio pars aut tota exhausta sit legatis, quæ nominatim ab eo data sunt, aut supra modum onerata: à Sejo verò aut nulla relictæ sint legata, aut qua partem ejus duntaxat in partem diminuunt; an quia is quartam partem totius hæreditatis, aut amplius habet, Titio nihil ex legatis, quæ ab eo relictæ sunt, retinere licet, ut quartam partem sue partis salvam habeant: placuit posse retinere. Etenim in singulis hæredibus ratio legis Falcidiæ ponenda est.*

## NOTÆ.

1. *Exhausta, aut supra modum onerata*) Per legem Falcidiam delibari hæreditas potest, onerari aut exhauriri non potest. Cujac.

*Placuit posse retinere*) Ratio dubitandi, quod videri potest legis satisfactum, cum quarta pars apud alterum maneat illibata.

*In singulis hæredibus*) Ratio decidendi ex *l. 77. eod.* Nam cum lex omnibus & singulis hæredibus consultum velit, apparet legi non satisfieri, nisi singulis quoque hæredibus suæ



cujusque partis quarta intacta servetur.

## COMMENTARIUS.

- 1 Cur dubitatum, an in specie hic proposita Falcidie locus esset? & cur esse placuerit?  
2 Quando in portionibus defectis ratio legis habeatur?

**L**Ege Falcidia potestas facta est patrifamilias, tantam pecuniam testamenti dandi legandi, quantum volet; dum ita detur, legetur, ut ne minus, quam quartam partem hereditatis heredes capiant. In uno herede instituto res expedita est: nam si is, solutus legatis, quartam totius hereditatis integram habet, legi satisfactum est: eaque portione contentus esse debet, vel semel ex toto esse institutus sit, sive ex pluribus partibus, ex una parte, ex altera sub conditione, ex una legatis onerata, ex altera illibata, l. 1. §. id quod 13. l. in ratione 11. §. pen. hoc tit. cujus rei ratio peti potest ex l. cum heres 52. §. 1. de acq. her. Manifesta quoque est legis sententia, ubi plures quidem heredes, sed sine partibus omnibus instituti sunt, aut legata simpliciter ab omnibus relicta. Sed quaeritur est, duobus aut pluribus heredibus ex certis partibus institutis, si unius dumtaxat portio nominatim onerata sit aut exhausta, an legi satisfactum videri debeat, si apud coheredes pars quarta hereditatis maneat intacta? Placuit autem satisfactum non videri, idque hac ratione, quod lex non de uno aliquo herede caveat, sed ex æquo omnibus consultum velit, l. in singulis 77. eod. & hoc text. in fin.

Duobus heredibus institutis) Testator cum non amplius, quam centum in bonis haberet, duos heredes, puta Titium & Sejum, utrumque ex semisse heredes instituit. A Titio quadraginta aut quinquaginta legavit: à Sejo verò nihil, aut minus viginti quinque, ita ut apud Sejum quarta totius hereditatis pars, vel etiam amplius, atque adeo semis integra maneat. Quaeritur, an mortuo testatore Titius intra quadraginta aut quinquaginta, quæ ab eo nominatim relicta sunt, legatariis solvere teneatur, an nihilominus quartam partem suæ partis possit retinere? Videri poterat, legi Falcidiae satisfactum esse, cum quarta pars apud alterum maneat illibata; utique satis esse ad intentionem legis, hoc est, ad sustinendum testamentum, si vel unus suo quadrante contentus hereditatem adierit. Placuit tamen in proposito Titium quartam partem ejus partis, ex qua institutus est, retinere posse. Quippe le-

gem non simpliciter cavere, ut quarta pars hereditatis salva maneat, sed nominatim ut heredes quartam partem ex testamento capiant. Quibus verbis cum non uni alicui heredi tantum, sed omnibus & singulis consultum velle intelligatur, apparet legi non satisfieri, nisi singulis quoque heredibus suæ cujusque partis quarta pars intacta servetur. Et hoc est, quod dicitur, in singulis heredibus rationem legis Falcidiae ponendam esse, l. in singulis 77. hoc tit.

In singulis heredibus ratio legis ponendæ) Hoc tamen ita est, si omnes, qui instituti sunt, heredes extiterint: nam si quidam defecerint, in portionibus defectis non semper separatim ratio legis Falcidiae habetur; sed aliquando hæ confunduntur cum portionibus aliorum, qui heredes extiterunt. In quo hæc distinctio probata est, ut si verbi causa, ex duobus heredibus institutis alter deficiat, à quo aut nihil, aut parum relictum erat, atque ita hujus portio vel substitutionis vel accretionis jure ad cohæredem, cujus portio onerata est, pervenerit, placeat legatarios per deficientem portionem adjuvari, videlicet ut integra legata præstentur, quæ non præstarentur, si is, qui defecit, hæres extitisset. Quod si pars, quæ accessit, exhausta sit aut onerata; ejus verò, qui accessit, integra aut tantum delibata, tum perinde in deficientis portione ratio Falcidiae ponatur, ac si ad eum, qui suam portionem omisit, pervenisset. Extat hæc distinctio in l. quod si alterutro 78. hoc tit. eademque à contrario sensu colligi potest ex l. 4. C. ad Sen. Treb. in fin. quamquam variasse Jurisconsultos, apparet ex l. 1. §. si cohæredis 14. hoc tit. de cujus §. lectione vide Cujac. 4. obs. 35. Et hanc rationem habere videtur, quod is, cujus portio onerata est, uti ex sua persona legata præstet, ita & ex sua persona tantum Falcidia utitur: qui verò suam portionem integram habet, legata præstet ex persona deficientis, cujus proinde jure eum uti æquum sit, argum. l. 10. l. qui in jur. 177. de reg. jur. Indicatur hæc ratio non obscure in l. qui fundum 87. §. qui filium 4. l. 1. §. id quod 13. hoc tit. Cæterum in parte onerata; quæ defecta est, sententia superior sic accipienda ac temperanda, si cohæres deficiente testatore supervixerit, ut dici possit moriente testatore fuisse institutus. Nam si vivo testatore decesserit, quia isto modo fit, ut alter solus tempore mortis testatoris reperiat institutus, ex sua parte pure, ex defecta, quasi sub conditione, quæ jam extitit, solida legata præstanda erunt, satisque tunc est, ut legi satisfiat, hunc alterum totius



afsis quadrantem confequi, auctore Juliano in *d. l. qui fundum* 87. §. 4. nam ut legata in ea specie repetita esse dicamus cum Cujacio 4. *obf.* 35. ratio decidendi, quia Jurifconfultus utitur, non finit: qui etiam difertè fententiam fuam fic restringit, ut dicat, eam tunc procedere, cum cohæres vivo teftatore deceffit. Quod etiam Paulus non obfcure fignificat in *d. l. 1.* §. *id quod* 13. fic enim ait, legata per onerata deficientis portionem non augeri, fi is omiferit hæreditatem, add. *Don. 8. comm.* 23. *Cujac.* 4. *obferv.* 36. & 15. *obf.* 14. & 25. *obf.* 23. *Ant. Faber.* 4. *conj.* 13. & 18. *conj.* 14. & *feqq.* mirè variant, nec fibi conftant. Et verò univerfæ fuperiori diftinctioni locus in legatis uno eodemque teftamento relictis; ad ea legata, quæ pater primis tabulis ab impubere, fecundis à fubstituto reliquit, non pertinet: fiquidem vetus eft juris regula, *In tabulis patris & filii unam Falcidiam fervari, l. in ratione* 11. §. *quod vulgo* 5. & *pen. l. in duplicibus* 79. *d. l. qui fundum* 87. §. *ult. hoc tit.* quafi legata fecundis tabulis relicta primis fub conditione data videantur.

### TEXTUS.

Quo tempore fpectatur quantitas patrimonii, ad quam ratio L. Falcidiæ redigitur.

2. *Quantitas autem patrimonii, ad quam ratio legis Falcidiæ redigitur, mortis tempore fpectatur. Itaque verbi gratia fi is, qui centum aureorum patrimonium in bonis habeat, centum aureos legaverit, nihil legatariis prodeft, fi ante aditam hæreditatem per fervos hæreditarios, aut ex partu ancillarum hæreditariarum, aut ex fætu pecorum, tantum accefferit hæreditati, ut centum aureis legatorum nomine erogatis, hæres quartam partem hæreditatis habiturus fit: fed necesse eft, ut nihilominus quarta pars legis detrabatur. Ex diverfo, fi feptuaginta quinque legaverit, & ante aditam hæreditatem in tantum decreverint bona, (incendii forte, aut naufragiis, aut morte fervorum) ut non amplius quàm feptuaginta quinque aureorum fubftantia, vel etiam minus relinquatur, folidà legata debentur. Nec ea res damnofa eft hæredi, cui liberum eft non adire hæreditatem: quæ res efficit; ut fit necesse legatariis, ne deftituto teftamento nihil confequantur, cum hærede in portione pacifci.*

### NOTÆ.

2. *Solida legata debentur*) Nempe fi damnum circa rem aliam, quàm quæ legata eft, inci-

derit. Nam damnum circa rem ipfam feu fpeciem legatam contingens legatarium fequitur, hærefque interitu rei legata liberatur, §. 17. *sup. de legat.* ex jure fcilicet communi omnium debitorum certæ rei, *l. 23. de verb. obligat.* add. *l. 30. hoc tit.*

*Cui liberum eft non adire hæreditatem*) Neque enim legatarii aut fideicommissarii particulares hæredem cogere poffunt, ut hæreditatem adeat, quod folis permiffum fideicommissariis univerfalibus, propterea quod in hos etiam onera ex Sc. transferuntur, *l. 14. §. 5. & feqq. ad Sc. Treb.*

*Ne nihil confequantur*) *D. l. 73. in fin. pr. b. r.* Nam deftituto teftamento, id eft, hæreditate ex teftamento non adita, legata extinguuntur, *l. 14. C. de fideic.*

### COMMENTARIUS.

- 1 *Exceptio regulæ hic propofita.*
- 2 *Ejusdem regulæ declaratio.*
- 3 *Hæredem à legatariis cogi non poffe, ut adeat.*

**I**N quantitate patrimonii exquirenda circa deductionem Falcidiæ vifum eft mortis tempus fpectari, exinde neque cefione legata augeri, neque deceffione minui; fed incrementum omne & damnum, quod jacente hæreditate contingit, hæredem fequi, *l. in quantitate* 73. *l. quod bonis* 15. §. 3. *in fin. l. cum quo* 56. *pr. hoc tit.* Cujus rei ratio eft, primum quoniam hæres quartam partem ex bonis hæreditariis habere debet: at ea propriè funt, quæ tempore mortis cujufque inveniuntur. Deinde, quia legatorum dies ex tempore mortis teftatoris cedit, hoc eft, legata ex eo tempore deberi incipit, *l. un. §. 3. C. de cad. toll.* Adde quod per legem Falcidiam legata ipfo jure minuuntur, *d. l. in quantitate* 73. §. *ult.*

*Nihil legatariis prodeft, fi ante aditam hæreditatem, &c.*) Poftquam placuit, à morte teftatoris legata deberi pro eo modo patrimonii, qui tunc fuit, accelfio ante aditam hæreditatem contingens legatariis prodeffe non debet, *d. l. in quantitate* 73. *l. in ratione* 30. *hoc tit.* Excipiendum tamen hic eft, fi quid accefferit ratione facti præcedentis aut obligationis à defuncto contractæ; veluti fi debitoris, qui folvendo non erat, facultates poft mortem creditoris ampliata fuerint, aut conditio crediti tunc extiterit: nam iftis modis placet, ex poftfacto uberiorem videri fuiſſe hæreditatem commodo legatariorum, *l. cum quo* 56. §. 1. *cod. eamdemque rationem* habet, quod reponſum eft, fi pater, cum quo ex-



contractu filii de peculio agi poterat, à creditore filii hæres institutus sit, & legis Falcidix ratio ponatur, peculii quantitatem non quod mortis, sed quod aditæ hæreditatis tempore fuit, in quadrantem patri imputari, *d. l. cum quo 56. §. 1. l. si creditor 83. eod.* quamvis peculio post mortem creditoris deminuto, juxta regulam spectetur tempus mortis, neque legatariis id noceat: quasi nihil intersit, peculium post mortem creditoris deminutum sit, an debitor pauperior factus, *d. l. cum quo 56. in pr. l. eo tempore 50. §. 1. de pecul.* Quamobrem quod vulgo dici solet, *eandem rationem esse damni & commodi*, id intelligamus locum habere in iis, quæ primum emergunt? & accedunt post mortem, veluti si quid accesserit hæreditati ex fructibus, ex partu ancillarum, aut per servos hæreditarios quæsitum: *hoc text. & d. l. in quantitate 73. d. l. in ratione 30. hoc tit.* non in iis, quibus causam dedit præcedens factum testatoris. Quinimo hæc, si subtilius res examinetur, non post mortem demum accedunt, sed omnino ad tempus mortis sunt referenda? quoniam ratione principii & fundamenti jam tum in bonis fuerunt: quemadmodum & servi, qui apud hostes sunt, post mortem testatoris reversi, quod ad Falcidiam pertinet, locupletiores faciunt hæreditatem, *l. servi 43. eod.* ita ferme & Bachov. *hic.*

*In tantum decreverint* *D. l. in ratione 30. d. l. in quantitate 73.* Sunt verò hæc sic accipienda, si damna circa res alias, quàm quæ legatæ sunt, inciderint: nam si res ipsa legata perierit sine culpa hæredis, id non hæredi, sed legatariis nocet secundum tenorem perpetui juris, quo traditum est, omnes debitores, qui speciem aliquam, id est, rem certam debent, liberari, si ea res ante moram sine facto eorum perierit, *l. si ex legati 23. de verb. oblig. l. 5. de reb. cred.* Sciamus igitur, tunc periculo hæredis esse res hæreditarias, cum res incerto legata est, veluti homo in genere, aut quantitas, puta centum aurei, decem modii frumenti. Hic enim etsi res omnes hæreditariæ perierint, dici tamen numquam potest, rem, quæ legata est, periisse, *l. 11. C. si cert. per. eleganter Mæcian. in d. l. in ratione 30. §. 2. & aliquot seqq. vid. sup. §. si res 16. de legat. 1.*

*Cum hærede in portione pacisci*) In fideicommissariis hæreditatibus provisum est Senatufconsulto Pegasiano, ut si scriptus hæres nollet adire hæreditatem: jussu prætoris adeat, & restituat. Hoc verò beneficium neque legatariis, neque his quibus singulæ res per fideicommissum relicte sunt, tributum est, *l. si quis 17. si quis om. ca. test. l. nam quod 14. §. non*

*omnis 5. & 2. seqq. ad SC. Treb. Quo loco Hermogenianus etiam differentix rationem reddit, nimirum nullam habere iniquitatem, quod fideicommissi hæreditatis servandi causa hæres adire cogatur, postquam Senatufconsulto Trebelliano cautum est, ut omnia onera hæreditatis transferantur in eum, cui ex fideicommissio hæreditas restituta est, l. 4. eod. tit. legati verò aut fideicommissi particularis causa hæredem compelli adire hæreditatem, æquum non esse; propterea quod in hos onera hæreditaria transferre non possunt, neque admittendum est, ut quis alieni dumtaxat emolumentum causa se æri alieno & litibus, vexationibus, aliisque molestiis implicare cogatur. Proinde hoc solum relinquatur, ut legatarii cum hærede in portionem paciscantur: quod illi facile facturi, & potius aliquid remissuri, quàm ut patiantur testamentum desitui, totumque, quod legatum est, sibi perire, d. l. in quantitate 73. in fin. pr.*

## TEXTUS.

## Quæ detrahuntur ante Falcidiam.

3. *Cum autem ratio legis Falcidix ponitur, ante deducitur æs alienum, item funeris impensa, & pretia servorum manumissorum: tunc demum in reliquo ita ratio habetur, ut ex eo quarta pars apud hæredem remaneat, tres verò partes inter legatarios distribuantur, pro rata scilicet portione ejus, quod cuique eorum legatum fuerit. Itaque si fingamus, quadringentos aureos legatos esse, & patrimonii quantitatem, ex qua legata erogari oportet, quadringentorum esse, quarta pars singulis legatariis debet detrabi. Quod si trecentos quinquaginta legatos fingamus, octava debet detrabi. Quod si quingentos legaverit, initio quinta, deinde quarta detrabi debet. Ante enim detrahendum est, quod extra bonorum quantitatem est, deinde quod ex bonis apud hæredem remanere oportet.*

## NOTÆ.

3. *Deducitur æs alienum*) *L. 6. C. eod.* id est, omne cujus præstandi necessitate defunctus obstrictus fuit, *l. 54. D. eod.* Nam Falcidia detrahitur ex bonis: bona autem non intelliguntur, nisi quæ defuncto ære alieno supersunt, *l. 39. §. 1. de verb. sign.*

*Si fingamus quadringentos*) *L. 37. §. ult. hoc tit.* Legata ad contributionem dodrantis pro rata suæ cujusque quantitatis revocantur, *l. 3. l. 6. §. 2. C. eod.* Nota, Falcidix locum non esse in testamento militis, *l. 7. C. eod.* ex novo jure



jure nec in legato in pios usus relicto, *Nov. 131. cap. 12. auth. similiter, C. eod.* nec in ea re, quæ ita relicta, ne alienetur, *auth. sed & ea, C. eod.* nec cum hæres inventarium facere neglexit, *l. ult. §. pen. C. de jur. del. nec cum testator expressè prohibuit hæredem beneficio legis uti, Nov. 1. cap. 2. auth. sed cum testator, C. hoc tit.*

## COMMENTARIUS.

- 1 *In bonis defuncti quæ numerentur; cum de lege Falcidia quæstio est.*
- 2 *An hæres, quod sibi à defuncto debetur, deducat; & quid si rogatus, ne id legatariis imputet.*
- 3 *Quibus casibus lex Falcidia cesset.*

**A**ntequam summa constituatur, unde quarta Falcidiæ deducenda sit, necesse est exquiratur, quid in patrimonio defuncti sit habendum? ex eo enim quartam hæres habere debet. Patrimonio cujusque dici scimus, cujusque facultates aut substantiam, sive quod quisque in bonis habet, *l. nam quod 14. §. ult. l. cogi 16. ad Senatusconsultum Treb.* Bona cujusque intelliguntur, quæ deducto ære alieno supersunt, *l. subsignatum 39. §. 1. de verb. signif.* Nimirum ergo in bonis seu patrimonio defuncti sciamus non numerari omnia, quæ cum moreretur habuit, sed id solum, quod hæreditariis oneribus deductis superest. Cujusmodi onera sunt, æs alienum hæreditarium, funeris impensæ, & pretia servorum manumissorum: quæ omnia idcirco in ponenda ratione legis Falcidiæ deduci placuit, uti hoc loco docetur. Cætera, quæ appellatione horum continentur, in patrimonii quantitate esse intelliguntur, si modo ejus naturæ sint, ut & ad hæredes certo mensuræ transeant, (nam contra est, sive non transeant, ut actio injuriarum, ususfructus, *l. 38. hoc tit.* vel ita transeant, ut non sint mensuræ: exempl. in *l. 11. §. 1. & 2. l. si statu liber. 38. eod.*) & ex iis hæres aliquid commodi percipere poterit. Non enim computatur nomen inane, quod tantum ex eventu hæreditatem auget, *l. Neseñnius 22. §. pen. l. cum quo 56. §. 1. eod.* neque debitum naturale nondum solutum, *l. 1. §. id quod 17. eodem.*

*Æs alienum*) Primum in hanc deductionem venit æs alienum, id est, id omne, cujus præstanti necessitate defunctus obstrictus fuit, *l. pater 54. hoc tit.* Sed & æris alieni loco habetur, si quid est, cujus præstandi causa mortuo testatore ante aditam hæreditatem nata est,

tamquam contractum ab hæreditate, *l. æris 39. eod.* Illud quæsitum circa hanc deductionem, an etiam hæres quod sibi à defuncto debetur, detrahere possit. Subtilitas rationis facere videtur, ne possit: quippe cum additione hæreditatis confundatur obligatio, atque ita fiat, ut quod prius ei debebatur, deberi desinat, *l. ficus 75. l. Stichum 95. §. 2. de fo. ut.* Sed nihilominus placuit deduci posse, *l. 6. C. hoc tit.* id ob hanc procul dubio causam, quoniam in ratione legis Falcidiæ, cum de æstimatione patrimonii agitur, mortis tempus spectatur, quo tempore nondum est ulla actionum confusio. Hodie hoc amplius à Justiniano tributum hæredi, qui inventarium confecit, ut nec adita hæreditate actiones ejus confundantur, sed ut similem cum creditoribus extraneis fortunam habeat, *l. ult. §. in computatione 9. C. de jur. delib.* Quid si hæres rogatus sit, ut creditum legatariis imputet? Ratione doli mali exceptionis apud arbitrum Falcidiæ voluntas defuncti servabitur, *l. si debitor 12. hoc tit.* sic ut debito fini quadrantis compensato, superfluum æris alieni tantum dodranti detrahatur, *l. quod bonis 15. §. cum fideicommissum 4. eod.* Exemplum esto. Quadringenta sunt in bonis: hæredis debita ducenta; legata trecenta. Hæres compensabit cum quadrante centum: reliqua centum de dodrante detrahet. Hodie de hoc supervacue quæritur: quoniam Falcidiæ detractio nominatim vetari potest, *Nov. 1. c. 2.*

*Impensa funeris*) Ea est, quæ sit causa funeris, hoc est, ut funus ducatur, mortuus efferratur & sepeliatur, & sine qua neque funus duci, neque mortuus sepeliri honestè potuisset. Quare etiam id, quod erogatum est in locum, in quem mortuus inferitur, funeris causa impensum videri debet, *l. & quis 14. §. funeris 3. de rel. & sumpt. fun. l. 1. in fin. cum l. seq. hoc tit.* Hæc autem impensa semper ex hæreditate deducitur, quæ etiam omne creditum solet præcedere, cum bona solvenda non sunt, *l. pen. de relig. & sumpt. fun.*

*Pretia servorum manumissorum*) Neque tantum eorum, qui testatoris proprii fuerunt, verum etiam quos hæres, cum alieni essent, redimere & manumittere rogatus est, *l. ejus 37. §. 1. eod.* Aliarum quoque impensarum, quæ modo hæreditatis suscipiendæ causa factæ sint, deductionem permittit Justinianus, *l. ult. §. in computatione 9. C. de jur. delib.* Quæ sequuntur, interpretem non desiderant. Illud sciendum est, beneficium legis Falcidiæ non esse perpetuum. Et jam olim cessabat in testamento militis, *l. 7. C. hoc tit. l. 12. C. de test. mil.* item in dote mulieri relegata, propterea quod



quod suam rem mulier recipere videtur, *l. sed ususfructus 81. §. 1. hoc tit.* in commo damentum præsentationis legi patuisse locum non dubito, *arg. l. 2. in pr. de dot. præl. l. 1. §. si quis 10. hoc tit.* Libertates quoque datæ per Falcidiam non minuebantur, *l. si servus 33. eod. l. 8. §. quarta 9. de inoff. test.* Hodie cessare creditur in legato in pios usus relicto, *per auth. similiter, C. hoc tit.* quamquam in *Nov. 131. C. 11. unde d. auth. sumpta est,* hoc non dicatur absolutè: & contra sæpe judicatum, *Sand. lib. 4. tit. 7. defn. 10. Christin. vol. 1. dec. 320. in fin. Fachin. 5. contr. 17. si testator rem legatam vetuerit alienari, Nov. 119. cap. 12. unde auth. sed & ea, hoc tit.* & in univ-  
ersum si prohibuerit expressè, hæredem Falcidia uti, *Nov. 1. c. 2. auth. sed cum testator, C. hoc tit.* item si hæres inventarium facere ne-

glexerit, *l. ult. C. de jur. delib.* Indignus etiam olim beneficio legis Falcidie visus est, qui id egerat, ut fideicommissum intercideret: & qui non capienti rogatus erat restituere, per Senatufconsultum Plancianum quartam retinere non poterat, *l. beneficio 59. pr. & §. 1. hoc tit.* Postremo qui sciens aut errore juris totum legatum solvit, nullam quartam nomine conditionem habet, *l. 9. C. hoc tit.* Circa detractio-  
nem Falcidie nihil apud nos servatur alienum à Jure Romano. Vid. *Grot. 2. manuduct. 23. Gudelin. lib. 2. cap. 11. VINN.* Addi potest, cessare quartam Falcidiam, si liberis suppleatur portio legitima, *l. 36. C. de inoffic. testam.* item si legata sponte soluta integra, *Nov. 1. c. 2. l. 9. §. 3. de jur. & facti ign.* denique si instrumenta legata, quamvis eo casu vix quæstio quidem nasci possit, *l. 15. C. hoc tit. HEIN.*

## TITULUS VIGESIMUSTERTIUS.

## DE FIDEICOMMISSARIIS HÆREDITATIBUS.

*Dig. Lib. 36. tit. 1. C. Lib. 6. tit. 42. & 49. Novell. 39. 108.*

*Ratio ordinis: tum quid sit fideicommissum.*

**S**upra titulo de legatis §. 3. promissit Imperator, se separatim de jure legato-  
rum & fideicommissorum tractaturum,  
ne scilicet permista utriusque juris tractatio rem ipsam redderet difficiliorem aut magis laboriosam. Exposito igitur jure legato-  
rum, quæ ratione obligationis & tempore & jure antiquiora sunt fideicommissis, superest nunc, ut de fideicommissis instituat dispu-  
tatio: quod alterum est partitionis antepositæ membrum. Fideicommissum est, auctore Ulp.  
*in fragm. tit. 25. quod non civilibus verbis, sed præcativè relinquitur, nec ex rigore juris civilis proficiscitur, sed ex voluntate datur relinquentis.* Igitur sic rectè definiveris: *Fideicommissum est id omne, de quo quis suprema defuncti voluntate rogatus est, ut daret vel faceret.*

non civilibus verbis, sed præcativè relinquitur. *Ulp. tit. 25.* Legatum autem relinquitur legis modo, id est, imperativè, *dato, capito, sumito, damnas esto dare.* Idem *tit. 24.*

## COMMENTARIUS.

- 1 *Fideicommissi divisio: & summa eorum, quæ hic explicantur.*
- 2 *Cur prius de fideicommissis hereditatis, quàm singularum rerum agatur?*

**F**ideicommissum aut universale est, aut particulare seu potius singulare. Universale, quod hæreditatem vel totam vel partem ejus continet. Particulare, quo non hæreditas aut pars hæreditatis, sed res singulæ relinquuntur; quod proinde rectius dixeris singulare, aut speciale. De fideicommissis rerum singularum agitur proximè; de universalibus, sive fideicommissariis hæreditatibus, hoc præsentis titulo: in quo Justinianus, ostensa prius communi fideicommissorum origine & incremento, disserit de forma relinquendi fideicommissum hæreditatis ab hærede scripto, deque restituta hæreditatis effectu: tum de Senatufconsultis Trebelliano & Pegasiano, ac mox de Pegasiani in Trebellianum transfusione: in-  
G g g g


## TEXTUS.

## Continuatio.

*Nunc transeamus ad fideicommissa. Sed prius est, ut de hæreditatibus fideicommissariis videamus.*

## NOTÆ.

*Fideicommissa*) Fideicommissum est, quod  
Tom. I.





de docet, qui restituere rogari possint. Ad extremum aliquid de suo adpergit ad probationem fideicommissi in genere pertinens.

*Prius est*) Quemadmodum prius egit de hæredibus instituendis & deferenda testamento hæreditate, quàm de legatis testamento dandis, acquisitionem universitatis ut digniorem præponens acquisitioni rerum singularium; ita etiam hic prius agere voluit de fideicommissis universalibus, quæ vi & effectu idem sunt quod hæreditas: postea de fideicommissis singularibus, quæ respondent legatis: de quibus alioqui prius dicendum fuerat juxta §. 3. de legat. Nam uti quoque monuimus in explicatione d. §. 3. exæquatio legatorum & fideicommissorum, de qua illic agitur, ad fideicommissariam hæreditatem minimè pertinet; quoniam fideicommissarius restituta hæreditate hæredis loco habetur: sed ad specialia fideicommissa dumtaxat. Potest & hæc ratio dari, quòd cum antequam de legatis differeret, egerit de deferenda directo hæreditate, tum hæredem instituendo, tum substituendo, rectè quoque nunc atque ordine faciat, quod antequam disputet de fideicommissis rerum singularium, doceat, quomodo hæreditas deferatur indirecto atque obliquè, sive quomodo per fideicommissum hæredes substituantur. Vide quæ notavimus sub §. ult. per quas pers. cuique acq. & ad rubr. de vulg. subst.

### TEXTUS.

#### Origo fideicommissorum.

1. Sciendum itaque est, omnia fideicommissa primis temporibus infirma fuisse: quia nemo invitatus cogebatur præstare id, de quo rogatus erat. Quibus enim non poterant hæreditatem, vel legata relinquere, si relinquebant, fideicommittebant eorum, qui capere ex testamento poterant. Et ideo fideicommissa appellata sunt, quia nullo vinculo juris, sed tantum pudore eorum, qui rogabantur, continebantur. Postea divus Augustus primus, semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam, jussit consulibus auctoritatem suam interponere. Quod quia justum videbatur & populare erat, paulatim conversum est in assiduam jurisdictionem, tantusque eorum favor factus est, ut paulatim etiam prætor crearetur, qui de fideicommissis jus diceret, quem fideicommissarium appellabant.

### NOTÆ.

1. Quibus non poterant hæreditatem) Quales

proscripti, deportati, &c. Exemplum habes apud Cic. lib. 1. in Verr. & ex parte, orbi, cælibes. Ulp. tit. 22. §. 2. & tit. 15. cum seqq. item foemina ex lege Voconia. Hujus generis exempla apud eundem 2. de finib. cap. 58. VINN. Addi potest Quintilian. Decl. 324. item Valer. Max. l. 4. cap. 2. §. 7. HEIN.

*Sed tantum pudore*) Fidei, religione, probitate. Id enim, qui tum pudor erat hominum, videbatur vinculum satis validum implendæ voluntatis defuncti.

*Et populare*) Theoph. χασίον τῶ δῆμο. Plin. Paneg. non quia populare gratumque audientibus.

*In assiduam jurisdictionem*) Ita tamen, ut extra ordinem ipsi magistratus de fideicommissis cognoscerent, non more usitato formulam & judicem darent. Ulp. tit. 25. §. 10. l. 178. §. 2. de verb. sign.

*Prætor proprius*) Claudius duos creavit. Suet. in Claud. cap. 23. ex quibus unum Titius detraxit, l. 2. §. 31. de orig. jur. Cæterum prætor ad certam summam cognoscebat, de majore consules jus dicebant. Quint. lib. 3. c. 6. unde lucem accipit Ulp. de loc. §. 12. VINN. Adde omnino Cujac. lib. 21. obs. c. 24. HEIN.

### COMMENTARIUS.

- 1 Ante D. Augusti tempora fideicommissa vim obligandi non habuisse, notat Mynfingerus.
- 2 Genera incapacium, & in his gratificandi fideicommissorum usus.
- 3 Lege Voconia mulieres hæredes institui non potuisse.
- 4 Accurata in hoc legis caput inquisitio.
- 5 Legem istam postea in desuetudinem abiisse.
- 6 De fideicommissis extra ordinem jus dici solitum, & quorum ea jurisdictione? n. 8.
- 7 Quod in l. 1. junct. l. 2. C. comm. de leg. disponitur, non pertinere ad fideicommissa universalia.

**P**rimis temporibus infirma) Olim ante D. Augusti tempora fideicommissa nullam vim obligandi habebant, sed eorum præstatio à fide, religione, ac probitate pendebat ejus, qui rogatus erat. Nam quemadmodum quod precario alicui utendum conceditur, totum pendet à liberalitate & voluntate ejus, qui concessit, sine ulla necessitate obligationis, l. 1. & de precar. ita nec ex precibus testatoris quemquam invitum obstringi debere existimabant non magis, quàm ex commendatione, l. 11. §. 2. de legat. 3. Nam quod potestati & arbitrio alicujus relinquitur, cujusmodi est, quod rogatur, non inducit obligationem, l. in venditoris 13. C. de contr. empt. Myn-



Mynfingerus *primis temporibus* sic interpretatur, ante legem duodecim tabularum, suavissimo utens argumento, quod utique sub Numâ Pompilio fideicommissa viguisse verisimile sit, utpote sub quo Rege vel maxima vis fidei fuerit. Quæ insignis est ἀντιστοιχία. Sic enim illæ differit, ut videatur existimasse, jam ante urbem conditam decemviros legem tulisse, aut post legem latam regnasse Pompilium.

*Qui capere ex testamento poterant* Duplex olim usus fideicommissorum fuit: unus in morientibus in peregrinatione, ubi sæpe eveniebat, ut testamentum facere non possent propter penuriam testium civium Romanorum: quæ res etiam usus codicillorum invexit, *inf. de codic. in pr. aliter in gratificandis incapacibus*, cum scilicet hæres clam fidem accommodabat, ut incapaci restitueret: quod fideicommissum tantum dicitur, l. 103. *de legat. 1. Gloss. Bass. tacitum*, σιγῆος ἢ ἐπι ἐξω τῆς ἐδίαδῆκῆς, domestica cautione vel chirographo promissum, d. l. 103. l. 10. *de his que ut indign.* Incapacium autem olim duo fuere genera; unum eorum, qui conditione personæ capere non poterant, quo in numero erant proscripsi, deportati, item deditii & Latini Juliani, omnesque, qui cives Romani non erant: alterum eorum, qui cives erant, sed propria & civili ratione aut nihil, aut non solidum, aut non ex omnium testamentis poterant capere, quales ex lege Voconia virgines, mulieres; ex lege Julia de maritandis ordinibus, cœlibes, orbi. Quæ diligentius executus sum in explicatione principii, *rit. de hæ. inf.* Exemplum fideicommissi prioris generis incapacibus relictæ in proscripio habemus apud Ciceronem *lib. 1. in Verr.* qui de prætura urbana dicitur; ubi de P. Trebonii testamento commemorat, qui cum Aulum fratrem proscripiptum haberet, scripsit ut hæredes jurarent, se curaturos, ut ex sua cuiusque parte ne minus dimidia ad fratrem proscripiptum perveniret. Alterius generis apud eundem *lib. 2. de finib. cap. 58.* ubi refert P. Sextilium Rufum rogatum à Qu. Fabio Gallo, ut omnis hæreditas ad filiam perveniret, eamque rem Rufum ad amicos detulisse. Idem *ead. lib.* memorandum fidei exemplum narrat de Sex. Peduceo, qui rogatus hæreditatem restituere uxori testatoris, cum sciret nemo eum rogatum esse, ultro ad mulierem venit, eique nihil opinanti viri mandatum exposuit, hæreditatemque reddidit. Ostendunt hæc exempla, lege Voconia mulieres hæredes institui non potuisse, non uxorem à marito, non filiam à patre. Atque hinc porro hoc quoque certo colligitur,

nec ad patris legitimam hæreditatem filias à lege admittas fuisse, multoque minus conlanguineas ad successione fratrum: ac proinde quod Paulus l. 4. *sent. 8.* de rogatione Voconia scribit, esse ἀμάρτυμα μνημονικῶν, quod pluribus confirmamus *inf. tit. de leg. agn. succ. §. 3.* Multorum lex Voconia scriptis celebrata est. Meminerunt Cic. *dd. loc. & in orat. pro Corn. Balb. Livius lib. 4.* (in epitome Flori mendose legitur *Voluminus pro Voconius*) *Quintil. declam. 264. Dio. lib. 56. p. 662. Gell. lib. 17. cap. 6. & lib. 20. cap. 1. Ascon. Pedian. in orat. de prætor. urban. Augustin. lib. 3. de civ. Dei, cap. 21.* Latam esse eodem loco scribit Augustinus inter secundum & postremum bellum Punicum: quod verum esse liquet ex eo, quod apud Ciceronem *lib. de senectute* M. Cato gloriatur se eam legem suavissime, cum jam natus esset annos LXX. sic enim legendum arbitror, non ut vulgo legitur, V. & LX. annos. Lata enim est, ut eodem loco indicatur, Q. Marcio Philippo iterum & Cn. Servilio Cæpione Coss. quorum consulatus incidit in annum ab urbe condita 595. qui est à Consulatu M. Catonis & L. Valerii Flacci 26. ut patet ex chronologia rer. Rom. Ubbonis Emmil. Legis duo fuere capita, forte etiam plura, quæ ignoramus. Nam & infinitam legandi licentiam lege 12. tabularum concessam, exemplo legis Furia, coercuit ut *tit. præc. demonstratum est*: & quod præcipuum est, sanxit, ne quis virginem neve mulierem hæredem faceret, auctore Cicerone *d. lib. 1. in Verr. cap. 43. Flor. dist. epitom. ac ne filiam quidem, testibus Ascon. d. loc. & Augustin. d. lib. 3. cap. 21.* Utrum autem simpliciter & à tota successione mulieres remotæ fuerint, an partem aliquam saltem per legem adhuc capere potuerint, incertum est. Et filias quidem certe non in totum exclusas fuisse, ostendit locus Ciceronis 2. *de finib. cap. 58.* ubi ait, amicos Sextilii, quem rogatum scribit hæreditatem restituere filia testatoris, censuisse, non plus filia dandum, quam posset ad eam lege Voconia pervenire. Lucium quoque Lentulum temporibus Augusti, cum adhuc vigeret lex Voconia, filiam suam ex parte hæredem scripsisse, intelligere licet ex *princ. inf. de codicill. Dio verò lib. 56. p. 662.* de scæminis in universum refert, eas lege Voconia prohibens κληρονομοῖν ὑπὲρ δύο καὶ ἑμῶν μυριάδας ἑστίας, *supra 25. millia substantiæ.* Ego, utut ad filias aliquid lege pervenire potuerit, non puto tamen quod Dio scribit, ipsa lege Voconia cautum fuisse, argumento eorum, quæ ex Cicerone, Ascon. Floro, Augustino pro-



tullimus; sed postea legem, ut nimis rigidam, ita mitigatam, ut saltem partem aliquam mulieribus capere liceret, idque Dionem sic accepisse quasi cautum à Voconio legis auctore, ut alias fieri solet. Illud tamen parum adhuc constat, quantam partem postea mulieribus percipere permissum. Quintilianus *d. declam.* ait, *lege Voconia cautum, ut ne mulieri plus quam semissem relinquere liceret*: sed hoc, ut in scholasticis exercitationibus fere fit, à Quintiliano confictum esse existimo cum Cujacio. Ipse autem Cujacius putat, lege cautum, *ut ne quis census mulierum hæredem faceret ultra quadrantem*, accommodans eo locum Dionis, quem accipit de 25. millibus sestertium: quippe quæ fuerit quarta pars bonorum ejus, qui census dicebatur, nempe, qui centum millia sestertium possidebat: quod Asconius prodidit in *d. lib. 1. in Verr.* Nam vetus ratio postea valde mutata fuit, auctisque civium opibus, sestertii in locum assium surrogati videntur: siquidem initio, ut ex Livio & Dionys. Halicarn. constat, maximus census erat centum millium æris seu assium: quam summam æquant 25. mille sestertii, quippe quorum singuli quatuor assibus postea æstimati sunt. Bachovius censet, locum Dionis rectius accipi de 25. mille assibus, qui census initio quartæ classis fuit, & quarta census maximi pars. Interpret Dionis vertit centum millia nummum, sed ille haud dubiè nummum pro asse accepit, quamvis perperam: sestertium enim nummum, non æsem, dicimus. Ut sit, illud constat, licet fideicommissum aliquod contra legem Voconiam aut similem relictum fuisset, ac proinde hæres nulla necessitate obstringeretur ad illud præstandum; veteres tamen existimasse, contra officium boni viri hæredem facere, fidemque violare, qui voluntati testatoris non parere, ut perspicuum est ex eo, quod de Sext. Peduceo commemoravimus ex *lib. 2. de finib. cap. 58.* & quod Cicero eodem loco refert de Sextilio rogato omnem hæreditatem restituere filix testatoris: *Tenuit, inquit, Sextilius permagnam hæreditatem, unde si secutus esset eorum sententiam, qui honesta & recta emolumentis omnibus & commodis anteponebant, ne nummum quidem attigisset.* Notatur & à Val. Maximo avaritia Cornelix, quod fideicommissa prædia filio Q. Pompejo publica quæstione prostrato non redderet, *lib. 4. c. 2. in fin.* Ex libris nostris manifestum est, legem Voconiam postea planè in desuetudinem abiisse, & jam tum sua ætate oblietaram fuisse testatur Gellius *lib. 20. c. 1.* Eo verò jure, quod post secutum est, nec licitum hæredi fuisse videtur, hæreditatem in-

capaci restituere argumento est, quod favore fisci constitutum fuit, ut si hæres hujusmodi fideicommissum tacite fidem suam accommodasset, hæreditas ei auferretur & vindicaretur fisco, *l. 1. l. 3. de jur. fisci.* Ad fiscum quoque pertinuisse fideicommissum deportato relictum, constat ex *l. 7. de legat. 3.* Denique Ulp. *tit. 25. §. fideicommissa 5.* cum generaliter definivisset, fideicommissum non aliis dari posse, quam quibus legari potest, solos mox excipit Latinos Junianos. VINN. Multa hinc Vinnius: quæ dici potuissent accuratius. Nos more nostro pauca. Frustra in Paulli loco *lib. 4. Sent. tit. 8. §. 22.* castigatur ἀμαρτυρία μνημονίων. Paullus enim docet, foeminas ultra consanguineas successiones non admitti ad legitimas hæreditates. Addit rationem: *idque jure civili Voconiana ratione* (non Voconiana rogatione) *videtur effectum.* Lex Voconia ea de re nihil sanxerat. At ex ratione hujus legis strictè veteres interpretabantur jus mulierum ab intestato succedendi. Idque mansit, etiam postquam lex Voconia civitatis opulentia fuerat oblietata. Vid. Doct. Schultingii Annot. ad Paul. *ibid. p. 412.* Deinde quod ad locum Dionis attinet eum accuratissimè exposuit V.C. Jac. Perizonius *dist. de lege Vocon. p. 144.* ubi docuit, in textu Dionis intelligi drachmas, ad quas plerumque Græci rationem inibant pecuniæ Romanæ. (Vide Jo. Fr. Gronov. *de pecun. vet.* III. 16.) XXV. ergo millia drachmarum sunt CM. sestertium. HEIN.

*Gratia personarum motus*) Igitur Augustus non confirmavit fideicommissa certa & perpetua lege: sed cum unum atque alterum fideicommissum sum confirmasset ob causas, quæ hinc memorantur, consules demum auctoritatem suam interponere jussit, id est, consilii cognitionem de fideicommissis singulis negotiis mandavit. Ait, *gratia personarum.* Ipse Augustus relictum à se fideicommissum L. Lentuli gratia, qui rogaverat, præstitit, *inf. de codic. in pr.* Potuit & eorum gratia moveri, quibus fideicommissum relictum dicebatur, puta personæ sanguine aliave necessitudine defuncto conjunctæ, aut singulari conditione aliivè raris animi dotibus præditæ.

*Per ipsius salutem*) Antiquissimum genus jurisjurandi, aut potius vehementioris asseverationis etiam sanctis viris usurpatur, *Genes. cap. 42. 15. μά τῆς ὑγείας Φαραώ,* per salutem Pharaonis.

*In assiduam jurisdictionem*) Ut jam non amplius cognitio de fideicommissis speciatim in singulis negotiis aut quotannis Magistratibus man-



mandaretur, sed ut perpetuo vi & potestate magistratus sui de fideicommissis omnibus jus dicerent, quamquam extra ordinem, ut scilicet ipsi magistratus cognoscerent, non more judiciorum usitato formulam & iudicem darent, Ulp. tit. 25. §. 10. unde fideicommissi persecutio extraordinaria dicitur, l. 178. §. 2. de verb. sign. Justinianus quidem, ut monimus sup. §. 3. de legat. in eo quoque fideicommissa exæquavit legatis, ut iisdem ordinariis actionibus, quæ pro obtinendis legatis olim competebant, quasque ipse postmodum pro legatis omnibus concessit, l. 1. C. comm. de legat. liceret persequi & fideicommissa, l. 2. C. eod. Verum hoc ad fideicommissa rerum singularum dumtaxat sicut & universa exæquatio pertinet; erratque perspicue Mynfingerus, dum id transfert ad fideicommissa hæreditatis.

Prætor proprius crearetur) Pomp. l. 2. §. capta. 32. de orig. jur. tradit, Claudium duos Prætores creasse, qui fideicommissis jus dicerent, ex quibus unum D. Titius detraxerit. Sueton. in Claud. c. 23. jurisdictionem, inquit, de fideicommissis quotannis & tantum in urbe Magistratibus delegari solitam in perpetuum, atque etiam per provincias potestatibus demandavit. Quod etiam Ulp. d. loc. confirmat scribens, cognitionem de fideicommissis in provinciis fuisse præsidium provinciarum: item l. 5. C. de reb. cred. Prætoris fideicommissarii mentio fit in l. questum. 78. §. pen. de legat. 3. l. pen. in fin. quib. ad lib. proclam. l. si cui 92. in pr. de cond. & dem. l. 2. C. qui pot. in pign. Neque tamen solius prætoris in urbe jurisdictione de fideicommissis propria tunc esse cœpit, sed ita partita est, ut prætor ad certam summam cognosceret, de majore consules jus dicerent. Fab. lib. 3. c. 6. Non debes, inquit, apud prætorem petere fideicommissum, sed apud consules, major enim prætoria cognitione summa est. Atque ita accipiendum quod Ulp. d. tit. 25. scribit, cognitionem de fideicommissis Romæ esse consulum, aut prætoris, qui fideicommissarius vocatur. VINN. Immo ipsos Imperatores extra ordinem aliquando de fideicommissis cognovisse comperio. Exemplum est in l. 26. ff. de prob. HEIN.

## TEXTUS.

## De fideicommissio hæredis scripti.

2. In primis igitur sciendum est, opus esse, ut aliquis recto jure testamento hæres instituat, ejusque fidei commitatur, ut eam hæreditatem alii restituat alioqui inutile est testamentum, in quo ne-

mo hæres instituitur. Cum igitur aliquis scripserit: Lucius Titius hæres esto, potest adjicere, Rogo te, Luci Titi, ut cum primum poteris hæreditatem meam adire, eam Cajo Sejo reddas, restituas. Potest autem quisque & de parte restituenda hæredem rogare, & liberum est, vel sub conditione relinquere fideicommissum, vel ex certo die.

## NOTÆ.

2. Recto jure testamentum) Scilicet cum quis testamento fideicommissum vult relinquere, nam sine institutione hæredis testamentum consistere non potest, §. 34. sup. de legat. Cæterum potest & ab intestato fideicommissum codicillis relinqui, §. 10. inf. eod. Recto jure, id est, directo jure, Schol. Thoph. ὀρθῶς, ἐξ ἐϋδευας, sic rectum iudicium, pro directo, l. 18. §. ult. commod. recta vindicatio pro directa, l. 9. §. 2. de acq. rer. dom.

## COMMENTARIUS.

- 1 Quis, cui, à quo fideicommissum hæreditatis rectè relinquitur?
- 2 Ex certo die aut in diem cur fideicommissum rectè detur, hæreditas non item?

Obliga acquirendæ hæreditatis ratio iisdem illis rebus constat, quibus directam constare diximus sup. §. ult. per quas pers. videlicet delatione fideicommissi, & delati susceptione. Deferre seu relinquere fideicommissum hæreditatis possunt, qui & testamentum facere, l. 2. de legat. 1. l. 1. in pr. & seqq. §§. de legat. 3. l. 6. §. 3. de jur. eod. Relinqui iis potest, qui qualemqualem testamenti factionem habent, id est, vel passivam, ut loquuntur, arg. §. legari. 24. sup. de legat. l. 1. de legat. 1. Neque ulla nunc est in hac parte differentia inter hæredum institutiones aut legata & fideicommissa, five universalialia five specialia. Ab iis relinqui potest, ad quos hæreditas nostra perventura est, five directo five oblique, five ex testamento, five ab intestato, five jure civili, five jure honorario, §. præterea. 10. inf. eod. In modo relinquendi nihil interest, utrum testamento relinquatur, an codicillis: at testamento à solo hærede instituto relinqui potest, codicillis etiam à legitimo. Suscepto utriusque factum & voluntatem desiderat & hæredis fideicommissum restituentis, & fideicommissarii restitutum accipientis: de quibus omnibus, aut maxima eorum parte, amplius in progressu.

Recto jure testamento hæres instituat) Cum quis

quis



quis testamento fideicommissum vult relinquere, necesse omnino est, quod hic traditur, ut testator directo aliquem testamento hæredem instituat, eumque roget, ut hæreditatem alii restituat: quippe cum sine institutione hæredis testamentum consistere non possit, §. ante 35. sup. de legat. 3. Utrum autem hæres institutus eodem testamento rogetur, an codicillis, nihil refert, §. 1. & 2. inf. de cod. l. 8. eod.

Vel ex certo die) Fideicommissio hæreditatis hoc cum legatis & fideicommissis rerum singularum commune est, ut non tantum pure aut sub conditione, quomodo etiam directo potest hæres institui, verum etiam ex certo die, aut in diem relinqui possit, sicut legata & singularia res per fideicommissum, l. 1. & passit. de cond. & dem. quamvis directo hæreditas ita dari non possit. Nimirum diem hæredis institutioni adjectum pro supervacuo haberi placeat, ne testator post tempus aut medio tempore, atque ita pro parte intestatus decedat, quod juris civilis subtilitas non patitur, §. hæres. 9. sup. de hæ. inst. l. 7. de reg. jur. At in restitutione hæreditatis hoc jus non ostenditur, cum is qui restituit, nihilominus hæres maneat, §. seq.

### TEXTUS.

#### Effectus restitutionis hæreditatis.

3. Restituta autem hæreditate, is quidem qui restituit: nihilominus hæres permanet: is vero, qui recipit hæreditatem, aliquando hæredis, aliquando legatarii loco habetur.

### COMMENTARIUS.

**R**egula est juris antiqui, *Qui semel hæres extitit, non potest desinere hæres esse*, l. ei qui. 88. in fin. de hæ. inst. l. 7. §. sed quod. 10. in fin. de minor. Quæ regula ex eo sumpta est, quod placet, obligationem & actionem à persona ejus, cui aut adversus quem semel quaesita est, avelli non posse: de quo diligentius, Deo volente, præcipiemus inf. sub §. 1. de actionib. Hoc igitur jure constituto, consequens est, nec eum, qui rogatus defuncti hæreditatem, alii restituit, hæredem esse desinere, ac proinde ipsum nihilominus tamquam hæredem & experiri actionibus hæreditariis & convenire posse. Cæterum Trebelliano Senatusconsulto effectum est, ut restituta hæreditate, is qui restituit, nudum tantum nomen hæredis retineat, atque ut agens exceptione

restitutæ hæreditatis repellere, & conventus alios repellere possit, leg. 1. §. 4. ad Senatusconsultum Treb.

Aliquando hæredis, aliquando legatarii loco) Loco hæredis habebatur, si restituta esset hæreditas ex Senatusconsulto Trebelliano, loco legatarii, si ex Pegasiano restitutio fieret, ut mox declarabit, & Ulpianus ostendit tit. 25. §. 12. Nam quod Giphanius scripsit, fideicommissarium legatarii loco habitum, si pars tantum hæreditatis ei restituta esset, falsum esse apparet ex §. ergo. 6. inf. eod.

### TEXTUS.

#### De Senatusconsulto Trebelliano.

4. Et Neronis quidem temporibus, Trebellio Maximo, & Anneo Seneca Coss. Senatusconsultum factum est, quo cautum est, ut si hæreditas ex fideicommissi causa restituta sit, omnes actiones, quæ jure civili hæredi & in hæredem competere, ei & in eum darentur, cui ex fideicommissio restituta esset hæreditas. Post quod Senatusconsultum prætor utiles actiones & in eum, qui recepit hæreditatem quasi hæredi, & in hæredem dare cepit.

### COMMENTARIUS.

- 1 Cur in Catalago consulum non recenseantur Trebellius & Seneca?
- 2 Quæ incommoda huic Senatusconsulto causam dederint?
- 3 Cur cum Senatusconsulta sint pars juris civilis, senatus eum, cui restituta est hæreditas, hæredem non fecerit, eive & in eum non dederit actiones directas?
- 4 Quid juris, si debitor hæredi, aut hæres creditori solverit post factam restitutionem?

**T**rebello Maximo & Anneo Seneca Coss.) Hoc idem testatur & Ulp. l. 2. ad Treb. Cæterum hi consules non reperiuntur in Fastis, seu indice consulum: quare credendum est, eos non fuisse ordinarios five initio anni creatos, sed suffectos in locum demotorum aut remotorum: quippe, ut Dio lib. 43. & 48. refert, anni consulum ab his duobus, qui primis duobus mensibus creati essent, nomen acceperunt; qui reliquis creabantur mensibus in Senatusconsultis & auctoritatibus scribebantur, quod confirmat hic locus: cui similis est in §. seq. nam neque Pegasi & Pufionis Fasti meminerunt: & in l. cum vero 26. §. subventum. 7. de fideic. libert. ubi mentio fit Senatusconsulti Rubriani, quod factum dicitur tem-



temporibus D. Trajani Rubrio Gallo & Cælio Hispone Coss. qui & ipsi in catalago consulum non recensentur, ut suffectos eos fuisse oporteat. Igitur cum multi consules Romæ sub Imp. fierent per suffectionem, nemo ex suffectis in Fastos referebantur, sed soli duo, qui anni initio magistratum auspiciati essent. Quamobrem excusandus est Aufonius, qui in *gratiar. act. ad Gratianum* negat, Senecam consulem fuisse. VINN. Immo vix excusandus, quia suffectus Cos. etiam consul est. Consulatus Senecæ & Trebelli incidit in ultimos menses anni ab U. C. DCCCXIV. Quærit Marcellius ad §. 6. *Inst. h. t. cur SC.* hoc dicatur Trebellianum, ac non potius Annæanum, quum tamen L. Annæus Seneca fuerit Cos. major. Respondet, videri hoc SC. omnino initio nomen Annæani tulisse, sed translatum postea ad nomen Trebelliani, quia Senecæ, perduellionis rei memoria damnata fuerit. Sed nec apud Tacitum, cui Marcellius testimonium denunciat, hoc reperio, nec semper à SCis à majore consule nomen inditum, sed ab eo, qui tum ad Senatum retulerat. Sic SC. anno U. C. 931. Juliano Rufo & Gaudio Orphito Coss. factum, non à Cos. majore Julianum, sed ab Orphito Orphitiano dictum est. Aliud Nerone & Pisone Coss. anno 810. Pisonianum vocatur l. 8. *ff. ad SC. Silan.* Omittimus exempla alia. HEIN.

*Si hæreditas ex fideicommissi causa restituta sit*  
In omni legato & fideicommissio inest hæc conditio, si hæres, à quo relicta sunt, hæres extiterit: quod in fideicommissis ex restituendi verbo satis intelligitur. Qua de causa si hæres aut adire hæreditatem noluerit, aut antequam adeat mortuus sit, aliave ratione defecerit, hic eveniet, ut destituto testamento fideicommissum quoque pereat, ut cætera, quæ in testamento scripta sunt, non adita hæreditate irrita fiunt, l. 9. *de test. tut. l. eam quam.* 14. *C. de fideic. l. 13. §. quid ergo.* 3. *l. ita tamen.* 27. *§. quotiens.* 6. *ad Sen. Trebell.* Cum autem hæredes, qui rogati erant hæreditatem restituere, aut metu litium, aut prætextu metus hæreditatem adire plerumque recusarent: cumque esset æquisimum, eos onera subire, in quos jus fructusque transferretur, potius quam cuiquam fidem suam esse periculosam; Senatusconsulto Trebelliano dubitatio hæredum cum metu incommodi sublata est, cautumque, ut quæ actiones in hæredem competunt, darentur in eum, cui ex fideicommissio restitueretur hæreditas, quo magis in reliquum confirmarentur supremæ defunctorum voluntates, l. 1. §. 2. & 3. *ead.*

*Actiones, quæ jure civili*) Senatus loquitur de transferendis iis actionibus, quæ jure civili hæredi & in hæredem competunt: transeunt tamen ex senatus sententia & actiones honorariæ, veluti actio ex constituto, ex Jurejurando, & similes: immo & causam naturalium obligationum transire placet, l. *quavis* 40. *l. si ejus.* 64. *in pr. eod.*

*Ei & in eum*) Quemadmodum Senatus hæredibus subventum voluit in eo, quod actiones, quæ in hæredem competebant, dari voluit in fideicommissum, ut posset hæres, si à creditoribus hæreditariis conveniretur, uti exceptione restitutæ hæreditatis; ita & subvenit fideicommissariis in eo, quod actiones, quæ hæredi competebant fideicommissario dari voluit, cui soli ob hoc agendi efficaciter facultas competit; hæres autem agens per exceptionem à creditoribus hæreditariis repelli potest, d. l. 1. §. 4. planè non ultra actiones ex Senatusconsulto transeunt, quàm pro ea parte hæreditatis, quæ rogatu testatoris restituta est, §. 6. *inf. eod.*

*Prætor utiles actiones*) Licet Senatusconsulta 3 pars sint juris civilis, ac proinde per Senatusconsultum hæres effici possit, ut efficitur Senatusconsultis Tertylliano & Orficiano, eum tamen, cui ex fideicommissio restituta est hæreditas, senatus hæredem non fecit, propterea quod jam alius jure civili per aditionem hæres factus locum obtinet, quem stricta juris ratio non patitur desinere hæredem esse: quæ eadem porro ratio efficit ut nec directæ actiones ad fideicommissarium transire queant, sed ut semel hæredi quæsitæ sunt, ita perpetuo apud eum maneant, neque à persona ejus possint separari. Cum igitur actiones directæ non possint & apud hæredem manere & simul pari jure fideicommissario aut in fideicommissarium dari, prætor ex auctoritate senatus utiles ei & in eum tamquam hæredi & in hæredem actiones dedit, ut hic scriptum est: *convenit l. filiusfamilias* 18. *§. ult. ad leg. Falc. & l. penul. in fin. hoc tit.* Neque injuria sit creditoribus hæreditariis, quod actiones eorum directæ mutentur in utiles: nam nova utilis: quæ succedit, ejusdem cum vetere potestatis est, eundemque effectum habet, l. *propen. de neg. gest.* In summa Senatusconsulto Trebelliano hoc effectum est, ut actiones, quæ hæredi & in hæredem jure civili competunt, post restitutionem hæreditatis in persona hæredis inutiles sint, utque agens exceptione repelli, conventus, alios repellere possit. Contra verò in persona fideicommissarii sint efficaces, ut is solus &



4 agat efficaciter & conveniatur. Sed quid si debitor post restitutionem hæreditatis hæredi solverit? Aut quid si hæres post restitutionem factam solverit creditori? Poterit solum per conditionem indebiti repeti, *l. si ejus. 64. in pr. eod.* quippe cum per restitutionem inutilis planè atque inefficax per Senatusconsultum in persona hæredis obligatio fiat, & vinculum quoque æquitatis tollatur, ita ut nuda tantum civilis obligatio remaneat. Enimvero si hæres aut debitor solverit, cum scirent, se tutos esse exceptione, cessabit conditio, *l. si non sortem. 26. §. 3. de cond. ind.* quoniam donare voluisse præsumuntur, *l. cujus. 53. de reg. jur.*

## T E X T U S.

## De Senatusconsulto Pegasiano.

5. Sed quia hæredes scripti, quum aut totam hæreditatem, aut pæne totam plerumque restituere rogabatur, adire hæreditatem ob nullum vel minimum lucrum recusabantur, atque ob id extinguabantur fideicommissa, postea Vespasiani Angusti temporibus, Pegaso & Pufione Coss. Senatus censuit, ut ei, qui rogatus esset hæreditatem restituere, perinde liceret quartam partem retinere, atque ex lege Falcidia ex legatis retinere conceditur. Ex singulis quoque rebus, quæ per fideicommissum relinquuntur, eadem retentio permessa est. Post quod Senatusconsultum ipse hæres onera hæreditaria sustinebat: ille autem, qui ex fideicommissis recipiebat partem hæreditatis, legatarii partiarum loco erat, id est, cujus legatarii, cui pars bonorum legabatur, quæ species legati partitio vocabatur, quia cum hærede legatarius partiebatur hæreditatem. Unde quæ solebant stipulationes inter hæredem & partiarum legatarium interponi, eadem interponebantur inter eum, qui ex fideicommissis recipit hæreditatem & hæredem, id est, ut lucrum & damnum hæditarium pro rata parte inter eos commune esset.

## N O T Æ.

5. Partiebatur hæreditatem) Id est, res hæreditatis: neque enim legatarius, partiarum efficiebatur successor juris, ullæve actiones hæreditariæ ei, inve eum dabantur

## C O M M E N T A R I U S.

- 1 Quæ incommoda Pegasiano Senatusconsulto causam dederint?
- 2 Hoc Senatusconsulto vim legis Falcidie productum ad fideicommissa hæreditatis.
- 3 Discrimen legis & Senatusconsulti circa res,

que imputentur.

4 An hoc demum Senatusconsulto Falcidia producta ad fideicommissa singularia.

5 Trebelliani & Pegasiani differentia.

6 Legatarius partiarum, & stipulationes partis & pro parte.

T Ametsi Senatusconsulto Trebelliano cautum erat, ut omnia onera hæditaria in eum, cui ex fideicommissis restituta esset hæditas, transferrentur, id tamen nondum sufficiebat ad invitandum hæredem ad adeundam hæreditatem. Quamvis enim nullum damnum post hoc Senatusconsultum hæredi adeunti & restituenti immineret, tamen, ut est ingenium humanum, recusabant adhuc plerumque hæredes scripti adire hæditatem alieni emolumentum causa, unde ipsi nullum, aut exiguum lucrum percepturi erant: atque ita fiebat adhuc, ut fideicommissum hæditatis sæpe intercederet. Huic igitur incommodo occursum est Senatusconsulto Pegasiano, cautumque, ut ei, qui rogatus esset hæditatem restituere, perinde liceret quartam partem retinere, atque ex lege Falcidia legatis conceditur.

Perinde, &c. atque ex lege Falcidia) Quod 2 lex Falcidia in legatis, illud ipsum valet Senatusconsultum Pegasianum in restituenda hæditate. Quin potius hoc Senatusconsulto vis legis producta est ad fideicommissa hæditatis. Justinianus orat. ad Senat. Pegasianum factum esse ait προς τὸ τῶν φιλιδιαιμησιῶν. Atque hinc est, quod veteres etiam quartam hujus Senatusconsulti quam nunc vulgo Trebellianicam vocant, non quartam Pegasiani, sed quartam Falcidie, aut commodum Falcidie perpetuo appellarint, ut videre est in *l. cohæredi. 41. §. 3. de vulg. & pup. l. 2. §. ult. de jur. eod. l. 18. l. in ratione. 30. §. tametsi. 7. l. 47. §. 1. l. Titia. 86. l. acceptis. 93. ad leg. Falc. l. 2. l. 3. l. mulier. 22. §. 2. l. si patroni. 55. §. 2. l. deducta. 55. §. 3. hoc tit. ad Senatuscons. Treb. l. 1. l. 10. l. 11. C. ad leg. Falc. Ulp. tit. 25. §. 12. sup. quib. mod. test. inf. §. 3.*

Est autem adhuc aliquid discrimen circa res, quas in hæce quartas imputari placet. Nam in Falcidiam, quæ ex legatis deducitur, ea tantum imputantur, quæ jure hæditario hæres capit: in quadrantem verò Pegasianum etiam ea, quæ hæres fiduciarius capit jure legati vel fideicommissi, aut implendæ conditionis causa, *l. quod autem. 74. l. id autem. 76. l. in quartam. 51. ad leg. Falc.* Quæ differentia inde nata videtur, quod lex Falcidia ultra quadrantem legari vetat; ut proinde apud hæredem quarta pars non quarumlibet rerum, sed hæ-



hæreditatis manere debeat : non prohibet autem Senatus ultra dodrantem hæredis fideicommissi : tunc etiam, quod Falcidia voluntati testatoris subservit, quem verisimile non sit legatis patrimonium suum exhaurire voluisse, sed potius, opinioni ejus non respondere calculum facultatum : ac Senatusconsultum manifestè testatoris voluntati adversatur, quæ hæc est, ut restituta hæreditate, apud hæredem nihil præter nudum nomen hæredis remaneat. Planè nec pars ea prælegati, quæ à cohærede accipitur hæredi fiduciario in quartam imputabatur, l. 18. §. ult. hoc tit. l. Titia. 86. d. l. in quartam. 91. ad leg. Falc. l. filium. 24. C. fam. etc. forte quod verisimile non sit, testatorem, qui portionem cohæredis hæcenus imminuit, voluisse, ut alteri id in quartam partem ejus partis, quam restituere jussus est, imputaretur. Variant tamen in hac re interpretes : videlicet Don. 7. comm. 30. & 8. c. 26. Ant. Fab. 6. conjest. 3. 4. & 5. Cujac. 8. obs. 4. Fachin. 5. contr. 13. & 16. qui & alios cit. Bachov. in Treul. vol. 2. disp. 13. thes. 3.

4. Ex singulis quoque rebus ) Hinc plerique colligunt, ante Senatusconsultum Pegasianum non licuisse hæredi quartam partem de singulis rebus per fideicommissum relictis retinere, atque hoc demum Senatusconsulto legem Falcidiam productam etiam ad fideicommissa particularia : quod quamobrem mihi non probatur, & cur hoc jus atiquius Senatusconsulto existimem, exposui sup. tit. prox. in pr. Illa etiam ratio nunc me movet, quod utrumque Senatusconsultum circa idem subjectum versetur. Nam etsi non idem Senatusconsulto Pegasiano cautum est, quod antea cautum erat Senatusconsulto Trebelliano, de eodem tamen utroque cautum esse constat, videlicet de hærede rogato restituere hæreditatem, non de eo, qui oneratus sit fideicommissis particularibus. Verba Trebelliani referuntur in l. 1. §. 2. hoc tit. Igitur quartæ de singulis rebus per fideicommissum relictis detractio Pegasiano Senatusconsulto accepta ferri non debet, sed juri antiquiori & ipsi legi Falcidiæ ex interpretatione prudentum. Neque obstant verba hujus textus : quippe quibus hoc solum significari existimo cum Bachovio, ut si hæres & hæreditatem partemve hæreditatis restituere jussus est, & insuper ab eo particularia fideicommissa relictæ sunt, non tantum quartam deducere possit ex fideicommissis hæreditatis, sed pro rata etiam ex particularibus relictis; quemadmodum eodem modo pro rata quoque detraheretur ex legatis, si quæ testator simul reliquisset, l. 3. §. 2. hoc tit. ad Senatusconsult.

Tom. I.

Treb. Quis sit hujus disputationis fructus, intellige ex iis, quæ n. 3. add. Val. de success. resol. lib. 2. §. 1. D. Tuld. comm. in tit. seq. c. 4.

Ipse hæres onera substinebat ) Trebellianum 5 transferebat onera in fideicommissarium; retentionem autem nullam permittebat. Pegasianum retentionem quartæ partis concedebat; onera verò nulla transferebat, quasi sufficere hæredibus deberet, quod quarta pars ipsorum lucro cederet : ob cujus commodi perceptionem onera & judiciorum molestias subirent, nomina hæreditaria persequerentur, sicut juris erat ex lege antiqua 12. tabb. l. ea quæ. 6. C. fam. etc. Igitur restituta ex Senatusconsulto Pegasiano hæreditate, id est, quarta ex auctoritate hujus Senatusconsulti contra voluntatem testatoris retenta, ipse hæres solus atque in solidum onera hæreditaria substinebat, cessante videlicet Senatusconsulto Trebelliano; utpote cui locus non erat; nisi secundum voluntatem defuncti hæres restituisset §. seq. 6

Legatarii partiarum loco erat ) Universitatem alicui legari posse, id est, partem dimidiam, tertiam, aut quartam bonorum aut hæreditatis, docuimus sup. de legat. in pr. Neque tamen hunc legatarium, quem partiarum appellabant, fuisse successorem juris, ullaque actiones hæreditarias ei inve eum datas, sed partem bonorum sibi legatam sine ullo incommodo obtinuisse : id quod verum esse hic locus clarè ostendit : nam si actiones in hujusmodi legatarium transissent, quemadmodum ex Senatusconsulto Trebelliano transeunt in eum, qui recepit hæreditatem, non magis opus fuisset interpositione stipulationum partis & pro parte, quarum hic fit mentio inter hæredem & legatarium partiarum, quàm inter hæredem & eum, cui ex Trebelliano restituitur hæreditas.

Partitio vocabatur ) Is, cui pars bonorum legata erat, legatarius partiarus dicebatur, atque hæc legati species, partitio, Ulpian. tit. 24. §. 23. & tit. 25. §. 13. Meminit & Cic. 2. de legib. Rationem appellationis hanc esse ait Justinianus, quoniam cum hærede legatarius partiebatur hæreditatem, id est, res hæreditarias seu universa bona : quomodo & hæreditas vendi dicitur : neque enim legatarius partiarus efficiebatur successor juris, ut jam dictum est.

Unde quæ solebant stipulationes, &c. ) Inter hæredem & legatarium partiarum solebant interponi stipulationes de lucro & damno communicando, quæ propriè dicebantur partis & pro parte, §. seq. quippe hæres, sive quid deberet hæreditas solvebat, sive quid debere-

H h h

tur,



tur, idem exigebat: sed antequam hæreditatem adiret, stipulabatur à legatario partiaro, *Si quid à me solutum sit, ejus te partem redditurum spondes?* & vicissim alter ab hærede, *Si quid exegeris, ejus partem mihi daturum spondes?* Quæ stipulationes postea inter hæredem quoque, & eum, cui deducta quarta ex Senatusconsulto Pegasiano restituebatur hæreditas, interponi cœperunt, ut remedio harum stipulationum lucrum & damnum pro rata parte communicaretur: nam solus hæres hoc casu actiones & exercebat & excipiebat, vid. Paul. 4. sent. 3. Ulp. tit. 23. §. 13. Theoph. bic.

## T E X T U S .

Quibus casibus locus SC. Trebell.  
vel Pegasiano.

6. Ergo, siquidem non plus, quàm dodrantem hæreditatis, scriptus hæres rogatus sit restituere, tunc ex Trebelliano Senatusconsulto restituebatur hæreditas, & in utrumque actiones hæreditariæ pro parte rata dabantur: in hæredem quidem jure civili; in eum verò, qui recipiebat hæreditatem, ex Senatusconsulto Trebelliano tamquam in hæredem. At si plus, quàm dodrantem, vel etiam totam hæreditatem restituere rogatus esset, locus erat Pegasiano Senatusconsulto: & hæres qui semel adierat hæreditatem, (si modo sua voluntate adierat,) sive retinuerat quartam partem, sive retinere noluerat, ipse universa onera sustinebat. Sed quarta quidem retenta, quasi partis & pro parte stipulationes interponabantur, tanquam inter partiarium legatarium & hæredem: si verò totam hæreditatem restitueret, emptæ & venditæ hæreditatis stipulationes interponebantur. Sed si recusabat scriptus hæres adire hæreditatem, ob id, quod diceret eam sibi suspectam esse, quasi damnosam, cavebatur Pegasiano Senatusconsulto, ut desiderante eo, cui restituere rogatus esset, jussu prætoris adiret, & restitueret hæreditatem: perindeque ei & in eum, qui reciperet hæreditatem, actiones darentur, ac juris est ex Trebelliano Senatusconsulto: quo casu nullis stipulationibus est opus: quia simul & huic, qui restituit, securitas datur, & actiones hæreditariæ ei & in eum transferuntur, qui recipit hæreditatem: utroque Senatusconsulto in hac specie concurrente.

## C O M M E N T A R I U S .

- 1 An hæres, qui ultro totum quod rogatum est, restituit, solus onera subeat ex Pegasiano?  
2 Stipulationes emptæ & venditæ hæreditatis.

## 3 Caput Senatusconsultri de coactione recusantis adire.

**N**on plus quam dodrantem) Senatusconsulti Pegasiani duo principia capita fuerunt, quorum uno cavebatur de hærede rogato totam hæreditatem aut plus quàm dodrantem restituere: alter de eo hærede fiduciario, qui adire hæreditatem recusabat. Nihil autem hoc Senatusconsulto cautum de hærede, qui ex voluntate defuncti quartam aut amplius habens ultra hæreditatem adiit. Itaque hoc casu restitutio fiebat ex Senatusconsulto Trebelliano, & pro rata actiones transferebantur in fideicommissarium sine ope stipulationum. Ulp. tit. 25. §. ii qui 12.

*Pro parte rata*) V. c. Hæres, rogatus, quarta parte retenta reliquam hæreditatem restituere, fidem præstitit. Existit creditor hæreditarius, cui centum debentur: cui in 75. utilis ex Trebelliano adversus fideicommissarium actio datur in reliqua 25. directam habet jure civili adversus hæredem.

*Si modo sua voluntate*) Nam si à prætore coactus adierat, transferebantur actiones omnes in fideicommissarium, ut cautum erat Senatusconsulto Trebelliano: de quo mox plura.

*Ipse universa onera sustinebat*) Ait, hæredem rogatum totam hæreditatem aut super dodrantem restituere, si modo sua sponte hæreditatem adiiisset, etiamsi eam secundum voluntatem defuncti restituisset; id est, sine deductione quartæ universa onera hæreditaria sustinuisset, atque ita nec hoc casu actiones in eum, qui recipiebat hæreditatem, post Senatusconsultum Pegasianum fuisse translatas; quod perquam absurdum videtur. Utique enim propter commodum, quod hæres ex eo Senatusconsulto consequeretur, ut contra voluntatem defuncti quartam partem retinere posset, vicissim Senatui visum est, ipsum solum onera hæreditaria sustinere; quo casu etiam necessario cessat Senatusconsultum Trebellianum. At ut hæres eo etiam casu, quo ultro voluntati defuncti patet, totumque quod rogatus est restituere restituit, onera hæreditaria solus subeat, nulla ratio esse videtur: quippe cum hic non minus restitutio fieri possit ex Senatusconsulto Trebelliano, atque actiones ex eo transferri, quàm cum hæres ex voluntate testatoris quartam integram habet, & reliquum restituit; quo casu actiones pro rata in fideicommissarium dari, in *pr. hujus* §. dictum est. Finge hæredem rogatum dextrantem restituere, eumque plenam fidem defuncto præstare malle, quàm contra ejus voluntatem  
ali-



aliquid retinere potestate Senatusconsulti Pegasiani. Cur hoc casu non æquè fieri possit restitutio ex Senatusconsulto Trebelliano, & actiones pro dextrante transferri in fideicommissarium, quàm cum ubi dodrantem restituere iustus est, & restituit, transferuntur pro dodrante? Diversi juris non alia fuisse videtur ratio, quàm quod cum hæres salvum habet quadrantem ex iudicio defuncti, Senatusconsulto Pegasiano uti non potest, etiam si maxime velit: nam ad hunc casum Senatusconsultum illud non pertinet, sed intacta hæc prioris Senatusconsulti mansit auctoritas. At verò cum plus quàm dodrantem rogatus est restituere, tum uti potest posteriore Senatusconsulto, quod in hunc casum prospexit, & prioris vim ac potestatem quodammodo sustulit. Quamobrem si is, qui beneficio Pegasiani juvari poterat, eo usus non sit, remississe illud, atque in hoc hæredi fideicommissario gratificari voluisse censetur, ut tam oneribus hæreditariis obstrictus maneat, quàm si detracta quarta reliquum dumtaxat restituerit. Facit eo quod scribit Paulus 4. sent. 3. §. ult. qui totam hæreditatem restituit, cum quartam retinere ex Pegasiano debuisset, repetere eam non posse: Cæterum, ut arbitror, aut summi juris ratio hoc efficiebat, aut quod magis puto, pertinuit ad eum casum, quo hæres, qui Pegasiano uti poterat, totam hæreditatem simpliciter restituit. Quod si enim nominatim testatus fuisset, velle se hæreditatem restituere ex Senatusconsulto Trebelliano actionum transferendarum causa, non video cur hoc admitti non debuerit. Immo restitutionem ita ex Trebelliano solitam fieri expressè tradit Paul. d. lib. & tit. §. 1. & Modestini. l. qui totam 45. hoc tit. quo tamen loco consultius putat, suspectam ut hæres dicat hæreditatem, coactusque à prætorè restituat; quo & ipsò casu ex Trebelliano restitutio fieri intelligitur, & actiones transferuntur: atque hoc etiam Cujacius observasse videtur, qui in not. ad Paul. scribit, eum qui totam hæreditatem restituere rogatus est, si Falcidiam omittat fidei explenda gratia, vel ex Senatusconsulto Pegasiano restituere debere, interpositis emptæ & venditæ hæreditatis stipulationibus, vel quod expeditius est, ex Senatusconsulto Trebelliano aut vi prætoris ex Pegasiano, coactus nullis interpositis stipulationibus,

*Quasi partis & pro parte*) De quibus dictum §. præc. Nam ad exemplum partis & pro parte stipulationum, quæ de lucro & damno communicando interponi solebant inter hæredem & legatarium partiarium, hac quoque

in causa interponebantur inter hæredem & fideicommissarium, ut inter illum pro quadrante & hunc pro dodrante commoda & incommoda communicarentur, Ulp. tit. 25. §. 13. Paul. d. lib. & tit. in pr. Theoph. hic.

*Empta & venditæ hæreditatis*) Cum tota hæreditas rogatu defuncti sponte restituebatur, emptæ & venditæ hæreditatis stipulationes interponebantur. Quales illæ stipulationes fuerint, nusquam disertè traditum est, nisi quadrantenus apud Ulp. l. in illa 50. §. 1. de verb. oblig. ubi hæc ex parte emptoris profertur: *Quanta pecunia ad te pervenerit, dolove malo tuo factum est, eritve, quominus perveniat, subaudiendum, tantam dari spondes?* Ex quo cum Hotomanno suspicari licet, hæc fere contrariæ stipulationis formulam fuisse: *Quantam pecuniam hæreditatis causa præstitero, solvero, tantam dari spondes?* Etenim inter emptorem & venditorem hæreditatis id agi constat, quod Ulp. scribit, l. 2. de hæc. vel act. vend. ut neque amplius, neque minus juris emptor habeat, quàm apud hæredem futurum esset, effectu scilicet: neque enim vi istarum stipulationum actiones hæreditariæ in emptorem transferri potuerunt. At enim verò, ut non multo ante probavimus, potuit hoc casu & ex Trebelliano nominatim restitutio sic fieri, ut actiones transferrentur sine interventu huiusmodi stipulationum.

*Si recusabat hæres scriptus*) Alterum hoc principale caput Senatusconsulti Pegasiani fuit, ut si hæres recusaret adire hæreditatem, iussu prætoris adire & restituere cogeretur, l. 4. l. 6. §. 2. l. 14. §. pen. & passim hoc tit. l. si quis 17. si quis om. ca. test. Ulp. tit. 25. §. 14. At inquis, cum adire facti sit, ad quod nec servus à domino præcisè compelli potest, l. 3. C. de hæc. inst. quomodo ad id compelleretur hæres? Compelli præcisè posse, non existimo, sed contumaciam hæredis pro additione habendam, l. pen. §. 1. C. hoc tit.

*Quasi damnosam*) Sufficit autem hoc ab hærede allegari: neque enim inquiritur, solvendo sit hæreditas, nec ne. Sed neque præscribitur hæredi, cur metuat hæreditatem adire, vel cur nolit: cum variæ sint hominum voluntates, quorumdam negotia timentium, quorumdam vexationem, quorumdam æris alieni cumulum, tamen locuples videatur hæreditas, quorumdam offensas vel invidiam, quorumdam gratificari volentium his, quibus hæreditas relicta est, sine onere tamen suo, d. l. 4. hoc tit.

*Quo casu nullis stipulationibus est opus*) Iussu prætoris adita & restituta hæreditate, ei &



in eum, qui recepit hæreditatem, actiones dantur perinde, atque si ex Trebelliano Senatusconsulto restituta fuisset, idque ut ita fiat, Pegasiano Senatusconsulto cautum esse scribit Ulp. *d. tit. §. Quamobrem nullis hinc stipulationibus opus erit. Ut autem restituenti hoc casu prospectum, ne ullum damnum sentiat, ita vicissim omne commodum amittit, quod si cogi se passus non esset, vel beneficio Pegasiani vel ex voluntate defuncti, percipere potuisset, d. l. 4. d. l. 14. §. qui compulsus 4. l. ita 27. §. 2. & §. præceptis 14. hoc tit.*

*Utroque Senatusconsulto concurrente*) Nam quod hæres invitus cogebatur adire à prætorè, id erat ex Senatusconsulto Pegasiano: quod actiones transferrentur in eum, qui recipiebat hæreditatem, ex Trebelliano.

## TEXTUS.

## Pegasiani in Trebellianum transfusio.

7. *Sed quia stipulationes ex Senatusconsulto Pegasiano descendentes & ipsi antiquitati displicuerunt, & quibusdam casibus captiosas eas homo excelsi ingenii Papinianus appellat; & nobis in legibus magis simplicitas, quam difficultas placet; ideo omnibus nobis suggestis tam similitudinibus, quam differentiis utriusque Senatusconsulti, placuit expulso Senatusconsulto Pegasiano, quod postea supervenit, omnem auctoritatem Trebelliano Senatusconsulto præstare, ut ex eo fideicommissariæ hæreditates restituantur: sive habeat hæres ex voluntate testatoris quartam, sive plus, sive minus, sive nihil penitus: ut tunc, quando vel nihil, vel minus quarta apud eum remanet, liceat ei vel quartam, vel quod ei deest, ex nostra auctoritate retinere, vel repetere solutum, quasi ex Trebelliano SC. pro rata portione actionibus tam in heredem, quam in fideicommissarium competentibus. Si verò totam hæreditatem sponte restituerit, omnes hæreditariæ actiones fideicommissario, & adversus eum competant. Sed etiam id, quod præcipuum Pegasiani Senatusconsulti fuerat, ut quando recusaret hæres scriptus sibi datam hæreditatem adire, necessitas ei imponeretur totam hæreditatem vel nti fideicommissario restituere, & omnes ad eum, & contra eum transferre actiones. Et hoc transposuimus ad Senatusconsultum Trebellianum, ut ex hoc solo necessitas hæredi imponatur, si ipso nolente adire, fideicommissarius desideret restitui sibi hæreditatem, nullo nec damno nec commodo apud heredem remanente.*

## NOTÆ.

7. *Vel repetere solutum*) Solutum scilicet er-

rore facti, non juris, l. 9. C. ad leg. Falc. v. gr. Qui 100. in bonis habebat, 100. legavit. Hæres integra legata solvit. Si errore facti, credens eam esse quantitatem patrimonii defuncti, ut exolutis legatis adhuc abunde sibi ad quartam Falcidiæ superfit, repetitionem habet: si errans in jure, non habet. Id est, si non ignorabat quantitatem substantiæ: putabat autem se quartæ retentionem non habere. Idemque juris est in restitutione fideicommissi, ut hic.

*Pro rata portione*) L. 1. C. h. t. Onera tamen legatorum ad solum fideicommissarium spectant, l. 1. §. ultim. D. eod. & ibi Accurs. DD. in l. 2. & ult. C. eod. Nisi minus dodrante restituere hæres rogatus sit: tunc enim pro eo, quod ultra quartam habet, etiam legatorum onera ad eum pertinent, l. 1. §. pen. eod. Gloss. & DD. ubi sup.

*Totam hæreditatem sponte*) Dum fidum obsequium defuncti precibus præbere desiderat, l. 45. ad SC. Treb. & pleniore officio fidei præstandæ fungi, l. 5. §. 15. de don. int. vir.

## COMMENTARIUS.

- 1 Cur stipulationes ex Senatusconsulto Pegasiano descendentes captiosæ visæ?
- 2 An hæres, qui non consecit inventarium, amittat quartam Senatusconsulti? & an testator deductionem hujus quartæ vetare possit?
- 3 Duplex deductio juxta c. Raynutius. 16.
- 4 Pro qua parte actiones transeant aut remaneant?
- 5 Explicatur l. 5. C. hoc tit.
- 6 Legatorum onera ad solum fideicommissarium pertinere.

**T**Ransfunditur hoc loco vis omnis Senatusconsulti Pegasiani in Trebellianum, ut jam ex solo Senatusconsulto Trebelliano restituatur hæreditas. Itaque hæres nunc quasi ex hoc Senatusconsulto quartam, vel quod quartæ deest, retinere potest: ex eodem actiones pro rata, ex hoc Senatusconsulto cogitur: restituta tota hæreditate sive sponte sive jussu prætoris, actiones omnes in fideicommissarium transeunt, nullusque jam amplius usus stipulationum, quarum antea meminit.

*Ex Pegasiano Senatusconsulto descendentes*) Stipulationes partis & pro parte emptæ & venditæ hæreditatis non sunt Senatusconsulto Pegasiano primum introductæ, sed sunt antiquiores. Dicuntur autem hic ex Pegasiano descendere, quia eo Senatusconsulto translata sunt ad restitutionem hæreditatis, locum non habente Trebelliano. Hotomannus hinc colligit, nomi-



minatum Senatusconsulto mentionem harum stipulationum factam fuisse.

<sup>1</sup> *Captiosa*) Captiosæ fuerunt stipulationes emptæ & venditæ hæreditatis, itemque partis & pro parte, quia salvæ nihilominus hæredi & adversus hæredem actiones manebant. Neque enim ob harum stipulationum interpositionem cogebantur creditores fideicommissarium convenire, sed hæres lites excipiebat, & solum creditoribus à fideicommissario repe-tebat; sicut è diverso fideicommissario cum hærede agendum erat, ut quod à debitoribus exegisset, redderetur. Ob has difficultates & litium anfractus facile eveniebat, ut alter damnus peteretur, vel propter calumniam, vel propter inopiam alterius: quod, cum ex Trebelliano restituitur hæreditas, commodè potest vitari. Nam quatenus hæreditas est, eatenus hæres si conveniatur, exceptione restitutæ hæreditatis se tueri potest: & vicissim si ipse experiatur, eadem exceptione repelli. Captiosas igitur hasce stipulationes Papinianus appellat, non quia callidæ aut argutæ, sed quia captioni & damno obnoxia, plenæque difficultatibus, quia captiosæ propter has stipulationes Senatusconsulti Pegasiani ambages, auctore Justiniano, l. 2. §. 6. C. de vet. jur. encl. Captiosum enim nostris etiam id dicitur, quod alicui fraudi aut damno est, l. 5. de transact. l. 14. §. aliquando 5. vers. nude quidam quod met. ca. l. 6. §. si quid 10. quæ in fraud. cred. Rectè igitur Theophilus reddidit. σπεινίς id est, damnosus: neque causam videat, cur Bachovio hæc ratio appellacionis non placeat.

In legibus magis simplicitas) Laudat in §. cæterum. 3. inf. de legit. agn. success. legem 12. tabularum, quod simplicitatem legibus amicam amplexa sit in legitima agnatorum successione. Quod autem legumlatoribus in condendis legibus placere videmus: id etiam in earum interpretatione nobis sequendum est, vitandæque argutiæ, subtilitates, scrupulositates, obscuritates, distinctiones ac differentiæ nimia.

Senatusconsulto Trebelliano præstare) Quod planius erat, & citra captiosos circuitus, ipso jure quoad vim & effectum transferebat id, quod non nisi per stipulationes interpositas longoque & captiosos habitus Pegasianum exsequeretur.

<sup>2</sup> *Vel quartam vel quod deest*) Hinc Interpretes quartam hanc dicere Trebellianicam. Veteribus autem nunquam alio nomine, quam Falcidiæ appellatur, ut ostendi sup. §. 5. nimirum quia Senatusconsulto Pegasiano non tam nova quarta introducta fuit, quam quarta Falcidiæ producta ad fideicommissa univer-

salia. Ex quo porro intelligitur, appellacione quartæ Falcidiæ etiam propriæ hanc quartam contineri, & proinde positis terminis habilibus, atque in dubio, ubi expressè nulla differentia constituta est inter quartam, quam hæres de singulis rebus detrahit, & quam retinere potest ex fideicommissio hæreditatis quidquid de Falcidia jure nostro cautum est, ex æquo ad utramque quartam pertinere. Veluti quod Justinianus constituit, ut hæres, qui inventarium facere neglexit, beneficium Falcidiæ amittat, l. ult. §. pen. C. de jur. delib. item quod Falcidiæ locus non est, si testator expressè veterit hæredem ea uti, Nov. 1. cap. 2. Omnino enim verisimile est, Justinianum perpetuum omnium auctorum juris usum secutum, utramque quartam uno Falcidiæ nomine comprehendisse. Atque hoc si animadvertissent interpretes, nemo eorum repertus esset, qui ausus fuisset hoc negare. At nunc tanta frequentia in contrarium itum est, ut difficile dictu sit, ultra sententia majori numero & rerum judicatarum auctoritate nitatur, vid. Ferrar. in form. libell. pro leg. rei sing. n. 5. Gom. 1. resol. 5. num. 11. & 12. Everh. in Top. à Falc. ad Trebell. loco 34. Gail. 2. obs. 138. n. 16. Clar. §. testam. quæst. 62. Mantic. 7. de conj. ult. vol. 11. & 12. Fach. 3. cont. 4. Perez. ad tit. C. de jur. del. num. 14. & C. ad Senatuscons. Trebell. num. 20. Christin. vol. 1. dec. 316. & vol. 4. dec. 25. 51. & 52. D. Tuld. comm. in tit. præc. cap. 3. Apparet tamen ex allegatis à Christinæo, sic ferè usu receptum esse, ut etiam detractio quartæ Senatusconsulti expressè prohiberi possit, præter quam in liberis primi gradus, quod etiam apud nos obtinere refert Grot. 2. manud. 20. Intellige autem per liberos primi gradus, non tantum filios sed etiam nepotes, &c. quos nemo in suo ordine antecedit. Ob inventarium verò non confectum hæredem non amittere quartam Senatusconsulti: & ita sapissimè judicatum: Myns. 3. obs. 60. Gail. d. obs. n. 3. & 6. Dec. Cur. Holl. 3. add. citatos à Christin. d. decis. 51. n. 3. Jure canonico liberis universali fideicommissio gravatis duplex detractio permessa est, legitimæ & Trebellianicæ, cap. Raynutius 16. x. de testam. quod quamquam legibus civilibus incognitum est, vid. Cujac. 8. obs. 5. Hotom. illust. quæst. 43. usu tamen etiam in foro civili per totum mundum receptum esse, & tanquam Evangelium practi-cari, testantur Bald. & Jas. in auth. res qua, C. cum de legat. Castr. in l. jubemus 6. C. ad Senatusconsul. Trebell. Christin. vol. 1. decis. 245. & dec. 315. eoque jure etiam nos utimur.



Grot. 2. *manuduct.* 20. *dec. Cur. Holl.* 3. & 17. In cæteris, quod ad hunc juris articulum attinet, sequimur in his regionibus jus commune. Grot. *d. loc. Gudelin. lib. 2. de jur. nov. c. 11.* ubi tamen dubitari posse scribit, an in locis, in quibus hæredes instituti pro legatariis habentur, ut apud Gandavenses & Cortracenses admittenda sit Falcidia aut Trebellianicæ detractio: & magis existimam admittendam non esse, *arg. l. lex Falcidia 47. §. 1. ad leg. Falc.* VINN. Jus, capitulis Raynutius & Rainaldus, *x. de test. investum*, jure civili incognitum esse plerique statuunt cum Cujacio & Vinnio nostro. Sed non inepè id negaveris. Nam (1) dum jus civile jubet ante computationem quartæ Falcidiæ, (adeoque & Trebellianicæ,) deduci æs alienum, profecto etiam deduci voluit portionem hæreditatis legitimam, quippe quæ rectè æri alieno accensetur. *l. 8. §. 8. ff. de inoff. test. l. 67. §. 1. ff. de legat. 2.* Deinde (2) in *l. 6. C. ad SC. Treb.* disertè Zeno: *Idem*, inquit, *in retinenda legis Falcidiæ portione obtinere jubemus: & si pater vel mater filio, seu filia, institutis hæredibus, legaverit, eos casu nepotibus vel neptibus, pronepotibus vel proneptibus suis, ac deinceps restituere hæreditatem.* Permittit ea lex liberis, fideicommissio obstrictis, ut possint detrahere quartam pro auctoritate Trebelliani Senatusconsulti; sed addit, in eam quartam nec redditus, nec quartam Falcidiam imputari. Quartam autem Falcidiam non aliam hic esse quam portionem legitimam, acutè observavit Vir Clarissimus A. A. Pagenstecher. in *Aphorism. b. 1. §. 164.* Sanè & alibi portio hæc vocatur quarta Falcidia, ut *l. 8. §. 9. & 14. ff. de inoff. test. l. 31. C. eod.* & apud Paul. *Recept. Sens. lib. 4. tit. 5. §. 5.* Quin jam ab aliis observatum, portionem hanc vel lege Falcidia, vel ex ejusdem rationibus fuisse introductam. Vid. Jan. à Cost. *ad pr. Inst. de inoffic. test.* & V. C. Schulting. *Jurispr. ante Justin. p. 381.* Ex quo patet, Pontificem in istis capitulis interpretem magis juris civilis, quam legislatores egisse. Dissentit D. Harprecht. *Diss. de jure deducendi duas quartas*, cujus argumentis tamen facile satisfieri posset, si id jam ageretur. HEIN.

*Vel repetere solum*) Solutum scilicet errore facti, *l. error 9. C. ad leg. Falc.* Repetitur autem hoc non beneficio Senatusconsulti, sed jure communi, quo ejus, quod per errorem quacumque ex causa solutum est, omnibus repetitio conceditur. De quo diligentius suo loco.

*Pro rata portione*) Si pars tantum hæredita-

tis restitui jussa est, pro parte non restituta actiones apud hæredem remanent; pro restituta transeunt in fideicommissarium. Si tota hæreditas, aut integra alicujus hæredis portio, si hæres eam totam restituit, (sponte, an coactus nihil refert) transferuntur actiones omnes: si dodrantem retenta quarta ex Senatusconsulto, pro dodrante transferuntur, pro quadrante remanent, *l. 1. C. hoc tit.* Atque in hoc differt hæres fiduciarius ab eo, qui legatis oneratus est, qui solus cogitur respondere creditoribus. Dividuntur autem actiones pro competenti cujusque parte simul atque facta est restitutio, id est, si hæres verbo dixerit se restituere, aut per epistolam vel nuntium restituerit, quamvis fideicommissarius nondum nactus sit rerum possessionem, *l. restituta 37. l. facta 63. in pr. hoc tit.* Quod autem etiam in ponenda ratione Senatusconsulti deduci dicitur æs alienum, *l. 5. C. eod.* eo nihil aliud significatur, quàm quod in constituenda summa bonorum ineat etiam ratio æris alieni, idque de bonis deducatur, ut sciri possit, quantum æris alieni in fideicommissarium cum portione restituta transeat, quantum apud hæredem cum portione retenta maneat. Fingamus, quingenta in bonis esse: ex his centum deberi. Hic fideicommissario restituentur cccxxv. ac pro hac portione, id est, pro novem unciiis, transferetur in eum onus æris alieni cxxv. retinebit hæres, pro quarta parte ipse à creditoribus conveniendus erit. Sic enim omnino res transigenda est, postquam placuit, actiones pro rata parte in utrumque dari. Quod non satis rectè mihi explicuisse videtur. Wesemb. & post eum Chiffin. *vol. 4. dec. 53. n. 5.* Quamvis autem hæres fiduciarius pro parte sua onus æris alieni subeat: onera tamen legatorum ad solum fideicommissarium spectare communiter placuit. Accurs. *in l. 1. §. ult. hoc tit. DD. in l. 2. & l. ult. C. eod.* Tholosan. *42. syntagm. 31. num. 3.* D. Tulden. *comm. in hunc tit. cap. 4.* Quæ sententia, etsi Donello in *d. l. 2. falsissima*, mihi tamen vera videtur. Nam cum quarta pariter ex legatis & fideicommissio detrahatur, *l. 3. §. eod.* utique ex residuo dodrante, quem totum hæres restituit, legatariis satisfaciendum: alioqui non habiturus esset hæres quartam integram: nisi dicamus, hæredem nihilominus à legatariis rectè pro sua parte conveniri, & quod solvit à fideicommissario eum repetere debere, sibi que imputare, quod portionem de dodrante non retinuerit. Sed hoc in proposito dici non potest: quoniam auctoritate senatus, dodrante, unde omnia legata præstanda sunt, restituto, actiones lega-



gatariorum in fideicommissarium transferuntur, qui conventus, quod sibi detractum legatarii pro rata imputabit, *argum. l. 3. in pr. eod.* Planè si antequam restitutio facta est, legatarii petant: puto hæredem exceptione adjuvari non debere, cum si solvat, hoc minus ex causa fideicommissi restituat, *argum. l. ita tamen 27. §. qui ex Trebell. 7. in fin. eod.* Quod si hæres minus dodrante restituere rogatus est pro eo, quod ultra quartam habet: etiam legatorum & fideicommissorum specialium onera ad eum pertinere, certum est, *l. 1. §. pen. eod. Salic. in d. l. 2. & l. ult. Grot. 2. manud. 10. Mynf. Schneid. bic. Ad quem casum plerique cum Glossa etiam referunt d. l. 2. Bachovius in not. ad Treult. vol. 2. disp. 11. thes. 9. putat, hanc d. l. sententiam esse, quod fideicommissarius cogatur pati, ut tam de sua parte, quam de legatis quarta detrahatur, cum concurrentibus legatariis de restituenda hæreditate agitur.*

*Nec damna nec commodo*) Quod merito placuit. Nam neque damnum ullum hoc casu sentire hæredem æquum est, propterea quod contractus contemplatione alterius adit; neque commodo aliquo frui debet, ne quartæ quidem, quoniam adit periculo alieno, *l. 5. hoc tit. de quo etiam dictum §. proximè præced.*

### TEXTUS.

De quibus hæredibus & in quibus fideicommissariis supradicta locum habeant.

8. Nihil autem interest, utrum aliquis ex asse hæres institutus, aut totam hereditatem, aut pro parte restituere rogatur; an ex parte hæres institutus, aut totam eam partem, aut partem partis restituere rogatur. Nam & hoc casu eadem observari præcipimus, quæ in totius hereditatis restitutione diximus.

### COMMENTARIUS.

Sententia hujus loci satis plana est. Nam tantum qui ex asse institutus est & rogatus aut totam hereditatem aut partem ejus restituere potest, vel ultro adeundo & restituendo, partem quartam aut quod quartæ deest retinere, remanentibus & migrantibus pro rata actionibus creditorum; vel suspectam hereditatem dicendo, exonerari, totamque transferre in eum, qui adire cogit, *l. cogi. 16. si quis 4. hoc tit.* verum etiam, si quis ex parte & verbi causa si ex semisse hæres institutus sit, rogatus

que partem illam restituere, potest quartam partem hujus partis, & in proposito sesquiunciam retinere, ut actiones hereditariæ pro rata remaneant & transeant. Potest & partem totam ultro restituendo, aut adire recusando, prætorisque jussu adeundo, omnes actiones abs se removere, & transferre in fideicommissarium. Denique qui partem partis, ex qua institutus est, restituere rogatur, potest similiter si quartam partem suæ partis salvam iudicio defuncti non habeat, quod ei deest, retinere; & recusans adire, desiderante fideicommissario cogi à prætore, ut adeat, totamque illam partem restituat cum omni onere & commodo ei adjuncto. Nimirum hic etiam locum habet vulgata regula: *Quod juris est in toto quantum ad totum, idem juris est in partem quantum ad partem, l. quæ de tota. 76. de rei vind. l. 3. pro derel. §. si rem. 12. in fin. sup. de legat.* Simile est, quod sup. §. 1. de leg. Falc. docuit in singulis hæredibus rationem legis Falcidiæ poni. Ex. g. Si quis ex semisse hæres institutus sit, rogatusque partem illam restituere, potest quartam partem hujus partis retinere.

### TEXTUS.

De eo, quod hæres voluntati testatoris deducit, præcepitve.

9. Si quis una aliqua re deducta, sive præcepta, que quartam continet, (veluti fundo vel alia re,) rogatus sit restituere hereditatem, simili modo ex Trebelliano Senatusconsulto restitutio fiet, perinde ac si quartam parte retenta rogatus esset, reliquam hereditatem restituere. Sed illud interest, quod altero casu, id est, cum deducta sive præcepta aliqua, re restituatur hereditas, in solidum ex eo Senatusconsulto actiones transferuntur, & res, quæ remanet apud eum hæredem, sine ullo onere hereditario apud eum remanet, quasi ex legato ei acquisita. Altero verò casu, cum quarta parte retenta rogatus est hæres restituere hereditatem, & restituit, sciuntur actiones, & pro dodrante quidem transferuntur ad fideicommissarium, pro quadrante remanent apud hæredem. Quin etiam licet una aliqua re deducta aut præcepta, restituere aliquis hereditatem rogatus sit, in qua maxima pars hereditatis contineatur, æquè in solidum transferuntur actiones. Et secum deliberare debet is, cui restituatur hereditas, an expediat sibi restitui. Eadem scilicet interveniunt, & si duabus pluribusque rebus deductis præceptisve, restituere hereditatem rogatus sit. Sed etsi certa summa deducta præceptave, que quartam vel etiam maximam partem hereditatis continet, rogatus sit aliquis hereditatem



tem restituere, idem juris est. Quæ autem diximus de eo, qui ex asse institutus est, eadem transferimus & ad eum, qui ex parte hæres scriptus est.

## NOTÆ.

9. Una aliqua re deducta) Qui certa aliqua re aut summa deducta rogatus est hæreditatem restituere, similis est hæredi, cui ex re certa instituto cohæres simpliciter datus; nam & illum & hunc pro legatario haberi placet, l. 1. §. ult. h. t. l. pen. C. de hæres. inst.

In qua maxima pars hæreditatis) Nam pretium rei non mutat rationem juris: onera autem non patitur, nisi qui partem jure hæreditario retineat, d. l. 30. §. 2. Quod si res deducti iusta quartam partem non exæquet, poterit hæres quod deest, jure hæreditario retinere, per l. 1. §. 26. eod.

Duabus pluribusve) Ratio, quia semper inspicitur, utrum qua pars jure hæreditario hæredi attribuitur, an in rebus singulis.

Qui ex parte hæres) Ut si præcepta re aliqua rogatus sit restituere, res illa apud eum sine onere remaneat.

## COMMENTARIUS.

1 An & quatenus in casu proposito, consumpta portione restituta, legatarii & creditores cum hærede agere possint?

Supra tit. de hæres. inst. sub. §. & si plures. 8. docuimus, si quis solus ex re certa institutus fuerit, eum perinde hæredem fieri, omniumque bonorum hæreditatem obtinere, ac si simpliciter sine ulla mentione rei scriptus esset, ex l. 1. §. si ex fundo. 4. d. tit. l. cohæredi. 41. §. ult. de vulg. & pup. At si plures instituti sint, quidam ex re certa, alii simpliciter aut ex parte hæreditatis, tum eos solos hæredes effici, qui simpliciter aut ex quota scripti sunt; qui ex certa re aut summa, pro legatariis haberi l. pen. C. de hæres. inst. nisi hæres partis universæ defecerint: tum enim idem juris esse, ac si instituti in re singulari ab initio soli fuissent. Huic posteriori speciei similis est, quæ hoc loco proponitur, videlicet eum quis, deducta certa re vel summa, rogatus est hæreditatem restituere. Restituta enim in proposito hæreditate, fideicommissarius instar cohæredis est, hæres instar ejus, qui ex certa institutus, cohæredem habet scriptum simpliciter. Quamobrem recusante quidem fideicommissario hæreditatem recipere, solus qui rogatus est & adiit, hæres erit: ac hæreditate

recepta, jam solum fideicommissarius hæredis locum obtinet, alter tamquam cohæres ex re certa vicem subit legatarii.

Una aliqua re) Quæ præced. §§. dicta sunt de scissione actionum hæreditariarum inter hæredem fiduciarium, qui parte reliqua ex voluntate defuncti retenta, reliquam hæreditatem restituit, & fideicommissarium Trebellianum, ea tunc obtinet hinc docemur, quando quis rogatus est hæreditatem restituere retenta parte alia qua hæreditatis sui asis, five ut vulgo interpretes loquuntur, deducta quarta. Aliud autem longè esse, si quis præcepta re aliqua, veluti fundo, aut summa, puta centum aureis, restituere rogatus sit, quamvis ea res vel summa quartam partem vel amplius contineat. Nam etsi hic quoque similiter restitutio ex Senatusconsulto Trebelliano fiat, actiones tamen nullas pro parte retenta, nullave onera hæreditaria apud hæredem remanere, sed hæc omnia transire ad fideicommissarium, hæredemque præceptum habiturum jure legatarii, id est sine ullo onere hæreditario, quo consistet legatarios non premi, l. si hæreditatem 32. mand. l. ult. C. de hæres. act. Mæcianus breviter & dilucidè rem totam proponit in l. si legatus 30. §. 3. hoc tit. Multum interest, inquit, utrum qua pars jure hæreditario retineatur, an verò in re vel pecunia: nam superiore casu actiones dividuntur inter hæredem & fideicommissarium; posteriore verò apud fideicommissarium sunt actiones. Huc pertinet, l. 1. §. ult. eod. Quod si hæres coactus à prætore adierit, etiam commodo præceptionis privabitur, l. ita. 27. §. si præceptis 14. eod.

Quæ quartam continet) Quod si res deducti iusta quartam partem non exæquet, tum hæres vel ad supplementum agere poterit, vel quod quartæ deest, jure hæreditario retinere, Gloss. & DD. hic arg. §. sed quia 7. hoc tit. l. 1. §. si hæres. 16. eod. Equum autem tunc esse, ut hæres saltem pro ratione istius supplementi creditorum actiones excipiat, utique in subsidium censent Glossa in d. l. 1. §. ult. Cantuinc. & Mynf. hic.

Ex Senatusconsulto Trebelliano) Ante transfusionem Pegasiani in Trebellianum, si hæres non ultra dodrantem restituere jussus erat, restitutio fiebat ex Senatusconsulto Trebelliano. Hoc cum nostri dicunt, perpetuo significant, actiones pro parte transferri. Si amplius dodrante, restitutio fiebat ex Pegasiano. Quo casu actiones apud hæredem remanebant, & stipulationes interponebantur, secundum ea, quæ tradita sunt, §. ergo. 6. eod. Hodie remoto Pegasiano distinctè pro parte restituta actiones transeunt. In casu autem proposito etiam antea



antea restitutio fiebat ex Trebelliano, l. 1. §. si hæres. 16. eod. actionesque in solidum transferebantur : quoniam hæres, apud quem nulla pars jure hæreditario remanet, similis est legatario.

In qua maxima pars hæreditatis ) Finge, eum, qui quadringenta possidebat, rogasse hæredem, ut præcepto fundo, qui trecentorum erat, hæreditatem Titio restitueret. Hic etiam si fundus iste maximam partem hæreditatis, id est, dodrantem contineat, nihilominus tamen reliquo restituto in solidum actiones in Titium transferuntur. Neque enim pretium vel rationem juris mutat, aut efficit, quominus res sit singularis. Cæterum hoc casu consumpta portione restituta, fideicommissario subveniendum esse, hæredemque pro eo, quod ultra quartam habet, legatariis respondere debere, tradunt Cantiunc. & Mynf. bic. Et multo ergo magis pro eadem quantitate tenebitur creditoribus : quippe quibus in subsidium etiam pro rata ea parte, quam præcepit, teneatur, si hæreditas solvendo non sit, ut vult idem Mynsing. & Gothofr. in annot. marg. ad Schneid. quod etiam tamquam certum atque apud nos quoque receptum tradit D. Grot. 2. manud. cap. 20. Et si autem forte rationi juris veteris hæc non satis conveniunt, & fortassis nec novo, si fideicommissarius inventarium facere neglexerit, quo casu obligatur ultra vires receptæ hæreditatis novo tamen juri consentanea videntur, ubi fideicommissarius inventarium ex præscripto Justiniani fecit, aut hæres à se factum ei celsit. Quorum alterutrum satis ei est ad exonerationem æris alieni, quantum modum hæreditatis excedit, per ea, quæ habet Bart. in l. in ratione 11. §. quod vulgo 5. ad leg. Falc. num. 9. & 10. Quamquam Bachovius putat, etiam si ipse fideicommissarius solvendo non sit, hæredem tamen in subsidium conveniri non posse, cum aliud remedium creditoribus paratum sit, & præcipue hoc, ut si putent hæredem non esse solvendo, bonorum separationem petant.

Et secum deliberare debet ) Cautius faciet, si jure deliberandi non utatur, sed novo beneficio inventarii, quod à Justiniano datum omnibus, quibus deliberandi potestas est de agenda aut suscipienda hæreditate, §. extraneis 5. sup. de hæ. qual.

Si duabus pluribusve ) L. ita tamen 27. §. si præceptis 14. hoc tit. Quippe non multitudine rerum relictarum, sed modus relinquendi juris differentiam inducit, inspiciturque semper, utrum qua pars in hæreditate seu jure universo hæredi attributa sit, an in rebus singulis hæ-

reditariis. Mynfingerus imperitè rem hæreditariam cum quota hæreditaria confundit.

Sed et si certa summa ) Huc ergo pertinet l. 1. §. 17. eod. quem locum perperam DD. comm. alio trahunt, nimirum ut probent, etiam retenta quarta parte hæreditatis, actiones legatorum in solidum in fideicommissarium dari : quamquam vera mihi videtur propositio.

Ad eum, qui ex parte ) Pone, eum, qui quadringenta habebat, duos hæredes instituisse, singulos ex semisse : alterumque rogasse, ut deducto fundo, qui centum valet, aut deductis centum; partem suam restitueret L. Titio. Titius recepta hæreditate solus pro semisse actiones excipit : cum, ubi partis dimidiæ hæres rogatus est, ut retenta parte quarta aut quadrante suæ portione restituat, atque restituit, pro sextante obnoxius maneat.

## TEXTUS.

## De fideicommissio hæredis ab intestato.

10. Præterea intestatus quoque moriturus potest rogare eum, ad quem bona sua vel legitimo jure vel honorario pertinere intelligit, ut hæreditatem suam totam partemve ejus, aut rem aliquam, veluti fundum, hominem, pecuniam, alicui restituat : cum alioqui legata nisi ex testamento non valeant.

## NOTÆ.

10. Intestatus moriturus ) Poterat dubitari, quia legitimi & honorarii hæredes nihil à defuncto accipiunt, sed illos lex, hos prætor vocat, ejus autem, qui à defuncto nihil accipit, fideicommissi non potest, l. 9. C. de fideic. Sed huic dubitationi occurrit Paul. l. 2. §. 1. de jur. eod. Ulp. l. 1. §. 6. de leg. 3. Nimirum etiam his hæreditatem tacitè à defuncto relinqui, dum eos non excludit alios instituendo; quod pro jure suo facere poterat.

## COMMENTARIUS.

- 1 Ratio cur etiam à legitimis & honorariis hæredibus fideicommissum relinqui possit.
- 2 An fideicommissum à legitimo hærede relictum, successione propter repudiationem primi gradus agnati ad sequentem devoluta, debeatur ?

Fideicommissum tam hæreditatis, quam singulare, non solum testamento, verum etiam codicillis relinqui potest. Quid ei observandum sit, qui testamento relinquere fideicommissum hæreditatis velit, didicimus



§. 2. *sup. hoc tit.* nimirum ut directo testamento hæredem instituat, atque ab eo relinquat. Codicillis potest quidem & ab hæredetamentario relinquere, l. 3. §. 2. l. 8. *in pr. eod. Ulp. tit. 25. §. 9.* Cæterum potest & ab eo, qui ab intestato venturus est, sive legitimus sit, sive honorarius successor, d. l. 3. *pr. d. l. 8. §. 1.* Unde quamvis de instituto tantum hærede senatus loquatur, l. 1. §. 2. *hoc tit.* tamen ad legitimum quoque & honorarium per interpretationem consultum senatus extensum est, *dist. l. 1. §. 5. & §. 7. l. 6. §. 1. eod.*

*Intestatus moriturus*) Dubitari potuit, an à successore legitimo aut honorario fideicommissum rectè relinquatur. Sic enim jus est, ut ab eo, qui nihil à defuncto accipit, nihil per fideicommissum relinqui possit, l. 9. C. de fideic. Legitimi autem hæredes aut honorarii nihil à defuncto accipiunt, sed illos lex 12. tabularum ad hæreditatem vocat, hos prætor ad bonorum possessionem. Verùm hæc dubitatio facile tolli potest. Quamvis enim in casum non ademptæ hæreditatis legitimi hæredes à lege, honorarii à prætore vocentur; tamen cum defunctus eos testamento facto excludere potuisset aliis hæredibus institutis, (salva utique portione liberis & parentibus debita) hæreditatem ipsis tacite relinquere videtur, dum non adimit, quod pro jure suo facere poterat. Atque hoc est, quod Jurisconsultus significat in l. 1. §. sciendum 6. de legat. 3. cum ait, *fideicommissi eorum posse, ad quos aliquod perventurum est, vel dum ipsis datur, vel dum non adimitur: in quam sententiam eleganter Paulus l. 8. §. 1. de jur. cod. Ideo, inquit, fideicommissa dari possunt ab intestato succedentibus, quoniam creditur paterfam. sponte sua bis relinquere legitimam hæreditatem.* Ex quo etiam hoc efficitur, neminem posse fideicommittere hæredi ab intestato, nisi qui testamentum facere possit, l. 3. *in pr. de jur. cod. Ulp. d. tit. §. 3.* Estque hoc juris explorati, eos, qui testamentum facere non possunt, nec codicillos posse, l. 6. §. 3. l. 8. §. 3. de jur. cod. De illo quaestum est, si quis intestatus decedens ab eo, qui primo gradu ei succedere potuit fideicommissum reliquerit, si illo repudiante, ad sequentem gradum devoluta sit successio, an fideicommissum debeatur. Negat Ulp. d. l. 1. §. pen. de legat. 3. quod tamen idem affirmare videtur l. si Titio. 61. §. 1. de legat. 2. & Julian. l. 3. de jure cod. Doctores vulgo cum Accursi. & Bart. ad dd. 11. interesse respondent, utrum simpliciter hæredes ab intestato venientes gravati sint, an aliqui nominatim: illo casu fideicommissum à quolibet succedente de-

beri, hoc casu non deberi, nisi à cohærede gravati portionem suam repudiantis; quoniam is in portione accrescente similis est substituto, argum. d. l. 3. de jur. cod. junct. l. pater meus 29. §. 1. de legat. 2. add. Bart. in l. cum pater 77. §. cum existimaret. 29. de legat. cod. quæ distinctio rationem habet. Ant. Faber, conj. 15. contendit, vitiosam esse lectionem, d. §. pen. l. 1. de legat. 3. legendumque demptam negatione, *fideicommissum debere.* Mihi tam periculosa confidentia non placet.

*Legata nisi ex testamento*) Legatum olim non nisi testamentum aut codicillis testamento confirmatis dari potuit: credo quia civilibus verbis atque imperativi legis modo relinquebatur. Ulp. tit. 24. fac. l. si ita. 38. de cond. & dem. quibus tantum in testamento locus erat. Unde definitur legatum, donatio testamento relicta, l. 36. de legat. 2. Scilicet inconveniens visum est, pro imperio aliquid mandare ei, quem non defunctus, sed lex hæredem facit. Probabile tamen est, legata codicillis ab intestato data, interpretatione plerumque adjuncta: atque ut vim fideicommissi haberent, benignè recepta fuisse, arg. l. Scævola. 76. hoc tit. Hodie autem postquam constitutio Justiniani confusa est legatorum & fideicommissorum natura, l. 2. C. comm. de legat. hanc etiam differentiam sublatam esse tenebimus & legata quoque ab intestato relicta directo valere, contra Jo. Fabrum, Angel. & Giphani.

## TEXTUS.

### De fideicommissio relicto à fideicommissario.

11. Eum quoque, cui aliquid restituitur, potest rogare, ut id rursus alii, aut totum, aut partem, vel etiam aliquid aliud restituat.

## COMMENTARIUS.

**N**ON modo hæres de restituenda hæreditate aut parte ejus rogari potest, verùm etiam fideicommissarius, ut vel totum, vel partem ejus, quod accepit, rursus alii restituat: atque in hac etiam restitutione placeat actiones ex Senatusconsulto transferri in fideicommissarium, secundum l. 1. §. de illo. 81. hoc tit. posse & cogi primum fideicommissarium, qui totam hæreditatem, cum suspecta diceretur, recepit, totam restituere, l. si patroni 55. §. 2. eod. Solus autem hæres beneficio legis Falcidiae utitur, id est, jus quarta-



retinendæ habet, *l. lex Falcidia* 47. §. 1. *ad leg. Falcid.* Etenim cum semel adita est hæreditas, omnia defuncti voluntas rata constituitur, *d. l. 55. §. 2.* Proinde cæteri, quatenus ceperunt, & rogati sunt restituere, fideicommissio obstringuntur, *l. Lucius.* 78. §. *hæres.* 11. *hoc tit.* similiter, ut legatarii, à quibus fideicommissum relictum, *l. pœnales* 32. §. *si Titio.* 4. *ad leg. Falcid.* Planè si hæres, ut priori fideicommissario donaret; jure suo usus non sit, posse quartam secundo fideicommissario detrahi, responsum est, *l. 1. §. inde Neratius.* 19. *hoc tit.*

## T E X T U S.

## De probatione fideicommissi.

12. *Et quia prima fideicommissorum cunabula à fide hæredum pendent, & tam nomen, quam substantiam acceperunt, ideo D. Augustus ad necessitatem juris ea retraxit. Nuper & nos eundem Principem superare contententes, ex factò, quod Tribonianus vir excellentissimus, Quæstor sacri palatii, suggestit, constitutionem fecimus, per quam disposuimus, si testator fidei hæredis sui commisit, ut vel hæreditatem, vel speciale fideicommissum restituat; & neque ex scriptura, neque ex quinque testium numero, qui in fideicommissis legitimus esse noscitur, possit res manifestari; sed vel pauciores, vel nemo penitus testis intervenerit, tunc sive pater hæredis, sive alius quicumque sit, qui fidem hæredis elegerit, & ab eo restitui aliquid voluerit; si hæres perfidia tentus adimplere fidem recusat, negando rem ita esse subsequatam, si fideicommissarius ei jusjurandum detulerit, cum prius ipse de calumnia juraverit; necesse eum habere, vel jusjurandum subire, quod nihil tale à testatore audiverit, vel recusantem ad fideicommissi vel universalis vel specialis solutionem coarctari; ne deperat ultima voluntas testatoris fidei hæredis commissa. Eadem observari censuimus, etsi à legatario, vel fideicommissario, aliquid similiter relictum sit. Quod si is, à quo relictum dicitur, (postquam negaverit) confiteatur quidem, aliquid à se relictum esse, sed ad legis subtilitatem recurvat, omnino solvere cogendus est.*

## COMMENTARIUS.

- 1 Quando dispositioni b. §. locus.
- 2 Non mutari constituta *l. ult. §. ult. C. de codic. nec l. 23. C. de fideic.*
- 3 Hæredem in specie proposita non posse jusjurandum referre.
- 4 Glossæ in fine textus observatum.

**A**Udivimus supra, fideicommissorum originem, nomen & substantiam à fide hæ-

redum manasse. Hinc Justinianus argumentum sumit mirifici in fideicommissa favoris, ut quemadmodum ex sola fide hæredum, ab initio pendebant, ita & sola religione hæredum, quorum præsentium fidei aliquid commissum est, nunc consistant, nec ordinariam probationem desiderent. Constitutum hoc à Justiniano *l. ult. C. de fideic.*

*Neque ex scriptura, neque ex quinque testium numero*) Quando testator, contempta omnia alia probatione scripturæ vel testium, fidei solius hæredis committit, ut aliquid præstet, placet Justiniano, fideicommissum ab hærede præstandum, idque sive neget hæres, fideicommissum à se relictum, & jusjurandum super ea re sibi delatum subire recusat, sive ultro fateatur, esse à se relictum, sed dicat, se non teneri, quia non solemniter relictum sit, *d. l. ult.* Prius verbis constitutionis expressum est; alterum ex priore colligitur. Cur enim hæres jurare recusans fideicommissum solvere cogitur? Non aliam utique ob causam, quam quod recusatio juris jurandi tacitam confessionem habet, *l. manifesta* 38. *de jurejur.* ut proinde multo magis fideicommissio eum obstringi oporteat confessione aperta. Quia autem & prior casus non nihil iniqui habere videtur, & utroque jus novum, ac contrarium ei, quod de numero testium in ultima voluntate adhibendo placitum est, continetur; ideo constitutionem suam adversus tacitas objectiones munivit. Si quis enim forte objiciat, iniquum esse, ab hærede fideicommissum exigi citra ullam probationem, respondet, illud hac in re iniquum non esse, ubi hæres jurejurando sibi delato in sua causa constituitur testis & judex, ut sit in ejus potestate, non teneri, jurando se nescire quicquam relictum esse. Si quis dicat, in omni suprema voluntate ad nimirum requiri quinque testes, *l. ult. §. ult. C. de codic.* respondet, id justum esse, cum res per testes probanda est, ne quid falsitatis admittatur, cujus nihil in specie proposita metui potest: quoniam testimonium ab ipso hærede, eodemque debitore, exigitur. Quod ergo traditum est in *l. si veritas* 23. *C. de fideic. cum similib.* ex imperfecta scriptura nihil deberi, hoc etiam nunc manet; & nisi de fide scripturæ, quam testator servari voluit, justo numero testium constet, fideicommissum exigi non poterit. Consule Mantic. *de conject. ult. volunt. lib. 2. tit. 15. num. 5.* Qua autem ratione motus jus hoc introduxerit Justinianus, in calce constitutionis exponit.

*Qui in fideicommissis legitimus*) Hoc à Theodosio primum constitutum est, *d. l. ult. §. ult.*



*C. de codic.* Antea enim cùm numerus testium in codicillis definitus non fuerit, vel duos idoneos suffecisse arbitror, *arg. l. ubi numerus 12. de testib.* de quo plenius sub §. ult. *inf. de codic.* Manet autem nunc etiam jus constitutum *d. l. ult. §. ult. C. de codic.* ut ex hoc loco intelligitur. Nam quod *bic, & d. l. ult. C. de fideic.* Justinianus sancit, tunc solùm obtinet, cùm defunctus rem, quam præstari voluit, fidei hæredis præsentis commisit extra testamentum aut codicillos.

*Cura prius ipse de calumnia juraverit*) Id est, se non calumniandi seu vexandi, hæredemque religione urendi animo jusjurandum deferret; sed quia ita se rem hab. re sibi planè persuasum sit; quod jusjurandum, licet alias in usu esse deserit; tamen in omni judicialis jusjurandi delatione, si exigatur, est præstandum, juxta *l. jusjurandum 34. §. 4. de jurejur. Damhoud. prax. civil. c. 151. Merul. lib. 4. dist. 4. sect. 3. tit. 8.*

*Vel jusjurandum subire*) Conditione jusjurandi in judicio delata, regulariter reus jurare cogitur, aut referre, aut solvere, *l. 9. C. de reb. cred.* Manifestæ enim confessionis esse creditur, nolle jurare, aut jusjurandum referre, *l. manifesta 38. de jurejur.* At in proposito ne referre quidem hæres potest: quippe cùm hic agatur non de eo, quod uterque scire potest, sed quod solus hæres, & cujus actor ignarus est: quo casu relationi non est locus, *l. Marcellus 11. & seqq. rer. amot. d. l.*

*jusjurandum 34. in pr. de jurejur.* & ita rectè Mynsing. Schneid. Wesemb. *bic*, mirumque est, veteres interpretes in re tam manifesta variare.

*Postquam negaverit*) Hæc verba neque in ipsa constitutione Justiniani reperiuntur, & testibus Cujacio, Ruffardo, Hotomanno, Contio, Fabroto, desunt in veteribus codicibus, neque Theophilus ea agnoscit: & Jo. Faber quoque refert, se Bononiæ aliquot codices vidisse, à quibus aberrant. Quare suspicari licet, glossæ esse. Si verò retineantur, non ita accipienda sunt, quasi non alia conditione hæres in specie proposita fideicommissio obligetur, quàm si prius negaverit, & ad jusjurandum actus jurare recuset: sed ideo posita, quia hic casus solùm verbis expressus fuit. Cæterum simpliciter, quisquis confitebitur, de fideicommissio obligabitur: neque enim pœnæ causa hic quidquam constitutum, ut hæredis inficiatio coerceatur, in quo fallunt DD. comm. Bart. Salic. Castr. Sichard. *ad d. l. ult. Mynsing. Schneid. bic*, sed totum voluntatis testatoris servandæ causa, ut disertè scriptum est in extremo *d. l. ult.* & tenent Jo. Fab: & Jas. *in d. l. ult.* quos etiam ex facto consultus, non attenta communi opinione, in respondendo secutus est quondam Curia nostræ Coryphæus, Reinerus ab Amsterdam. Atque hæc sententia probatur etiam à Wesemb. *bic.* Donello *in d. l. ult.* nec alienus Mantica *d. lib. 2. tit. 13. n. 5.*

## TITULUS VIGESIMUS QUARTUS.

### DE SINGULIS REBUS PER FIDEICOMMISSUM RELICTIS.

#### *Continuatio, & argumentum tituli.*

**H**Actenus de fideicommissis universalibus, quibus scilicet hæreditas aut pars hæreditatis relinquitur: quæ à legatis multum differunt: sequuntur nunc fideicommissa specialia, quibus relinquuntur res singulæ, quorumque & legatorum eadem ex constitutione Justiniani natura est, idemque effectus: nam exæquatio illa legatorum & fideicommissorum, de qua agitur §. 3. *sup. de legat. & l. 2. C. comm. de legat.* ad sola fideicommissa particularia pertinet, ut demonstravimus in explicatione *dist. §. 3. & pr. tit. præced.* Docet hic Imperator, à quibus fideicommissa singularum rerum relinqui, tum quæ res per ea relinqui possunt: postremo in genere, quibus maximè verbis fideicommissa relinqui solent.

#### TEXTUS.

##### Summa.

*Potest tamen quis etiam singulas res per fideicommissum relinquere; veluti fundum, argentum, hominem, vestem & pecuniam numeratam; & vel ipsum hæredem rogare, ut alicui restituat, vel legatarium, quamvis à legatario legari non possit.*

#### NOTÆ.

*Vel legatarium*) Interdum & in contractibus fideicommissum constituitur, exempl. in *l. 26. pr. de pos. l. 77. de leg. 1.*

*A legatario legari non possit*) Hoc etiam ad jus



jus vetus referendum. Ulp. *tit. 24. §. 19. Cajo lib. 2. tit. 7.* Nam hodie hæc quoque differentia sublata, utique quod à legatario legatum est, valebit nunc jure fideicommissi, *arg. l. 2. C. comm. de legat.*

## COMMENTARIUS.

■ *Cur olim à legatario legari non potuerit, & an hodie possit?*

**F**undum, argentum, hominem, vestem) Hæc nomina generalia quidem sunt, verùm specificè hic sumuntur, intelligitur enim certa species ex eo genere relicta, *l. legato 37. de legat. 1.* Cæterum & si qui fundus suos omnes, omne argentum, veltem omnem, omnes servos per fideicommissum reliquerit, nihilominus tale fideicommissum speciale est, & simile legato.

*Vel legatarium*) Singulæ res per fideicommissum non solum ab hærede relinqui possunt, verùm etiam à legatario. Possunt & ab hærede hæredis vel legatarii, *l. 5. §. 1. de legat. 3.* Idem juris est de fideicommissario etiam rei singularis, *§. 1. hoc tit. l. ab eo 9. C. de fideicommissis*, & donatario mortis causa, *l. cum pater 77. §. 1. de legat. 2. l. 8. §. 2. de transf.*

*A legatario legari non possit*) A legatario legari non posse, quamvis fideicommissa ab eo rectè dentur, discimus etiam ex Ulp. *tit. 24. §. à legatario 19.* & *Cajo lib. 2. tit. 7. §. 3.* Cujus differentia hæc ratio esse videtur, quod legata verbis civilibus & imperativis relinquuntur, quibus ut in eum solum liceat, quem universi juris successorem esse volumus, & locum nostrum subire. Disserit autem ita Justinianus, quasi hæc differentia etiamnum obtineret, quod etiam Giphano videtur, eo quod hæc differentia naturalis sit, quoniam nulla legandi à legatario formulæ dari potest. Ego verò à communi & recepta interpretum sententia non recedo, qui censent, etiam hanc differentiam una cum cæteris hodie sublata esse, legataque non minus quàm fideicommissa à legatario relinqui posse, *per l. 2. C. comm. de legat.* Equidem concedo, non omnibus legandi formulis, cum à legatario legatur, locum esse: sed quod Giphanius ait nullum dari posse, id nego. Per præceptionem hæredi à cohæredibus dumtaxat legari constat. Non video etiam, quomodo per vindicationem possit à legatario legari. Etenim si testator, postquam legavit, *Titio fundum Tusculanum do lego*, mox eundem fundum Sejo leget hæc for-

mula, *Sejo eundem fundum Tusculanum do lego*, aut sic, *Sejus fundum Tusculanum sibi habeto*, aut conjunctio erit, aut ademptio. At damnationis formulæ hic usus esse potest, *Titius damnas esto partem dimidiam fundi, quem ei legavi, dare Sejo; Titium legatarium meum centum Sejo dare jubeo.* Nam & olim magna erat legatis per damnationem cum fideicommissis afinitas, & nonnulla verba communia utriusque generis ut jubeo, volo, impero, damno, vid. *inf. §. ult.* Quin etiam finendi modo à legatario rectè legari, defendi potest, veluti si testator dicat, *L. Titius legatarium meum damnas esto sine C. Sejum sibi habere partem fundi, quem ipsi legavi.* Non obstat, quod Justinianus simpliciter scribit, à legatario legari non posse, nam præcedenti quoque titulo *§. præterea 10.* simpliciter scripsit, legata nisi ex testamento non valere. Omnes quippe §§. in quibus observat differentiam inter legata & fideicommissa, ex constitutione sua emendationem recipere voluit: quamvis separatim ita tractet, quasi differentia adhuc manerent, id quod se facturum antea testatus est *§. 3. sup. de legat.* quo permixtio & similitudo noviter introducta clarior esset & facilior. VINN. Quin hodie legata etiam à legatario relinqui possint, dubitandum non videtur. Vix tamen arbitror ex principiis juris veteris locum fuisse legato damnationis. *Damnus esto* formula est legislatoria. Testator autem erat quasi legislator non ratione legatarii, quem non damnare sed locupletare debebat, sed ratione hæredis, tanquam successoris singularis. Ergo hujus juris ratio reddenda non est ex natura formularum. Nam revera formula nulla legato à legatariis relicto quadrabat, sed ex generali illo principio, quod hodie legata & fideicommissa ejusdem naturæ esse censeantur. HEIN.

## TEXTUS.

## Quæ relinqui possunt.

1. *Potest autem non solum proprias res testator per fideicommissum relinquere; sed & hæredis, aut legatarii, aut fideicommissarii, aut cujuslibet alterius. Itaque & legatarius & fideicommissarius non solum de ea re rogari potest, aut eam alicui restituat, que ei relicta sit; sed etiam de alia, sive ipsius; sive aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit; nam quod amplius est, inutiliter relinquitur. Cum autem aliena res per fideicommissum relinquatur, necesse est, ei qui rogatus*



tus, aut ipsam rem redimere & prestare, aut estimationem ejus solvere.

## COMMENTARIUS.

- 1 Jam olim communia fideicommissis cum legatis.  
2 Declaratio regulæ, Neminem posse rogari, ut plus restituat, quam ipse cepit.

**M**ulta etiam jam olim fideicommissis communia cum legatis fuere; quale est hoc, quod hic traditur de re, quæ testatoris propria non sit, per fideicommissum relicta. Res, quæ, cum in commercio sit, testatoris propria non est, eam necesse est vel hæredis esse, vel legatarii, aut fideicommissarii, vel tertii alicujus, quæ sola in hac tractatione plerumque aliena dicitur, ut notavimus §. 4. *sup. de legat.* Quemadmodum igitur non solum res testatoris legari potest, sed etiam hæredis, *d. §. 4.* ita sciamus, non solum rem testatoris, sed etiam hæredis per fideicommissum relinqui posse; & quod responsum est, valere hujusmodi legatum, etiam si testator existimaverit rem suam esse, *l. unum. 67. §. si rem. 8. de legat. 2.* id ad hujus generis fideicommissum quoque pertinere. Contra, quemadmodum res, quæ legatarii est, ei inutiliter legatur, §. *sed si rem. 10. sup. de legat.* ita & fideicommissario rem, quæ ipsius sit, inutiliter relinqui. De re legatarii aut fideicommissarii alteri legata quæ olim non potuit, quia ab his legata non licebat, sed tantum fideicommissum dari. Nunc verò etiam in legatis huic quæstioni locus est. Sed hoc præterit Justinianus; quippe cui hic sermo est de fideicommissis, non considerata legatorum cum his exæquatione. Ait, per fideicommissum relinqui posse etiam rem legatarii, aut fideicommissarii, à quo scilicet relinquitur, non cui relinquitur. Sed quid si in proposito defunctus putaverit rem suam se relinquere? Dicemus, nihilominus valere fideicommissum eadem ratione, qua, si res hæredis esset, valeret, *argum. d. l. unum. 67. §. si rem. 8. de legat. 2. d. §. 4. sup. de legat. cum ibi notat.* Porro illud quoque commune est, quod hic ait Justinianus, etiam rem cujusbet alterius, quæ uno nomine in hoc argumento aliena dicitur, per fideicommissum relinqui posse: nam legari posse docuit *d. §. 4.* Denique illud etiam, quod eodem loco & plenius à nobis in commentariis relatum est, legatum rei alienæ non semper deberi, sed interesse, utrum testator sciverit, an ignoraverit, esse alienam, atque illo demum casu, non hoc, valere legatum, nisi conjectura voluntatis aliud suadeat, sciendum

est, ad fideicommissum quoque rei alienæ pertinere, *l. 10. C. de legat.*

*Etiam de alia, sive ipsius*) Legatarii scilicet qui rogatur, aut fideicommissarii primi: nam per fideicommissum non modo reddendi onus imponi potest, sed etiam dandi. Ipsi verò fideicommissario rem suam inutiliter relinqui existimo, *arg. §. sed si rem. 10. sup. de legat. & mutæ exæquationis legatorum & fideicommissorum, quicquid contra disputet Bachovius.*

*Ne plus rogetur quisquam restituere*) Hoc summam rationem habet. Ut enim liceat morientibus eam legem, quam velint, suis rebus dare; tamen hoc licere nemini debet, ut aut alium, cui nihil oneret, aut oneret quemquam supra id, quod ei reliquit, & disponat de alieno, *l. 1. §. si is qui 37. ad sen. Treb. l. 1. §. sciendum 6. de legat. 3. l. filiusf. 114. §. 3. de legat. 1. l. 9. C. de fidei.* Hujus autem regulæ complures traduntur exceptiones; quæ tamen non tam exceptiones sunt, quàm declarationes regulæ. Cujusmodi est, quod, si alicui centum legata sint, & is duplum post tempus restituere rogatus sit: placet, valere fideicommissum etiam ultra summam legatam, quatenus intermedio tempore usuræ perceptæ eum excedunt, *l. imperator 70. §. 1. de legat. 2.* Tale item est illud, quod, qui acceptis centum rogatus sit rem propriam, quamvis majoris pretii, restituere, is, agnito legato, fideicommissio obstringitur: quoniam agnoscendo legatum non majoris rem suam existimasse videtur, *d. l. imperator 70. §. 1. in fin.* Item hoc quod traditum est, si cui fundus legatus sit, atque is eum fundum restituere sit rogatus, & centum dare, valere fideicommissum, si legatarius interim centum ex fructibus perceperit, *d. l. filiusfam. 114. §. 3. de legat. 1.* Denique etiam illud, quod duabus rebus disjunctim legatis, atque ea, quæ pretiosior est, restitui iussa, fideicommissum debeat, licet legatarius vilioiorem elegerit, propterea quod eam, quæ pluris erat, eligere potuisset, *l. planè 24. §. 2. de legat. 1.*

*Redimere & prestare, aut estimationem ejus solvere*) Re aliena per fideicommissum relicta, is, qui rogatus est, vel redimere eam debet & prestare, vel si dominus eam non vendat, estimationem ejus inferre, perinde ac juris est in rei alienæ legato: *l. non dubium 14. §. 2. l. qui quatuor 30. §. ult. de legat. 3.* quod latius explicatum *sup. §. 4. de legat.*



## TEXTUS.

## De libertate.

2. Libertas quoque servo per fideicommissum dari potest, ut hæres eum rogetur manumittere, vel legatarius, vel fideicommissarius: nec interest, utrum de suo proprio servo testator roget, an de eo, qui ipsius hæredis, aut legatarii, vel etiam extranei sit. Itaque & alienus servus redimi & manumitti debet. Quod si dominus eum non vendat, (si modo nihil ex iudicio ejus, qui reliquit libertatem, perceperit,) non statim extinguitur fideicommissaria libertas, sed differtur, quod possit tempore procedente, ubicumque occasio servi redimendi fuerit, præstari libertas. Qui autem ex fideicommissi causa manumittitur, non testatoris fit libertus, etiamsi testatoris servus sit, sed ejus, qui manumittit. At is, qui directo ex testamento liber esse jubetur, ipsius testatoris libertus fit; qui etiam Orcinus appellatur. Nec alius ullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directo autem libertas tunc dari videtur, cum non ab alio servum manumitti rogat, sed velut ex suo testamento libertatem ei competere vult.

## COMMENTARIUS.

- 1 Liberti orcinæ, & numquid juris in eos familie?
- 2 Differentiam libertatis directæ & per fideicommissum datæ non tolli, l. 2. comm. de legat.
- 3 L. 58. de man. test. cum aliis locis conciliata.

ETIAM libertates per fideicommissum dari possunt, & quidem largius, quam directo, cum non tantum propriis servis, sed etiam alienis per fideicommissum libertas dari possit, modo vulgaribus atque evidentibus verbis voluntas testatoris exprimat, teste Licinio in l. libertas 16. de fideic. libert. Quod ait, non tantum propriis, sed etiam alienis, ex eo intelligitur, directo servis alienis libertatem dari non posse; quod etiam expressè rescriptum est in l. 9. C. de testam. man. Putaverit tamen quis, etiam in casu libertatis servo alieno directo datæ favore libertatis defendi ei posse fideicommissariam, arg. l. generaliter 25. §. si quis 10. l. de fideic. libert. l. 10. §. ult. de testam. tut. Sed obstant memorati textus, & maxime l. 9. C. de testam. man. quo loco rescribitur, nec hæredis servo directo liberta-

tem dari posse. Quod si directo data saltem in vim fideicommissæ valeret, id utique Imperatores consulti non dissimulassent, & in l. si servus 108. §. si servus 9. de legat. 1. tale legatum dicitur esse nullius momenti. VINN. Nec obscura est ratio. Nam si hæres directo damnatus esset frustum alienum manumittere, istud legatum frustraneum fuisset, si dominus eum liberum fieri nollet, adeo ut nec æstimatio legatario præstari potuisset. Non poterat autem res aliena aliter legari, quam ut, domino eam vendere nolente, legatario æstimatio præstaretur. §. 4. Infit. de legat. Fideicommissorum autem quum esset benignior interpretatio, judicarunt veteres, illis & servo alieno libertatem relinqui posse, eatenus ut expectetur emendi opportunitas. Et hinc etiam reddi poterit ratio, cur in l. 30. ff. de manum. testam. servo proprio, qui apud hostem est, servitus directo relinqui potest, quia quamvis hujusmodi servus in præsens non sit testatoris, tamen vel æstimatio præstari potest, id est, λόπος vel, si id repudietur, spes superest servum postliminii jure in potestatem hæredis rediturum. HEIN.

Vel legatarius vel fideicommissarius) Qui, si testatoris servus est, ab hærede eum rediment & manumittent: si modo quod à defuncto iis relictum est, agnoverint.

Aut legatarii) Quo casu legatarius accepto legato cogetur servum manumittere, etiamsi fortasse minus sit in eo, quod accepit, quam in pretio servi, d. l. generaliter. 24. §. si quis 12. de fideic. libert. quia non plures servum suum æstimasse videtur, l. sed si 36. ad leg. Falc.

Aut etiam extranei) L. 6. C. de fideic. libert. Cæterum legatarius alienum servum manumittere rogatus, non alias erit cogendus, quam si tanti possit redimere, quanti est id, quod ex iudicio defuncti consecutus est, d. l. generaliter, §. si quis.

Non statim extinguitur libertas) Si dominus servum suum, cui libertas per fideicommissum relicta est, vendere nolit, non ideo protinus fideicommissum extinguitur: sed spectanda est emendi opportunitas, d. l. 6. C. de fideicommiss. libert. equidem æstimatio hinc præstari non potest, ut in casu §. præc. in fin.

Ejus, qui manumittit) Cui per fideicommissum libertas relinquitur, is ejus libertus efficitur, à quo manumissus est, l. 7. C. de fideic. libert. Cæterum hic manumissor jus patronatus in eo tantum acquirit, ut contra tabulas & ab intestato ad bona ejus venire possit: at non ut etiam operas ei possit imponere, aut im-



positas ab eo petere, l. qui ex causa 29. de bon. libert.

*Ipfius testatoris*) Directa libertas ipfo jure statim ab adita hæreditate competit, l. 10. C. de test. man. l. testamento 23. & l. 25. D. de man. test. l. quero. 32. §. ult. de test. tut. Itaque is, qui directo testamento liber esse jubetur, testatoris libertus fit, ut hic ait Justinianus: quam ob causam libertus *Orcinus* appellatur, quasi *Orci libertus*, ante ejus, qui ad *Orcum demissus est: Acheronticus* à Cujacio, *Χαρωνίης* à Theophilo vocatur eadem forma, qua *Orcini* senatores, quorum in *Augusto* cap. 35. meminit Suetonius, à Plutarcho in *M. Antonio*. *Χαρωνίται* dicuntur. *Orciniorum* crebra in libris nostris mentio est, l. 3. §. de legit. tut. l. 8. de her. inst. l. dominus 22. de pecul. leg. l. 1. alias 2. §. per contrarium. 10. de dot. prel. 2. de statu lib. l. 4. §. hi qui. 12. de fideic. lib. l. 10. C. de testam. man. l. 8. C. de jur. & fact. ign. *Orcini* etiam liberti efficiuntur, qui latitante hærede vel legatario rogato manumittere, ad libertatem perducuntur, quippe ob necem domini detectam præmium libertatis consequuntur, l. cum quasi. 30. §. querendum. 12. l. si is 49. de fideic. libert. l. 5. qui sine man. Igitur *Orcini* cum eum patronum habeant, qui esse desit, non malè dicuntur liberti nullius esse, l. 4. in pr. de bon. libert. Legimus tamen, *Orcinos* ad familiam testatoris pertinere, l. 3. §. 3. de legat. tut. libertos familiæ fieri, l. si socius 43. de manum. test. liberos, & cognatos jus patronatus in *Orcino* habere, l. un. §. sed etsi. 7. C. de latin. lib. toll. Qua de causa suspicari licet, quamvis familia plenum jus patronatus in *Orcino* non habuerit, quædam tamen jura, ut in liberto habuisse. Porro hæc differentia etiam post constitutionem Justiniani, quæ directo & per fideicommissum data exæquata sunt, l. 2. C. comm. de legat. retinenda est: quippe quam voluntas testatoris facit, & quæ tolli sine injuria ejus, qui à testatore rogatus est manumittere, non potest; cui alioqui eriperetur jus patronatus, quod defunctus eum habere voluit: in quo consentiunt omnes interpretes paucis recentiorum exceptis.

*Quo faceret testamentum & quo moreretur*) Hoc item traditur in l. Servius. 35. de man. test. Neque obscuram rationem habet. Nam cum alieno servo inutiliter libertas directo ab initio detur, ex postfacto ea datio convalescere non potest propter regulam *Antonianam*; & quamvis servo proprio data sit, si tamen is servus tempore mortis in aliena potestate est, vindicare libertatem nequit. Proinde quod

gimus, eum, qui liber esse justus est, alienatum à testatore, si ante aditam ejus hæreditatem rursus hæreditarius factus sit, hæreditate adita ad libertatem pervenire, sic omnino accipiendum est, si superstite testatore in potestatem redierit: nam jacente hæreditate, qui mortis tempore testatoris non fuit, hæreditarius fieri nequit. Planè, si servus testatoris, qui apud hostes sunt, libertas directo data sit, placet hos libertatem consequi, quancumque ab hostibus reversi sint, licet neque testamenti, neque mortis tempore testatoris fuerint, l. si servi. 30. de man. testam.

*Velut ex suo testamento*) *Αμύρας* protinus ex testamento: cum testator servum suum se mortuo simpliciter liberum esse jubet, nec ab alio libertatem dari mandat.

## TEXTUS.

### De verbis fideicommissorum.

3. *Verba autem fideicommissorum hæc maxime in usu habentur*: Peto, rogo, volo, mando, fidei tuæ committo: que perinde singula firma sunt, atque si omnia in unum congesta essent.

## NOTÆ.

3. *Peto, rogo, &c.*) Hæc verba dicuntur precaria & precativa, opponunturque civilibus, directis & imperativis; vid. *Ulp. tit. 25. Paul. 4. sent. 1.* Hodie autem de verbis laborandum non est, postquam Justinian. verbum omne significans legitimum sensum testatoris, legare aut fideicommittere volentis, utile atque validum esse jussit, l. 2. C. comm. de leg.

## COMMENTARIUS.

1 *Verba imperativa interdum vim habere precariorum.*

**R**ecenferentur hîc à Justiniano verba fideicommissorum maxime usitata, & quæ vulgaria dicuntur in l. libertate. 16. de fideic. lib. nam increscente progressu temporis favore fideicommissorum longè plura recepta sunt, placuitque, fideicommissum etiam aliis verbis relictum valere: veluti his, *cupio des, opto des, credo te daturum; exigo, desidero ut des, volo hæreditatem meam Titii esse, scio, non dubito, te hæreditatem meam restitutum Titio*, l. etiam 115. l. & eo. 118. de legat. 2. l. unum. 67. §. ult. de legat. 2. l. Pamphilo. 39. de legat. 3. Paulus 4. sent. 1. scribit, his omnibus verbis fidei-



deicommitteri posse, *Rogo, peto, mando, deprecor, cupio, injungo, desidero quoque, & impero.* Quod Paulus *impero* quoque inter verba fideicommissi numerat, id non videtur convenire differentię, quam Ulp. *tit. 24. & 25.* facit inter legata & fideicommissa; legatum definiens, quod imperativè relinquitur, fideicommissum, quod precativè: perinde enim hoc est, ac si diceret, legatum esse, quodcumque verbis imperativis, quę alias directę & civilia vocantur, relinquitur: fideicommissum, quod verbis precativis sive precariis. Sed sciendum est, verba imperativa sæpe vim habere precariorum, quod ex objecto & voluntate testatoris æstimandum est. Etenim si sic dicat; *L. Titio hæredi meo impero, ut servum meum Stichum manumittat*, procul dubio hæc per fideicommissum libertas data intelligitur. Idemque est, si dixerit, *Jubeo, aut hæres damnas esto manumittere.* Similiter si imperaverit hæredi, ut hæreditatem aut rem aliquam restituat, valebit hoc jure fideicommissi, tamquam verbo precario relictum. Et cur minus eo verbo relictum valeat, quàm si dicat, *Jubeo*; quod et si directum est, Ulp. *d. tit. 24. §. 3. l. 2. C. comm. de legat.* vim tamen precarii habere constat, quoties quid restitui jubetur, *l. Lucius. 88. §. quisquis. 10. de leg. 2. l. Aurelius. 28. §. ult.*

*de lib. leg. aut minus etiam quàm volo*: quod cum imperativum sit, tamen in fideicommissis est usitatissimum. Quod si ita dixerit, *Impero tibi hæres, ut L. titio centum des*; hoc jam non fideicommissum erit, sed legatum. Nihil enim interest, *impero*, quis dicat, *an heredem meum dare jubeo, aut hæres damnas esto dare*, Ulp. *d. tit. 24. §. 3.* Verba *relinquo* & *commendo* negat Paulus *d. loc. ullam fideicommissi actionem parere.* De verbo *commendo* constat, *l. 11. §. 2. de legat. 3. l. 12. C. de fideic. libert.* At ex verbo *relinquo* videtur fuisse petitio fideicommissi *l. Lucius. 78. §. filiam. 8. ad Sen. Treb.* Sed de eo nunc laborandum non est, postquam Justinianus, omne verbum significans testatoris legitimum sensum, legare vel fideicommittere volentis, utile atque validum esse jussit, *l. 2. comm. de leg. Sæpe enim, quod notandum est, ex conjectura voluntatis fideicommissum inducitur, cum verba fideicommissi non sunt, aut sunt fideicommissi inutilis, si sola spectantur exempla in l. ex facto. 17. in pr. l. si quis. 29. ad Treb. l. cum proponebatur. 64. l. peto. 69. in pr. de legat. 2. l. 11. §. si quis ita. 4. l. ult. §. 3. de legat. 3. Consulante Matheac. epit. legat. lib. 1. c. 3. Chiflet. lib. 2. de jur. fideic. 18. & 20. Mantic. lib. 7. & 8. de conj. ult. vol. D. Tulden. comm. in tit. præc. c. 3.*

## TITULUS VIGESIMUS QUINTUS.

## DE CODICILLIS.

*Dig. Lib. 29. Tit. 7. C. Lib. 6. Tit. 36.*

*Ratio ordinis. Codicilli unde dicti? eorum definitio, & divisio. Summa tituli.*

**V**ideri alicui poterit disputatio de codicillis non rectè subjecta tractationi de successione ex testamento: quippe cum si codicilli tantum facti sint, succedunt ab intestato. Verum Justiniano, ut apparet, propositum hæc maximè fuit agere de codicillis à testato factis, qui pars sunt testamenti, ejusque jus sequuntur. Sed & codicilli ab intestato facti speciem quamdam testamenti exhibent, *l. ab intestato. 16. hoc tit.* Codicilli dicti sunt parvi codices, id est, tabellę ex codicibus, aut ligno. Itaque quemadmodum testamentum codex appellatur, *Juven. sat. 10. Codice sive Hæreses vetat esse suos,* quia testamentum in codicibus tantum scribebatur, sive tabulis grandioribus; ita voluntas suprema minus solemnis aut plena, codicilli, *Tom. I.*

& aliquando numero unitatis codicillus, *l. si ita. 38. de cond. & dem. hoc tit. l. 14. C. de testam.* propterea quod scribi solita erat in codicillis, id est, tabulis brevioribus & tenuioribus, ita factis, ut facile, quo cuique commodum esset, circumferri atque in sinu gestari possent. Est igitur codicillus ὑποσημασμένη ἀποκρίσις ἀπὸ τοῦ κώδικος: quamquam obtinuit, ut etiam nuncupata imperfecta voluntas codicillus dicitur, *l. 13. C. de sacrosanct. Eccles. l. ult. C. de bon. libert. l. ult. §. ult. C. de codic. quemadmodum hæredi nuncupato dari dicitur bonorum possessio secundum tabulas, licet tabulę nullę sint, l. 2. C. de bon. poss. sec. tab.* Codicilli igitur sunt supremę voluntatis testatio minus solemnis: eorumque, ut & testamenti, duę sunt generę scripti, in quibus voluntas scribitur



bitur; & non scripti, in quibus nuncupatur. Primum hic commemorat Justinianus, à quibus, & quam ob causam usus codicillorum introductus comprobatusque sit: deinde modum ordinationis, & quæ res codicillis relinqui possint, ostendit. VINN. Non opus est ambagibus circa vocis *Codicillus*, originem. Codicilli veteribus sunt Epistolæ, vel scripturæ ad alios missæ. Vid. Cic. *ad Fam. IV. 12. VI. 18. ad Attic. lib. 12. Ep. 8. ad Quint. Fratr. lib. 11. Epist. 10.* Imprimis ita vocata litteræ ad præsentem missæ. Sen. *Epist. 55.* Quia ergo codicilli plerumque perscribentur in forma epistolæ, l. 56. ff. *de fideic. libert. l. 37. §. 2. l. 32. §. 3. ff. de legat. 3. l. 30. §. 1. ff. de adm. vel transf. leg. Brillon. de Formul. lib. 8. p. 686.* hinc & nomen retinuerunt. HEIN.

## TEXTUS.

## Origo.

*Ante Augusti tempora constat, codicillorum jus in usu non fuisse: sed primus Lucius Lentulus, ex cujus persona etiam fideicommissa esse cœperunt, codicillos introduxit. Nam cum decederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum D. Augustus voluntatem ejus impleisset, deinceps reliqui ejus auctoritatem sequuti, fideicommissa præstabant: & filia Lentuli legata, quæ jure non debebat, solvit. Dicitur autem Augustus convocasse sapientes viros, interque eos Trebatium quoque, cujus tunc auctoritas maxima erat, & quasisset, an posset recipi hoc, ne abjournans à juris ratione codicillorum usus esset: & Trebatium suavis Augusto, quod diceret, utilissimum & necessarium hoc civibus esse, propter magnas & longas peregrinationes, quæ apud veteres fuissent: ubi, si quis testamentum facere non posset, tamen codicillos posset. Post quæ tempora, cum & Labeo codicillos fecisset, jam nemini dubium erat, quin codicilli jure optimo admitterentur.*

## NOTÆ.

*Codicillorum jus*) Codicilli sunt supremæ voluntatis testatio minus solemnis, non in hoc comparata, ut testamentum sit, l. 1. l. 13. §. 1. b. 1. Et possunt quoque confici ab intestato, §. seq. Imperfecta igitur est definitio Græcorum Theoh. *bic. Harm. lib. 5. tit. 7. §. 3. in Basil. lib. 30. tit. 1. ἑλλ. πὲς ἐν διαθήκῃ γινώμενος ἀνεπιφανοῦς, aut διόρθωσις τῆς διαθήκης, testamenti suppletio aut correctio.*

*Jure optimo admitterentur*) Eorumque recep-

ta duo genera, scripti, in quibus voluntas scribitur, & non scripti, in quibus nuncupatur, l. 13. C. de SS. *Eccles. l. ult. §. ult. C. hoc tit.* quamquam obstat nominis ratio, vid. Hotom. & nostra in comm.

## COMMENTARIUS.

**L**entulus, ex cujus persona etiam fideic. Quod ait, à persona Lentuli & fideicommissorum & codicillorum usum cœpisse, non sic accipiendum est, quasi primus hic Lentulus fidei hæredis aliquid commiserit, aut primus fecerit codicillos: sed quod ille primus occasione præbuerit, ut fideicommissa, quæ antea nullo juris vinculo continebantur, rata esse cœperint, iisque hæredes obligari; tum ut etiam codicilli, quibus antea nihil efficaciter dari poterat, recepti sint, & fideicommissa quoque codicillis relicta peti potuerint. Quis ille Lentulus fuerit, non constat, & parum refert. VINN. Immo constat, intelligi hic L. Lentulum, quem cum M. Valerio Messala consulem fuisse anno U. C. DCCLI. ex marmore apud Reinesium *Inscript. Class. 10. 3. p. 597.* discimus. Ei Pighius fallo tribuit Coisi prænomen, quod ex marmoris istius fragmento Reinesius restituit. HEIN.

*Testamento confirmatos*) Testamento scilicet, quod antea Romæ aut Italia fecerat, cum in eo scripsisset, sed ab hæredibus suis petere, ut si quid postea codicillis relicurus esset, id bona fide præstarent. Exemplum testamenti, quo futuri codicilli confirmantur, habemus apud Marcellum l. ult. *de fideic. libert.*

*Quibus ab Augusto petiit*) Indicio hoc est, Augustum testamento Lentuli hæredem institutum fuisse saltem ex aliqua parte: & frequens erat illis temporibus, ut viri primarii Principem ex portione aliqua hæredem scriberent.

*Deinceps reliqui*) An reliqui testamento Lentuli Augusto cohæredes dati, ut vult Wesembec. Theophilus secutus? An potius alii aliorum codicillis rogati, ut fere amant subditi exemplum Principis sequi? quod magis placet.

*Et filia Lentuli legata, quæ jure non debebat*) Non quia relicta incapacibus τοῖς μὴ δυναμένοις λαμβάναι, sed quia relicta codicillis, qui tunc temporis adhuc firmitudinem nullam juris habebant. Non est igitur hæc ratio, quod legata codicillis dari non poterant, in quo fallitur Wesembecius; sed quod nihil eorum, quæ codicillis, licet testamento confirmatis, scripta erant, valeret. Et præcedentia arguunt, legata hic positum pro fideicommissa. Planè pos-



receptum fuit, ut etiam legata codicillis testamento confirmatis dare liceret, l. 2. §. 2. *hoc tit. l. 8. §. ult. eod.* Apparet autem ex hoc loco, filiam quoque Lentuli ex parte hæredem à parte scriptam fuisse, cum tamen eo tempore vigeret adhuc lex Voconia; quod argumento est, filias partem aliquam hæreditatis paternæ per legem capere potuisse, atque ex ea parte etiam directo hæredes institui; qua de re scripsimus fufius supra ad §. 1. *de fideic. her.* Nulla igitur causa est, cur cum Horomanno pro filia restituamus filia.

*Convocasse sapientes viros*) Augustus, ut erat Princeps prudentissimus, non temere aut inconsulto irrepentem in Rempubl. novum codicillorum usum confirmandum sibi putavit; sed prius explorare voluit iudicium & sententiam virorum sapientum, censerentne illi, posse hunc usum recipi salva ratione juris constituti, tum an in eo tam evidens & iusta civium utilitas versaretur, aut auctores sibi essent ejus mortis comprobandi; exemplo suo docens, nihil novi juris sine consilio prudentum ac manifesta civium utilitate constituendum esse, juxta illud quod præclare ab Ulpiano dictum est, *in rebus novis constituendis evidens esse utilitas debet*, l. 2. *de const. princ.*

*Ubi si quis testamentum facere non posset*) Propter civium Romanorum, qui ad testimonium necessarii erant, penuriam. De facto enim loquitur non de jure, uti Jurisconsultus in l. 8. §. 2. *hoc tit.* nam testamenti factio loco alligata non est, DD. comm. in l. 1. C. de SS. Eccles. Cæterum & illud palam est, eum qui testamentum facere non potest, nec codicillos posse, l. divi. 6. §. 3. d. l. 8. §. 2. *hoc tit.*

*Cum & Labeo*) Qui eodem tempore maximæ auctoritatis fuit, & à Trebatio institutus est, auctore Pomponio in l. 2. §. *post hunc.* 47. *de orig. jur.* VINN. Conferendi hic omnino Tacit. lib. 3. *Annal. cap. 75.* & Gell. lib. 13. *cap. 12.* Nos quoque de diverso Antistii Labeonis & Ateii Capitonis ingenio & prudenti Augusti consilio Labeonem sibi conciliandi nonnulla monuimus in *Antiqu. Rom. lib. 1. tit. 2. §. 39. p. 68.* HEIN.

TEXTUS.

Efficiens.

1. Non tantum autem testamento facto potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant, Papinianus ait, non aliter vires habere, quam si

*speciali voluntate postea confirmentur. Sed divi Severus & Antoninus rescripserunt, ex iis codicillis, qui testamentum præcedunt, posse fideicommissum peti, si appareat, eum, qui testamentum fecit, à voluntate, quam in codicillis expresserat, non recessisse.*

NOTÆ.

1. *Sed & intestatus*) Codicilli ab intestato facti vicem testamenti exhibent, suisque ipsi viribus nituntur. Proinde quicumque intestati successor erit, etiam postea natus, codicillis relicta præstabit, l. 3. l. 8. *pr. & §. 1. l. 16. eod.* nisi voluntas in hoc parata sit, ut testamentum esset, l. 1. l. 13. §. 1. *eod. l. 14. C. de test.* non adjecta scil. clausula codicillari, l. *propen. qui test. fac. l. 41. §. 3. de vulg. & pup. l. ult. §. 1. C. h. t.* Testamento autem facto codicilli vires ex testamento capiunt, & jus ejus sequuntur, l. 3. §. *ult. d. l. 16. eod. l. 1. C. eod.* Papinianus ait) L. 5. *eod.* & hæc Papiniani sententia receptissima erat Plinii temporibus, ut constat ex *lib. 2. epist. 16.*

COMMENTARIUS.

- 1 *Voluntatem in hoc paratam, ut testamentum sit, ne jure quidem codicillorum valere, nisi adjecta sit clausula codicillaris.*
- 2 *Testamento facto, codicillos quoscumque & quocumque tempore factos jus testamenti sequi.*
- 3 *Differentia inter codicillos confirmatos & non confirmatos; cæterum hodie sublata.*
- 4 *Quatenus ex his, quæ testamento cauta, mutare quid liceat?*
- 5 *Sententia extremorum verborum hujus §.*

Codicilli & ab intestato confici possunt & facto testamento. Ab intestato facti suis ipsi viribus nituntur, & vicem testamenti exhibent. Proinde quicumque intestati successor erit, sive legitimus sive honorarius, etiam postea natus, codicillis relicta præstabit, l. 3. l. 8. *in pr. & §. 1. l. ab intestato 16. hoc tit.* Hoc unum exigimus, ut codicilli valeant, ne voluntas defuncti in hoc instituta sit, ut testamentum esset; quod eo pertinet, ut sciamus, eam voluntatem, quæ in codicillis valere potuit, si defunctus codicillos facere instituisset, non valere jure codicillorum ut voluntatem intestati, si in hoc parata sit, ut testamentum esset. Neque enim ad validitatem actus civilis sufficit forma, si agentis deest intentio, ut bene D. Tuld. *hic c. 2.* Itaque si quis, verbi causa, codicillis scripserit, hanc voluntatem  
Kkkk 2  
suam



suam esse testamentum, aut caverit, quæ sunt testamenti propria, nihil à legitimo peti poterit, l. 1. l. illud 13. §. 1. b. t. l. propen. qui test. fac. l. non codicillam 14. C. de test. nisi adixerit, velle se eam voluntatem, si jure testamenti non possit, valere saltem vice codicillorum; quæ cautio vulgo clausula codicillaris dicitur: aut valere quacumque ratione poterit, sive, ut nunc fere, omni meliori modo, d. l. propen. qui test. fac. l. coheredi 41. §. 3. de vulg. & pup. l. 3. in fin. de test. mil. l. Titia 13. de inoff. test. l. Lucius 88. §. ult. de legat. 2. l. ult. §. 1. C. b. t. de cujus clausula vi ac potestate, & an clausula codicillaris à testatore omissa, quibusdam casibus subintelligi debeat, denique an præsumendum sit, ex stylo & consuetudine notarii eam clausulam adscriptam esse, an ex voluntate & scientia testatoris; vid. Mant. de conject. ult. vol. lib. 1. tit. 9. & 19. add. Gail. obs. 114. Chiffet. lib. 3. de jur. fideic. Schneid. hic, cap. de claus. codic. & eruditissimum Jo. Decherum lib. 1. differ. 8. num. 27. & seqq. Christin. vol. 4. dec. 32. Ant. Fab. Cod. suo. b. t. fere per tot. Testamento autem condito codicilli, quocumque tempore facti fuerint, ad testamentum pertinent, viresque ex eo capiunt, etiamsi in eo confirmati non sint, l. 3. §. ult. dict. l. ab intestata 16. hoc tit. denique infirmato testamento & codicilli concidunt, l. 1. C. cod. dict. l. 3. §. ult. Illud interest inter codicillos testamento nominatim confirmatos & non confirmatos, quod illis relicta etiam directo jure valent, veluti legata, & libertates directæ datæ, l. libertates 43. de man. testam. perindeque omnia habeantur, ac si in testamento scripta essent, excepta causa hæreditatis, l. 2. §. 2. hoc tit. quo loco palam est, Julianum agere de codicillis confirmatis. At quæ codicillis non confirmatis relicta sunt, sive verbis directis sive precariis; debentur jure fideicommissi, argum. dict. l. 2. §. ult. l. illud 13. §. 1. hoc tit. l. Sævola 76. ad Senat. Treb. Illud enim dicere nolim, ea sola, quæ verbis precariis codicillis non confirmatis relicta sunt, valere; neque cum Ant. Fabr. 15. conj. 15. potentius esse jus codicillorum, qui ante testamentum facti sunt, quam eorum qui postea scripti, quasi in illis, post rescriptum Imperatorum Severi & Antonini, etiam quæ directo relicta sunt, jure fideicommissi valeant, in his nihil nisi precariis verbis utiliter relinquatur. Quod perquam mihi absurdum videtur. Sed non est, quod de his amplius laboremus: cum enim confusa nunc sit legatorum & fideicommissorum natura, l. 2. C. comm. de legat. du-

bitandum non est, quin legata codicillis etiam non confirmatis data directo nunc valeant.

Ante testamentum) Meminit tantum codicillorum factorum ante testamentum, quoniam quin codicilli post testamentum conditum scripti etiam sine confirmatione valerent, non videtur fuisse dubitatum, cum quod quisque postremum caverit, id ratum esse velle satis conflet. Fuit quidem usitatum, ut etiam futuri codicilli testamento confirmarentur, ut apparet ex l. quadam 7. & l. seq. §. ult. l. Plautiana 18. de fideicom. libert. l. 6. l. ult. C. cod. sed id fieri solitum majoris securitatis gratia: nam ad validitatem codicillorum specialem hanc confirmationem non fuisse necessariam, patet ex l. 3. §. ult. hoc tit. nisi ad hoc, ut legata & libertates datæ directo valerent. Illud quæritur, quatenus codicillis posterioribus ex his, quæ testamento cauta sunt, mutare quid aut tollere liceat. Hæreditatem codicillis adimi non posse, translatitium non est. Quam ob causam nec conditio hæredi instituto codicillis adjici potest, §. seq. At potest hæres testamento scriptus codicillis rogari, ut hæreditatem restituat, l. 2. C. hoc tit. Possunt & fideicommissa testamento relicta codicillis adimi: quinimmo & legata, utique hæctenus, ut legatarius ex testamento agens repelli possit exceptione doli mali, arg. l. 4. §. præterea 10. de dol. mal. except.

Quàm si speciali postea voluntate) Papinianus existimabat, codicillos ante tabulas testamenti factos non aliter valere, quam si testamento, quod postea factum est, vel codicillis confirmarentur, aut prior voluntas quocumque judicio retineretur, l. 5. hoc tit. motus ut credibile est, hac ratione, quod qui post codicillos à se factos testamentum facit, mutet causam successionis, transiens à causa intestati ad causam testati. Quo facto videtur codicillos istos revocare una cum voluntate habendi hæredem ab intestato.

Divi Severus & Antoninus contra) Contra sententiam Papiniani, qui exigebat, ut voluntas codicillis expressa saltem novo aliquo judicio retenta probaretur. Imperatores ergo ne illud quidem in proposito exigunt, sed retentam voluntatem interpretantur, quæ mutata non ostenditur: ut jam mutatæ voluntatis probatio incumbat hæredi, cum ex sententia Papiniani retentæ voluntatis probatio exigeretur ab eo, qui ex codicillis quid peteret: atque ut nunc præsumptio sit pro codicillis, cum antea contra esset.

Si appareat eum, &c. non recessisse) Hoc omnino sic accipiendum est cum clarissimo D. Tuld.



Tuld. *cap. ult. hic*, ac si scriptum esset, nisi appareat, eum, qui testamentum fecit, à voluntate, quam in codicillis expresserat, recessisse. Satis enim apparet non recessisse ex eo ipso, quod non apparet recessisse. Alioqui dici non potest, quid novi circa jus codicillorum rescripto Severi & Antonini introductum sit, cum ipsi Papiniano suffecerit, voluntatem codicillis declaratam quocumque iudicio retentam probari, ut bene disputat Anton. Faber 15. *conject. 15.* Similis loquendi formula in eodem sensu etiam apud veteres occurrit, ut in *l. dotem 30. de jur. dot. l. generaliter 24. §. sed etfi 8. de fideicom. libert. l. 8. §. 2. de novat.* neque enim semper æquè accurate auctores juris loquuntur. Estque hæc communis usque recepta sententia, codicillos, nisi testamento postea factò revocari probentur, tacitè confirmatos intelligi. *Gloss. & Bart. in l. 5. hoc tit. Mantic. lib. 1. de conject. ult. volunt. t. 8. Myns. Schneid. Wesemb. hic.* Totoque iudicio fallitar Hotomannus, qui scribit, hoc iure nos uti, ut nisi retenta voluntas probetur, codicilli per testamentum revocari videantur.

## TEXTUS.

## Materia.

2. *Codicillis autem hereditas neque dari neque adimi potest, ne confundantur jus testamentorum & codicillorum: & ideo nec exhæreatio scribi. Directo autem hereditas codicillis neque dari, neque adimi potest: nam per fideicommissum hereditas codicillis iure relinquitur. Nec conditionem heredi instituto codicillis adicere, neque substituere directo quis potest.*

## NOTÆ.

2. *Hereditas neque dari*) *L. 10. eod. l. 2. C. eod. l. 67. ad SC. Treb. neque confirmari, l. 2. §. ult. hoc tit. l. pen. §. 1. C. de nec. serv. her. quamvis cætera codicillis testamento confirmatis etiam directo dari possint, l. 3. de test. tut. l. 43. de man. test. l. 2. §. 2. hoc tit. Non obstant l. 77. de her. inst. l. 10. de cond. inst. Nam illic non proponuntur species hereditatis codicillis datæ aut confirmatæ, sed datæ testamento, quod codicillis declaratur.*

*Neque adimi*) Quæ testamento data aut lege debita, *l. 4. C. de his quæ ut indign. Hoc autem superiori consequens est ex doctrina contrariorum, l. pen. §. 1. de cond. inst. l. 2. C. b. r. & ideo liberi codicillis frustra exhæredantur hoc text. *fac. l. 14. C. de testam.**

*Ne confundatur jus testam.) L. 7. C. eod. aliam rationem affert Papin. l. 10. C. eod.*

*Per fideicommissum*) Seu verbis precariis, *l. 2. C. b. t. quo casu hæres scriptus aut legitimus quartam partem sibi retinere potest ex SC. sup. de fideic. her.*

*Nec conditionem adicere*) Neque detrahere: qui adicit, in defectum conditionis de ademptione hereditatis cogitat: qui detrahit, de purè danda, quæ prius in defectum conditionis data non erat, *l. 6. hoc tit. l. pen. §. ult. de cond. inst.*

## COMMENTARIUS.

- 1 *Hereditatem codicillis dari aut adimi non posse, nec si testamento confirmati sint; & quæ huius juris ratio?*
- 2 *Regulam banc intelligi de hereditate directo danda, non per fideicommissum. Et quid inter hæc interfit?*
- 3 *Consequens esse superiori regulæ, instituto heredi codicillis neque conditionem rectè adicere, neque detrahi, neque directo substitui.*

U<sup>t</sup> cætera omnia codicillis vel ab intestato factis, vel à testato, licet testamento non confirmatis, relinquere possint, maxime novo iure post exactionem legatorum & fideicommissorum; hereditas tamen codicillis dari non potest, nec si testamento confirmati sint, *l. quod per manus 10. hoc tit. l. 2. C. eod. l. Scævola 76. ad SC. Treb. & militis in hoc privilegium agnoscimus, quod codicillis hæredem facere possit, l. militis 36. de test. mil. Datur enim hereditas per institutionem hæredis aut substitutionem directam, quod solius testamenti proprium est: neque in ullum alium actum sive inter vivos sive ultimæ voluntatis aut donationis mortis causa conferri potest, *l. 7. C. hoc tit. l. licet 19. C. de pact. l. cum donationis 34. C. de transact. l. 5. C. de pact. conv. tam sup. dot. l. 4. C. de inut. stip. Non obstant speciei propositæ in *l. asse 77. de her. inst. l. 10. de cond. inst.* illic enim non proponitur hereditas data aut confirmata codicillis, sed data testamento, quod codicillis declaratur, aut purificatur, ut loquitur Baldus. Hoc autem posico, hereditatem codicillis dari non posse, consequens est ex doctrina contrariorum, nec codicillis posse adimi, scilicet his, qui vel in testamento scripti sunt, vel ex lege sunt hæredes, *l. pen. §. 1. de cond. inst. l. 2. C. hoc tit. l. 4. C. de his quæ ut indign. & ideo liberi codicillis frustra exhæredantur, fac. l. non codicillum 14. C. de test.***



*Ne confundatur jus testamentorum*) Et ne alioqui: quod absurdum & præposterum est, per codicillos, qui ex testamento vim sumunt, ipsum testamentum, quod vires per institutionem hæredum accipit, confirmari videretur, ut Papinianus disputat in *d. l. quod per manus 10. hoc tit.* Nimirum si hæreditas codicillis vel dari vel adimi posset, sequeretur, & confirmari testamentum & revocari per codicillos posse: denique idem posse, idem esse codicillos, quod testamentum. Cur ergo hæc distinguerentur? Cur diversum nomen inderetur iis rebus quas vis ac potestas una socialisset? collectio est Constantini in *l. 7. C. hoc tit.*

2 *Directo autem hæreditas, &c. nam per fideicommissum*) Quod toties traditum est, *hæreditatem codicillis nec dari nec adimi posse*, sic accipitur, ut directo non possit dari, puta hærede codicillis instituto aut substituto, *dist. l. 7. C. h. tit.* nec directo codicillis adimi, puta quæ aut testamento data est, aut lege debita, *l. 4. C. de his quib. ut indign.* Cæterum per fideicommissum seu verbis precariis etiam codicillis hæreditas jure relinquitur, *l. C. hoc tit.* daturque & adimitur. Dari intelligitur ei, cui hæreditas restitui rogatur; adimi ei, qui rogatur restituere. Nam licet is ipso jure adhuc hæres maneat, manet tamen nomine tantum, effectu autem is hæres fit, cui hæreditas restituitur. Multum verò interest, utrum dicamus codicillis directo hæreditatem relinqui posse an per fideicommissum dumtaxat: nam directo reliqua semper tota capitur ab instituto; relicta per fideicommissum non capitur à fideicommissario, nisi imminuta detractioe quartæ Falcidiæ, si is, qui rogatus est restituere, jure suo uti velit, qui pro ea parte etiam effectu tum hæres manet. Porro cum confirmatio quoque in speciem directæ dationis cadat, negat Jurisconsultus in *l. 2. §. ult. hoc tit.* hæreditatem testamento inutiliter datam posse codicillis quasi hæreditatem confirmari; sed tantum ex fideicommissio peti salva ratione legis Falcidiæ. Unde Justinianus secundum veteres leges sic definit, hæreditatem codicillis neque dari neque confirmari posse, *l. pen. §. 1. C. de nec. serv. hæ. inst.*

3 *Nec conditionem adjicere*) Hæredi purè instituto conditio codicillis adjici non potest, *L. Divi. 6. in pr. hoc tit.* quia scilicet conditione adjecta testator in defectum conditionis de ademptione hæreditatis cogitasse intelligitur, *l. quidam 27. §. ult. de cond. inst.* Quod si codicillis adjicere conditionem institutioni non licet, multo minus licebit detrudere, cum hoc casu purè hæreditas detur, quæ prius in defectum conditionis data non erat.

*Neque substituere directo*) Nam qui directo substituit, in defectum prioris hæredis alium hæredem instituit. Est enim species institutionis substitutio, *l. 1. de vulg. & pup.* planè interdum directis verbis facta in codicillis substitutio ad fideicommissum trahitur benigna interpretatione, *l. Sævola 76. ad Treb.* In universum autem si constat, aliquem, qui testamentum non habebat, codicillos, non testamentum facere voluisse, in ea scriptura directæ institutionis verba ex voluntate defuncti, quamvis clausula codicillaris adjecta non sit, in vim fideicommissi valere placet, perindeque haberi, ac si legitimus hæres rogatus esset scripto in codicillis hæreditatem restituere, *l. 13. §. 1. hoc tit.* & ibi Bart. Bald. & alii, & in *l. 7. de vulg. & pupill.* eoque jure utimur.

## TEXTUS.

## Numerus &amp; solemnitas

3. *Codicillos autem etiam plures facere potest: & nullam solemnitatem ordinationis desiderant.*

## COMMENTARIUS.

- 1 *Cur cum plura testamenta unius hominis esse non possint, plures possint esse codicilli?*
- 2 *Codicillos non esse omnino sine aliqua solemnitate ordinationis: quod tamen non pertineat ad confirmatos testamento.*
- 3 *Utrum mulier in codicillis rectè testis adhibeatur.*

**N**Otantur hic & aliæ differentiæ inter testamentum, & codicillos. Plura testamenta unius hominis esse non possunt, quamvis pluribus codicibus seu exemplis unum idemque testamentum fieri possit, *§. pen. sup. de test. ord.* Nam cum unumquodque testamentum universam successionem contineat, si novissimam testatoris voluntatem servari placet, prius semper per posterius rumpatur necesse est, *§. 2. sup. quib. mod. test. inf.* Codicillos autem plures non modo pluribus exemplis quis facere potest, sed etiam diversos & diversarum rerum, *l. 6. §. 1. b. t.* nec quicquam per posteriores de prioribus detrahitur, nisi sint contrarii, *l. 3. C. eod.*

*Nullam solemnitatem ordinationis*) Existimo, hoc è veteris alicujus Jurisconsulti commentariis sumptum, qui ante Theodosium vixit, & forte ex Marciano *d. l. 6. §. 1. hoc. tit.* Nam Theodosius quinque testes in codicillis requirit, atque ut uno eodemque tempore, hoc est, uno actionis contextu, coram iis negotium ab-



absolvatur, & si in scriptis fiant, etiam testamentum subscriptionem desiderat; *l. ultim. §. ult. C. hoc tit.* Quæ sanè declarant, codicillos nunc non omnino esse sine solemnibus & subtilitate ordinationis, *fac. l. ult. C. de fideic. §. ult. sup. de fideic. hær. & jejuna illa quorundam distinctio est inter solemnitatem ordinationis & probationis. Nam solemnitas omnis, etiam in testamento non alia de causa requiritur, quàm ut certo de voluntate defuncti constare possit. Enim verò in codicillis testamento confirmatis non puto necesse esse ea adhiberi, quæ à Theodosio præcipiuntur. Quippe quod his codicillis relictum est, perinde habetur, ac si ipso testamento relictum esset, *l. 2. §. 2. hoc tit.* ut proinde ad horum relictorum vim solemnitas testamenti sufficere debeat, *argum. l. affe 77. de hær. inst. l. 10. de cond. inst.* atque etiam secundum ipsam constitutionem Theodosii.*

3 Quæsitum est, an etiam mulier in codicillis testis adhiberi possit? vulgo placet posse, propterea quod non uti in testamento, ita in codicillis expressè prohibita est testimonium dicere. *Gloss. & DD. comm. in d. l. ultim. §. ult. C. hoc tit. Grass. §. testamentum quæst. 57. num. 4. Mynsing. Scheid. hic.* Cæterum mihi non fit verisimile, ullos actus solemnnes adhibitis mulieribus apud veteres expediri potuisse: & Theodosius non qualitate & sexu, sed numero tantum testes codicillarios à testamentariis distinguit. Revisè ad ea, quæ scripsi ad §. *testes. 6. sup. de testam. ord.* Apud nos codicilli, item ut testamenta passim confici solent coram duobus testibus & Tabulario, Jusque & nomen

testamentorum ac codicillorum fere confusum. *D. Coren. obs. rer. jud. 31. sect. pen. Grot. 2. introduct. 22. Groenevv. de legib. abrog. hic. VINN. Defendit Vinnii sententiam satis operosè V. C. Reinold. in Var. cap. 5.* Sed res clara videtur. In testamentis condendis testibus opus erat talibus, quibuscum olim fuerat testamenti factio in committis calatis, quia is actus jure vetustissimo lex erat populi suffragiis perlata, jure novo solemnitas mancipatio hæreditatis. Omnia ergo hic solemnitas. At codicilli erant epistolæ, ut supra ostendimus. Quis epistolis testes adhibet? quis in iis solemnitatem requirit? Valebat hujusmodi epistola, etiam non obsignata, dum de ejus fide constaret. *l. 89. pr. ff. de legat. 2. quia enixa voluntatis preces ac omnem successionis speciem porrectæ videbantur. l. 77. §. 23. ff. eod.* Testes ergo adhibebantur ab iis, qui nuncupativè fideicommittebant. Et ita intelligenda *l. 22. C. de fideicom. Postea etiam in scriptis codicillis intestatorum testium opus erat præsentia per l. 1. C. Theod. de test. & codicill. non solemnitatis causa, sed ut testantium successiones sine aliqua captione serventur.* Ergo non solemnitatis causa adhibendi, sed probationis causa. Nec aliud voluit Theodosius, dum in omnibus codicillis testes requisivit. *l. ult. C. h. t.* Atqui & fœminarum testimonium fidem facit in his, ubi solemnitatum deest scrupulosa observatio. *l. 20. §. 6. ff. qui test. fac. poss. l. 18. ff. de test.* Quare à testamentis ad codicillos collectio non procedit. HEIN.

## Finis Libri secundi.





Faint, mirrored text from the reverse side of the page, appearing as bleed-through. The text is largely illegible due to its orientation and fading.

Faint, illegible text centered on the page, possibly a title or a specific reference.

















